

საქართველოს სსრ მეცნიერებათა აკადემია
ივ. ჯავახიშვილის სახ. ისტორიის, არქეოლოგიისა და ეთნოგრაფიის
ინსტიტუტი

მიხეილ სამსონაძე

საქართველოს
სოციალურ-ეკონომიკური
განვითარება
XIX ს. პირველ მესამედში
(ვაჭრობა, მრეწველობა)



გამომცემლობა „მეცნიერება“
თბილისი
1980

მრავალრიცხოვანი ფაქტიური მასალის საფუძველზე ნაშრომში ნაჩვენებია სასაქონლო ურთიერთობის განვითარების სურათი და დღეს შეცხადებულ საუკუნის პირველი მესამედის საქართველოში. შესწავლილია საერთო ქართული ბაზრის ჩამოყალიბების პროცესი, ვაჭრობის განვითარების ხასიათი და ტენდენციები.

ავტორი არკვევს მრეწველობის ფორმათა თანმიმდევრულ განვითარებას განსახილველი ხანის საქართველოს ეკონომიკურ ცხოვრებაში. განსაკუთრებულ ყურადღებას უთმობს სავაჭრო კაპიტალის თანდათანობით შექრას ქვეყნის მრეწველობაში და ამის საფუძველზე მის გადაქცევას სამრეწველო კაპიტალად.

ნაშრომში განხილულია ცარიზმის ეკონომიკური პოლიტიკა საქართველოში და ამ პოლიტიკის გავლენა ქვეყნის სავაჭრო-სამრეწველო განვითარებაზე.

ავტორი შეისწავლის რა განსახილველი ხანის საერთო სოციალურ-ეკონომიკური განვითარების ხასიათს, იძლევა მის შეფასებას და მიიჩნევს მას საქართველოში ახალი კაპიტალისტური ურთიერთობის ჩამოყალიბებისა და თანდათანობით გაძლიერების ეპოქად.

რედაქტორი პროფ. გ. პ ა ი ჯ ა ძ ე

შესავალი

საქართველოს XIX საუკუნის ისტორიის მკვლევართათვის ამოსავალია ვ. ი. ლენინის ცნობილი დებულება, რომელიც მთელი კავკასიის მიმართაა გაკეთებული და რომელიც მეცნიერული სიღრმით ზუსტად მიანიშნებს საქართველოს სოციალურ-ეკონომიკური განვითარების მაგისტრალურ ხაზს აღებულ ეპოქაში: „რუსეთის მიერ მისი (ვ. ი. კავკასიის. — მ. ს.) ეკონომიური „დაპყრობა“ გაცილებით უფრო გვიან მოხდა, ვიდრე პოლიტიკური დაპყრობა...“¹ ამ ლაქონიური თეზისის მეცნიერული შინაარსის გახსნა მთელი XIX ს. საქართველოს ისტორიის მარქსისტულ-ლენინური გააზრების შესაძლებლობას იძლევა.

1783 წლის ტრაქტატი, რომლის ძალითაც ქართლ-კახეთის საწმენო რუსეთის მფარველობაში შევიდა, ორი ქვეყნის ორი ხალხის საუკუნოვანი ურთიერთობის ლოგიკური შედეგი იყო. ამ ისტორიული აქტით ცარიზმმა არა მარტო დასახა და ფაქტობრივად გადაწყვიტა ამიერკავკასიის ძირითადი პოლიტიკური ერთეულის. — ქართლ-კახეთის სამეფოს შემოერთების საკითხი, არამედ მხოლოდ ამცნო ამ რეგიონში (ამიერკავკასიაში) თავისი ერთპიროვნული ბატონობის პრეტენზიები. ამ ამოცანების განხორციელების გზაზე ქართლ-კახეთის სამეფოს გაუქმება (1801 წ.) პირველი და მთავარი ნაბიჯი იყო, მაგრამ მისი წარმატებით დაშთავრებასთვის ცარიზმს, სულ ცოტა, სამი საკითხი მანც უნდა გადაეწყვიტა: 1. ამიერკავკასიის სხვა დამოუკიდებელ თუ ნახევრად დამოკიდებულ პოლიტიკურ ერთეულებზე თავისი გავლენა მათი ფაქტობრივი შემოერთებით დაესრულებინა; 2. ირანისა და თურქეთის სახელმწიფოებთან ომებში, რომლებიც ამიერკავკასიას ოდითგანვე თავის გავლენის სფეროდ და ზოგჯერ შემადგენელ ნაწილადაც განიხილავდნენ, ამ რეგიონში თავისი ერთპიროვნული ბატონობის უფლება უნდა დაემტკიცებინა და 3. შემოერთებული რეგიონ-

¹ ვ. ი. ლენინი, თხზულებანი, ტ. 3, გვ. 703.

ნების (პოლიტიკური ერთეულების) საზოგადოება. (ადგილობრივი ელემენტი) ახალი რეჟიმის უფლებამოსილებაში, ძალაში და უპირატესობაში უნდა დაერწმუნებინა.

პირველი ამოცანის გადაწყვეტაში არსებითი როლი შეასრულა სამეგრელოს სამთავროსა და იმერეთის სამეფოს რუსეთის ქვეშევრდომობაში შესვლამ (1803—1804 წწ.), ხოლო შემდეგ იმერეთის სამეფოს გაუქმებამ (1810 წ.). ამით რუსეთმა საბოლოოდ განიტყვია მდგომარეობა დასავლეთ ამიერკავკასიაში და სხვა ქართული სამთავროების გაუქმების საკითხი უკვე ფაქტიურად შესაფერის პოლიტიკურ სიტუაციაზე და ცარიზმის სურვილზე იყო დამოკიდებული. მეორე ამოცანის გადასაწყვეტად რუსეთის ხელისუფლებას ოთხი ომის გადატანა მოუხდა (1804—1813 წწ. და 1827—1829 წწ. ირანთან და 1806—1812 და 1826—1828 წწ. თურქეთთან), რომლის მსვლელობაშიც რუსეთის მხედრობამ ადგილობრივი მოსახლეობის აქტიური მხარდაჭერითა და დახმარებით ბრწყინვალე გამარჯვებები მოიპოვა, თანმიმდევრულად გაათავისუფლა რა აზერბაიჯანისა და სომხეთის ტერიტორიები, გააუქმა ახალციხის საფაშო და საქართველოს დაუბრუნა საუკუნეების მანძილზე მისგან მოწყვეტილი ეს მეტად მნიშვნელოვანი რეგიონი.

ქართველმა ხალხმა, ისევე როგორც ამიერკავკასიის სხვა ხალხებმა, ირანისა და თურქეთის წინააღმდეგ რუსეთის ბრძოლისადმი დამოკიდებულებით, აქტიური მხარდაჭერით, ფიზიკური და ეკონომიკური მონაწილეობით საქვეყნოდ დაამტკიცა, რომ იგი უყოყმანოდ იღებდა ქართველი პოლიტიკოსების იმ ისტორიულ გადაწყვეტილებას, რომელიც ქვეყნის აღდგომისა და გამოხსნის საქმეს რუსეთის ორიენტაციას უკავშირებდა.

მეორე მხრივ, ახალი, უცხო, ხალხისათვის შეუჩვეველი რეჟიმის დამყარებამ, ცარიზმის მოხელეთა უსულგულობამ, უვიცობამ, შექრთამეობამ და ხშირად ძალადობამ, სამხედრო ბეგარამ, გადასახადების სიმძიმემ და სხვ. ქართველ მშრომელ მოსახლეობაში ანტირეჟიმიული განწყობილება გააღვივა. ეს განწყობილება ღაემთხვა და გადაეჯაჭვა ანტიფეოდალური სულისკვეთების თანდათანობით გაძლიერებას, რის შედეგადაც XIX საუკუნის პირველი მეოთხედი მშრომელი მოსახლეობის მასობრივი გამოსვლების, პროტესტებისა და აჯანყებების არსახული აზვირთებით აღინიშნა (1804 წლის მთიულეთის, 1810 წლის იმერეთის, 1812 წლის კახეთის, 1819—1820 წლის იმერეთ-გურიის აჯანყებები).

ტახტის დაკარგვისადმი შეურიგებელი ბაგრატიონთა სახლის ზოგიერთი წევრი და პოლიტიკური უფლებების დაკარგვით განაწყენებული თავადაზნაურობა მოხერხებულად სარგებლობდა მშრომელი მოსახლეობის ანტიფეოდალური და ანტირეჟიმული განწყობილებით და ცდილობდა იგი თავის სასარგებლოდ გამოეყენებინა. ამ მცდელობებიდან არაფერი გამოვიდა. ცარიზმმა აღვილად აღკვეთა ყველა ეს გამოსვლა, ხოლო 1832 წლის შეთქმულების მარცხის შემდეგ ქართველმა თავადაზნაურობამ საბოლოოდ აღმო ხელი ძველი რეჟიმის აღდგენისა და პოლიტიკური უფლებების დაბრუნების ოცნებაზე.

ამრიგად, ფაქტობრივად აღარ არსებობდა ძალა (საგარეო თუ საშინაო), რომელიც რამდენადმე რეალურად წინ აღუდგებოდა ამიერკავკასიაში ცარიზმის ბატონობას.

XIX საუკუნის პირველი მეწამედი ამიერკავკასიის რუსეთთან შეერთების ეპოქაა. ამ პერიოდში ეს მეტად მნიშვნელოვანი ისტორიული პროცესი ფაქტობრივად დასრულდა. საქართველოსათვის ამ ისტორიული აქტის ობიექტურად პროგრესული მნიშვნელობა საუკუნეების განმავლობაში დაშლილი და დაქუცმაცებული ქვეყნის გაერთიანებაში, დაკარგული ნაწილების დაბრუნებაში, შაჰმადიანური ჩამორჩენილობის გარემოცვიდან თავის დაღწევაში და ევროპული ცივილიზაციისკენ გზის გახსნაში გამოიხატებოდა.

ქართველ ხალხს პროგრესი მოუტანა არა ცარიზმის ბიუროკრატიულმა რეჟიმმა, არამედ რუს ხალხთან, რუსეთის იმპერიაში შემავალ სხვა ჩაგრულ ხალხებთან ერთ ოჯახში მოქცევამ. ცარიზმი რუსი ხალხის მტერი იყო. იგი ქართველი ხალხის მეგობარი ვერ იქნებოდა. ამიერიდან მოძმე ხალხებს შხარდამხარ უნდა ებრძოლათ საერთო მტრის — ცარისტული თვითმპყრობელობის წინააღმდეგ.

რუსეთის შეერთებამ საქართველოს შედარებით მშვიდობიანი ცხოვრება მოუტანა და შემდგომი სოციალურ-ეკონომიკური განვითარების პერსპექტივა დაუსახა.

ამგვარად XIX საუკუნის პირველ მეწამედში ცარიზმის მთელი გულისყური, ენერგია და ძალები ამიერკავკასიის და კერძოდ, საქართველოს პოლიტიკური შემოერთების დასრულებისაკენ იყო მიმართული და მისი ეკონომიკური ათვისებისათვის მას ჭერჭერობით არ ეცალა. საქართველოს სოციალურ-ეკონომიკური განვითარება ძვე-

ლი, ტრადიციული გზით მიდიოდა, იმ განსხვავებით, რომ შედარებით მშვიდობიანობის დამყარებამ და ზოგმა ღონისძიებამ, რომელიც ეკონომიკური ცხოვრების მოწესრიგებისაგან იყო მიმართული, ეს განვითარება მნიშვნელოვნად დააჩქარა, სწორედ ეს აზრია გატარებული ფ. ენგელსის შეფასებაში: «...Весь оккупированный русскими Закавказский край с Тифлисом в качестве его центра может считаться скорее самостоятельным государством, чем составной частью могущественной империи»².

ქართულ საბჭოთა ისტორიოგრაფიაში დადგენილად ითვლება, რომ საქართველოში ფეოდალიზმის ბატონობის ხანა XIX საუკუნის 60-იან წლებში მთავრდება. მაგრამ მკვლევრები ერთობ განსხვავებული აზრისანი არიან კაპიტალისტური ურთიერთობის ჩასახვისა და მისი წყობად გაფორმების (ჩამოყალიბების) საწყისი პერიოდის განსაზღვრაში და შესაბამისად ბურჟუაზიული რეფორმების გატარების შინაგანი აუცილებლობით ახსნაში. მკვლევართა ერთი ნაწილი საქართველოში კაპიტალისტური წყობის ჩამოყალიბების ეპოქად XVIII საუკუნის მეორე ნახევარს მიიჩნევს (ს. კაკაბაძე, გ. ნათაძე, აპ. როგავა, ა. ხახანაშვილი), სხვანი კი XIX საუკუნის 60-იან წლებს (ზ. ანჩაბაძე, მ. დუმბაძე, ფ. მახარაძე). მათ შორის არიან სხვაგვარი პერიოდიზაციის მომხრეებიც, რომელთაგან ყველაზე გავრცელებული და შეიძლება ითქვას აღიარებული შეხედულებით საქართველოში კაპიტალიზმის გენეზისის თვალსაზრისით ძირითადი გარდატეხის ხანა XIX საუკუნის 30-იან—60-იან წლებზე მოდის (ი. ანთელავა, დ. გოგოლაძე, პ. გუგუშვილი, ე. ორჯონიციძე, შ. ჩხეტია, ე. ხომტარია და სხვ.) XIX საუკუნის 20 — 30-იანი წლები კი საქართველოში ცარიზმის აქტიური კოლონიალური პოლიტიკის დაწყების პერიოდია. ამრიგად, ხსენებული კონცეფციის თანახმად საქართველოში ახალი, ხანის დადგომა ამ პოლიტიკის დაწყებას ემთხვევა და, გარკვეული აზრით მას უკავშირდება.

მართალია, კაპიტალისტური ტიპის შედარებით მახვილი საწარმოების გაჩენა, არსებული მასალების მიხედვით, 20-იანი წლების ბოლოდან განსაკუთრებით ხშირია, მაგრამ ისიც მართალია, რომ ამგვარი საწარმოების ძიება მის წინა პერიოდში (XIX საუკუნის პირველ მეოთხედში) სათანადო სიღრმით არ ტარდებოდა.

² К. Маркс, Ф. Энгельс, Сочинения, т. 9, М., 1957, с. 573.

შემთხვევითი არ არის ის გარემოება, რომ რიგი სპეციალური გამოკვლევებისა XIX საუკუნის პირველი მესამედის სამრეწველო განვითარების ისტორიის შესწავლის საყარად ფაქტურად არც კი აყენებენ, ხოლო ის ნაშრომები, რომლებიც ქრონოლოგიურად მთელ მე-19 საუკუნეს მოიცავენ, სოციალურ-ეკონომიკური და და ძირითადად სამრეწველო განვითარების საკითხების შესწავლას არსებითად 20—30-იანი წლებით იწყებენ³.

საკითხისადმი ამგვარი დამოკიდებულება იმან განაპირობა, რომ, როგორც მიჩნეულია, საქართველოს XIX საუკუნის პირველი მესამედი სოციალურ-ეკონომიკური განვითარების ხასიათით უფრო XVIII საუკუნეს უახლოვდება (ეკუთვნის) ვიდრე XIX საუკუნის დანარჩენ პერიოდს. ამის გამო XIX საუკუნის პირველი მესამედის ისტორიის შესწავლა ფეოდალიზმის ხანის მკვლევარების კომპეტენციაში მოექცა, ხოლო ახალი ისტორიის მკვლევართათვის ქრონოლოგიურ ჩარჩოდ XIX საუკუნის 30-იანი—90-იანი წლები იქნა დაწესებული.

ფუნქციების ამგვარმა მექანიკურმა განაწილებამ, თუმცა იგი არსებითად სწორ შეხედულებაზე იყო დამყარებული, ის უარყოფითი შედეგი გამოიღო, რომ ფეოდალიზმის ისტორიის მკვლევრები XIX საუკუნის პირველ მესამედს, სოციალურ-ეკონომიკური და განსაკუთრებით სავაჭრო სამრეწველო განვითარების თვალსაზრისით, თითქმის არ შეისწავლიდნენ, რადგან მიაჩნდათ, რომ XVIII საუკუნის ვითარებასთან შედარებით ამ ხანებში რაიმე არსებითი ხასიათის ცვლილებებს ადგილი არ ჰქონია, ხოლო კაპიტალიზმის ჩასახვა-განვითარების საკითხის შემსწავლელი მკვლევრები კი ამ პერიოდს ერთგვარად ზედაპირულად უყურებდნენ; მას ზოგადი მიმოხილვისა და შემდგომი პერიოდის საკითხების შესწავლისათვის ერთგვარი ფონის სახით თუ შეეხებოდნენ.

³ П. В. Г у г у ш в и л и, Развитие капитализма в промышленности Грузии и Закавказья XIX—XX вв., т. 1, 1957; Г. Б а к р а д з е, Возникновение и развитие капиталистической промышленности в Грузии в XIX в., Тб., 1958; Э. В. Х о ш т а р и я, Очерки социально-экономической истории Грузии, 1974; დ. გ. გ. ლ. ა. ძ. ე. კაპიტალისტური საწარმოები სოფლის მეურნეობასა და მრეწველობაში რეფორმამდე საქართველოში (1830—1864), თბ., 1959; ე. თ. რ. ღ. ნ. ი. კ. ძ. ე. ვაჭრობა და ვაჭართა ფენა რეფორმამდე ხანის საქართველოში, თბ., 1974; И. Г. А н т е л а в а, Э. А. О р д ж о н и к и д з е, Э. В. Х о ш т а р и я, К вопросу о генезисе капитализма в сельском хозяйстве и промышленности Грузии, Тб., 1967 და სხვ.

მკვლევრები, რომლებიც კი XVIII საუკუნის მეორე ნახევარის სოციალურ-ეკონომიკური განვითარების საკითხებს შეისწავლიან ერთხმად აღნიშნავენ ამ პერიოდში იმგვარი ხასიათის ფაქტებს, რომლებიც ტიპური ფეოდალური ურთიერთობისათვის უცხონი არიან. თუმცა სხვადასხვაგვარ შეფასებას აძლევენ მათ: ზოგი მიიჩნევს კაპიტალისტურა ურთიერთობის სპორადულ ელემენტებად, ზოგი ჩანასახებად, ზოგი კი უკვე ჩამოყალიბებულ კაპიტალისტურ წყობად; მაგრამ, რატომღაც, არც ერთი მკვლევარი დღემდე გულდასმით არ დაკვირვებია თუ რა ბედი ეწიათ მათ XVIII საუკუნის უშუალოდ მომდევნო პერიოდში, — XIX საუკუნის პირველ მესამედში და შესაბამისი მასალების ძიებაც საგანგებოდ არ უწარმოებიათ.

ამგვარად, განსახილველი პერიოდის ქვეყნის სავაჭრო-სამრეწველო განვითარების საკითხები არამცთუ ცალკე მონოგრაფიული შესწავლის საგანი არ გამხდარა, არამედ ზოგად გამოკვლევებშიც კი სათანადო სიღრმით არ გაშუქებულა.

ამავე დროს აღებული პერიოდი მრავალი მიზეზის გამო განსაკუთრებულ ყურადღებას იმსახურებს. საქართველოს რუსეთთან შეერთებას, როგორც ითქვა, ქვეყანაში შედარებითი მშვიდობიანობის დამყარება მოჰყვა. ქვეყნის სხვადასხვა ნაწილების ერთი მმართველობის ქვეშ გაერთიანებამ კი გაადვილა მათ შორის საქონელგაცვლისა და სხვა ეკონომიკური ურთიერთობის პროცესების მიმდინარეობა. ცარიზმის ადგილობრივი ხელისუფლების რიგმა ადმინისტრაციულმა ღონისძებებმა (სათავადოთა პოლიტიკური უფლებების, კერძო ბაჟების, ზოგიერთი შინაბაჟის გაუქმებამ და სხვ.) მნიშვნელოვნად შეუწყო ხელი ქვეყნის სოციალურ-ეკონომიკურ განვითარებას. რუსეთთან სავაჭრო ურთიერთობის არნახულმა გაფართოებამ და ამ ურთიერთობის ხასიათმა (გატანითი ვაჭრობის გაძლიერებამ) ერთობ დადებითი გავლენა იქონია ქვეყნის მრეწველობაზე და სხვ.

XIX საუკუნის პირველი მესამედის სოციალურ-ეკონომიკური განვითარების ხასიათის გულდასმით შესწავლის გარეშე ძნელია სწორად გავიგოთ და შევაფასოთ ის მოვლენები, რომლებსაც ადგილი ჰქონდა მის მომდევნო პერიოდში, უფრო მეტიც, მის გარეშე შეუძლებელია სრული და ამომწურავი შეხედულება ვიქონიოთ XVIII საუკუნის მეორე ნახევრის რიგ მოვლენებზეც. ეს სხვა გარემოებებთან ერთად იმითაც არის განპირობებული, რომ

ადგილობრივი ხელისუფლება, ცდილობდა რა გარკვეულიყო ქვეყნის ეკონომიკური ცხოვრების თავისებურებებში, გულდასმით აჯერდებოდა და შეისწავლიდა მას; იმართებოდა ცხოველი მიმოწერა, აზრთა გაზიარება და ა. შ., ხოლო რუსული ბიუროკრატიული აპარატის საქმის წარმოების ხასიათმა კი ისტორიულ მეცნიერებას ის დიდი სამსახური გაუწია, რომ მოცემული პერიოდისათვის ჩვენ ქვეყნის სოციალურ-ეკონომიკური ხასიათის ამსახველი გაცილებით მეტი და გაცილებით ძვირფასი მასალები შემოგვრჩა წინა პერიოდთან შედარებით.

ყველაფერმა ამან განსაზღვრა წინამდებარე ნაშრომის ქრონოლოგიური ჩარჩოები: — XIX საუკუნის პირველი მესამედი.

XIX საუკუნის რეფორმამდელი ხანა ფეოდალიზმის ბატონობის ეპოქაა. მაგრამ ამავე პერიოდში თავსდება ახალი კაპიტალისტური წყობის ჩამოყალიბებისა და ფორმირების პროცესი. ამგვარად ეს არის ეპოქა ორი წყობის („უკლადის“) თანაარსებობისა, — გარდამავალი ეპოქა. ამავე დროს თუ ფეოდალური წყობა ჩვენს ისტორიოგრაფიაში საკმაოდ დეტალურად და ღრმადაა შესწავლილი, როგორც აღინიშნა, კაპიტალისტური „უკლადის“ ჩასახვისა და ჩამოყალიბების საკითხში მკვლევრები ერთიანი აზრის არ არიან, რაც იმის მაჩვენებელია, რომ აღნიშნული საკითხების შესწავლა შორსაა დასრულებსაჲან. ეს, როგორც ითქვა, განსაკუთრებით შეეხება XIX საუკუნის პირველ მესამედს, რომლის მდიდარი და მნიშვნელოვანი მასალა ამ თვალაზრისით ჯერ კიდევ სათანადო სიღრმით არ არის შესწავლილი და გააზრებული.

ამის გამო, განსაზღვრული ხანის ქვეყნის სავაჭრო-სამრეწველო განვითარების სურათის აღდგენისას, წინამდებარე ნაშრომში ძირითადი აქცენტი გადატანილია კაპიტალისტური წყობის ჩამოყალიბების პროცესის დასახიათებაზე და იმ დამშლელ ზეგავლენაზე, რასაც ეს პროცესი ძველ, ფეოდალურ წყობაზე ახდენდა.

კაპიტალისტური წყობის ჩასახვა-განვითარების სურათის წარმოდგენა შეუძლებელია ვაჭრობისა და სავაჭრო კაპიტალის განვითარების საკითხების შესაბამისი დამუშავების გარეშე. სავაჭრო კაპიტალი, ფეოდალიზმის ვითარებაში კაპიტალის ერთადერთი

თავისუფალი ფორმაა, რომელსაც საშუალება აქვს მრეწველობაზე თანდათანობით ზეგავლენით სამრეწველო კაპიტალად გადაქცევისა. საქონელგაცვლის განვითარების დონე განსაზღვრავს სასაქონლო მეურნეობის ჩამოყალიბების დონეს და ხარისხს, იწვევს შინაგანი ბაზრის გაფართოებას, სასაქონლო ურთიერთობა სასაქონლო მეურნეობის განვითარების, ქვეყნის სხვადასხვა კუთხეებს შორის სამეურნეო სპეციალიზაციის ჩამოყალიბების საფუძველია. სასაქონლო მეურნეობა არსებითად კაპიტალისტური მეურნეობაა, ე. ი. განსაზღვრულ ეტაპზე კაპიტალისტურ მეურნეობად იქცევა.

ამავე დროს განსახილველი ხანის საქართველოს ვაჭრობისა და სავაჭრო კაპიტალის განვითარების საკითხები შესაბამის ლიტერატურაში სათანადოდ არ არის გაშუქებული. ამან განაპირობა განსახილველი ხანის საქართველოს ვაჭრობის განვითარების შესწავლის აუცილებლობა და, ჩვენი აზრით, ისეთი მნიშვნელოვანი საკითხების წამოწევა, როგორცაა: სავაჭრო ბურჟუაზიის ჩამოყალიბების თავისებურებები, საშინაო ვაჭრობისა და საშინაო ბაზრის გაფართოების საკითხი, ვაჭართა რაოდენობის და სავაჭრო კაპიტალის ზრდის პროლემები და სხვ.

ცნობილია, თუ რა უდიდესი მნიშვნელობა აქვს სასაქონლო მეურნეობაზე დაყრდნობილ საგარეო ვაჭრობას ქვეყნის სოციალურ-ეკონომიკურ განვითარებაში და ახალი კაპიტალისტური ურთიერთობის ჩამოყალიბებაში: მარქსის მითითებით მანუფაქტურა წარმოიშობა იქ, სადაც ხდება მასობრივი წარმოება გაზიდვის მიზნით, საგარეო ბაზრისათვის.

წინამორბედ ავტორთა ნაშრომებში საქართველოს საგარეო ვაჭრობის დანახისათებას მნიშვნელოვანი ადგილი უქირავს, მაგრამ ჩვენი აზრით სათანადო სისრულით არ არის განხილული ცალკეულ რეგიონებთან (ქვეყნებთან) საგარეო ვაჭრობის მნიშვნელობა ქვეყნის ეკონომიკისათვის, სრულიად უმართებულოდ შეუსწავლელია განსახილველი ხანის ვაჭრობა რუსეთთან, მაშინ როდესაც XVIII საუკუნის მეორე ნახევრიდან როგორც ეს ლავსებით სწორად აქვს შემჩნეული ვ. გაბაშვილს და სხვა ავტორებს, საქართველოსათვის ამ ვაჭრობის მნიშვნელობა თანდათან მატულობს და წამყვანი ხდება. რუსეთთან ვაჭრობის ცალკეული ფაქტები და რუსეთის ბაზრებზე ქართული საქონლის გატანა აღნიშნული აქვთ მკვლევარებს ვ. გამრეკელს და ე. ორჯონიკიძეს.

ჩვენ მიგვაჩნია, რომ რუსეთთან ვაჭრობამ და განსაკუთრებით რუსეთში და ჩრდილოეთ კავკასიაში ქართული ნაწარმის, განსაკუთრებით ქსოვილების, გატანამ, უაღრესად დიდი როლი შეასრულა ქვეყნის სამეურნეო განვითარებაში და მასში ახალი კაპიტალისტური წყობის ჩამოყალიბებაში.

ზემოხსენებულ ავტორთა გარდა საქართველოს ვაჭრობის საკითხების განხილვისას ჩვენ ვითვალისწინებდით: პ. გუგუშვილის, ს. კაკაბაძის, მ. ფერევიძის, კ. კუციას, შ. მესხიას, ტ. ტაკიძის, დ. კაციტაძის, ა. კიკვიძის, ა. ფანცხავასა და სხვა ავტორთა ნაშრომებს.

კ. მარქსის განმარტებით „ფეოდალური წარმოების წესიდან გადასვლა ხორციელდება ორგვარად. მწარმოებელი ხდება ვაჭარი და კაპიტალისტი... ანდა ვაჭარი, ეუფლება უშუალოდ წარმოებას“⁴. „კაპიტალის“ ავტორი შემდეგ ამ დებულებას ასე აზუსტებს: „მაშასადამე გადასვლა ხდება სამგვარად: პირველი, ვაჭარი პირდაპირ მრეწველად ჩქეცვა; ამას ადგილი აქვს ვაჭრობაზე დაფუძნებული ბელოსნობის დარგებში, განსაკუთრებით ფუფუნების საგანთა მწარმოებელ დარგებში, რომლებიც ნელმი მასალითა და მუშებითურთ ვაჭრებს შემოაქვთ უცხოეთიდან, როგორც მეთხუთმეტე საუკუნეში იტალიაში შემოქონდათ კონსტანტინოპოლიდან; მეორე, ვაჭარი თავის შუამავლებად (middlemen) ხელს წვრილ ოსტატებს, ანდა უშუალოდ ყიდულობს დამოუკიდებელი მწარმოებლებისაგან. იგი მას ნომინალურად დამოუკიდებელს ტოვებს და უცვლელად ტოვებს მისი წარმოების მეთოდს; მესამე, მრეწველი ხდება ვაჭარი და უშუალოდ აწარმოებს დიდი მასშტაბით ვაჭრობისათვის“⁵.

ქართულ საბჭოთა ისტორიოგრაფიაში მრეწველობაში კაპიტალიზმის გენეზისის საკითხები ძირითადად დასახელებული პირველი გზის („ვაჭარი პირდაპირ მრეწველად ჩქეცვა“) ან მისი სახეშეცვლილი ფორმების შესწავლის საფუძველზე განიხილებოდა. პ. გუგუშვილის, გ. ბაქრაძის, ე. ხომტარიას, დ. გოგოლაძის, ა. კოჭლავაშვილის და სხვ. ავტორთა მონოგრაფიებში აღწერილი კაპიტალისტური საწარმოები რომელთა გაჩენა 20-იანი წლების ბოლოდან მოკიდებული მთელ რეფორმადელ პერიოდშია შემჩნეული, ძირითადად სწორედ ამგვარ კატეგორიას მიეკუთვნებოდა-

⁴ კ. მარქსი, კაპიტალი, ტ. მესამე, წ. 1, თბ., 1959, გვ. 423.

⁵ კ. მარქსი, კაპიტალი, ტ. მესამე, წ. 1, თბ., 1959, გვ. 425.

ნენ. ისინი უპირატესად ვაჭრებისა და სხვა საქმოსნების მიერ ეწყობოდნენ რუსული და ევროპული მშაგავსი საწარმოების მაგალითითა და მიბაძვით, იქიდან შემოჰქონდათ მანქანა-იარაღები, და შემოჰყავდათ ოსტატები და ა. შ. ასე იყო კაპიტელას აბრეშუმსახვევ საწარმოში, ზუბაშვილის შაქრის ქარხანაში, იმერლიშვილის არყის ქარხანაში, ანდრიევსკის ტყავის ქარხანაში და ა. შ.

თვით იმ საწარმოების მნიშვნელოვანი ნაწილი, რომელიც მკვლევრებს XVIII ს. მეორე ნახევარში აქვთ შემჩნეული, ამგვარად წარმოშობილად მოსჩანან: ზარბაზნების ქარხანა რეინეგსის ინიციატივით შოეწყო, სამთომადნო ქარხნები მოწვეული ბერძნების ძალით მუშაობდნენ და სხვ.

თავისთავად რამდენად დიდი მნიშვნელობა და გავლენაც არ უნდა ჰქონდეს დასახელებული გზით წარმოშობილ კაპიტალისტურ საწარმოებს ქვეყნის საერთო განვითარების ხასიათსა და დონეზე, ეს პროცესი ქვეყნის შინაგანი სოციალურ-ეკონომიკური განვითარების შედეგად ყოველთვის შეიძლება არც კი იქნეს მიჩნეული. ისინი ბუნებრივი გზით ადგილობრივ ნიადაგზე აღმოცენებულად შეიძლება არც კი ჩაითვალოს, რადგან უცხო მაგალითზე, უცხო ძალებს შემწეობით არიან დანერგილნი, და თუ ამგვარი გზით აღმოცენებული საწარმოების გვერდით და პარალელურად არ შეიმჩნევა კაპიტალისტური საწარმოების აღმოცენების პროცესი წერტილი საჩეწების თანდათანობითი გაფართოებისა და ამ გზით უშუალო მწარმოებლის ვაჭრად და კაპიტალისტად გადაქცევისა, ან სავაჭრო კაპიტალის მიერ წარმოების თანდათანობით დაპყრობისა და ამგვარად სამრეწველო კაპიტალად გადაქცევისა, ხსენებული გზით წარმოშობილი კაპიტალისტური ბუნების საწარმოთა კანონზომიერება შეიძლება საეჭვოც კი გახდეს. ერთი სიტყვით, შეიძლება საეჭვოდ გახდეს თუ რამდენად შეესაბამებიან და ასახავენ ისინი ქვეყანაში ახალი კაპიტალისტური წყობის ჩამოყალიბებას.

ყოველივე ამის გამო წინამდებარე ნაშრომში ძირითადად განხილული და დახაზილულია სწორედ ფეოდალიზმიდან გადასვლის, ჩვენი აზრით, ძირითადი და ორგანული გზები: ერთი მხრივ, მწარმოებლის თანდათანობით გადაქცევა ვაჭრად და კაპიტალისტად, ხოლო მეორე მხრივ, ვაჭრის მიერ წარმოების თანდათანობით დაპყრობა და ამრიგად სავაჭრო კაპიტალის სამრეწველო კაპიტალად გადაქცევა. მით უმეტეს, რომ ყოველ შემთხვევაში XIX ს.

პირველ მესამედში, ახალი წყობის ჩამოყალიბების პროცესი ძირითადად სწორედ ამ ვზებით მიმდინარეობდა. რადგან განსახილველი ხანის სამრეწველო განვითარებაში უპირატესი ადგილი საფეიქრო წარმოებას ეკავა, ხოლო, ამ დარგის რევოლუციური ბუნების გამო, ახალი ურთიერთობის ელემენტები მასში განსაკუთრებით ადვილად და სწრაფად იკავავენ გზას, აღნიშნული საკითხები ძირითადად, საფეიქრო (განსაკუთრებით ბამბეულის) წარმოების განვითარების მაგალითების მიხედვით იქნება განხილული.

ცხადია, ამ პროცესების შესწავლა მოითხოვდა რიგი სხვა საკითხების დამუშავებას, ფაქტების დადგენას და ა. შ. რასაც ნაშრომში გარკვეული ადგილი ეთმობა.

ჩვენ შევეცადეთ გვეჩვენებინა განსახილველი ხანის საქართველოს სამრეწველო განვითარების საკითხების შესწავლაში დღესდღეობით არსებული ვითარება და ამ თვალსაზრისით წინამდებარე ნაშრომის ამოცანები. ამასთან ერთად ვახსენეთ ზოგიერთ ავტორთა ნაშრომები, რომლებიც ჩვენს საკვლევ ეპოქასთან და პრობლემებთან განსაკუთრებით ახლოს დგანან. უნაკლო ნაშრომი ძნელი წარმოსადგენია, წინააღმდეგ შემთხვევაში ისტორიული მეცნიერება დიდი ხანია ამოწურავდა თავის ასპარეზს. ისტორიული მეცნიერების განვითარება გულსხმობს სულ ახალახალი პრობლემების დასმას, წყაროთმცოდნეობითი საფუძვლის გაფართოებას, მეთოდოლოგიური ხერხების დახვეწას. ამდენად, თუ რომელიმე ნაშრომის ცალკეულ არასრულყოფილებაზე მივუთითებ ეს ცხადია არ ნიშნავს ამ ნაშრომთა როლისა და მნიშვნელობის უგულვებელყოფას. პირიქით, ჩვენ მიგვაჩნია, რომ თითოეული დასახელებული ნაშრომი თავისი დროის ისტორიული მეცნიერების დონის შესაფერისი იყო და მის ამაღლებას, მეტ-ნაკლებად ემსახურებოდა.

ავტორს არა აქვს პრეტენზია საკვლევე პრობლემის ისტორიოგრაფიის გაშუქებისა. ვფიქრობთ, ამგვარი სამუშაოს ჩატარება არც არის აუცილებელი, რადგან ეს საკითხები საკმაოდ სრულადაა დამუშავებული ი. კაჭარავას, ვ. გუჩუას, ე. ხოშტარიას, ნ. როდონასა და სხვ. მკვლევართა ისტორიოგრაფიულ ნაშრომებში, მაგრამ, ამავე დროს, საჭიროა აღინიშნოს, რომ წინამდებარე გამოკვლევაში აღძრული საკითხების დამუშავების, მიღებული დებულებებისა და დასკვნების ჩამოყალიბების პროცესში ავტორი ითვალისწინებდა ყველა იმ მიღწევას, რაც ქართულ ისტორიულ

და ეკონომიკურ მეცნიერებას საკვლევია და მისი მომიჯნავე პრობლემების დამუშავებაში გააჩნია. ნ. ბერძენიშვილის, ს. კაკაბაძის, გ. ნათაძის, პ. გუგუშვილის, ა. კიკვიძის, შ. ბესიას, ალ. ფირცხალაიშვილის, პ. რატიანის, ი. ანთელავას, ი. კაჭარავას, ვ. გაბაშვილის, ნ. ქოიავას, ვ. ჩანტლაძის, ა. ფანცხავას, დ. უჩანეიშვილის, ივ. სურგულაძის, გ. მარგიანის, ე. ხოშტარიას, დ. გოგოლაძის, გ. ბაქრაძის, თ. ბერიაშვილის, ვ. გუჩუას, ნ. როდონაის, გ. აკოფაშვილის, მ. ეფრემიძის, ვ. გამრეკელის და სხვა ავტორთა ნაშრომებს გათვალისწინებამ მნიშვნელოვანი როლი შეასრულა წინამდებარე გამოკვლევის სხვადასხვა საკთხებზე ავტორის შეხედულებების ჩამოყალიბებაში.

ავტორმა გაითვალისწინა რუსი და სხვა მოძვე რესპუბლიკების მეცნიერ-ისტორიკოსთა და ეკონომისტთა მიღწევები გვიანფეოდალური ხანის, კაპიტალიზმის გენეზისისა და განვითარების ისტორიის პრობლემების დამუშავებაში.

ნაშრომი მნიშვნელოვან წილად ეყრდნობა ივ. ჯავახიშვილის, ე. თაყაიშვილის, ა. ცაგარელის, ნ. ბერძენიშვილის, ი. დოლიძის, ივ. სურგულაძის, მ. ბერძენიშვილის, დ. ფურცელაძის, დ. უჩანეიშვილის, ვ. გამრეკელის, აპ. როგავას და სხვ. დოკუმენტების პუბლიკაციებს.

იგი ძირითადად დაწერილია საარქივო მასალების საფუძველზე, რომელიც უპირატესად საქართველოს ცენტრალურ სახელმწიფო ისტორიულ არქივში და სხვა არქივსაცავენშია დაცული და რომელთა დიდი ნაწილი ავტორს პირველად შემოაქვს მეცნიერულ ბრუნვაში.

ამ მასალის დამუშავებას ავტორს უადვილებდა მარქსისტული მეთოდოლოგიის მომარჯვება და მარქსიზმ-ლენინიზმის კლასიკოსთა ფუძემდებლური დებულებებისა და შითითებების გულდასმით გათვალისწინება.

I. საშინაო ვაჭრობის განვითარება

1. ვაჭრობის განვითარების ტრადიციები

საქართველოს ვაჭრობას მეტად ხანგრძლივი ისტორია აქვს. მისი დიდი ტრადიციების წარმოსადგენად საკმარისია აღინიშნოს, რომ ჯერ კიდევ X—XI საუკუნეებში საქართველოს ქალაქები და საკუთრივ ვაჭართა ფენა იმ ძალად გამოდიან, რომლებიც მნიშვნელოვან გავლენას ახდენენ ქვეყნის საშინაო და საგარეო პოლიტიკაზე. უკვე დავით აღმაშენებლის პოლიტიკა მნიშვნელოვან წილად „იყო სავაჭრო კაპიტალის პოლიტიკა (თვით დავითი ხომ ამ წრეების მიერ იყო გამეფებული)“¹. შემდგომშიც ვაჭართა ფენა ქვეყნის ცენტრალიზაციის დასაყრდენ და ფეოდალთა ცენტრადანული ნისწრაფების საწინააღმდეგო ძალად გვევლინება.

XIII საუკუნიდან მოკიდებული საქართველოს სოციალურ-ეკონომიკური განვითარების დასახული ტენდენცია მკვეთრად დამუხრუჭდა. მონღოლთა შემოსევების უარყოფითი მნიშვნელობა პირდაპირპროპორციული იყო დაპყრობილი ქვეყნების სოციალურ-ეკონომიკური და კულტურული განვითარების დონისა. ძნელია გადაჭარბებით შეფასდეს ის ფიზიკური, მატერიალური, თუ კულტურულ-პოლიტიკური გაჩანაგება, რაც ქვეყანამ განიცადა XIII—XV საუკუნეების ძნელბედობის ხანაში; როცა „საფრთხე დაუდგა აღმოსავლეთის ცივილიზაციას“, და დამოუკიდებელი არსებობა შეწყვიტეს ისეთმა კულტურულმა ქვეყნებმა როგორც იყო ბიზანტია, სომხეთი, შაქი, შირვანი. საქართველო „ველურთა ზღვაში მოქცეულ კუნძულს“² დაემსგავსა. ყველაზე მეტად დამპყრობთა შემოსევების სიმძიმე ქალაქებმა განიცადეს: დაეცა ხე-

¹ ნ. ბერძენიშვილი, საქართველოს ისტორიის საკითხები, ტ. VII, თბ., 1974, გვ. 195.

² იქვე, გვ. 239.

ლოსნობა, შეშცირდა ვაჭრობა (საბაჟოების სიმრავლე, გზების მოშლა, ხიფათი).

თითქმის სამასწლიანი ძნელბედობის მანძილზე განუზომელი ზარალის ფასად, საქართველომ მაინც მოახერხა თავისი თვითმყოფადობის შენარჩუნება და ეს იყო ერთ-ერთი მთავარი მიზეზი იმისა, რომ, თუმცა რთული პოლიტიკური ვითარება საქართველოში XVIII საუკუნემდე გაგრძელდა (ფეოდალური დაქუცმაცებულობა და ამის შედეგები, ქვეყნის სხვადასხვა ნაწილების მაჰმადიანური მეზობელი სახელმწიფოების გავლენის სფეროებში მოქცევა, ისტორიული ტერიტორიების დაკარგვა და ა. შ.) და ქვეყნის სოციალურ-ეკონომიკური განვითარება მნიშვნელოვნად შეფერხდა, რაც ხშირად სოციალური ურთიერთობის მახინჯი ფორმების წარმოქმნასაც კი იწვევდა, მაგრამ ქვეყნის საწარმოო ძალთა განვითარება არ შეწყვეტილა, რასაც მოწმობს წარმოების საშუალებათა განვითარება (სახვნელი იარაღები, მეტალურგია, ტექნიკური კულტურების გავრცელება), არქეოლოგიური და ეთნოგრაფიული მასალების მეშვეობით რომ დგინდება. ამასვე მოწმობს შრომის ტექნიკური დანაწილებას ფაქტები, რაც აშკარად დასტურდება იმ პერიოდის არა მარტო ხელოსნობაში, არამედ სოფლის მეურნეობის ცალკეულ დარგებშიც, რომლის ანარეკლი დღემდე შემორჩა ქართულ ლექსიკას (გუთნისღედა, მესხრე, მეურმე, მეზვრე და ა. შ...).

საწარმოო ძალთა განვითარება, სასაქონლო ურთიერთობის დონე, ხელსაყრელი გეოგრაფიული მდებარეობა და ამიერკავკასიის ეკონომიკური ცენტრის როლი, რომელიც საქართველომ შეინარჩუნა, განსაზღვრავდნენ ვაჭრობის განვითარების შედარებით მაღალ დონეს პოლიტიკური თვალსაზრისით ქვეყნისათვის ყველაზე მძიმე წლებშიც კი.

ამ მხრივ გადამწყვეტი მნიშვნელობა ენიჭებოდა შედარებითი მშვიდობიანი ცხოვრების გარკვეულ ხანგრძლივობას და ქვეყნის ცალკეული ცენტრების კავშირს მახლობელი აღმოსავლეთის საერთაშორისო ვაჭრობასთან. შავ ზღვაზე ოსმალეთის გაბატონების ეპოქაში ვაჭრობისა და საერთოდ საქალაქო ცხოვრების განვითარების თვალსაზრისით დასავლეთთან შედარებით მნიშვნელოვნად უფრო ხელსაყრელი პირობები იქმნებოდა ქვეყნის აღმოსავლეთ ნაწილში².

² ვ. გაბაშვილი, XVI—XVIII სს. საქართველოს ქალაქები მახლობელი

XVIII საუკუნიდან (განსაკუთრებით მეორე ნახევრიდან) საქართველოში შედარებით მყარ პოლიტიკური ვითარება დამყარდა და ამან მაშინვე იქონია გავლენა ქვეყნის სოციალურ-ეკონომიკური განვითარების ხასიათზე, რაც შრომის საზოგადოებრივი დანაწილებისა და სასაქონლო ურთიერთობის შემდგომ გაღრმავებაში გამოიხატა.

XVIII და XIX სს. დასაწყისის საბუთები ნათლად მოწმობენ, რომ საქართველოში (უმეტესად ქალაქებში) ყიდვა-გაყიდვის საგანია ყველაფერი, რაც კი შეიძლება აღამაინმა მოიხმაროს (ისეთი საგნებიც კი, როგორცაა ძეძვი შესალობად, ბარის ტარები, მწვანოილის თესლები, ლობიო, ფიჩხი, ჭანჭური, თუთა და ა. შ.) ნიშანდობლივია, რომ ყველაფერი ეს შემთხვევით კი არ იყიდება, არამედ სისტემატურად და ყველაფერი ზემოწამოთვლილი შემთხვევითი ზედმეტი პროდუქტები კი არ არის, არამედ საგანგებოდ, გასაცვლელად, ბაზრისათვის არის დამზადებული⁴, ამას არაერთი საბუთი გვიდასტურებს. XVIII საუკუნის დასაწყისის ქართული სამართლის ძეგლიდან „დასტურლამალი“-დან აშკარად ჩანს, რომ თბილისსა და მის გარეუბნებში სპეციალურად ითვისებოდა გასასყიდი ბოსტნეული და მწვანოილი, რაზედაც საგანგებო გადასახადი იყო დაწესებული: „ხოლო რომელსაც ბაღის პატრონს ამა ხარჯში გამორევა არ უნდოდეს, ის ვასასყიდელს მწვანოილს ნუ დასთესავს და ნურც ხარჯში მოუდგების. თუ დასთესოს — ნესვი, საზამთრო, კიტრი, ლობიო, ბაღრიჯანი, ნიორი, თავი ხახვი, კომბოსტო, ჭარხალი, ამ რიგი რამ დასთესოს, თავის საყოფი მწვანოილ-დასთესოს თორემ სხვას კი ნუ დასთესავს“⁵. ერთ-ერთ უფრო გვიანდელ კანონპროექტში საგანგებოდაა აღნიშნული, რომ ხელოსნები „საქმეს გამოიყვანდნენ თავიანთი მუშაობით გასასყიდლად“⁶. ეს რომ შემთხვევითი განცხადება არ არის, და მას რეალური სა-

აღმოსავლეთის სავაქრო ურთიერთობის შუქზე, კრ. ნარკვევები მახლობელი აღმოსავლეთის ქალაქების ისტორიიდან, I, თბ., 1966, გვ. 193.

⁴ ნ. ბ. ე. რ. ძ. ე. ნ. შ. ვ. ი. ლ. ი., მსალები საქართველოს ეკონომიკური ისტორიისათვის, ტ. 1, 1938; ტ. II, თბ., 1953; ივ. ჯ. ა. ვ. ა. ხ. ი. შ. ვ. ი. ლ. ი., საქართველოს ეკონომიკური ისტორიის ძეგლები, ტ. II, თბ., 1974, გვ. 138—139.

⁵ ქართული სამართლის ძეგლები, ტექსტები გამოსაცემად მოამზადა, გამოკვევები, ლექსიკონები და საძიებლები დაურთო ივ. სურგულაძემ, თბ., 1970, გვ. 546—547.

⁶ სამოქალაქო სჯულდებები, ტექსტი, საძიებელი და ლექსიკონი გამოსცა დ. ფურცელაძემ, თბ., 1966, გვ. 138.

ფუძველი ჰქონდა, აშკარად ჩანს XVIII—XIX სს. საბუთების ანალიზიდან. იმ უამრავ მასალაში, რომელიც აურაცხელ სავაჭრო გარიგებას თუ ოპერაციას შეიცავს, მეტად იშვიათად გვხვდება ხელოსნობაში საქონლის შეკვეთით დამზადების ფაქტები. ცხადია, ეს იმას არ ნიშნავს, რომ ამ ხანებში ქართულ ქალაქურ ხელოსნობაში შეკვეთით მუშაობა ისპობა. წარმოების ამ სახემ კიდევ დიდხანს შეინარჩუნა მნიშვნელობა, მაგრამ, ყოველ შენთხევევაში. ეს იმის მაჩვენებელია, რომ სასაქონლო წარმოება იჭრება და მნიშვნელოვან ადგილს იკავებს (შეიძლება წამყვანსაც) ქართულ ქალაქურ ამქრულ ხელოსნობაში, რომელიც ფეოდალური ურთიერთობის ერთ-ერთ საფუძველს წარმოადგენს.

სასაქონლო წარმოების განვითარების ერთ-ერთი მნიშვნელოვანი მასტიმულირებელია ფულადი რენტის შემოღება. სასაქონლო ურთიერთობის პირობებში ფეოდალი დაინტერესებულია შრომაში მიღებული და პროდუქტადი რენტა ფულადი რენტით შეცვალოს. მართალია, გლეხობა ამას ეწინააღმდეგება, მაგრამ საბოლოოდ ეს პროცესი მას მაინც უბიძგებს, რათა თავისი ნაწარმის სულ უფრო მეტი ნაწილი გაიტანოს ბაზარზე და ამით შინავაჭრობის განვითარებას შეუწყოს ხელი. მაგრამ როცა პროცესი პირუკუ სახეს იღებს, როცა უკვე არა ფეოდალები, არამედ გლეხები იბრძვიან ნატურით გადასახადის ფულადი გადასახადით შეცვლისათვის, რასაც განსახილველი ხანის არაერთი საბუთი მიუთითებს. აქ უკვე ექვსგარეშეა, რომ მაღალგანვითარებული სასაქონლო წარმოების არსებობასთან გვაქვს საქმე: XIX საუკუნის დასაწყისში ფულადი გადასახადებს შემოღების სურვილს გამოთქვამენ იმერეთის რიგი სოფლების ყმა გლეხები⁷, უფრო ადრე XVIII საუკუნის 80-იან წლებში იმერეთის აჯანყებული გლეხობის ძირითადი მოთხოვნა ყველა საბატონო ბეგარა გამოსაღებების ერთიანი ფულადი გადასახადით შეცვლა იყო⁸. XIX საუკუნის დასაწყისში ნატურით გადასახადის შეცვლას ფულადით ითხოვენ ქართლ-კახეთის რიგი სოფლების გლეხები⁹. საბუთების მითითებით ხშირი იყო შემთხვევები როცა გლეხები ბაზარზე ყიდულობდნენ პროდუქტებს, რათა საბატონო თუ სახელმწიფო ნატურალური ბეგარა გადაეხადათ. ცხადია, ეს გლეხები სასაქონლო წარმოებაში არიან ჩაბმულნი

⁷ სესია, ფ. 254, აღწ. 1, საქ. 805, ფურც. 123, 125, 126.

⁸ ЦГВИ. ф. ВУА, оп. 1/194, д. 416/2, л. 30.

⁹ სესია, ფ. 254, აღწ. 1, საქ. 804, ფურც. 25; 54.

და მათთვის ნატურალურა რენტის ფულადი რენტით შეცვლა არა მარტო მისაღებია, არამედ სასურველიც.

XVIII საუკუნის, მეორე ნახევარში, როგორც ითქვა, საქართველოში შედარებით სტაბილური ვითარება დამყარდა, აღმოსავლეთში ერეკლე II-ს, ხოლო დასავლეთში სოლომონ I-ის ენერგიულმა ღონისძიებებმა მართლაც მნიშვნელოვნად გააუმჯობესეს ქვეყნის მდგომარეობა, მაგრამ, ცხადია, ქვეყნის სოციალურ-ეკონომიკური განვითარების დამაბრკოლებელი გარემოებები არ მოსპობილა. საქართველოში ამ თვალსაზრისით ნორმალური ვითარება არ დამყარებულა არამცთუ XVIII, თვით XIX საუკუნის დასაწყისშიც კი. პირიქით XVIII საუკუნის მიწურულში ქვეყნის პოლიტიკური ვითარება მნიშვნელოვნად გამწვავდა.

კავკასიელ მთიელ ფეოდალთა გაუთავებელი თვადახმები და თარეშები, ტყვეთა სყიდვის ბარბაროსული პროცესი დასავლეთ საქართველოში, ქიშპი და ბრძოლა ცალკეულ ფეოდალებსა და მთავრებს შორის, მტერთა თვადახმების მუდმივი საშიშროება, მნიშვნელოვნად აბრკოლებდა ვაჭრობის განვითარებას. მაგრამ სასაქონლო შეურნეობის განვითარების პროცესი, როგორც ჩანს, იმდენად ძლიერი იყო, რომ მრავალრიცხოვანი დამაბრკოლებელი გარემოებების პირობებშიც კი სავაჭრო კავშირები ქვეყნის სხვადასხვა კუთხეებს შორის არამცთუ არ წყდებოდა, გარკვეულად კიდევ ძლიერდებოდა. აღნიშნულ საკითხზე მსჯელობა ქვევით გავგრძელებდა. აქ კი უნდა აღინიშნოს, რომ უმართებულოდ მიგვაჩინა იმ მკვლევართა შეხედულებები, რომლებიც XVIII საუკუნის საქართველოში ვაჭრობის განვითარებაში ვერაფერითა პოზიტიურ ღვრებს ვერ ხედავენ. მაგალითად, აკად. პ. გუგუშვილის აღნიშვნით „ე. წ. ახალი დროიდან“ მოყოლებული თვით XIX საუკუნემდე ამიერკავკასიაში ვაჭრობა და ბრეწველობა არამც თუ ნაკლებად ვითარდება, არამედ უფრო ხშირად, ქვეყნის საერთო პოლიტიკურ და ეკონომიკურ დაქვეითებასთან ერთად სულ ეცემა და კნინდება“¹⁰. ამ მეტად სერიოზული დებულების დასამტკიცებლად ავტორს მდიდარი და მრავალფეროვანი მასალა მოაქვს, მაგრამ ვფიქრობთ, რომ მთელი ეს მასალა მხოლოდ იმას ამტკიცებს, თუ რა მიმე პირობებში ხდებოდა საქართველოს საშინაო ბაზრის

¹⁰ დაწვრ. იხ. პ. გუგუშვილი, საქართველოსა და ამიერკავკასიის ეკონომიკური განვითარება XIX—XX სს., ტ. 1, თბ., 1949, გვ. 67—106.

ჩამოყალიბება. მაგალითად, იგი იშველიებს პ. ორბელიანის ცნობას ლექთა თარეშის შესახებ ქართლში: „შეიკრა გზები მტრისაგან, რომ მგზავრი აღარ გაატარეს, აღარც ზემო ქართლიდამ ჩამოუშვეს და აღარც ახალციხის ქვეყნიდან ქარავეანი, ამით ქალაქ ტფილისის ძვირობა შეიქნა და ხალხი დიდად შეწუხდნენ. გაბრძანდა ბატონი საქართველოს ჯარით რომელი ქალაქში ახლდნენ, მიბრძანდა დაღვა მცხეთას, შემოეყარა საერისთაოების ჯარი, და აყენა გზებზე, გაიხსნა გზები და უკუავდო მტერი, ჩავიდა ურიცხვი პური, ღვინო, თუ რაც რაფერი საზრდო, აივსო ქალაქი ყოვლითა სანოვაგითა“¹¹. ამ ცნობაში მტერთა შემოსევების შემაფერხებელი მნიშვნელობის გვერდით, განსაკუთრებით, ჩვენი აზრით სწორედ ის იქცევს ყურადღებას. რომ საქართველოს კუთხეებს შორის ეკონომიკური კავშირურობითობა იმდენად ძლიერი ჩანს, რომ მომოსვლის დროებით შეფერხებას ასეთი მძიმე შედეგები გამოუღია.

სასაქონლო მეურნეობის არ არსებობის დასადასტურებლად ავტორის გიულდენშტედტის ცნობა მოაქვს: „ყველა კომლს აქვს თავის ეზოში ვენახისა და ხილის ბაღი. სოფლად მისდევენ აგრეთვე მეაბრეშუმეობას, მეჯოგეობას, მაგრამ აწარმოებენ მხოლოდ საკუთარ მინიმალურ მოთხოვნილებათა დასაკმაყოფილებლად და საბატონო თუ სახელმწიფო გადასახადების დასაფარავად“¹². უდავოა, რომ გიულდენშტედტის საქართველოში მოგზაურობის მასალები არაერთ ძვირფას ცნობას შეიცავენ ქვეყნის იმდროინდელი სამეურნეო სურათის აღსადგენად, მაგრამ ისიც უდავოა, რომ მისი ყველა ცნობის უკრიტიკოდ მიღებამ შეიძლება შეცდომაშიც შეგვიყვანოს. იგივე ავტორი, სხვა ადგილას იმავე კახეთის სოფლის მეურნეობის დახასიათებისას აღნიშნავს (იგულისხმება კახეთის სხვა რაიონი, სხვა სოფელი): „ყველგან ბაღებში იყო ყურძენი, ბროწეული, ლეღვი და ყველა სახის ნაყოფი, რაც ევროპაშია გავრცელებული; მეაბრეშუმეობა საკმაოდ მნიშვნელოვანია. ყოველი ოჯახი წლიურად იღებს 2—4 ფუთ აბრეშუმის პარკს, ზოლო გირვანქას ყილიან 60—90 კაპიკად“¹³. აქედან კი გამოდის, რომ ოჯახების გარკვეულ ნაწილს მხოლოდ აბრეშუმის პარკის

¹¹ იხ. პ. გ უ გ უ შ ვ ი ლ ი. დასახ. ნაშრომი, გვ. 70.

¹² იქვე, გვ. 73.

¹³ გიულდენშტედტის მოგზაურობა საქართველოში, ტ. 1, თბ., 1962, გვ. 35.

გაყიდვით შეეძლო წელიწადში 144 მანეთი შემოსავალი. მიეღო, რაც საშუალო გლეხური ოჯახის მთელი წლის ბუჩქებს უდრის. ცხადია აქ „საკუთარ მინიმალურ მოთხოვნაზე დასაკმაყოფილებელ“ წარმოებაზე კი არ არის ლაპარაკი, არამედ სახეზეა აშკარა სასაქონლო წარმოება. ამ საკითხებზე ჩვენ გაკვირვებითაც შევჩივრებით ყურადღება, XIX საუკუნის პირველი მესამედის მანალებზე დაყრდნობით მათ შესაბამის პარაგრაფში უფრო დაწვრილებით განვიხილავთ, მანამდე კი უნდა აღვნიშნოთ, რომ მიუხედავად რთული პოლიტიკური ვითარებისა, მიუხედავად არაერთი დამაბრკოლებელი შიშების არსებობისა უკვე, ყოველ შემთხვევაში, XVIII საუკუნეში აშკარაა სასაქონლო ურთიერთობისა და სასაქონლო წარმოების შემდგომი განვითარების ტენდენციის არსებობა.

როგორც ითქვა ვაჭრობის განვითარების ერთ-ერთი დამაბრკოლებელი გარემოება, XVIII საუკუნეში ლეკთა თარეშების გაძლიერება იყო, მაგრამ რამდენად პარადოქსალურადაც არ უნდა მოჩანდეს ეს განცხადება, მუხედევად ამ მოვლენის დიდი სეროზულობისა და სიმძიმისა, მიუხედავად იმ უდიდესი ზარალისა, რომელსაც იგი ქართულ ეკონომიკას აყენებდა, ლეკთა თავდასხმებს არამცთუ არ შეუჩერებია საქართველოს სავაჭრო განვითარება, მას არ აღუკვეთია ქართველ ვაჭართა მიმოსვლა თვით ლეკთა სოფლებშიც კი. ამ თვალსაზრისით ყველაზე მძიმე (1784—1787) წლებშიც კი, როდესაც პორტუს უშუალო მითითებით ახალციხის საფაშო საქართველოზე ლეკთა სისტემატური და გეგმაზომიერი თავდასხმების ორგანიზატორის როლში გამოდის, როცა მთიელ ფეოდალებს საქართველოზე თავდასხმებისაკენ უბიძგებდა არა მარტო ნადავლის შოვნის ტრადიციული სურვილი, არამედ თურქეთისაგან საგანგებოდ დანიშნული სურსათი და ჯამაგირებიც კი, საქართველოს ვაჭრებს მიმოსვლა არ შეუწყვეტიათ არც ახალციხის საფაშოში და არც კავკასიის მთიანეთში. როგორც ჩანს, გარდა საგანგებო ზომებისა, რომლებსაც ვაჭართა ფენის წარმომადგენლები ამ საშიშროების თავიდან აცილებისათვის მიმართავდნენ, საერთოდ ვაჭრებს წინა აზიაში რაღაც ტრადიციით ჩამოყალიბებული იმუნიტეტიც გააჩნდათ, რის გამოც ვაჭრობა თვით მეომარ ქვეყნებს შორისაც არ წყდებოდა.

საქართველოს ვაჭართა ფენის მოქმედების ასპარეზი მეტად ვრცელი იყო. იგი მოიცავდა არა მარტო ადგილობრივ ბაზარს და მნიშვნელოვან კომერციებს აწარმოებდა კავკასიისა თუ შახლობელი აღმოსავლეთის ბაზრებზე, არამედ მეტად ღიდ საშუამავლო ვაჭრობას ეწეოდა აღმოსავლეთის მეზობელ ქვეყნებს შორისაც. ვფიქრობთ, ეს გარემოება, საშინაო ბაზრის ჩამოყალიბებისა და გაფართოების პროცესის მიმდინარეობასთან ერთად უნდა იყოს მიზეზი იმასა, რომ ქართველი ვაჭრებისათვის უცხოა საევაქრო პრივილეგიების იურიდიული (უფლებრივი) გაფორმებისათვის ბრძოლა. მოუხედევად ვაჭრობის მაღალი განვითარებისა, საქართველოში საევაქრო გილდიები არ ჩამოყალიბებულა. XVI—XVII სს. მიჯნაზე, და შეიძლება უფრო ადრეც, ქალაქის მოსახლეობაში მიმდინარე ქონებრივი დიფერენციაციის საფუძველზე გამოიყოფა შეძლებულ ვაჭართა ძლიერი ფენა, რომელიც თავისი პრივილეგიური მდგომარეობის იურიდიული გაფორმებას ესწრაფვის. ერთი მხრივ, ქალაქის მცხოვრებთა ცალკეული, განსაკუთრებით ეკონომიკურად ძლიერი და დაწინაურებული ნაწილი, რომელსაც, უეჭველია, ძირითადად ვაჭრები შეადგენენ, სხვადასხვა გზებითა და საშუალებებით ახერხებენ გაბატონებულ (პრივილეგირებულ) წოდებრივ კატეგორიებში გადასვლას და საქართველოში ჩნდება არამცთუ ვაჭარ-აზნაურთა, არამედ ვაჭართავადთა გვარებიც კი (როგორც ცნობილია, ამ პროცესს თავისი მნიშვნელობა არ დაუკარგავს მთელი XIX საუკუნის მანძილზე, რამაც შესანიშნავად პოვა ასახვა ქართულ მხატვრულ ლიტერატურაში—ლ. არდაზიანი, გ. ერისთავი, ა. ცაგარელი და სხვ.), მეორე მხრივ, რაკი ამგვარ წარმატებას მხოლოდ ერთეულები აღწევდნენ, ქალაქის ეკონომიურად ძლიერი და დაწინაურებული ნაწილი ცდილობდა გამოყოფოდა ქალაქის მცხოვრებთა მასას და თავისი იურიდიული უფლებებით პრივილეგირებულ წოდებას დაახლოვებოდა. როგორც ჩანს, მეტ-ნაკლებად იგი ამას ახერხებდა კიდევ. ვახტანგ VI სამართლით ვაჭართა ოთხი კატეგორიიდან პირველი ორი აზნაურს უთანაბრდება¹⁴.

¹⁴ ქართული სამართლის ძეგლები, ტ. I, ვახტანგ VI-ის სამართლის წიგნთა კრებული, ტექსტები გამოსცა, გამოკვლევა და ლექსიკონი დაურთო პროფ. ი. დოლოძემ. თბ., 1963, გვ. 489, მუხ. 30—33.

არსებობს საფუძველი ვივარაუდოთ, რომ იმავე ხანებში მიმდინარეობს ვაჭართა ფენის ერთიან სოციალურ ინსტიტუტად, ბურჟუაზიულ კლასად ჩამოყალიბების პროცესი, ა. ფირცხალაიშვილის დაკვირვებით. ვახტანგის სამართალში მოხსენიებული ვაჭრების ოთხ კატეგორიაში იგულისხმება არა მოქალაქეთა დაყოფა, არამედ საერთოდ სხვადასხვა ქალაქების ვაჭრები რომლებიც ფეოდალური სამართლით, მათი შეძლებისა და ღირსების მიხედვით რამდენიმე ჯგუფად იყოფოდა¹⁵. ეს დებულება, რომელიც კარგახანია გაზიარებულა ქართულ ისტორიოგრაფიაში¹⁶, მეტად მნიშვნელოვნად მოსჩანს საქმე ის არის, რომ საქართველოს ვაჭართა ფენა წოდებრივად ერთგვაროვანი არ იყო. გარდა მოქალაქეთა კატეგორიისა, ვაჭართა ფენის მნიშვნელოვან ნაწილს შეადგენდა სახელმწიფო, საეკლესიო თუ საბატონო ყმები. როგორც აღინიშნა, ვაჭართა გარკვეული ნაწილი (ცალკეული წევრები) თავადთა და აზნაურთა წოდებასაც კი ეკუთვნოდა. ნიშანდობლივი სწორედ ისაა, რომ ასეთ ვითარებაში ფეოდალური სამართალი ვაჭართა დიფერენცირებას ახდენს არა წოდებრივი, არამედ ეკონომიკური პრინციპის მიხედვით, რაც იმის მაჩვენებელია, რომ იგი ამ ფენას მათი წოდებრივი კუთვნილების მიუხედავად განიხილავს როგორც ერთიან სოციალურ ინსტიტუტს. ცხადია, ნათქვამში იმას არ ნიშნავს, რომ უკვე XVIII საუკუნის დასაწყისში ვაჭართა წოდებრივ მდგომარეობას აზრი დაკარგული ჰქონდა, მაგრამ თვით წოდებრივი კუთვნილების საქმეშიც ჩანს განმსაზღვრელი ეკონომიკური მდგომარეობა, შეძლებულობა იყო.

ჩვენს განახილველ პერიოდში (XIX ს. პირველ მესამედში) ვაჭართა უმრავლესობა ყმურ დამოკიდებულებაში იმყოფებოდა. ამ ფაქტმა მნიშვნელოვანი გავლენა იქონია რუსული ხელისუფლების საევაქრო პოლიტიკაზე საქართველოში: ადგილობრივი ხელისუფლება იძულებული შეიქნა ხელი აეღო გილდიების შემოღებაზე, რადგან გილდიაში შესვლა რუსული კანონმდებლობით მხოლოდ პირადად თავისუფალ კაცს შეეძლო. საქართველოში ამ წესის გატარება ვაჭართა ფენას მნიშვნელოვნად შეამცირებდა, რაც

¹⁵ ა. გ. ფირცხალაიშვილი, „მოქალაქეთა“ საკითხებზე, თსუ შრომები, XXXV, 1949, გვ. 172.

¹⁶ III. А. М е с х и а, Города и городской строй феодальной Грузии, Тб., 1959, с. 179.

ერთი მხრივ, ვაჭრობის დაცემას, ხოლო მეორე მხრივ, ყმა ვაჭრების მფლობელ ფეოდალთა დიდ უკმაყოფილებას გამოიწვევდა.

მასალების სიმცირე საშუალებას არ გვაძლევს თვალი გავადევნოთ ქართველ ვაჭართა ბურჟუაზიულ კლასად ჩამოყალიბების პროცესს. მაგრამ, როგორც ჩანს, უკვე XVII საუკუნეში ამ პროცესის მიმდინარეობა აშკარაა: გამოდიან რა საერთოდ ქალაქის ეცხოვრებთა (მოქალაქეთა) სახელით ქართველი ვაჭრები უკვე ამ დროს მკვეთრად უპირისპირდებიან ფეოდალურ წრეებს ქვეყნის როგორც საშინაო, ისე საგარეო პოლიტიკის კარდინალურ საკითხებში. ფარსადან გორგიჯანიძის თხზულება ამას აშკარა მოწმობაა¹⁷. უფრო გვიან იგივე პროცესი აშკარად შეინიშნება, იესე ბარათაშვილის „ცხოვრება ანდერძში“¹⁸.

XVII—XVIII საუკუნეებში იზრდებოდა ვაჭართა ფენების გავლენა ქალაქების წვრილ ვაჭრულ-ხელოსნურ მასებზე. ისინი მარჯვედ სარგებლობდნენ მოქალაქეთა გარეგნული ერთიანობით, რომლის საფუძველი, ერთი მხრივ ქართველ ფეოდალთა აღზევებული მდგომარეობა, ხოლო მეორე მხრივ ქალაქის ეკვიდრთა ერთმორწმუნეობა იყო¹⁹ და ხშირად ახარხებდნენ თავისი ინტერესების შეაბამისად წარემართათ ქალაქის მცხოვრებთა დბალო ფენების კლასობრივი ბრძოლა. 1638 წელს როსტომ მეფემ მსხვილი ფეოდალის ნოდარ ციციშვილის აჯანყება თბილისის მცხოვრებთა სასწრაფოდ შეკრებილი ლაშქრის დახმარებით ჩაახშო. ს. კაკაბაძე თვლის, რომ ამ დახმარების საპასუხოდ 1639 წელს გამოიცა განჩინება ციხას კართან ბაჟის აღების მოწესრიგების შესახებ, რომელიც მიზნად ისახავდა იქ არსებული თვითნებობისა და უსამართლობის აღკვეთას²⁰ და რომელიც აშკარაა პირველ რიგში, სწორედ ვაჭართა ფენის ინტერესებს შეესაბამებოდა. 1669 წელს ვაჭრული ზედაფენის წარმომადგენლებმა მოამზადეს ქალაქის სომხური მოსახლეობის დიდი გამოსვლა კათოლიკე მისიონე-

¹⁷ როსტომ მეფის ცხოვრება: გადმოწერილი საქართველოს ისტორიიდან გორგიჯანიძის მიერ თხზულისა, საქართველოს ცხოვრება, თბ., 1913, გვ. 301.

¹⁸ იესე ბარათაშვილის ცხოვრება ანდერძი, თბ., 1950.

¹⁹ ვ. გაბაშვილი, თბილისის მოქალაქეთა კლასობრივი და პოლიტიკური მისწრაფებები XVI—XVIII საუკუნეებში, ნაკვეთები მახლობელი აღმოსავლეთის ქალაქების ისტორიიდან, II, თბ., 1970, გვ. 162.

²⁰ С. К а к а б а д з е, Крестьянский вопрос и крестьянские движения в Восточной Грузии в XVIII в., История классовой борьбы в Закавказье, Тб., 1930, с. 156.

რების წინააღმდეგ, რომელთა მოღვაწეობა სწორედ ვაჭართა ეკონომიურ ინტერესებს ეწინააღმდეგებოდა²¹. 1722 წელს ვახტანგ VI „ერთგულად და თავდადებით ნამსახურ მოქალაქეთ“ აძლევს წყალობის წიგნს, რომლის ძალითაც მოქალაქის უმემკვიდროდ ამოვარდნის შემთხვევაში, მისი ქონება ამიერიდან შეიძლებოდა მის შორეულ ნათესავს მიეღო²². უდავოა, რომ ამგვარი პრივილეგიის მიღებით უპირველეს ყოვლისა, მოქალაქეთა ზედაფენა, მისი ვაჭრული ნაწილი იქნებოდა დაინტერესებული. ეკვი არ არის, რომ ამ დოკუმენტის მიღებას წინ ვაჭართა ფენის ხანგრძლივი კლასობრივი ბრძოლა უსწრებდა, მაგრამ ნიშანდობლივია, რომ მეფის წყალობა უშუალოდ გამოიწვია მოქალაქეთა მეფის ლაშქარში აქტიურმა მონაწილეობამ, რაშიც წამყვანი როლი სწორედ მოქალაქეთა ქვედაფენის ხელოსნურ ნაწილს უნდა შეესრულებინა და ა. შ.

ცენტრალური ხელისუფლება სათავადოების წინააღმდეგ ბრძოლაში სხვათა შორის ქალაქური მოსახლეობის ზედა ფენასაც ეყრდნობოდა. ფეოდალიზმის ბატონობის პირობებში ვაჭრები იყო ერთადერთი კლასი, რომელიც თავისუფალ ფულად კაპიტალს ფლობდა. ეკონომიური ძლიერების საფუძველზე იზრდებოდა ვაჭრული ფენების გავლენა ქვეყნის მართვა-გამგეობაზე. არაერთი დიდვაჭარი XVIII საუკუნეში და ალბათ უფრო ადრეც მეტად ხშირად გამოდის საჰეფო ოჯახის და თვით სახელმწიფოს კრედიტორებად, ამის საფუძველზე ვაჭართა ფენის წარმომადგენლები ბევრ მნიშვნელოვან სახელმწიფო თანამდებობებს იკავებენ და შესამჩნევ როლს ასრულებდნენ ქვეყნის საგარეო პოლიტიკის განსაზღვრაში. ქვეყნის მესვეურებს კარგად ესმოდათ ვაჭრობის განვითარების მნიშვნელობა, ქალაქური ზედაფენების როლი ქვეყნის ცენტრალიზაციისათვის ბრძოლაში და ზრუნავდნენ მათი ინტერესების დაცვისათვის. მაგრამ ფეოდალურ სახელმწიფოში გაბატონებული ძალა ფეოდალური იყო, ამიტომ ვაჭრულ ზედაფენებს ისეთი ღონისძიებები როგორცაა შინაურ თუ გარეშე ფეოდალთა თვითნებობის წინააღმდეგ გამოსარჩლება, ზრუნვა მიმოსვლის მოწესრიგებისათვის, ბაჟების საკითხის მოგვარებისათვის და სხვა,

²¹ შ. შ ე ს ი ა, დასახ. ნაშრომი, 235—236; ვ. ვ ა ბ ა შ ვ ი ლ ი, დასახ. ნაშრომი, გვ. 174—175.

²² შ. შ ე ს ი ა, დასახ. ნაშრომი, გვ. 315; ვ. ვ ა ბ ა შ ვ ი ლ ი, დასახ. ნაშრომი, გვ. 176.

რომელსაც ქართული ფეოდალური სამეფო ხელისუფლება ახორციელებდა აღარ აკმაყოფილებდა. მათ უკვე არა თავადაზნაურული, არამედ თავისი ვაჭრულ-ბურჟუაზიული მეფე სჭირდებოდათ, რომელიც უზრუნველყოფდა მათ პირად თავისუფლებას, ქონებას ხელშეუხებლობას, აღკვეთდა ფეოდალთა წოდებრივ ბატონობას, უზრუნველყოფდა მათთვის პროტექციონისტულ რეჟიმს და ა. შ. არსებობს მინიშნება, რომ ამ მიმართულებით მათ გარკვეული ნაბიჯები უკვე XVII საუკუნეში გადადგეს: ირანის შაჰის მიერ გორჯასპი კახაბრის შვილის კახეთის ჯანიშინად დანიშვნა სწორედ ამ წრეების მეცადინეობის შედეგი უნდა ყოფილიყო. ყოველ შემთხვევაში ამ საქმეში აშკარა იყო ფარსადან გორგიჯანიძის მნიშვნელოვანი წვლილი²³. ფარსადანი კი გორელი მოქალაქე და საერთოდ ვაჭრული წრეებს წარმომადგენელი და მათი იდეოლოგიის მატარებელი იყო. უფრო გვიან, XVIII ს. დამლევს დიდვაჭართა წარმომადგენლებს, რომლებიც ერეკლე II-ის პოლიტიკით უკმაყოფილონი იყვნენ, სუსტი და დაპყრობილი გიორგი ბატონიშვილის ტახტზე აყვანა უცდიათ: „... ადგნენ ეს ორნი (მისკარბაში იოსები, ბასტამაშვილი სტეფანე.—მ. ს.) და მივიდნენ გიორგი ბატონიშვილის კარზედ და თავის ამხანაგებით შევიდნენ ბატონიშვილთან და დასხდნენ. ხანი გამოვიდა და ბასტამაშვილმა თქვა: გვიბატონეთო ამ დალუპულთაო, დიამც მამა შენმა არ მოგვიარა. და ასე დაგვლუპა, შენ მაინც მოგვიარეო. თუ მამაშენს ჩვენი თავი სდომოდა, კარგად მოგვივილიდა და არ დაგვლუპავდაო“²⁴ და ა. შ.

ყველა ეს ცდა უშედეგოდ დამთავრდა. ბურჟუაზიული ელემენტებს კლასობრივი ბრძოლის აქტიურ ფორმებს საქართველოში ნიადაგი არ ჰქონია. ამის მთავარი მიზეზი ვაჭართა შემადგენლობის სიჭრელე უნდა ყოფილიყო. წამყვანი ადგილი მათში სომხებს (ეროვნებით. თუ რელიგიით სომხებს) ეჭირათ. ფეოდალური ზედაფენა უკვე XVII საუკუნეში აშკარად მტრულად იყო განწყობილი სომხური ელემენტისადმი. ეს ფაქტი ჯერ კიდევ შარდენმა შეამჩნია²⁵. ეკონომიკური ხასიათის ანტაგონიზმთან ერთად სავაჭრო კაპიტალს წარმომადგენელთა კლასობრივი ინტერესების ჩამოყალიბება და ბრძოლა მისი ცხოვრებაში გატარებისათვის იყო იმის მთავარი მიზეზი, რომ ქართული ფეოდალური ზედაფენა

²³ საქართველოს ცხოვრება, ტფ., 1913, გვ. 347.

²⁴ საქართველოს სიძველენი, ტ. III, ტფ., 1910, № 138, გვ. 107.

²⁵ С. К а к а б а д з е, დასახ. ნაშრომი, გვ. 157.

სომხური ბურჟუაზიისადმი შეუპოვებელ მტრობას იჩენდა. ამის გამო ახლად წარმოქმნილი ბურჟუაზიის ბრძოლა ფეოდალური შეზღუდულობის წინააღმდეგ ეროვნულ სამოსელში ეხვეოდა. ქართული ფეოდალური ზედაფენისა და სომხური ვაჭრული ელემენტის დაპირისპირებამ აჩაჩათ ისტორიულ ფაქტში იჩინა თავი: ქართლის ტახტის მენეჯერის ლუარსაბის მკვლელობაში ერთმანეთს დაუპირისპირდნენ სიანოშ ბარათაშვილი და ბაინდურ თუმანიშვილი. ქართველები პირველს უჭერდნენ მხარს სომხები მეორეს; ამ ამბის რომთხრობი ფარსადან გორგიჯანიძე, რომელიც როგორც ითქვა ქალაქური ზედაფენების წარმომადგენელი იყო თუმანიშვილისადმი თავის სიმამათიებს ვერ მალავდა და სინანულით აღნიშნავდა: „ქართლში ქართველნი მრავალნი და ძლიერნი არიან და სომეხნი ცოტანი და უღონონი და მათგან ამ რიგის საქმის თქმაც ძნელაა. თორა და ქნა: და ქართველთ უნდოდა ეს სისხლი სომეხთზედ დაეტეხა, ამისთვის უღონონი იქმნეს სომეხნი...“²⁶ და სხვა... როგორც ჩანს იმ დროს კახეთში ძალთა შეფარდება სხვაგვარი იყო, ამიტომ ვაჭრულმა (ბურჟუაზიულმა) ელემენტებმა ადვილად მოახერხეს თავის კანდიდატის გორჯასპი კახაბრისშვილის ჩანიშინად დასმა. მაგრამ მოწინააღმდეგეს არ უძინა. ახლად დანიშნულ ჩანიშინზე ზელი აღმართა. მართალია, ავტორი არაფერს ამბობს თუ რა სოციალური ძალები იდგა ჩანიშინის მკვლელობის მცდელობის უკან მაგრამ თხრობიდან აშკარად ჩანს თუ რა ექვემდებარეობდა მას: „კახთ თავიანთ წესი გააზღეს, ზოგთ გორჯასპი უნდოდა, ზოგთ არ უნდოდა, აიშალნეს და გორჯასპის თოფი ჰკრეს, ვერ მოკლეს და სარდართან მოვიდნენ და განჯის ხანი ბატონად ითხოვეს...“²⁷ და სხვ.

მართალია, როგორც ზევით ითქვა, სამეფო ხელისუფლება მნიშვნელოვან ანგარიშს უწევდა მოქალაქეებსა და მის ვაჭრულ ზედაფენას, მაგრამ ამას კვეყნის არსებული კანონ-წესების ფარგლებში აკეთებდა. ფეოდალურ საწინფოში მეფეც, მიუხედავად მისი პროგრესული მისწრაფებისა ფეოდალი იყო და უპირველეს ყოვლისა ფეოდალთა ინტერესების გამომწახველი. შარდენი შენიშნავს, რომ საქართველოში (იგიულისხმება ქალაქებში) სომხები „ისე მრავლად არიან, რომ ქართველებსაც კი სწარბობენ. ამასთანავე ისინი ყველაზე მდიდრები არიან, მაგრამ პატა-

²⁶ საქართველოს ცხოვრება, გვ. 326.

²⁷ იქვე, გვ. 348.

რა ადგილები და დაბალი თანამდებობები უკავიათ, ქართველები უფრო უფლებამოსილნი... არიან²⁸.

ჩანს ვაჭრულ ზედაფენას, რომელნიც უპირატესად სომხური ელემენტისაგან შედგებოდა, ქრსებული ანტაგონისტური დამოკიდებულების ვითარებაში, კარგად ესმოდა, რომ ქართულ ფეოდალურ სახელმწიფოში ცხინი წამყვან პოზიციას, რასაც ესწრაფვოდნენ, ვერ დაიკავებდნენ, ამიტომ ისინი მთელ იმედებს გარეშე ძალებზე ამყარებდნენ და იმ ძალებს უჭერდნენ მხარს, რომლებიც მეტ-ნაკლებად ქართული ეროვნული ფრონტის შესუსტებას ესწრაფვოდნენ; თუ ქართველი მეფის წინაშე მათ ქართველ ფეოდალებთან გათანაბრების გზა თითქმის მოკრილი ჰქონდათ ირანელი მპრძანებლებია თუ რუსი იმპერატორის წინაშე თანაბარ მდგომარეობას მოელოდნენ. ვაჭრულ-ეკონომიკური ინტერესების პარალელურად, როგორც ჩანს ეს მომენტიც გარკვეულ როლს ასრულებდა იმ ფაქტში, რომ ქალაქური ზედაფენა XV—XVI საუკუნეში ირანის ორიენტაციას უჭერდა მხარს²⁹: მარტყოფში გამარჯვებული გიორგი სააკაძის ლაშქარი თბილისის ციხეს შემოადგა, თბილისელი მოქალაქეები (ალბათ მათი ზედაფენა) ციხეში გამოკეტულ მტერს ეხმარებოდა. სპარსოფილი როსტომისა და ქართველობის დროშით გამოსული თეიმურაზის ბრძოლაში მოქალაქეთა ზედაფენა როსტომს ემხრობოდა.

ის გარემოება, რომ XVIII საუკუნის ბევრი ავტორი ჭოქალაქეთა ზედაფენის წარმომადგენლებს ქართული ეროვნული ინტერესების ღალატში აღნაშაულებდა, თუ, ერთი მხრივ, ტრადიციული ანტაგონისტური დამოკიდებულების გამოხატულება იყო, მეორე მხრივ, როგორც ჩანს ამგვარი შეხედულების არსებობას ვაჭრული ზედაფენების კლასობრივი ინტერესებიც ასაზრდოებდა. როგორც ჩანს, ვაჭრული წრეების პოზიცია კარგად იყო ცნობილი გარეშე ძალებისათვის. ამით უნდა იყვეს განპირობებული მათი ერთგვარად მამებლური დამოკიდებულება ამ წრეებისადმი. ამ თვალსაზრისით მეტად მნიშვნელოვნად მოსჩანს ის ცნობა, რომ შაჰ აბასი თბილისის საქალაქო ცხოვრების მოწყობაზე ზრუნავდა³⁰.

²⁸ ე ა ნ შ ა რ დ ე ნ ი ს მ ო გ ზ ა უ რ ო ბ ა სპარსეთსა და აღმოსავლეთის სხვა ქვეყნებში, თბ., 1975, გვ. 298.

²⁹ ვ. გაბაშვილი მიიჩნევს, რომ ერთადერთი ფაქტორი ვაჭრული ინტერესები იყო. თუმცა თავის უფლებრივი მდგომარეობის განმტკიცების მიზნით უცხო ძალის გამოყენების შესაძლებლობასაც უშეებს, იხ. დასახ. ნაშრომი, გვ. 168—169.

³⁰ ვ. გაბაშვილი, დასახ. ნაშრომი, გვ. 168.

ქვეყნის ვაჭრული ფენების განწყობილება, ჩანს, ქარგად იყო ცნობილი რუსეთის პოლიტიკის შეაფუქრათათვისაც. ისინი ვაჭართა სახით საქართველოში თავისი პოლიტიკის ერთ-ერთ დასაყრდენს ხედავდნენ და არც უსაფუძვლოდ. ამით უნდა იყოს განპირობებული ის, რომ 1783 წლის ტრაქტატში სპეციალური მუხლი იქნა შეტანილი, რომლითაც საქართველოს ვაჭრები უფლებრივად რუსეთის იმპერიაში რუს ვაჭრებს უტოლდებოდნენ³¹.

ზევით აღნიშნული იყო ანტაგონისტური დამოკიდებულება ვაჭართა კლასსა და ქართველ ფეოდალთა შორის. სულიად ლოგიკურია, რომ ვაჭრები პოპულარობით და სიმპათიებით ვერც მოსახლეობის დაბალ ფენებში ისარგებლებდნენ. განსახილველი ხანის არაერთი სავაჭრო-სამრეწველო პუნქტის აღწერაში ვხვდებით მითითებას იმის შესახებ, რომ ქართველები მუშაობენ, ამზადებენ პროდუქციას, სომხები კი ვაჭრობენ, მიაქვთ მათი ნაწარმი სხვადასხვა სავაჭრო ცენტრებში და ა. შ. ერთი სიტყვით, ეწევიან მათ ექსპლუატაციას, რომ (ამის საფუძველზე) ქართველები ღარიბები არიან, სომხები მდიდრები და სხვა, რამაც გააღვივა ერთგვარი ნაციონალისტური გრძობები, ანტისომხური ნაციონალიზმი. მართალია, ვაჭართა რიგებს ბევრი მართლმადიდებელი თუ კათოლიკე ქართველიც ავსებდა, თვით სომხური წარმოშობის ბურჟუაზიის მნიშვნელოვანი ნაწილი განსახილველ პერიოდში თითქმის გაქართველებული იყო³², მაგრამ როგორც ჩანს, ეს საქმეს არ შველოდა. შემთხვევითი არ არის ის ამბავი, რომ ქართველებს ტერმინი — სომეხ-ვაჭრის სინონიმად ესმოდათ. ასეთ ვითარებაში ვაჭრულ ბურჟუაზიას თავის კლასობრივი ინტერესების დაცვისათვის ბრძოლაში არ შეეძლო ხალხის მეტ-ნაკლებად ფართო მასების მხარდაჭერის იმედი ჰქონოდა. იგი ამ მასებს მოწყვეტილი იყო. უფრო მეტიც, ხშირად იგი მას უპირისპირდებოდა. ამ თვალსაზრისით შეტად საგულისხმოდ მოსჩანს ის ფაქტი, რომ ანტიფეოდალურ და ანტირეჟიმულ მოძრაობებში, რომელიც ასე ხშირი იყო გასული საუკუნის დასაწყისის საქართველოში, სომხური, ვაჭრული, ელემენტები მთავრობის მხარეს იყო და ანტიდემოკრატიულ პოზიციებზე იდგა.

³¹ ქართული სამეფო-სამთავროების საგარეო პოლიტიკის ისტორიიდან, 1, თბ., 1970, გვ. 201.

³² სომხური ვაჭრულ-ხელოსნური მოსახლეობის გაქართველების პროცესი აღნიშნული აქვს ე. კუციას, ნარკვევები მახლობელი აღმოსავლეთის ქალაქების ისტორიიდან, თბ., 1970, გვ. 219.

ამ პირობებში, ცხადია ვაჭართა მხრივ კლასობრივი ბრძოლის აქტიურ ფორმებზე ლაპარაკიც კი ზედმეტი იყო. ვაჭართა კლასი თავისი ინტერესების დაცვისათვის შედარებით რბილ, უწყინარ ფორმებს მიმართავდა (თხოვნები, საჩივრები, ქვეყნიდან გადასახლების მუქარა და ზოგჯერ ამ მუქარის აღსრულება). „ახლა ამ შენის ქვეყნის გაფუჭებას მოვუვლა(ვ)რთ და 'ამართ(ა)ლთ(ა)ნ ვჩაუთ... ანისთვის თქვენს უმაღლესობას ბევრჯელ უბრძანებია: „მე თქვენი მოვლის ვალი მაქვს და თქვენი სამსახურისა“³³. წერენ გორელი ქეთხუდები ერეკლე II-ს თავიანთ საჩივარში და ამ განცხადებაში ერთგვარია პრეტენზიაც გამოსქვივის—თუ ჩვენი მოვლა იცისრე კიდევ მოგვიარეო. და იქვე ამელავენებენ იმ იდეალს, რომელსაც თავისი ვაჭრული კლასობრივი ინტერესების თვალსაზრისით ესწრაფვიან: პიროვნების დაცვა, ქონების დაცვა და ა. შ.: „ჩვენო მოწყალევე, დაქირებულა კაცი ღმერთს შესცოლამს, მოხსენებნისათვის ნუ გაგვიწყრებით. პეტრე დიდს ერთმა ბაყალმა სამს ქერამზედა უჩივლა“³⁴.

XVIII ს. მეორე ნახევარში საქართველოს ვაჭართა წრეებში გავრცელდა გადასახლების პროცესი. ვაჭრები ძირითადად რუსეთის ახლომახლო სავაჭრო ცენტრებში ყიზლარში, მოზდოკსა და ასტრახანში სახლდებოდნენ. ამ პროცესს კლასობრივი ბრძოლის ხასიათთან ერთად ვაჭართა ეკონომიკური ინტერესებიც განაპირობებდა. რუსეთის სხვადასხვა პუნქტებში გადასახლებული ვაჭრები იღებდნენ რა რუსეთის მოქალაქეობას, უცხოეთის ბაზრებზე და ფანსაკუთრებით ირანში, რომელთანაც ისინი ძველთაგანვე ნჭიდროდ იყვნენ დაკავშირებულნი, რუსი ვაჭრების თანაბარი პრივილეგიებითა და შეღავათებით სარგებლობდნენ. ეს პროცესი ქართული ხელისუფლების მეტად სერიოზულ შეშფოთებას იწვევდა და ისინი არაერთ ღონისძიებას ახორციელებდნენ მის აღსაკვეთად. დამახასიათებელია, რომ საქართველოს რუსეთთან შეერთების შემდგომ ხანებში, როდესაც საქართველოში შედარებით უკეთესი პირობები შეიქმნა ვაჭრობის განვითარებისათვის, ეს პროცესი არამცთუ შეწყდა, მან პირუტყუ ხასიათი მიიღო. XVIII

³³ ივ. ჯავახიშვილი, საქართველოს ეკონომიური ისტორიის ძეგლები (XIII—XIX სს.) II, თბ., 1974, გვ. 144.

³⁴ იქვე.

საუკუნეში გადასახლებული ვაჭრები, თუ მათი შთამომავლები, მსაობრივად ბრუნდებოდნენ საქართველოში.

ამრიგად: XVI—XVII საუკუნეების მიჯნაზე საქართველოში უკლებლივ ექვართა, ფენა, რომელიც თავისი ძლიერი ეკონომიკური მდგომარეობის შესაბამისად უფლებრივი პრვილეგიების მიღწევასათვის იბრძოდა და მის იურიდიულ გაფორმებას ესწრაფეოდა. საქართველოს ექვართა, ბურჟუაზიულ კლასად ჩამოყალიბების პროცესი შეინიშნება უკვე XVII საუკუნეში, როცა ისინი გამოდიან რა ქალაქის მცხოვრებთა სახელით აშკარად უპირისპირდებიან ფეოდალურ ზედაფენებს. XVIII საუკუნის დასაწყისისათვის ქართული სამართალი ექვართა ფენას განიხილავს როგორც ერთიან სოციალურ ინსტიტუტს, მას ცალკე კატეგორიებად ყოფს არა წოდებრივი კუთვნილებას, არამედ ეკონომიკური მდგომარეობის მიხედვით, რაც მათი ფაქტობრივად ცალკე კლასად ჩამოყალიბების აღიარება უნდა იყოს. ამგვარი შეხედულება XIX ს. დასაწყისში რუსულმა ადგილობრივმა ხელისუფლებამაც დაადასტურა. ექვართა ეროვნული სიჭრელე და ქვეყნის მძიმე პოლიტიკური მდგომარეობა XVII—XVIII სს. მანძილზე იყო იმის მიზეზი, რომ მათი კლასობრივი ინტერესები ხშირად არ ემთხვეოდა ქართულ ეროვნულ ინტერესებს, ამის გამო ვაჭრები ზოგჯერ უპირისპირდებოდნენ არა მარტო ფეოდალურ ზედაფენას, არამედ ქვეყნის პროგრესულ ძალებსაც. ამის გამო მათი კლასობრივი ინტერესების დაცვისათვის აქტიურ ბრძოლას ნიჰილიზმი გამოცლილი ჰქონდა და მხოლოდ პასიური ფორმებით კმაყოფილდებოდნენ.

3. ადგილობრივი ბაზრის გაფართოება, ეროვნული ბაზრის ჩამოყალიბების დასაწყისი

შრომის საზოგადოებრივი დანაწილების არსებული დონე და ექვართა კლასის ჩამოყალიბების პროცესის მიმდინარეობა, პირობებს ქმნიდა ქვეყანაში ერთიანი ეროვნული ბაზრის ფორმირების დაწყებისათვის: „შრომის დანაწილებს უახლოეს გაფართოებას წარმოადგენდა წარმოებისა და აღებ-მოცემობის გათავშლა... — აღნიშნავდნენ კ. მარქსი და ფ. ენგელსი და აკენიდნენ — ამით შეიქ-

³⁵ კ. მარქსი, და ფ. ენგელსი, გერმანული იდეოლოგიიდან, თბ., 1948, გვ. 64.

მნა შესაძლებლობა სავაჭრო კავშირისა, რომელიც უახლესი ოლქის საზღვრებს სცილდებოდა³⁵... ეს პროცესი რომელიც არსებითია წარმოების ფეოდალური წესის რღვევისა და ახალი წარმოებითი ურთიერთობის ჩასახვის თვალსაზრისით, დასაბამს საშინაო ვაჭრობაში სავაჭრო კაპიტალის ჩარევით იღებს. საქმე იმაშია, რომ თავდაპირველად სავაჭრო კაპიტალი მხოლოდ საგარეო ვაჭრობის სფეროში მოქმედებდა: „სავაჭრო კაპიტალს, — აღნიშნავს ფ. ენგელსი — დასაწყისში მაინც, თავისი მოგების მიღება შეეძლო მხოლოდ უცხოური მყიდველებისაგან, რომელნიც ქვეყნის შიგნით დამზადებულ პროდუქტებს ყიდულობდნენ, ანდა თანამემამულე მყიდველებისაგან, რომელნიც უცხოურ პროდუქტებს ყიდულობდნენ“³⁶. ხოლო შინა ბაზარზე „გაცვლა წარმოებს უშუალოდ ვაჭრის მონაწილეობის გარეშე, ბაზრის დღეებში ქალაქად, სადაც გლეხი თავის პროდუქტებს ყიდის და საჭირო საგნებს ყიდულობს“³⁷. ამრიგად მარტივი საქონელწარმოების დროს, რომელიც დამახასიათებელია წარმოების ფეოდალური წესისათვის, საშინაო ბაზარი ჯერ კიდევ უშუალო მწარმოებელთა გამგებლობაშია. ამ ბაზრის სიმცირე განაპირობებს მცირე გასაღების შესაძლებლობას. ყოველგვარი სასაქონლო წარმოება შესაბამის გაცვლას გულისხმობს, ამდენად სასაქონლო წარმოების გაფართოება თანდათანობით იწვევს შესაბამისი ბაზრის გაფართოებასაც. მაგრამ სასაქონლო მეურნეობის განვითარება იწვევს მარტივი საქონელწარმოების კაპიტალისტურ საქონელწარმოებად გადაქცევას; „სასაქონლო მეურნეობა კაპიტალისტური მეურნეობაა, — ამბობს ვ. ი. ლენინი და იქვე აზუსტებს, — ე. ი. აუცილებლად კაპიტალისტურად იქცევა განვითარების განსაზღვრულ საფეხურზე“³⁸. ამრიგად, თუ მარტივი სასაქონლო წარმოება ვიწრო ადგილობრივ ბაზარს სჯერდება, კაპიტალისტური სასაქონლო წარმოება წარმოუდგენელია ფართო ბაზრის გარეშე. ბაზრის გაფართოება კაპიტალისტური წარმოების განვითარებას შეესაბამება და ეს ორი პროცესი ურთიერთგანმაპირობებელია; ვ. ი. ლენინის განმარტებით — „ბაზარი არის კატე-

³⁵ ფ. ენგელსი, კაპიტალის მესამე ტომის დამატებანი; კ. მარქსი, კაპიტალი წიგნი მესამე, ნაწ. მეორე, თბ., 1959, გვ. 553.

³⁷ იქვე, გვ. 546.

³⁸ ვ. ი. ლენინი, თხზ., ტ. 1, გვ. 243.

გორია სასაქონლო მეურნეობისა, რომელიც თავის განვითარებისას კაპიტალისტურ მეურნეობად იქცევა და მხოლოდ ამ მეურნეობის დროს მოიპოვებს სრულ ბატონობას და საყოველთაო გავრცელებას“³⁹. ამავე დროს საშინაო ბაზრის გაფართოება თანდათანობით ართულებს გაცვლის ოპერაციებში უშუალო მწარმოებლის მონაწილეობის შესაძლებლობას და საქმეში სპეციალისტი ვაჭარი მწარმოებლების ჩარევის (ან გაჩენის) აუცილებლობას იწვევს: „სასაქონლო წარმოებას უმნიშვნელო განვითარების დროს წვრილი მწარმოებელი იმას სჯერდება, რომ თავის ნაწარმს ასაღებს პატარა ადგილობრივ ბაზარზე, ზოგჯერ — უშუალოდ მომხმარებელზეც კი. ეს არის სასაქონლო წარმოების განვითარების დაბალი სტადია, რომელიც მხოლოდ იწყებს ხელოსნობიდან გამოყოფას. რაც უფრო ფართოვდება ბაზარი, მით უფრო შეუძლებელი ხდება ასეთი წვრილი დაქსაქსული გასაღება... დიდ ბაზარზე გასაღება დიდი მასობრივი უნდა იყოს. და აი, წარმოების წვრილი ხასიათი შეურიგებელ წინააღმდეგობაში ვარდება მსხვილ საბითუმო გასაღებას აუცილებლობასთან. არსებულ საზოგადოებრივ სამეურნეო პირობებში... ამ წინააღმდეგობიდან სხვა გამოსავალი არ იყო, გარდა იმისა, რომ შეძლებული უძციარესობის წარმომადგენლებმა ხელთ იგდეს გასაღება, მოახდინეს მისი კონცენტრაცია“⁴⁰.

საშინაო ბაზარზე (მის გაფართოების საფუძველზე) სავაჭრო კაპიტალის გაბატონება, თანდათანობით წარმოებაზე მისი გავლენის გაძლიერებას იწვევს. მარქსი და ენგელსი აღნიშნავენ, რომ: „განსაკუთრებული კლასის ხელში აღებ-მიცემობის ჩამოყალიბებასთან და ვაჭრების წყალობით ქალაქის უახლესი მიდამოების ფარგლებს იქით ვაჭრობის გაფართოებასთან ერთად ჩნდება მაშინვე ურთიერთქმედობაც წარმოებასა და აღებ-მიცემობას შორის“⁴¹. ეს ურთიერთქმედობა კი იმით მთავრდება, რომ სავაჭრო კაპიტალი თანდათან იპყრობს წარმოებას და სამრეწველო კაპიტალად იქცევა. ვ. ი. ლენინის მითითებით, „ბაზრისათვის მომუშავე წვრილ წარმოებასა და სავაჭრო კაპიტალის ბატონობას შორის აუცილებელი მიზეზობრივი კავშირი არსებობს“⁴². მაშასადამე,

³⁹ ვ. ი. ლენინი, თხზ., ტ. 3, გვ. 21.

⁴⁰ ვ. ი. ლენინი, თხზ., ტ. 3, გვ. 420.

⁴¹ კ. მარქსი, ფ. ენგელსი, ვერმანული იდეოლოგიიდან, თბ., 1948, გვ. 64.

⁴² ვ. ი. ლენინი, თხზ., ტ. 3, გვ. 421.

საქონლო მეურნეობის განვითარება იწვევს საშინაო ბაზრის განვითარებას და ამის საფუძველზე კაპიტალისტურ მეურნეობად იქცევა. მთელი ამ პროცესის ამოავალი კი საშინაო ბაზრის საქონელგაცვლაში სავაჭრო კაპიტალის ჩარევა და თანდათანობით გაზატონებაა. ეს აზრი ფ. ენგელსთან შემდეგნაირადაა ჩამოყალიბებული: „აქამდე ჩვენ არ გვიღაპარაკნია ვაჭარზე. ჩვენ შეგვეძლო უყურადღებოდ დაგვეტოვებინა მისი ჩარევა ამ პუნქტამდე, როცა ჩვენ გადავღვივართ მარტივი საქონელწარმოების გადაქცევაზე კაპიტალისტურ საქონელწარმოებად. ვაჭარი იყო რევოლუციური ელემენტი ამ საზოგადოებაში, სადაც უწინ ყველაფერი სტაბილური იყო. ასე ვთქვათ, მემკვიდრეობის გამო... და აი ამ სამყაროში შექრა ვაჭარი, რომელიც მისი გადატრიალების ამოსავალი პუნქტი უნდა გამხდარიყო, მაგრამ იგი მოქმედებდა არა როგორც შეგნებულა რევოლუციონერი, არამედ პირიქით, როგორც ამ სამყაროს სისხლი სისხლთაგანი და ხორცი ხორცთაგანი“⁴³.

ამრიგად, ვაჭარი არის ის რევოლუციური ელემენტი, რომელიც ერთი მხრივ ცალკეულ ვაჭრო ადგილობრივ ბაზრებს თანდათანობით თავს უყრის და აერთიანებს ერთ მთლიან ეროვნულ ბაზრად, მეორე მხრივ აკავშირებს რა საქონელგაცვლას საქონელწარმოებასთან, ამ უკანასკნელს კაპიტალისტურ წარმოებად აქცევს.

წინამდებარე ნაშრომის შესაბამის თავში ჩვენ შევეცდებით ვაჩვენოთ, თუ როგორ მიმდინარეობდა ეს პროცესი დამამუშავებელი წარმოების საქონელგაცვლასა და სასაქონლო მეურნეობაში. ამჟერად კი დავკმაყოფილდებით საშინაო ვაჭრობაში სავაჭრო კაპიტალის ჩარევის ფაქტის აღნიშვნით და ამ პროცესის სასოფლო-სამეურნეო პროდუქტებით ვაჭრობის მაგალითების საფუძველზე დახასიათებით.

ჩვენს მიზანს არ შეადგენს იმის დადგენა თუ როდის იწყება საქართველოში ერთიანი ქართული საშინაო ბაზრის ჩამოყალიბება. აღინიშნავთ მხოლოდ, რომ ნ. ბერძენიშვილი ჯერ კიდევ XII—XIII საუკუნეების საქართველოს სოციალურ-ეკონომიკურ განვითარებაში ისეთ მოვლენებს შენიშნავს, რომლის საფუძველზეც ქვეყანაში გვიანფეოდალური ხანის დადგომას ვარაუდობს. აღინიშნავს რა შრომის საზოგადოებრივი დანაწილების მაღალ დონეს, შრომის გეოგრაფიული დანაწილების მკვეთრ ნიშნებს, სავაჭ-

⁴³ ფ. ენგელსი, კაპიტალის შესამე ტომის დამატებანი, კაპიტალი, წიგნი მესამე, ნაწ. მეორე, გვ. 548—549.

რო-სამრეწველ რ დაბა ქალაქების მომრავლებას, პრივილეგიებუ-
ლი ფენებს ჩაბმას სავაჭრო საქმიანობაში, კლასობრივი და შინა-
კლასობრივი ბრძოლის განწვევებას, აეტორი ასკვნის: „ყველაფე-
რი ეს მოწმობაა იმისა, რომ საზოგადოებრივი ურთიერთობა მა-
ღალ საფეხურზე შემდგარა, რომ ახალი ურთიერთობისათვის ნია-
დაგი შემზადებულია, რომ ფეოდალური ურთიერთობის წიაღში
წარმოშობილა და განვითარებულა ურთიერთობა, რომელიც დაშ-
ლის და გადააშენებს ამ ურთიერთობას, რომ ესაა გვიანფეოდალუ-
რი ხანა“⁴⁴, ცხადია ყველაფერი ეს ერთიანი ქართული ბაზრის
ჩამოყალიბების მოწმობაა, მაგრამ სამწუხაროდ, ამ აჩსებთად
პიპოტეზურად გამოთქმულმა მოსაზრებამ მონოგრაფიული დასა-
ბუთება ჭერ კიდევ ვერ პოვა. უამისოდ კი ასეთ დიდი და ყოვლის-
მომცველი პრობლემის შესახებ საბოლოო შეხედულების ჩამოყა-
ლიბება შეუძლებელია⁴⁵. ასეა თუ ისე, საქართველოში შემდგომ
პერიოდში შექმნილი ვითარება არ იძლევა იმის საფუძველს, რომ
ყოველ შემთხვევაში XV—XVI სს-მდე ამ მიმართულებით რაიმე
პოზიტიური ძვრები ვიჯარაუდოთ, უფრო მეტიც ამ ხანებში შტკ-
ცევიტი პროცესიც არ უნდა იყვეს გამორიცხული.

თუ ჩვენ მივიღებთ, რომ ერთიანი ეროვნული ბაზრის ჩამო-
ყალიბება საშინაო საქონელგაცვლაში სავაჭრო კაპიტალის ჩარე-
ვით იწყება⁴⁶, სრული საფუძველი გვაქვს ეს პროცესი XVIII სა-
უკუნის ყოველ შემთხვევაში პირველ მეოთხედში დაწყებულად
მივიჩნიოთ⁴⁷. ამ პერიოდის საბუთებში მოიხსენიებიან სპეციალისტი

⁴⁴ ნ. ბ. ბ. ე. ნ. ი. შ. ე. ი. ლ. დასახ. ნაშრომი, გვ. 118.

⁴⁵ შ. მესხია მეტად საყურადღებო მონოგრაფიაში «Города и городской строй феодальной Грузии» (Тб., 1959 г.), ქართული საშინაო ბაზრის შესახებ აღ-
ნიშნავს: «Феодальные города Грузии активно участвовали как во внутренней,
так и во внешней торговле. Характерно, что по документам XI—XIII вв.
все продукты потребления являлись здесь объектом купли и продажи и об-
рабатывались на внутреннем рынке. Мართალია აეტორი არაფერს ამბობს იმის შესა-
ხებ თუ რა საშინაო ბაზარზეა აქ ლაპარაკი, მაგრამ ის ფაქტი, რომ აეტორი XI-დან
XIII საუკუნებს ერთ სიბრტყეში განიხილავს იმას უნდა ნიშნავდეს, რომ მას ძირი-
თლად ეიწრო ადგილობრივი ბაზრები აქვს მხედველობაში. გვ. 66.

⁴⁶ В. Н. Яковецкий и И. Купеческий капитал в феодально-крепост-
нической России, М., 1953, с. 15.

⁴⁷ სწორედ ეს ეპოქა აქვს მხედველობაში პროფ. შ. მესხიას, როდესაც აღნიშნავს:
«Историческая роль купеческого капитала в городах Грузии заключалась
в том, что он способствовал разложению феодально-натурального хозяйства,
расширял товарооборот, создавал связь между местными рынками и района-

ვაჭრები, რომლებიც ქალაქებში სოფლის მეურნეობის პროდუქტებით ვაჭრობენ. ამ დროისათვის სხვადასხვა სახის პროდუქტებით ვაჭრობა ცალკე სპეციალობას შეადგენს და ისინი სხვადასხვა ტერმინით მოიხსენიებიან, მაგალითად, „ალაფები“ სპეციალდებიან მარცვლეულით, ფქვილითა და შემით ვაჭრობაში, „სირაჯები“ არყითა და ღვინით ვაჭრობაში, „ბაყლები“ წვრილმანი საკვები პროდუქტებით ვაჭრობაში და ა. შ.⁴⁸

XVIII საუკუნის სინამდვილს ამსახველი ძეგლის, „სამოქალაქო სჯულდების“ ავტორს ქალაქებში საკვები პროდუქტების სიძვირის მიზეზად ვაჭრობაში სავაჭრო კაპიტალის ჩარევა მიაჩნდა. ამიტომ იგი კატეგორიულად მიუთითებდა: „მოურავის მოვალე(ო)ბაა, რომე, როგორც აქომამდე ურიგოება იყო და ყოველთვის სიძვირობა ჩამოვარდებოდა ხორაგისა, ამ მიზეზებითა რომე ზოგი წინ მიეგებებოდა, იქვე გზაზედ იყილდა, არ იკითხამდა სიძვირესა და სიაფესა, როგორც შეხედებოდა, იყილდა და იმგვარათ გაჰყიდდა, ზოგნი რაც წაშს ხორაგი შემოვიდოდა ქალაქსა შინა, იმწამსვე დაეხვეოდნენ, ალაფები ანუ სხვანი, ერთიანად, როგორც ყოფილყო, იყილ(დ)ნენ, ურმიდგან ანუ საპალნოდგან ჩამოუხდელი, და არ დააცილდნენ, რომე მოსახლეთ იყილონ თავიანთის სახლისათვის და სხვა“⁴⁹. პროექტი ქალაქის მოურავს ავალუბს ქალაქში ამგვარი ვაჭრობა აღკვეთოს, ამასთან სხვა საგანგებო ღონისძიებების გატარებასაც (ყერძოდ, საკვები პროდუქტების ბითუმად ვაჭრობის შეზღუდვას) მიიჩნევს საჭიროდ: „ვინც ვინმემ ანუ ქართლით ანუ კახეთით და ანუ სხვაგნით ურმით ხორაგი მოიტანოს, სამ დღემდე არ შეუძლია, რომე ერთიანად გაჰყიდოს ანუ ალაფზედ, ანუ სხვაზედ; უნდა წვრილად ხალხზედ, ანუ მოსახლეებზედ, გაჰყიდოს.

ми и этни содействовал созданию в стране единого рынка; еще более связывающая между собой различные области Грузии», დასახ. ნაშრომი, გვ. 139.

⁴⁸ XIX ს. ავტორი ი. შახუბატოვი აღნიშნავს: «...продавцы муки, ячменя, състных для поста припасов, гречихи орехов ..., и ранних овощей называются просоли или алапи. Все эти вещи покупая гуртом продают в рознь с барышом. Тем торгом занимаются купцы называемые бакалы; но особенный предмет их торговли дыни и арбузы...» (ე. კეკელიძის სახ. ქართულ ხელნაწერთა ინსტიტუტი, ფ. Ros d 110, გვ. 4).

⁴⁹ სამოქალაქო სჯულდებობა, ტექსტი ლექსიკონი და სძიებლები გამოსცა დ. ფურცელაძემ, თბ., 1966, გვ. 101.

იმრიგად ალაფმან ანუ სხვა ვინმემ ვერ შეიძლოს ერთიანად ყიდვა და სხვა⁵⁰. პროექტის ავტორი განასხვავებს, რომელთაც ჩამოაქვთ ურმით, და იმათ, რომელთაც ჩამოაქვთ საპალნით ან მხრით და ამ უკანასკნელთათვის უფრო რბილ ზომებს აწესებს: „ვინც ვინმემ ანუ საპალნით, ანუ ზურგით ვინმემ ხორაგი მოიტანოს დილაზედ, შვადღემდისინ წვრილად გაჰყიდოს და შვადღეს უკან შეუძლია ერთიანად გაყიდვისა. იმრიგად მყიდველს შეუძლია ყიდვა.

და თუ შვადღეს უკან მოიტანონ ხორაგი, მეორეს დღის შვადღემდე წვრილად უნდა გაჰყიდონ, ანუ ერთიანად მოსახლეზედ, რომელსაც თავისთვის უნდა და სხვა⁵¹. ცხადია, საპალნითა და უმეტესად მხრით ქალაქში საქონელს უპირატესად უშუალო მწარმოებელი (გლეხი) შემოიტანდა, ხოლო დიდი რაოდენობით საქონელი (ურმით, შეიძლება არაერთი ურემი) ვაჭარს მოჰქონდა. ვფიქრობთ, ხსენებული განსხვავება სწორედ ამაზე უნდა მიუთითებდეს.

სოლომონ II-ის მიერ დაწესებული ფასების ნიხრში ვაჭარი და უშუალო მწარმოებელი განსხვავებულადაა წარმოდგენილი. კანონი მათთვის გასაყიდი საქონლის განსხვავებულ ფასებს აწესებს: „ერბო ჩარეკი სოფლის კაცისაგან ორ ღებათ და ვაჭრისაგან ყურუშათ⁵².

ზემოთ მოტანილ ამონაწერში იმ ვაჭრებზეა ლაპარაკი, რომლებიც ძირითადად ადგილზე მოღვაწეობდნენ, ბითუმად ყიდულობდნენ შემოტანილ საქონელს. მაგრამ საქართველოში მეტად საგულისხმო იყო ისეთი ვაჭრების ოდენობა, რომლებიც მოსაშუალოებას ეწეოდნენ ქალაქსა და სოფელს შორის. ერთ-ერთი ასეთი ვაჭარი იყო, მაგალითად, ყაზარა არუთინოვი, რომელიც 1812 წელს თბილისში ყიდულობს ფარჩას, მიაქვს ქართლის სოფლებში, იქ ყიდის; სამაგიეროდ იქვე ყიდულობს პურს, რათა თბილისში ჩამოიტანოს და გაყიდოს⁵³.

XIX საუკუნის დასაწყისში შინაავტრობაში სავაჭრო კაპიტალის ინტენსიური ჩაბმის პროცესი ჩქარდება. ცალკე სპეციალო-

⁵⁰ სამოქალაქო სჯულცილება, ტექსტი, ლექსიკონი და საძიებლები გამოსცა დ. ფურცელაძემ, თბ., 1966, გვ. 101.

⁵¹ სამოქალაქო სჯულცილება, გვ. 101—102.

⁵² ნ. ბერძენიშვილი, მასალები საქართველოს ეკონომიური ისტორიისათვის, წ. 1, თბ., 1938, გვ. 262.

⁵³ სცსია, ფ. 2, აღწ. 1, საქმე 327, ფურც. 315.

ბეზად ყალბდება შინაეპრობის სულ სხვადასხვა დარგები. გამოყოფა ცხენებით მოვაჭრენი, რქოსანი საქონლით მოვაჭრენი, დაკლული საქონლით მოვაჭრენი, მებაყლეები, ფქვილით ვაჭრები, პურით ვაჭრები, ცალკე ჩანს საკვები პროდუქტებით ვაჭრები, სოფლად მოვაჭრეები, ხილით ვაჭრები და ა. შ. 20-იან წლებში კამერალურ აღწერებში ჩნდება სრულიად ახალი კატეგორია ვაჭრებასა — „ქართული საქონელით ვაჭრები“⁵⁴, ყველაფერი ეს მიუთითებს, რომ ვაჭრობაში მიმდინარეობს შრომის დანაწილების მეტად ინტენსიური პროცესი, რაც საერთოდ ვაჭრობის მაღალი დონის მანიფესტებელია. ვაჭრობის სპეციალიზაცია მიმდინარეობს როგორც დარგობრივი, ისე ტერიტორიული ნიშნის მიხედვით.

სოფლის მეურნეობის პროდუქტებით აღებმიცემობა სავაჭრო კაპიტალმა მთლიანად ვერ დაიპყრო არამცთუ განსახილველი პერიოდში, არამედ უფრო გვიანაც. დამზუშავებელი წარმოების (მრეწველობის) საქონელგაცვლაში კი სავაჭრო კაპიტალის შეჭრის პროცესი გაცილებით შორს მიდის. აქ იგი რიგ დარგებში (ვთქვათ, ქსოვა და მასთან დაკავშირებული დარგები) მთლიანად ბატონდება, ყოველ შემთხვევაში, მანამ სანამ მისი (სავაჭრო კაპიტალის) ინტერესები ამას მოითხოვს. მიუხედავად ამისა, საკვები პროდუქტებით ვაჭრობის ზოგიერთ დარგში სავაჭრო კაპიტალს უკვე XVIII საუკუნის დასაწყისისათვის მიუღწევია იმ დონისათვის, როცა იგი გასაღებიდან უკვე თვით წარმოებაში იწყებს ჩარევას და ამდენად სავაჭრო კაპიტალის სამრეწველო კაპიტალად გადაქცევას ნიშნებს ამქაღვნებს. აღნიშნული პროცესის საილუსტრაციოდ მეტად საინტერესოდ მოჩანს „დასტურლამალის“ ის მუხლი, რომელიც არყხანისა და ქურჭლის იჯარას ეხება: „არყხანისა და ქურჭლების იჯარა, ხან ოცდაათობმეტად და ხან მეტ-ნაკლებად იქნების ხოლმე. ვინც იჯარად აღებს, იმს მეტი კაცი ველარც იყიდის და ველარც გაჰყიდის. სოფლის არაყს იყიდის ლიტრას სამ ბისტად. მერმე ღუათაზად, გამოზღის და ლიტრას ექვს შაურად გაჰყიდის. ამის რუსუმი აღების“⁵⁵... და სხვ.

მოტანილ ამონაწერში არყით ვაჭრობის პრივილეგიაზეა საუბარი. როგორც ზემოთ აღვნიშნეთ, ვაჭრობის პრივილეგიები იჯარას შესყიდვის ქართული წესის ერთ-ერთი ძირითადი ნაწილი იყო. ეს წესი დამახასიათებელი იყო გვიანდრობის ქართული

⁵⁴ სესია, ფ. 354, აღწ. 1, საქ. 540.

⁵⁵ ქართული სამართლის ძეგლები, გვ. 539.

ეკონომიკისათვის XIX საუკუნის რეფორმამდელ ხანაშიც. იგი გულისხმობდა როგორც ცალკეული საქონლის გაყიდვისა და ზოგჯერ დამზადების, ასევე ვაჭრობის პრივილეგიებს, ქვეყნის ცალკეულ რაიონებასა თუ პუნქტებში⁵⁶.

ქვემო ქართლის სოფლების მებატონე ორბელიანები XIX ს-ის რეფორმამდელ ხანაში დიდხანს ინარჩუნებდნენ მათ კუთვნილ სოფლებში საკვები პროდუქტებით ვაჭრობის პრივილეგიის იჭარით გაცემის უფლებას. 1829 წელს კოდის სამღებრო და ვაჭრობის პრივილეგია მათ პოჩიკაშვილს და მის ამხანაგებს მიჰყიდეს. 1831 წელს ამავე იჭარის შემსყიდველებად მოჩანან იგივე პოჩიკაშვილი, არეშოვი, ჩიტიაშვილი და სხვ. იჭარა კომპანიას 80 თუმნად შეუტენია წელიწადში. მებატონესა და შემსყიდველებს შორის დადებულ კონტრაქტში აღნიშნულია, რომ „ყოველ იანვარს უნდა გეაძლიოთ ოთხმოცი თუმანი თუნდა ერთი დუქანი გააღვეთ და თუნდა ორი ტრახტირი გააკეთოთ ჩვენ ვერას დაგიშლით და არც არავის ფორმაში გავაყიდინოთ რამე; ვინიცობა არის თუ ფორმაში ბრძანება იყოს ტრახტირისა არავის გავაკეთებინოთ; თუ არა თქვენს გარდა ვერავინ ვერ გაალოს იქ დუქანი და ვერცარა სახლებში ჭაპყიდოს ვინმე რამე, თუ არ თაფიანთი ვენახის შემოსავალი და ვისმეს შეამჩნიოთ ქალაქიდან წაიღოს ღვინო და ცაყიდოს იმსაღ კანონისაგებ გარდახდეს...“⁵⁷ შემდეგ საბუთში ლაპარაკია, რომ კოდაში შემოაქვთ ღვინო, ზეთი, ერბო, ლობიო და სხვა საკვები პროდუქტები⁵⁸.

როგორც ვხედავთ, ქართული საბატონო სოფელი მოცემულ ხანაში ცხოველი აღებმციემობის ადგილია და, რაც მთავარია, სასაქონლო წარმოების საფუძველზე აქ გაცვლა ხდება არა მარტო ზელოხსნურ და სასოფლო-სამეურნეო პროდუქტთა შორის, არამედ თვით სოფლის მეურნეობის სხვადასხვა სახის და სხვადასხვა წარმოშობის პროდუქტთა შორისაც.

XVIII საუკუნის მეორე ნახევრისა და XIX საუკუნის დასაწყისის მაძალეებში გვხვდება საეკლესიო სოფლებში ვაჭრობის პრივილეგიის აღმნიშვნელი ტერმინი „ნოგანი“. ერთ საეკლესიო სა-

⁵⁶ მართალია, XIX ს-ის დასაწყისიდან არცის გამოხდის იჭარა გაუქმებული ჩანს, სამაგიეროდ სახეზეა საპნის იჭარა, საპნის გაყიდვისა და დამზადების პრივილეგია, თამბაქოს იჭარა, თამბაქოს გადამუშავებისა და ვაჭრობის პრივილეგია და ა. შ.

⁵⁷ სცსია, ფ. 2, საქმე 439, ფურც. 241.

⁵⁸ იქვე, ფურც. 242.

ბუთში, რომელიც 1822 წლითაა დათარიღებული, აღნიშნულია, რომ სოფელ ყვარელში ძველთაგანვე არსებობს მოსაყრეფი „მოვაჭრეებისაგან, რომელიც სანოგნოდ იწოდება. ასე, ვაჭარმა იქ უნდა ივაჭროს 4 თვის განმავლობაში ივნისიდან სექტემბრის გასვლამდე. ამ მოსაყრეფით უკვე 100 წელზე მეტია ეკლესია სარგებლობს. მისი შემოსავლის ორი ნაწილი ეკუთვნის ეკლესიას ერთი კი მემამულე თავად ჰავკვაძეებს“⁵⁹. იმავე საქმეში დაცული სხვა საბუთით განმარტებულია „... სოფლის ყვარლის სანოგნო ძველთაგანვე მეფეთაგან არის შეწირული... და მოკრეფაცა ამ ნოგნოსა დიწყება ივნისის თვის პირველიდამ, სექტემბრის თვის გასვლამდე, რადგან ამ ოთხს თვეში იყიდება ყოველთვის ახალი აბრეშუმი, ამ წესით რომელ, ამ იჯარის ამღებთ გარდა, სხვანი ვაჭარნი ვერაინ შემოვლენ ამ ხსენებულ სოფელსა შინა ვერცა მსყიდველად და ვერცა გამსყიდველად და შემდგომ ოთხის ამის თვისა, ყოველნი ვაჭარნი თავაშუფალნი არიან, რომ იარონ ამა სოფელსა შინა და არ დაეშალოთ ვაჭრობა“⁶⁰.

მოტანილი მასალიდან აშკარად ჩანს, რომ სოფელი სავაჭრო კაპიტალის აქტიური მოქმედების ასპარეზია. ვაჭრები გაბატონებულნი არიან სოფლის მეურნეობის პროდუქციის გაცვლაში. ამავე საბუთიდან შეიმჩნევა შრომის ტერიტორიული დანაწილების მაღალი განვითარებაც. ამ სოფელში ძირითადი სასაქონლო პროდუქცია აბრეშუმი. როგორც ირკვევა სავაჭრო კაპიტალი უშუალო კავშირს ამყარებს არა ცალკეულ პირებთან, არამედ სოფლის მთელ საზოგადოებასთან, საქონელმწარმოებელთა მასასთან, რომელს სხვადასხვა ფენის წარმომადგენლები ერთნაირად არიან დაინტერესებული ამ ვაჭრობით და სავაჭრო კაპიტალის გავლენას და ექსპლუატაციის გაძლიერებას ერთობლივი ღონისძიებით, ერთიანი ფასების დადგენით უწინააღმდეგეობიან: „ქ—კს უპბ, ივლისს ივ, კვირას დღეს შილდას თავადთა მოხელეთა და გლეხთან მენოგნეების სავაჭრო ასე გარიგდა: ქ. ხამი—ოთხბაზ უზალთუნი. ქ. საპერანგე—ოთხი აბაზი. ქ. საკაბე—6 აბაზი, წითელი ლაინი—ხუთი აბაზი, მდარე შილა—აბაზი, ხოის ჩითი—ორი აბაზი ადლი, ადლის ჩითი—აბაზი; დოლბანდის ერთი თავი—სამი აბაზი. ადლი განის ხელსახოცი ჩითისა—ათი შაური, ტყვია. სტილი—შაურნახევარი; წამალი სტილი—აბაზი; მარილი ლიტრა—სამი შა-

⁵⁹ სესია, ფ. 489, საქ. 1359, ფურც. 71.

⁶⁰ იქვე, ფურც. 17.

ურის⁶¹. როგორც ვხედავთ სოფლის საზოგადოება აწესებს როგორც: გასაყიდი, ისე შესაძენი საქონლის ნიხრს. ვაჭრობის პრივილეგიისათვის გამოსაღებს კი ეკლესია და მებატონე ინაწილებს: „ამის გამოსაღები თორმეტი თუმანი არის. ამ თავადებთან და სოფელთან ეს პირობა გამოგვიერთმეგია ნახევარი ამათია და ნახევარი ნეკრესელისა არის“⁶².

როგორც ითქვა, მონოპოლიის ვაღა 4 თვეს შეადგენდა. წლის დანარჩენი პერიოდის განმავლობაში ვაჭრობა თავისუფალი იყო. ამის საფუძველზე დასტურდება უშუალო შწარმოებელთაგან თანდათანობით ვაჭარი შემსყიდველების გაჩენის ტენდენცია: „ქ. ივნიხის კბ, ქ—კს უპდ, კვირას დღეს შილდას ჩვენ, ერთობით ნეკრესელმა და თავადებმა, ნობელეებმა და სოფელმა, ეს პირობის წიგნი დავდევით და დავსწერეთ. შარშანს წინ ქ—კს უპბ მენოგნეთ ისხდნენ სვიმონა, ანტონა, მიკირტუმა და პეპანა. ახლა ამ წლის თარიღში ჩვენ ერთობით ეს პირობა გამოვართვით, რომ რადგან მენოგნეთ აღარ დასხდნენ, ამათ აქ შილდაში აღარა ივაჭრონ რა, აღარც იყიდონ და აღარც არა გააკიდონ. არც მთილამა და არც ბარილამა. ამათს გარდა ვინც ფეიქრები არიან გრიგოლამა თუ სხვამ, ან მთილამ ან ბარილამ ივაჭრეს რამე, სალამათს იმას გამოვართმევთ ათორმეტს თუმანსა. ამეროსი“⁶³.

როგორც ირკვევა ვაჭრობის მონოპოლია სხვადასხვა ფორმით კახეთის ყველა საეკლესიო სოფელში არსებობდა. არის ამგვარი მონოპოლიის არსებობის ცნობები ალავერღში, ხაშმში და ა. შ. მაგალითად, ხაშმში ვაჭრობის პრივილეგია ღებვის პრივილეგიასთან ერთად გაიციემოდა და მისი საიჯარო ფასი XIX ს. დასაწყისში 200—300 მან. შეადგენდა. ვაჭრობის პრივილეგია საშლებროსთან ერთად გაიციემოდა ქვეყნის მთიან რაიონებში, თიანეთში, ღუშეთში⁶⁴ და ა. შ. ვაჭრობის პრივილეგიის არსებული წესი მნიშვნელოვნად აფერხებდა საშინაო ბაზრის ჩამოყალიბების პროცესს. სავაჭრო კაპიტალის წარმომადგენლები მას აშკარად თუ ფარულად სასტიკად ეწინააღმდეგებოდნენ. განსახილველი ხანის საარქივო

⁶¹ მასალები საქართველოს ეკონომიური ისტორიისათვის, წ. II, მასალები შუარჩია და გამოსაცემად მოამზადა ნ. ბერძენიშვილმა, თბ., 1953, გვ. 289.

⁶² იქვე, გვ. 294.

⁶³ იქვე, გვ. 294.

⁶⁴ სცსია, ფ. 489, საქ. 434, ფურც. 41; იქვე, საქ. 6540, ფურც. 64.

მასალები სავსეა მოიჯარეთა საჩივრებით იმის თაობაზე, რომ ვაჭრობის პრივილეგია ფაქტიურად ვერ ხორციელდებოდა. მის ტერიტორიულ ფარგლებში ჯერებოდნენ უცხო ვაჭრები, რომელთა მოქმედების აღკვეთას ხელისუფლების დახმარებითაც კი ვერ ახერხებდნენ და სხვ⁶⁶. ცალკეულ პუნქტებში ვაჭრობის მონოპოლიის არსებობის ფაქტი საშინაო საქონელგაცვლაში სავაჭრო კაპიტალის წარმომადგენელთა აქტიური მონაწილეობის მაჩვენებელი იყო, ეგო იმის ამკარა დადასტურება იყო, რომ ამ პროცესს არა შემთხვევითი, არა ერთეული, არამედ გავრცელებული და მასობრივი ხასიათი ჰქონდა. მონოპოლიის არსებობა საშინაო ვაჭრობაში (საშინაო ბაზარზე) ყოველგვარი არსებობას ნიშნავდა და მის წინააღმდეგ იყო მიმართული. მონოპოლიის იჯარით გაყიდვის წესი იმის მაჩვენებელი იყო, რომ ცენტრიდან დაშორებულ ადგილებში სასაქონლო წარმოება სავსაოდ ინტენსიური ყოფილა, სხვაგვარად აზრი ეკარგებოდა მონოპოლიას, რომლის პრაქტიკული განხორციელება მნიშვნელოვან კაპიტალდაბანდებას მოითხოვდა და მნიშვნელოვან საიჯარო გადასახადთან იყო დაკავშირებული.

მაგრამ, ამავე დროს, სავაჭრო მონოპოლიების სისტემა მაჩვენებელი იყო იმ შეუსაბამობისა, რომელიც არსებობდა, ერთი მხრივ. ქვეყნის ეკონომიკური განვითარების დონესა და, მეორე მხრივ, სახელმწიფო პოლიტიკის ხასიათს შორის. ხოლო ის გარემოება, რომ სავაჭრო პრივილეგიების ცხოვრებაში გატარება თანდათან რთულდებოდა, რომ იგი შინაკლასობრივი ბრძოლის საფუძველი ხდებოდა, რომ აღნიშნული პრივილეგიებით ვაჭრობა საჭირო ხდებოდა ქვეყნის ყველაზე შორეულ (მთის) რაიონებში, მიუთითებს სასაქონლო ურთიერთობის მაღალ დონეზე და საშინაო ბაზრის ჩამოყალიბების პროცესის ინტენსიურ მიმდინარეობაზე.

ქვეყნის სამრეწველო ცენტრებიდან უკიდურესად დაშორებულ სოფლებში სავაჭრო კაპიტალის წარმომადგენელთა აქტიური საქმიანობა, რაც ადგილობრივი პროდუქციის შესყიდვასა და სხვა ადგილებიდან შემოტანილი პროდუქციის გააღებაში გამოიხატებოდა, აღნიშნულ საქონელგაცვლაში სოფლის მოსახლეობის ფართო ფენების დაინტერესება და ჩაბმა და სასაქონლო წარმოების სპეციალიზაციის (შრომის ტერიტორიული, გეოგრაფიული გა-

⁶⁶ წინამდებარე ნაშრომის შეზღუდული მოცულობის გამო ჩვენ საშუალება არ გვაქვს ამ საინტერესო პროცესზე უფრო დაწვრილებით შევიჩერდეთ.

ნაწილებს) ნიშნები საშინაო ბაზრის გაფართოების ამკარა მიჩვენებელია.

მოტანილი საბუთებით დასტურდება, რომ ეს პროცესი დასაბამს იღებს არა უგვიანეს XVIII ს-ის დასაწყისისა. როგორც ვნახეთ კახეთის სოფლებში ვაჭრობის მონოპოლია უკვე ამ დროს გადაეცა ეკლესიას.

საქართველოს რუსეთთან შეერთების შემდეგ საშინაო ბაზრის გაფართოების პროცესი კიდევ უფრო ინტენსიურად მიმდინარეობდა.

საქართველოს რუსეთთან შეერთების პირველი წლებიდანვე ცარიზმმა საქართველოში დაიწყო თავიანი ეკონომიკური პოლიტიკის გატარება, რაც იმაში გამოიხატებოდა, რომ გადაექცია იგი რუსული საქონლისათვის ბაზრად და ამავე საქონლის აღმოსავლეთის ქვეყნებში გასატან სატრანზიტო გზად. ცარზმის ეკონომიკურ მიზნებს საქართველოში ხელს უშლიდა აქ ტრადიციულად დაკანონებული საბაჟო სისტემა. ამასთან ერთად, ვინაიდან საქართველო რუსეთის იმპერიის შემადგენელი ნაწილი გახდა, აქ საერთო საიმპერიო კანონები უნდა გავრცელებულიყო, რაც ქართული შინაბაჟების დაუყოვნებლივ გაუქმებას მოითხოვდა. მართლაც, ადგილობრივმა ხელისუფლებამ დაიწყო მცადონეობა ამ მიმართულებით, მაგრამ ჩქარა თავისი ამოცანა მნიშვნელოვნად შეცვალეს. იმისათვის, რათა ერთი მხრით, დაეცვათ რუსული სავაჭრო კაპიტალის ინტერესები, ხოლო მეორე მხრივ, არ გაერთულებინათ სხვადასხვა იჯარა-გადასახადების აკრეფა და ამით სახაზინო შემოსავალი არ შეემცირებინათ, მათ საკმარისად მიიჩნიეს ბაჟების აკრძალვა საქართველოში შემოტანილ რუსულ საქონელზე, ხოლო სამხედრო და სამოქალაქო ჩინოვნიკების ინტერესებიდან გამომდინარე გააუქმეს შინაბაჟები კვების პროდუქტებზე. ამრიგად, შემოერთებული ქვეყნის ეკონომიკური განვითარების ინტერესები, რომლისთვისაც შინაბაჟების სისტემა ერთ-ერთი ძირითადი ხელშეშლელი გარემოება იყო, დღის წესრიგშიაც კი არ ყოფილა დასმული.

მართალია, რუსულ საქონელზე ბაჟების გაუქმება თავისთავად პროგრესული ღონისძიება იყო, მაგრამ მისი ცალმხრივი ხასიათის გამო (ასეთივე ღონისძიება არ გატარებულა რუსეთში შეტანილ ქართულ საქონელზე) მან დისკრიმინაციული ხასიათი მიიღო. საბაჟო პოლიტიკაში გატარებულ იმ კულშეკვეცილ რეფორმებსაც

რაც საშინაო ბაზარზე კვების პროდუქტებით უბაჟო ვაჭრობაში და კერძო ბაჟების გაუქმებაში გამოიხატა, მაინც გარკვეულად დადებითი მნიშვნელობა ჰქონდა, რადგან იგი ზელს უწყობდა ქვეყნის სხვადასხვა კუთხეებს შორის საქონელგაცვლას, აფართოებდა საშინაო ბაზარს.

მიუხედავად ამისა, ქვეყნის ეკონომიკისა და, კერძოდ, ვაჭრობაში მნიშვნელოვანი აღმავლობა, რაც XIX ს-ის დასაწყისიდანვე აშკარად შეიმჩნევა, განპირობებული იყო არა ცარიზმის ეკონომიკური პოლიტიკით, არამედ იმ დიდი ისტორიული ფაქტით, რომ ქართული ხალხი დაუკავშირდა მოძმე რუს ხალხს და ამ კავშირმა მას შედარებით მშვიდობიანი ცხოვრებისა და განვითარების პერსპექტივები დაუსახა. ქვეყანაში მშვიდობიანობის დამყარება იყო ის ძირითადი ფაქტორი, რომელიც საქართველოს ეკონომიკური განვითარების ხანიათა განსაზღვრავდა XIX საუკუნის განსახილველ ხანაში. ამ განვითარების მნიშვნელოვან შემათფერხებელ გარემოებად კვლავ რჩებოდა შინაბაჟების ტრადიციული სისტემა, რომლის გაუქმება ცარიზმმა მანამდე ვერ მოახერხა, სანამ იგი მის უკვე ახალ ეკონომიკურ პოლიტიკას არ დაუპირისპირდა XIX საუკუნის 20-იან წლებში.

4. სხვადასხვა კუთხეებს შორის საქონელგაცვლა და სამეურნეო სპეციალიზაციის ჩასახვა

ქვეყნის გეოგრაფიულ-კლიმატურმა თავისებურებამ, სეაჭრო ურთიერთობასა და სასაქონლო წარმოების განვითარებამ, შესაძლებელი გახადა სხვადასხვა კუთხეების თუ რაიონების სამეურნეო სპეციალიზაციის ჩამოყალიბების პროცესის დაწყება. ამ თვალსაზრისით ჩვენ შეტად საყურადღებოდ გვეჩვენება ჯერ კიდევ XVII საუკუნის ავტორის არქანჯელო ლამბერტის ცნობა: „რაჭაში რკინის მადანი იმდენია, რომ მოსახლეობა სხვა საქმიანობას არ მისდევს, მარტო რკინას ამუშავებს და ამით ირჩენს თავსო“⁶⁸.

სასაქონლო პროდუქციის წარმოების სპეციალიზაცია სოფლის მეურნეობაშიც იკიდებს ფეხს. განსახილველი პერიოდის აღმოსავლეთ საქართველოს კამერალურ აღწერებზე დაკვირვება საშუალებას გვაძლევს დავინახოთ, თუ რა სახის მეურნეობა იყო წამყვანი ამა თუ იმ რაიონში. მაგალითად, ზემო ქართლის სოფ-

⁶⁸ არქანჯელო ლამბერტი, საქართველოს აღწერა, გამ. II, თბ., 1938, გვ. 190.

ლებინ ერთ ნაწილს აღნიშნული აქვს მიწათმოქმედება; სხვას მიწათმოქმედება და მეზღვეობა; მიწათმოქმედება, მეზღვეობა და მესაქონლეობა; მიწათმოქმედება და მესაქონლეობა და ა. შ. სოფლის მეურნეობის დარგებიდან ამ მხარეში წამყვანი მაინც მარცვლეული კულტურების მეურნეობა ჩანს⁶⁷. მაშინ როცა ქვემო ქართლში (თათრულ დისტანციებში) უპირატესად მესაქონლეობა ჭარბობს⁶⁸. კახეთში კი წამყვანი მევენახეობაა⁶⁹. მთის ზოგიერთ რაიონში მესაქონლეობა (ფშავ-ხევსურეთი) და ა. შ. სასაქონლო ურთიერთობის მაღალ დონეზე ის გარემოებაც მიუთითებს, რომ სხვადასხვა კუთხეებს შორის საქონლევაცვლა ხდება არა სხვადასხვაგვარი, არამედ ხშირად ერთგვაროვანი, მაგრამ სხვადასხვა ხარისხის პროდუქციითაც. საქართველო ღვინის ქვეყანაა. აქ თითქმის ყველა კუთხეშია განვითარებული მეღვინეობა, მაგრამ კახეთი ან კულტურით ყველაზე წინ იდგა. ამიტომ კახური ღვინო იყიდებოდა არა მარტო თბილისში და ქართლის სხვა სავაჭრო პუნქტებში, არამედ რეგრეთშიც. ამაში მოულოდნელი არაფერია. მაგრამ ერთი შეხედვით უცნაური თითქოს ის არის, რომ იმერული ღვინოც არანაკლებად საღებოდა აღმოსავლეთ საქართველოში და თვით კახეთშიც კი. ამის ახსნა საკმაოდ მარტივია. იმერული ღვინო შედარებით დაბალხარისხოვნად ითვლებოდა, კახეთშიც კი იგი კახურზე იაფი ღირდა. შესაბამისად მას თავისი მომხმარებელი ჰყავდა. მას ყიდულობდნენ კახურ ღვინოში გადასარევედ, საშინაო ხარჯისათვის⁷⁰.

როგორც ირკვევა, არამცთუ მსხვილ სავაჭრო-სამრეწველო ცენტრებში, არამედ სოფლებშიც კი საქართველოს სხვადასხვა კუთხეებიდან შეტანილი მეტად მრავალფეროვანი ასორტიმენტის პროდუქცია იყიდებოდა: 1808—1809 წლებში ეგნატე თუმანიშვილი სოფ. ხელთუბანში წისქვილს აშენებდა, რისთვისაც მეტად დიდი რაოდენობისა და ასორტიმენტის მასალის თუ სურსათის ყიდვა სჭირდებოდა. მეტად საყურადღებოა, რომ თითქმის ყველა საქონელს იგი უპირატესად ადგილზევე იძენდა. როგორც მის მიერ შედგენილი ხარჯის ნუსხიდან ირკვევა, ხელთუბანში იყიდებოდა:

⁶⁷ სცსია, ფ. 254, აღწ. 1, საქ. 540, 541, 542, 543, 544.

⁶⁸ სცსია, ფ. 254, აღწ. 1, საქ. 1329, 1330.

⁶⁹ სცსია, ფ. 16, საქ. 51; იქვე, ფ. 254, აღწ. 1, საქ. 75, 478, 481, 499, 1275, 1276 და სხვ.

⁷⁰ შ. ს ა მ ს ო ნ ა ძ ე, საქართველოს სავაჭრო ვაჭრობის ისტორიიდან XVIII ს. მიწურულსა და XIX ს. დასაწყისში, „მაცნე“, 1972, № 1, გვ. 21.

ქვა, აგური, თიხის კოყები და ლიტრები და ა. შ. ყოველგვარი საკვები პროდუქტები, მათ შორის: ვარიები, ლავაში, სატაცური, ლოლო, ჰინჭარი, თევზი, ზიზილა და სხვ. მაგრამ საეპიდემიოლოგის არის, რომ ამ პროდუქტების (საქონლის) მნიშვნელოვანი ნაწილი სხვადასხვა კუთხეებიდან იყო შემოტანილი. მაგალითად, აქ ერთდროულად იყიდებოდა „კახური ღვინო“, „იმერული ღვინო“, „ჯალმური“ (?) ღვინო. ეკვი არ არის ადგილობრივ ღვინოსაც აყენებდნენ ქართლის ამ სოფელში. ასევე მრავალფეროვანია ყველის ასორტიმენტიც. აღნიშნულია, მაგალითად, „ქართლიდამ წოსული ყველი“, „ოსური ყველი“ და ჩვეულებრივი (ჩანს ადგილობრივი) ყველიც⁷¹.

1803 წელს შედგენილი საბუთის ავტორი სოფელ მეჯვრის-ხევის აღწერისას აქ საქართველოს სხვადასხვა ადგილიდან შემოტანილი საქონლით ვაჭრობასაც აღნიშნავს: „გლეხები საშუალო შეძლებისანი არიან, მისდევენ მხვენელ მთესველობას. ნამეტს ყიდიან. სომხებზე ადგილზე ვაჭრობენ ღვინით, მარილით, ყველით, ამზადებენ საცრებს და ყიდიან სოფლებში“⁷².

გასაგებია, რომ თუ სოფლად შემოტანილი საქონლის ასეთ სიმრავლესთან გვაქვს საქმე, სავაჭრო-სამრეწველო ცენტრებში ეს მოვლენა შეიძლება უფრო ფართოდ წარმოვიდგინოთ. მაგრამ სირთულე იმაშია, რომ მრავალრიცხოვანი მასალიდან, რომელიც საქართველოს ქალაქებში სავაჭრო საქონლის ასორტიმენტზე მიუთითებს, მხოლოდ ძალიან იშვიათად თუ შეიძლება ამ საქონლის სადაურობის დადგენა; იმ მეტად მწირი აღწერილობითი მასალის მონაცემები კი, რომლებიც საქართველოს ამა თუ იმ კუთხის ვაჭრობას ეხება, ჩვეულებრივ მეტად არასრულია. მაგალითად, საქართველოს ეკონომიკური ისტორიის თვალსაზრისით მეტად მნიშვნელოვანია ი. შახუბატოვის ნაშრომი „საქართველოს და იმერეთის საშინაო მდგომარეობის აღწერა“, რომელიც 1819 წელსაა შედგენილი. ავტორი თვითონ ცნობილი ვაჭარი, მოიჯარე და კომისიონერი იყო. რუსული ხელისუფლების დამყარების შემდეგ სხვადასხვა თანამდებობები ეკავა და ერთხანს თბილისის პოლიცემისტერიც ყოფილა, ამდენად იგი საქმეში ჩახედულ კაცად მოჩანს. მიუხედავად ამისა, საქართველოს ვაჭრობის მის მიერ

⁷¹ ნ. ბერძენიშვილი, მასალები საქართველოს ეკონომიკური ისტორიისათვის, ნაწ. 1, თბ., 1938, გვ. 298—323.

⁷² სესია, ფ. 2, აღწ. 1, საქ. 51, ფურც. 60—70.

აღწერილი სურათი ხშირად არასრულია. მაგალითად, იმერეთიდან აღმოსავლეთ საქართველოში შემოტანილ საქონელს იგი ასე ახასიათებს: „იღებენ ბეწვეულს, მელს, კევრის, ...ზოგჯერ შავი მელის, წავის ტყავებს და სითხეს, ნედლ და ამოხვეულ აბრეშუმს, ვიწრო და თხლად ნაქსოვ სხვადასხვა ფერის თავთას, რომელსაც კანაფისაგან ამზადებენ, ცვილს და სანთელს, ცხვრის ტყავებს, სქელ და თხლად ნაქსოვ ტილოს, სელის მსხვილ ძაფს და ზურგიელს, ხილეულისაგან მხოლოდ ტყის წაბლს, რომლითაც იქაური ტყეები ერთობ მდიდარია“⁷³, მაგრამ ეს ნუსხა არასრულია. გარდა ღვინისა და ყველისა, რომელზედაც უკვე გვქონდა საუბარი, იმერეთიდან დამატებით კიდევ მრავალგვარი პროდუქცია შემოდიოდა. მათ შორის ღომი, სამარხო, სიძინდი, თამბაქო და სხვ. თბილისის ბაზარზე დიდი მოწონებით სარგებლობდა იმერეთში დამზადებული სავარცხლები, გიშვარი, ჩიბუხები, რკინის იარაღები და სპილენძის ქურჭელი, თიხის ქურჭელი და ა. შ.⁷⁴ ცხადია, ამ სიის გაგრძელება კიდევ შეიძლება.

თბილისი მთელი ამიერკავკასიის სავაჭრო ცენტრი იყო. აქ თავს იყრიდა უამრავი საქონელი ქვეყნის ყველა მხრიდან და უცხოეთიდან, შემდეგ კი სხვადასხვა კუთხეებში ნაწილდებოდა. მაგალითად, თბილისიდან იმერეთში იგზავნებოდა არა მარტო ქართლიდან და კახეთიდან შემოტანილი საქონელი, არამედ რჩდილოეთ კავკასიიდან, სახანოებიდან, სპარსეთიდან, რუსეთიდან და

⁷³ კ. კეკელიძის სახ. ქართულ ხელნაწერთა ინსტიტუტი, ფონდი Ros d 110, გვ. 9.

⁷⁴ სცსია, ფ. 16, საქმე 3305, 1823—1824 წწ., ფურც. 45. იმერული თავთა თბილისში ისეთი მოწონებით სარგებლობდა, რომ იგი აქ მოსკოვის ფაბრიკებს აბრეშუმის ნაწარმზე ძვირად ფასობდა (Т у ч к о в, Сочинения, ч. IV, с. 172); პლატონ ზუბოვი, ახასიათებს რა იმერეთის ვაჭრობას აღნიშნავს, რომ იგი ვაჭრობს ქართლ-კახეთთან, ახალციხესთან, აფხაზეთთან, ყირიმთან და ტავანროვთან, აგრეთვე ყუბანის იქითა ჩერქეზებთან. ხოლო თბილისში, მისი სიტყვით «Главнейшие предметы для привоза, кроме вещей нужных для русских войск, соль, железо, сукно, парчи, разные шелковые товары. В сей торговле участвуют армяне кутаисские и отчасти евреи. Внутренняя торговля преимущественно сосредотачивается в местечке Хони... Из Грузии привозятся тамошние изделия: бязи красного и белого цвета, набивные бумажные материи канаус, покровки, посуда и тому подобные» (П л а т о н З у б о в, Картина Кавказского края, ... ч. 3—4, с. 259); მ. სელეზნოვის ცნობით, ხონის ბაზრობაზე 1000 და ხშირად მეტი კაცი იკრიბებოდა. Руководство к познанию Кавказа Михаила Селезнева, кн., 1, СПб., 1847, с. 92—93.

ა. შ. მაგრაჰ საქართველოს სხვადასხვა კუთხეები დამოუკიდებლად ეპრობდნენ ერთმანეთში. განსაკუთრებით ცხოველი სავაჭრო ურთიერთობა ჰქონდა იმერეთს მეზობელ ქართლთან. აქ (განსაკუთრებით გორსა და გორის მაზრაში) იმერეთიდან დიდი რაოდენობით შემოდის თაფთა, ტილო, სელის ძაფი, ბატონის ტყავი, სხვადასხვა ბეწვეული და სხვა მრავალი სამრეწველო. და საკვები პროდუქტი⁷⁵.

მეტად საყურადღებოდ მოსჩანს გიულდენშტედტის ცნობა იმის შესახებ, რომ წედლში დამზადებული რკინის იარაღები (ნაღები, ნაჰლები, ნაჯახები, გუთნის სახნისები, ჯაჭვები ქვაბებისთვის და მისთანანი) იცვლებოდა „ქახეთში და სხვაგან პირუტყვზე, ხორბალზე და მისთანებზე“⁷⁶.

იმერეთს, გარდა ქართლ-კახეთისა, ცხოველი სავაჭრო ურთიერთობა ჰქონდა სამეგრელოსთან, გურიასთან და განსაკუთრებით ახალციხესთან (სამცხე-საათაბაგოსთან). საყურადღებოა, რომ ქუთაისში გასული საუკუნის დასაწყისში არსებული 26 სავაჭრო დუქნიდან 15 ახალციხელ ვაჭრებს ეკუთვნოდათ⁷⁷, ხოლო თუ რამდენად დიდი მნიშვნელობა ჰქონდა იმერეთისათვის ახალციხესთან ვაჭრობას, იქიდანაც ჩანს, რომ რუაეთ-თურქეთის 1806—1818 წწ. ომის პერიოდში მისმა შემოცილებამ არა მარტო იმერეთის საბაჟოსი, არამედ სამღებროების შემოსავალიც შეამცირა⁷⁸.

1814 წლის ერთი საბუთის ცნობით, ახალციხიდან იმერეთში შემოჰქონდათ: ჩითი, აბრეშუმის ქსოვილები, შალი, ფარჩა, ბამბა, წითელი ტარსიკონი, თამბაქო, თურქული საპონი, ქვამარილი და საქონლის დამარილებული ხორცო.

ახლად დამარილებული თევზი, ზეთი და ძროხის ქონი. შაქარი, ყავა, ლიმონი, ფორთოხალი, ნარინჯი. გვარჯილა და გოგირდი, სხვადასხვა სამკურნალო ბალახები და სანოვაგე. რომი, რკინა, ტყვია, ხარები და ცხვარი⁷⁹ და ა. შ.

ასეთივე მჭიდრო ეკონომიკური ურთიერთობა ჰქონდა ახალციხის საფაშოსთან საქართველოს სხვა კუთხეებსაც — გურიას.

⁷⁵ ნ. ბ. გ. რ. ძ. ე. ნ. შ. ე. ი. ლ. შ. მასალები საქართველოს ისტორიისათვის, ტ. II.

⁷⁶ გიულდენშტედტის მოგზაურობა საქართველოში, ტ. 1, გულაშვილის გამოცემა, თბ., 1962, გვ. 105.

⁷⁷ სცსა, ფ. 2, აღწ. 1, საქ. 255, ფურც. 439.

⁷⁸ იქვე, ფ. 126.

⁷⁹ იქვე, ფ. 16, საქმე 1604, 1815 წ. ფურც. 4—5.

სამეგრელოს და განსაკუთრებით, ქართლს. დამახასიათებელია მაგალითად, რომ 1807 წელს, რუსეთსა და თურქეთს შორის საომარი მდგომარეობის პერიოდში გორში და მის მაზრაში 25 ახალციხელი ვაჭარი იმყოფებოდა, რომელთა ნაწილი აქ ამ საქმეს წლების განმავლობაში ეწეოდა⁸⁰. ყველაფერი ეს იმის მაჩვენებელია, რომ საშინაო ბაზრის ჩამოყალიბების პროცესში ქვეყნის ეკონომიკურ ცხოვრებაში ებმებოდა მისგან პოლიტიკურად მოწყვეტილი ერთეულებიც.

სხვადასხვა ავტორთა მოწმობით XIX საუკუნის დასაწყისში აღმოსავლეთ საქართველოდან იმერეთში მეტად ფართო ასორტიმენტის საქონელი შექმნდათ, რომელთა უმეტესი ნაწილი ადგილობრივი ნაწარმი იყო: აბრეშუმის, ბამბისა და შალის ყოველგვარი ქსოვილები (ფარჩა, აბრეშუმის ქსოვილები, ხამი, ნაზი მაუდი, სხვადასხვაგვარი ტილოები და ჩითები, ნარმა და ა. შ.), ბამბა, მატყლი, შაბი, საღებავი, ენდრო, მარილი, ლანჩა, გამოყვანილი თხის ტყავი, შავი და წითელი ტარსიკონი, ჩექმები, წულები და სხვ. ცხენის აკაზმულობა, სკივრები, ბრინჯი, ხახვი, საპონი, შაქარი, ჩაი, ყავა, თევზეული, ხიზილალა, გვარჯილა, გოგირდი, საწერი ქაღალდი, ლუქი, ნაბღები, ხალიჩები, ღორის ქონი და სხვადასხვა⁸¹.

განსაკუთრებით რეგულარული იყო შინაეაქრობა და საქონელგაცვლა იმერეთს, გურიას, რაჭას, სამეგრელოსა და სვანეთს შორის. თამბაქო, ხორბალი, ფქვილი, ღომი, სიმინდი, ღვინო, კაჟი, დარაია, ცვილი, ბეწვეული, ბამბა, ტილო, ძაფი, ტყვია და ა. შ. ასეთია ის არასრული ნუსხა, რომლითაც, მაგალითად, მერლინი სამეგრელოდან იმერეთში შემოტანილ საქონელს ჩამოთვლის⁸².

ბუნებრივია, რომ საქართველოს ამა თუ იმ კუთხეს შორის გაცვლა მხოლოდ ადგილობრივი საქონლით არ წარმოებდა. მასში გარკვეული ადგილი უცხოურ საქონელს ეკავა. მაგალითად, ახალციხიდან და სამეგრელოდან საქართველოს სხვა კუთხეებში ადგილობრივ ნაწარმთან ერთად თურქული საქონელიც შედიოდა, კა-

⁸⁰ სესია, ფ. 16, საქ. 508, 1807 წ. ფურც. 18. ამავე პერიოდში თბილისში მყოფმა თურქეთის 14 ქვეშევრდომმა ვაჭარმა რუსეთის ქვეშევრდომობის მიღების სურვილი გამოთქვა. ამათგან 7 ახალციხელი იყო და ყველა ქართულად აწერდა ხელს შესაბამის განცხადებას (იქვე, ფურც. 8—9).

⁸¹ ხელნაწერთა ინსტიტუტი, Rcs d 110, ფ. 11; სესია, ფ. 16, საქ. 1604, ფურც. 4—5.

⁸² სესია, ფ. 16, საქ. 1604, ფურც. 4—5.

ხეთიდან, თბილისიდან, ქვემო ქართლიდან და ა. შ. გატანილ საქონელს შორის არის ირანული და სხვა ნაწარმი. მაგრამ ეს გარემოება საერთო ლერძის არ ცვლის, რადგან შინაბაზარზე წამყვანი და ძირითადი ყოველთვის ადგილობრივი საქონელი იყო.

იმერეთის ერთ-ერთი სავაჭრო პუნქტის ხონის ბაზრობის აღწერით გიულდენშტედტი მეტად საინტერესო ცნობებს გვაწვდის ქვეყნის საშინაო ვაჭრობის დონის დასახასიათებლად: „ხონში ეკლესიის გვერდით არის დიდი მოედანი ცაცხვით და აღმოსავლური ჰაღარით (რომლის ღეხების სიმახო 3 საეენია). ეს მოედანი 2 ვერსის ფართობს მოიცავს. როგორც ყოველ პარაკევს, დღესაც ამ ხეების ჩრდილში შეკრებილიყვენ ორივე სქესის მყიდველ-გამყიდველნი და გაეჩალებინათ ბაზრობა. იყიდებოდა შემდეგი საქონელი:

რუხი და შავი უხეში მაულის ჩოხები და ნაბლები, რომლებიც შემოაქვთ ბასიანიდან და დუგორიდან ონის გზით.

ბამბის წითელი და ცისფერი უხეში ქსოვილები შარვლებისათვის, პერანგებისა და ქალთა ზედა ნიჭათვის და სახიანი ბამბის ქსოვილები ქვედატანისათვის თბილისის ფაბრიკებიდან. თეთრი, უხეში, 3/4 არშინის სიგანის ბამბის ქსოვილი, რუსული წყრთა 8 კაპიკად.

ცული, 3/4 წყრთის სიგანის, ალისარჩულით შეღებილი თავთა, წყრთა 25 კაპ. ის იქ მზადდება პერანგებისა და შარვლებისათვის.

ქრელი არშიები ეგროპული ტილოსი, წყრთა 5 კაპ. მათ იყენებენ წინდების მოსაქერად.

ადგილობრივი რუხი მაულის ქულები, 20 კაპიკად.

ერთვედროიანი სპილენძის ქვაბი, თითო 3 მანეთად.

სპილენძის საყვირები, თითო 4 მანეთად.

ზღვის მარილი ყირიზიდან ფოთზე გამოვლით, ფუთი 2 კაპ.

დამარილებული ზურგიელი ფოროჯისა (ადრე ფოთიდან, ახლა სალიანიდან და თბილისიდან), ცალი 40 კაპ.

ცხვრები პატარა კულებით; თითო 1 მან. 20 კაპ.

კანაფის თოკი და ხის ჯამები, ამას გარდა აქაური ცხენები, თითო 30-დან 40 მანეთამდე და ზოგი სხვა საგნებიც.

ბაზარში მყოფ ხალხში იყვენენ მეგრელებიც⁸³.

⁸³ გ ი უ ლ დ ე ნ შ ტ ე დ ტ ი ს მოგზაურობა საქართველოში, ტ. 1, გვ. 153—154.

როგორც ვხედავთ, იმერეთის ამ პატარა დაბის ბაზარზე თავმოყრილია საქონელი საქართველოს სულ სხვადასხვა კუთხეებიდან. უნდა გავითვალისწინოთ, რომ სურათი ასახავს XVIII საუკუნის 70-იანი წლების დასაწყისს, როცა ქვეყანაში მეტად რთული და დამბული პოლიტიკური სიტუაცია სუფევდა, რასაც არ შეიძლებოდა თავისი უარყოფითი დალი არ დაესვა სავაჭრო-ეკონომიკურ ურთიერთობების ხასიათზეც.

შვიდრო ეკონომიკური კავშირის, სასაქონლო ურთიერთობის დონის და შინაბაზრის სიმტკიცის მაჩვენებელია ქვეყნის სხვადასხვა კუთხის სავაჭრო კაპიტალის წარმომადგენელთა ურთიერთგაცვლა. ჩვენ უკვე აღვნიშნეთ ახალციხელ ვაჭართა აქტიური ოპერაციები საერთოდ იმერეთის ბაზარზე და, კერძოდ, ქუთაისში. თავის მხრივ, იმერელი ვაჭრებიც ხშირი სტუმრები იყვნენ ახალციხისა. „ტიფლისკიე ვედომოსტია“ კორესპონდენტი აღნიშნავს, რომ ახალციხეს ვაჭრობა ძირითადად თბილისთან და იმერეთთან აქვს, რომ აქაური ხელოსნური ნაწარმი იმერეთში დიდი მოწონებით სარგებლობს. რომ ახალციხის ბაზარზე ძალიან ბევრი იმერელი ვაჭარია, განსაკუთრებით ზაფხულში⁸⁴. თბილისისა და საერთოდ აღმოსავლეთ საქართველოს სავაჭრო კაპიტალის წარმომადგენლებს ხშირად ვხედავთ დასავლეთ საქართველოს ბაზარზე. უკვე XIX საუკუნის პირველ წლებში ისინი აქ მარტო სავაჭრო საქმიანობით არ იფარგლებიან, ზოგჯერ სამრეწველო საწარმოების მოწყობასაც კი ცდილობენ⁸⁵.

თავის მხრივ, არაერთი საბუთი მიუთითებს იმერელ ვაჭართა სისტემატურ მოღვაწეობაზე ქართლისა თუ კახეთის სხვადასხვა სავაჭრო-სამრეწველო ცენტრებში. მაგალითად, 1802 წელს შედგენილ საბუთს, რომელაც ქალაქ გორში სავაჭრო და სახელოსნო დუქნებმა ოდენობას აღგენს, შემდეგი საგანგებო მინაწერი აქვს: „ჩამოსულთაგან აქ დუქნები არაეას არ აქვს გარდა იმერლებისა, რომლებიც ღვინით ვაჭრობენ“⁸⁶. მუდმივი დუქნების არსებობა, იმერეთისა და ქართლის ბუნქტებს შორის ცხოველ სავაჭრო ურთიერთგაცვლაზე მიუთითებს; საქართველოს მთავარსარდლის

⁸⁴ Газ. «Тифлисские ведомости», литературное отделение, 1832, № 5, 6.

⁸⁵ სესია, ფ. 254, საქმე 150, 1807 წ., ფურც. 308.

⁸⁶ იქვე, ფ. 16, საქმე 51, 1802 წ., ფურც. 5.

3. ციციანოვის მოწმობით ქართლსა და იმერეთს შორის სავაჭრო ქარავნები თითქმის ყოველდღე მიდი-მოდიოდნენ⁸⁷.

ძველთაგანვე ქართლსა და იმერეთს შორის ჩამოყალიბებულ იყო ვაჭრობის თავისებური წესი. XVIII ს-ის ერთი საბუთის მიხედვით ისეთი შთაბეჭდილება რჩება, თითქოს ახალციხიდან და იმერეთიდან შემოტანილ სურსათზე ბაჟი არ იყო დაწესებული. მეფისადმი გორის ქეთხუდების საჩივარში იასე ამილახვარის თავნებობაზე, ერთ-ერთ ბრალდებად წამოყენებულია „ხორაგზე ბაჟის დადება ახალციხიდან და იმერეთიდან“⁸⁸. XIX ს-ის დასაწყისის მასალებზე დაკვირვებას კი იმ დასკვნამდე მივყავართ, რომ ბაჟს არ იღებდნენ იმერეთიდან შემოტანილ მხოლოდ საკუთრივ იმერულ საქონელზე და ისიც იმ შემთხვევაში, თუ მას გორელი (ქართლელი?) კაცი შემოიტანდა. დასავლეთ და აღმოსავლეთ საქართველოს შორის შინავაჭრობის განვითარებას აადვილებდა ტრადიციულად არსებული დაბალი ბაჟები. როგორც ითქვა, ქართლის საბაჟოებში იმერეთიდან შემოტანილ იმერულ საქონელზე გორელი ვაჭრები ბაჟს არ იხდიდნენ⁸⁹. სავარაუდოა, რომ ეს შეღავათი საერთოდ ქართლ-კახეთის სამეფოს ქვეშევრდომ ვაჭრებზე ვრცელდებოდა. ასევე სავარაუდოა, რომ იმერეთის სამეფოში ამგვარივე შეღავათით იმერელი ვაჭრები სარგებლობდნენ. თუ ეს ასეა მაშინ იმერეთსა და ქართლ-კახეთს შორის გატარებული ად-

⁸⁷ Акты, собранные Кавказской Археографической комиссией, (АКАК), т. II, с. 241, № 443.

⁸⁸ ი. ჯ ა ვ ა ხ ი შ ვ ი ლ ი, საქართველოს ეკონომიური ისტორიის ძეგლები (XIII—XIX სს.), წ. II, თბ., 1974, გვ. 143.

⁸⁹ ეს წესი ადგილობრივ ვითარებაში გაურკვეველ საბაჟოს მოხელეებს ერთობ დიდ სირთულეს უქმნიდა. ინსტრუქციით მათ მითითებული ჰქონდათ, რომ თუ გოჭელი ვაჭარი იმერულ საქონელს შემოიტანდა, მას ბაჟი არ უნდა გამორთმეოდა, ხოლო თუ თურქულ, გერმანულს ან სხვა უცხოურ საქონელს შემოიტანდა 2% ბაჟით უნდა დაეხდებოდა. მათ კი არ იცოდნენ როგორ გაერჩიათ ვთქვათ თურქული და იმერული საქონელი. ამიტომ მათ სპეციალურად უმარტავენ, რომ: უმეტესად აქ იმერეთიდან სხვა საქონელი არ შემოდის გარდა ცხერის ბუფის ანუ კრაველისა, ტყვიისა, დაჩიის, ანუ თაფლისა, ნადირის ტყავებისა, სელის და ბამბის ტილოების, აბრეშუმის და კანაფის ძაფებისა, ვიშერისა. ხის სავარცხლებისა, უბრალო თამბაქოსი, შეღებული აბრეშუმისა და ცვილისა. იმერეთიდან შემოტანილ უცხოურ საქონელში კი დონახელებულია მინისა და ბროლის ნაკეთობები და საპონი. მართალია ტექსტში რკინაცხა მოხსენებული მაგრამ ეს აშკარა შეცდომაა, რადგან რკინა სწორედ იმერეთიდან (ლიხთ იმერეთიდან, რაჭიდან) შემოდოდა. საბუთში არაფერი არ არის ნათქვამი სააჭრებ პარალელურად იმ ვასაგები მიზეზის გამო, რომ ისინი ბაჟით დაბეგვრას არ ექვემდებარებოდნენ (სსსია, ფ. 380, საქ. 14, 1809, ფურც. 41).

ვილობრივი საქონელი მხოლოდ ერთხელ დაიბეგრებოდა ისიც დაბალი საბაჟო ტარიფით. ტრადიციულად საკვებ პროდუქტებზე („ხორაგზე“) ბაჟს არ იღებდნენ. ბაჟს არ იღებდნენ აგრეთვე შვირე რაოდენობით (მხრით ან არასრული საპალნით) შემოტანილ საქონელზე⁹⁰.

იმერეთსა და ქართლს შორის არაერთი გზა არსებობდა. ამიტომ ბაჟის აღება ხდებოდა როგორც გორში, ისე ცხინვალში, ალში, სურამში, ვართყულისქალში და სხვ. უმეტესად იმერეთიდან და ახალციხიდან შემოტანილი საქონლის ბაჟი იჯარით გაიციემოდა სახაზინო სამღებროებთან ერთად. მაგალითად, სურამში მისი საიჯარო ფასი 120 მანეთს უდრიდა⁹¹. ცხინვალში კი გაცილებით მაღალი იყო და სხვა საიჯარო მუხლებთან ერთად ზოგჯერ 1800 მანეთამდეც კი აღიწოდებოდა⁹².

მიუხედავად საბაჟოების სიმრავლისა მეტად ხშირი იყო საქონლის ჩუმად (უბაჟოდ) გატანის ფაქტები, რასაც ბაჟების მოიჭარებების თუ სახაზინო მოხელეთა არაერთი საჩივარი და განცხადება მოწმობს⁹³. ამას ხელს უწყობდა ბაჟის გადახდის წესი. ექვარს მისი სურვილის მიხედვით ბაჟი შეეძლო გადაეხადა საქონლის გატარების აღვცლზე, ან საბოლოო პუნქტში, სადაც საქონლის გასაღება ჰქონდა განზრახული. ამგვარად სურამში მას შეეძლო განეცხადებია საქონელი გორში ან თბილისში მიმავლსო და ამით ბაჟის გადახდა თავიდან აეცილებინა, შემდეგ კი იქვე ახლომახლო სოფლებში გაეყიდა. საბაჟოს მოიჭარებებისათვის ამგვარი ეშმაკობა ახალი არ იყო და ამიტომ სხვადასხვა ზომებით ცდილობდნენ მის აღკვეთას, მაგრამ ხშირად უშედეგოდ⁹⁴.

სახელმწიფო მოხელეებს ვაჭრების თავისუფალი მიმოსვლა გარდა იმისა, რომ ეს უარყოფითად მოქმედებდა სახელმწიფო შემოსავალზე, სხვადასხვა გადამდები სნეულებების გავრცელების საშიშროების გამოც აწუხებდათ. სწორედ ეს მომენტია ხაზგასმული საკარანტინო საშახურის ინსპექტორის საქართველოს სამოქალაქო გუბერნატორის ხოვენისადმი მიმართულ შეკითხვაში, სა-

⁹⁰ სცსია, ფ. 380, საქ. 14, 1809, ფურც. 57.

⁹¹ სცსია ფ. 254, აღწ. 1, საქ. 131, ფურც. 253.

⁹² იქვე, ფ. 90, საქ. 21, ფურც. 4, 1806 წ.

⁹³ იქვე, ფ. 380 საქ. 14, ფურც. 70—72.

⁹⁴ იქვე, ფ. 254, აღწ. 1, საქ. 95, ფურც. 386—387. უბაჟოდ გატარებული საქონელი ორმაგი ბაჟით ქარიშღებოდა.

იდანაც ჩანს, თუ როგორი ინტენსიური იყო იმერელი ვაჭრებს მიმოსვლა და საქმიანობა აღმოსავლეთ საქართველოში, რომლის შეკავება ხელისუფლებას როგორც ჩანს ერთობ უჭირდა: „უხნდა დავაკავოთ თუ არა ყველა მცხოვრები, რომლებიც სამაზრო ქალაქებიდან თბილისში ჩამოდიან — კიბხულობს რუსი მოხელე შესაბამისი ნებართვების გარეშე მოსარაულე პირთა თაობაზე — რადგან ბევრი ისეთია, რომ ქალაქ ქუთაისიდან და იმერეთიდან (არიან წამოსული) მიმოდინან სოფლებში, ეწევიან ვაჭრობას არიგებენ ფულს (მევახშეობენ? — მ. ს.)... და თვითნებურად ჩამოდიან თბილისში“⁹⁵.

განხილული მასალა, ვფიქრობ, ნათლად ადასტურებს მეტად ინტენსიური სავაჭრო კავშირების არსებობას ქვეყნის აღმოსავლეთ და დასავლეთ ნაწილებს შორის. ამ კავშირებში აქტიურად მონაწილეობდნენ სხვადასხვა კუთხეები. ჭაერთო ქართული საშინაო ბაზრის ჩამოყალიბებაში მეტად აქტიურად მონაწილეობდა კახეთი. საქართველოს ეს მდიდარი და განსახილველ პერიოდში ერთობ დაწინაურებული კუთხე ცხოველ გაცვლა-გამოცვლას აწარმოებდა საქართველოს სხვადასხვა რაიონებთან და კავკასიის, ხალხებთანაც. კახეთის ვაჭრობის მაღალ განვითარებაზე მიუთითებს ვაჭართა ის მრავალრიცხოვანი ფენა, რომელიც არამცთუ ქალაქებში, არამედ ბევრ სოფელშიც აქტიურად მოღვაწეობდა. მაგალითად, 1804 წლის აღწერით სოფელ ვეჯინში ვაჭართა სამი ოჯახი ცხოვრობდა, კარდანახში 7 ოჯახი და ა. შ.⁹⁶ გარდა კახური ღვინისა, კახეთიდან მეტად დიდი რაოდენობით გაჰქონდათ აბრეშუმი, ზორბალი, ენდრო, მატყლი, ქსოვილები და სხვა. და, რაც მთავარია, საქართველოს პირობებში წარმოების ისეთი მნიშვნელოვანი და გავრცელებული საშუალება, როგორც საქსოვი დკემბა⁹⁷. აქ უამრავი საქონელი შემოდირდა ქართლიდან, იწერეთიდან და სხვა კუთხეებიდან⁹⁸. ამ თვალსაზრისით მეტად საინტერესოდ გამოიყურება ერთი საბუთის არაპირდაპირი ცნობა, რომლის მეშვეობითაც შეიძლება წარმოვიდგინოთ, რომ კახეთის გზებზე ვაჭრების მიმოსვლა ადრე დილიდან დაღამებამდე არ წყდება. აქაური ვაჭრები დიდი ოპერატიულობით გამოირჩეოდნენ

⁹⁵ სსსია, ფ. 16, საქ. 2319, ფურც. 2—3.

⁹⁶ იქვე, ფ. 254, აღწ. 1, საქ. 75, ფ. 224—233; 196—209.

⁹⁷ სსსია, ფ. 254, აღწ. 1, საქ. 324, ფურც. 328—332.

⁹⁸ იქვე.

და სწრაფად უღებდნენ ალღოს მოთხოვნები ზრდასა თუ დაცემას საშინაო ბაზრის ამა თუ იმ ნაწილში. 1803 წელს, მაგალითად, იჯარის თბილისელი შემსყიდველები ჩივიან, რომ კირიანობის გამო ქალაქის მოსახლეობა მარტყოფსა და სხვა ადგილებშია გახიზნული. კახელ ვაჭრებსაც ღვინო იქ მიაქვთ გასასყიდად და ჩვენ ვზარალდებითო⁹⁹.

მნიშვნელოვანი იყო საქონელგაცვლა თვით კახეთის შიდა ბუნქტებს შორისაც, რის მაგალითად შეიძლება მოვიყვანოთ, გურჯაანელი ვაჭრის მოღვაწეობა თელავში, ან სიღნაღში და პირიქით¹⁰⁰.

ამის საბუთია ის უკომპრომისო ბრძოლა, რომელიც სიღნაღისა და თელავის მაზრების ვაჭრებს შორის იმართებოდა ადგილობრივ ბაზარზე გაბატონებისათვის¹⁰¹.

ამგვარი მასალის მოტანა ბევრი შეიძლება. იგივე მსჯელობა შეიძლება გაგრძელდეს საქართველოს სხვა კუთხეებს, თუ ცენტრების მიმართაც. მაგრამ ვფიქრობთ, პროცესის ზასიათი ნათელია. მხოლოდ აუცილებლად გვეჩვენება გაკვირით მაინც შევაჩეროთ ყურადღება იმაზე, თუ რა მდგომარეობაა ამ თვალსაზრისით საქართველოს მთიანეთის თუ მთისწინეთის რაიონებში. აი, როგორ არის დახასიათებული 1803 წლის აღწერაში მთიანი ქართლის სოფელი არდისი: „სოფელი არდისი პატარა მდინარე მეჭურის პირას მდებარეობს... გლეხები ღარიბებია... მისდევენ ხენა-თესვას, თესენ ხორბალს, ქერს, ქვავს, შვრიას, მაგრამ სამყოფი მაინც ვერ მოჰყავთ და კიდევ ქართლიდანაც შემოაქვთ პირუტყვის სანაცვლოდ... ქართლში ჰყიდნან ერბოს, ყველს, ცხვრის ტყავს, შავ მაულს, შეკერილ ბიფთანებს, იქედან კი იღებენ ნარმას, ტილოს და ზოგჯერ პურსაც“¹⁰². განსახილველ პერიოდში საერთო ქართულ საქონელგაცვლაში აქტიურად მონაწილეობენ ქვეყნის ყველაზე შორეული მთიანი პროვინციებიც. მაგალითად, ფშავ-ხევსურეთი საქართველოს ერთ-ერთ ყველაზე ჩამორჩენილ კუთხედ ითვლებოდა. ზოგიერთი მყფის მოხელე თუ შემთხვევითი გამგლელი აქაურ ქართველებს ღამის პირველყოფილი მდგომარეობაში გვიხატავენ. ი. შახუბატოვი კი მიუთითებს, რომ აქაურ მოსახლე-

⁹⁹ სცსია, ფ. 254, აღწ. 2, საქ. 29, ფურც. 280.

¹⁰⁰ იქვე, ფ. 16, საქმე 14, ფურც. 37—38.

¹⁰¹ იქვე, საქმე 2404, ფურც. 2—3.

¹⁰² იქვე, ფ. 2, აღწ. 1, საქ. 51, ფურც. 69—70, 1803 წ.

ობას ცხოველი სავაჭრო ურთიერთობა აქვს ბართან; ჩამოაქვთ თბილისში ლობიო, ქათმები და სხვა წვრილმანი და ცელიან მარჩილზე და ბამბის ქსოვილებზე¹⁰³. ხოლო, რომ საქართველოს წითანეთის ვაჭრობაში სავაჭრო კაპიტალის წარმომადგენლებიც აქტიურად ერეოდნენ, ამას მოწმობს ფშავ-ხევსურეთის. დისტანციის უფროსის ოფიციალური და სრულიად სანდო პატაკი, საიდანაც ჩანს, რომ ფშავ-ხევსურეთში არის დუქნები, „... რომლებშიც სხვათა შორის თბილისიდან ჩამოტანილი სხვადასხვა საქონელიც იყიდება, როგორცაა ჩითი, ნარმა, ტილო“ და ა. შ.¹⁰⁴.

განსახილველი პერიოდის არაერთი წყარო მიუთითებს სვანების მონაწილეობას დასავლეთ საქართველოს სავაჭრო სამრეწველო ცენტრების ბაზრობებში. ის ფაქტი, რომ სვანური პროდუქცია (გვარჯილა, ტყვია და სხვ.)¹⁰⁵ აღმოსავლეთ საქართველოს ყველაზე შორეულ პროვინციებშიც კი იყიდებოდა, მეტყველებს საქართველოს ამ კუთხეში სასაქონლო მეურნეობის ჩასახვას პროცესზე. როგორც ჩანს სვანები ფართო საშუაშავლო ვაჭრობას ეწეოდნენ საქართველოს ბარსა და ჩრდილოეთ კავკასიის სხვადასხვა პროვინციებს შორის¹⁰⁶.

ჩვენ თავის ადგილზე შევეხეთ სავაჭრო ურთიერთობის ხაზრათს თიანეთსა და მის ახლომდებარე სოფლებში. საქართველოს მთიანეთის ერთ-ერთი მნიშვნელოვანი სავაჭრო სამრეწველო ცენტრი იყო დუშეთი. იგი საქართველოს სამხედრო გზაზე მდებარეობდა და სწორედ ამ უმნიშვნელოვანესმა მაგისტრალმა განსაზღვრა განსახილველ პერიოდში მისი ქალაქად გადაქცევა. დუშეთი ვაჭრები მნიშვნელოვან მოგებას ნახულობდნენ საქართველო-რუსეთის ვაჭრობაში. მაგრამ ისინი განსაკუთრებით აქტიურ კომერციებს აწარმოებდნენ საქართველოს შორეულ მთიან სოფლებში, თუ ჩრდილოეთ კავკასიის პროვინციებში¹⁰⁷.

¹⁰³ კ. კეკელიძის სახ. ხელნაწერთა ინსტიტუტი, Ros d 110, ფ. 8.

¹⁰⁴ სცსია, ფ. 16, საქ. 2652, ფურც. 76. ფშავ-ხევსურეთთან ვაჭრობაში ჩართული ჩანან ქართული სავაჭრო კლასის მეტად გამოჩენილი წარმომადგენლები. მაგალითად, 1819 წელს ამ ვაჭრობასთან დაკავშირებულია მსხვილი ვაჭარი და მწარმოებელი აფრამ ისაიაშვილი. მას საქართველოს ამ კუთხეში დენთი გაუგზავნია გასასყიდად. ჩანს, მისი თანაშემწეების ხელით, თვითონ კი სიღნაღში გამგზავრებულია სავაჭროდ (ფ. 16, საქ. 2410, 1819, 2—5).

¹⁰⁵ იხ. მაგ. გ ი უ ლ დ ე ნ შ ტ ე დ ტ ი, დასახ. ნაშრ., ტ. 1, გვ. 107.

¹⁰⁶ იხ. მ. ს ე ლ ე ზ ნ ი ო ვ ი ს, დასახ. ნაშრ., გვ. 67.

¹⁰⁷ სცსია, ფ. 254, ილწ. 1, საქ. 851, ფურც. 901.

ამრიგად, განსახილველი ხანის საქართველოს საშინაო ვაჭრობაში ჩაბმული იყო და მეტ-ნაკლები ინტენსივობით ერთიანი ქაობიანი ბაზრის ჩამოყალიბებაში მონაწილეობდა საქართველოს ყველა კუთხე, მათ შორის ის კუთხეებიც, რომლებიც მისგან პოლიტიკურად ჯერ კიდევ მოწყვეტილნი იყვნენ.

5. ვაჭრები, რაოდენობრივი ზრდა და სოციალური შემადგენლობა

წყაროების სიმცირე, მათი არასისტემატური ხასიათი, სხვადასხვა წლების კამერალური აღწერების შედგენის განსხვავებული მეთოდები, შემადგენელთა უეცრობა, საქმისადმი ზერელე დამოკიდებულება და მრავალი სხვა მიზეზი მეტად ართულებს განსახილველი პერიოდის საქართველოს სტატისტიკური ვითარების დადგენას. თუ აღმოსავლეთ საქართველოს მიმართ ზოგიერთი ფრაგმენტული მონაცემის შეჩერებია და ანალიზის საფუძველზე ამგვარი სამუშაოს ჩატარება, და თუნდაც დაახლოებითი სურათის წარმოდგენა, ასე თუ ისე მაინც ხერხდება, დასავლეთ საქართველოს მიმართ ეს საერთოდ შეუძლებელია. ყოველ შემთხვევაში, მასალაზე დაკვირვება საშუალებას იძლევა ერთი მთავარი და მეტად მნიშვნელოვანი დასკვნა გაკეთდეს: საქართველოს ვაჭართა კლასი XIX საუკუნის დასაწყისისათვის საკმაოდ მრავალრიცხოვანი იყო და მთელი განსახილველი პერიოდის მანძილზე მისი ოდენობა განუზრელად იზრდებოდა. ამგვარი დასკვნის გაკეთების საფუძველს ქვემოთ მოყვანილი 1-ლი ცხრილი გვაძლევს.

აღნიშნულ ცხრილს ბევრი სერიოზული ნაკლი აქვს. მთავარია ისაა, რომ ცალკეულ სვეტებში თავმოყრილი მასალა დროის მეტად ხანგრძლივ მონაკვეთებს მოიცავს. მაგალითად, პირველ სვეტში თბილისი წარმოდგენილია 1808 წლით, სხვა პუნქტები კი 1804 წლით; მეორე სვეტის დიაპაზონი ამ მხრივ კიდევ უფრო მეტია, განსხვავება პუნქტების მონაცემებს შორის 6 წელს უდრის, მაგრამ უფრო რთული ისაა, რომ ეს ექვსი წელი საქართველოში მნიშვნელოვანი ეკონომიკური ძვრების წლებია. როგორც ცნობილია (და ამაზე ჩვენ კიდევ მოგვიხდება ყურადღების შეჩერება), საქართველოში 1822 წლიდან შეღავათიანი ტრანზიტი მოქმედებს, რამაც ვაჭრობის დიდი აღმავლობა და ვაჭართა კლასის მნიშვნელოვანი რაოდენობრივი ზრდა გამოიწვია, ასე, რომ 1818 წლის და 1824 წლის მონაცემები თვისებრივად განსხვავებულად

ქალაქებისა და მახრების დასახელება	ეკპრული ოჯახების რაოდენობა		
	1804 — 1808	1818 — 1824	1830 — 1834
თბილისი	636	926	1290
თბილისის მახრა	—	23	7
გორის მახრა	222	125	} 284
გორის მახრა	37	98	
თელავი	73	52	90
თელავის მახრა	—	8	—
სიღნაღი	35	40	100
სიღნაღის მახრა	27	36	7
დუშეთის (ანანურის) მახრა	—	—	—
ქ. დუშეთით	13	26	85
სულ	1043	1334	1863

¹⁰⁸ ეს და მომდევნო ცხრილი შედგენილია შემდეგი მონაცემების საფუძველზე: თბილისის 1808 წლის კამერალური აღწერა, სცსია, ფ. 254, აღწ. 1, საქ. 185; გორის მახრის 1804 წ. კამერალური აღწერა, სცსია, ფ. 254, აღწ. 1, საქმე 76; სიღნაღის მახრის კამერალური აღწერა, სცსია, ფ. 254, აღწ. I, საქ. 75; გ. ბოიკო იძი. ეკხეთის აღწერა 1801—1802 წლისა, ცხრილი 4, თელავის აღწერა 1804 წლისა წოდებათა მიხედვით, რუსული აღწერით, საქართველოს არქივი წ. III; ანანურისა და მისი მახრის 1804 წ. კამერალური აღწერა, სცსია, ფ. 254, აღწ. 1, საქმე 77; 1824 წლის თბილისის კამერალური აღწერა—სცსია, ფ. 254, აღწ. I, საქმე 858; 1824 წ. თბილისის საბატონო გლეხთა კამერალური აღწერა—იქვე, საქმე 856; 1824 წლის თბილისის კამერალურ აღწერაში გამოტოვებულია სახაზინო გლეხები. იქვე, საქმე 855; 1823 წლის თბილისის საეკლესიო გლეხების კამერალური აღწერა, იქვე, საქმე 800; გორის სახაზინო გლეხთა კამერალური აღწერა, სცსია, ფ. 254, აღწ. I, საქმე 540; გორის მახრის 1818 წლის სახაზინო გლეხების კამერალური აღწერა—იქვე, საქმე 541; გორის მახრის 1818 წლის საბატონო სოფლების კამერალური აღწერა, იქვე, საქმე 545; გორის მახრის 1818 წლის საბატონო გლეხთა აღწერა—იქვე, საქმე 543; გორის მახრის, საბატონო გლეხებისა და აზნაურების აღწერა, იქვე, საქმე 542; თელავის მახრის 1821 წლის სახაზინო გლეხების კამერალური აღწერა, სცსია, ფ. 254, აღწ. 1, საქმე 687; თელავის მახრის საბატონო გლეხების აღწერა, იქვე, საქმე 688; სიღნაღის მახრის კამერალური აღწერა 1817 წლისა, იქვე, საქმე 478; სიღნაღის მახრის სახაზინო გლეხთა კამერალური აღწერა 1817 წლისა, იქვე, საქმე 499; ანანურის მახრის სახაზინო-სოფლების აღწერა 1821 წლისა, იქვე, საქმე 689; თბილისის ახლად დასახლებულ სახაზინო გლეხთა 1834 წლის კამერალური აღწერა, სცსია, ფ. 254, საქმე 1422; თბილისის მოქალაქეთა 1834 წლის კამერალური აღწერა—იქვე, საქმე—

შეიძლება წარმოვადგინოთ. ასევე დიდია მე-3 სვეტის დიპლომატიკა. ერთი მხრივ, თავმოყრილია 1830—1831 წლის მასალა, მეორე მხრივ კი, 1834 წლისა. 1830—1831 წლები ჩვენში შეღავათიანი ტრანზიტის ბოლო წლებია, 1834 წელს კი ეს ტრანზიტი უკვე გაუქმებულია, რამაც ვაჭრობის მნიშვნელოვანი დაცემა გამოიწვია. მეორე სერიოზული ნაკლი თვით მასალის ს-მცირე და ფრაგმენტულობაა. ეს განსაკუთრებით შეეხება 1830—1831 წლებიან მონაცემებს.

მიუხედავად ამ და ზოგიერთი სხვა ნაკლისა, რომელზედაც ყურადღების შეჩერება აუცილებლად არ მიგვაჩნია, ჩვენ იძულებული ვართ აღნიშნული ცხრილის მონაცემებს დავეყრდნოთ და ზოგიერთი დასკვნაც გავაკეთოთ:

30 წლიან განმავლობაში აღმოსავლეთ საქართველოს ვაჭრობაში ჩაბმული ოჯახების რაოდენობა დაახლოებით 68%-ით გაიზარდა. განსაკუთრებით მნიშვნელოვანია ზრდა ქ. თბილისისა და გორის მაზრის ვაჭრობაში, რაც შეღავათიანი ტრანზიტის მოქმედების შედეგია. აღნიშნული მონაცემები ვაჭართა აბსოლუტურ ოდენობას არ მორცხვს. იგი ოჯახების მიხედვითაა შედგენილი, ოჯახში კი ზოგჯერ 3—4 და მეტი მამაკაციც კია ამ საქმიანობაში ჩაბმული.

როგორც აღვნიშნეთ, ვაჭრობა ტრადიციულად საქართველოში არ ყოფილა რომელიმე ფენის პრივილეგია. მართალია, მოქალაქეებს მასში უპირატესი როლი ეკავათ, მაგრამ ეს უპირატესობა მათ სოციალურ და ეკონომიკურ მდგომარეობაზე იყო დამყარებული და იურიდიულად გაფორმებული არ ყოფილა. როგორც

1423; თბილისის საეკლესიო გლეხთა კამერალური აღწერა, იქვე; თბილისის საუღლო სახაზინო გლეხთა კამერალური აღწერა, იქვე, საქმე — 1424; გორის მაზრის საბატონო გლეხთა და აზნაურთა აღწერა 1830—1831 წლისა. სცსია, ფ. 254, აღწ. 1, საქმე 1243; თელავის მაზრის 1831 წლის სახაზინო გლეხთა აღწერა, იქვე, საქმე 1252; თელავის მაზრის საეკლესიო გლეხთა კამერალური აღწერა, იქვე, საქმე 1253; თელავის მაზრის საბატონო გლეხთა კამერალური აღწერა. 1831 წლისა, ტ. 1, იქვეა, საქმე 1275; იგივე, ტ. II, იქვე, საქმე 1276; 1832 წლის სიღნაღის მაზრის სახაზინო გლეხთა კამერალური აღწერა, იქვე, საქმე 1326; სიღნაღის მაზრის საბატონო გლეხთა კამერალური აღწერა, იქვე, საქმე 1325; სიღნაღის მაზრის საეკლესიო გლეხთა 1832 წლის კამერალური აღწერა, იქვე, საქმე 1327; დუშეთის მაზრის 1830—1831 წწ. სახაზინო და საბატონო გლეხთა კამერალური აღწერა, იქვე, საქმე 1250; დუშეთის მაზრის საეკლესიო გლეხთა 1830—1831 წწ. კამერალური აღწერა, იქვე, საქმე 1251; სიღნაღის, 1818 წ. მონაცემები — სცსია, ფ. 16, საქ. 2046, ფურც. 16—17.

ვნახეთ, ეს ვითარება გაგრძელდა საქართველოს რუსეთთან შეერთების შემდეგაც. ეს გარემოება ქვეყანაში მშვიდობიანობის დამყარების და, ამის საფუძველზე, ვაჭრობის განვითარების პირობებში ხელს უწყობდა სავაჭრო ურთიერთობაში საზოგადოების სულ სხვადასხვა ფენების ჩაბმას. პირველ რიგში, ამ უპირატესობით სარგებლობის შესაძლებლობა სახელმწიფო ყმებს ჰქონდათ. სასაქონლო ურთიერთობის აღმავლობა და ქვეყანაში ვაჭრობის პირობების გაუმჯობესება კი საამაო ფართო ასპარეზს ქმნიდა. ცხადია გლეხის ვაჭრობაში მონაწილეობა არ წყობნავდა მის გავაჭრებას. ეს ხანგრძლივი პროცესი იყო, მაგრამ საშინაო ვაჭრობის განვითარება იწვევდა გლეხთა მისის ჩამოყალიბებას, რომლის შემოსავლის ძირითადი, ხოლო ხშირად ერთადერთი წყარო საქონელგაცვლაში მონაწილეობა იყო. განსახილველი ხანის საქართველოს სხვადასხვა კუთხეების კამერალური აღწერები საშუალებას იძლევა დაახლოებით თვალი გავადევნოთ ახალი ვაჭრების გაჩენის პროცესს: თითქმის ყველა აღწერაში გვხვდება რამდენიმე, ზოგჯერ ათეულობით ოჯახიც კი, რომლისთვისაც ძირითადი შემოსავლის წყარო სამეურნეო საქმიანობა იყო, დამატებითი კი — ვაჭრობა. ეს გავაჭრების გზაზე მხოლოდ პირველი ნაბიჯი იყო, როცა მწარმოებელი საკუთარი ნაწარმის გაყიდვით კი არ კმაყოფილდება, არამედ პარალელურად ბაზარზე იმ საქონლის გატანასაც იწყებდა, რომელიც მისმა თანამომემ დაამზადა. დასტურდება შებრუნებული ფაქტებიც, როცა შემოსავლის ძირითადი წყარო უკვე ვაჭრობაა, ხოლო დამატებითი სხვა სამეურნეო საქმიანობა აქ იგი უკვე თითქმის ვაჭარია¹⁰⁹. ცხადია, სულ ცოტა ხანში იგი ან შეურნეობას ანებებს თავს, ან ვაჭრობას, იმისდა მიხედვით, თუ როგორი ბედი ეწია და როგორი ფხა გამოიჩინა უკანასკნელ საქმიანობაში. ხოლო სხვადასხვა წლების კამერალურ აღწერებში ამ კატეგორიის ხალხის უწყვეტი არსებობა იმას მიუთითებს, რომ პროცესში სულ ახალ-ახალი მასები ებმებიან. ეს რომ ნამდვილად ასეა, იქიდან ჩანს, რომ სხვადასხვა წლების აღწერებში მოტანილი ამგვარი კატეგორიის ხალხის ვინაობა ერთმანეთს არ ემთხვევა. ცხრილში მხოლოდ ის ოჯახები შევიტანეთ, რომლებისთვისაც ვაჭრობა შემოსავლის ძირითადი წყაროა.

¹⁰⁹ უშუალო მწარმოებლის ვაჭრად გადაქცევის პროცესს ჩვენ ქვევით საგანგებოდ შევხებით და ამიტომ აქ სიტყვის გაგრძელება ზედმეტად მიგვარჩნია.

— ეს პროცესი უფრო მძიმედ მიმდინარეობდა საეკლესიო და, განსაკუთრებით, საბატონო ყმებში. ჭერ ერთი, ისინი უფრო მეტად განიცდიდნენ ფეოდალური ექსპლუატაციის უღელს და ამდენად, ჩვეულებრივ, მათი (განსაკუთრებით საბატონო ყმების) ეკონომიკური მდგომარეობა გაცილებით დაბალი იყო; მეორეც, მთავარი ქალაქები ოდითგანვე სამეფო იყო და ისინი უპირატესად სახელმწიფო ყმებით იყვნენ დასახლებული. მართალია, მოცემულ პერიოდში, როგორც ენახეთ, ვაჭრობა მაზრებსა და სოფლებშიც იწყებდა შექრას, მაგრამ ძირითადად იგი, ცხანდია, ქალაქებში მიმდინარეობდა. დაბოლოს, საბატონო ყმავაჭრების კონტიგენტი არამყარია, რადგან, გარდა იმისა, რომ ურთიერთობის ხასიათი ეწინააღმდეგება თვით ვაჭრებს პროცესს, თავისთავად (და სწორედ ამიტომ) როგორც კი ყმა ვაჭრობაში გარკვეულ წარმატებას აღწევდა, მაშინვე იწყებდა ბრძოლას პირადი თავისუფლების მოპოვებისათვის და ხშირად სახაზინო გლებთა კატეგორიაში ზღვება. ამდენად საეკლესიო და განსაკუთრებით საბატონო ყმა ვაჭართა რაოდენობის ზრდა, რომელიც განსახილველ პერიოდში შეინიშნება განსაკუთრებულ მნიშვნელობას იძენს. სახაზინო, საეკლესიო და საბატონო ყმა ვაჭრების რაოდენობის სწრაფი ზრდის გამო, მართალია, წლების განმავლობაში მოქალაქე-ვაჭართა კატეგორიაც იზრდება რაოდენობრივად, მაგრამ მისი შეფარდებითი წვლილი ვაჭართა საერთო რიცხვში განუხრელად კლებულობს. იმის გამო, რომ მოქალაქეთა კატეგორია კამერალურ აღწერებში მხოლოდ თბილისში შეჰქონდათ, ჩვენ საშუალება გვაქვს ამ პროცესს მხოლოდ თბილისის მიმართ გავადევნოთ თვალი. ქვემოთ მოყვანილი მე-2 ცხრილი ამ პროცესის საილუსტრაციოდ შემდეგ სურათს გვიხატავს:

ცხრილი 2

თბილისის ვაჭართა ფენის რაოდენობრივი ზრდა 1808—1834 წწ.

წოდება	ოჯახების რაოდენობა						ზრდის %
	1808	%	1824	%	1834	%	
მოქალაქე	530	83,3	385	41,6	428	33,7	111,2
სახაზინო			329	35,5	540	42,5	164,1
საეკლესიო	71	11,2	103	11,1	149	11,7	144,7
საბატონო	35	5,5	109	11,8	153	12,1	148,5
სულ	636	100	926	100	1270	100	—

მიუხედავად წარმოდგენილი ცხრილის სერიოზული დეფექტებისა, იგი მაინც იძლევა საშუალებას ვაჭართა რაოდენობრივი ზრდის ტენდენციას გავადევნოთ თვალი. მიუხედავად მოქალაქე-ვაჭართა აბსოლუტური რაოდენობის მნიშვნელოვანი ზრდისა თბილისის ვაჭართა საერთო რაოდენობაში მათი ხვედრითი წონა 1824 წლისათვის 41,6% ეცემა, ხოლო 1834 წლისათვის იგი კიდევ უფრო კლებულობს და შეადგენს 33,7%. ხოლო ყმა ვაჭართა წილი 5,5%-დან 1824 წ. 11,8-მდე, ხოლო 1834 წლისათვის 12,1%-მდე გაიზარდა. ეს კი შესაძლებელი გახდა აღნიშნული კატეგორიის ვაჭართა ზრდის მეტად ჩქარი ტემპით. 15 წლის განმავლობაში თბილისის საბატონო ყმა ვაჭრების რაოდენობა 3-ჯერ და მეტად გაიზარდა. იგრვე ტენდენცია შეინიშნება გორსა და გორის მაზრაში. ექვი არ არის, მსგავსი მდგომარეობაა სხვაგანაც. მაგრამ მასალებში ნაკლებობა არ გვაძლევს შედარების საშუალებას.

საეპრო ურთიერთობაში ქვეყნის სულ სხვადასხვა ფენების ჩაბმა სასაქონლო ურთიერთობის, შინაეპრობის განვითარების, საშინაო ბაზრის გაფართოების, ქონებრივი დიფერენციაციის გაღრმავების უტყუარი ნიშანია. ეს პროცესი იმაზე მიგვიჩვენებს, რომ ტრადიციულ ვაჭართა საზოგადოება სასაქონლო ურთიერთობის მაღალი განვითარების პირობებში ველარ აუდის ქვეყნის მოთხოვნილებათა დაკმაყოფილებას, რადგან მისი კონტინგენტი შეზღუდულია და ამის გამო ვაჭრობა თავის მიმოქცევაში იზიდავს სულ ახალ-ახალ მასებს. ეს პროცესი განსაკუთრებით გაძლიერდა 20-იანი წლების დასაწყისიდან, როცა საგარეო და სატრანზიტო ვაჭრობის არნახულმა განვითარებამ თავისკენ მიიზიდა ვაჭართა ზედაფენის წარმომადგენლები, როცა ხდებოდა კაპიტალის გადაქაჩვა შინაეპრობიდან საგარეო და სატრანზიტო ვაჭრობაში. ასეთ ვითარებაში შინაეპრობაში ასპარეზი ერთგვარად განთავისუფლებული აღმოჩნდა. ამის გამო ვაჭართა რიცხოვნობრივი შემადგენლობის ზრდა განსაკუთრებით შესამჩნევია ვაჭრობის შედარებით ნაკლებად მნიშვნელოვან ცენტრებში.

თბილისის 1823—1824 წლის მონაცემები ზოგ შემთხვევაში საშუალებას იძლევიან ვაჭრობაში ახლად ჩაბმული ოჯახები გამოეცალკეოთ ტრადიციული ვაჭრული ოჯახებისაგან. სულ ამგვარი 105 ფაქტის დადგენა ხერხდება. იგი საშუალებას გვაძლევს დაახლოებით წარმოვიდგინოთ ვაჭართა კონტინგენტის ზრდის ტენდენ-

ციები სხვადასხვა კატეგორიების მიხედვით. ქვემოთ მოტანილი ცხრილი შემდეგი პრინციპითაა შედგენილი: 1. ვაჭრული ოჯახების საერთო რაოდენობა; 2. მათი პროცენტი ვაჭართა საერთო რაოდენობაში; 3. ვაჭრულ ოჯახებში მოწიფულ მამაკაცთა რაოდენობა; 4. მათი პროცენტო ვაჭრობაში ჩაბმული ყველა კატეგორიის ოჯახებში შესული მოწიფულ მამაკაცთა საერთო რაოდენობაში; 5. ვაჭრობაში ახლად ჩაბმული ოჯახების რაოდენობა; 6. მათი პროცენტი ახლად ჩაბმული ოჯახების საერთო რაოდენობაში; 7. ახლად ჩაბმული ოჯახების ხვედრითი წილი ცალკეული კატეგორიების მიხედვით ვაჭრული ოჯახების საერთო რაოდენობაში, ანუ ზრდის %; 8. მოწიფულ მამაკაცთა რაოდენობა ვაჭრობაში ახლად ჩაბმულ ოჯახებში; 9. ვაჭრობაში ახლად ჩაბმული ოჯახების მოწიფულ მამაკაცთა რაოდენობის ხვედრითი წილი პროცენტობით; 10. ვაჭრობაში ახლად ჩაბმული ოჯახების მამაკაცთა ხვედრითი წილი ცალკეულ კატეგორიათა მიხედვით ვაჭრულ ოჯახებში მოწიფულ მამაკაცთა საერთო რაოდენობაში, ანუ ზრდის %.

აქვე უნდა შევნიშნოთ, რომ რადგან მასალებში დაფიქსირებულია არა ყველა შემთხვევა, არამედ მხოლოდ ზოგიერთი, სურათი ზუსტი ვერ იქნება. მიუხედავად ამისა იგი გარკვეულ წარმოდგენას მაინც შექმნის ცალკეულ სოციალურ კატეგორიათა მიხედვით ვაჭართა რაოდენობრივი ზრდის ტენდენციასა და ხასიათზე (ცხრ. 3).

ცხრილი 3

ვაჭრობაში ახლად ჩაბმული ოჯახების ხვედრითი წილი ვაჭართა ოჯახების საერთო რაოდენობაში¹¹⁰

ვაჭართა კატეგორია	ოჯახი		მოწიფ. მამაკაც		ვაჭრობაში ახლად ჩაბმული					
	ოჯახი	%	მოწიფ.	%	ოჯახი	% საერთო	% ზრდის	მოწიფული მამაკაცი	% საერთო	% ზრდის
მოქალაქე	385	41,6	542	46,7	35	33,3	9,1	40	33	7,4
სახაზონო გლეხი	329	35,5	369	31,9	41	39	12,5	50	41,3	13,3
საეკლესიო	103	11,1	121	10,4	13	12,4	12,6	15	12,4	12,4
საბატონო	109	11,8	129	11,1	16	15,2	14,7	16	13,2	12,4

¹¹⁰ სცსია, ფ. 254, აღწ. 1, საქ. 858.

როგორც ვხედავთ, ვაჭრული ოჯახების საერთო რაოდენობაში მოქალაქეები შეადგენენ 41,6%, ხოლო მოწიფული მამაკაცების რაოდენობის მიხედვით კი 46,7%. ამავე დროს ვაჭრობაში ახლად ჩაბმული ოჯახების საერთო რაოდენობაში, თუმც მათი ხვედრითი წილი მაღალია, მაგრამ უკვე ამ მონაცემებით ისინი პირველობას სახაზინო გლეხებს უთმობენ. ხოლო ამ კატეგორიის ოჯახებს საერთო რაოდენობაში კი მათი წილი 33,3% დაეცა. პირიქით, სახაზინო გლეხები თუ საერთო რაოდენობის მხოლოდ 35,5% შეადგენდნენ, ახლად ჩაბმულებში მათი შეფარდება გაცილებით მეტი იყო და შეადგენდა 39%-ს. უფრო მეტი იყო ეს შეფარდება ვაჭრობაში ჩაბმული სრულწლოვანი მამაკაცების საერთო რაოდენობის მიმართ — 41,3%, ხოლო კიდევ უფრო მეტი იყო საეკლესიო და საბატონო გლეხებში და შესაბამისად შეადგენდა 10,4—12,4 და 11,1—15,2. ვაჭრობაში ახლად ჩაბმული ოჯახების შეფარდებითი წვლილას ზრდის მიხედვით ყველაზე წინ იდგა საბატონო ყმები — 14,7, შემდეგ საეკლესიო — 12,6, სახაზინო — 12,5, ხოლო მოქალაქეებში მხოლოდ 9,1. ხოლო ვაჭრობაში ახლად ჩაბმული ოჯახების მოწიფულ მამაკაცთა საერთო რაოდენობაში მათი წვლილის მიხედვით პირველ ადგილზე სახაზინო გლეხები იყო, ამ კატეგორიის საერთო რაოდენობის 13,3%. შემდეგ საბატონო და საეკლესიო გლეხები — 12,4% თითოეული და ბოლოს მოქალაქეები — მხოლოდ 7,4%.

ბუნებრივია, რომ რაოდენობრივი მაჩვენებლები ვაჭრობაში ჭერ კიდევ არ ნიშნავს იმ ფაქტიურ მდგომარეობას, რომელიც ამა თუ იმ სოციალური კატეგორიის წარმომადგენლებს უჭირავთ. მაგრამ იგი აშკარად მიგვითითებს განვითარების ტენდენციებზე. სრულიად ბუნებრივია ისიც, რომ ვაჭრობაში ჩაბმა თავიდან მცირე კაპიტალით იწყება; ეს კაპიტალი აქ, ვაჭრობაშივე უნდა გაიზარდოს თანდათანობით. ამიტომ ფართო კომერციაში გაბატონებული ადგილი ჭერ კიდევ მოქალაქეებს უჭირავთ; მათ/ასე თუ ისე კონკურენციას სახაზინო გლეხები უწყევენ, საეკლესიო და, მით უმეტეს, საბატონო ყმა ვაჭრების როლი კი ამ შემთხვევაში ჭერჯერობით სრულიად მოკრძალებულია. საბატონო ყმა ვაჭრები უპირატესად წვრილმანი საქონლით, საკვები პროდუქტებითა და სასმელით ვაჭრობაში არიან დაკავებული.

კამერალური აღწერილობის ერთი ნაწილი საშუალებას იძლევა ჯანისაზღვროს, თუ რა ხისის ვაჭრობაში არიან ჩაბმული ამა თუ იმ

ოჯახის წარმომადგენლები. ზოგჯერ ეს განსაზღვრა სრულიად ზოგადი და ფორმალური. მაგალითად, აქ შეხედებით ამგვარ კატეგორიებს — „ვაჭრობით“, „ბითუმად ვაჭრობით“, „დუქანში ვაჭრობით“ და სხვ. ამგვარი მინიშნება არაფრისმთქმელია და ისინი შეიძლება ყველა სახის ვაჭრებს მიუდგეს. მაგრამ უფრო ხშირად მინიშნება კონკრეტულია: „ფარალეულით“, „ღვინით“, „სურსათით“ და ა. შ.

მე-4 ცხრილი ერთგვარ წარმოდგენას გვიქმნის ქართველი ვაჭრების დარგობრივ განაწილებაზე სოციალური კატეგორიების მიხედვით. როგორც აღვნიშნეთ, დარგობრივი განაწილება არ არის ზუსტი. აღწერის მონაცემები ერთმანეთში ურევს ვაჭრობის დარგს, ვაჭართა მოქმედების ასპარეზს და ვაჭრობის მოცულობას. მიუხედავად ამისა, ცხრილის მონაცემებზე დაკვირვება აშკარას ხდის, რომ როგორც 1824, ისე 1834 წლის მონაცემებით მოქალაქე ვაჭრებს წამყვანი პოზიციები ეკავათ როგორც ვაჭრობის მოცულობის თვალსაზრისით („დიღვაჭრები“ „მნიშვნელოვანი ვაჭრობა“), ისე დარგების მხედვით. ისინი გაბატონებული იყვნენ ფართლეთის და სხვ. სამრეწველო საქონლით ვაჭრობაში. მაშინ როცა ვაჭართა გლეხური ნაწილი ძირითადად უპირატესობას საყვები პროდუქტების ვაჭრობაში ინარჩუნებს. მიუხედავად ამისა, სრულიად აშკარაა სახაზინო ყმა ვაჭართა მომძლავრების ტენდენცია. ისინი ხშირად კონკურენციას უწევენ მოქალაქე ვაჭრებს და ეს პროცესი თანდათან ძლიერდება. ის ფაქტი, რომ ბითუმად მოვაჭრეთა კატეგორიაში სახაზინო გლეხების მონაწილეობა 3 ოჯახიდან 1824 წელს 1834 წელს 12 ოჯახამდე გაიზარდა, ჩვენ საგულისხმოდ გვეჩვენება. მართალია, ამავე პერიოდში იმავე კატეგორიის ვაჭრებმა ერთგვარად დათმეს პოზიციები ფართლეთული ვაჭრობაში, მაგრამ სამაგიეროდ, მათმა როლმა იმატა იმ გრაფაში, რომელსაც პირობით „ცხოვრობს ვაჭრობით“ ჰქვია; აქ კი საგულისხმოა, რომ მნიშვნელოვანი ადგილი სწორედ ფართლეთული თუ საერთოდ ტექსტილური ნაწარმით, ან ნედლეულით ვაჭრობას ეკავა.

განხილული მასალიდან აშკარად ჩანს, რომ XIX საუკუნის პირველ მესამედში ვაჭართა საერთო რაოდენობა განუხრელად იზრდებოდა. ამ ზრდაში მნიშვნელოვანი ადგილი უკავია საბატონო, საეკლესიო და სახაზინო ყმა ვაჭრებს. მათი რიცხობრივი ზრდის ტემპები გაცილებით უფრო ჩქარია, ვიდრე მოქალაქე ვაჭრებისა.

თბილისის სტადიონზე სოციალური კატეგორიის ვაჟიანთა დარგობრევი დაფუძნდა 1824-1934 წწ.

ვაჟობის სახე	1824 წელი				1834 წელი				
	წმენა	სტადიონი	ტენისი	სულ	წმენა	სტადიონი	ტენისი	სულ	
1	2	3	4	5	6	7	8	9	10
1. ეწეა დღე ვაჟობას	3-6				3-6				
2. ეწეა მნიშვნელოვან ვაჟობას	10-17				10-17				12-26
3. ვაჟობის ბიოგრაფია	9-14	3-5			12-19		12-26		
4. ვაჟობის მნიშვნელოვანი საქონლი	1-1				1-1				
5. ცხოვრობს ვაჟობით	44-70	13-19	15-17	4-5	76-111	36-56	31-49	13-23	80-128
6. ვაჟობის სტადიონზე საქონლი	4-6	10-11	1-1		15-18		3-4	2-4	5-8
7. ცხოვრობს წერილობრივ ვაჟობით	25-26	18-19	10-11	6-6	59-62	89-103	108-101	26-51	223-315
8. ეწევა დაჯილდოვებას ვაჟობას	9-12	36-38	5-8	11-12	61-70				
9. ვაჟობის სოფლებში	1-1	5-9			6-10				
10. ვაჟობის ფართობი	108-167	46-57	9-14	8-11	171-249	184-340	38-58	5-8	227-406
11. ვაჟობის ბაზილი	1-1	1-1			2-2				
12. ვაჟობის აბრეშუბი	1-1	2-2			3-3	8-15	1-1		9-16
13. ვაჟობის ხალხები									1-1
14. ვაჟობის ნაბეჭები	1-1				1-1		1-2		1-2
15. ვაჟობის სპარსული საქონლი	2-2	2-2			4-4				

შე-4 ცხრილის გავრცელება

1	2	3	4	5	6	7	8	9	10
16. ვაჭრობის დაკლებული საქონელი		1-1			1-1				
17. ვაჭრობის რეკონსტრუქციის საქონელი	3-5	1-1			4-6				
18. ვაჭრობის ცენტრები	4-5	6-7	1-1		11-13	1-1			1-1
19. ზედალი	16-18	57-62	6-6	16-24	93-110	10-20	13-23	2-4	25-47
20. ვაჭრობის თევზი	3-4	10-14	2-3	6-6	21-27	3-4	7-15	4-10	14-25
21. ვაჭრობის სერვისები	11-11	25-27	1-1		37-39		64-84	14-15	78-99
22. ვაჭრობის ხელისშეწყობა	10-12	8-10	4-5	1-1	23-28				
23. ვაჭრობის ფეხები	4-6	2-2		2-2	8-10	7-10	8-11		15-21
24. ვაჭრობის თეთრი							9-11		9-11
25. ვაჭრობის ქონის სახელი							8-10		8-10
26. მარკეტინგი	16-24	38-48	13-14	21-24	88-110	24-40	183-270	25-38	272-318
27. შიდა ბაზარი	1-1	3-3	10-12	9-9	23-25	1-1	1-1		2-2
28. ვაჭრობის დეტალები	4-5	1-1		3-3	8-9				
29. ცხოველების სარეკონსტრუქციის და ვაჭრობის	23-30	5-5	7-8		35-43				
30. შიდა ბაზარი	11-15	2-2		1-1	14-18	17-24		1-3	18-27
31. ზარალი	5-7	1-1			6-8	4-7	3-6	1-1	8-14
32. პრივატიზაცია	6-6	18-18	6-7	2-2	32-33	16-19	4-5	2-3	22-27
33. ნოქაი	14-14	103-113	15-18	17-18	149-163		3-4		3-4
34. ვაჭრობის ქალაქები	1-1	3-3			4-4				
35. ვაჭრობის სახელი	50-64	38-46	21-27	20-23	129-160	27-44	45-62	21-31	93-137
	401-553	458-527	126-153	127-147	112-1380	427-684	543-804	116-191	1086-1679

როგორც ვაჭრობის საერთო დონის, ისე მასში ჩაბმული სხვადასხვა სოციალური ჯგუფების ადგილისა და როლის განსაზღვრის ერთ-ერთი ძირითადი ფაქტორია სავაჭრო ბრუნვაში მოქცეული კაპიტალის ოდენობა და მასში ამა თუ იმ სოციალური კატეგორიის წვლილი. მაგრამ იმის გამო, რომ საქართველოში გილდიები არ არსებობდა და შესაბამისად ვაჭართა კაპიტალი არ ცხადდებოდა ხოლო განსახილველ პერიოდში ამ მიმართებით რაიმე არსებითი ცვლილება არ მომხდარა¹¹¹, ქართველ ვაჭართა ზელში არსებული კაპიტალისა და, საერთოდ, კაპიტალის მიხედვით ვაჭრების კატეგორიების დადგენა სრულიად შეუძლებელია. ერთი რამ ცხადია, იმდროინდელი ოფიციალური თუ არაოფიციალური ავტორების განცხადებები, ქართველ ვაჭართა კაპიტალის სიმცირის შესახებ ჩვენ მეტად საეჭვოდ გვეჩვენება.

ერთადერთი ოფიციალური ცნობა ქართველ ვაჭართა ერთი ნაწილას ქონებრივი მდგომარეობის შესახებ არის 1827 წელს შედგენილი საბუთი — „თბილისის მოქალაქეთა სახელობითი სია მათი ქონების დაახლოებით ჩვენებით“¹¹². ამ სიის მიხედვით 8 თბილისელი ვაჭარი 50 000 მანეთზე მეტ კაპიტალს ფლობს. 10-დან 50 000 მანეთამდე კაპიტალი აქვს 61 მოქალაქე ვაჭარს; 1000-დან 10 000 მანეთამდე — 120-ს; 1000 მანეთამდე 189-ს.

აღნიშნული მონაცემებიდან თუ საშუალოს ავიღებთ თბილისის მოქალაქე ვაჭრობის საერთო კაპიტალი თითქმის 3 მილიონ მანეთს შეადგენს. ვაჭართა საზოგადოებრივად, რომელიც სულ 378 ოჯახს ითვლის, ეს საკმაოდ სოლიდური თანხაა.

მაგრამ ჩვენს ისტორიოგრაფიაში უკვე ითქვა, რომ აღნიშნული მონაცემები ზუსტი არ არის. მაგალითად, მასში ფართლულ-

¹¹¹ ის ვაჭრები, რომლებიც კომერციის საქმეებზე იმპერიის ფარგლებს გარეთ (და ზოგჯერ იმპერიის ფარგლებშიც) მიდიოდნენ, ვალდებული იყვნენ აეღოთ სათანადო ნებართვა და პასპორტი, რისთვისაც საჭირო იყო მთხოვნელს თავისი ეკონომიკური შესაძლებლობები დაედასტურებინა, მაგრამ საამისოდ ადგილობრივი ხელისუფლება უძრავი ქონების აღნუსხვით კმაყოფილდებოდა.

¹¹² სსსია, ფ. 16, საქმე 3512, ფურც. 9—18. საბუთი პირველად გამოიყენა თ. ბერიაშვილი. იხ. მისი, რეფორმადელი ხანის საქართველოს ქალაქების სოციალური ფენები, გვ. 87. ოგი გამოყენებული აქვს აგრეთვე ე. ორჯონიკიძეს იხ. მისი დასახელებული შრომა, გვ. 132.

ლით მოვაქრე 18 ვაჭარი აშკარად შემეცირებული კაპიტალითაა წარმოდგენილი¹¹³.

ამ წყაროს უზუსტობაზე (კაპიტალის შემეცირებით წარმოდგენის ტენდენციასზე) მიუთითებს ის გარემოებაც, რომ მასში სათანადოდ არ არის შეფასებული კაპიტალები რიგი ვაჭრებისა, რომელთა მეტად ფართო კომერციები აშკარად დგინდება სხვა მონაცემებიდან. მაგალითად, მასში არ აისახა ქონებრივი მდგომარეობა ბევრი ვაჭრისა, რომლებიც 20-იან წლებში დიდ საგარეო ვაჭრობას ეწეოდნენ და ზოგიერთი მათგანი 100 000-დან 600 000 მანეთის კაპიტალს ატრიალებდა (შერმაზან ვართანოვი, კარაპეტ ტერმინასოვი, დავით და სპირიდონ ბაისაგოლოვები და სხვ)¹¹⁴. მართალია, ე. ორჯონიკიძე, რომელსაც აღნიშნული ცნობები მოაქვს, ამ გარემოებას იმით ხსნის, რომ შესაბამისი აღწერას შედგენის დროს ვაჭრები მცირე შეძლებისანი იყვნენ და კაპიტალი შელავათიანი ტრანზიტის პერიოდში დააგროვეს, მაგრამ ჩვენ, ვითვალისწინებთ რა აღნიშნულ პერიოდში ვაჭრების მიერ მართლაც მნიშვნელოვანი კაპიტალის დაგროვებას, მაინც ვფიქრობთ, რომ ეს ვაჭრები 5—6 წლით ადრეც საკმაოდ დიდ კაპიტალს ფლობდნენ, იქნება არა 100 000 და 500 000, მაგრამ 10—50 ათასს მაინც. 5—6 წლის განმავლობაში კაპიტალის 10-ჯერ გაზრდაც კი ფანტასტიკური ჩანს ასეთი დიდი მასშტაბების კომერციაში.

მაგრამ მთავარი ისაა, რომ 1827 წლის საბუთი, მხოლოდ თბილისის მოქალაქეებს ეხება. ხოლო თბილისის მოქალაქეები, როგორც ვნახეთ, 1824 წელსაც კი და თბილისის ვაჭრებშიც კი, როდენობრივად მხოლოდ 41.6% შეადგენდნენ. მართალია, ეკონომიკურად მათი ზვედრითი წილი გაცალებით მეტი იყო, მაგრამ ეს უფლებას არ გვაძლევს უყურადღებოდ დავტოვოთ ქალაქის ვაჭართა 48,4%, მით უმეტეს, რომ ვაჭართა ამ ნაწილშიც (განსაკუთრებით სახაზინო გლეხებში) ბევრი ძალიან შეძლებულიც იყო. ასეთები იყვნენ, მაგალითად, სახაზინო გლეხი დავით ხუციშვილი, რომელიც დიდ ვაჭრობას ეწეოდა როგორც ქალაქში, ისე სპარსეთში და თურქეთში; საეკლესიო გლეხები: დავით ხარაზიშვილი, რომელიც „ფართლეთში ბითუმად ვაჭრობდა სპარსეთში“, გეოგრაფიკული: „დიდი ვაჭრობა აქვს სხვადასხვა ადგილებში“, სა-

¹¹³ ე. ო რ ჯ ო ნ ი კ ი ძ ე, დასახ. ნაშრ., გვ. 136.

¹¹⁴ ე. ო რ ჯ ო ნ ი კ ი ძ ე, დასახ. ნაშრ., გვ. 139.

მატონო ყმა მოსე ძამურაშვილი, რომელიც ფართლევლით დიდ ვაჭრობას ეწეოდა ქუთაისში და ბევრი სხვა¹¹⁵.

ლაბოლოს, მოტანილი საბუთის მონაცემებში არ შეუტანიათ ვაჭრები, რომელთაც თავადაზნაურული წოდებები ჰქონდათ მოპოვებული. ესენი კი ჩვეულებრივ იყვნენ ის ტრიდიციული დიდვაჭრები, რომლებიც მეტად დიდ კაპიტალს განაგებდნენ. საქართველოში ბევრი შთაჰომავლობით თავადი თუ აზნაურიც ეწეოდა სავაჭრო-სამრეწველო საქმიანობას, მაგრამ ეს პროცესი შედარებით ახლად დაწყებული იყო, ხოლო ისეთ ვაჭართა გვარები, როგორებიც იყვნენ თუმანიშვილები, ბეგთაბეგიშვილები, ყორღანაშვილები, აბამელიძეები და ბევრი სხვა, თავიანთი კაპიტალის დასაწყისს ჯერ კიდევ XVIII საუკუნეში და უფრო ადრეულ ხანაშიც ითვლიდნენ. აქ არ შეიძლება არ მოვიგონოთ ვაჭარი შიხინაშვილი, რომლის სიმდიდრე მარტო ძვირფასი თვლების სახით თითქმის მილიონს აღწევდა. 1806 წელს თავადმა ნ. ამილახვარმა აღძრა საქმე თ. აბამელიძეზე (რომელიც უწინ აღა ტერ-შმოვანოვად იწოდებოდა), რომ მან ისპაჰანში გარდაცვლილი ივან ხან ამილახვაროვის მინდობილობით, რომელიც მომჩივანის მკვიდრი ძმა იყო. საამ შიხანაშვილისაგან 95 884 თუმანის ძვირფასეულობა მიიღო, რაც ადგილობრივი კურსით 1 677 970 მანეთს უდრის სპილენძით¹¹⁶. თუმანიშვილების, ბეგთაბეგიშვილების, ყორღანაშვილებისა და სხვათა სავაჭრო ოპერაციები გვაფიქრებინებს, რომ შთი კაპიტალი ასი ათასობით მანეთით განისაზღვრებოდა. თავისი უდიდესი სიმდიდრით ყურადღებას იპყრობს ვინმე მერაბ აღა რომელიც საგარეო ვაჭრობის დიდ კონპანის მეთაურობს. 1811 წელს მოზდოკში ჩავიდა ქართველი აზნაური ზაქარია აკიმოვი, რომელსაც გარდა საქონლისა კაპიტალის სახით 1 000 ბაჯალლო და 30 000 მან. ვერცხლით მიჰქონდა¹¹⁷.

1812 წელს (გიორგი?) ნაზარბეგოვი ჩივის, რომ ანტონ კათალიკოსმა მას გაუგზავნა ვალი 30 000 მან. ხოლო შიოევმა არ ჩამოუტანა. მიუძღვის თუ არა ნამდვილად რაიმე დანაშაული შიოევს, ჩვენთვის უცნობია, მაგრამ ადვილი წარმოსადგენია, რა დიდი შეძ-

¹¹⁵ სესია, ფ. 254, აღწ. 1, საქ. 856, 858, 855, 800.

¹¹⁶ სესია, ფ. 2, აღწ. 1, საქმე 139, ფურც. 17.

¹¹⁷ იქვე, საქმე 285, ფურც. 479—480.

ლების კაცი უნდა ყოფილიყო მომჩივანი, რომ ერთ პირზე 30 000 მანეთი ჰქონდა გასესხებული¹¹⁸.

1799 წ. 6 აპრილს გიორგი XII შემდეგი შინაარსის თამასუქს აძლევს იოანე ბევთაბეგისშვილს: „ქ. ჩვენ მეფემ გიორგამ, გიბოძეთ ეს წიგნი შენ, ბევთაბეგისშვილს მდივანს იოანეს და შენს ძმისწულს სოლომონს, ასე რომ ჩვენ ჯარი მოვიყვანეთ ლეკისა და იმის მსაყვემად დაგვეჭირდა. შენ გამოგართვი ათასორასორამოცდაათი ბაჯალღოს ოქრო და სამი ათასი ალთმიშლული. ეს ჩვენ დავხარჯეთ. იყავ. ამას შენ არ დაგვიკარგავთ და საილამც იქნება შეგისრულებთ...“¹¹⁹.

დაბოლოს, საქართველოს ვაჭართა კლასი აღებული დროისათვის არასრული ცნობებით (ეს არასრულობა ძირითადად მაზრებს შეეხება) თითქმის 1500-მდე ოჯახს ითვლიდა. მართალია, თბილისის ვაჭრობა წამყვანი იყო არა მარტო საქართველოში, არამედ მთელ ამიერკავკასიაში, მაგრამ ისიც ცხადია, რომ მოცემულ ხანებში გორელი, ქუთაისელი, სიღნაღელი თუ თელაველი ვაჭრები დიდ დამოუკიდებელ საგარეო ვაჭრობას ეწეოდნენ რუსეთში, სპარსეთში, თურქეთში თუ ევროპაში (ამაზე მომდევნო თავში გვექნება დაწვრილებით საუბარი). ცხადია, საამისოდ დიდი შეძლება და დიდი კაპიტალი იყო საჭირო, მაგალითად, გორელი ვაჭრები კიკოევები, ამირაგოვები, კოსოვები და ბევრი სხვა არც შეძლებით და არც კომერციის მასშტაბებით არ ჩამოუვარდებოდნენ თბილისელ წარჩინებულ ვაჭრებს.

1828 წელს ქართველმა ვაჭრებმა გერმანიაში 10 მილიონი მანეთის ღირებულების საქონელი შეისყიდეს¹²⁰. მართალია შეღავათიანი ტრანზიტის პერიოდში ევროპასთან ვაჭრობა განსაკუთრებით გაცხოველებული იყო, მაგრამ მას არ შეუწყვეტია ქართველ ვაჭართა კომერციები რუსეთსა თუ აზიის ქვეყნებში. მნიშვნელოვანი კაპიტალი ტრადიციულად ქვეყნის შინაავაჭრობაში.

ყოველივე ზემოთქმულის საფუძველზე შეიძლება დავასკვნათ, რომ XIX ს. პირველ მესამედში საქართველოს ვაჭართა კლასი საქმაოდ მნიშვნელოვან ფულად კაპიტალს ფლობდა.

რაც შეეხება წყაროების დაბეჭდვებულ მითითებას ქართველ ვაჭართა კაპიტალის სიმცირის შესახებ, ამის ახსნა დიდ სიძნელეს

¹¹⁸ სცხია, ფ. 2, აღწ. 1, საქმე 371, ფურც. 30.

¹¹⁹ ნ. ბ ე რ ძ ე ნ ი შ ვ ი ლ ი, მასალები ..., II, გვ. 139, № 191.

¹²⁰ Газ. «Тифлисские ведомости», 1828, № 18, 31-X.

არ წარმოადგენს: ვაჭრის ბუნება ისეთია, რომ იგი ჩვეულებრივ ცდილობს მიჩქმალოს თავისი შეძლება. ეს იმ ფეოდალური ვაჭრობის გადმონაშთია, როდესაც ვაჭრის პიროვნებისა და ქონების ხელშეუხებლობა მეტად შორს იყო სასურველისაგან. ქართველ ვაჭრებს კი თავიანთი: კაპიტალის მიჩქმალვის მეტი სურვილი და საფუძველიც ჰქონდათ, რადგან ისინი ფეოდალური და ბატონყმური ურთიერთობის ჩარჩოებში მოღვაწეობდნენ. ქვეყნის პოლიტიკური სისუსტე, მისი დაქუცმაცებულობა განსახილველი პერიოდის წინახანებში და ნაწილობრივ განსახილველ პერიოდში, მთიელთა მძარცველური თავდასხმები და ბევრი სხვა ხიფათი მას კარნახობდა რაც შეიძლება ნაკლებად მოეხდინა მისი ქონების აფიშირება, თუ ამის აუცილებლობა არ იყო¹²¹. რადგან გილდიების არარსებობის პირობებში კაპიტალის საჯაროდ გამოცხადება არ იყო აუცილებელი, ბუნებრივია, ხელისუფლების წარმომადგენლებსაც კი უძნელდებოდათ ფაქტიური სურათის დადგენა. ცხადია, დიდი კომერცია, რომელსაც ესა თუ ის პიროვნება ახორციელებდა, ცხოვრების ყაიდა, რომელსაც მდიდარი ვაჭრები ეწეოდნენ და ბევრი სხვა, მათ შეძლებულობას ვერ დამალავდა, მაგრამ მათი ფაქტიური კაპიტალი თანამედროვეებს შეეძლოთ მხოლოდ ევარაუდათ¹²². ამიტომაც კამერალურ აღწერებში, თუ სხვა სახის საბუთებში რომლებიც კი ჩვენ ხელთ გვაქვს, ვაჭართა ქონებრივი მდგომარეობა განისაზღვრება მათი უძრავ-მოძრავი ქონების ჩვენებით: სახლების რაოდენობა ბაღების რაოდენობა და ცხოვრებას ღონით, ვთქვათ, „ცხოვრობს კარგად“, „ცხოვრობს საშუალოდ“, „ცხოვრობს ძალიან კარგად“ და ა. შ.

¹²¹ ეს აზრი გამოსკვივის მოქალაქისა და საეარაულოა ვაჭრობასთან დაახლოებული პირის, ისტორიკოსის ფარსადან გორგჯანიძის (XVII ს. მიწურული) შეგონებაში: „მისთვის ნათქვამია ფილოსოფოსთაგან საქონელი მიფარვით შენახული სჭობსო...“. საქართველოს ცხოვრება, თბ., 1913, გვ. 374.

¹²² მეტად საინტერესო ფაქტია: 1799 წელს გიორგი XII-მ თუმანიშვილების სახლს რაღაც ორგულობაქდასწამა, აიკლო და 2000 თუმანი თეთრი დააწერა. თუმანიშვილების სახლის დიდი შეძლება ჩვენთვის არაერთი საბუთით კარგადაა ცნობილი. ცხადია კარგად იყო ცნობილი გიორგი მეფისთვისაც. სწორედ ამის საფუძველზე შეაწერეს მათ ასეთი დიდი გამოსაღები, რაც სულაც არ იყო მათთვის შეუძლებელი რამ. მიუხედავად ამის თუმანიშვილებმა თავის მოსაწყლებითა და სხვა ზომებით მოახერხეს ეს თანხა 600 თუმანამდე დაეყვანათ. ამის შემდეგ მთელი ეს თანხა სხვადასხვა პირებისაგან ისესხეს, რაზედაც სპეციალური საბუთებიც შეადგინეს და ისე გადასცეს ხაზინას. მთელი ეს მაქინაციები მათ იმისთვის დასჭირდათ, რათა თავიანთი სიმდიდრის აფიშირება არ მოეხდინათ (მასალები..., II, გვ. 142—147, № 197, 198).

ზოგჯერ მოცემულია იმ გადასახადების ოდენობა, რომელსაც ესა თუ ის ვაჭარი თავის საზოგადოებაში იხდის, კაპიტალზე კი არსად არაფერია ნათქვამი. მაგალითად, გორის მაზრის სახაზინო გლეხების 1818 წლის აღწერაში 30 ვაჭარს აქვს ცხოვრების დონის აღნიშვნა. აქედან მდიდარია (избыточное состояние) — 12, კარვად ცხოვრობს — 11, საშუალოდ (порядочное состояние) — 6, ღარიბია — 1.

ვაჭართა ქონებრივი დიფერენციაციის შესახებ გარკვეული წარმოდგენა შეიძლება შეგვექმნეს იმ გადასახადების ოდენობის მიხედვითაც, რომელსაც ვაჭრები ხაზინის სასარგებლოდ იხდიდნენ. ამგვარ მონაცემებს ასე თუ ისე სისტემატური სახით შეიცავს თბილისის 1834 წლის აღწერები. აღწერები ცალკეა შედგენილი მოსახლეობის სოციალურა კატეგორიების მიხედვით: 1. მოქალაქეები; 2. ახლად დასახლებული მოქალაქეები; 3. სახაზინო გლეხები; 4. საეკლესიო ვლახები; 5. საბატონო გლეხები. მაგრამ საეკლესიო და საბატონო გლეხების გადასახადების ოდენობა მითითებული არ არის, რადგან ისინი ეკლესიის და მებატონის სასარგებლოდ იხდიდნენ. ამდენად მათი მონაცემების გათვალისწინების საშუალება ჩვენ არ გვაქვს. მე-5 ცხრილში მოცემულია ვაჭრების ქონებრივი დიფერენციაცია მათი გადასახადების ოდენობის მიხედვით. ცხრილის პირველ გრაფაში მოთავსებულია ის ვაჭრები, რომლებიც არაერთარ გადასახადს არ იხდიან სხვადასხვა მიზეზების (ძირითადად ეკონომიკური სისუსტის) გამო. მეორე გრაფაში კი შესულია დაუბეგრავი ვაჭრები. თარხნობა ვაჭართა ერთი ნაწილის პრივილეგია იყო ქართველ მეფეთა დროიდან მოკიდებული. ზოგიერთ ვაჭარს სახელმწიფოსა თუ სამეფო ოჯახს წინაშე გაწეული რაიმე მნიშვნელოვანი დამსახურებისათვის მეფე ანთავისუფლებდა გადასახადისაგან, ზოგჯერ კი შთამომავლობით ანიჭებდა ამგვარ პრივილეგიას. ამდენად ამ გრაფაში შესულნი უპირატესად განსაკუთრებით წარჩინებული (განსაკუთრებით დამსახურებული) ვაჭრები ან ამგვარი ვაჭრების შთამომავლები არიან. ამდენად უნდა ვივარაუდოთ, რომ ისინი განსაკუთრებით დიდი კაპიტალის მფლობელები იყვნენ. მაგრამ, უვცობის თუ უყურადღებობის გამო შემდგენელი ამ ორ გრაფას ხშირად ერთმანეთში ურევდა და რუბრიკის ქვეშ „არაფერს არ იხდის“ შექმნა დაუბეგრავი (პრივილეგირებული) ვაჭრები (პირაქით პროცესი არ დგინდება). ამიტომაც, რომ როგორც მე-5 ცხრილიდან ჩანს, ამ რუბრიკის ქვეშ ზოგიერთი

ბითუმად მოვაჭრეებიცაა შეტანილი. ყველა სახის ვაჭრები შეიძლება დიდი და მცირე კაპიტალითაც, მაგრამ ბითუმად ვაჭრობა კომერციის მასშტაბის განსაზღვრებაა და ამდენად, ამგვარ ვაჭრობას ეკონომიკურად შეუძლებელი კაცი ვერ ეწევა. ბითუმად მოვაჭრეები ჩვეულებრივად ძალიან მდიდრები იყვნენ.

აღნიშნული ცხრილიდან ჩანს, რომ საქართველოს ვაჭრობაში როგორც რაოდენობრივად, ისე ქონებრივად გაბატონებული ადგილი ფართლულოთ ვაჭრებს ეჭირა, ფართლულოს ვაჭრობაში მთელი ვაჭრული კაპიტალის მნიშვნელოვანი ნაწილი იყო ჩართული.

თბილისის 1834 წლის კამერალური აღწერის მონაცემების შედარება მოქალაქეთა მდგომარეობის აღმნიშვნელ 1827 წლის სიასთან გვარწმუნებს, რომ ყველა ამ მონაცემს დიდი სიფრთხილით უნდა მოვეყიდოთ. ერთი შეხედვით ისეთი შთაბეჭდილება რჩება, რომ ვაჭართა გადასახადების ოდენობა მათი ქონებრივი შესაძლებლობის მიხედვით კი არ დგება, არამედ რაღაც სხვა ნიშნით (ცხადია, ჩვენ მხედველობაში გვაქვს არაპრავილეგირებული ვაჭრები). მაგალითად, ბევრი ვაჭარი, რომელიც 1827 წლის სიაში უმდიდრესადაა აღნიშნული, 1834 წელს ერთობ მცირე გადასახადს იხდის. მაგალითად ავეციკ ბაბანოვს 1827 წლის ცნობით 50 000-ზე მეტი კაპიტალი ჰქონია, 1834 წელს კი 9 მან. 20 კაპიკს იხდის (ეს, როგორც ჩანს, საშუალო ვაჭრის გადასახადია თბილისში). ასევე 9 მან. 20 კაპიკს იხდიან ხარაზოვები, რომელთაც აგრეთვე 50 000-ზე მეტი კაპიტალი აქვთ აღნიშნული 1827 წელს; სოსია არუთინაშვილი 1827 წელს მეორე კატეგორიის ვაჭრებში შედიოდა (10-დან 50 000-მანეთამდე), 1834 წელს კი სულ 5 მანეთს იხდის. ამავე დროს 1834 წლის აღწერაში შეტანილი ბევრი, ვაჭარი, რომელიც 40 და 50 მანეთ გადასახადსაც კი იხდის, 1827 წლის მდიდარ ვაჭრებში საერთოდ არ არის მოხსენიებული. ჩვენ მხედველობაში ვიღებთ იმ გარემოებას, რომ ამ ორ საბუთს შორის, რომლებსაც ჩვენ ერთმანეთს ვადარებთ, განახვავება დროში 7 წელია. ეს საქმით დროა იმისათვის, რომ ვაჭარი გამდიდრდეს ან გაღარიბდეს კიდევ. მაგრამ მხედველობაში უნდა მივიღოთ ის გარემოებაც, რომ ამ 7 წლიდან 4—5 წელი შეღავათიანი ტრანზიტის პერიოდზე მოდის, როდესაც კაპიტალი განსაკუთრებით ფასობდა და ჩვეულებრივ ძალიან დიდ შემოსავალს იძლეოდა. ასე, რომ თუ რაიმე განსაკუთრებული შემთხვევა (უბედურება) არ მოხდა, თითქოს ვაჭრის დაცემა შეუძლებელი იყო. იმ შემთხვევაში თუ ვაჭარი

მაინც გაკოტრდა, იგი საერთოდ ამოღებული იქნებოდა გადასახადთა სიიდან, როგორც ჩვეულებრივ ხდებოდა. მაგრამ ცოტა ძნელი დისაჩერებელია, რომ ასეთი დიდი კაპიტალის მქონე ვაჭარი სა-

ცხრილი 5

თბილისის სხვადასხვა ვაჭრული ოჯახების (მოქალაქეები ახალდასახლებულები, სახაზინო გლეხები) ქონებრივი დიფერენციატა გადასახადთა ოდენობის მიხედვით

ვაჭრობის სახე	არაფურსი არ იხდის	დღებურად	1 მანეთამდე	1-3 მანეთამდე	3-5 მანეთამდე	5-10 მანეთამდე	10-25 მანეთამდე	25-50 მანეთამდე	50 მან. მეტი	სულ
ეწევა ვაჭრობას	13	6	1	9	9	11	16			
ვაჭრობის ბოთლად	2	1			1		7	1		
ცხოვრობს წვრილმანი ვაჭრობით	37	29	10	28	28	42	18			
ვაჭრობს ფართოთ	1	26	2	11	10	60	64	41	4	
ვაჭრობს აბრეშუმის საქონლით	1	1		2	2	2	1			
ვაჭრობს ხალჩებით	11	10		18	20	12				
ვაჭრობს სურსათით	5	4	3	3	3	4	1			
ბაყალი	4	1	3		3					
თევზით				1			2			
თიხის კურკლით	3	2	1	1	2	2	1			
ფქვილით	2		2	2	1	2				
თივით	6	4				3				
სანთლებით	28	44	6	32	45	31	22			
მარკიტანტა	1						1			
მელუქნე	2	1		1	1	7	2	1		
მოიჭარე	1	1			1	1	3			
ზარათი	4	4	5		4	3				
პრიკაშჩიკი	4	22	5	8	7	12	11			
სასმელით	1	3	1	2		8				
სხვადასხვა										
	125	161	39	118	137	200	149	43	4	
მოქალაქე	24	48	21	46	28	105	108	38	4	422
ახლად დასახლებული	84	34	6	27	47	29	15	5		247
სახაზინო გლეხი	17	78	12	45	63	66	26			307

სულ | 125 | 161 | 39 | 118 | 137 | 200 | 149 | 43 | 4 | 976

შუალო ვაჭრის დონეზე დავიდეს და ამან მაშინვე ასახვა პოვოს გადასახადების ცხრილში. ეს ცხრილები ხომ ჩვეულებრივ 4 წელიწადში ერთხელ დგებოდა. ასე თუ ისე, ერთი ამჟამად, რომ ვაჭართა კაპიტალის განსაზღვრისას იმ მონაცემებს, რომელსაც ჩვენ

და ჩვენი წინამორბედი ავტორები იყენებენ, მხოლოდ პირობითი ნიშნულთა შეიქმნება ჰქონდეს და იგი ვერავითარ შემთხვევაში ვერ მოგვცემს ამ კაპიტალის მიზნობით ზუსტად განსაზღვრის საშუალებასაც კი. ასეთ ვითარებაში წარმოდგენა ქართველი ვაჭრების კაპიტალზე მხოლოდ იმ კომერციების საშუალებით შეიძლება, შეგვექმნას, რომლებსაც ისინი განსახილველ თუ მის წინა ხანებში ეწეოდნენ. აქვე უნდა შევნიშნოთ, რომ როგორც წყაროების, ისე ზოგიერთი ავტორის მტკიცება იმის შესახებ, თითქოს ქართველი ვაჭრები დიდ კომერციებს ერთობ უმნიშვნელო კაპიტალით აწარმოებდნენ ჩვენ არასწორად გვეჩვენება. მიუთითებენ იმაზე, რომ ქართველ ვაჭრებს ნისიად მოჰქონდათ საქონელი როგორც რუსეთის, ისე ევროპის ბაზრობებიდან (მოსკოვის, ნიჟეგოროლის, ლაიფციგის). მაგრამ მხედველობიდან რჩებათ ის გარემოება, რომ ნისიად ვაჭრობა, როცა ქალაქის ფული საქართველოში ჯერ კიდევ ნაკლებად იყო ბრუნვაში, ხოლო ლითონის ფულის იქით-აქეთ ტარება დიდ ხარჯებს მოითხოვდა და ბევრ საფრთხესთან იყო დაკავშირებული, მეტად აადვილებდა ვაჭრობის საქმეს. ამდენად, ნისიად ვაჭრობის ფაქტი კაპიტალის სიმცირის ნიშნად არ გამოდგება მით უმეტეს, რომ ყოველგვარი სანიშნო გარიგება ჯენტლემენურ ნდობაზე და პატიოსან სიტყვაზე როდი იყო დამყარებული. ვაჭარს ნისია რომ მიეღო, ამისათვის მას შესაბამისი გარანტიების საშუალება უნდა ჰქონოდა კაპიტალისა თუ უძრავ-მოძრავი ქონების სახით. უამისოდ ცხადია, მას არავინ ენდობოდა. შესაბამისი გარანტიებისა და თამასუქების გარეშე ასიათასობით მანეთის საქონელს ვინ გამოატანდა ევროპიდან, როცა თბილისშიც კი ადგილობრივი ხელისუფლება საპნისა და თევზის იჭარას არ აძლევდა თბილისისვე მკვიდრს, ხანამ იგი წინასწარ არ შეიტანდა შესაბამის თანხას, ან იჭარის ფასის უზრუნველსაყოფად უძრავ-მოძრავ ქონებას არ წარადგენდა.

ქართველი ვაჭრების კომერციის მასშტაბებზე საგარეო ვაჭრობაში მომდევნო თავში გვექნება საუბარი. აქ კი სხვა რამეს გვინდა დაგვუსვავთ ხაზი: რასაკვირველია, ქართველ ვაჭართა მნიშვნელოვანი ნაწილი მეტად უსუსურ კაპიტალს ფლობდა. სხვანაირად შეუძლებელი იყო. ვაჭრობის არნახული განვითარების პირობებში, როდესაც კომერციაში ებმებიან საზოგადოების ყველა ფენის წარმომადგენლები, როდესაც ფანტასტიკურად იზრდება ვაჭართა რიცხოვრივი შემადგენლობა, მისი გარკვეული ნაწილი მცირე კა-

პიტლიანია. მოვაჭრემ კაპიტალი ვაჭრობაში უნდა დააგროვოს. ხოლო კომერციაში ჩაბმული კაცის სოციალური მდგომარეობა განისაზღვრება არა იმით, თუ რამდენ კაპიტალს ფლობს იგი (კაპიტალის ოდენობა განსაზღვრავს ხარისხს), არამედ იმით, თუ რა არის მისი ძირითადი საქმიანობა, რით ირჩენს თავს, რით არჩენს ოჯახს და იხდის ვალდებულებებს. მაგრამ ვაჭრობაში კაპიტალის თანდათანობით დაგროვება მეტად ხანგრძლივი და რთული პროცესია. ეს პროცესი ბრწყინვალედ აღწერა ლ. არდაზიანმა. სოლომონ ისაყი მეჭლანუაშვილს ათობით წელი დასჭირდა, რათა თავისი მილიონისათვის მოეყარა თავი. მაგრამ არსებობდა უფრო მოკლე და, თუ შეიძლება ასე ითქვას, პროგრესული გზა. ეს იყო კრედიტი და საეაჭრო ამხანაგობები. ამიტომ ამ საკითხზე ყურადღების შეჩერება ჩვენ მიზანშეწონილად მიგვაჩნია.

7. კრედიტი და სავაჭრო ამხანაგობები

საქართველოში სავაჭრო კაპიტალის როლისა და მნიშვნელობის დაწვრილებითი დახასიათება სცილდება ჩვენი საკვლევი თემის ფარგლებს. ამ საკითხზე ჩვენს ლიტერატურაში არაერთი ნაშრომი არსებობს¹²³. ჩვენ მხოლოდ ზოგადად გვინდა აღვნიშნოთ რამდენიმე მომენტი, რომელიც სავაჭრო კაპიტალს სავაჭრო კაპიტალთან აკავშირებს. სავაჭრო კაპიტალს ჩვენში დიდი ხნის ისტორია აქვს. მაგრამ როგორც განსახილველი ხანის საბუთებზე დაკვირვებიდან ვრწმუნდებით, სავაჭრო კაპიტალი მისი ტრადიციული შუასაუკუნოებრივი სახით ჩვენს პირობებში საკმაოდ იშვიათი მოვლენა ყოფილა.

XIX ს-ის პირველი მესამედის კამერალური აღწერების მასალებში პირდაპირი მითითება მევახშეზე, როგორც სპეციალობაზე (ძირითად საქმიანობაზე) არ არის. მაგრამ გვხვდება კატეგორია ოჯახებისა, რომლებიც „თავს ირჩენენ თავიანთი კაპიტალით“ რა-

¹²³ ვ. ჩ ა ნ ტ ლ ა ძ ე, ფინანსები რევორმამდელ აღმოსავლეთ საქართველოში (1801—1864), თბ., 1975; А. П а н ц х а в а, Вопросы аграрной истории Грузии первой половины XIX в. Тб., 1973; З. В. А н ч а б а д з е, Очерки экономической истории Грузии первой половины XIX в., Тб., 1966; ნ. ქ ი თ ი ა ვ ა, ფულის მომოქცევა, კრედიტი და ფინანსები XVIII საუკუნის ქართლ-კახეთში, 1963, დ. უჩანავილი, დოკუმენტები საქართველოს ეკონომიური ისტორიისათვის თბ., 1967, და სხვ.

შიც, ბუნებრივია, კაპიტალის პროცენტი, ე. ი. მისი გასესხების შედეგად მიღებული შემოსავალი იგულისხმება. მაგრამ ნიშანდობლივია, რომ ამგვარ ოჯახებში ჩვეულებრივ შრომითუნარიანი მამაკაცები არ არიან. ¹

დაკვირვება გვიჩვენებს, რომ მხოლოდ ფულის გასესხებით დაკავებული არიან უპირატესად ის პირები, რომლებთაც საავაქრო ოპერაციების წარმოების საშუალება არა აქვთ, ქვრივები, მოხუცები, უძლურები და ა. შ. მაგალითად, XVIII საუკუნეში მნიშვნელოვან თანხას ასესხებს მენალარაანთ ესტატეს ქალაბი მარეხა¹²⁴, გორჯასპი მდივნის ქალი მაია¹²⁵. ბატონიშვილის გამდელი...¹²⁶ და სხვ. ამგვარ საქმიანობაში ხშირად ჩაბმული არიან ეკლესიის წარმომადგენლები და თვით ეკლესიაც. მთავარეპისკოპოს იუსტინეს 1814 წლისათვის პროცენტით გასესხებული ჰქონია 2731 თუმანი, 1800 წლისათვის ივანე ნაზირს ეკლესიის უმართა 419 თუმანი¹²⁷. საკრედიტო ოპერაციებში ჩაბმული ჩანს სუფრაშნის ეკლესიის დეკანოზი მილდისი ტერ-ნიკოლოზა¹²⁸ და სხვ. თუ რამდენად დახელოვნებული იყო ეკლესია ამგვარ ოპერაციებში, იქიდან ჩანს, რომ, როგორც ირკვევა, არსებობდა ტრადიცია, რომლის მიხედვითაც მლოცველები ფულს წინასწარგანზრახვით წირავდნენ, რათა ეკლესიას იგი გაეჩუხებებია როგორც ძირითადი კაპიტალი, ხოლო სარგებელი შემწირაგის სურვილის მიხედვით დაეხარჯა¹²⁹.

¹²⁴ დ. უ ჩ ა ნ ე ი შ ვ ი ლ ი, დოკუმენტები საქართველოს ეკონომიური ისტორიისათვის, თბ., 1967, გვ. 57, № 47.

¹²⁵ ნ. ბ ე რ ძ ე ნ ი შ ვ ი ლ ი, მასალები..., II, გვ. 104, №157, გვ. 107, №161.

¹²⁶ იქვე, გვ. 48, № 47.

¹²⁷ დ. უ ჩ ა ნ ე ი შ ვ ი ლ ი, დასახ. ნაშრ., გვ. 12.

¹²⁸ იქვე, საბ. 117.

¹²⁹ ამის მაგალითია შემწირულების წიგნი, რომელსაც იოანე ბუჭყაშვილი და მისი მუღლე გაბაშვილის ასული ნინო შომღვიმის მონასტრის აძლევენ ... მე, მონაწილე და მსასოებელმან შენმან ბუჭყაშვილმა იოანემ და მუღლემან ჩემმან დავით გაბაშვილის ასულმან ნინომ, შემოგწირეთ ათი თუმანი თეთრი, რათა წლთი-წლად სარგებლობდეს თუმანი თვეში ორშაურად, ვინაიდან უმეტეს განვახლება არა ჭერ იყო. ათის თუმნისა მის სარგებელი იქნების ხუთი აბაზი და, ვინაიდან თვე ოთხი კვირა არის ეს ხუთი აბაზიცა. ოთხად განიყოს, რომლისა მეოთხედი იქნების ხუთი შაური.

ხუთშაბათს დღეს ვინც მწირველი იყოს, რომელიც არს ზემო ეკლესია დიდი დმთისმშობლის მიცვალებისა იქ იწირვიდეს და მას მიერთებოდეს ერთი შაური სანთლის-საკმლის ფასად და ერთი აბაზი საწირავად და ცოდვათა ჩვენთა შესანდობლად... ჰსწირვიდეს მის ხუთშაბათს მწირველი და ევრეთვე მეორესა და მესამესა და მეოთხე

ყოველივე ზემოთქმულიდან აშკარად ჩანს, რომ სავანშო კაპიტალი განსახილველ პერიოდის საქართველოში უმეტეს შემთხვევაში არ გამოდის წმინდა სახით. მხოლოდ სავანშო ოპერაციებს კაპიტალს მფლობელთა ის ნაწილი მისდევს, რომელსაც სხვადასხვა მიზეზების გამო ფართო სავაჭრო ოპერაციებში ჩაბმის საშუალება არა აქვს.

განსახილველ ხანაში საქართველოში აღდილი აქვს სესხის პროცენტის მატებას, თუმცა ამავე დროს იზრდება ვასასესხებლად თანხის ოდენობაც¹³⁰. ეს ფაქტი ვაჭრობის განვითარებით და ამ საქმეში ახალი ძალების ჩაბმის პროცესით იყო განპირობებული.

საგარეო და საშინაო ვაჭრობის გაფართოება, მაღალი მოგების მიღების შეუძლებლობას სახავდა. XIX საუკუნის დასაწყისიდან საქართველოში კაპიტალის დაბანდების მრავალი ახალი სფერო ჩნდება სახაზინო მშენებლობების, ჯარის ნაწილების მომარაგების, საქონლის გადაზიდვის და სხვ. სახით. ყველაფერი ეს კაპიტალის გაძვირებას იწვევდა, რაც კრედიტზე მოთხოვნილების ზრდით იყო განპირობებული. კრედიტორისათვის, რომელიც ხშირად თვითონ იყო ვაჭარი და მოიჯარე (ყოველ შემთხვევაში ყოფილი ვაჭარი, მოიჯარე ან მათი მემკვიდრე) კარგად იყო ცნობილი სავაჭრო საიჯარო საქმეში კაპიტალის დაბანდებას მაღალი სარგებლიანობა. ყველაფერი ეს სარგებლის ნორმის მატებას იწვევდა. ამდენად „მოგების ნორმა არეგულირებდა სარგებლის ნორმას“ წინააღმდეგ შუასაუკუნეობრივი კრედიტისა, როცა პირიქით „სარგებლის ნორმა არეგულირებდა მოგების ნორმას“ (ფ. ენგელსი).

იმ მრავალრიცხოვან გამოქვეყნებულ და გამოუქვეყნებელ საბუთებში სავანშო ოპერაციებს რომ შეეხება, მხოლოდ იშვიათადაა მითითებული, თუ რა დანიშნულებისათვისაა სესხი აღებული. მაგრამ ეს ხელს არ გვიშლის ვივლისსმით, რომ XIX საუკუნის პირველ მესამედში გასესხებული კაპიტალის მნიშვნელოვანი ნაწილი (თუ უპირატესი არა) ვაჭრებზე იყო გაცემული, რასაც არაერთი საბუთი ადასტურებს: „ჩ. ავიღე მე, ტერ შმოვნანთ ოპანეზას შვილმა აღამ, შენ ნაზარბევის შვილი ბატონი გიორგისავან,

სა კვორიაცესა, ხოლო თეთრი იგი ათი თუმანი ნურცა წარეგების სხვად რადმე, რათ არ განწყდეს წირვაცა ჩემთვის...“ და სხვ. დ. უჩანეიშვილი დასახ. პუბლიკაცია გვ. 156.

¹³⁰ დ. უჩანეიშვილი, დასახ. ნაშრომი, გვ. 10—11.

ასი თუმანი ერევნის სალი თეთრი, ათი დანა ალთმიშლული ერთ თუმნათ, რომ იქს ნახევარი (50 თუმანი) ამდენი. ღვთით, ამ ქვემო თარილიდამ რაც ხანს ჩემს ხელთ დაჰყოს, თვეში თუმანს თავს თვრამეტი ფული სარგებელი მოგცე. როცა შენი ზემო მახალაი მოინდომო თავისი გავლილი სარგებლით ბეჭუზურად მოგართო.

დაიწერა ერევანს მარტის გასულს ჯერს უოა“...¹³¹ და სხვ. ოპერაციაში მონაწილე ორივე პირი აშკარად ვაჭარია. სესხის გაცემა ხდება ერევანში სადაც მსესხებელიც და კრედიტორებიც საევაქროდ არიან ჩასულნი. ბუნებრივია, ამით იყო განპირობებული მაღალი პროცენტიც. გამსესხებელთა როლში ვხედავთ ისეთ ცნობილ ვაჭრებსა და საქმოსნებს როგორებიც იყვნენ: სოლომონ აბამელიქოვი¹³², უთურა ყორღანოვი¹³³, სტეფანე ბასტამოვი¹³⁴ და ბევრი სხვა.

ქ. ავიღე მე, ტერ-შატურაშვილმა არაქელამა, შენ, თუმანიშვილის მდივნისა მანუჩარისაგან, ოთხმოცი თუმანი ქალაქის რიჯი სარმა ოთხ დანგიანი აბაზი, იქნება ამის ნახევარი (40 თუმანი) ამდენი წავიღო მე ეს თეთრი და როგორც ბეირათი ვნახო და ქვეამ გამიქრას, ჩემთვის ვამუშაო, რომ ამის ხეიარში და ზიანში შენ საქმე არ გქონდეს. ზიანი და სარგებელი ორთავე ჩემი არის. და ამ ქვემო თარილიდამ ამ შენმა ოთხმოცმა თუმანმა რაც ჩემს ხელთ დაჰყოს წელაწადში ათი თორმეტნახევრად გაურჯელად მოგცე“¹³⁵. ვაჭრებზე ფულის გასესხების არაერთი ფაქტი დასტურდება იმერეთშიც: „ავიღე მე ოცხელმა ვართანაშვილმა შატანჯანამა თქვენ ხაუშარანთ ვართანის შვილი დავითისაგან შვილი თუმანი ქალაქის ფული რომ ამის ნახევარი იქს სამ თუმანს და ხუთ მინალთუნს. ამ ქვემო თარილიდან ერთი წელიწადი ვადა. ვადაზე შენი ფული ქუთაისს მოგაბარო. თუ შენი სანათა გამოგიგზავნო ვადას უკან შენი ფული იმას მიგაბარო შენს თეთრს როდესაც მოიციტხავ შენი თეთრი ულაპარაკოდ მოგებარება. ეს მე შატანჯანს დამიწერია და ჩემი ყაბული არის“¹³⁶ და სხვ.

როგორც ვხედავთ, ყველა განხილულ შემთხვევაში საქმე გვაქვს არა სავანშო კაპიტალთან არამედ ფულის გასესხების პროც-

¹³¹ ნ. ბერძენიშვილი, მასალები..., ტ. II, გვ. 58, № 90.

¹³² დ. უჩანეიშვილი, დოკუმენტები... გვ. 174, № 195.

¹³³ ნ. ბერძენიშვილი, მასალები... ტ. II, გვ. 62, № 96.

¹³⁴ იქვე, გვ. 114, № 158.

¹³⁵ იქვე, გვ. 58, № 91.

¹³⁶ სესია, ფ. 16, საქმე 905, ფურც. 11.

რესულ ფორმასთან—კრედიტთან, რომელსაც ერთობ მნიშვნელოვანი როლი უნდა შეეპრულებინა ვაჭრობის განვითარებაში და კერძოდ ერთიანი ქართული საშინაო ბაზრის ჩამოყალიბების პროცესში.

XVIII საუკუნის მეორე ნახევარსა და XIX საუკუნის დასაწყისში თანდათანობით დამკვიდრებას იწყებს კრედიტის სხვა ფორმაც, როცა გამსვენებელი სარგებლის სახით იღებს, არა გასესხებული თანხის პროცენტს, არამედ მოგებზე ნაწილს, ე. ი. ფაქტიურად იგი ვაჭრის კომპანიონი ხდება: „ღვთის წინაშე ნაზარასთვინ მიმცია თორმეტი თუმანი და ნახევარი. თავნი ჩემი იყო და რაც სარგებელი მოგვევლოდა ნახევარი ჩემი იყო და ნახევარი იმისი იყო...“¹³⁷ — წერს თავის ანდერძში მენაღარიანთ ესტატეს ქალაბი შარეხა. „ავიღე მე, ალეღმა ასატურასშვიღმა პოლოსამა, თქვენ, ბატონის ჩემის გორჯასპის მდივნისაგან, ერთი თუმანი ახალი თეთრი, რომ იქს ამის ნახევარი 3 (5 მინალთუნი) ამაა, ამა პირობით, რომ ეს თეთრი მე თავნათ დავიჭირო და აღებ-მიცემობაში ვამუშაო და რაც ღმერთმა მომცეს ხეირი თუ შარი, თავნი ზომ თქვენ უნდა მოგაბარო და მონაგებისა ხეირი და შარი ორივესი უნდა იყოს“¹³⁸. მოტანილი საბუთები XVIII საუკუნის მეორე ნახევრისაა. ქვემოთმოდანილი მოგვიანებითი ხანის (XIX ს. 40-იანი წლები) საბუთი კარგად ახასიათებს აღნიშნულ მოვლენას: „წელსა 1846-სა ოქტომბრის 4-სა დღეს... ესე ხელშეკრულებისა და პირობითი წერილი დავდევით ჩვენ ქვემოთე ამის ხელის მომწერთა, სახელდობრ კნიაზ მალხაზ თუმანოვმა და გორის ქალაქის მცხოვრებელთა, იაკობ ფირაგოვმა და იაკობ ხითაროვმა, ასე რომ — პირველად კნიაზ მალხაზ თუმანოვისაგან მივიღეთ ჩვენ ორთა ამხანაგთა — ასორმოცდაათი თუმანი, ესე იგი ათასხუთასი მანეთი თეთრი ფული და ეს ათასხუთასი მანეთი უნდა ვამუშაოთ ჩვენ და გავოსარჩნეთ ერთგულათა და ვივაჭრნეთ სადაც სჯობდეს და ხეირი იყოს და რაც ღმერთმა მოგება მოგვეცეს, თავნი უნდა კნიაზ მალხაზ თუმანოვს მიეცეს თავნი და მოგება ნახევარი თუმანოვისა უნდა იყოს, და ნახევარი ჩვენ ორი ამხანაგისა და აგრეთვე ღმერთმა ნუ ქნას შემთხვევა არც ზარალი მოგვეცეს სიმარ-

¹³⁷ დ. უჩანეიშვილი, დოკუმენტები..., № 47.

¹³⁸ ნ. ბერძენიშვილი, მასალები..., II, გვ. 40, 61.

თლის ზარალშიც მოგების დაგვარ უნდა მო(გვი)დგეს თუმანო-
ვი¹³⁹ და სხვ.

განსახილველ იხანის საქართველოს ვაჭრობისათვის დამახა-
სიათებელია სავაჭრო ამხანაგობების სიმრავლე, რაც ვაჭრობაში
ახლად ჩაბმულ პირთა ეკონომიკური სისუსტით და მსხვილი ვა-
ჭარ-კაპიტალისტთა სხვადასხვა დარგის ვაჭრობასა, საიჯარო თუ
სხვა საქმეში კაპიტალის განაწილების მისწრაფებით იყო განპირო-
ბებული ამხანაგობები შედგებოდნენ ორი და მეტი, ზოგჯერ ათეუ-
ლამდე წევრისაგან. ყველა შემთხვევაში ამხანაგობის შიგნით წევრ-
თა ურთიერთდამოკიდებულებას გამსაზღვრავდა იმ კაპიტალისა და
პირადი აქტივობის სიდიდე, რომელიც ცალკეულ წევრს შეეძლო
გამოეჩინა. საბუთები ჩვეულებრივ არ იძლევა იმის საშუალებას,
რომ ვიმსჯელოთ ამხანაგობებში ცალკეული წევრების მონაწილე-
ობის ხარისხზე. მაგრამ, როგორც ჩანს, ამხანაგობებს ჩვეულებრი-
ვად ჰყავდათ მეთაური, რომელიც ამ ამხანაგობის ორგანიზატორი
და ძირითადი კრედიტორიც იყო და რიგითი წევრები. საბუთებში
უმრევლეს შემთხვევაში სწორედ ამხანაგობის მეთაური მოსჩანს.
მაგალითად, 1811 წლის მარტში მოწოდოკში სავაჭროდ ჩადის „სა-
ქართველოდან თბილისელი სომეხი არუთინ ხაჩატუროვი ერთი ამ-
ხანაგით“¹⁴⁰. ამავე წლის მაისში კი ჩადის საქონელი, რომელიც ეკუ-
თვნის „თბილისის მოქალაქეს იოსებ ყუზანოვს და მის 3 ამხანაგს“¹⁴¹.
ვინ არიან ეს ამხანაგები უცნობია. 1813 წელს ერევანში სავაჭროდ
წასულთა შორის აღნიშნულია კასპარ ზურაბოვი და მისი ამხანა-
გი პეტრუზ კარაგულოვი, ასატურ როსტომოვი და მისი ამხანაგები
სტეფანე როფელოვი და ზახარ თომაევი¹⁴²; თბილისელი მოქალა-
ქეები: გოგი შაბუდაგოვი ამხანაგით ავეციკ ხარაზოვით, დარჩია
ალავეროვი ამხანაგით მანუკ ახნაზაროვით¹⁴³ და ბევრი სხვა. ყვე-
ლა ჩამოთვლილ და აღარებელ სხვა მასალაში, რომლის მოტანა-
საც ჩვენ აქ ზედმეტად მივიჩნევთ, აშკარაა, რომ კომპანიონთაგან
ერთი მეთაურია, მეორე (ან სხვები) მანამ ამხანაგი. ამიტომ როცა
ისინი ცალკე მოიხსენიებიან, მოიხსენიებიან როგორც ამა თუ იმ
კომპანიის მეთაურის „ამხანაგი“. რომ ამხანაგი ნამდვილად კომ-
პანიონია (თუმცა დაქვემდებარებული), იქიდან ჩანს, რომ გარი-

¹³⁹ სცსია, ფ. 86, აღწ. 1, საქმე 299, ფურც. 7.

¹⁴⁰ იქვე, ფ. 2, აღწ. 1, საქმე 285, ფურც. 444- 445.

¹⁴¹ სცსია, ფ. 2, აღწ. 1, საქმე 416, ფურც. 1.

¹⁴² სცსია, ფ. 2, აღწ. 1, საქმე 216, ფურც. 31.

¹⁴³ იქვე.

გებაზე თუ სხვა კონტრაქტებზე ისინი ხელს აწერენ და პანუხის-
ნგებლობას ეასრულობენ. ხშირად საბუთებში არ არის მითით-
ებულ, რომ ორი ან მეტი კომპანიონიდან, რომელიმე მთავარია.
საბუთებში ისინი თანაბრად იხსენიებიან. ასეთ შემთხვევაშიც საქ-
მეში მათი თანაბარი ეკონომიკური მონაწილეობა აუცილებელი
არ არის, ცხადია, არათანაბარი იქნება მოგების განაწილებაც.
„ქ. ავრელთ ჩვენ, ორთავ ამხანაგმა მილდისი რევაზამ და ავეტიკას-
შვილმა ბეჟანამ. თქვენ მღვინი მანუჩარისაგან, თორმეტი თუმანი
ახალი ზარათხანის ოთხდანიანი სირმა აბაზი...“ და სხვ. თათქოს
სესხის აღება თანაბარ პირობებში ხდება, მაგრამ როგორც საბუ-
თის შემდეგი შინაარსიდან ირკვევა, აღნიშნული სესხიდან 1/3
მილდისი რევაზას წილია, 2/3 კი (8 თუმანი) ავეტიკასშვილი ბეჟ-
ნასი¹⁴⁴.

ამგვარსავე ვითარებას ვხვდავთ ქუთაისელი ვაჭრების ხეჩი-
ნაშვილი სიმონას, და აბრამა ენოქაშვილის ამხანაგობაშიც:
„ქ. ღვთათ ეს ყაბზი დავაწერიხე მე, ოცხელმა დავითამა და მო-
გეცი შენ, ხეჩინაშვილს სიმონს, ამ ჭაათზე რომ შენი და აბრამა
ენუქაშვილის თამასუქი მაქვს ხუთას ორმოცი ძველი მარჩილის.
იმ თამასუქის თეთრიდამ შენ და აბრამა გაცუარეთ და შენ ორასი
ყურუში დაგედვა და ეს ორასი ყურუში შენგან ავიღე და სხვამი
აბრამამ შემეჭერია და თამასუქის ბათლამათ შენ(თვის) კერძოთ ეს
ყაბზი მომიცია, რომ შენთან საქმე აღარა მაქვს იმ თამასუქის თე-
თრი.

აღიწერა ქუთაის(ს), ქონს 1801 მარტის 30...“¹⁴⁵. როგორც ვხე-
დავთ, ორმა ამხანაგმა გაყრის შემდეგ ანგარიში რომ გაასწორეს,
ერთს გაცილებით მეტი დარჩა კრედიტორის გადასახდელი, ვიდ-
რე მეორეს.

ამხანაგობა შეიძლება გამოდიოდეს როგორც კრედიტორი,
ისე მსესხებელიც: „ქ. ავიღეთ ჩვენ, ორმა ამხანაგებმა, ფირალა-
(ან)თ ნიკომ და უღელებიანთ ნიკომ თქვენ ორი აფხანაკისაგან,
ფირალა(ან)თ მელქოსაგან და თოქმაჭი გრიგორასშვილი სტეფა-
ნააგან, ათას ოთხას ოთხმოცი ყურუში ოსმანლუს საღი თეთრი...
ქვემო თარიღიდამ ერთი თვის ვადით...“¹⁴⁶ და სხვ.

¹⁴⁴ სცსა, ფ. 2. აღ. I, საქმე 216, ფურც. 31.

¹⁴⁵ დ. უ ჩ ა ნ ე ი შ ვ ი ლ ი, დოკუმენტები..., გვ. 144, № 157.

¹⁴⁶ იქვე, გვ. 125, № 134.

ამრიგად, ამხანაგობების სიმრავლის ერთ-ერთი მიზეზი დაშვებ ვაჭართა შორის კაპიტალის სიმცირე იყო. მეორე და შეიძლება ძირითადი მიზეზი კი იყო ვაჭრობაში ჩაბმულ პირთა მკვეთრი ქონებრივი დიფერენციაცია.

საქართველოში კაპიტალის დაბანდების არაერთი საშუალება (სფერო) არსებობდა. ეს იყო საგარეო ვაჭრობა, საშინაო ვაჭრობა, იჯარა შესყიდვა, სამშენებლო იჯარა და ა. შ. დიდი კაპიტალის მქონე ვაჭარი ცდილობს თავისი კაპიტალი რამდენიმე საქმეში დააბანდოს, რათა მეტი და გარანტირებული მოგება ნახოს. 1812—1813 წლებში მიხეილ ზუბალაშვილს სტეფანე ანტონოვთან ერთად იჯარით ჰქონდა აღებული გორის სამღებრო¹⁴⁷. ამავე დროს იგი ფართო საგარეო ვაჭრობას ეწევა, დადის სავაჭროდ ერევანში და ა. შ.¹⁴⁸. 1806—1812 წლებში მირიმან მირიმანოვი ერთდროულად მოიხანს როგორც ვაჭარი, მოიჯარე და მეფახშე. 1806—1812 წლებში მას იჯარით აქვს აღებული: ცხინვალის სამღებრო¹⁴⁹, გორის სამღებრო და ბეჭედი¹⁵⁰, კათალიკოსის სარგოს იჯარა¹⁵¹, საეკლესიო სამღებრო, თბილისის ზეთსახდელი¹⁵². ამავე დროს ფულს ასესხებს კახეთში¹⁵³, ხოლო კამერალურ აღწერაში მოხსენიებულა, როგორც დიდვაჭარი¹⁵⁴. ამდენი საქმის ერთდროულად გაძღოლა მას, ცხადია, დამოუკიდებლად არ შეეძლო, საქმის გასაძღოლად მას დიდი შტატი დასჭირდებოდა. იჯარა მოსაყრები ხომ შეტად შრომატევადი საქმე იყო. მაგრამ შტატს შესაბამისი მეთაურები სანდო კაცები უნდა ჩადგომოდნენ სათავეში. ამიტომ, მისთვის უფრო ხელსაყრელი იყო მოგებაში წილს მიცემით შეეამხანაგებია შედარებით ნაკლები კაპიტალის მქონე ენერგიული საქმოსნები, რომლებსაც ცალ-ცალკე მიანდობდა საქმეს, თვითონ კი დაფინანსებით და საერთო ხელმძღვანელობით შემოიფარგლებოდა. მართლაც, 1821 წელს იგი კომპანიასთან (ამხანაგობას-

¹⁴⁷ სესია, ფ. 2, აღწ. 1, საქმე 327, ფურც. 158—303.

¹⁴⁸ იქვე, საქმე 416, ფურც. 49.

¹⁴⁹ იქვე, ფ. 254, აღწ. 1, საქმე 220.

¹⁵⁰ იქვე, ფ. 254, აღწ. 1, საქ. 152, ფურც. 358; იქვე, საქ. 132, ფურც. 528; იქვე, საქმე 355, ფურც. 194.

¹⁵¹ სესია, ფ. 2, აღწ. 1, საქმე 327, ფურც. 358; იქვე, საქ. 132, ფურც. 528; იქვე, საქმე 355, ფონდი 2, საქ. 211.

¹⁵² იქვე, ფ. 254, აღწ. 1, საქმე 257, ფურც. 847.

¹⁵³ იქვე, ფ. 2, აღწ. 1, საქ. 371, ფურც. 104.

¹⁵⁴ იქვე, ფურც. 873.

თან) ერთად იღებს ბოლნისის სამღებროებს. მასთან ერთად საქმეში მონაწილეობენ ალა გურგინბეკოვი და იოსებ ტერსტეფანოვ-არარატსკი¹⁵⁵. როგორც საქმის შინაარსიდან ირკვევა, მირიმანოვი და გურგინბეკოვი დამფინანსებლები არიან, საქმეს კი უშუალოდ უკანასკნელი, ტერსტეფანოვი განაგებს. 1825 წლიდან კი მირიმან მირიმანოვი იღებს ბორჩალოს სამღებროების იჯარას, ახლა უკვე სხვა ამხანაგობასთან ერთად (ოსებ კასლენოვი და ზაქარია გულასპოვი)¹⁵⁶. უფრო ადრე 1816 წელს მირიმან მირიმანოვი ამხანაგთან იოსებ მურადოვთან ერთად გორის სამღებროსა და საბეჭდავის მუხლების მოიჯარეა¹⁵⁷. უნდა ვიფიქროთ, რომ სწორედ ამგვარ ამხანაგობასთან გვაქვს საქმე მანუჩარ მდივანსა და ვინმე მელიქის-შვილს შორის, სადაც მანუჩარი კრედიტორის როლში გამოდის:“ ქ. მე, მელიქის-შვილმა, შენ მანუჩარ მდივანთან ანგარიში ვნახეთ: ქკ. ს უოთ-ქკ.ს უბა, ამ ორი წლის რასაც მოსაცემს ვიყავ და რაც დაგებარჯა, ერთმანეთში გავედით და გამოვედით, დარჩა შენი ჩემზე ჩვიდმეტი თუმანი და რვა-აბაზ უხალთუნი“... და სხვ. — წერს აღნიშნული მელიქიშვილი 1794 წლის 2 მაისს¹⁵⁸.

სავაჭრო ამხანაგობები შრომის ორგანიზაციის მეტად ხელსაყრელი ფორმა იყო იმ ფართო საგარეო ვაჭრობის პირობებში, რომელსაც საქართველო თუ ქართველი ვაჭრები განსახილველ ხანებში ეწეოდნენ. მანძილის სიშორე, თავდასხმების საშიშროება და რაც მთავარია, ზედმეტი მოგების ბურვილი, რაც საქონლის სწრაფი გადაზიდვით, ფულის სწრაფი დაბრუნებით იქნებოდა უზრუნველყოფილი, ქართველ ვაჭრებს კარნახობდნენ ეფიქრათ შრომის რაციონალიზაციაზე. ამიტომ საბუთებში ხშირად შეხვდებით ცნობებს იმის შესახებ, რომ ერთი ამხანაგი საქართველოს გარეთ რომელიმე სავაჭრო პუნქტში მოღვაწეობს, ხოლო მეორე ამხანაგი — ადგილზე და აქედან ამარაგებს საქონლით, თუ სხვა საჭირო ნეტებით. მაგალითად, 1825 წელს სტეფანე ქეფინოვი სახაზინო ექსპედიციაში ითხოვდა, რომ II გილდიის პასპორტი გავეზავნათ შიისი ამხანაგისათვის — გიგო ჯანეზოვისათვის, რომელიც შირვანში

¹⁵⁵ სცსია, ფ. 2, აღწ. 1, საქმე 1099, ფურც. 8—9; ფ. 254, აღწ. 1, საქ. 655, ფურც. 4.

¹⁵⁶ სცსია, ფ. 254, აღწ. 1, საქ. 828, ფურც. 605—607.

¹⁵⁷ იქვე, ფ. 254, აღწ. 1, საქმე 423, ფურც. 381.

¹⁵⁸ ნ. ბ ე რ ძ ე ნ ი შ ვ ი ლ ი, მასალები..., წ. II, გვ. 108, № 162.

იყო სავაჭროდ¹⁵⁹. სავაჭრო ამხანაგობები სავაჭრო საქმიანობაში ახალი ფუნქციის ჩაბმის ეფექტური საშუალება იყო.

8. ვაჭრობის ორგანიზაცია

რაც უფრო ფართოვდება ბაზარი, მით უფრო დიდი კაპიტალის დაბანდების აუცილებლობას ითხოვს; გზის სიშორე, შესაბამისად კაპიტალის დაბრუნებისათვის საჭირო დროის ზრდა, გადაზიდვის მაღალი ხარჯები, მიმოსვლის ხარჯები, ყველაფერი ეს მხოლოდ დიდი ტრიალს შეშვეობით ანაზღაურდებოდა. ამიტომ საგარეო ვაჭრობაში ჩვეულებრივ ყველაზე შეძლებული და ყველაზე მოხერხებული ვაჭრები ებმებოდნენ. შრომის ორგანიზაციის თვალსაზრისით ვაჭრობაში რამდენიმე ფორმა შეიმჩნეოდა.

პირველი და შედარებით მარტივი ფორმა იმაში მდგომარეობდა, რომ ვაჭარი შეიძენდა რა ადგილზე საქონელს, თვითონვე მიჰქონდა შორეულ ბაზარზე ქარავანთან ერთად, რომელსაც მასავით რამდენიმე (ზოგჯერ ათეულობით) ვაჭარი ადგენდა. მაგრამ ამგვარი ვაჭრობა დიდ დროსა და შესაბამისად კაპიტალის მნიშვნელოვან მოცდენას იწვევდა. საქართველოდან საბოლოო სავაჭრო პუნქტამდე ხშირად რამდენიმე კვირისა და თვის სავალიც კი იყო. ამას ემატებოდა საკარანტინო საგუშაგოებზე ხანგრძლივი იძულებითი შეჩერებები, აგრეთვე გზის საშიშროება, სხვადასხვა ბაზრებზე მოთხოვნილები და მიწოდების და შესაბამისად ფასების მერყეობაც და სხვა უხერხულობები. ამიტომ ვაჭრები ცდილობდნენ ვაჭრობა საქონლის მცირე პარტიებით, ერთგვარად დანაწევრებულად ეწარმოებინათ. მართალია, ეს საქმის რთულ ორგანიზაციასთან იყო დაკავშირებული მაგრამ როგორც ირკვევა ეს საკითხი გადაულახავი არ ყოფილა.

როგორც წინა პარაგრაფში აღინიშნა, სავაჭრო ამხანაგობები ამ საკითხის გადაჭრის ერთ-ერთი რენტაბელური ფორმა იყო. ამხანაგობის ცალკეული (ან ერთ-ერთი) წევრები ხანგრძლივი პერიოდის განმავლობაში ჩერდებოდნენ ამა თუ იმ საგარეო სავაჭრო ცენტრში, ხოლო ამხანაგობის სხვა წევრები მათ ადგილიდან აშარაგებდნენ შესაფერისი საქონლით და იღებდნენ გამოგზავნილ საქონელს. ხშირი იყო შემთხვევა, როცა ვითქვამთ თბილისელი და

¹⁵⁹ სესია, ფ. 254, აღწ. 1, საქმე 869, ფურც. 369.

სხვა ქალაქელი ვაჭარი ერთმანეთში თანხმდებოდნენ საქონლის ურთიერთგაცვლის შესახებ და ერთმანეთს მოთხოვნილების მიხედვით უგზავნიდნენ ადგილობრივ ნაწარმს. მაგალითად 1811 წლის 11 ივლისს მოზდოკის კარანტინში შემოვიდა საქონლის დიდი პარტია, რომელიც თბილისელ ვაჭარს პავლე ივანიშვილს ეკუთვნოდა და რომელიც ოსმა თედორე ხაბალოვმა მოზდოკელ ვაჭარს სოლომონ ირცფუხოვს ჩამოუტანა¹⁶⁰.

სხვადასხვა საევაქრო ცენტრებში საქონლის გადატანა კომერციის ცალკე დარგს შეადგენდა, რომელშიც არაერთი საკმაოდ შეძლებული საქმოსანი იყო დაკავებული. იმის გამო, რომ რუსეთსა და საქართველოს შორის ერთ-ერთი ძირითადი მაგისტრალი ოსეთზე გადიოდა, მათ საევაქრო ცენტრებს შორის საქონლის გადატანაში ბევრი ოსი იღებდა მონაწილეობას. გარდა ზევით დასახელებული თეოდორე ხაბალოვისა, საბუთებში ხშირად ჩხენიება ოსი მაგბადა: 1804 წელს მას მოზდოკში ჩააქვს თბილისელი ვაჭრის იაგორ ბორისოვის საქონელი¹⁶¹; 1805 წელს დავით სარაჯიშვილის საქონელი¹⁶², 1806 წელს აკობ ზურაბოვის საქონელი¹⁶³ და ა. შ.

საქართველოს სხვადასხვა კუთხის კამერალურ აღწერებში გვხვდება კატეგორია ოჯახებისა რომლებიც „მეურმეებად“ არიან მოხსენიებულნი, დასტურდება კატეგორია ოჯახებისა, რომლებიც „თავს ირჩენენ საქონლის გადაზიდვით“. საქართველოს რუსეთთან შეერთების შემდგომ პერიოდში ქვეყნის საშინაო ბაზრის გაფართოებისა და საერთო საიმპერიო საქონელბრუნვაში თანდათანობითი ჩაბმის შესაბამისად ამგვარი ოჯახების რაოდენობა სულ უფრო იზრდება.

საქონლის გადაზიდვა, როგორც შემოსავლის ძირითადი წყარო, განსაკუთრებით გავრცელებული იყო საევაქრო მაგისტრალების ახლომდებარე სოფლებში. რუსეთ-საქართველოს საევაქრო მაგისტრალზე ამ საქმეში აქტიურად ებმებოდნენ მთიულები, მოხევეები და ა. შ. დუშეთის მაზრის 1830—1831 წწ. კამერალური აღწერის მონაცემების მიხედვით 27 კომლი, რომელშიც 47 მო-

¹⁶⁰ სესია, ფ. 2, აღწ. 1, საქ. 285, ფურც. 483—484. საქონელი ძირითადად ქსოვილებისა და ტყავებისაგან შედგებოდა. 217 თოფი შალი, 7 საბანი, 2 თოფი კოლენკორი, 1 თოფი ქირმანული შალი, 22 თოფი თაეთა, 8 თოფი ბიაზი, 24 სხვადასხვა ტყავი და ა. შ.

¹⁶¹ სესია, ფ. 254, აღწ. 1, საქ. 21, ფურც. 494.

¹⁶² იქვე, საქ. 95, ფურც. 387.

¹⁶³ იქვე, საქ. 131, ფურც. 208—209.

წიფული მამაკაცი ითვლებოდა, მხოლოდ ამ საქმიანობით ირჩენდა თავს. ამას გარდა, 8 კომლის ზოგიერთ მოწიფულ წევრს მიწერილი აქვს, რომ იგი მხოლოდ ამ საქმიანობას ეწევა¹⁶⁴. ცხადია, კიდევ უფრო მეტი იქნებოდა იმ კომლების რიცხვი, რომელთათვისაც ეს საქმიანობა დამატებითი შემოსავლის წყარო იყო. აღნიშნული საქმიანობის ხალხი ჩვენ სხვა მაზრების აღწერებშიც გვხვდება, მაგრამ მაგისტრალებზე ეს მოვლენა ერთგვარად მასობრივ ხასიათს იღებდა. მაგალითად მთიელების თუ მოხვეყების აღწერებში აღნიშნულია. რომ საქონლის გადაზიდვა მცხოვრებთა შემოსავლის ერთ-ერთი ძირითადი წყარო იყო.

საქონლის გადაზიდვა ასევე შემოსავლიანი საქმე იყო ქვეყნის შინაეკპრობაში სხვადასხვა ცენტრებს შორისაც. მაგალითად 30-იანი წლებს ერთი საბუთის ცნობით „ერევანში, ქუთაისში და საქართველოს სხვა ქალაქებში საქონლის გადაზიდვას თბილისის მცხოვრებლები ეწევიან“¹⁶⁵. როგორც ჩანს ამ საქმეში საკმაოდ შეძლებული ხალხი იყო ჩაბმული; მაგალითად, იმავე ავტორის ცნობით: „არიან მაცხოვრებლები, რომლებსაც 5—10 ურმის გამოყვანა შეუძლიათ“. ურემში კი 2—3 წყვილი ხარი იყო შებმული¹⁶⁶.

საქონლის გადატანა იჭარის წესით ხორციელდებოდა, მოიჯარე იღებდა რა გამსაზღვრულ ფასად საქონლის გადატანის საქმეს¹⁶⁷, თავის მხრივ ქირაობდა ურმებს, დაცვას და ა. შ.

ბუნებრივია, რომ ამ რთულ მაგრამ ერთობ მომგებიან საქმეში ბევრი ადგილობრივი საქმოსანიც მონაწილეობდა. 1812 წლის 8 მარტს მოზდოკში ჩამოვიდა საქონლის დიდი პარტია, რომელიც აბრეშუმის ყაქისა და სხვადასხვა ტყავულისაგან შედგებოდა. საქონელი ეკუთვნოდა დავით სარაჯიშვილს და მის ორ ამზანაგს, ხოლო ჩამოიტანა ავეტიკ შატინოვმა ორ ამზანაგთან ერთად¹⁶⁸. იმავე წლის 4 მაისს თბილისის მცხოვრებმა იაგორ არუთინაშვილმა ჩამოიტანა დავით ირიცფუხის საქონელი (აბრეშუმე, 2 000 თოფამდე სხვადასხვა ქაოვილი, 2 000-ზე მეტი სხვადასხვა ბეწვეული

¹⁶⁴ სესია, საქ. 1250.

¹⁶⁵ სესია, ფ. 16, საქ. 5198, ფურც. 21.

¹⁶⁶ იქვე.

¹⁶⁷ ყოველი ფუთი საქონლს 100 ვერსზე გადატანა 15—20 კაპ. ჯდებოდა. საქონლის გადაზიდვამ, როგორც მოსახლეობის საქმიანობის ერთ-ერთმა მნიშვნელოვანმა დარგმა მთელი XIX საუკუნის მანძილზე შეინარჩუნა თავისი მნიშვნელობა; პ. გუგუშვილი, დანახ. ნაშრ., გვ. 113.

¹⁶⁸ სესია, ფ. 2, აღწ. 1, საქ. 344, ფურც. 213—214.

და ა. შ.)¹⁶⁹. მანვე ჩამოიტანა სტეფანე მელიქაეტოვის და მისი 4 აზნანავის საქონელი¹⁷⁰. ამ საქმიანობას ეწევა თბილისის ერთ-ერთი ცნობილი საქმოსანი მელქომ ციციკოვი. 1811 წლის მასში მან მოზდოკში ჩაიტანა იოსებ კუზანოვის საქონელი¹⁷¹, 1814 წ. აპრილში როსტომ ხაზანოვის საქონელი (1053 თოფი ქსოვილი)¹⁷², 1815 წლის დასაწყისში მას ერთ მუშასთან ერთად ჩააქვს იაგორ ხარაზოვის და ჩერქეზოვის საქონელი¹⁷³, იმავე წლის ივნისში მას კვლავ ვაჭართა საქონელთან ვხვდავთ. მასთან ერთად არიან სახაზინო გლეხი როსტომ ქაიხოსროშვილი და მიკირტუმ ციციკოვი. იმავე წლის აგვისტოში იგი კვლავ ჩადის მოზდოკში ასატურ არუთინოვთან, ტეტია ტლაშაძესთან, ბეუან რომაზოვთან, ივანე სირბილაძესთან, ასატურ არუთინოვთან და სხვ. ერთად. იმავე წლის დეკემბერში მას პოლოს ხოჯაშვილის საქონელი, 2615 თოფი სხვადასხვა ქსოვილი ჩამოაქვს¹⁷⁴.

თავისთავად საქონლის გადაზიდვის საქმის ამგვარი სიცხოველე, მასში სულ სხვადასხვა კუთხის წარმომადგენელთა მონაწილეობა და სპეციალური დარგების ჩამოყალიბება, როგორც საშინაო, ისე საგარეო ვაჭრობას განვითარების მაჩვენებელია და საქონელმიმოქცევის ფართო მასშტაბებზე მიუთითებს.

ფართო მასშტაბის კომერცია წარმოუდგენელია ფართო ორგანიზაციის გარეშე¹⁷⁵. XVIII—XIX სს. საქართველოს რიგი მსხვილი ვაჭრებისა დიდ ორგანიზატორებად გვევლინებიან. ისინი პრიკაშიჩების, ნუშაყების, ნოქრების და ა. შ. მთელ შტატს აერ-

¹⁶⁹ სცსია, ფ. 2, აღწ. 1, საქ. 344, ფურც. 15.

¹⁷⁰ იქვე.

¹⁷¹ იქვე, საქ. 285, ფურც. 464—465.

¹⁷² იქვე, ფონდი 2, აღწ. 1, საქმე 440, ფურც. 155—156.

¹⁷³ ი. ხარაზოვის საქონელი შედგებოდა 3799 თოფი სხვადასხვა (ძირითადად ბამბეულს) ქსოვილისაგან და 8 ფუთი ბამბისაგან. ხოლო ჩერქეზოვისა კი 1714 თოფი სხვადასხვა (ძირითადად ბამბეულს) ქსოვილისაგან, მცირე რაოდენობით ხალიჩებისა და სხვა საქონელისაგან — სცსია ფ. 2, აღწ. 1, საქმე 481, ფურც. 256—258.

¹⁷⁴ იქვე, ფურც. 294—295. 1806 წელს თბილისელმა გრიგოლ ავეტისოვმა მოზდოკელი ოსის ყანჩას ხელით მოზდოკში გააგზავნა 500 თოფი შალი (ფ. 254, აღწ. 1, საქ. 131, 1806 წ., ფურც. 144). 1815 წელს 6 ვაჭრის (თბილისელი, ნახიკევენი, მოზდოკელი) საქონელი, სხვათა შორის 6000-ზე მეტი თოფი ბამბის ქსოვილი ჩამოიტანა მოზდოკელმა სტეფანე ბეუანოვმა 4 აზნანავით, თურქეთის ქვეშევრდომმა სომეხმა კარაპეტამ და თბილისელმა კათოლიკემ პავლე პატოვმა.

¹⁷⁵ეს კარგად ეცოდა „კალმასობის“ ავტორმა: „კომერციის მოსწავლეთა უნდა უწ-

თებენ: 1813 წელს ერევანში სავაჭროდ წასვლის ნება ითხოვა 13 კაცმა. ამთგან 10 (ოსიპ მელიქოვი, ასლან თეიმურაზოვი, აეთანდილ უხაროვი, პეპან ზეჩატუროვი, იაგორ ჯიჯოევი, ოსიპ ამიროვი, ნონია ახნაზაროვი, ნონია პარემურზოვი, შაგო გალუსტოვი, ისაყ პეტრუზოვი) ივ. ბეგთაბეგოვის პრიკაშნიკი იყო, ამით გარდა ორი კაცი ბეგთაბეგოვის ყმაა, ხოლო 1 სახელმწიფო გლეხიც უეჭველია მასთან მუშაობს¹⁷⁶. როგორც ვხედავთ, ერთდროულად მართო ერევანში ბეგთაბეგოვი. 13 თავის კაცს აგზავნის, ცხადია, მისი დაქვემდებარებული ხალხის სია ამით არ ამოიწურება, ისევე როგორც მთელი მისი კომერცია მართო ერევანზე არ იყო დამოკიდებული. ამგვარი ფაქტები ბევრია.

ამრიგად, ვაჭრობის არსებული ორგანიზაციის პირობებში დიდვაჭარს საშუალება ჰქონდა თავიდან აეცილებინა სხვადასხვა სავაჭრო ცენტრებში პირადი მიზოსვლა. ჰყავდათ რა იქ თავიანთი წარმომადგენლები, დიდვაჭრები კომერციებს მათი მეშვეობით აწარმოებდნენ, უგზავნიდნენ რა ადგილობრივ საქონელს და პირ-

ყოფნენ ორი უფრო სწავლანი. ესე იგი არიხმეტრია და გვარი მწერლობისა, და მეორე—ლეოლრაფთა ანუ ქვეყნის აღწერა თუ რომელს ქვეყანაში რომელი ნიეთი გვარობს, და რომელს ქვეყანაში იგი ნიეთნი უფრორე განისყოლებიან. ეგრეთვე თანა აძს, რათა ჰყვნდეთ ყოველგან კაცნი და სცნობდნენ ბუნებურთა მდგომარეობათა, ანუ დაძვირდა რაიმე მას ქვეყანაში ნიეთი, ანუ იაფად არის, ანუ აშლილობა არს დაძინედღესამებრ მისისა დაჭროს თადარიგი..." და სხვ. იოანე ბატონიშვილი კალმასობა, ტ. II, თბ., 1948 წ. გვ. 56, 177. „პრიკაშნიკს“ ნ. ჩუბინაშვილი თარგმან როგორღე მაგიერი, ვეკილა ვაჭართა, ნოქარა (ნ. ჩუბინაშვილი, რუსულქართული ლექსიკონი, II, თბ., 1973), ქართულ ტექსტებში მას ტერმინი „კაცი“ მიესადაგება: „...რათა ჰყვნდნენ ყოველგან კაცნი“ („კალმასობა“). პრიკაშნიკები მეტად მნიშვნელოვან როლს ასრულებდნენ როგორც საშინაო, ისე საგარეო ვაჭრობაში. ბევრი მათგანი სარგებლობდა რა სავაჭრო ორგანიზაციის მეთაურის განუსაზღვრელი წლობით, დამოუკიდებელ სავაჭრო ოპერაციებსაც კი ანხორციელებდა. ბევრი პრიკაშნიკი მეტად მდიდარი იყო, რასაც მოწმობს მათზე გაწერილი მდ აღნი გაღასახადები. არ არის გამორიცხული, რომ ისინი გარდა ხელფასისა სავაჭრო ოპერაციაში გარკვეულს წილთაჲც სარგებლობდნენ. დამწეები ვაჭრები ჩვეულებრივ სავაჭრო პრაქტიკას პრიკაშნიკობაში გადიოდნენ: მაგალითად 1811—1812 წლების საბუთებით ავერტი შადინოვი დ. სარაჯიშვილას პრიკაშნიკია: ხოლო 1824 წლის კამერალური აღწერით იგი დიდვაჭრად ითვლება (სცსია, ფ. 2, აღწ. 1, საქ. 285, ფურც. 444; იქვე, საქ. 344, ფურც. 192); 1813 წლის საბუთით ოსიპ მელიქოვი თ. ბეგთაბეგოვის პრიკაშნიკია, ცოტა მოგვიანებით კი იგი კახეთის სამეღებროების ოფარაშესყიდვის საქმეშია ჩაბმული (სცსია, ფ. 254, აღწ. 1, საქ. 326, ფურც. 533—536).

¹⁷⁶ სცსია, ფ. 2, აღწ. 1, საქ. 370, ფურც. 135.

იქით, იღებდნენ მათგან საჭირო პროდუქციას. მაგალითად, 1804 წლას საბუთით ვაჭარ გიგო ყორღანაშვილის მუდმივ წარმომადგენლად მოზღოვში ვინმე ასლანოვი მოჩანს¹⁷⁷; თბილისის მოქალაქეს ზაქარია აქიმოვს თავისი მუდმივი წარმომადგენელი ჰყავს მოსკოვში¹⁷⁸. დავით თამაშვეი მსხვილი სავაჭრო ორგანიზაციის მეთაურა ხოლო მისი ძმა კი მისი დავალებით მუდმივად ცხოვრობს და ვაჭრობს მოსკოვში¹⁷⁹. თავისი „პრიკაშჩიკები“ (კაცები) ჰყავთ ყიზლარში სტეფანე კაშოევს¹⁸⁰, მაკარტუმ სუნდუკოვს და სხვ.¹⁸¹. პირადად დიდვაჭრები მხოლოდ რუსეთისა თუ ევროპის ყოველწლიურ ბაზრობებზე (იარმაკებზე) თუ გამოჩნდებოდნენ, სადაც მეტად დიდი გარიგებები ხდებოდა და შესაბამისად დიდი კაპიტალი ტრიალებდა. სხვა შემთხვევაში მხოლოდ რაიმე საგანგებო გარემოება თუ აიძულებდათ მათ თავიანთი მუდმივი რეზიდენტები დაეტოვებინათ. სხვაგვარად შეუძლებელიც იყო, როცა ერთი და იგივე პიროვნება ერთდროულად აწარმოებს კომერციებს თურქეთში, ირანში, ევროპაში და რუსეთში. მაგალითად: 1814 წელს გორის მცხოვრები მიხეილ ზუბალაშვილი სახანო ექსპედიციას წერდა: ერევანში ვაპირებდი წასვლას, ნებართვაც მივლე, მაგრამ ეხლა კონსტანტინოპოლიდან მაცნობებს, რომ ჩემს სავაჭრო საქმეებზე იქ გამგზავრება აუცილებელია. ამიტომ ერევანში გამგზავრება უნდა გადავდო და კონსტანტინოპოლში წავიდეო¹⁸².

განსახილველი ხანის საქართველოსათვის დამახასიათებელი კომერციული საქმიანობის ფორმათა მრავალფეროვნება. განსაკუთრებით მსხვილი სავაჭრო-საკრედიტო ორგანიზაციები, როგორც ჩანს ყველა აღნიშნული ფორმების ერთობლიობას წარმოადგენდნენ. ამ მხრივ მეტად საინტერესოა თუმანიშვილებს სახლის მაგალითი. ზევით შევეხებთ თუმანიშვილებს საკრედიტო საქმიანობას. სამამულლო მეურნეობის რაციონალურად წარმართვის პარალელურად, თუმანიშვილები, უპირატესად თავისი მრავალრიცხოვანი ქვეშევრდომების მეშვეობით, მეტად ფართო კომერციებსაც აწარმოებდნენ საშინაო და საგარეო ბაზარზე¹⁸³, გამოდიან მოიჯა-

¹⁷⁷ სცსია, ფ. 1010, აღწ. 1, საქ. 130, ფურც. 331.

¹⁷⁸ სცსია, ფ. 254, აღწ. 1, საქ. 827, ფურც. 547.

¹⁷⁹ სცსია, ფ. 254, აღწ. 1, საქ. 759, ფურც. 848.

¹⁸⁰ სცსია, ფ. 254, აღწ. 1, საქ. 825, ფურც. 245; იქვე, საქმე 858, ფურც. 17.

¹⁸¹ სცსია, ფ. 2, აღწ. 1, საქ. 416, ფურც. 137.

¹⁸² ნ. ბერძენიშვილი, მსალები. ., II, გვ. 134, № 189.

¹⁸³ ნ. ბერძენიშვილი, მსალები..., II, გვ. 134, 137—138, 187.

რეებად¹⁸⁴. სავარაუდოა მათი მონაწილეობა სხვადასხვა სამრეწველო წამოწყებებში¹⁸⁵ და ა. შ. ყოველივე ნათქვამის შემდეგ ბუნებრივია, რომ მაგალითად მანუჩარ თუმანიშვილის სავაჭრო წარმომადგენლები გაფანტულნი არიან საშინაო, თუ საგარეო სავაჭრო სამრეწველო ცენტრებში: გორში, ცხინვალში, ასტრახანში, პეტერბურგში და ა. შ.¹⁸⁶ დამახასიათებელია, რომ ერთ-ერთ წერილში მანუჩარ თუმანიშვილი ამაყად აცხადებს „მე ვაჭარი როდი ვარო“¹⁸⁷. იგი მართლაც არ არის ვაჭარი, იგი გაცილებით ფართო გაქანების მოღვაწე საქმოსანია, ფინანსისტი, კაპიტალისტი, რომელიც მეთაურობს მთელ სისტემას რომელშიაც არაერთი დაქვემდებარებული პირად გაერთიანებული: ვაჭრები, პრიკაშნიკები, მრეწველები, ნოქრები, მსახურები და ა. შ. XVIII—XIX საუკუნის მიჯნაზე საქართველოში ამგვარ მსხვილ საქმოსნებად მოსჩანან ანტონ ოქუაშვილი, მერაბ ალა ოქუაშვილი, ოსეფა ყორღანაშვილი¹⁸⁸ და ა. შ.

როგორც ვნახეთ, განსახილველი ხანის საქართველოს ვაჭრობა მეტად რთული და მრავალფეროვანი ორგანიზაციით ხასიათდებოდა, რომელიც მოიცავდა სხვადასხვა სავაჭრო და საკრედიტო ამზანაგობებს, საქონლის მიწოდებისა და ტრანსპორტირების სისტემას და ა. შ. ყველაფერი ეს გამოხატულებას პოულობდა ფართო საშინაო და განსაკუთრებით საგარეო ვაჭრობის განვითარებაში.

ის გარემოება რომ თ. თუმანიშვილს კლიენტურა მეტად ფართოა, — მასში ვხედავთ როგორც, უბრალო მოკალაქეებს, გლეხებს, ხელოსნებს, ისე კათალიკოსებს და სამეფო სახლის წარმომადგენლებს, მიუთითებს მისი კომერციის ფართო მასშტაბებზე და საქონლის ასევე ფართო ასორტიმენტზე.

¹⁸⁴ იქვე, გვ. 137, 138.

¹⁸⁵ იქვე.

¹⁸⁶ იქვე, გვ. 170, 184, 280.

¹⁸⁷ იქვე, გვ. 199.

¹⁸⁸ იქვე, გვ. 96, 97.

II. საბარემო ვაჭრობა XIX ს. პირველ მესამედში

XVI—XVII საუკუნეებში საქართველოს ვაჭრები ინტენსიურ საქონელგაცვლას აწარმოებდნენ აღმოსავლეთთან, ხოლო მისი მეშვეობით ევროპის ქვეყნებთანაც¹. მათ რეგულარული ურთიერთობა ჰქონდათ ინდოეთთან², ეგვიპტესთან³ და სირიასთან⁴. მიუხედავად ამისა, საქართველოს საგარეო ვაჭრობას ძირითადად მისი გეოგრაფიული მდებარეობა და პოლიტიკური მდგომარეობა განსაზღვრავდა და იგი ძირითადად ოთხი მიმართულებით ვითარდებოდა: ირანი, ოსმალეთი, ჩრდილოეთ კავკასიის ხალხები და რუსეთი.

1. ვაჭრობა ირანთან და თურქეთთან

განსახილველი ხანის წინა პერიოდში მახლობელი აღმოსავლეთის ვაჭრობას ირანი უძღვებოდა, ამის გამო საქართველოს სავაჭრო ურთიერთობა ირანთან განსაკუთრებულად ცხოველი იყო⁵. მართალია, XVIII საუკუნის მიწურულიდან მდგომარეობა მნიშვნელოვნად შეიცვალა და სავაჭრო ურთიერთობის აქცენტი ძირითადად რუსეთზე იქნა გადატანილი. მაგრამ ირანთან ვაჭრობას

¹ ვ. გაბაშვილი, XVI—XVIII სს. საქართველოს ქალაქები მახლობელი აღმოსავლეთის სავაჭრო ურთიერთობათა შუქზე. ნარკვევები მახლობელი აღმოსავლეთის ქალაქების ისტორიიდან, I, თბ., 1966, გვ. 163.

² Путешествие Рафиела Данибегашвили, М., 1975.

³ ს. ბურნაშოვის ცნობით ერეკლე II-ს ქართველი ვაჭრების მეშვეობით რეგულარული ურთიერთობა ჰქონდა მალუქებთან, კერძოდ მათ ქართულ ზედაფენასთან.

⁴ შ. ტოკაძე, ამერკავკასიის ქალაქების სავაჭრო ურთიერთობანი სირიის ქალაქებთან და ლევანტის ვაჭრობა XVI—XVIII საუკუნეებში, ნარკვევები მახლობელი აღმოსავლეთის ქალაქების ისტორიიდან, II, თბ., 1970 — გვ. 224.

⁵ ვ. გაბაშვილი, დასახ. ნაშრ., გვ. 169.

მანც არ დაუკარგავს თავისი მნიშვნელობა. უფრო მეტიც, იმის გამო, რომ ირანის ბაზარი ქვეყნისათვის მეტად საჭირო ნედლეულია, — ბამბის მოწოდებელი იყო, ამ ვაჭრობას ერთობ პოზიტიური მნიშვნელობა ენიჭებოდა ქვეყნის საერთო ეკონომიკური და კერძოდ სამრეწველო განვითარებისათვის.

ქართველი ვაჭრები წამყვან როლს ასრულებდნენ არა მარტო ირანსა და საქართველოს შორის ვაჭრობაში, არამედ ირანის საგარეო ვაჭრობაში საერთოდ. იმ მწვავე კონკურენციულ ბრძოლაში, რომელიც XVIII საუკუნის მიწურულსა და XIX საუკუნის დასაწყისში ირანის ბაზარზე გაჩაღდა ინგლისს, საფრანგეთსა და რუსეთს შორის, საქართველოს სავაჭრო კლასის წარმომადგენლებმა მნიშვნელოვანი წარმატება განიცადეს. ერთი მხრივ, მათ ავიწროვებდა ინგლისის ოსტანდოეთის კომპანია, რომელიც აქ თანდათანობით ბატონდებოდა⁶, ხოლო, მეორე მხრივ, რუსეთის მთავრობა, რომელიც საქართველოს რუსეთის მფარველობაში შესვლამდე (1783 წ) საგანგებო ზომებს იღებდა, რათა სომეხ და ქართველ ვაჭრებს ირანის ბაზარზე არ ესარგებლათ იმ პრივილეგიებით, რომელიც აქ რუს ვაჭრებს ჰქონდათ მინიჭებული⁷.

მიუხედავად ყოველივე ზემოთ თქმულისა, მთელი XIX საუკუნის პირველი მესამედის მანძილზე საქართველოს ვაჭართა ფენების წარმომადგენლები საკმაოდ მნიშვნელოვან ძალას წარმოად-

⁶ აქ და ყოველთვის როდესაც ქართველ ვაჭრებზეა საუბარი ივულისხმება ამ ვაჭრების მოქალაქეობრივი კუთვნილება, თუმცა მათ ძირითად ნაწილს ეროვნებით სომეხები შეადგენდნენ.

⁷ О. П. Маркова, "Россия, Закавказье и международные отношения в XVIII веке. М., 1976, с. 64—73.

⁸ რუსეთის მთავრობა გარკვევით მიუთითებდა თავის კონსულს სპარსეთში «...накрепко вам смотреть должно, чтоб под именем подданного ея императорского величества, как из грузинцов, армян, индейцов, или других каких народов... безошлинным торгом в Персии не мог бы пользоваться. Почему если то случится всборе с таковых иностранцев пошлин: вам препятствие чинить». М. Ч у л к о в, Историческое описание российской коммерции, т. II, кн. II, М., 1785, с. 424. კლასობრივი ბრძოლის ინტერესებთან ერთად ამითაც იყო განპირობებული XVIII ს. მეორე ნახევარში ქართველი ვაჭრების რუსეთის სავაჭრო ცენტრებში გადასახლებისაკენ მისწრაფება: «В русско-иранской торговле активно участвовали кавказские жители армяне, азербайджанцы, грузины. Они нередко переселялись на определенные сроки в Астрахань и Кизляр и, приняв на время русское подданство, выступали в роли русских купцов» — О. П. Маркова, დასახ. ნაშრ., გვ. 71.

გენდნენ ირანის ვაჭრობაში. ყოველ შემთხვევაში, იპინი ერთობ აქტიურ როლს ასრულებდნენ საგარეო ვაჭრობაში რუსეთთან⁹. ამას კი არ შეეძლო თავისი დადებითი გავლენა არ მოეხდინა სა-
ცუთრივ საქართველოს ვაჭრობაზეც სპარსეთთან.

მაგრამ მოცემულ პერიოდში ამ ვაჭრობას ბევრი ხელშემშლე-
ლი ფაქტორიც ელოებოდა. ირანი დიდხანს ვერ შეურიგდა მისი
ხელდებული ქვეყნის რუსეთის მფლობელობაში შესვლას. რუ-
სეთს ბრძოლით უხდებოდა თავისი უფლებების დამტკიცება ამი-
ერკავკასიაში. სულ რაღაც 30-ოდე წლის მანძილზე რუსეთი 13
წლის გზმავლობაში ირანთან ომის მდგომარეობაში იმყოფებოდა.
ამ ომს რუსეთი საქართველოს ტერიტორიიდან აწარმოებდა. მასში
ქართველობა ერთობ აქტიურ ფიზიკურ თუ ეკონომიკურ მონაწი-
ლეობას იღებდა. ეს კი ქვეყნის საერთო ეკონომიკურ პოტენციალს
მნიშვნელოვნად ასუსტებდა. მართალია აშკარად თუ ფარულად

⁹ 1829 წელს «Тифлисские ведомости»-ს კორესპონდენტი, ეხება რა რუსეთ-
ირანის ვაჭრობის პერსპექტივებს და გამოთქვამს რა რწმენას, რომ რუსეთს შეუძ-
ლია დაიპყროს ირანის ბაზარი, ასახელებს ამ ამოცანის შესრულების ხელშემშლელ
მიზეზებს. მისი აზრით, რუსეთის მთავარი უპირატესობა იმაში მდგომარეობს, რომ
მას კასპიის ზღვის სახით ხელთ უპყრია მეტად მნიშვნელოვანი სავაჭრო მაგისტრალი
მაგრამ ამ კოზირს რუსეთის ვაჭრობა ვერ იყენებს. ერთი მხრივ, სავაჭრო გემების
სიმცირის, მეორე მხრივ კი თბილისელი ვაჭრების გაუბედაობის გამო «...кроме шер-
ничества англичан, которые напрягают все усилия, чтобы не дать нашим
товарам поверхности на тавриском рынке, весьма важная причина малого
движения нашей торговли по Каспийскому морю заключается еще в робости
тифлиссских купцов, кои преимущественно владеют на-
шими оборотами с Персией» (ხაზი ჩემია—მ. ს.) შემდეგ ავტორი აღ-
წერს კასპიის ზღვით საქონლის გადაზიდვის უპირატესობებს, სოიაფეს, სისწრაფეს და
ა. შ. და ცდილობს ახსნას თუ რატომ ერიდებიან ვაჭრები ზღვას. ეს არის: 1. მიუჩ-
ვევლობა; 2. ის, რომ ვაჭრები არ არიან დარწმუნებული საზღვაო გადაზიდვის მო-
მგებიანობაში. თბილისელი ვაჭრები უპირატესად სომხებიან—ავრძელებს ავტორი—
ქართველები ერთობ ცოტაა. სომხებს კი საზღვაო მიმოსვლის ტრადიცია არა აქვთ.
სომხებს ხელში უპირავეთ აზრს ვაჭრობა მაგრამ ზღვას ძალიან ერიდებიან, რადგან
რისკი არ უყვართ. შემდეგი მიზეზი ისაა, რომ აქაური ვაჭრობის ხასიათი ძალიან
დიდ მნიშვნელობას ანიჭებს დროის ფაქტორს ვინც ადრე და თავის დროზე მიიტანს
საქონელს, დიდ მოგებას ნახულობს, ამიტომ ვაჭარს ურჩევნია მეტიც გადაიხადოს და
მეტი დრო დახარჯოს, მაგრამ ადგილზე განსაზღვრულ დროს მივიდეს, ვიდრე საექ-
ვოდ გახადოს საქმე. შემდეგ ავტორი თავაზობს საკითხის მოგვარების გზებს: საზღვაო
მიმოსვლის უსაფრთხოების უზრუნველყოფა, სისწრაფის უზრუნველყოფა და
ა. შ. «Тифлиссские ведомости», 1829 г. 489, О мореходных способах Каспий-
ского моря и о пристанях по западному берегу оного.

თვით ომის მსვლელობაშიც არ წყდებოდა. საეპრო ურთიერთობა საქართველოსა და ირანს შორის, მაგრამ ეს ურთიერთობა ნორმალური, ცხადია, ვერ იქნებოდა.

გზა საქართველოსა და ირანის საეპრო ცენტრებს შორის, როგორც ნახევრად დამოუკიდებელი ფეოდალების სამფლობელოებზე გადიოდა მშვიდობიანობის პერიოდშიც არ იყო უხიფათო. ომის დროს კი მგზავრობა კიდევ უფრო ძნელდებოდა. 1804—1813 წლების რუსეთ-ირანის ომის პერიოდში როგორც ირანის, ისე რუსეთის ადგილობრივი ხელისუფლება არ კრძალავდა ვაჭართა მიმოსვლას, მაგრამ მიუხედავად ამისა, ირანისა და მისი მფლობელობის ქვეშ მყოფი ქალაქების ბაზრებზე ქართველ ვაჭართა საქმიანობა ერთობ გართულებული იყო. ეს ნათლად ჩანს იმ განცხადებიდან, რომელიც თბილისელმა და გორელმა ვაჭრებმა 1812 წელს რტიშჩევის სახელზე შეიტანეს¹⁰. როგორც საბუთიდან ირკვევა, სპარსელი ვაჭრები თითქოს თავისუფლად მიმოდრიოდნენ საქართველოში, მაგრამ რადგან ირან-საქართველოს ვაჭრობა უპირატესად ქართველი ვაჭრების მეშვეობით წარმოებდა, ხოლო როგორც დავინახეთ, ისინი იქ ძველებურად ვეღარ ვაჭრობდნენ, ეს ვაჭრობა მნიშვნელოვნად ფერხდებოდა.

აქ ერთი გარემოება უნდა აღინიშნოს: საბუთებში სპარსეთად მიჩნეულია ყველა ის რეგიონი, რომელიც მოცემულ პერიოდში ირანის სახელმწიფოს ფარგლებში შედიოდა. ამდენად უმრავლეს შემთხვევაში შეუძლებელია გარჩევა, თუ რაზეა ლაპარაკი — საქართველო ირანზე, თუ ვთქვათ, რომელიმე სომხურ ან აზერბაიჯან-

¹⁰ „რადგან მფარველობა რუსეთისა სპარსეთითგან მოსულთ ვაჭართა იცავდა აქ მყუდროებასა შინა, და ვაჭრობდნენ აქ თავისუფალ ნებას წადილითა, ამის გამოისად ჩვენც ეკვი ზიანის მომხებევისა სპარსელთაგან არაოდეს აღარ ვიგულეთ და ამისთანას ფიქრზედ დარწმუნებით და სპარსელთ ვაჭართ შესახედაობით გავბედეთ და ვსთხოვეთ მშათელობასა პაშპორტი და ბილეთი. რომლის მიღებითმებრ, კვლავინდელის ვაჭრობის მოჩედენი ვაჭარნი გაახელით საეპროდ ერევანსა, სადაც კვლავინდებურად ჩვენს ნებაზედ აღარ გვაეპირეს და მოგვეცეს ზიანი უდიდესი. ესრედ ჩვენ როგორც საზოგადო ხალხისაგან ცყიდულობთ ბანბასა, არამც თუ იმ ფასად და იმ სახით, არამედ ძალად მოგვეყიდეს ბანბა სახელმწიფო სუბუქის ლიტრით, ლიტრა ერთს ბაჟაღლოთ, რომელმაც თვითეულს ლიტრაზე ორი მინალთუნი იქაური თეთრი ზიანი მოგვადგა და რაც თაყიანთ განწესებაში ასალები ბაჟი იყო, როგორც ის გამოგვართვეს ვერეთვე გარდა იმისა ვიდრე იქაურს ას თუმნამდე სხეაც წაგვართვეს რომელსა ამდენს ჩვენს დაცემაზე და ზიანზე თუმცა იქაურს სარდარს საჩივარი წარუდგინეთ, მაგრამ არ შეგვიწყნარა...“ და სხვ.—სცსია, ფ. 2, აღწ. 1, საქ. 327, ფურც. 111.

ნულ პროვინციებზე. ერევანი ჩვეულებრივ სპარსულ ქალაქადა გამოცხადებული. ამიტომ ჩვენც საშუალება არა გვაქვს სომეხურ თუ აზერბაიჯანულ პროვინციებთან ვაჭრობა ცალკე გამოვყოთ. მხედველობაში მისღებია ისიც, რომ ერევანი სავაჭრო ცენტრი იყო და თუ ვაჭარი იქ შეისყიდოდა საქონელს, სულაც არ ნიშნავდა, რომ ეს საქონელი საკუთრივ ერევნის (ან სომეხური) იყო. იქაურ ბაზარზეც ჩვეულებრივ სპარსული ყაიდის საქონელი იყიდებოდა, რომლის გამორჩევა ეტყობა თვითონაც უჭირდათ¹¹.

თუ რამდენად აფერხებდა ჯაჰმარი მოქმედება საქართველო-ირანის ნორმალურ სავაჭრო ურთიერთობას ამაზე არაერთი საბუთი მიუთითებს. 1809 წელს კახეთის იჯარის მუხლების შემსყიდველებმა საიჯარო თანხის შემტვირება ითხოვეს იმ მოტივით, რომ საომარი მოქმედების გამო ერევანთან ვაჭრობა არ წარმოებდეს¹².

¹¹ მსგავსი ვითარება მას შემდეგაც გრძელდება. რაც ერევანი რუსეთის ხელში გადავიდა. რუსეთის საბაჟო მოხელეებს 1832 წელსაც უჭირდათ იმის დადგენა ერევნიდან შემოზიდული საქონელი საკუთრივ ერევნისა იყო. თუ სპარსული. ამ საკითხის გადაწყვეტა მათ იმისთვის აინტერესებდათ, რომ ერევნის საქონელზე, რაკი იგი რუსეთის შემადგენლობაში იყო, ბაჟი არ აიღებოდა, სპარსული კი ჩვეულებრივ, ცხდა, ბაჟით იბეგრებოდა: 1832 წელს თბილისის მცხოვრებმა მოსე ვოდარძი-შვილმა ერევნიდან 638 ბათანი ბამბა შემოიტანა. ცნობაში, რომელიც მას ერევნის ქალაქის პოლიციამ მისცა, აღნიშნული იყო, რომ მან ეს ბამბა სოფლის მცხოვრებლებისგან შეისყიდა, მაგრამ გარკვეული არ იყო იგი სპარსულია თუ საკუთრივ ერევნისა. საბაჟო გაურკვეველ მდგომარეობაში ჩაუარდა, უნდა აეღოთ თუ არა ბაჟი აღნიშნულ საქონელზე. შეკითხვით მძმართა ამურაკეჯასის საბაჟო ოლქის უფროსს. მან კი ურჩია, თუ ექვი გეპარება შეკითხვა გაუგზავნე ერევნის ქალაქის პოლიციას და იმის მიხედვით მოიქეციო (სცსია, ფ. 378, საქმე 377).

1809 წელს შეკითხვაზე, თუ საიდან რა საქონელი შემოდის. თბილისის საბაჟო ასეთ პასუხს იძლევა: «Из каких мест более привозимы бывають в Тифлисе товары, таможня сня, при всяком желании ея иметь такового нужного сведения никак различить не может, послитку, как оная существует в одном Тифлисе, куда привоз бываает с Персии, подвластных Российской империи ханств и грузинских предметов в одном качестве во всем здешнем краю к тому привозителнаго, имея покупку не в самой Персии, а изделия оной в ханствах, и по Грузии не следуя далее, о чем в невозможности к составлению... о привозе заграничного товара в различестве ведомостей оной донесено; относительно в каком количестве привозимой бываает более оной товаров то по известности сей таможни не далее (предидущего?) до ныне во оной по времени как в значном количестве хлопчатой бумаги непряденной в посредственном шелковых материи, в довольном бурместей и в большом простых ситцов более употребляемого в здешнем месте...» სცსია, ფ. 380, საქმე 15, ფურც. 104.

¹² სცსია, ფ. 2, საქმე 211, ფურც. 59—64. კახეთის საიჯარო მუხლებში ერთ-

სახაზინო ექსპედიციამ შეამოწმა ეს თხოვნა და დაადგინა, რომ მართლაც 6 თვის განმავლობაში თელავიდან ერევანს სავაჭროდ არავინ წასულა¹³. აღნიშნული და კიდევ სხვა მრავალი, საბუთიდან ირკვევა, რომ არამცთუ საქართველოს ცალკე კუთხეებს, არამედ ამ კუთხეების ცალკეულ ქალაქებსა და მაზრებსაც დამოუკიდებელი ვაჭრობა ჰქონიათ ირანთან და უმთავრესად ერევნის სახანოსთან. ამ ვაჭრობის ძირითადი საგანი ნედლი ბამბა ყოფილა, რომელიც დიდი რაოდენობით შემოჰქონდათ საქართველოს მრავალ სავაჭრო-სამრეწველო ცენტრში: თელავში, სიღნაღში, გორში, ცხინვალში, დუშეთში რასაკვირველია თბილისში და ა. შ. შემოზიდულ ბამბას მეტად დიდი მნიშვნელობა ჰქონდა საქართველოს საფეიქრო მრეწველობისათვის. მაგალითად, 1811 წელს გორის მაზრაში საფეიქრო წარმოების შემცირების მიზეზებს რომ არკვევდნენ, ერთ-ერთ ხელშემშლელ პირობად სპარსეთიდან, საომარი მოქმედების გამო, საკმაო რაოდენობით ნედლეულის შემოტანის შეფერხება იქნა მიჩნეული¹⁴. რომ ქართული საფეიქრო წარმოება დამოკიდებული იყო სპარსეთიდან შემოსილული ბამბის ნედლეულზე, ეს მართველი წრეებისათვისაც კ-რგად იყო ცნობილი. საფეიქრო წარმოების მოცულობა ძირითადად განსაზღვრავდა სამღებროსა და საბეჭდავის საიჯარო მუხლებს ფასსაც¹⁵. ამიტომ კონტრაქტში, რომელიც ჩვეულებრივ იღებოდა ხოლმე აღნიშნული იჯარების შემსყიდველსა და სახაზინო ექსპედიციას შორის, საგანგებოდ შეჰქონდათ პუნქტი, სადაც მითითებული იყო, რომ თუ საომარი მოქმედების ან სხვა ხელშემშლელი გარემოებების გამო სპარსეთიდან შეწყდებოდა ბამბისა და ლურჯი საღებავის შემოზიდვა, შემსყიდველები თავისუფლდებოდნენ იმ პერიოდის შესაბამისი თანხის გადახდისაგან, ვიდრე აღნიშნული შემაფერხებელი პირობები არ აღიკვეთებოდა: მაგალითად, თბილისის სამღებ-

ერთი მთავარი იყო ბაჟი ერევნიდან შემოტანილ და გატანილ საქონელზე. ამდენად ვაჭრობის შეფერხებას მართლაც შეეძლო დიდი ზიანი მიყენებია შემსყიდველთათვის: «Экспедиция известно, что по кахетинской статье большая часть поступают доходы за привоз из Эривана хлопчатой бумаги, краски синей и парчи, и за вывоз из Кахетин в Эривань шолку, марены, водки, шерсти и бурока».

¹³ იქვე.

¹⁴ სესია, ფ. 254, იღწ. 1, საქ. 257, ფურც. 214—217.

¹⁵ აღნიშნულ საკითხებზე ჩვენ დაწვრილებით შევჩერდებით ქვემოთ, შესაბამის თავში. ამჟამად კი იძულებული ვართ აღნიშნული განცხადებით დავკმაყოფილოდეთ.

როსა და საბეჭდავის მუხლის იჯარით გაცემის კონტრაქტში, რომელიც სახაზინო ექსპედრციამ დაუდო შემსყიდველებს გიორგი ნაზარბეგოვსა და ზაქარია როსროხოვს, ვკითხულობთ: „თუ იჯარის ხანას განმავლობაში თბილისში შავი ქირი გაჩნდება, ან აქაური საზღვრები საომარი მოქმედების გამო დაიკეტება, ხოლო ამით ნედლი ბამბის და საღებავის შემოტანა, ხამის დამზადება და სამცხეობის და საბეჭდავის შემსყიდველთა შემოსავალი შეფერხდება და ეს უფროსობისგან დამოწმებული იქნება, მაშინვე ანგარიშს გააქწორებენ ხაზინასთან, ზემოთ ჩამოთვლილი მიზეზების შეწყვეტამდე და თვით იჯარაზეც შეუძლიათ უარი განაცხადონ“¹⁶ და სხვ.

1809 წლის ცნობით სპარსეთიდან (ერევნის ჩათვლით) საქართველოში 30 000 ფუთი ბამბა შემოჰქონდათ, რაც 25 000 ზანეთის (ვერცხლით) ღირებულებას შეადგენდა¹⁷. თავისთავად ეს მეტად საგულისხმო ციფრია, მაგრამ აქვე მხედველობაში უნდა მივიღოთ ისიც, რომ 1809 წელთან შედარებით გასული საუკუნის შოელი პირველი მეოთხედის მანძილზე ჩვენში საფეიქრო წარმოება განუხრელად იზრდებოდა. ეს ნათლად ჩანს საქსოვი წარმოებისა და სამღებროების ზრდის მონაცემებიდან¹⁸. რაკი საქსოვი წარმოება უპირატესად სპარსეთიდან შემოტანილ ნედლეულზე იყო დამყარებული, შესაბამისად იზრდებოდა ბამბის შემოტანაც.

გარდა ამისა, საბაჟოების მოუწყობლობას, ფაქტობრივად სასაზღვრო ხაზის აჩარსებობის, მრავალი შემოსასვლელი გზისა თუ ბილიყის და სხვა ხელშემწყობი პირობების გამო, საქართველოში მეტად დიდი იყო საქონლის კონტრაბანდული შემოტანა. ზემოთ მოყვანილი ცნობა 1809 წლისაა. ამ დროს საბაჟო თბილისში იყო. ამიტომ ყველა უცხოური საქონელი ჯერ თბილისში უნდა შემოეტანათ; აქ იგი დაიბეგრებოდა და შემდეგ საქართველოს სხვა რაიონებში გაჰქონდათ. ამდენად, ასე თუ ისე, სანდო მონაცემები საბაჟოს მხოლოდ თბილისისა და ნაწილობრივ შიდა ქართლას

¹⁶ ამ პუნქტის საფუძველზე, იმის გამო, რომ 3 თვის განმავლობაში სპარსეთიდან საქონელი არ შემოდოდა, შემსყიდველებმა მოითხოვეს შესაბამისი თანხის პატიება. სახაზინო ექსპედრციამ დააკმაყოფილა მათი თხოვნა.—სსსიპ, ფ. 254, აღწ. 1, საქ. 257, ფურც. 75.

¹⁷ AKAK, IV, № 99, გვ. 88; პ. გ უ გ უ შ ვ ი ლ ი, დასახ. ნაშრ., გვ. 116, შენ. 1.

¹⁸ ამაზე ჩვენ ქვევით დავწვრილებით გვექნება საუბარი.

მიმართ შეიძლება ჰქონოდა; თვით საბაჟოს მოხელეების განცხადებით, „რადგან ეს საბაჟო მარტო თბილისშია, მოვაჭრეებს იქ მისვლამდე გადააქვთ მდინარე მტკვარზე მოსახერხებელ ადგილებში ფონით ან ნავებით ყოველგვარი საქონელი, ხოლო განააქუთრებით დიდი რაოდენობით ბამბა და საღებავები“¹⁹.

ესაღია, ფარული ვაჭრობა მარტო შემოტანით არ განსაზღვრებოდა. ასევე მნიშვნელოვანი რაოდენობის საქონელი საქართველოდანაც გაჰქონდათ საბაჟოების გვერდის ავლით²⁰. შემოტანილ საბუთში კიდევ ერთი გარემოება იქცევის ყურადღებას. თბილისის საბაჟოს მოხელეები აცხადებდნენ: მართალია, რამდენიმე თვეა სპარსეთიდან თბილისის საბაჟოში საქონელი არ შემოსულა, მაგრამ ქალაქში ბამბაც და ლურჯი საღებავიც საკმაო რაოდენობით არისო²¹, რაც იმაზე მიუთითებს, რომ ვაჭრები სპარსული საქონლის შემოპარებას თბილისშიაც კი ახარხებდნენ.

როგორც ირკვევა, ირანიდან საქონლის ფარულად შემოტანა და გატანის მთელი სისტემა იყო დამუშავებული და ჰაუცილისტი გამყოლებიც კი არსებობდნენ, რომლებიც ვაჭრებს ფარული გზებით საქართველოს სხვადასხვა ადგილებში ატარებდნენ²².

შემოთქმულის საფუძველზე შეიძლება დავასკვნათ, რომ სპარსული საქონელი საქართველოში გაცილებით მეტი შემოდინოდა,

¹⁹ სცსია, ფ. 380, საქმე 15, ფურც. 183—184. ეს მოვლენა თითქმის მთელი განსახილველი პერიოდის მანძილზე გრძელდებოდა, რის შესახებაც საკმაოდ საფუძვლიანად მსჯელობდა 1826 წ. საქართველოს სამოქალაქო მმართველი ველიამინოვი. იგი სხვათა შორის აღნიშნავდა, რომ ნედლეული ბამბის უბაჟოდ შემოტანა ხშირია და იგი განსაკუთრებით კახეთის სოფლებშია გავრცელებული—სცსია, ფ. 254, აღწ. 1, საქ. 924, 1826 წ., ფურც. 443—445.

²⁰ მაგალითად, 1808 წელს ქართული ქსოვილების განჯაში უბაჟოდ გატანის ცდისთვის (განჯა კი სპარსეთისაკენ მიმავალ მაგისტრალზე მდებარეობდა) თბილისის მცხოვრები კიკელანთ აღას საქმე თბილისის სამაზრო სასამართლომ გააჩნია, სცსია, ფ. 380, საქმე 14, ფურც. 67.

²¹ იქვე, საქმე 15, ფურც. 183—184.

²² 1803 წლის ზაფხულში ერეკნიდან საქართველოში 4 ვაჭარი წამოვიდა, რომლებსაც საპალნეებით დიდი რაოდენობით საქონელი, ძირითადად ნედლი ბამბა მოჰქონდათ. ადგილობრივი ხელისუფლებისათვის ცნობილი გახდა, რომ შემოვიდნენ რა ლორის მაზრაში ვაჭრები მოელაპარაკნენ ამ მაზრის მცხოვრებს ნონია მამასალაშვილს, რათა ისინი საიღუმლო გზებით გორში ჩაეყვანა. ეს ამბავი სასწრაფოდ აცნობეს გორის კომენდანტს რომელმაც ვაჭრებიცა და მისი გამყოლიც ადგილზე დააკავა. გამოძიების შემდეგ კი გამოიჩქევა, რომ ნონია მამასალაშვილი ვაჭრების ფარულად გატარებას წლების განმავლობაში ეწეოდა. როგორც ირკვევა ამგვარი საქმისანი სხვაც არაერთი იყო. სცსია, ფ. 254, აღწ. 1, საქ. 29, ფურც. 181.

ვიდრე ეს ოფიციალურ ცნობებშია აღნიშნული. ამდენად შემოტანილი ნედლი ბამბის ოდენობა 1809 წლისთვისაც კი, რომელსაც შემოაღნიშნული ოფიციალური ცნობა ეხება, სულ ცოტა ერთი-ორად გაზრდილად უნდა წარმოვიდგინოთ.

თუ რამდენად დიდი იყო სპარსეთიდან ნედლი ბამბის შემოტანის მნიშვნელობა, იქიდანაც ჩანს, რომ ვაჭრები საქართველოს სასაზღვრო რაიონებში საომარი შოქმედების გამო გაძნელებული მიმოსვლის ვითარებაში ცდილობდნენ სხვა გზა გამოეძებნათ. მაგალითად, რუსეთ-ირანის მეორე (1826—1829 წწ.) ომის დროს მათ ირანიდან ბამბა კასპიის ზღვით ატარებდნენ, ხოლო იქიდან ნოზლოკითა და დარიალის ხეობით საქართველოში შემოჰქონდათ²³.

აღვილობრივი საფეიქრო წარმოებისათვის ირანიდან ნედლეულის სახით ბამბისა და ლურჯი საღებავის გარდა ნართიც შემოდიოდა²⁴.

როგორც აღვნიშნეთ, საგარეო ვაჭრობის მიმოქცევაში არსებული საქონლის ოდენობის დადგენა საამისო ცნობების არარსებობის გამო მიახლოებითაც კი ვერ ხერხდება, მაგრამ აღნიშნული ვაჭრობის ხასიათი და მასშტაბები მაინც შეიძლება წარმოვიდგინოთ ამ საქმიანობაში ჩაბმული ვაჭრების რაოდენობისა და ვინაობის ზიხედვით, მაგალითად 1804 წელს, როდესაც რუსეთ-ირანის ომი ის-ის იყო დაიწყო და ერევნის ციხესთან მდგარი ციკანოვი მის შტურმით აღებას ცდილობდა, ბანაკში აღარებელმა ვაჭარმა შოიყარა თავი იმ იმედით, რომ რუსის ჯარის წარმატების შემთხვევაში აქ ხელსაყრელი ვაჭრობის გაჩაღების შესაძლებლობა ექნებოდათ. იმ 136 ვაჭრიდან, რომლებიც ნებართვით თუ უნე-

²³ სცსია, ფ. 254, აღწ. 1, საქ. 962, ფურც. 478—479.

²⁴ 1812 წელს თბილისს კომენდანტმა შეეითხვა გაუგზავნა თბილისის საბუნოს-მართალია თუ არა, რომ 1810 წლიდან მოკრძობული საზღვარგარეთიდან საქართველოში არ შემოსულა რკინა, სელი და ძაფი. საბუნოს ოფიციალური პასუხი ასეთი იყო: «Приказали сообщать, что с начала мая м-ца истекшего 1810 года из за границы персидской и турецкой по военным действиям не было в привозе железа, льны и ниток». ჩვენთვის ცნობილია, რომ რკინა და სელი, აგრეთვე დიდი რაოდენობით განსაკუთრებით სელის ძაფი, საქართველოში დასავლეთიდან შემოჰქონდათ, მაგრამ რაკი საბუნოსი სპარსეთის მხარეცაა ნახსენები, უნდა ვივარაუდოთ, რომ აქ ძაფი იგულისხმება. ამდენად, სპარსეთიდან შეიძლება შემოსულიყო ბამბისა და აბრეშუმის ძაფი. ეს მეტად საინტერესო ცნობაა, რადგან უცხოეთიდან ნახევარფაბრიკატის შემოტანის ფაქტი ქართული საფეიქრო წარმოების მაღალი განვითარების ნიშანია. სცსია, ფ. 380, საქმე 26, ფურც. 150.

ბართვოდ იყვნენ მისულნი, 90 თბილისის დანარჩენი კი საქართველოს სხვადასხვა სავაჭრო ცენტრებს წარმომადგენლები იყვნენ²⁵.

ირანის სხვადასხვა სავაჭრო ცენტრებში წამსვლელთა შორის დოკუმენტები, გარდა აღმოსავლეთ საქართველოს სხვადასხვა ქალაქელ ვაჭართა, იმერელ ვაჭრებსაც ასახელებენ. ირანში ვაჭრები მოდიოდნენ ისეთი ნაკლებად მნიშვნელოვანი სავაჭრო დაბებიდანაც როგორც იყო სიღნაღი, ვაქირი, ველისციხე და ა. შ.²⁶

მართალია, ირანსა და საქართველოს შორის საქონელგაცვლა ძირითადად ქართველი ვაჭრებს მეშვეობით ხორციელდებოდა. მაგრამ ამ საქმეში მნიშვნელოვან მონაწილეობას იღებდნენ ირანელი თუ ირანის სახელმწიფოში შემაგალი სომხური და აზერბაიჯანული პროვინციების ვაჭრებიც. მაგალითად, 1801 წელს შედგენილი საბუთით საქართველოში კომერციებს ეწეოდა ირანის მხრიდან ჩამოსული 25 ვაჭარი. მათი მოღვაწეობა საქართველოში მომდევნო წლებშიც არ შეწყვეტილა. უპირატესად ისინი ერევნის, ნახიქევანის, ხოის და სხვ. ქალაქების მკვიდრები იყვნენ²⁷.

ქართველ ვაჭრებს განსაკუთრებით ცხოველი ურთიერთობა ჰქონდათ ერევანთან, რომელიც მახლობელი აღმოსავლეთის ერთ-ერთი მნიშვნელოვანი სავაჭრო ცენტრი იყო და, როგორც ჩანს განსაკუთრებით ნელლი ბამბის ვაჭრობით იყო განთქმული.

როგორც ჩანს, ერევნის შემდეგ სპარსეთის სახელმწიფოში შემაგალი ერთ-ერთი ძირითადი სავაჭრო ცენტრი, სადაც ქართველი ვაჭრები დიდ გარიგებებს აწარმოებდნენ ჯერ კიდევ XVIII საუკუნეში, იყო ქალაქი ხოი. ამ ქალაქთან იყო დაკავშირებული მნიშვნელოვანი კომერციები ისეთი დიდი ვაჭრისა და კრედიტორისა, როგორც მანუჩარ თუმანიშვილი იყო²⁸. ხოიში, მუდმივად ცხოვრობდა და ვაჭრობასა და კრედიტის გაცემის საქმეში მოღვაწეობდა საკმაოდ მსხვილი და შეძლებული საქმოსანი მერაბ აღა ენოქაშვილი და ბევრი სხვა ქართველი ვაჭარი²⁹. ბევრ ქართველ

²⁵ სცსია, ფ. 16, საქმე 221, ფურც. 4—5.

²⁶ სცსია, ფ. 2, აღწ. 1, საქ. 417, ფურც. 233.

²⁷ სცსია, ფ. 2, აღწ. 1, საქ. 417, ფურც. 233.

²⁸ ნ. ბ ე რ ძ ე ნ ი შ ვ ი ლ ი, მასალები..., III, გვ. 96, 109, 132, 282, 286, 293, 295; დ. უ რ ა ნ ე ი შ ვ ი ლ ი, დასახ. ნაშრ., გვ. 107—108.

²⁹ იქვე.

ვაჭარს. თუ სავაჭრო კომპანიას თავისი მულმივი წარმომადგენლები ჰყავდათ ირანის სხვადასხვა სავაჭრო ცენტრებში³⁰.

ირანსა და საქართველოს შორის ვაჭრობის სიცხოველეზე ისიც შეტყვევლებს, რომ საქართველოს მეზობელი თათრული დისტანციების მცხოვრებთა ერთ-ერთი ძირითადი საქმიანობა ამ ორ ქვეყანას შორის საქონლის გადაზიდვა (ჩალვადრობა) იყო³¹.

ირანს და, განსაკუთრებით, ირანის მფლობელობაში მყოფი სომხეთისა და აზერბაიჯანის სავაჭრო ცენტრებთან საქართველოს ცხოველი სავაჭრო ურთიერთობა ჰქონდა. ეს ურთიერთობა ორმხრივ დაინტერესებაზე და სარკებლიანობაზე იყო დამყარებული. საქართველოდან აქ გაჰქონდათ ადგილობრივი წარმოების მრავალფეროვანი საქონელი, მეტად ფართო იყო შემოტანილი პროდუქციის ასორტიმენტიც³², მაგრამ განსაკუთრებული მნიშვნელობა ენიჭებოდა საფეიქრო წარმოებისათვის აუცილებელი ნედლეულის ბამბის ნართის და ლურჯი საღებავის შემოტანას, რომელზედაც მნიშვნელოვნად იყო დამოკიდებული ქვეყნის მრეწველობა.

XIX ს. პირველ მესამედში საქართველო ფართო გაცვლით

³⁰ სესია, თ. 16, საქმე 2784, ფურც. 1—2.

³¹ იქვე, ფურც. 34.

³² ი. შახგუბატოვი საქართველოს ვაჭრობას ირანთან შემდეგნაირად ახასიათებს: «Торг с Персией особенно производится червонцами, серебром, медью в изделиях, материале, канцелярским семям, шитым серебром и золотом, ручодельем тифлисских женщин, попонами подушечными наволочками (по-грузински дориспири), чапраками и коврами-сузаны употребляемыми женщинами для подстилки в банях. Отвозят также, шерстянные и шелковые материи из России доставляемые и серебрянные нитки, лезгинския и других горских народов толстая сукна. Из Персии привозят: жемчуг, драгоценныя камни, синюю краску, двух родов шали, на шею и для кушаков, шелковыя материи с золотом тканую, дига, даран-банд, атлас-баб; и шелковыя ткани: дараи, шейдиши, мов, тафту, атлас, хатаи и прочее. Разныя бумажныя материи из России доставляемые, в большом количестве хлопчатой бумаги. Мелочныя товары, фрукты, меха лисьи, куньи и белодушек, верблюжия ковраы разного сорта и величины под названием кечи...», ხელნაწერთა ინსტიტუტი, ROS d 110. საქართველოდან გატანილი საქონლის ასორტიმენტი ამით არ ამოიწურებოდა; უველაფრის ჩამოთვლა შორის წაგვიყვანს, მაგრამ არ შეიძლება არ დავასახელოთ ენდროს გატანა. აკად. პ. გუგუშვილის გამოანგარიშებით, ირანსა და თურქეთში ყოველწლიურად 10 000-მდე ბათმანი ენდრო გაჰქონდათ, რაც ადგილზე 66—70000 მანეთის ღირებულებას შეადგენდა—იხ. მისი დასახელებული ნაშრომი, გვ. 118.

განსაკუთრებული ადგილი ეკირა ქართულ ოქრო და ვერცხლქოილეებს, რომლებიც თურქე აზიაში საუკეთესო ნაკეთობად ითვლებოდა და მათი ფასი 400 მანეთამდე აღწევდა, იქვე.

ვაჭრობას ეწეოდა თურქეთის სხვადასხვა ქალაქებთან. არაერთი საბუთის მითითებით ქართველი ვაჭრები მნიშვნელოვან კომერციებს აწარმოებდნენ ყარსში, არზრუმში, სტამბოლში და ა. შ.³³

ქართულ ისტორიოგრაფიაში დასაბუთებულია შავ ზღვაზე თურქეთის გაბატონებისა და თურქეთთან ვაჭრობის ნეგატიური როლი ქვეყნის სოციალურ-ეკონომიკურ განვითარებაში³⁴.

საქართველოს რუსეთთან შეერთებამდე (ხოლო აღებულ პერიოდში ეს პროცესი ჯერ კიდევ არ იყო დასრულებული) თურქეთთან ვაჭრობას აღმოსავლეთ და დასავლეთ საქართველოსათვის განსხვავებული მნიშვნელობა ენიჭებოდა.

მძიმე პოლიტიკურმა ვითარებამ, რომელიც საქართველოს რუსეთთან შეერთებას უსწრებდა წინ, თურქეთის გავლენის მძიმე შედეგებმა და სოციალური ურთიერთობის უაღრესად მძიმე ფორმებმა განაპირობეს ეკონომიკური თვალსაზრისით დასავლეთ საქართველოს გარკვეული ჩამორჩენა აღმოსავლეთ საქართველოსთან შედარებით. დასავლეთ საქართველოს ვაჭრობა თურქეთთან მეტ-ნაკლებად პასიურ ხასიათს ატარებდა: გაქონდათ უპირატესად ნედლეული, ხოლო შემოქმონდათ თურქული თუ ევროპული მზა ნაწარმი. ამის გამო, მართალია, შემოტანილ საქონელში ბევრი ადგილობრივი მოსახლეობისათვის მეტად დიდ აუცილებლობას წარმოადგენდა, მაგრამ ამ ვაჭრობას მაინც არ შეეძლო დადებითი როლი შეესრულებინა ქვეყნის საერთო-ეკონომიკურ განვითარებაში. ხოლო ის გარემოება, რომ თურქეთის ბაზარი ქართველი ტყვეებით ვაჭრობის ერთ-ერთი ძირითადი ცენტრი იყო, თურქეთთან ვაჭრობას ბარბაროსულ ხასიათს აძლევდა და იგი დამლუპველად მოქმედებდა ქვეყნის სასიცოცხლო პოტენციალზე. მართალია, XVIII საუკუნიდან მოკიდებული როგორც ადგილობრივი, ისე რუსეთის ხელისუფლება არაერთ ზომას იღებდა ამ დამლუპველ ურთიერთობას აღმოსაფხვრელად, მაგრამ მან მაინც დიდხანს შეინარჩუნა თავისი საყალალო მნიშვნელობა, ყოველ შემთხვევაში, განსახილველ პერიოდში ეს საკითხი არ მოგვარებულა³⁵.

ს. ბრონევის ცნობით ფოთში ყოველწლიურად ოცამდე თურქული გემი შემოდის. მათ უპირატესად შემოქმონდათ დამარილებული თევზი და ხიზილალა, საშუალო ხარისხის ევროპუ-

³³ სცსია, ფ. 2, აღწ. 1, საქ. 177, 370, 517.

³⁴ ვ. გაბაშვილი, დასახ. ნაშრ. გვ. 160, 173.

³⁵ პ. გუგუშვილი, დასახ. ნაშრ., გვ. 258—351.

ლი მაუდი, შუშის კურკელი, აბრეშუმის და ბამბის ქსოვილები, რკინის ნაკეთობები, მარცლი და სხვ. ყველაფერ ამას ცვლიდნენ: ბრინჯზე, ფეტვზე, თაფლზე, ცვალზე, მელისა და კვერნის ტყავებზე და ა. შ.³⁶

XIX ს. პირველ ნახევარში თურქეთის სხვადასხვა სავაჭრო ცენტრებთან მნიშვნელოვან ვაჭრობას აწარმოებდა აღმოსავლეთ საქართველო. ქართველი ვაჭრები თურქეთის მეშვეობით ხშირად ევროპის ბაზრებსაც უკავშირდებოდნენ.

თურქეთთან ვაჭრობაში ბევრი მსხვილი ქართველი ვაჭარი მონაწილეობდა, ერთ-ერთი მათგანი იყო ზუბალაშვილი, რომლის შესახებ წინა პარაგრაფში იყო საუბარი. რომ ამგვარი ვაჭარი აღმოსავლეთ საქართველოში ბევრი იყო იქიდანაც ჩანს, რომ რუსეთ-თურქეთის ომების პერიოდში (1806—1812; 1826—1828) ადგილობრივ ხელისუფლებას საგანგებო ზომების ჩატარება სჭირდებოდა, რათა ქართველი ვაჭრების თურქეთის პროვინციებში მიმოხველა შეეზღუდა³⁷.

ვიწინიდან ეს ვაჭრობა ძირითადად ახალციხისა და ყარსის მეშვეობით წარმოებდა ბუნებრივია, რომ მასში აქტიურად მონაწილეობდნენ იქაური სომხები თუ ქართველი ვაჭრებიც. 1807 წლის ცნობით მარტო თბილისსა და გორში 40-ზე მეტი თურქეთის გვეშვერდობი ვაჭარი მოღვაწეობდა მათ შორის 1 ბერძენი, 3 ებრაელი, 4 სომეხი, 3 ქართველი და 22 კათოლიკე (სომეხი და ქართველი)³⁸.

³⁶ С. Б р о н е в с к и й. Новейшия географическия сведения о кавказе, ч. 1, М., 1823. с. 250—251.

³⁷ სსსი, ფ. 16, საქმე 508, ფურც. 2.

³⁸ სსსი, ფ. 16, საქმე 508, ფურც. 10—11; ზოგერთი ვაჭრის შესახებ მკითხველს, თუ რა საქონელი აღმოაჩნდათ მათ შემოწმებისას. მაგალითად, «Арзрумского жителя Осипа Аганезова 75 концов кисей белой или хаси—5 р. на 375 р; 21 кож буйволовых кажд. по 4 р—84р. 10 батманов краски сапдалу каждый по 13 р—130; пол вьюка орехов чернильных...; Один сундук в нем 69 подозрных труб; 3 дюжины зеркал малаго сорта—9; 7 1/2 дюж. табакерок простых — 7. 50; булавок, наперстков медных и колокольчиков — на 7 р.; 3 фунта краски лилибуты на 3 р., 3 литры... на 9 р. дюжин бритв простых 24; 6 батманов нашатыр каждый по 15 р. — 90; 105 пил малаго сорта железных — 30; 10 пил всем цена — 7 р.; 3 фунта корицы...; 28 фунта сабру для лекарства 42; 1 литра... 5 р. пол литра турецких сухих чернил— 4; სულ 852 მანეთისა და 50 კაპ. საქონელი. მეორე არ ზრუმელ ვაჭარს ოჯანზ ოსაპოვს აღმოაჩნდა: «...6 концов пасирханского ситцу—24 р.; 45 аршин атласу алаго российского

გატანილ საქონელში სოფლას მეურნეობის პროდუქტებთან ერთად მნიშვნელოვანი ადგილი ეჭირა სამრეწველო საქონელსაც, კერძოდ მნიშვნელოვანი რაოდენობით გაჰქონდათ ოქრო-და ვერცხლქსოვილები, მანდილები და თავსაქრავები, ცხენის აკაზმულობა, დიენისა და ბალიშ-მუთაქის საპირეები, კამეჩის გამოყვანილი ტყავები³⁹, დიდი რაოდენობით გაჰქონდათ ბამბეულის ქსოვილებიც⁴⁰.

თურქეთთან ვაჭრობაში ჩაბმული იყო არა მარტო მისი მოსახლერე ქართული პროვინციები, არამედ მისგან დაშორებული სავაჭრო ცენტრებიც: ქ. თბილისი, კახეთის ქალაქები და სხვ. მაგალითად, არაერთი ცნობა კახეთსა და ყარსს შორის ინტენსიურ ვაჭრობას ადასტურებს. ადგილი ჰქონია ფარულ (უბაეო) ვაჭრობასაც, რის გამოც ადგილობრივი ხელისუფლება ფარული ვაჭრობის ტრასაზე საბაჟოების მოწყობის საკითხსაც კი აყენებდა⁴¹.

თბილისის საბაჟოს უწყისებში თურქეთიდან შემოტანილი საქონელიც ჩანს, მათ შორის შალის, აბრეშუმისა და ტილოს ქსოვილები⁴².

ამრიგად, XVIII საუკუნის ნიჭურულსა და XIX საუკუნის დასაწყისში საქართველოს ირანისა და თურქეთის პოლიტიკური გავლენის ორბიტიდან გამოსვლას ამ ქვეყნებთან მისი სავაჭრო ეკონომიკური კავშირი არ შეუწყვეტია.

პირიქით, იმის გამო, რომ რუსი ვაჭრები ირანის ბაზრებზე გარკვეული პრივილეგიებით სარგებლობდნენ, ხოლო 1783 წლის

—90 p.; 14 аршин атласу темнозеленного 28; 8 аршин атласу голубого—16; 60 платков турецких малого сорта; 2½ конца плакатов 42 p. 50 к.; 10 концов жисей белой хаси—216 p. 15 концов мадернаку—210 p. 15 концов чадроваго ситцу—30 p; 1 одеяло унгурское—2p; 2½ батмана шолку сирцу 100; 14 концов джалашей—33 p. 60 к.; 1 одеяло хойское 1; 1 конец платков муменских—2p. 3 кожи выдровых 3 p.; 4 фунта имбир 4—50, 2 сундука Алау—13 батманов—65 p.; 9½ батманов силей краски—332—502; 4 батмана сандалу—52; 9—кожи буйволов—40; სულ, 1352 მ. 10 კ. საქონელი. როგორც ვხედავთ, აქ არეულია ქართული, რუსული, თურქული და სპარსული საქონელი. ეს იმას ნიშნავს, რომ ვაჭარი ცალობით ვაჭრობას ეწევა და პარალელურად ყიდულობს იმ საქონელს რომელიც ადგილობრივ ბაზარზე იშოვება და სამშობლოში კარგად გასაღდება.

³⁹ პ. გ უ გ უ შ ე ი ლ ი, დასახ. ნაშრ., გვ. 118.

⁴⁰ სცსია, ფ. 254, აღწ. 1, საქ. 1202, ფურც. 251.

⁴¹ სცსია, ფ. 254, აღწ. 1, საქ. 132, წიგნი 11, ფურც. 160.

⁴² სცსია, ფ. 2, აღწ. 1, საქ. 416, ფურც. 193.

ტრაქტატის ძალით ქართველი ვაჭრები მათ გაუთანაბრდნენ. ირანის საევაქრო ცენტრებში უკანასკნელთა კომერციები მნიშვნელოვნად გაადვილდა.

ირანთან ვაჭრობას საქართველოსათვის ღადებითი მნიშვნელობა ჰქონდა, რადგან იქიდან დიდი რაოდენობით შემოდოდა ქვეყნის მრეწველობისათვის მეტად საჭირო ნედლეული: ბამბა, ნართი, საღებავები და სხვ. ამავდროულად თურქეთთან ვაჭრობა ერთგვარად გაორებული ხასიათს ატარებდა: აღმოსავლეთი საქართველო მასში აქტიურ როლს ასრულებდა და საფუძვლიან სარგებლობასაც ნახულობდა, დასავლეთ საქართველოსათვის კი იგი ხშირად საზიანოც კი იყო.

რუსეთ-ირანისა და რუსეთ-თურქეთის ხშირი ომები, რასაც XIX საუკუნის პირველ მესამედში ჰქონდა ადგილი აფერხებდნენ ვაჭრობის ნორმალურ განვითარებას.

2. კავკასიის მთიანეთთან საქართველოს დამოკიდებულება ურთიერთობის ხასიათი

საქართველო მთებზე გარშემორტყმული ქვეყანაა და, ბუნებრივია, რომ მისთვის განსაკუთრებული მნიშვნელობა ენიჭებოდა ურთიერთობას მთიელ ხალხებთან. განსაკუთრებულ ფორმას იღებდა ურთიერთობა ჩრდილოეთ კავკასიისთან, რომელიც როგორც სოციალურ-ეკონომიკური წყობით, რსე ეროვნულ-რელიგიური ნიშნებით საქართველოსგან განსხვავებულ რეგიონს წარმოადგენდა.

სწორედ ეს განსხვავებულობა (ძირითადად სოციალურ-ეკონომიკური წყობაში), მათი გეოგრაფიული მდებარეობა და პოლიტიკური მდგომარეობა განსაზღვრავდა ამ ურთიერთობის ხასიათს. მას შემდეგ, რაც მთის მოსახლეობაში კერძო საკუთრებისა და საქონლეულობის ელემენტები იწყებდა შექმნას. მათთვის ბარის მოსახლეობასთან ურთიერთობას სასაიციოცხლო მნიშვნელობა ენიჭებოდა. მთური მეურნეობისათვის უცხო ბარს პროდუქტები, მესაქონლეობისათვის აუცილებელი ზამთრის საძოვრები, შთიელი მოსახლეობისათვის განსაკუთრებით ზრდიდა ბარის მოსახლეობასთან ურთიერთობის საჭიროებას.

ცივილიზაციის გაჩენასთან ერთად გაჩნდა პრობლემა განვითარების სხვადასხვა სტადიაზე მყოფი საზოგადოებების ურთი-

ერთმოქმედებისა და ბრძოლისა⁴³. საქართველოს ურთიერთობა ჩრდილოეთ კავკასიის ხალხებთან ამ პროცესის თვალნათლივი განვლინებაა. სოციალურ-ეკონომიკური თვალსაზრისით შედარებით მაღალგანვითარებული ქართული საზოგადოება ეკონომიკური ზეგავლენით (ვაჭრობა, სამხედრო ძალის დაქირავება, სამუშაოს მიცემა, ზამთრის საძოვრების საკითხის რეგულირება და ა. შ.) ცდილობდა თავის გავლენის ქვეშ მოექცია მთიელები, საკუთარი ინტერესების შესაბამისად წარემართა მათი საქმიანობა. თავის მხრივ, მთიელი მოსახლეობის საზოგადოება ნახევრად ფეოდალური ზედაფენის მეთაურობითა და კარნახით იბრძოდა, რათა ძალით მიეთვისა განსხვავებულ გეოგრაფიულ გარემოსა და შედარებით მაღალი სოციალურ-ეკონომიკური წყობის პირობებში დამზადებული მისთვის სასიცოცხლოდ საჭირო პროდუქცია.

ამ ორი მისწრაფების დაპირისპირებულობა, ზემოქმედება და ბრძოლა განაპირობებდა საქართველოს ურთიერთობას ჩრდილო კავკასიის მთიელებთან ხანგრძლივი ისტორიული თანაცხოვრების მანძილზე. თუ რომელი მისწრაფება იმარჯვებდა ისტორიის ამა თუ იმ მონაკვეთზე, ეს განისაზღვრებოდა შექმნილი პოლიტიკური სიტუაციით, საშინაო თუ საგარეო ფაქტორებით.

საქართველოს პოლიტიკური ძლიერების ხანაში ეკონომიკური განპირობებულობის ფაქტორი მთიელებზე ბატონობის საფუძველი იყო. ამ მხრივ მეტად ჭაინტერესოა ის ცნობები, რომლებმაც ვახუშტი ბაგრატიონი გვაწვდის: დიდოელები „ჰყმობენ კახთა მეპატრონეთა და აძლევენ ხარკთა და არა ლაშქართა, რათა ვიდოდნენ სავაჭროდ კახეთს, ვინაითგან ზიდვენ კახეთილამ საზრდელსა, საშიშროსა და სახმარსა თვისსა“⁴⁴. ოსებს „არა არს ქუეყანათა მათთა შინა მარლი, სელი, კანაფი, და ბამბა და აბრეშუმი, რათამცა ყონ სამოსნი თვისნი. ამისთვის უმეტესნი სცხოვრობენ ცხოვართა ტყავითა, ვარნა ამათაც ზიდვან ქართლიდამ, რაჭილდამ და ჩერქეზილდამ. და ამისთვისცა მორჩილებენ თვის-თვისთა მხარეთა და კუალად უმეტესად საზრდელთათვისცა“⁴⁵.

⁴³ Принципы историзма в познании социальных наук, М., 1972, с. 71.

⁴⁴ ვ ა ხ უ შ ტ ი, „აღწერა სამეფოსა საქართველოსა“, ქართლის ცხოვრება, IV, თბ., 1973, გვ. 553.

⁴⁵ იქვე, გვ. 641. ურთიერთობის ხასიათი იგივე უნდა ყოფილიყო ქართველ მთიელთა მხარეთაც ამ განსხვავებით, რომ ეროვნული შეგნების ელემენტები, რაც ისტორიულ-პოლიტიკური მრავალსაუკუნოვანი ერთობის საფუძველზე ყალიბდებოდა.

როგორც აღენიშნეთ, ურთიერთობის ხასიათს ქვეყნების პოლიტიკური მდგომარეობა და სხვა ფაქტორები განსაზღვრავდა. ამიტომ საქართველოს პოლიტიკური დასუსტების ხანაში, ხოლო უფრო გვიან, იმ მძიმე პოლიტიკურ სიტუაციაში, რომელიც საქართველოში XVIII საუკუნის მიწურულს შეიქმნა, დამოკიდებულება იცვლება. ქართული ხელისუფლება იმისათვის რათა შეენელოს მთიელთა გამანადგურებელი მძარცველური თავდასხმები, ცდილობს სამხედრო ღონისძიებებთან ერთად (ციხეების შენება, მორიგე ჭარი და სხვ.) ეკონომიკურ ზომებსაც მიმართოს: მთიელთათვის საქართველოში უბაჟო ვაჭრობის დაწესება, ბარში ჩამოსახლებისათვის ხელშეწყობა, ჯამაგირი და ბოლოს ხარკიც კი—სწორედ ამ რიგის ღონისძიებებად მოსჩანან. მართალია, იმისათვის, რომ არ დაცემულიყო კავკასიაში ყველაზე დიდი პოლიტიკური ერთეულის (ქართლ-კახეთის სამეფოს) პრესტიჟი, მთიელთა დიდი გარეთიანებების ბელადებისათვის მათ მიერ ქვეყნის ძარცვა-რბევისაგან ხელის აღების სანაცვლოდ გასამრჯელოს მიცემას, ჯამაგირს უწოდებენ, რითაც ფორმალურად უსვამენ ხაზს იმ გარემოებას, რომ თითქოს არ შეცვლილა ბატონისა და ვასალის ძველი დამოკიდებულება, მაგრამ ფაქტიურად, რა სახელიც არ უნდა რქმეოდა მას, ეს ხარკი იყო, რაც ქვეყანას მეტად მძიმედ აწვებოდა.

მთიელ ხალხებთან ურთიერთობის ხასიათი საქართველოს რუსეთთან შეერთების შემდეგაც, ყოველ შემთხვევაში პირველ ხანებში მაინც, არ შეცვლილა. შეერთების პირველ წლებში, როცა რუსული ხელისუფლება ფეხს იკიდებდა ამიერკავკასიაში და როცა მას ამ საქმეში ძლიერ წინააღმდეგობას უწევდა გარემომცველი მაჰმადიანური სამყარო, იმ პოზიციას, რომელსაც კავკასიის მთიელები დაიჭერდნენ, დიდი მნიშვნელობა ჰქონდა რუსეთის მიზნების განხორციელებისათვის. მეორე მხრივ, მთიელთა გამაჩანაგებელმა შემოსევებმა, ქვეყნის სამხედრო პოტენციალის გაზრდის

ბოლა რელიგიური სიახლოვე და სავარაუდოა სოციალურ-ეკონომიკური ურთიერთობის მეტი სიახლოვეც ერთგვარად არბილებდნენ ამ ურთიერთობის სიმწკვავეს. იგივე ავტორი, მაგალითად, ფშაველთა შესახებ აღნიშნავს: „ვინაიდან შაგარ არს ქვეყანა ესე და უბრალოველი მითითა, და კლდითა, და ტყითა, ამისთვის იმყოფებიან მშველად და მონებენ ვისცა უპყრავსთ მთიანეთი, რამეთუ იზრდებიან მუნღილამ“, იქვე, გვ. 533. თუშებზე: „ხოლო ფარსმანი უფრო მწირ არს, გარნა ამთ მიერ იგინცა გამოიზრდებიან. კახეთით რამეთუ მათ მიწყაეთ და ვაჭრობენ. არამედ იგინი (წოვა, გომეწარი, ჩაღმა თუშები—მ. ს.), არა ჰყმობენ კახთა შეპატრონეთა, ხოლო ესენი მორჩილნი, მოლაშქრენი და მეხარკენი არიან — იქვე, გვ. 554.

შედგად, რაშიაც დიდი როლი მიუძღვის საქართველოში დაბანაკებულ რუსეთის რეგულარულ მხედრობას, მართალია იკლო, მაგრამ იგი მაინც დიდხანს არ აღკვეთილა. ამის გამო ადგილობრივი ხელისუფლება ყოველმხრივ ცდილობდა ეს საკითხი შეძლებისდაგვარად მშვიდობიანი გზით გადაეჭრა. ამიტომ მან შეინარჩუნა საქართველოს დამოუკიდებლობის დროიდან არსებული კავკასიელ მთიელთა ეკონომიკური პრივილეგიები: ლეკებს ნება ეძლეოდათ უბაჟოდ შენოეტანათ და გაეყიდათ საქონელი საქართველოში. და ეს მაშინ, როცა თვით ქართული საქონელი კახეთიდან თბილისში რომ შემოეტანათ, ბაჟით უნდა დაბეგრილიყო⁴⁶.

მეორე მხრით, რუსული ხელისუფლება სასტიკად კრძალავდა ვაჭრობას მთიელთა იმ თემებთან, რომლებიც რუსეთის მიწათ მჭრულ დამოკიდებულებას იჩენდნენ და არამცთუ უბაჟოდ, საერთოდ არ უშვებდა მათ საქართველოს ბაზარზე და თვით ქართველი ვაჭრების ამ თემებში სავაჭროდ წასვლასაც კი კრძალავდა. ერთი სიტყვით, ცდილობდა ეკონომიკური ზემოქმედება მოეხდინა მათზე, მოეწყო ეკონომიკური ბლოკადა.

მაგრამ ამ დონისძიებას მაინც არ შეეძლო აღნიშნულ ხალხებთან სავაჭრო ურთიერთობის აღკვეთა, რადგან ეს ურთიერთობა ორმხრივ ეკონომიკურ დაინტერესებულობაზე იყო დამყარებული. ამრიგად, თუ ხელისუფლების შესვეურთათვის მთიელებთან ვაჭრობა პოლიტიკურ მნიშვნელობას იძენდა, საქართველოს ვაჭართა ენისათვის მას ხელსაყრელი ეკონომიკური მნიშვნელობა ჰქონდა. „სავაჭრო კაპიტალი კაპიტალისტური წარმოების გაჩენამდე განსხვავებულ წარმოების წესებს ემსახურება. უფრო მეტიც, სწორედ

⁴⁶ ლეკებთან ვაჭრობის ტრადიციული ქართული წესის მიხედვით თუ თვითონ ლეკი შემოიტანდა საქონელს ბაჟს არ იხდოდა, თუ ლეკებიდან არაღეკი შემოიტანდა ჩვეულებრივი ბაჟით იბეგრებოდა. რუსულმა მმართველობამ, როგორც ჩანს დააბუსტა აღნიშნული წესი: «...ежели сукно кубачское привезут пошлина берется с каждого конца по 20 к. Ежели лезгины привезут бурок, суконных шаровар и сукна чего бы они не привезли пошлины от них не берутся, ктож от них купит и вывезут пошлина берется по 20 ко, а для караула смотря на выювки береться», სცხია, ფ. 16, საქ. 333, ფურც. 15—24; 1803 წელს კირიანობის დროს ლეკებმა თბილისში საქონლის დიდი პარტია შემოიტანეს, მაგრამ ქალაქი დაცარიელებული იყო და საჭირო შეიქნა ამ საქონლის ქალაქიდან სხვაგან წაღება. ბაჟის იჭარის შემსყიდველებმა მათ სათანადო ბაჟს გადახდა მოთხოვეს. ლეკებმა კი პროტესტი განაცხადეს ჩვენ რუსეთის ხელისუფლების მიერ ყოველგვარი გადასახლისაგან თავისუფლები ვართო. სცხია, ფ. 254, აღწ. 1, საქ. 29, 1803 წ. ფურც. 288—29.

წარმოების წესთა განსხვავებულობა, ანდა ყოველ შემთხვევაში იმ ხალხების ეკონომიკური განვითარების დონე, რომელთა შორისაც იგი შუამავლობდა, განსაკუთრებით ხელსაყრელ ვითარებას ქმნიდა სავაჭრო (ვაჭრული) მოგების მოსაღებად⁴⁷.

მეურნეობის სიმწირე და ცალმხრივი ხასიათი მთის მოსახლეობას კარნახობდა სასაქონლო წარმოების ფორმა მიეცა საოჯახო წარმოებისა და ხელოსნობის ზოგიერთი დარგისათვის. ლეკთა რიგ დაწინაურებულ საზოგადოებებში აწინააღმდეგებდნენ საკმაოდ კარგი ხარისხის მაუდს, ნაბღებს, ჩულს, ოქრო-ვერცხლის ნაქეთობებსა და იარაღს, რომელიც საქართველოს ბაზრებზე მოწონებით სარგებლობდა.

როგორც აღვნიშნეთ, ლეკებს საქართველოში თავისუფალი ვაჭრობის პრივილეგია ჰქონდათ მინიჭებული. ისინი შემოტანილ საქონელზე ბაჟს არ იხდიდნენ, ხოლო თუ ლეკურ საქონელს ადგილობრივი ან უცხო ვაჭარი შემოიტანდა, ეს საქონელი ჩვეულებრივად იბეგრებოდა. ბაჟს იღებდნენ იმ შემთხვევაშიც, თუ ვაჭარი ლეკურ საქონელს სხვაგან (ეთქვათ, თბილისის გარეთ) წაიღებდა განასყიდდა⁴⁸. მაგალითად, საპალნე ნაბადზე 12 მანეთს იღებდნენ, ხოლო გატანის შემთხვევაში თითო ნაბადზე 20 კაპიკს⁴⁹.

თვით ლეკები თავიანთი საქონლის ფულზე გაყიდვას ერიდებოდნენ, რადგან სამშობლოში ფულის ტრიალი უცნობი იყო⁵⁰. ჩვეულებრივ ისინი ადგილობრივ ნაწარმზე ცვლიდნენ⁵¹, განსაკუთრებით ბაზრის ქსოვილებზე⁵².

არსებული მასალები საშუალებას არ იძლევიან რათა საქართველოს მთიელ ხალხებთან ვაჭრობის მოცულობა და დინამიკა რაიმე ციფრობრივ მონაცემებში გამოიხატოს. მიუხედავად ამისა, ისინი მაინც იძლევიან საერთო წარმოდგენას ამ ვაჭრობაზე და მის საგულისხმო მასშტაბებზე.

ს. დ. ბურნაშოვი, ახასიათებს რა საქართველოს საგარეო ვაჭ-

⁴⁷ Б. Ф. Поршнев, Феодализм и народные массы, М., 1964, с. 128.

⁴⁸ სესია, ფ. 254, აღწ. 1, საქ. 29, 1803 წ. ფურც. 182.

⁴⁹ იქვე, საქმე 132, ფურც. 81—83.

⁵⁰ „არა უწყინ თერთი არამედ თერთისა წილ ნაბადი. ჩოხა, ხამი, შალი, ცხვარი, ძროხა და ტყვე და ვაჭრობენ ურთიერთ შინა ამით“. ვახუშტი... ქართლის ცხოვრება, ტ. IV, გვ. 635.

⁵¹ სესია, ფ. 254, აღწ. 1, საქმე 132, ფურც. 81—83.

⁵² იქვე, საქმე 1279, ფურც. 140.

რობას, განსაკუთრებით გამოჰყოფს მის საქონელბრუნვას მთიელ და სპარსელ (იგულისხმება აზერბაიჯანის სახანოები) მეზობლებთან: „ვაჭრობენ სპარსეთთან და ინდოეთთან, რუსეთიდან მცირე რაოდენობით ჩამოტანილი საქონლით; ხოლო იქიდან ქარავენებით იღებენ აბრეშუმის (და) ბანბის სპარსულ და ინდურ ქსოვილებს, ასევე ფაიფურის ჭურჭლეულს; დიდი ვაჭრობა აქვთ მთიელ და სპარსელ ახლო მეზობლებთან. მათი ხელსაქნარით ანუ სპილენძის ჭურჭლით, ზოჩითული, შებენილი და თეთრი ბამბის ტილოებით, ცხენის მოსართავებით, ხმლებითა და ხანჯლებით, რკინის წვრილმანი საქონლით, ლაბადებით, ქუდებითა და ფეხსაცმელებით, რამეთუ ამ საქიროვებებით კავკასიის თითქმის ყველა ხალხები და ყველა მეზობლები თბილისელი სონებების შრომისმოყვარეობით სარგებლობენ“⁵³. მეტად საყურადღებოდ გვეჩვენება ჩვენ ჩ. ახრიევის ცნობა იმის შესახებ, რომ ძველ დროს საქართველო ინგუშებში ჩითების ქვეყნად ითვლებოდა⁵⁴.

კავკასიის მთიანეთთან ვაჭრობას ქართული ეკონომიკისათვის სერიოზული მნიშვნელობა ჰქონდა. განსახილველ ხანაში ამიერკავკასიაში აღიარებული სავაჭრო-ეკონომიკური ცენტრი თბილისი იყო. თბილისში თავს იყრიდა სამრეწველო და სასოფლო-სამეურნეო პროდუქცია მთელი საქართველოდან და საქართველოს იმ ადგილებიდანაც, რომლებიც მაშინ პოლიტიკურად დროებით მოწყვეტილი იყვნენ მისგან (ახალციხე, ფოთი და სხვ.). აქ შემოდინდა საქონელი უცხოეთის ყველა იმ ქვეყნიდან, რომელთანაც საქართველო ვაჭრობდა, ამდენად, სრულიად ბუნებრივია, რომ თბილისი კავკასიის მთიელ მოსახლეობასთანაც ყველაზე ფართო და მნიშვნელოვან ვაჭრობას აწარმოებდა. მთიელები აქ მოდიოდნენ მთელი პარტიებით, ზოგჯერ 500 და მეტი კაციც კი⁵⁵. ამგვარი მაგალითები უამრავია. საგულისხმო და აღსანიშნავი სხვა გარემოებაა: კერძოდ ის, რომ თბილისის ვაჭრულ-ხელოსნური მოსახლეობა დაინტერესებულია ამ ურთიერთობით და იგი მისი განვითარების მომხრე და მოსურნეა. ამ მხრივ საყურადღებოა საქართვე-

⁵³ С. Д. Бурнашов, Картина Грузии или описание политического состояния Царства Карталинского и Кахетинского. Курск, 1793, с. 12.

⁵⁴ Ч. Ахриев, Ингуши (их предания верования и поверья), ССКГ, вып. VIII, Тиф., 1875, с. 17; В. Н. Гамрекели, Торговые связи восточной Грузии с Северным Кавказом в XVIII в., 1, Тб., 1968, с. 32—33.

⁵⁵ С. Д. Бурнашов, დასახ. ნაშრ., გვ. 21.

ლოს სამოქალაქო გუბერნატორის კოვალენსკის მოხსენება ენორჩინგისადმი: „შიკრიკმა მოიტანა ანწუხისა და კაპუჩინის ხალხებისაგან ჩემს სახელზე გამოგზავნილი წერილები, რომლებშიც ისინი ითხოვენ ნება მიეცეთ, რათა უწინდებურად აწარმოონ ვაჭრობა საქართველოსთან, რისთვისაც მათ უკვე გამოუშვეს საზღვარზე ერთი ქარავანი; მეორე მხრივ აქაური ვაჭრები და ხელოსნები, რომელთა ნაწარმითაც უწინ ლეკებთან ვაჭრობა წარმოებდა... დაჟინებით ითხოვენ, რათა ლეკებს ნება მიეცათ ძველებურად აწარმოონ ვაჭრობა საქართველოში“⁵⁶.

როგორც ვხედავთ, ორივე მხარე დიდად დაიტყრესებულია ამ ვაჭრობით, რაც მათ ურთიერთგანპირობებულობაზე ნიუთითებს. თბილისი მთიელთა თემებთან ვაჭრობის ერთადერთი ცენტრი არ ყოფილა. ეს ვაჭრობა დიდი სიცხოველით მიმდინარეობდა შედარებით მცირე სავაჭრო-საზრეწველო პუნქტებში, რომლებიც მრავლად არსებობდნენ კავკასიონის მთისწინეთის გაყოლებაზე კახეთიდან რაჭა-ლეჩხუმამდე და იმერეთამდე. აღნიშნული ცენტრები მნიშვნელოვან საქონელგაცვლას აწარმოებდნენ კავკასიის მთიელთა იმ საზოგადოებებთან, რომლებიც მათ უშუალოდ ემეზობლებოდნენ.

ლიხთ-იმერეთში ამ თვალსაზრისით ყველაზე მნიშვნელოვან ცენტრად ონი მოჩანს. გიულდენშტედტის აღწერით, აქ „ცხოვრობენ იმერლები, სომხები და ებრაელები, ყველანი ლაპარაკობენ ქართულად, ერთმანეთში კი თავიანთ ენაზე, სომხები და ებრაელები ვაჭრობენ წედისიდან მოტანილი რკინის ნივთებით, ბამბის ქსოვილებით ქართლიდან და მარილითა და ფეტვით: ამიტომ ოსები მოდიან აქ დვალეთიდან და დუგორიდან; ბალყარელები, ბასიანელები და აგრეთვე სვანებიც მოდიან“⁵⁷. ავტორი კვლავ უბრუნდება ამ საკითხს, როცა ბასიანის პროვინციაზე ლაპარაკობს და აღნიშნავს, რომ „ბალყარელებს რაჭაში, რიონზე მდებარე ონში გამართულ ბაზრობაზე მოაქვთ უხეში მალდი, ქეჩა და მისთანები და ყიდულობენ ბამბის ქსოვილებს და სხვას“⁵⁸. სხვა ადგილას ლაპარაკობს რა აღნიშნული ხალხების საქართველოსთან პოლიტიკურ დამოკიდებულებაზე. იგი კვლავ აღნიშნავს: „ქართველ მე-

⁵⁶ В. Н. Гамрекели, Торговые связи Восточной Грузии с Северным Кавказом..., Тб., 1968, с. 27.

⁵⁷ გიულდენშტედტის მოგზაურობა..., ტ. I, გვ. 107.

⁵⁸ იქვე, ტ. II, გვ. 45.

ფესთან ახლა მათ არავითარი კავშირი არა აქვთ, რადგან ისინი ამჟამად ძალიან სუსტები არიან და აგრეთვე გადმოსასვლელები რაჭოდან და სვანეთიდან ძალიან მიძიმეა... რომ მათ ამ პროვინციებიდან მალყარში და აქედან კი ჩეგემსა და ყარაჩაიში შეეძლოთ მიმოსვლა. მალყარელები კი მაინც დადიან რაჭაში, ონის ყოველკვირეულ ბაზრობაზე, სადაც თავისი საქონელი—ქურქები, ქეჩები და ჩექმები მოაქვთ და ცვლიან ბამბის ქსოვილებზე და რკინის იარაღებზე“⁵⁹. პლატონ ზუბოვის ცნობით, ყარაჩაელების, ჩეგმენებისა და მალყარელებისათვის იმერეთი ვაჭრობის ძირითადი ადგილია, სხვა გზა და სხვა ვაჭრობა მათ არ იციან: „ყველა ეს ხალხები, — ამბობს იგი, — აწარმოებენ ვაჭრობას იმერეთთან, პატარა სავაჭრო დაბა ონი, იმერეთის მაზრაში რაჭაში, ამ ვაჭრობის მთავარი პუნქტია; ყარაჩაელები, ჩეგმენები და მალყარეები ეზიდებიან იქ თავის საოჯახო უხეშ ნაწარმს: სქელ მაუდებს, ქეჩებს, ნაბღებს, ხიფთანებს, ასევე ბეწვეულს. იძენენ აქ: მარილს, ბამბეულის ნაწარმს და ოჯახისათვის აუცილებელ წვრილმან საქონელს“⁶⁰.

აქ, ჩვენი აზრით, მეტად საინტერესო გარემოებას უნდა განვსვას ხაზი, რომ საქართველოსა და ჩრდილოეთ კავკასიის ხალხებს შორის საშუაშაველო ვაჭრობაში აქტიურად მონაწილეობდა მთის ქართული მოსახლეობა. მ. სელეზნიოვი, აღწერს რა სვანთა ყოფას, აღნიშნავს, რომ „საკუთრივ ქვეყნის წიაღისეულიდან მხოლოდ თვითნაბადი გვარჯილა აძლევს სვანებს შემოსავალს... ამზადებენ დიდი რაოდენობით დენტს, რომლითაც სხვა მთაელებს აზარაგებენ. ყოველი ოჯახი ამზადებს დენტს.

ამას გარდა გარკვეულ სარგებელს ნახულობენ ისინი წვრილმან სატრანზიტო ვაჭრობით. სვანები ლეჩხუმში აგროვებენ ჩიტებს, ბამბის ტილოებს (ხამს) და სხვას. საქონელი მიაქვთ ყარაჩაიში, ურუსში, ჩეგემში და ხუნაპში, სადაც ცვლიან ქეჩებზე, ნაბღებზე და ჩოხებზე, რომლებიც კვლავ (მოაქვთ) ლეჩხუმში, ხოლო მონაგებით სამეგრელოში თავისთვის ყიდულობენ მარილს, რკინას და ტანსაცმელს“⁶¹.

⁵⁹ გიულდენშტედტის მოგზაურობა..., ტ. 1, გვ. 221.

⁶⁰ Картина Кавказского Края Платона Зубова, ч. 3—4, СПб., 1838, с. 135.

⁶¹ Руководство к познанию Кавказа Михаи́ла Селезнева, кн. 1, СПб., 1847, с. 140.

აღნიშნული ამონაწერი მეტად საყურადღებოდ მოჩანს არა მარტო საქართველო-ჩრდილოეთ კავკასიის ვაქრობას, არამედ თვით სეპატა, საქართველოს ყველაზე მაღალმთიანი მოსახლეობის, ეკონომიკური განვითარების ტენდენციის გარკვევის თვალსაზრისითაც.

განხილული და ბევრი სხვა სარჩევო და ლიტერატურული წყაროების მიხედვით (რომელთა დაწვრილებით ზოტანა ძალიან შორს წაგვიყვანდა) დგინდება, რომ თბილისი, ონი, ცხინვალი, ახალგორი, ღუშეთი, ანანური, თელავი, შილდა, ყვარელი. სიღნაღი და სხვ. მეზობელ კავკასიულ ხალხებთან საქართველოს ინტენსიური ვაქრობის მნიშვნელოვანი ცენტრები იყვნენ. უფრო მეტიც, ბევრი მათგანის ჩამოყალიბება, როგორც სავაჭრო და ხშირად სამრეწველო ცენტრისა და განსახილველ ხანაში მათი ამგვარი ხასიათის შენარჩუნებაც, მნიშვნელოვანწილად სწორედ კავკასიის მთელ ხალხებთან სავაჭრო ურთიერთობით იყო განპირობებული. ოფიციალურ დოკუმენტებში ცხინვალის, ახალგორის, ყვარლისა თუ სხვა ცენტრების დახასიათებისას პირდაპირაა მითითებული, რომ ისინი უპირატესად ვაქრობას აწარმოებენ მეზობელ მთელ მოსახლეობასთან, რომ აქ დამზადებული პროდუქცია ძირითადად კავკასიის მთიელებში სალდება. მაგალითად, საქართველოს მმართველის ერთ-ერთ მოხსენებაში აღნიშნულია, რომ ცხინვალსა და გორში დამზადებული ქსოვილები ძირითადად ოსეთში სალდება⁶². ამის გამო აღნიშნული ვაქრობის მიმდინარეობა ხშირად არაებით გველენას ახდენდა თვით პროდუქციის დამზადების მოცულობაზე: არკვევდა რა საკითხს თბილისის სამღებრო და საქსოვი წარმოების შემცირების მიზეზების შესახებ 1803—1804 წლებში, თბილისის კომენდანტი აღნიშნავდა, რომ „საყოველთაო შფოთი საქართველოში, მთიულეთის აჯანყება და ასეთივე ყაზარდოელებისა და სხვა მთიელი ხალხებისა, რომლებიც კავკასიის მთების ხეობებში და კანიშაურში მგზავრობისათვის ყველაზე ხელსაყრელ პერიოდში გრძელდებოდა, იყო მიზეზი იმისა, რომ აქ დამზადებული ნარმა და მისი მსგავსი ქსოვილები საქართველოს მეზობელ ხალხებში არაად არ იქნა გატანილი, რადგან მათგან არ იყვნენ მყიდველები, რომლებმაც ლეკებისა და ყაზარდოელებისაგან ჩამოსვლა მხოლოდ შემოდგომაზე (იწყეს), მათ გარეშე კი ნარმა, ჩითი და სხვა მისი მსგავსი საქონელი გასასყიდად მეტად მცირე რაოდენობით გა-

⁶² სესია, ფ. 254, აღწ. 1, საქმე 257, 1811 წ., ფურც. 298.

მოლის, ხოლო გაყიდვის მიხედვით ხდება წარმოება⁶³. რასაკვირველია, თბილისის კომუნდანი მართალი არ იყო, როცა საქმეს ისე ხატავდა, თითქოს თბილისის საქსოვი წარმოება ძირითადად მხოლოდ საქართველოს მეზობელ ხალხებთან ვაჭრობაზე იყო დამოკიდებული; იგი მნიშვნელოვანი რაოდენობით მზადდებოდა ადგილობრივი ბაზრისთვის და გადიოდა რუსეთის ბაზარზეც (ამაზე ქვემოთ), მაგრამ აქედან ორი ძირითადი დასკვნა მაინც სწორია: 1. რომ გზების შექცვამ უარყოფითად იმოქმედა საფეიქრო წარმოებაზე, რადგან აღნიშნული გზებით ეს საქონელი რუსეთშიაც გადიოდა და 2. რომ მთელ ხალხებთან ვაჭრობა გარკვეულ გავლენას ახდენდა ამ წარმოებაზე.

1810 წელს ცხინვალის სამღებროსა და საბეჭდავის შემსყიდველმა მირიან მირიანაშვიტმა თხოვნა შეიტანა სახაზინო ექსპედიციამი: იმის გამო, რომ თქვენ მთიელებს ბარში მიმოსვლა აუკრძალეთ, ჩემი შემოსავალა შემცირდა და საიჯარო თანხის ნაწილი უნდა ჩამომეწეროს⁶⁴. მირიანაშვიტს განუმარტეს, რომ მთიელებს (ყერძოდ ოსებს) ჩვენ საავაზაკოდ მიმოსვლა აუკრძალეთ და არა სავაჭროდ, ამიტომ თქვენი თხოვნა უსაფუძვლოაო, მაგრამ ეს არ არის მთავარი. საინტერესო ისაა, რომ კავკასიის მთიელებთან მიმოსვლის შეფერხება მართო იმით კი არ ამცირებდა სამღებროების შემოსავალს საქართველოში, რომ იქ წასაღებად დამზადებული ქსოვილების რაოდენობამ იკლო, არამედ იმითაც, რომ თვით მთიულური ნაწარმი (სხვადასხვა შალეულის ქსოვილები) საქართველოს ბაზარზე მხოლოდ მას შემდეგ გამოდიოდა, როცა იგი შესაბამისად ადგილობრივ სამღებროებში გადაამუშავდებოდა. ერთი სიტყვით, იქმნებოდა მეტად თავისებური ვითარება, როცა შედარებით მაღალგანვითარებული ქართული ეკონომიკა თავის საქონელბრუნვაში ითრევდა მთიელთა წარმოებას.

ქართულ ისტორიოგრაფიაში გამოთქმულია აზრი იმის შესახებ, რომ კავკასიის მთიელებთან ვაჭრობა ძირითადად საქართველოს ბაზრებზე წარმოებდა, ამის გამო ქართველ ვაჭართა მთის პროვინციებში სიარულის საჭიროება არ იყო და ამას ადგილი არც ჰქონია⁶⁵. მაგრამ მასალებზე დაკვირვება გვარწმუნებს ამ დებულების გადასინჯვის აუცილებლობაში.

⁶³ სესია, ფ. 254, აღწ. 1, საქმე 152, ფურც. 379—384.

⁶⁴ სესია, საქმე 220, ფ. 254, აღწ. 1, ფურც. 639—640.

⁶⁵ В. Н. Г а м р е к е л и, Торговые связи Восточной Грузии с Северным Кавказом, Тб., 1968, с. 23, 27, 28.

სასაქონლო ურთიერთობის ჩამოყალიბებისა და შინა ქართული ბაზრის ჩასახვის პროცესში ვაჭარი თანდათანობით კარგავდა პრივილეგიურ მდგომარეობას. ვაჭრობა აღარ იყო ცალკეულ (ერთეულ) პირთა საქმე. ჩნდებოდა კონკურენცია. ამდენად ვაჭართა კლასი მიისწრაფვოდა შორეული რაიონებისაკენ, სადაც მას საშუალება ჰქონდა შეენარჩუნებინა (მთლიანად თუ ნაწილობრივ) ძველი პრივილეგიური პირობები.

კონკურენციის სისუსტის პირობებში ვაჭარს თავისუფალი მოქმედების, დაკლების, მოტყუების და ა. შ. პერსპექტივები ეხსენებოდა. «გოდრე სავაჭრო კაპიტალი განუფითარებელ საზოგადოებათა პროდუქტების გაცვლას მოსაშუალებობს, კომერციული მოგება გვევლინება არა როგორც სხვისი დაკლება და მოტყუება, არამედ იგი მეტწილად მართლაც აქედან წარმოადგება»⁶⁶.

ქართველ ვაჭართა ფენას კავკასიის მთიანეთისაკენ თავისუფალი (კონკურენციისა და კონტროლისაგან თავისუფალი) ვაჭრობა იზიდავდა. იგი მას მაღალი მოგების შესაძლებლობას უქმნიდა. ქართველ ვაჭართა შორეულ მთიან რაიონებში მიმოსვლას განმაპირობებელი და ხელშემწყობი გარემოებები კარგად აქვს შექმნილი პლატონ ზუბოვს: «ამიერკავკასიის მხარის ბევრი ვაჭარი, სწავლობს რა მთიელთა სხვადასხვა ენებს, მიდის ყველანაირად მოკლებულ ზეობებში და სარგებლობს რა სტუმართმოყვარეობის სიწინინდით, ეწევა ვაჭრობას თათქმის დაუჭერებელი მოგებით, აწვდის რა მთიელებს საგნებს რომლებიც მათთვის უკვე აუცილებელი გამხდარან»⁶⁷.

როგორც ჩანს, მთის ხალხებმა კარგად გრძობენ ვაჭართა დამოკიდებულების ხანაათს, რაღაც საპასუხო ზომების მიღებასაც ცდილობენ მაგრამ ამ ბრძოლაში ისინი უძლურნი არიან, რადგან სოციალურ-ეკონომიკური წყობის ხასიათი და ცხოვრების ყაიდა მათ მინც ვაჭრებზე დამოკიდებულად ხდის. ამ თვალსაზრისით

⁶⁶ კ. მ. ა. რ. კ. კაპიტალი, ტ. III, ნაწ. 1, თბ., 1959, გვ. 419.

⁶⁷ Картина Кавказского Края Платона Зубова, ч. 1, СПб., 1834, с. 78. შემდეგ ავტორი ჩამოთვლის იმ საქონელს, რომელიც ვაჭრებს ჩააქვთ კავკასიის მთიელებთან. მაგალითად თამბაქო, მარილი და ღვინო, რისთვისაც ისინი არაერთხელ მონებად ყიდდნენ თავიანთ მამებს და ძმებს. განსაკუთრებით კი თავადების, უზდენების და სხვა შეძლებულ პირთათვის: მრგვალი ფესკები, ფერადი აბრეშუმი და ბამბა, საბნები, ყავა, პალაი... ნუგბარი, სურნელოვანი საპონი, ქიმიში, ნიგოზი, ფინიკი, ზეთისხილი, ფერუშარილი, ბლის ხის ჩიბუხები, ქარვა, სავარცხლები; დიდი რაოდენობით უნაგირები, ყოველგვარი იარაღი, ტყვია, ფოლადი, ტყავები, ნალები, ნამგლები, მუღდი და ჩაღრები.

მეტად საინტერესოდ მოიჩანს ს. ბურნაშოვის ერთი ცნობა: „ათი თვეც არ არის მას შემდეგ, — მოგვითხრობს ავტორი, — რაც ყველა მფლობელი უზღდენი და მთელი ხალხი საერთო წრეში ერთხმად შეთანხმდა და ფიცით დაამტკიცა, რომ არსაოდეს არ შეეშვათ თავიანთ საცხოვრებლებში სომხები, ეხლა კი მფლობელები კვლავ თხოვენ, რომ მათ მოინახულონ მათი სოფლები“⁶⁸. სომხები რომ ამ შემთხვევაში ვაჭრას სინონიზია, ეს განმარტებას არ საჭიროებს. მათი ყაბარდოში შეშვების აკრძალვა, ცხადია, იმ მძარცველური ვაჭრობის საპასუხო პროტესტი იყო, რომელსაც იქ ბარიდან ასული ვაჭრები ეწეოდნენ. მაგრამ, როგორც ვნახეთ, ამ პროტესტს დიდი დღე არ ეწერა, იმის გამო, რომ მთიელები დამოკიდებული იყვნენ ამ ვაჭრებზე, რომლებიც მათთვის აუცილებელი საქონლის ბირთავი მიმწოდებელნი იყვნენ.

როგორც განსახილველ, ისე მის წინა პერიოდში, ქართველი ვაჭრების კავკასიის მთებში მიმოსვლაზე არაერთი ცნობა მიუთითებს: 80-იან წლებში ომარ ხანი საქართველოზე სალაშქროდ ემზადებოდა. ამ ლაშქრობის საბაზად მან ის გამოიყენა, რომ ერეკლემ თბილისში დააჭერინა და საქონელი ჩამოართვა მის ქვეშევრდომებს, რომლებიც აქ სავაჭროდ იყვნენ ჩამოსული. ამგვარ ფაქტს მართლაც ჰქონდა ადგილი, მაგრამ ერეკლეს მზრივ ეს იყო საპასუხო ღონისძიება იმის გამო, რომ მანამდე ავართა სამფლობელოში გაძარცულ იქნა საქართველოდან წასული ვაჭრების დიდი ქარავანი⁶⁹.

ეხება რა მთიელებთან ვაჭრობის საკითხს, ს. ბრონევსკი აღნიშნავს, რომ ამ ვაჭრობაში აქტიური როლი ეკუთვნოდა სომხებს „ამ საგნებს (ბამბის ქსოვილები, დენთი, იარაღი და ა. შ. — მ. ს.) მთელ კავკასიაში სომხები დაატარებენ, ისინი მიუხედევად გზების სიძნელისა და ძალადობებისა, რომლებსაც იტანენ, იღებენ ჩინებულ მოგებას იმ მცირე კაპიტალის კვალობაზე, რომელსაც ამ წვრილმან ვაჭრობაში აბანდებენ“⁷⁰. როგორც ვხედავთ, მაღალი მოგების მიღების პერსპექტივები ვაჭრებს უზიძივებენ იარონ ყველაზე შორეულ მთის რაიონებში, თუმცა ეს მნიშვნელოვან საფრთხესთან არის დაკავშირებული.

⁶⁸ Описание горских народов (Бурнашова), Курск, 1794, с. 12.

⁶⁹ ცხა, ფ. 52, აღწ. 1, 194, საქმე 331, 9, ფურც. 52.

⁷⁰ С. Броневский, Новейшие географические и статистические известия о Кавказе, ч. 1, М., 1823, с. 55—56.

საფრთხე კი მართლაც არსებობდა და საკმაოდ სერიოზულიც: 1803 წ. სიღნაღის კომენდანტის მოვალეობის შემსრულებელი საქართველოს მთავარსარდალს პ. ციციანოვს ატყობინებდა: „სიღნაღელი სომხები ნონი მელიქოვი და დანილა ფანჯელი სავაჭროდ იმყოფებოდნენ ლეკურ სოფელ მაცხეში, სადაც შვიდი დღის უკან ქარული ლეკების მიერ დახოცილნი იქნენ, რის შედეგადაც იმ სახლს პატრონთან, ვისთანაც აღნიშნული სომხები ცხოვრობდნენ, დარჩა მოზრდილი თანხის სხვადასხვა საქონელი“⁷¹.

როგორც ჩანს, მოგების დიდი პროცენტით დაინტერესებულა ქართველი ვაჭრები არ ერიდებოდნენ საშიშროებას და აგრძელებდნენ თავანთ საქმიანობას მაშინაც კი, როცა ადგლობრივი ხელისუფლება მათ ოფიციალურად, სასჯელის შიშით უკრძალავდა ამას. ვაჭართა ამგვარი მოსწრაფება კარგად ჩანს თუშეთის მოურავის კაპიტან აფხაზის მოხსენებიდან საქართველოს სამოქალაქო გუბერნატორის სვიმონოვიჩისადმი (1815 წ.): „ვაჭარი სომხები იღებენ თუშეთამდის ბილეთს თბილისის კომენდანტიდამ და თელავის კომენდანტიდამ და მიდიან შეურიგებელს ქვეყანასა ქისტეთში ჩემს უბილეთოდ და დაუკითხავად, უძღვიან ამათ წინ თუშნი ზოგნი თუშეთამდინ და თუშეთიდან იქით ისტუნერებენ და ავაჭრებენ, თუმცა ზოგნი მშვიდობით მოდიან, მაგრამ წინააღმდეგი არის სამართლისა რადგან შეურიგებელს ქვეყანაში ავაჭრებენ. ერთი პრიქითელი თუში გაუძღვა სომეხსა, ორი თანვე მოიყვანა და ორი იქ დაიჭირეს ქისტებმა თავისის საქონლით. ამისთვის კანონით მოვახსენებ მე თქვენს აღმატებულებას, რათა ებრძანოს თელავის ოკრუჟინს ნაჩაღნიკს, რომელნიც აქედან აუძღვენენ იმათგანი უფროსი მიზეზისა ერთი დაიჭიროს. მეორე, რომელიც ქისტეთში გადაუძღვა ხსენებულს სომხებს... ის წინა მძღომი ან თვითონ და ან იმის შვილი დაიჭიროს, საყარაულოში იყვენენ დაჰყერილნი და ორნი თუშნი მანამ იქ დაჰყერილს ორ სომეხს მოიყვანდნენ და იმათი საქონელიც, რაც დაიკარგოს, რომელნიც უწყისოდ მოგებისათვის უბილეთოდ წავიდნენ სომხები იმათი საქონელი ზოგი სომხებმა ზღონ და ზოგი თუშებმა, როგორათაც სამართლის გვარი იყოს“⁷².

⁷¹ სცსია, ფ. 2, აღწ. 1, საქმე 45, 1803 წელი, ფურც. 144.

⁷² სცსია, ფ. 16, საქმე 1710, ფურც. 13. ვაჭრები ასეთ შორეულ და სახიფათო საქმეში რომ ებმებოდნენ, ამის ერთადერთი მიზანი მოგების ნორმის მომაჯება იყო. ეს კარგად იყო ცნობილი როგორც მთავრობისათვის, ისე შავინდელი საზოგადოებისათვის. ამაზე აშკარად მიუთითებს ერთ-ერთი დაზარალებული ვაჭრის ნათესავი

ამრიგად, კავკასიის მთებში სავაჭროდ სიარული გარკვეულ რისკთან იყო დაკავშირებული, მაგრამ ეს რისკი ვაჭრებს მაინც ვერ უნებლბდა აქეთკან მისწრაფებას, რადგან რაც მეტი იყო რისკი, მით მეტი იყო მაღალი მოგების მიღების შესაძლებლობა.

როგორც ვნახეთ, ქართველი ვაჭრები მეტად ფართო და ინტენსიურ ვაჭრობას აწარმოებდნენ კავკასიის მთებში. ეს ადვილი საქმე არ იყო. იგი სპეციფიკური წესების თუ ჩვეულების ცოდნას, ამ ხალხის მოთხოვნილებების ანგარიშის გაწევას, ენის ცოდნასა და ა. შ. მოითხოვდა. ამდენად, აშკარა საქმიანობა ყველასთვის ხელმისაწვდომი ვერ იქნებოდა. ამის გამო, როგორც ჩანს, ქართველ ვაჭრებში თანდათან ყალიბდებოდა გარკვეული ფენა თუ ჯგუფი, რომელიც სწორედ ამგვარ ვაჭრობაში სპეციალდებოდა. სწორედ ამგვარი ფენის არსებობაზე უნდა მიგვიბრუნდეს შემდეგი ცნობა: 1825 წელს ვაჭართა ერთი ჯგუფი, რომელშიც მოხსენიებულია დავით ნანდენოვი, გრიგოლ ცეხვაძე, სტეფანე ზალანოვი, ანანია მინასოვი, ლაშაზო ეგვიკოვი და სხვ. ერმოლოვისადმი წარდგენილ თხოვნაში აცხადებს, რომ „...რვა წელზე მეტია, რაც ისინი მასი მაღალალმატებულების ნებართვით კავკასიის მთებში რუსული და ქართული წარმოების საქონლით ვაჭრობენ. ამ საქონლით ამარაგებენ იმ მთებში მცხოვრებ ხალხებს და სამოქალაქო ჩინებს, რომლებიც მათ ნაკლებობას განაცდიან“⁷³.

ამრიგად, თუ დავუბრუნდებით იმ დებულებას, რომლითაც ჩვენ აღნიშნული პარაგრაფი დავაწყეთ, შეიძლება დავასკვნათ, რომ საქართველოს სავაჭრო ურთიერთობა ჩრდილოეთ კავკასიის მთიელ ხალხებთან ერთ-ერთი ფორმა იყო სხვადასხვა სოციალურ-ეკონომიკური წყობის საზოგადოებების ურთიერთმოქმედებისა და ბრძოლისა. ეს იყო შედარებით მაღალი სოციალურ-ეკონომიკური წყობის საზოგადოებათათვის მისაღები ფორმა. თუმცა რამდენად ცივილიზებული და ისტორიულად პროგრესული არ უნდა ყოფილიყო იგი, წმინდა მორალური თვალსაზრისით იგი სხვა საპირის-

შარკინ თაყოვი. აი რას წერდა იგი ადგილობრივ უფროსს: «...сейчас получил неприятное известие, что зять мой, тифлисский житель Папа Гамбаров, оставивший здесь жену и малолетних детей, а сам отправившийся в прошедших месяцах с товарищами по торговому промыслу... в Тушетию, был отведен от той, вероятно для лучшего оборота и продажи товаров в Кисти одним из тушинцев путеводителем. по измене сего, к крайнему сожалению бедного его семейства, там задержан с товарищем своим».

⁷³ სესია, ფ. 254, აღწ. 1, საქ. 867, ფურც. 1038—1041.

პირო ფორმებზე ბევრად უკეთესა არ იყო. „... საეკპრო კაპიტალი, როდესაც იგი უპირატესად გაბატონებულია, ყველგან ძარცვა-გლეჯის სისტემას გამოხატავს, და მისი განვითარებაც ხომ როგორც ვეღვი, ისე ახალი დროის მოვაცრე ხალხებში—უშუალოდ დაკავშირებული იყო ძალადურ ძარცვა-გლეჯასთან, მეკობრეობასთან, მონების მოტაცებასთან, კოლონიების დამონებასთან, ასე იყო კართაგენში, რომში, უფრო გვიან ვენეციელებში, პორტუგალიელებში, პოლანდიელებში და სხვ.“⁷⁴

ამრიგად, საქართველოს ვაჭართა კლასის შემადგენლობას ზრდა სსაქონლო წარმოების გაფართოება და საერთო ქართული ბაზრის ჩამოყალიბება-განმტკიცება, თანდათან ერთიან საქონლებრუნვაში ითრევედა კავკასიის მთელ ხალხებსაც. ეს კი საერთო-კავკასიური ბაზრის ჩამოყალიბების პროცესის დაწყების მანიშნებელი იყო.

დაბოლოს ერთი გარემოებაც, კავკასიის მთელი ხალხები სოციალურ-ეკონომიკური განვითარების დონითაც გამოირჩეოდნენ. განვითარების ეს განსხვავებულობა განსაზღვრავდა საქართველოს ბარის ეკონომიკასა და კერძოდ ვაჭრობისადმი მათი დამოკიდებულების ხასიათს.

3. რუსეთთან სავაჭრო კავშირის განვითარების ზრდა

✓ მას შემდეგ, რაც, წინა აზიაში თურქთა გაბატონების შედეგად, საქართველო მაჰმადიანური სამყაროს გარემოცვაში აღმოჩნდა, განსაკუთრებული მნიშვნელობა შეიძინა მისმა ურთიერთობამ რუსეთთან, რომელიც მას ენერგულად და მეთოდურად უახლოვდებოდა ჩრდილოეთიდან მართლმადიდებლური ქრისტიანობა და ევროპული ცივილიზაციის დროშით. საქართველოსათვის რუსეთი თანდათანობით იქცეოდა იმ ერთადერთ რეალურ ძალად, რომლის მეშვეობითაც ქართველი ხელისუფალნი მაჰმადიანური სამყაროსაგან თავის დაღწევას და ევროპასთან დაკავშირებას გეგმავდნენ. იმ დიდი სოციალურ-ეკონომიკური და კულტურულ-პოლიტიკური ძვრების შემდეგ, რასაც ადგილი ჰქონდა რუსეთში XVII—XVIII საუკუნეებში საქართველოსათვის რუსეთი თვითონ იქცა ევროპად, ე. ი. ქვეყნად, რომელიც ევროპული ყაიღის პროდუქციას

⁷⁴ კ. მარქსი, კაპიტალი, ტ. 1, გვ. 420.

ევროპული (კაპიტალისტური) წესით აწარმოებდა. ეს ტენდენცია განსაკუთრებით რელიეფურად ჩანს საქართველო-რუსეთის ეკონომიკურ ურთიერთობაში. XVIII საუკუნიდან მოყოლებული თვალნათლივ შეიმჩნევა, თუ როგორ იცვლება საქართველოში თურქეთისა და სპარსეთის გზით შემოტანილი პროდუქცია რუსეთიდან შემოტანილი ევროპული და რუსული საქონლით. ეს პროცესი განსაკუთრებით ძლიერდება XVIII საუკუნის მეორე ნახევრიდან, როდესაც აღსდგა საქარავნო მოძრაობა დაჩაილის ხეობით და საქართველო რუსეთის სავაჭრო ცენტრებს უმოკლესი გზით დაუკავშირდა. თუ რა დიდ მნიშვნელობას ანიჭებდნენ აღნიშნული გზით რუსეთთან ვაჭრობას ქართველი ხელისუფალნი, იქადავებდა, რომ აღნიშნული გზის უსაფრთხოებლათვის სპეციალური დაცვა იქნა დაწესებული⁷⁵.

სრულიად გადაუჭარბებლად შეიძლება ითქვას, რომ XVIII საუკუნის მეორე ნახევარში და განსაკუთრებით XIX საუკუნის პირველ მესამედში საქართველო რუსეთთან აწარმოებდა ფართო ვაჭრობას, რომელსაც მისთვის ყველაზე დიდი მნიშვნელობა ჰქონდა, როგორც საერთო-საქონელბრუნვის, ისე ქვეყნის ეკონომიკური განვითარების თვალსაზრისით. ეს ლოგიკური ფაქტი რიგი გარემოებებით იყო განპირობებული.

ამერიკაევასიისაკენ რუსეთის მისწრაფების ერთ-ერთი ძირითადი მოტივი ეკონომიკური ინტერესები იყო, რომელშიც ცენტრალური ადგილი წინა აზიის ვაჭრობაში გაბატონებს გეგმას ეკავა. ამ გეგმის განხორციელებაში საქართველოს და, კერძოდ, მის პოლიტიკურ-ეკონომიკურ ცენტრს თბილისს დიდი მნიშვნელობა ენიჭებოდა. ამ პერსპექტივას განსაკუთრებით აძლიერებდა ის გარემოება, რომ აღმოაჩველეთთან რუსეთის ვაჭრობაში წამყვანი ადგილი სომეხ ვაჭრებს ეკავათ, რომელშიაც მნიშვნელოვანი წვლილი თბილისელ (და საერთოდ საქართველოს) სომეხებზედაც მოდიოდა⁷⁶. მაგრამ ამერიკაევასია ხომ თავისთავადაც მნიშვნელოვანი ბაზარი იყო, სადაც რუსულ საქონელს ყოველგვარი შეზღუდვისა და უცხოური კონკურენციის გარეშე შეეძლო ფეხის მოკიდება. თავის მხრივ, საქართველო დაინტერესებული იყო რუსეთთან ვაჭრობით, საიდანაც მას უფრო იოლად და უფრო იქარა შეეძლო

⁷⁵ სტია, ფ. 22, წიგ. 13. საბ. 210; შ. მესხია, დასახ. ნაშრ., გვ. 133.

⁷⁶ О. П. Маркова, Россия, Закавказье и международные отношения в XVIII веке, М., 1966, с. 71.

ნიელო ევროპული თუ ევროპული ყაიდის რუსული პროდუქცია, ვიდრე ამას თურქეთისა თუ ირანის ბაზრის მეშვეობით აკეთებდა.

არანაკლები მნიშვნელობა პქონდა რუსეთისათვის ამიერკავკასიას აგრეთვე როგორც ნედლეულის ბაზას, რომელსაც იმპერიის მზარდი მრეწველობა თბილი ქვეყნის პროდუქციით უნდა მოემარაგებინა. აბრეშუმი, საღებავები (ღირითადად ენდრო), ბამბა, ბამბის ნახევარფაბრიკატი, ქსოვილები თუ აღმოსავლური ხელისნობის სხვა ნაწარმი რუსეთის ბაზარზე დიდი მოთხოვნილებით სარგებლობდა. საქართველოსა და ამიერკავკასიაში კი აღმოსავლური ყაიდის წარმოება ბატონობდა ისე, რომ რუსეთის ბაზრებზე სშირად მხოლოდ სათანადო იარაღებს, მემკვიდრით თუ ხერხდებოდა ქართული საქონლის, ვთქვათ, სპარსულისაგან გამოორჩევა. საქართველოდან აღნიშნული ნაწარმის შეტანა გაცილებით იოლი იყო და, რაც მთავარია, იგი არ მოითხოვდა ლითონის ფულის ქვეყნის გარეთ გაზიდვას, რასაც ასე უფრთხოდა ცარიზმის ხელისუფლება. ყოველივე ამან და კიდევ რაგმა სხვა გარემოებებმა განაპირობეს საქართველოსა და რუსეთს შორის ვაჭრობის ორმხრივი დანტიერება და, აქედან, აყვავება, განსაკუთრებით განსახილველ ხანაში.

საქართველო წინა აზიაში ცარიზმის ეკონომიკური პოლიტიკის დასაყრდენი უნდა გამხდარიყო და ამდენად აქ ვაჭრობის განვითარება მისი პროგრამის ნაწილს შეადგენდა. ამავე დროს საქართველოსა და ამიერკავკასიის საერთო-საიმპერიო საქონელმომოქცევაში ჩართვა ამ რეგიონში რუსეთის პოლიტიკური ბატონობის საფუძველი და გარანტია იქნებოდა.

ერთი მხრივ, ამ გარემოებებმა და, მეორე მხრივ, იმპერიაში უკვე არსებულმა სავაჭრო კანონმდებლობამ საქართველოს რუსეთთან შეერთების პირველ წლებშივე განსაზღვრეს ადგილობრივი ხელისუფლების დამოკიდებულება საქართველოს ვაჭრობისადმი, რაც მის წახალისებაში, საბაჟო სისტემის მოწესრიგებაში, შინაბაჟების გაუქმების ცდებში და ა. შ. გამოიხატა. მართალია, ადგილობრივი ხელისუფლების საქმისადმი ფისკალური დამოკიდებულების გამო ამ ღონისძიებებმა ცალმხრივი ხასიათი მიიღო, კერძოდ, გაუქმდა ბაჟი საქართველოში შემოტანილ რუსულ საქონელზე, ხოლო, პირიქით, ქართული საქონლის რუსეთში შესატანი ბაჟი უცვლელი დარჩა, მაგრამ ამ ამბავს პირველ ხანებში საქართველო-რუსეთის სავაჭრო ბალანსზე არსებითი გავლენა არ მოუხდენია.

საქართველოს ვაჭრობას რომ ეხება, ი. შახგუბატოვი პირველ რიგში რუსეთთან ვაჭრობას ასახელებს, რაც ქვეყნისათვის მის წამყვან მნიშვნელობაზე მიუთითებს. აღნიშნული ავტორი მას შემდეგნაირად ახასიათებს: „რუსეთიდან გააქვთ ქააფერა, ლილა, მათდი, ოქროსა და ვერცხლის ფარჩა, ოქროსა და ვერცხლის ძაფები, მათგან ნაქსოვი ბუზმენტები, ეპოლეტები, შარფები და სხვა ამგვარი, ხავერდი..., ატლასი, თავთა, კოლენკორი, მატკალი, ჩითები, ნახევარჩითები, სხვადასხვა ფერის..., კომლოტები, ნაქსოვი ტილო... ბეწვეულიდან ციყვის ზურგისა და შუკლის ტყაყები, სხვადასხვა ფერის ტარსიკონი, ვერცხლს, სპილენძისა და რკინის ნაკეთობები, მინის ჭურჭელი, თუნუქი და ყვითელი თითბერისებრი სპილენძი, კალა, ნიშადური, შაქარი, ჩაი, ყავა და სხვადასხვა საკვები პროდუქტები და სამაღლები“⁷⁷.

არსებულ დოკუმენტებში უმეტესად საქართველოდან რუსეთში გატანილი საქონლის ასორტიმენტია აღნიშნული. შემოტანილი საქონლის აღნიშვნა იშვიათია. ეს გარემოება ბაჟის აღების წესით უნდა იყოს განპირობებული. საქონლის რაოდენობა და რაობა მხოლოდ იმ შემთხვევაში ჩნდება, თუ რაიმე გარემოებამ საქმის ნორმალური მსვლელობა დაარღვია (უბაჟო გატარება, დავა, გადაარცვა და ა. შ.)⁷⁸. მიუხედავად ამისა, ფაქტია რუსეთის საავაჭრო ცენტრებსა და საქართველოს შორის ვაჭრების მეტად ინტენსიური მიმოსვლა. მაგალითად, 1804 წლის ერთი საბუთით რუსეთიდან სხვადასხვა სახის საქონელი ოცდათხუთმეტმა ვაჭარმა ჩამოიტანა. ზოგ მათგანს კი წლის განმავლობაში ამ ოპერაციის ჩატარება რამდენჯერმე მოუტყურია: მაგალითად, დავით სარაჯიშვილს— 4-ჯერ, სიმონა მეტყავეს— 2-ჯერ და ა. შ. (იგულისხმება, რომ ნებატრონეების საქონელი მათ ქვეშევრდომებმა ჩამოიტანეს). მაგრამ აღნიშნულ რიცხვში არ შესულან საეკლესიო ყმავეჭრები, აგრეთვე ის ვაჭრები, რომლებიც სხვადასხვა საფუძველზე საბაჟო გამოსაღებიდან განთავისუფლებული იყვნენ⁷⁹. ცხადია, ვაჭარი, რომელმაც საქართველოდან რუსეთში საქონელი წაიღო, უკან ხელცარიელი არ დაბრუნდებოდა. ამდენად, როცა ქვევით საქარ-

⁷⁷ ხელნაწერთა ინსტიტუტი, Ros d 110, ფ. 14.

⁷⁸ სცსია, ფ. 254, აღწ. 1, საქმე 40, ფურ. 25.

⁷⁹ 1803 წ. ორმა სომეხმა ვაჭარმა თითოეულმა 700—700 მანეთის საქონელი შემოიტანა რუსეთიდან უბაჟო (სცსია, ფ. 254, საქმე 29, ფურც. 434). 1811 წელს მოქალაქე იაკოვლევს დიდი ბრძოლის გადატანა მოუხდა, რათა საქართველოში რუსული საქონელი უბაჟო შემოეტანა (ფ. 16, საქმე 1121, ფურც. 1—2).

თველოს საექსპორტო ვაჭრობაზე იქნება საუბარი, იგი ამ ვაჭრობის პირიქით ხასიათზეც შეგვიქმნის ერთგვარ წარმოდგენას. ხოლო თუ რა მნიშვნელოვანი ადგილი ეჭირა ქართულ სინამდვილეში რუსეთიდან შემოზიდულ საქონელს, იქიდანაც ჩანს, რომ შემოდგომაზე, როცა მაკარიევის იარმარკიდან ვაჭრებზე დაბრუნების დრო დგებოდა, ხელისუფლება საგანგებო ზომებს იღებდა საბაჟოებზე კონტროლის გასაძლიერებლად, რათა დიდი რაოდენობით მოზღვავებული საქონელი საქართველოს კუთხეებში უბაჟოდ არ გაეპარებინათ (ეს იმ პერიოდს ეხება, როცა რუსეთიდან შემოტანილ საქონელზე ჭერ კიდევ იღებდნენ ბაჟს)⁸⁰.

საქართველოსა და რუსეთს შორის ორი ძირითადი სავაჭრო გზა არსებობდა: დარიალის ხეობით მოზღვაკამდე და თბილისი-ბაქო-ასტრახანის. პირველი უფრო მოკლე. მაგრამ მთაგორიანი და რთული იყო, მეორე (არსებობდა მისი სახმელეთო ვარიანტიც) უფრო შორი, მაგრამ ვაკე და შედარებით ადვილი. ამიტომ მძიმე და დიდი გაბარიტების საქონელი ძირითადად მეორე გზით შემოდიოდა⁸¹.

მთავრობის ღონისძიებების, ქვეყნის საერთო-პოლიტიკური მდგომარეობის თანდათანობით სტაბილიზაციისა და რუსული მრეწველობის გაძლიერების საფუძველზე რუსეთიდან შემოტანილი (რუსული თუ არარუსული) საქონლის მოცულობა განსახილველ პერიოდში მნიშვნელოვნად იზრდებოდა. მაგალითად, 1804 წელს რუსეთიდან საქართველოში შემოტანილი საქონლის ღირებულება, ჩვენი ვარაუდით, დაახლოებით 700—800 ათასი მანეთის შესაბამისი უნდა ყოფილიყო⁸². ხოლო 1827 წელს «Коммерческая газета»-ს ცნობით ვაჭრებმა ნიქეგოროდის იარმარკაზე საქართველოსათვის შეიძინეს: ჰიაფერა 500 ფუთი, ბამბისა და აბრეშუმის საქონელი 1 500 000

⁸⁰ სცსია, ფ. 254, აღწ. 1, საქ. 29, ფურც. 479.

⁸¹ მაგალითად, ბაქოს გზით 1813 წელს ერთ-ერთმა ქართველმა ვაჭარმა 670 ფუთი რკინა ჩამოიტანა (სცსია, ფ. 380, საქმე 28, ფურც. 301).

⁸² სცსია, ფ. 254, აღწ. 1, საქ. 40, ფურც. 26. მოცემულ ციფრს ჩვენ შემდეგნაირად ვანგარიშობთ: როგორც ცნობილია, საქართველოს კათალიკოსი იღებდა რუსეთიდან შემოტანილი საქონლის ბაჟის შესაძენს. მოცემულ წელს მისმა წილმა 857 მანეთი შეადგინა. მაშასადამე, ამ ბაჟის მოგება მთლიანად 2571 მანეთს უდრიდა. მაგრამ ბაჟის შემოსავალი გაცილებით მეტი იყო და მისი მნიშვნელოვანი ნაწილი ბაჟის აღების ორგანიზაციაზე იხარჯებოდა. საერთოდ, მოცემულ ხანაში საოქარო მუხლის ფაქტური შემოსავალი წმინდა მოგებას სამჯერ სჭარბობდა. მაშასადამე რუსეთიდან საქართველოში შემოტანილი საქონლიდან ბაჟი ფაქტურად 7713 მანეთი

მანეთის ღირებულებისა, ტილო, დაახლოებით 1500000 არ-
შინი; ფრანგული ღვინო (განსაკუთრებით შამპანური) გაცილებით
მეტი, ვიდრე წინა წლებში და დაახლოებით 5 000 თეთრი რკინით
შექცდილი სკივრი⁸³. 1828 წელს იმავე გაზეთის ცნობით, თბილი-
სელმა და ასტრახანელმა სომხებმა და სპარსელმა ვაჭრებმა იარმარ-
კაზე 4,5 მილიონი მანეთის საქონელი შეიძინეს⁸⁴.

აფაგებს რა შეღავათიანი ტრანზიტის შეზღუდვის დადებით
ენიშვნელობას რუსული საქონლის საქართველოსა და ამიერკავ-
კასიაში გასაღების თვალსაზრისით, იმავე გაზეთის თბილისელი
კორესპონდენტი 1830 წელს კმაყოფილებით აღნიშნავს: „ახლა აქ
მოდან ქარავნები აქაური სომეხი და ქართველი ვაჭრების მიერ
ნიუეგოროდის იარმარკაზე შეძენილი საქონლით და აქაურ ვიწრო
ბაზარზე დიდი საქმიანობაა გაჩაღებული. სათაშოვნო სანახაგია
ასობით ურემი რუსული მანუფაქტურული მრეწველობის ნაწარ-
მით, რომელიც ყოველდღე შეგზვდება კავკასიის ხეობებს შორის
მთელი 270 ვერსიანი გზის სიშორეზე“⁸⁵.

ზრუსეთსა და საქართველოს შორის ვაჭრობა ძირითადად სა-
ქართველოს ვაჭრების მეშვეობით წარმოებდა. ამიერკავკასიაში,
და აქედან მახლობელ აღმოსავლეთში, რუსეთის ხელისუფლება
სავაჭრო ბატონობის გეგმას რომ აღგენდა, ამ ვაჭრობაში საკუთ-
რივე რუსული სავაჭრო კაპიტალის გაძლიერებას ცდილობდა. ეს
სრულადად ბუნებრივი მისწრაფება იყო, რადგან რუსეთის ხელი-
სუფლებას მიზანს განაპირა რაიონების ხარჯზე მეტროპოლიის
ეკონომიკური გაძლიერება შეადგენდა, ამ ვაჭრობაში კი ყველაზე
დიდ მოგებას არარუსული ელემენტი იღებდა. მართალია სომეხი
ვაჭრებიც ვაჭრობის თვალსაზრისით იგივე საქმეს აკეთებდნენ,
მაგრამ აკეთებდნენ საკუთარი მოგების, საკუთარი ეკონომიკური
ინტერესების შესაბამისად. ეს ინტერესები კი ყოველთვის როდი
ემთხვეოდნენ მეტროპოლიის ეკონომიკური პოტენციალს გაზრ-

აუღიან. ახლა თუ გავითვალისწინებთ, რომ ბაჟის მოცულობა რუსულ საქონელზე
მისი ღირებულების 2% უნდა ყოფილიყო, აგრეთვე იმას, რომ მოცემულ პერიოდში
უბაჟოდ შემოტანილი საქონელი დაახლოებით იმდენივე იყო, რაც ბაჟით შემოტა-
ნილი, მივიღებთ, რომ ამ საქონლის ღირებულება 771300 მანეთი უნდა ყოფილიყო.
ცხადია, ჩვენი ანგარიში ზუსტი არ არის, მაგრამ ვფიქრობთ, რომ იგი დაახლოებით
სწორია.

⁸³ «Коммерческая газета», 1827 წ. № 75, 17 ოქტომბერი.

⁸⁴ «Коммерческая газета», 1828 წ. № 82, 13 ოქტომბერი.

⁸⁵ «Коммерческая газета», 1830, № 7, 22/1.

დის ინტერესებს. სომეხი ვაჭარი რუსეთის 'ბაზრობაზე იმ საქონელს ყიდულობდა, რომელიც მას მეტ მოგებას მისცემდა და მისთვის სულერთი იყო ეს საქონელი რუსული იყო თუ არა. რუსი ვაჭარი-შეარბობელი კი შემოერთებულ პროვინციაში თავის საქონელს შეიტანდა და თუ ვაჭრობაში იგი გაბატონებული იქნებოდა, მყიდველს სხვა გზა არ რჩებოდა — მისგან უნდა ეყიდა.

მაგრამ ამ ამოცანის შესრულება ადვილი საქმე არ იყო. სომხური სავაჭრო კაპიტალი მთელს აღმოსავლეთში მნიშვნელოვან ძალას წარმოადგენდა. ჯერ კიდევ იეოროგიევსკის ტრაქტატით რუსეთმა აღიარა საქართველოს ვაჭრების რუსეთის ვაჭრებთან გათანაბრება. ახლა უკანდახევა, ცხადია, შეუძლებელი იყო. მართალია, თავის დროზე საგარეო (სპარსეთთან და თურქეთთან) ვაჭრობაში, როგორც აღვნიშნეთ, რუსეთმა შეძლო ერთგვარი ზომები მიეღო (არარუსი ვაჭრებისათვის ირანის ბაზარზე პრივილეგიური ვაჭრობა რომ შეზღუდა), მაგრამ ამან საქმეს თვით ირანის ბაზარზეც ვერ უშველა. ვაჭრებმა რუსეთის სავაჭრო ცენტრებში (მოზდოკი, ასტრახანი, ყიზლარი) გადასახლება და რუსეთის ქვეშევრდომობის მიღება იწყეს. საქართველოს რუსეთთან შეერთების შემდეგ ეს საკითხი საბოლოოდ იბსნებოდა, მით უმეტეს, რომ საქართველოსთან ვაჭრობაში, მართალია იმ დონის-ძიებების შედეგად, რუსულ საქონელზე ბაჟი რომ გააუქმა, ხოლო ქართულზე დატოვა, რუსული საქონელი პრივილეგიურულ მდგომარეობაში აღმოჩნდა, მაგრამ ვაჭართა კლასზე ამან არსებითი გავლენა ვერ მოახდინა. ვაჭრების მიერ რაიმე ეროვნული პრივილეგიების დაწესება რუსეთს არ შეეძლო. ამიტომ ხელისუფლება ცდილობდა სხვადასხვა შეღავათების, აგრძაციისა თუ სხვა წამახალისებელი ღონისძიებების საშუალებით მოეზიდა აქეთ რუსი ვაჭრები.

ერთ-ერთი პირველი ნაბიჯი ამ მხრივ იყო 1811 წელს — „ფაზისის, ანუ სამეგრელოს სავაჭრო კომპანიის“ დაარსება. კომპანია უმთავრესად სამხრეთ რუსეთის სამარეწველო საქონლის დასავლეთ საქართველოში, ხოლო შემდეგ თანდათანობით — ოსმალეთსა და სპარსეთშიაც ფართო მასშტაბით გატანას ისახავდა მიზნად. კომპანია სოლიდური მოცულობით იგეგმებოდა. მისი პირველადი კაპიტალი 125 000 მანეთი უნდა ყოფილიყო⁸⁶.

⁸⁶ А.КАК, т. IV, № 540, 541, 542; ე. ო რ ქ ო ნ ი კ ი ძ ე, დასახ. ნაშრ., გვ. 26.

მნიშვნელოვანი როლი ენიჭებოდა ამ თვალსაზრისით თბილისში ყოველწლიური ბაზრობის დაარსებასაც. ბაზრობას „პოკროვსკის იარმარკა“ ეწოდებოდა. იგი 1828 წლიდან უნდა დაწყებულიყო და ყოველწლიურად 1 ოქტომბრიდან 1 ნოემბრამდე უნდა გაგრძელებულიყო⁸⁷. ვარაუდობდნენ, რომ ეს ბაზრობა დიდად შეუწყობდა ხელს რუსული მრეწველობის აყვავებას. 1828 წლის 1 ოქტომბერს მართლაც გაიხსნა გამოფენა. აღნიშნული მოვლენისადმი მიძღვნილ წერილში გაზეთი «Тифлисские ведомости» არაორაზროვნად აყენებდა გეგმას რუსეთ-ამიერკავკასიის ვაჭრობაში რუსული კაპიტალის გაბატონების შესახებ, ხოლო ადგილობრივ ვაჭრებს ირანთან და თურქეთთან სატრანზიტო ვაჭრობის ასპარეზს სთავაზობდა⁸⁸.

მაგრამ აღნიშნულმა წამოწყებებმა, ისევე როგორც უფრო გვიან თბილისში დაარსებულმა რუსული საქონლის დეპო და სხვა ღონისძიებებმა, საშუალებელი შედეგი ვერ გამოიღეს (სამეგრელოს საეპრო კომპანია ჩაიშალა. თბილისის ბაზრობამ ვერ იხიერა). რუსეთ-საქართველოს ვაჭრობა კვლავ ადგილობრივი ელემენტის ხელში რჩებოდა. მართალია, ერთეული რუსი ვაჭრები მაინც ახერხებდნენ საქართველოში სიარულს, ზოგიერთს კი იქ საკუთარი მალაზიებიც ჰქონდა გახსნილი⁸⁹, მაგრამ მიუხედავად არაერთი წამახალისებელი ზომებისა, ამ მოვლენამ განსახილველ პერიოდში გავრცელებული სახე ვერ მიიღო და მდგომარეობა არსებითად იგივე დარჩა.

ამრიგად, საქართველოში შემოზიდულ უცხოურ საქონელში XVIII საუკუნის მეორე ნახევარში უპირატესობას თანდათანობით რუსული და რუსეთის გზით შემოსული უცხოური საქონელი იკა-

⁸⁷ «Тифлисские ведомости», 1828, № 4.

⁸⁸ იქვე, 1828, 15, 10/X. სტატიის ავტორი ცდილობდა ერთგვარი რეკომენდაციები მიეცა რუსი კაპიტალისტებისათვის. მისი აზრით, მთავარი ადგილობრივი მოთხოვნილებების გათვალისწინება იყო. რუსულმა ფაბრიკებმა ადგილობრივი გამოვლების გათვალისწინებით საგანგებოდ უნდა დაამზადონ ის საქონელი, რომელსაც ადგილობრივი ხალხები მჩხვეული არიან ისე, როგორც ამას აღმოსავლეთის მიმართ ინგლისური ფაბრიკები აკეთებენო და ა. შ.

⁸⁹ «Коммерческая газета», 1828 წ., 24/X. საქმიან წრეებს სიამოვნებით აცნობებდა, რომ «на учрежденную в Тифлиссе ярмарку кроме шунских купцов братьев Посиленных, производящих там несколько лет торговлю, и сверх изданий своей фабрики скупивших довольно большое количество ситца для отпуска в Грузию, вознамерился отправить бумажных набивных изданий шунский голова купец Алексей Болотов».

ვებდა. ცარიზმის ხელისუფლება დაინტერესებული იყო ამიერკავკასიასთან რუსეთის ვაჭრობის გაძლიერებით და ყოველმხრივ უწყობდა მას ხელს. ცარიზმის მიზანს ამიერკავკასიის ბაზარზე რუსული სავაჭრო კაპიტალის გაძლიერება შეადგენდა, მაგრამ განსახილველ ხანაში მას ამ მხრივ, რაიმე არსებითი წარმატება არ ჰქონია. რუსეთ საქართველოს შორის საქონელგაცვლა ძირითადად ადგილობრივი ვაჭრების მეშვეობით ხორციელდებოდა.

4

4. სააონლის ბატანა. ბატანილი პროდუქციის მოცულობა

რუსეთის ბაზრებზე ქართული პროდუქციის გატანის საკითხის გარკვევას განსაკუთრებულ მნიშვნელობა აქვს. საქართველო რუსეთზე დაქვემდებარებული ქვეყანა იყო და ბუნებრივია ეს მის სოციალურ-ეკონომიკურ განვითარებაზე მნიშვნელოვან ზეგავლენას ახდენდა. ამდენად დამოკიდებული ქვეყნისათვის (პერიფერიისათვის, ან განაპირა მხარისათვის) რუსეთთან სავაჭრო ურთიერთობის ხასიათს თვისებრივი მნიშვნელობა ენიჭებოდა, ე. ი. უნდა გარკვევს ემსახურებოდა ეს ვაჭრობა დამოკიდებული ქვეყნის საერთო-ეკონომიკურ აღმავლობას თუ კომპარადორული ხასიათის გამო მისი განვითარების საწინააღმდეგოდ მოქმედებდა.

უკვე XVIII საუკუნეში საქართველოში დამზადებულ პროდუქციას რუსეთის ბაზრებზე გატანის ისეთი ღონისათვის მიუღწევია, რომ იგი სათანადო მასალებშიც აისახა. მაგალითად, მ. ჩულკოვი ფუნდამენტურ ნაშრომში «Историческое описание российской комерции»... რუსეთში სხვადასხვა ქვეყნებიდან შემოტანილ საქონელში თბილისიდან შემოტანილ ნარმას და ხამხალათსაც ასახელებს⁹⁰.

1792 წელს დიდი მიმოწერა გაიმართა საქართველოს სამეფო კარსა და რუსეთის ხელისუფალთ შორის იმის გამო, რომ საბაგოს რუსმა მოხელეებმა ხუთი ქართველი ვაჭარი დააკავეს, რომლებსაც რუსეთიდან ოქროს ფული გაჰქონდათ, რაც რუსული კანონმდებლობით აკრძალული იყო; ვაჭრებს ჩამოერთვათ 3750 ბაჭადლო და 100 იმპერიალი⁹¹. ერეკლე II-ისა და დარეჯან დედოფლის უშუ-

⁹⁰ М. Ч у л к о в, Историческое описание российской комерции,.... т. VII, кн. II, с. 3, СПб., 1788, с. 3.

⁹¹ Документы по взаимоотношению Грузии с Северным Кавказом в XVIII в., Тб., 1962, с. 255—256, 258, 259.

ალო ჩარევის შედეგად საკითხი მოგვარდა, ვაჭრებს ჩამორთმეული თანხა დაუბრუნეს, მაგრამ აქ ყურადღებას ის გააჩნობა იქცევს, რომ რაკი ნაღდი ფული აღმოაჩნდათ, მამასადანე რუსეთის ბაზარზე მათ გაცილებით მეტი საქონელი გაყიდეს. ვადრე შეიძინეს. სამართლიანობა მოითხოვს აღნიშნოს, რომ ჩვენ არ ვიცით რა საქონელი ჩაიტანეს ამ ვაჭრებმა რუსეთის ბაზარზე. გამორიცხული არ არის, რომ იგი მნიშვნელოვანწილად არაქართული პროდუქციისაგან შედგებოდა. ამგვარ ექვს ის გარეწობა ბადებს, რომ ვაჭრები უკან გემით ბრუნდებოდნენ. მაგრამ არც ის არის მოულოდნელი, რომ მათ საქონელში ძირითადი ადგილი ქართულ ნაწარმსაც სჭეროდა.

1780 წლის 25 აპრილს დარიალის გზით მოზდოკში საქართველოდან სამი ვაჭარი ჩავიდა. სხვადასხვა საქონელს შორის მათ წაუღის 500 ტყავი ჩაიტანეს⁸². იმავე წლის 27 აპრილს აქ ჩამოვიდა დიდი ქარაავანი (ცხენებითა და 22 ურმით), რომელმაც 19 ვაჭრის კუთვნილი დიდძალი საქონელი ჩამოიტანა⁸³. 1785 წლის 5 აპრილს მოზდოკში ხუთმა ვაჭარმა 4 ურემი საქონელი ჩამოიტანა. საბუთში აღნიშნულია, რომ ეს საქონელი ძირითადად შედგებოდა სხვადასხვა ზეწვეულისაგან, ნედლი და ამოხვეული აბრეშუმისაგან, სხვადასხვა ქსოვილისაგან (ნარმა, თავთა და სხვ.), აგრეთვე მზა საფეიქრო ნაწარმისგან (თავსაფრები, სუფრები, ქისები და ა. შ.)⁸⁴. ამ და მრავალი სხვა საბუთით დასტურდება, რომ უკვე XVIII საუკუნეში ადგილი აქვს საქართველოდან რუსეთში ქართული საქონლის ინტენსიურ გატანას. საქართველოს რუსეთთან შეერთების შემდეგ ეს პროცესი გაცილებით გაადვილდა და გაძლიერდა.

ხ. ბრონევსკის აღნიშვნით, საქართველოდან მოზდოკში, ხოლო იქიდან რუსეთში მიდის ქართული საქონელი: შალები, აბრეშუმის ქსოვილები და სხვ⁸⁵. საქართველოს რუსეთთან ვაჭრობის ძირითადი ცენტრები მოზდოკი და ყიზლარი იყო. აქედან საქონელი ჩაჰქონდათ ასტრახანში, ხოლო შემდეგ რუსეთის ცენ-

⁸² Документы по взаимоотношению Грузии северным Кавказом в XVIII в., Тб., 1962, გვ. 222.

⁸³ იქვე, გვ. 227—228.

⁸⁴ იქვე, გვ. 228—236.

⁸⁵ С. Б р о н е в с к и й, Новейшие географические и статистические сведения о Кавказе, М., 1923, ч. 1, с. 213.

ტრალურ გუბერნიებში. ჭერ კიდევ XVIII საუკუნეში დაარსებულ იქნა ქალაქები უკვე იმ საუკუნის მიწურულისათვის მნიშვნელოვან სავაჭრო პუნქტებად იქცნენ: „საგარეო სახმელეთო ვაჭრობა კავკასიის მთების გავლით მიმდინარეობს ასტრახანისა და კავკასიის გუბერნიებში ყიზლართა და მოზდოკით — სპარსეთთან“⁹⁶. — აღნიშნავს ცნობილი რუსი გეოგრაფი პროფ. ზიბლოცკი.

სწორედ ამ გარემოებამ განაზღვრა აღნიშნულ ქალაქებში (ისევე როგორც ასტრახანსა თუ სხვა მცირე სავაჭრო ცენტრებში) XVIII საუკუნის მეორე ნახევრიდან საქართველოს ვაჭართა გადასახლების ტენდენცია, რომელზედაც ჩვენ ზემოთ გვქონდა საუბარი. 1800 წლისათვის, მაგალითად, ყიზლარში 1622 სომეხი და 673 ქართველი ცხოვრობდა, რაც ქალაქის მთელი მოსახლეობის 73% შეადგენდა⁹⁷. 1804 წლისათვის მოზდოკში 1411 სომეხი და 811 ქართველი ითვლებოდა⁹⁸ (მთელი მოსახლეობის 63%). ეკვი არარის, სომეხების მნიშვნელოვანი ნაწილიც საქართველოდან გადასახლებული იყო.

საგულისხმო იყო ქართველთა ოდენობა ასტრახანშიც, სტავროპოლში და ა. შ. გადასახლებულები ძირითადად იმ მეურნეობრივ-კულტურულ დონეზე იდგნენ, როგორც მათ სამშობლოში ჰქონდათ. მისდევდნენ მევენახეობას, ხელოსნობას, ვაჭრობას. ზიბლოცკის აღწერით, ყიზლარში, რომელიც ამიერკავკასიისთან და კავკასიის მთიანეთთან რუსეთის ქალაქების ერთ-ერთი ძირითადი დამაკავშირებელი პუნქტი იყო 1000-მდე ვაჭარი ცხოვრობდა⁹⁹.

როგორც ითქვა, საქართველოდან რუსეთში შეტანილი საქონელი ძირითადად მოზდოკისა და ყიზლარის კარანტინში იწმინდებოდა. მაგრამ მოზდოკის კარანტინში ქართული საქონელი ცალკე იყო გამოყოფილი და ამდენად საშუალება გვაქვს მისი რაობა და

⁹⁶ Новейшее землеописание проф. Зяблочкиго, М., 1814, ч. II, с. 70.

⁹⁷ აქტები, ტ. II, № 1137, გვ. 765; პ. გ უ გ უ შ ე ი ლ ი, დასახ. ნაშრ., გვ. 109.

⁹⁸ პ. გ უ გ უ შ ე ი ლ ი, დასახ. ნაშრ., გვ. 100.

⁹⁹ Зяблочкин, Путевые заметки из Астрахани через Кизляр и Баку в 1835—1836 гг., с. 12, 16; «Кизляр был долгое время складочным местом товаров нужных для торговли с Персией и Кавказскими народами; Хотя в последнее время выгоды для Кизляра уменьшились по причине направления торговли сухим путем через Ставрополь, но Кизляр не только может удерживать почетное место между торговыми городами при Каспийском море, но и сделаться гораздо важнее». იქვე, გვ. 20.

საქართველოდან შეტანილი და მოზღოვის კარანტინში გატარებული საქონლის
დანამკეა 1803-1815 წწ.

საქონლის დასახელება	1803	1811	1812	1813	1814	1815
ბამბეულის ქსოვილები თოფობით						
ალაჩი	10	18	31	408	1091	301
ლენი	1843	3425	1843	1229	12348	16882
ნარმა	77	885	312	550	4644	7033
ყუმაში	6539	3050	270	10	303	383
ხამი დაჩითული	1027	2055	2	20	96	9101
საბნის საბირე	—	749	283	256	1532	3211
შოლა	—	2158	1757	1818	12189	16548
ჩითი	—	1736	334	396	6581	1577
კრელი ქსოვილი	35	—	7	7	63	17
სხვადასხვა	—	41	222	18	152	38
სულ ბამბეულის ქსოვილი	9531	14117	5061	4712	38999	55091
ნახევრად აბრეშუმის ქსოვილები თოფობით						
ალაჩი (ნახევრად აბრეშუმი)	31	7	—	—	2	211
ნახევართავთა	1382	—	54	—	913	624
ყუთანი	407	34	105	—	—	3
თავსილი	—	—	276	—	96	993
სხვადასხვა	9	22	18	—	48	14
სულ ნახევრად აბრეშუმის	1829	63	453		1059	1845
აბრეშუმის, ხავერდის, ოქროქსოვილი და სხვა თოფობით						
ატლასი	14	15	13	10	18	111
დარაია	—	—	2	194	222	305
შოვი, თავთა	20	175	50	65	40	208
ხათაია	—	39	2	40	59	21
ფარჩა	3	35	60	10	13	—
აბრეშუმის ქსოვილი	1	450	26	—	26	26
სხვადასხვა	15	52	190	31	175	127
სულ	53	766	343	350	553	798
შალის ქსოვილები თოფობით						
	42	14	216	19	45	25
მთლიანად ქსოვილები	11455	14960	6073	5091	40656	57759

საქონლის დასახელება	1803	1811	1812	1813	1814	1815
მზა ნაწარმი						
თავსაფრები, ხელსახოცები და ა. შ.	176	100	112	196	771	627
ქსოვილის სარტყელები	32	—	7	44	168	215
ფუთები	—	—	14	23	128	118
ხალოები და ფარდაგები	8	13	14	57	44	19
სუფრები	2	2	1	8	403	5
წინდები	10	1	10	—	56	39
სხვადასხვა	140	438	238	58	189	8
სულ ქსოვილის მზა ნაწარმი	368	554	336	386	1759	1031
ფეხსაცმელი	8	13	2	392	101	75
სპილენძის ნაქეთ.	—	—	2 გრ.	—	12 გრ.	9 ფ.
ურმები	—	—	—	—	20	—
ურმის თვლები	—	—	—	—	15	—
ურმის ღერძები	—	—	—	—	300	—
ღებები	—	33	—	—	—	—
ოქრო-ვერცხლის ნაწ.	—	1	20 გრ.	—	—	—
ლაგამი	—	—	46	—	—	—
ხელჯოხები	—	33	—	—	—	—
სხვადასხვა	—	55	46	2	2	1
ბუნებური	8913	3310	2277	345	2204	17838
ტყავეული	306	5287	2683	—	555	700*

ოღენობა გარკვეულად წარმოვიდგინოთ. ხოლო ყიზლარის კარანტინის უწყისები ამგვარი გამოცალკევების საშუალებას არ იძლევა. ამრიგად, სურათის დასახასიათებლად ჩვენ იძულებული ვართ მოზდოკის კარანტინის უწყისების მონაცემებს დავეყრდნოთ, თუმცა ისინი ყველა წლის არ შემონახულა, ხოლო რაც შემოგვრჩა. ისაც შორსაა სასურველი სისრულისაგან.

* ამას გარდა საქართველოდან შეტანილ საქონელს შორის მოზდოკის კარანტინის უწყისებში აღნიშნულია: ბამბა, ბამბის ნართი, ყაჭი შეღებილი და შეუღებავი, გიშვარი, ქარვა, ფირუზი, მარგალიტი, საქმეველი და სხვ. მაგრამ აღნიშნული საქონელი ცხრილებში არ შევიტანეთ იმის გამო, რომ მათი ზომის მონაცემები წლების განმავლობაში განსხვავებულა (მაგ., ერთ შემთხვევაში აღნიშნულია ტომარა, მეორე შემთხვევაში შეკრა, მესამე შემთხვევაში შონა და ა. შ.). ამის გამო მათი შედარება თითქმის შეუძლებელია, მით უმეტეს, რომ აღნიშნული საქონელი არ იყო დიდი რაოდენობისა.

ჩვენს ხელთ არსებული მასალების მიხედვით საქართველოდან იმ საქონლის შეტანის დინამიკა, რომელიც მოზდოკის კარანტინში გაიწმინდა 1803—1815 წლებში, შემდეგ სურათს იძლევა (ცხრ. 6).

მოტანილი ცხრილი წარმოდგენას იძლევა საქართველოდან გატანილი საქონლის რაობაზე და მისი მოცულობის თანდათანობით ზრდაზე. კარანტინის უწყისებში 120-მდე დასახელების ამგვარი საქონელია აღნიშნული, მაგრამ ცხრილში ჩვენ შევეცადეთ ძირითადად გვეჩვენებინა ტიპური საქონლის რაობა, რომლის გატანასაც, ასე თუ ისე, სისტემატური ხასიათი ჰქონდა. როგორც ვხედავთ, გაქვთ როგორც დიდი გაბარიტების შრომის იარაღები, ურმები, ურმის ღერძები, თვლები (მართალია, აღნიშნული წლების მონაცემებში არ მოხვდა, მაგრამ გაქვონდათ საქაოვი დგამები და სხვ.), ბამბისა და აბრეშუმის ნედლეული, სხვადასხვა ბეწვეული და ტყავეული; განსაკუთრებით კი ქსოვილები: აბრეშუმის, ნახევრად აბრეშუმის, ბამბეულის. საქართველოსათვის განსაკუთრებული მნიშვნელობა ბამბეულის ნაწარმის გატანას ჰქონდა, რადგან საქართველოს რუსეთთან შეერთების შემდგომ პერიოდში ეს წარმოება ჩვენში განსაკუთრებით სწრაფად იზრდებოდა. ანან, როგორც ვხედავთ, ასახვა პოვა საქონლის ექსპორტშიაც. 12 წლის განმავლობაში მოზდოკის კარანტინში გატარებული საქართველოდან შეტანილი ქსოვილების ოდენობა 586% გაიზარდა და შეადგინა საკმაოდ საგულისხმო ციფრა—57759 თოფი. ჭართული (ისევე როგორც სხვა) თოფი სტანდარტული საზომი ერთეული არ ყოფილა, მაგრამ საშუალოდ იგი 10—15 არშინს შეადგენდა; ამდენად გამოდის, რომ 1815 წლისათვის გატანილი ქსოვილების ოდენობა 577590—866385 არშინი ყოფილა. მაგრამ აქ რიგი სხვა გარემოებებიცაა გასათვალისწინებელი: (1) აღნიშნული ცხრილები შედგენილია მოზდოკის კარანტინის ცალკეული კვირების უწყისეებს მიხედვით. 1803 წლისათვის ჩვენ ხელთ გვექონდა 21 კვირის უწყისი, რომელიც წელიწადის 7 თვეზე ნაწილდება; 1811 წლისათვის 16 კვირის უწყისი; რომელიც 8 თვეზე ნაწილდება, 1812 წლისათვის 13 კვირის უწყისი, განაწილებული 7 თვეზე; 1813 წლისათვის აგრეთვე 13 კვირის უწყისი, რომელიც წელიწადის 6 თვეზე ნაწილდება, 1814 წლისათვის 24 კვირის, განაწილებული 11 თვეზე და ბოლოს 1815 წლის 21 კვირის უწყისი განაწილებული 10 თვეზე. ამრიგად, თუ ზრდის მონაცემებს კვირების საშუალო მონაცემებით განვსაზღვრავთ, შემდეგი სურათი გამოვა: 1803 წ. დაახლოებით 459 თოფი; 1811 წ. — 1881 თოფი; 1814 წ. —

1625, 1815 წ. — 2626 თოფი. ამგვარად, კვირის განმავლობაში შეტანილი ქსოვილის საშუალო ოდენობა შესაბამისად 12 წლის განმავლობაში გაიზარდა 550%. მაგრამ საჯარაუდოა, რომ ჩვენი მონაცემები სრული არ არის (თუმცა არც ის შესაძლებლობაა გამორიცხული, რომ გარკვეული კვირების და შეიძლება თვეების განმავლობაში კარანტინში ქართული საქონელი სულაც არ შესულიყო), ამდენად, აღნიშნული რაცხვი კიდევ უფრო გაიზარდება.

2. გზების თავისებურებების, საკარანტინო საგულშაგოების მოუწყვსრიგებლობის და სხვა მრავალი მიზეზის გამო უბაჟოდ საქონლის გატანა მოცემულ პერიოდში ფანტასტიკურ მასშტაბებს აღწევდა¹⁰⁰ და ყოველ შემთხვევაში, მისი მოცულობა არ ჩამოუვარდებოდა ოფიციალურად გატანილს. მაშასადამე, მოცემული რიცხვი (577590—866385 არშინი) სულ ცოტა ერთიორად გაზარდილი მაინც უნდა წარმოვიდგინოთ.

რუსეთში გასატან საქონელზე თბილისის საბაჟო ცნობას გასცემდა სადაც მისი რაობა და რაოდენობა იყო აღნიშნული, მაგრამ მოზღოვის კარანტინში ყურადღება მოუქცევიათ, რომ საქონლის ოდენობა გაცილებით მეტია, ვიდრე თბილისის საბაჟოს ოფიციალურ ცნობარში იყო მითითებული. ეს გარემოება ადგილობრივი ხელისუფლებისათვის უცნობებიათ. ისინი კი განმარტავდნენ რომ ამგვარი ფაქტი საბაჟოს მოხელეების უპატიოსნო მოქმედების ბრალი კი არ იყო, არამედ იმისა, რომ თბილისიდან წამოსულ ვაჭრებს გზაზე საშუალება ჰქონდათ დამატებით შეეძინათ პროდუქცია, რაც ცხადია, საბაჟოს ცნობაში ვერ აღსახებოდა. ეს, ვაჭრების მხრიდან, უკანონო მოქმედებად იყო მიჩნეული და შესაბამისადაც ისჯებოდა¹⁰¹, მაგრამ საქონლის უბაჟოდ გატარებით ხელის მოთბობას, როგორც ჩანს, არც საბაჟოს მოხელეები თავილოდნენ. თუ რა მნიშვნელოვანი ოდენობით ხდებოდა უბაჟოდ საქონლის გატარება საქართველოსა და კავკასიის საბაჟოებში და რა ზომებს აღწევდა საბაჟოს მოხელეების ანგარება და თავხედობა, შემდეგი ფაქტიდან ჩანს: 20-იან წლებში ირან-თურქეთის ომთან დაკავშირებით ძალიან გაიზარდა საქართველოში ირანული საქონლის შემოტანა, რომელიც, როგორც ჩანს, აქედან ამჟამად თუ ფარულად თურქეთში შედიოდა. ამ სავაჭრო ოპერაციებს, ცხადია,

¹⁰⁰ О. П. Маркова, Россия, Закавказье и международные отношения в XVIII веке, М., 1966, с. 74—75.

¹⁰¹ აქტები, ტ. II, გვ. 246, № 454.

თბილისის საბაჟოს შემოსავლის დიდი ზრდა უნდა გამოეწვიო. მაგრამ ეს ასე არ მოხდა. ამ გარემოებას დაუეჭვებია მთავარსარდალი ერმოლოვი და საბაჟოს მოხელეების უკანონო მოქმედებათა მხრლებსათვის საბაჟოში თავისი ფარული აგენტი მიუჩნევია. ჩანს ეს ამბავი შეუღმჩნეველი არ დარჩენილა და საბაჟოს მოხელეები იძულებული გამხდარან დროებით ხელი აეღოთ თავიანთ ზაქინაციებზე, რის შედეგადაც თბილისის საბაჟოს შემოსავალი თითქმის 4-ჯერ გაზრდილა. აი, რა მასშტაბი შეიძლება მიეღო უბაჟო ვაჭრობას საბაჟოებისა და საბაჟოს მოხელეების მაშინდელი მდგომარეობის პირობებში. ამას კი სხვა ათასგვარი შემოვლითი მაქინაციებიც ემატებოდა¹⁰².

განახილველი ხანის არაერთი საბუთი მიუთითებს იმ საგანგებო ღონისძიებებზე. რომელსაც ხელისუფლება ფარული ვაჭრობის აღსაკვეთად ატარებდა. მაგრამ ეს საქმეა ვერ შეელოდა, რადგან როგორც ირკვევა ხელისუფლების წარმომადგენლები უბაჟოდ გატანილი საქონლის მხოლოდ უმნიშვნელო ნაწილის დაკავებას ახერხებდნენ, ვაჭართა უმეტესობა კი ამა თუ იმ ფორმით უკანონო ვაჭრობას კვლავ განაგრძობდა¹⁰³.

როგორც აღინიშნა, საქართველოს ვაჭართა მნიშვნელოვანი ნაწილი საერთოდ თავისუფალი იყო ბაჟის გადახდისაგან. ესენი იყვნენ კათოლიკოსის ყმები, თავადზნაურთა კლასის წარმომადგენლები და ის ვაჭრები, რომლებსაც რაიმე დამსახურებისათვის პირადად თუ შთამომავლობით ამგვარი პრივილეგია ჰქონდათ მიწეკებულნი¹⁰⁴.

3. ქართული საქონელი, რუსეთის ბაზრებზე როგორც ზემოთ ითქვა, ყიზლარის გზითაც შედიოდა. გ. ჩულკოვი ქ. ყიზლარის აღწერისას აღნიშნავდა: „აქ სალდათებისა და რუსი კაზაკების გარდა ცხოვრობენ სომეხი, ქართველი და ინდოელი ვაჭრები, რომლებიც ასტრახანთან, მთიელ თათრებთან და ქართველებთან, რომელთა უახლოესი სანაპირო ადგილი ყიზლარია, უშესანიშნავეს ვაჭრობას აწარმოებენ“¹⁰⁵. სხვა ადგილას, როცა ყიზლარში შემოტანილი საქონლის რაობას ახასიათებს, იგივე ავტორი პირდაპირ აღნიშნავს, რომ აქ თბილისიდანაც შედის სხვადასხვა ბამ-

¹⁰² АКАК, т. VI, гл. 291, № 279.

¹⁰³ სცსია, ფ. 280, აღწ. 1, საქმე 15, ფურც. 19, 20.

¹⁰⁴ სცსია, ფ. 254, აღწ. 1, საქ. 29, ფურც. 433.

¹⁰⁵ М. Ч у л к о в, დასახ. ნაშრ., ტ. II, წ. II, გვ. 562.

ბეულის ქსოვილები. უფრო გვიან (1813 წელს, ე. ი. ზუსტად იმ ცნობის თანადროულად, რომელსაც ჩვენ ვიხილავთ) გაზეთი „ვოსტოჩნიე იზვესტია“, რომელიც ქ. ასტრახანში გამოდიოდა, წერდა, რომ ქ. ყიზლარს „ვაკრები და მდიდარი სომხები თავს ირჩენენ ასტრახანთან, მთიელ ხალხებთან, სპარსეთის ჩრდილოეთ ოლქებთან და საქართველოსთან ვაკრობით“¹⁰⁶.

ჩვენ გავსინჯეთ ყიზლარის კარანტინის უწყისები, მაგრამ, როგორც ითქვა, იქიდან საქონლის სადაურობის დადგენა შეუძლებელია, რადგან ერთი და იგივე დასახელების ქსოვილები (თუ სხვა საქონელი) შემოდის როგორც საქართველოდან, ისე აზერბაიჯანის სახანოებიდან და ჩრდილოეთ ირანის პროვინციებიდან. აღნიშნულ უწყისებში მათათებულა არა საქონლის გამოგზავნის საწყისი პუნქტი, არამედ ის უქანასკნელი პუნქტი, რომელზე გამოვლის შემდეგაც იგი უშუალოდ ყიზლარში შემოვიდა. ასეთებია, ანდრეას სოფელი, ახლოვას სოფელი და ა. შ. მ. ჩულკოვი ყიზლარის სავაჭრო ურთიერთობის აღწერისას მეტად ხშირად ახსენებს, რომ აქ ბამბეულის ქსოვილები შემოდის «Из Гор» და «Из Андреевской деревни». თუ ამ «Гор»-ში¹⁰⁷ ჩრდილოეთ კავკასიის მთიანეთი იგულისხმება, როგორც ცნობილია, იქ ბამბეულის ქსოვილებს არ აწარმოებდნენ, პირიქით, აქ ისინი ძირითადად საქართველოდან შეჰქონდათ. რაც შეეხება ანდრეას სოფელს, ეს ქართველი ვაჭრების მოღვაწეობის ერთ-ერთი მნიშვნელოვანი პუნქტი იყო: ერთ-ერთ საბუთს, რომელიც აქ 1777 წელსაა შედგენილი, 7 ვაჭარი აწერს ხელს, ყველა საქართველოდან, მათ შორის 5 გორიდანაა¹⁰⁸. 1821 წელს სახაზინო გლეხი ალავერდოვი აღგილობრივ ხელისუფლებას თხოვდა ნება დაერთოთ ნ თვით წასულიყო ანდრეას სოფელში, სადაც იგი დიდი ხნის განმავლობაში ცხოვრობდა და დარჩენილი აქვს საქონელი და ასაღები ვალები¹⁰⁹. 1823 წელს ოპანეზ აფრიამოვი თბილისელი მოქალაქეების დამოწმებით ითხოვდა, რათა წლიური პასპორტი გაგზავნოდა მის ქვისლს სტეფანე ალიხანოვს, რომელიც თბილისის მოქალაქე იყო და იმჟამად ანდრეას სოფელში სავაჭრო საქმეებზე იმყოფებოდა¹¹⁰. ამგვარი ცნობები არაერთია..

¹⁰⁶ გაზ. «Восточные известия», 1813, №2, 5/11.

¹⁰⁷ М. Ч у л к о в, დასახ. ნაშრ., გვ. 399.

¹⁰⁸ დ. უ ჩ ა ნ ე ი შ ვ ი ლ ი, დასახ. პუბლიკაცია, გვ. 69—70.

¹⁰⁹ სესია, ფ. 489, საქმე 65417.

¹¹⁰ სესია, ფ. 254, აღწ. 1, საქ. 754, ფურც. 250.

არაერთ- არსებული საბუთი აშკარად ადასტურებს, რომ ქართული საქონელი რუსეთში მასობრივად იგზავნებოდა ყიზლარის გზით და რომ ეს საქონელი ძირითადად იმავე ხასიათისა იყო, როგორც მოზდოკის გზით შეტანილი. თუმცა, როგორც აღვნიშნეთ, დიდი გაბარიტებისა და სიმძიმის საქონლის გადატანა ყიზლარით უფრო მოსახერხებელი იყო. მაგალითად, 1812 წელს გაძარცვეს ყიზლარელი ვაჭრების ქარავანი, რომელმაც საქართველოში სხვადასხვა სააფთიაქო საქონელი შემოიტანა, უკან კი ქართული საქონლით (ძირითადად ქსოვილები) დატვირთული ბრუნდებოდა¹¹¹.

როგორც ვხედავთ, აღნიშნულ პუნქტებში საქართველოს ვაჭრები ერთობ ცხოველ საქმიანობას ეწეოდნენ. ყოველივე აქედან კი შეიძლება დავასკვნათ, რომ ყიზლარის გზით ქართული საქონლის შეტანა არ ჩამოუვარდებოდა მოზდოკიდან შეტანილს. შემდგომ პერიოდში, გარკვეული უპირატესობა მაინც მოზდოკს მოუპოვებია: ერმოლოვის 1819 წლის 9 აპრილით დათარიღებულ წერილში ვიაზემსკისადმი აღნიშნულია, რომ „საქართველოსთან მთავარი მიმოსვლა და ვაჭრობა ეხლა მიმდინარეობს არა ყიზლარის, არამედ მოზდოკის გავლით“¹¹². მაშასადამე, მანამდე ეს უპირატესობა ყიზლარის ეკუთვნოდა.

ყველა აღნიშნული გარემოების გათვალისწინებით ჩვენ საფუძველი გვაქვს ვივარაუდოთ, რომ ორივე გზით (როგორც ოფიციალურად, ისე უბაჟოდ) გატანილი ქსოვილების ოდენობა დაახლოებით 2,5—3,5 მილიონი არშინის ტოლი უნდა ყოფილიყო.

1815 წლის შემდგომი პერიოდისათვის მოზდოკის კარანტინში საქართველოდან შეტანილი საქონლის გაწმენდის შესახებ ცნობები ერთობ ფრაგმენტულია, რომელთა მიხედვით მთელი წლას სურათის აღდგენა შეუძლებელია. მაგრამ 1815 წელი საქართველოს ბამბეულის თუ სხვა საქსოვი წარმოების განვითარების თვალსაზრისით კულმინაციური წერტილი არ ყოფილა. პირიქით, ამის შემდეგ, ყოველ შემთხვევაში 10—12 წლის განმავლობაში მაინც, ეს წარმოება ჩვენში მეტად სწრაფად იზრდებოდა, რასაც მოწმობს როგორც სახელოსნოებისა და მასში ჩამბული პირების რიცხვის ზრდა, ისე შესაბამისი აქციზების ზრდაც. ეს ზრდა კი შინა ბაზრის გაფართოებასთან ერთად საექსპორტო ვაჭრობის გაძლიერებით უნდა ყოფილიყო განპირობებული.

¹¹¹ სკსიი, ფ. 2, აღწ. 1, საქ. 398, ფურც. 138—139.

¹¹² АКАК, т. VI, гл. 210, № 262.

რასაკვირველაა, მოზღოკში და ყიზლარში შეტანილი საქონელი მხოლოდ რუსეთის შიდა გუბერნიებისათვის არ იყო განკუთვნილი. მისი დიდი ნაწილი ადგილობრივ საიდუმლოდ. დასახელებული და კიდევ მრავალი სხვა პუნქტი ხომ ჩრდილოეთ კავკასიის ხალხებთან ვაჭრობის მეტად მნიშვნელოვანი ცენტრები იყო. გატანილი საქონლის საკულისხმო რაოდენობა, როგორც ჩანს, საკარანტინო პუნქტებში მიტანამდე, გზამიჯე იყიდებოდა მთელ ხალხებზე, რაც მთავრობისათვის არასასურველი იყო და მის აღკვეთას ცდილობდა, თუმცა უშედეგოდ. თავისთავად საქონლის მოზღოკში გაყიდვა უკვე მეტად დიდ მოგებას იძლეოდა. მაგალითად, 1822 წელს ივანე ბაისაგოლოვმა საქართველოში შეიძინა 10 000 მანეთის საქონელი, რომელიც 3860 თოფი ბანბულის ქსოვილისაგან შედგებოდა. ორი კაცის ხელით გააგზავნა მოზღოკში, სადაც ეს საქონელი 18 000 მანეთად გაიყიდა, ე. ი. გზის ხარჯები რომ ვიანგარიშოთ, წმინდა მოგებამ 60% შეადგინა¹¹³.

მაგრამ ქართული საქონელი რომ საგულისხმო ოდენობით რუსეთის შიდა გუბერნიებშიც შედიოდა, ამას არაერთი საბუთი ადასტურებს. უფრო საგულისხმო ისაა, რომ ამით ხელსუფლება იყო დაინტერესებული. სხვანაირად არ შეიძლება აიხსნას ის ლონისძიებები, რომელსაც რვი ამ მიმართულებით ატარებდა: 1806 წლის ნოემბერში ვაჭართა დიდმა ჯგუფმა თხოვნით მიმართა გუდოვიჩს: საქონელი სავაჭროდ მიგვაქვს ასტრახანში, მოზღოკის კარანტინში ჩვენს საქონელს 40 დღე აკავებენ, ამის გამო დიდ ზარალს ვნახულობთ. ამგვარი დაკავება კი აუცილებელი არ არის, რადგან იმ ადგილებში, საიდანაც ჩვენ მოვდივართ, არაერთარი გადაძღები სწეულება აღნიშნული არ არისო¹¹⁴. როგორც ჩანს, ამ თხოვნისა და მოსალოდნელი სხვა მასალების საფუძველზე ადგილობრივი მთავრობა შეშფოთებას გამოთქვამდა იმის გამო, რომ ქართული საქონელი მოზღოკის კარანტინში ფერხდებოდა და მკაცრ ზომებს იღებდა მის აღსაკვეთად. ეს განწყობილება კარგად ჩანს ერთ-ერთ ცარკულარში, რომელიც ფინანსთა მინისტრს უნდა ეკუთვნოდეს: „მოზღოკის საკარანტინო საგუშაგოს! ჩემამდე მოვიდა ცნობა, რომ საქართველოდან ჩამოტანილი რუსეთში გასაგზავნი საქონელი დაკავებულია და თითქოს არ არის მღლებული მოზღოკის საკარანტინო საგუშაგოს მიერ. ამასთან ერთად, რო-

¹¹³ სესია, ფ. 90. საქმე 305, ფურც. 1—3.

¹¹⁴ სესია, ფ. 2. აღწ. 1, საქ. 110.

ღორც მე კავკასიის სამოქალაქო გუბერნატორის მოხსენებრთი ბა-
 რათიდან დავინახე, მისი ზანკარგულებით კარანტინში მგზავრე-
 ბისა და საქონლის უკეთ განლაგებებს მიზნით გადაწყვეტილია
 თერგის ამ ნაპირზე ბალაგანების მოწყობა. მოვიწონე რა გუბერ-
 ნატორის ეს განკარგულება, ვუბრძანებ მოზდოკის საკარანტინო
 საგუშაგოს, საქართველოდან მოსული ვაჭრების რუსეთში გასა-
 ტანი საქონელი მიიღოს გასაწმენდად გუბერნატორის მიერ განსა-
 ზღვრული ვადით. ხოლო შემდგომში მართლმამაველებსა და თა-
 ნამდებობიდან ფადაყენებს შიშით, არ უთხრან უარი მათ მიღე-
 ბაზე, რათა მათ არ შეიტანონ ექვი თერგის აქეთა მხარეს მოღვაწე
 საქმოსნებში, ექვი იმისა, რომ მათ საქონელს არ გაატარებენ¹¹⁵.
 იგივე ავტორი კავკასიის გუბერნატორ მალინინისადმი მიწერილ
 ინსტრუქციისაში სრულიად გარკვევით მიუთითებდა: „...წინააღდე-
 ბას გაძლევთ საქართველოდან მომავალი ყველა საქონელი, მათ
 შორის შალეულის ქსოვილები, გაატაროთ მოზდოკის კარანტინში
 იმ პირობით, რომ საქონელი, რომელიც ადვილად იღებს გადაძდებ
 სნეულებებს, გაწმენდილ უნდა იქნას მთელა სიმკაცრით“¹¹⁶ და
 სხვ.

მთავრობის ამგვარი პოლიტიკა სრულიად ბუნებრივია. ამ პე-
 რიოდში რუსეთში აკრძალვითი ტარიფი მოქმედებდა, რომლის
 აალოთაც ევროპული ქსოვილებს შემოტანა მნიშვნელოვნად იყო
 შეზღუდული. აღნიშნულმა ტარიფმა მძლავრი ბიჭვი მისცა რუ-
 სეთში ბამბეულის საქსოვი წარმოების განვითარებას, მაგრამ იგა
 ჯერჯერობით მაინც ვერ აკმაყოფილებდა ქვეყნის სულ უფრო და
 უფრო მზარდ საშინაო ბაზარს. ამის გამო ქართული ბამბეულის
 ქსოვილებისა და სხვა სახის ნედლი და მზა პროდუქციის შეტანა
 რუსეთის ბაზაზე სასურველი უნდა ყოფილიყო.

რუსეთის შიდა გუბერნიებში ქართული საქონლის შეტანის
 შესახებ ქ. ასტრახანში საქართველოს ვაჭრების წარმომადგენელ-
 თა მეტად აქტიური საქმიანობაც მოწმობს: 1804 წლის მონაცემე-
 ბით, ასტრახანის მოსახლეობის 29%-ს ქართველები და სომხები
 შეადგენდნენ¹¹⁷. 1825 წლის ცნობით აქ 2570 სომეხი და 171 ქარ-
 თველი ცხოვრობდა. ჩვენ კიდევ ერთხელ გავიმეორებთ, რომ რა-
 კი საქართველოს ვაჭრებში სრული უპირატესობა წარმოშობით სომ-

¹¹⁵ სესია, ფ. 2, აღწ. 1, საქმე 444, 1814 წ. ფურც. 32.

¹¹⁶ იქვე, ფურც. 34.

¹¹⁷ პ. გუგუშვილი, დასახ. ნაშრ., გვ. 109.

ხურ ელემენტს ეკავა, ასტრახანის სომეხთა მნიშვნელოვანი ნაწილი საქართველოდან უნდა ყოფილიყო გადასახლებული. ხოლო იმ საერთო წვლილს მიხედვით თუ ვიმსჯელებთ, რაც ქართული წარმომობის ხალხს ეკავა თვით საქართველოს შინაგაქრობაში, ისეთ მნიშვნელოვან სავაჭრო ცენტრში, როგორც მაშინ ასტრახანი იყო, 171 ქართველი კაცის ცხოვრება მეტად საყურადღებო ფაქტად უნდა მივიჩნიოთ; ამასთან ასტრახანში მცხოვრებ 120 კათოლიკე ვაჭართა შორის ბუნებრივია, ქართველი ვაჭრებიც იქნებოდნენ. თავისთავად ის ფაქტი, რომ აზიური წარმომობის მოსახლეობაში ქართველები მესამე ადგილზე იყვნენ სომხებისა და ბუხარელების შემდეგ და გაცილებით მეტი, ვიდრე სპარსული წარმომობისანი, ქალაქში, რომელიც რუსეთის სპარსეთთან ვაჭრობის მთავარი ცენტრი იყო, ჩვენ მრავლისმეტყველად გვეჩვენება. სომხური და ქართული ელემენტი ასტრახანის მუდმივ მცხოვრებ აზიურ მოსახლეობაში თითქმის 79%-ს შეადგენდა, ხოლო მათი საქმიანობის ერთ-ერთი ძირითადი სფერო რუსეთის შიდა გუბერნიებში ვაჭრობა იყო: „ამ აზიელთა ვაჭრობა—ეკითხულობთ აღნიშნულ საბუთში, —სხვათა შორის რუსეთის ბევრ გუბერნიასთან წარმოებს სამი იარმარკის: ნიჟეგოროდის, კორენიაა და ირბიტის იარმარკებით“¹¹⁸.

რუსეთის ცენტრალურ ბაზრობებზე ქართული საქონლის მოძრაობა მეტად მნიშვნელოვანი ფაქტია. მაგრამ უფრო მნიშვნელოვანი ის არის, რომ მან ასახვა პოვა ოფიციალურ დოკუმენტებსა და პრესაში, რაც ამ საქონლის საგულისხმო ოდენობაზე მიუთითებს.

არაერთი ცნობა არსებობს ქართული საქონლის მაკარიევის იარმარკაზე გატანის შესახებ¹¹⁹. მაგრამ, როგორც ჩანს, ქართველი ვაჭრები მაინც ნიჟეგოროდის ბაზრობას არჩევდნენ. 1827 წელს ამ ბაზრობაზე საქართველოდან შეტანილ საქონელს შორის ყურადღებას იქცევს დიდი რაოდენობის ბეწვეული, აბრეშუმი, თავსაფრები და ხელსახოცები (платки)¹²⁰. 1828 წლის ბაზრობის ანგარიშებში ქართული, სომხური და სპარსული საქონელი ერთ გრაფაშია მოქცეული. აქვე აღნიშნულია, რომ მაგალითად აბრეშუმი საქართველოდან შემოვიდა 450 ფუთი, ხოლო ასტრახანიდან 750

¹¹⁸ სესია, ფ. 2, აღწ. 1, საქმე 1047, 1820 წ. ფურც. 126—129.

¹¹⁹ სესია, ფ. 86, აღწ. 1, საქმე 2, 1827 წ., ფურც. 8, 9, 10.

¹²⁰ «Коммерческая газета», 1827 წ. 14 სექტემბერი, № 74.

ფუთი. მაგრამ ასტრახანი ხომ არც სომხეთია და არც სპარსეთი და ამდენად არაფერი არ არის მოულოდნელი იმაში, რომ ასტრახანიდან შეტანილი საქონლის ნაწილი ქართული ყოფილიყო. იგივე შეიძლება ითქვას ბამბის ნართზე. საქართველოდან 200 ფუთი, ასტრახანიდან 3000 ფუთი. ამის გარდა, აღნიშნული გრაფის ქვეშ ჩანს აბრეშუმის ქსოვილი—მოვი, სპარსული სარტყლები (ე. ი. ქსოვილის სარტყლები) და ა. შ. სულ ამ წელს, ბაზრობაზე 1561800 მანეთის ღირებულების ქართული, სომხური და სპარსული საქონელი ყოფილა წარმოდგენილი¹²¹. მაგრამ აქ უნდა გავიხსენოთ, რომ რუსეთსა და ირანს შორის ამ დროს ომი მიმდინარეობდა რაც ბუნებრივია ამ ორ ქვეყანას შორის ვაჭრობას მნიშვნელოვნად აფერხებდა ასე, რომ სავარაუდოა ამ გრაფაში უპირატესად საერთოდ ამიერკავკასიის საქონელი ვიგულისხმობთ—სახანოების, საქართველოს და ა. შ. საინტერესო დეტალი: საქართველოში შეღავათიანი ტრანზიტის მოწინააღმდეგეები ამ ტრანზიტის რუსეთისათვის არახელსაყრელობის დამადასტურებელ ფაქტად იმ გარემოებასაც ასახელებდნენ, რომ ქართველი ვაჭრები თავიანთ საქონელს რუსეთის ბაზრებზე ასაღებენ, სამაგიეროდ კი არაფერს ყიდულობენ, ნაღდი ფული ევროპაში მიაქვთ და სამშობლოში იქაური ნაწარმით დატვირთულნი ბრუნდებიან¹²².

ნიეეგოროდის ბაზრობის აღწერებიდან ჩანს, რომ ქართული საქონელი ნაწილობრივ ადგილზე იყიდებოდა, ნაწილობრივ კი მოსკოვში და სხვა ცენტრალურ ქალაქებში იგზავნებოდა. ჩვენ არაერთი ცნობა მოგვეპოვება ქართველი ვაჭრების მოღვაწეობისა რუსეთის ორივე დედაქალაქში¹²³. მაგრამ ამჟამად საჭიროდ მიგვაჩნია ყურადღება შევუჩიეროთ საქართველოდან გატანილი საქონლის სადაურობაზე.

¹²¹ «Коммерческая газета», 1828 წ. 29 სექტემბერი, № 78, გვ. 3.

¹²² АКАК, ტ. VII, I, გვ. 120, № 102.

¹²³ მეგალითად, 1812 წ. მოსკოვის ხანძრის შედეგად, იქ, სხვათა შორის, ქართული ვაჭრებიც დაზარალდნენ. 1823—1825 წლებში სრულიად ფრაგმენტული ცნობებით მოსკოვში 9 ქართველი ვაჭრის მოღვაწეობა დგინდება. ისინი აქ ხანგრძლივი პერიოდის განმავლობაში იმყოფებიან ქართველი დიდვაჭრების წარმომადგენლებად და საქართველოდან მიღებული საქონლის გასაღებას და აქეთ რუსული საქონლის გამოგზავნას ეწევიან: სცსია, ფ. 254, აღწ. 1, საქ. 759, ფურც. 848; საქმე 823, ფურც. 335; ფურც. 703; საქმე 825, ფურც. 245; 277; საქ. 827, ფურც. 46, 547; საქ. 867, ფურც. 869, 1118; საქ. 872, ფურც. 43 და სხვ. ბევრ ქართველ ვაჭარს ცხოველი კომერციული ურთიერთობა ჰქონდა პეტერბურგთან და ა. შ.

როგორც ზემოთაც აღვნიშნეთ, საქართველოს სავაჭრო ურთიერთობა აღმოსავლეთის ბევრ ქვეყანასთან ჰქონდა, აქ სისტემატურად შემოდის საქონელი ინდოეთიდან, ეგვიპტიდან, თურქეთიდან, სპარსეთიდან და ა. შ. არაფერი არ არის მოულოდნელი იმაში, რომ საქართველოს გზით ერთი ქვეყნის საქონელი რომელიმე სხვა ქვეყანაში შესულიყო და ეს ასეც ხდებოდა. ამდენად, საქონლის სადაურობის დადგენას დიდი მნიშვნელობა ენიჭება. ზოგჯერ ამის გაკეთება საკმაოდ მარტივია. მაგალითად, რუსეთში დიდი რაოდენობით შეტანილი ძვირფასი თვლები — ფირუზი და მარგალიტი აშკარად არაქართულია, სამაგალითოდ ისეთი საგნები, როგორცაა, ვთქვათ, გიშური, იმერული ნახევართავთა და მისთანანი, მხოლოდ ქართული შეიძლება იყოს. ნედლი და ამოხვეული აბრეშუმის კი გადიოდა როგორც ქართული, ისე ამიერკავკასიის სხვადასხვა პროვინციებიდან: შემახადან და ა. შ. მაგრამ ჩვენთვის განსაკუთრებით საინტერესოა ქსოვილების საკითხი, რადგან საქართველოში აღმოსავლური ყაიდის ქსოვილებს ამზადებდნენ. ეს განსაკუთრებით ბამბეულის, ნაწილობრივ აბრეშუმის და ნახევრად აბრეშუმის ქსოვილებსაც ეხება. საქართველოში რომ ირანის პროვინციებიდან დიდი რაოდენობით შემოდის ბამბა, ბამბის ნართი, საღებავები და სხვ. ეს ფაქტია. საქართველოში შემოდის ირანული ქსოვილებიც. ამდენად პარულიად ბუნებრივად იზადება კითხვა, როცა რუსეთში ასეთი დიდი რაოდენობით ქსოვილების გატანაზე ვლაპარაკობთ, ხომ არ შეიძლება აქ უბრალოდ ტრანზიტი ვაგულისხმოთ ირანული პროდუქციისა საქართველოს გზით?¹²⁴

საბუთებზე გულდასწით დაკვირვება გვარწმუნებს, რომ ქსოვილების აბსოლუტური უმრავლესობა, ხოლო ბამბეულის ქსოვილები პრაქტიკულად მთლიანად ქართული ნაწარმი იყო. ამგვარი დასკვნის გაკეთების საფუძველს შემდეგი გარემოებები გვაძლევს:

1. ქსოვილებით სავაჭრო ვაჭრობის ზრდის ტემპები საქართველოში ემთხვევა შესაბამისი წარმოების ზრდის ტემპებს

¹²⁴ ეს საკითხი საბაჟოს მოხელეებსაც აინტერესებდათ, რადგან ქართულ და არაქართულ საქონელზე ბაჟს სხვადასხვანაირად იღებდნენ. ამიტომ ისინი მეტად გულდასმით და შეიძლება ჩაკრიკიტებითაც კი ამოწმებდნენ საქონლის სადაურობას, ისე რომ ზოგჯერ აშკარად ქართულ საქონელსაც სპარსულად მიიჩნევდნენ და შესაფერისი ბაჟით ბეგრავდნენ, ცსია, ფ. 86, აღწ. 1, საქმე 2, ფურც. 12.

(აღნიშნულ საკითხებზე, როგორც ვთქვით, ჰქემოთ შეეჩერდებით), მაშინ როდესაც ასეთი დიდი მასშტაბის სატრანზიტო ვაჭრობას ჰქვეყნს შესაბამისი მრეწველობის დაცემა უნდა გამოეწვია.

2. საბუთებში აბსოლუტურად უმრავლეს შემთხვევაში მითითებული არ არის პროდუქციის სადაურობა. აღნიშნულია მხოლოდ, რომ ეს საქონელი მოდის თბილისიდან, იმერეთიდან, საქართველოდან და ა. შ. ამდენად, ეს საქონელი მხოლოდ ქართული შეიძლება იყოს. საქმე ის არის, რომ სპარსული ქსოვილებს ექსპორტს რუსეთში დიდი ხნის ტრადიციები ჰქონდა. იგი აქ გაცილებით მეტი რაოდენობით შემოდის და გაცილებით ძვირად იყიდებოდა. ამდენად, საქონელზე სპარსული წარმოშობის მითითება, როცა იგი უკვე რუსეთის საზღვრებში იყო შესული (მოზდოვი, ყიზლარი), ვაჭრისათვის სასარგებლო იყო. ეს სახელწოდება გარკვეულ რეკლამას გულისხმობდა და, ამდენად, მოსალოდნელია პირიქითი მისწრაფება: არასპარსულის (ქართულის) სპარსულად გასაღებისა.

3. სამართლიანობა მოითხოვს აღინიშნოს, რომ ზოგჯერ გატანილი პროდუქციის ცალკეულ სახეობებს მათი ქართულობის მიზნისმიერ დასახელებაც აქვს. მაგალითად, ქალაქური ნარმა. იმერული ნახევართავთა და ა. შ. მაგრამ ეს მითითება, ჩვენი აზრით, ზოგჯერ პროდუქციის ტიპს (მაგალითად, იმერული ნახევართავთა ჩვეულებრივისაგან განსხვავებული, შედარებით ვიწრო და, ჩანს, ქსოვითაც თავისებური იყო), ზოგჯერ კი პროდუქციის ხარისხს აღნიშნავდა (უნდა ვიფიქროთ, ქალაქური ნარმა ხარისხით უკეთესი იყო, ვიდრე, ვთქვათ, რომელიმე მოშორებულ პუნქტში დამზადებული), ანდა ერაზსაც და მეორესაც ერთად.

4. უფრო მეტიც, ხშირად ის საქონელიც, რომელსაც მისი არაქართულობის მაჩვენებელი დასახელებაც აქვს, მაინც ქართულია. მაგალითად, საქართველოდან დიდი რაოდენობით გაჰქონდათ ქსოვილის ისეთი მზა ნაწარმი, როგორიცაა ბაღდადური ხელსახოცი (Платки багдадские). ცხადია, ისინი ერაყიდან შემოტანილი ვერ იქნებოდა. აქ უნდა ვიგულისხმოთ პროდუქციის ტიპი, რომელიც ალბათ მართლაც თავის დროზე ერაყიდან გავრცელდა, მაგრამ ჩვენში მეტად დიდი პოპულარობა მოიპოვა და საერთოდ ხელსახოცის სინონიმად იქცა. იგი თითქმის ჩვენს დრომდე შემორჩა, როგორც ქალაქური სამოსელის ერთ-ერთი ძირითადი ატრიბუტი. ამიტომ ბუნებრივია, რომ ამგვარი საქონელი აქვე ჩვენში მზადდებოდა. მთელი

XVIII საუკუნის განმავლობაში ამზადებდნენ საქართველოში „თურქულ ქოშებს“, „სპარსულ“ წულებს. „სპარსულ“ უნაგირებს და ა. შ. ამგვარი ვითარება გვაქვს საფეიქრო ნაწარმის მიმართაც. მაგალითად, კახეთში და საქართველოს მთიან რაიონებში მნიშვნელოვანი რაოდენობით ამზადებდნენ „ლეკურ“ მაუდს, ე. ი. პროდუქციის იმ სახეობას, რომელიც ლეკურის სახელით იყო გავრცელებული. ჩვენ მოგვეპოვება ცნობა, რომ გორის მაზრაში მზადდებოდა „ლეკური“ ნაბღები¹²⁵. თბილისში ამზადებდნენ თურქული ყაიდის თავსაფრებს. საინტერესოა ის გარემოება, რომ საზღვარგარეთიდან შემოტანილი საქონელი ადგილობრივისათვის რომ დაემსგავსებინათ და ამით მისი უპაჲოვ გაპაჲება მოეხერხებინათ, მათ თურქული თავსაფრების ყაიდაზე ღებავდნენ და კერავდნენ¹²⁶, რაც ამჲკარად იმაზე მიუთითებს, რომ ამგვარი თავსაფრების დამზადება იმდენად გავრცელებული და ცნობილი ყოფილა, რომ მას ადგილობრივის რეპუტაცია ჰქონია. სხვა საბუთებიდან ჩანს, რომ თბილისსა და საქართველოში ამზადებდნენ „ქქერიმხანის შალებს“¹²⁷.

5. ჩვენი მსჯელობა ძირითადად მაინც იმ ფაქტს ეყრდნობა, რომ სპარსეთსა და რუსეთს შორის საქართველოს გზით ვაჭრობა ძირითადად კასპიის ზღვის სანაპიროების საშუალებით, ან თვით ზღვით წარმოებდა, უპირატესად ასტრახანის, ბაქოსა და ენზელსის მეშვეობით. ხოლო ბაქოდან ირანის სახელმწიფოს ერთ-ერთი უმნიშვნელოვანესი აჲვაჭრო ცენტრი — თავრიზი უფრო ახლოს იყო, ვიდრე თბილისი. რუსეთის ეკონომიკური გეგმებიც ამ გზებისკენ იყო მიმართული და კასპიის გზის უფრო ექსტენსიურ გამოყენებას ითვალისწინებდა¹²⁸. ამიტომ იჲარაუღებოდა, რომ საქართველოში სპარსეთის საქონელი მხოლოდ აზერბაიჯანიდან შემოვიდოდა და ისიც არა ტრანზიტის, არამედ ადგილობრივი მოხნარებისათვის. კასპიის ზღვა და ვოლგა რუსეთის გეგმებში ძირითადი მაგისტრალი უნდა ყოფილიყო სპარსეთთან ვაჭრობაში¹²⁹. რაც შეეხება საქართველოს, რუსეთი მას ევროპის აზიასთან დაკავშირების საუკეთესო საშუალებად იგვემავდა, ხოლო ამ გზით სპარსული საქონლის რუსეთში გატანა, კავკასიის მთიანეთში გზების იმდროინდელი მდგომარეობის პირობებში საესებით უპერს-

¹²⁵ ЦГВИА, ф. ВУА, д. 1841, л. 124.

¹²⁶ სესიო, ფ. 380, საქ. 14, 1808 წ. ფურც. 240—241.

¹²⁷ იქვე, საქმე 14, ფურც. 269.

¹²⁸ «Тифлисские ведомости» 1828, № 15.

¹²⁹ იქვე, 1829, № 47.

პექტივო ჩანდა: ამიტომ მეტად გულდასმითი დამკვირვებელი ს. ბრონევსკი გარკვევით აღნიშნავდა: სანამ კავკასიაში საიმედო გზები არ იქნება მოწყობილი, სახმელეთო ვაჭრობაზე ფიქრიც კი შეუძლებელიაო¹³⁰. ეს სიტყვები, რომელიც 20-იან წლებში იწერებოდა, კარგად ასახავს იმ ვითარებას, რომელსაც ამ მიმართებით მთელ განსახილველ პერიოდში ჰქონდა აღვილი. უკეთესი და უფრო მოსახერხებელი გზების არსებობის პირობებში საქართველოზე გავლით სპარსული საქონლის ტრანზიტს აზრი ეკარგებოდა.

მაგრამ ეს სიძნელეც რომ არ ყოფილიყო, არსებობდა სხვა იგარემოებაც, რომელიც ალბათ სავსებით გამოიჩინებოდა ამგვარი ვაჭრობის შესაძლებლობას. ეს იყო ქართული ფეოდალური საბაჟო სისტემა, რომელმაც, მართალია, საქართველოს რუსეთთან შეერთების შემდეგ გარკვეული ცვლილებები განიცადა, მაგრამ არსებითად ძველებური რჩებოდა, რაც სხვადასხვა ბაჟების იჯარით გაცემაში გამოიხატებოდა და, ამ საფუძველზე, ათასგვარ სირთულეებთან იყო დაკავშირებული. მართალია, საქართველო რუსეთის იმპერიის ნაწილი იყო, მაგრამ საქართველოში შემოსულ უცხოური ნაწარმი რუსეთში გატანისას კიდევ ერთხელ იბეგრებოდა. ამგვარი ვითარება გრძელდებოდა თითქმის მთელი განსახილველი პერიოდის (XIX ს. პირველი მესამედის) განმავლობაში. ყოველ შემთხვევაში, 1823 წლამდე, ხოლო 1826—1828 წლის ომების პერიოდში, ცხადია, ირანული საქონლის რაიმე შეღავათიან ვაჭრობაზე ლაპარაკი ზედმეტი იყო. სპარსეთის სავაჭრო ფენების წარმომადგენლები გაულისტანის ზავის საფუძველზე რუსეთში შეღავათიანი ვაჭრობის უფლებით სარგებლობდნენ და იბრძოდნენ კიდევაც იმისათვის, რომ ეს უფლებები პრაქტიკულადაც განეხორციელებინათ. საქართველოზე გავლით კი მათ სულ ცოტა ორმაგი (და შეიძლება მეტიც) ბაჟის გადახდა მოუწევდათ. ცხადია, ეს გარემოება ამგვარი საატრანზიტო ვაჭრობის არსებობას სრულიად უაზროს ხდიდა. მსგავსი მდგომარეობა იყო სხვა უცხოური საქონლის მიმართაც. ხელისუფლება განსაკუთრებულ სიმკაცრეს იჩენდა საქართველოდან რუსეთში უცხოური საქონლის გატანის საქმეში, რადგან აქ არ მოქმედებდა საერთო საიმპერიო საბაჟო წესები¹³¹.

¹³⁰ С. Броневский, Новейшие географические и статистические известия о Кавказе, ч. 1, М., 1823 с. 175.

¹³¹ სესია, ფ. 2, აღწ. 1, საქ. 175, ფურც. 260—261. მოზდოკის საბაჟოში ქართული საქონელიც მეტად მაღალი ბაჟით იბეგრებოდა. ვაჭართა საყვედურების

რასაკვირველბა, ყველაფერი ის, რაც ზემოთ ითქვა, არ გამოირჩევადა სპარსული თუ სხვა უცხოური საქონლის რუხეთში საქართველოს გზით შეტანას. ადგილობრივი ხელისუფლება სასტიკად ებრძოდა ფარული გზით საქონლის გაპარებას, მაგრამ თვით ეს ბრძოლა ხომ ამგვარი ფაქტების არსებობაზე მიუთითებს. იმის გამო, რომ საქონლს ზოგიერთი სახეობა მნიშვნელოვნად არ განსხვავდებოდა ადგილობრივისაგან, რაკი ბაყი და აქციზნი კანქეთში ერთად გაიქცემოდა იჯარით, ვაჭრები, როგორც ჩანს. გარკვეული გასამრჩელოს საშუალებით ახერხებდნენ, რათა მოიჭარეს შემოტანილ საქონელზე ადგილობრივი ნაწარმის აღმნიშვნელი ბეჭედი დაესვა.¹³² სახაზინო ექსპედიცია ამას თავგამოდებით ებრძოდა, მაგრამ ამგვარი ვითარების მთლიანად აღმოფხვრას მაინც ვერ ახარხებდა. როცა მსგავსი მაქინაციები აღარ გაუვიდათ, ვაჭრებმა ირანული საქონლის აღვლზე გადაკეთება (შეღებვა, მოჩითვა და სხვ.) დაიწყეს, რათა ადგილობრივისათვის დაემგვანებიათ, მაგრამ ჩქარა მათი ეს მაქინაციებიც გამომქლავდა.¹³³ ერთი სიტყვით, როგორც ჩანს, უცხოური საქონლის გაპარებას მაინც ჰქონდა ადგილი, მაგრამ პრაქტიკულად მას საერთო ქართულ ექსპორტში რაიმე არსებითი მნიშვნელობა არ უნდა ჰქონოდა და, რაც მთავარია, ძირითადად ეს უნდა ყოფილიყო ის საქონელი, რომელიც ქვეყანაში თავიდანვე შემოდიოდა არა გატანის, არამედ ადგილზე ფასალების მიზნით. ამდენად მისი გარკვეული ნაწილის ქვეყნის გარეთ გატანას შემთხვევითი ხასიათი ჰქონდა.

არსებული მასალები ადატურებენ, რომ რუსეთის სავაჭრო ცენტრებში შიშვალაი ვაჭრები საქართველოს სხვადასხვა კუთხის წარმომადგენლები არიან. გატანილი საქონელი საქართველოს სხვადასხვა ადგილებშია დამზადებული. ყველაფერი ეს ამკარად მიუთითებს იმ დადებით გავლენაზე რასაც რუსეთთან ვაჭრობა საქართველოს სოციალურ-ეკონომიკურ განვითარებაზე ახდენდა.

მიხედვით ეს ბაყი ზოგჯერ 100 % -საც კი აკარებდა, რაც საბაჟოს მოხელეთა თვითნებობას უნდა მიეწეროს. მაგრამ ოფიციალურად იგი ყოველ შემთხვევაში, გასული საუკუნის 10-იან წლებში 25%-ს უდრიდა, ЦГАДА. ფ. 276, оп. 3, д. 1868, л. 2—7. ჩვენ იმის ცნობებაც მოგვეპოვება რომ ირანული საქონელი პირიქით რუსეთიდან შემოდოდა საქართველოში. სცსია, ფ. 254, აღწ. 1. საქმე 962, ფურც. 478—479.

¹³² სცსია, ფ. 380, საქმე 15, 1809, ფურც. 193.

¹³³ იქვე, საქმე 15, ფურც. 240—241.

1804 წელს სახაზინო ექსპედიციაში საჩივარი შევიდა იმის თაობაზე, რომ სიღნაღელ ვაჭრებს თავიანთი საქონელი ანაწურით პირდაპირ რუსეთში მიჰქვით იმე, რომ თბილისში არ შემოდიან და აქ ბაჟს არ იხდიან¹³⁴. 1805 წელს ორმა ვაჭარმა სიღნაღლიდან დიდი რაოდენობით აბრეშუმი და ქსოვილები გააგზავნა მოზდოკში, რისთვისაც ბაჟი კახეთსა და თბილისში გადაიხადა. ახლა კი მოზდოკშიაც თხოვენ ბაჟს¹³⁵. კახეთში საქონელი წარმოება ბევრგან იყო განვითარებული. ერთ-ერთი ასეთი ცენტრი ველისციხე იყო. 20-იანი წლებიდან განსაკუთრებით ძლიერდება საქართველოდან ბანბის ნართის გატანა და ამ საქმეში, როგორც ჩანს, ველისციხელი ვაჭრებიც აქტიურობენ: 1822 წელს ველისციხელ ვაჭარს დავით მირონოვს რუსეთში დიდი რაოდენობით მიჰქვს ბანბის ნართი¹³⁶, ამგვარი საქონლის გატანას ადგილი აქვს კახეთის სხვა ადგილებიდან¹³⁷, გორიდან¹³⁸ და ა. შ. გორის მხარე (განსაკუთრებით ქალაქები გორი და ცხინვალი) საქართველოს პირობებში სავაჭრო-სამრეწველო განვითარების მაღალი დონით გამოირჩეოდა, ამიტომ სრულად ბუნებრივია, რომ აქ ვაჭართა ძლიერი ფენა არსებობდა, რომლის წარმომადგენლები რუსეთის ბაზრებზე შეტად მნიშვნელოვან კომერციებს აწარმოებდნენ. რუსული ხელისუფლების მიერ შემოღებული წესით გორელი, იმევე როგორც სხვა არათბილისელი ვაჭრები, იმისათვის რომ საქონელი რუსეთში წაეღოთ, ვალდებულნი იყვნენ ეს საქონელი ჯერ თბილისში შემოეტანათ და აქ გადაეხადათ შესაბამისი ბაჟი¹³⁹. ცხადია, ეს დიდ სირთულესთან იყო დაკავშირებული. გორელმა ვაჭრებმა დადი ბრძოლის შედეგად შიალწიეს ამ წესის შეცვლას და მათ ნება მიეცათ საქონელი უშუალოდ გორიდან გაეტანათ¹⁴⁰. ადგილობრივი წარმოების ქსოვილების რუსეთში გატანის არაერ-

¹³⁴ სსსა, ფ. 254, აღწ. 1, საქმე 21, ფურც. 189. საინტერესო დეტალი: ი. შოპენი თავის შენიშვნებში ლეგოპიტოვის ნაშრომზე «Обозрение российских владений за Кавказом» აღნიშნავს რომ სიღნაღელი ვაჭრები «ездят в Москву и на Нижегородскую ярмарку» — И. Шопен, Некоторые замечания..., с. 37.

¹³⁵ სსსა, ფ. 254, აღწ. 1, საქმე 95, ფურც. 266—267.

¹³⁶ იქვე, საქმე 702, 1822, ფურც. 60.

¹³⁷ იქვე, ფურც. 238.

¹³⁸ იქვე, ფურც. 60.

¹³⁹ სსსა, ფ. 380, საქ. 33, ფურც. 266.

¹⁴⁰ სსსა, ფ. 254, აღწ. 1, საქ. 828, ფურც. 129—135; იქვე, საქ. 131, ფურც. 498—499.

თი ფაქტია დადასტურებული აგრეთვე დუშეთიდან, ანანურიდან, ახალგორიდან და ა. შ.¹⁴¹.

ჩვენ განსაკუთრებით მნიშვნელოვნად გვეჩვენება ის ფაქტი, რომ რუსეთ-საქართველოს ვაჭრობაში საკმაოდ შესაძინეე როლს ასრულებდნენ დასავლეთ საქართველოს ვაჭრები და განსაკუთრებით ის, რომ აქაური საქონელი რუსეთის ბაზრებზე ფართო გატანის ობიექტი იყო. იმერული ნახევართავთა საქართველოდან გატანილი აბრეშუმის და ნახევრად აბრეშუმის ქსოვილებში ერთ-ერთ პირველ ადგილზე იდგა. იმერეთიდან რუსეთში გაჰქონდათ დარია, თავთა, ბეწვეული და სხვ. უკვე XVIII საუკუნის მეორე ნახევარში ჩანს დასავლეთ საქართველოს ვაჭართა ფენის აქტიური მონაწილეობა რუსეთთან საექსპორტო ვაჭრობაში. მაგალითად: 1780 წლის 14 ივლისს იმერეთიდან დიდძალი საქონლით შიმავალი ქართველი ვაჭრები დავით გავრილოვი, დავით ბეჟანიშვილი და ნადიპატაშვილი მოზდოკში წინვლამდე გაძარცვეს მთიელებმა¹⁴². იბერელი კათოლიკე ვაჭრები დიმიტრიევი და ელიზბაროვი საკმაოდ ფართო ვაჭრობას ეწევიან რუსეთში და უცხოეთში¹⁴³. მოზდოკში ვაჭრობენ ქუთაისელი სტეფანე გრიგორიევი და სტეფანე პეტროვსკი¹⁴⁴. 1805 წელს ქუთაისის მცხოვრებლები სტეფანე ქაიხოსროვი და ბერი გრიგორიევი რუსეთში მიდიან „ქართული“ და „იმერული“ საქონლით¹⁴⁵. 1806 წელს ქუთაისელმა კათოლიკემ პეტრე ბეჟანიშვილმა რუსეთში წაიღო დიდი რაოდენობის სხვადასხვა ბეწვეული, ქსოვილები, სავარცხლები, გიშერი, ვარდის და ნუშის ზეთი, ლეჩაქები და სხვ¹⁴⁶.

დასავლეთ საქართველოს პროდუქტთა რუსეთში თბილისელ, გორელ და თვით მოზდოკელ ვაჭრებსაც კი შიჰქონდათ. მაგალითად, მოზდოკელმა ვაჭარმა სტეფანე ბაღდასაროვმა საქართველოდან დიდი რაოდენობით სხვადასხვა ქსოვილის შორის 230 თოფი იმერული თავთაც წაიღო¹⁴⁷. თბილისელ მიხეილ სირაძეს სხვა საქონელთან ერთად რუსეთში იმერული ნახევართავთაც შიჰქვს¹⁴⁸.

¹⁴¹ სსსა, ფ. 254, აღწ. 1, საქმე 131, ფურც. 498—499.

¹⁴² Документы по взаимоотношению Грузии с Северным Кавказом, 1968, с. 222

¹⁴³ იქვე, გვ. 98.

¹⁴⁴ იქვე, გვ. 251—252; № 98, გვ. 250; № 96, გვ. 246; № 90.

¹⁴⁵ სსსა, ფ., 254, აღწ. 1, საქმე 91, ფურც. 272. ეს ვაჭრები ამჟამად ქართლის წარმოშობისანი არიან, მაგრამ საბუთებში მათი გვარები დამახინჯებულია.

¹⁴⁶ სსსა, ფ. 254, აღწ. 1, საქ. 131, ფურც. 443.

¹⁴⁷ სსსა, ფ. 254, აღწ. 1, საქმე 21, ფურც. 123.

¹⁴⁸ იქვე, ფურც. 492—493.

როგორც ვხედავთ, დასავლეთ საქართველოც აქტიურად მონაწილეობს იმ მნიშვნელოვან საქონელბრუნვაში, რომელსაც საქართველო მეზობელ ქვეყნებთან აწარმოებდა. ეს დასკვნა, რომელიც განხილული მასალიდან გამომდინარეობს, ჩვენ მეტად საგულისხმოდ გვეჩვენება. იგი აშკარად მიუთითებს იმაზე, რომ, მართალია დასავლეთ საქართველოს ვაჭრობა განახილველ ხანაში შედარებით ჩამორჩენილი იყო, მაგრამ მის განვითარებაში მაინც შეიმჩნეოდა მნიშვნელოვანი ძვრები.

ზემოთ აღნიშნული იყო, თუ რა კეთილისმყოფელ გავლენას ახდენდა საქართველოსა და რუსეთს შორის დარიალის ხეობით ვაჭრობა კავკასიის მთიელებზე. ამ გავლენის დადებითი მნიშვნელობა განსაკუთრებით აშკარად ჩანს საქართველოს იმ მოსახლეობის მიმართ, რომლებიც ამ გზით რაიონში ცხოვრობდნენ. საქონლის გადაზიდვაში აქტიური მონაწილეობა განსახილველ პერიოდში მათი შემოსავლის ერთ-ერთი მნიშვნელოვანი წყარო გახდა¹⁴⁹. რუსეთისაკენ მიმავალი ვაჭრები, როგორც ითქვა, ვზაზვე აქტიურ გაცვლა-გამოცვლას აწარმოებდნენ¹⁵⁰. დუშეთის მაზრის გლეხები აქტიურად ერეოდნენ თვით ვაჭრობაში, ხსნიდნენ დუქნებს, სადაც ნვზავერთათვის მომარაგებული ჰქონდათ სასმელი თუ საკვები პროდუქტები¹⁵¹. ვითარდება ხელოვნობის დარგები, განსაკუთრებით საქაოვი წარმოება. ისე, რომ გატანილ საქონელში ადგილობრივი პროდუქციაც მონაწილეობდა¹⁵². ამრიგად, მთის მოსახლეობა აქტიურად ებმეოდა არა მარტო საერთო საქართველოს საშინაო საქონელბრუნვაში, არამედ საგარეო საქონელმიმოქცევაშიც.

ყიზლარი, მოზდოკი, მით უმეტეს ასტრახანი თუ სხვა შედარებით ნაკლებმნიშვნელოვანი პუნქტები მარტო სავაჭრო ცენტრები არ ყოფილა. ვაჭრობის მალალმა განვითარებამ აქ ხელოსნობისა და მრეწველობის განვითარებასაც მისცა ბიძგი. ასტრახანის მოსახლეობის აღწერისას მ. ჩულკოვი აღნიშნავს, რომ აქ 175 „ფაბრიკაა“, რომლებიც „უპირატესად სომხებს ეკუთვნით. ხოლო მათში მზადდება ჩადრები და ზოლიანი ფარჩის სარტყლები, ნახევარაბრეშუმის ზოლიანი ფარჩა, ფართოზოლიანი და სადა ბამბის

¹⁴⁹ სესია, ფ. 16, საქ. 3272, ფურც. 223.

¹⁵⁰ სესია, ფ. 16, საქმე 702.

¹⁵¹ სესია, ფ. 16, საქ. 2921.

¹⁵² სესია, ფ. 3880, საქ. 20, ფურც. 233.

ჩადრები, ნაქსოვი სარტყლები, ქრელი ქსოვილები და ნარმები¹⁵³, როგორც ვხედავთ, აღნიშნული „ფაბრიკების“ პროდუქცია ხშირ შემთხვევაში იგივე იყო, რაც საქართველოში მზადდებოდა. ამდენად ბუნებრივია, რომ გატანილ საქონელში თანდათან წნიშვნელოვან ადგილს იკერდა ნედლეული: ბამბა და ბამბის ძაფი და, რაც განსაკუთრებით მნიშვნელოვანი იყო, საქსოვი დეკამები. როგორც აღნიშნული იყო მათ გატანას თითქმის მთელი განსახილველი პერიოდის განმავლობაში აქვს ადგილი. როგორც ვნახეთ, საქართველოდან სხვა შრომის იარაღებიც გაქონდათ. მაგალითად, საოქრომჭედლო მოწყობილობები და სხვ. უფრო ბაინტერესო ისაა, რომ ამ პუნქტებში დროებით თუ მუდმივ საცხოვრებლად არა მარტო ვაჭრები, არამედ ხელოსნებიც მიდიოდნენ. მაგალითად, ოქრომჭედლები, მეტყავეები, ხარაზები და ა. შ. მიდიოდა ისეთი ხალხიც, რომელსაც პროფესია საერთოდ არა ჰქონდათ მითითებული „სამუშაოდ“ (на заработки). მართალია, რაიმე ხელოსნური ტერმინი, ზედწოდება მაგალითად, — „ისაია და დაბალი“, ან სხვა ამგვარი, შეიძლება გვარან მაგიერ იხმარებოდეს, ხოლო მისი მატარებელი ხელოსანი კი არ იყვის, არამედ ვაჭარი. ან გავაჭრებული ხელოსანი, მაგრამ არც ის უნდა იყოს გამორიცხული, რომ აღნიშნულ პუნქტებში ქართული ტიპის სახელოსნო თუ უფრო მსხვილი საწარმოების მოწყობასაც ჰქონდა ადგილი.

ამრიგად, გასული საუკუნის პირველ მესამედში საქართველოს რუსეთთან ვაჭრობა განუხრელად იზრდებოდა. ეს აღწავლობა განპირობებული იყო საქართველო-რუსეთის პოლიტიკური დამოკიდებულებას ხასიათით და ეკონომიკური ურთიერთდანიტერესებულობით. ვაჭრობას ორმხრივი ხასიათი ჰქონდა. მართალია, ვაჭრობის ბალანსი ერთნაირი არ ყოფილა, შესაძლებელია შემოტანილი საქონლის ღირებულება ქარბობდა გატანილს, მაგრამ

¹⁵³ М. Ч у л к о в, დასახ. ნაშრომი, წ. II, ტ. II გვ. 458. საინტერესოა ის საწარმოო ურთიერთობა, რომელიც ჩუღოვის აღწერით აღნიშნულ „ფაბრიკებში“ მყარდება: «... работу производят на них бедные астраханские жители, которые имели несчастье сделаться армянам должниками и по причине неумеренных процентов, какне берут армяне, приведены будучи в несостояние с ними расплатиться, принуждены идти к ним в работу на их фабрики. Однако вступая в оную не только не зарабатывают забранных ими денег, но еще хитростью хозяев в большене заходят долги, которые часто даже на детей несчастных работников переносятся и приводят целые семьи в рабство к лукавым армянам. В сем состоянии многие у них из русских и других теперь находятся...» და სხვ. — იქვე.

უცხოებელი ფაქტია გატანილი პროდუქციის ერთობ სავულის-
ხმო მასშტაბები და მისი ოდენობის სისტემატური ზრდა. თუ სა-
ქართველოს რუსეთთან შეერთების პირველ წლებში გატანილ სა-
ქონელში უპირატესი ადგილი ნედლ და ამოხვეულ აბრეშუმს,
სხვა-სხვა ბეწვეულსა და ტყავეულს ეკავა, თანდათან ძლიერდება
და განსახილველი პერიოდის შუა ხანებისათვის უპირატეს ადგილს
ბამბეულისა და სხვა ადგილობრივი ქსოვილების გატანა იკავებს.
20-იანი წლებიდან მოყოლებული, რუსეთის საფეიქრო მრეწვე-
ლობის ზრდის პარალელურად თანდათან ძლიერდებოდა საქარ-
თველოდან ნახევარფაბრიკატის, ბამბეულის ნართის გატანა. სა-
ქართველოსა და რუსეთს შორის როგორც შემოტანითი, ისე გა-
ტანითი ვაჭრობა ძირითადად ქართული სავაჭრო კაპიტალის წარ-
მომადგენელთა მეშვეობით წარმოებდა. მიუხედავად მთავრობის
არაერთი ღონისძიებისა, რუსული სავაჭრო კაპიტალის დიანტე-
რება ამიერკავკასიის ვაჭრობისადმი საკმაოდ უმნიშვნელო იყო.
რუსეთთან ვაჭრობა კეთილსმყოფელ გავლენას ახდენდა ქვეყნის
სოციალურ-ეკონომიკურ განვითარებაზე. ვაჭრობაში აქტიურად
ერეოდა საქართველოს თითქმის ყველა სავაჭრო-სამრეწველო
ცენტრი. სავულისხმო იყო ამ ვაჭრობაში დასავლეთ საქართველოს
ვაჭართა ფენისა და პროდუქციის მონაწილეობა. რუსეთთან ვაჭ-
რობა კეთილსმყოფელ გავლენას ახდენდა აგრეთვე საქართვე-
ლოს იმ მდებარეობის პროვინციებზე, რომლებაც სავაჭრო მაგის-
ტრალის წილამოებში მდებარეობდნენ.

თუ რამდენად ცნობილი იყო საქონელმომოქცევა და სახაჭონ-
ლო ურთიერთობა რუსეთსა და საქართველოს შორის, ამასზე, ჩვენი
აზრით, კარგად მგტყველებს 1816 წლის ერთი საბუთი. ამ წელს
ვაჭრებმა მიხილ საჩაჩიშვილმა, იაგორ ქეთხულოვმა, ივანე თა-
მამშევმა, გაბრიელ კუზნოვმა, ივანე მნაცაკანოვმა, ზაქარია აქი-
მოვმა და სხვებმა საჩივარი შეიტანეს სახაზონო ექსპედიციასში,
რომ რუსეთიდან ფულს და კორესპონდენციებს ერთობ დაგვიანე-
ბით ვიღებთო. გამოიჩევა რომ კორესპონდენციები და ფული მოზ-
დოკის კარანტინში ყოვნიდებოდა. კარანტინის უფროსმა ეს გარე-
მოება იმით ახსნა, რომ გზაზე თავდასხმებმა საშიშროებაა და
ამიტომ ძლიერ ბაღრაგს ველოდებითო. მაშინ აღნიშნულმა ვაჭრე-
ბმა განაცხადეს, რომ კორესპონდენციები და ფული ჩვენ დროზე
უნდა მივღოთ და თუ რაიმე უბედური შემთხვევა მოხდება, ჩვენ
თანახმანი ვართ ზარალი ჩვენ თავზე ავიღოთ და ანაზღაურება არ

ვითხოვოთ!¹⁵⁴. ჯერ ერთი, აშკარაა, რომ ეს ვაჭრები რუსეთში თავიანთი წარმომადგენლების მეშვეობით ვაჭრობდნენ და რეგულარულად უგზავნიდნენ მათ საქონელს, ე. ი. საქონლის მიწოდებელნი იყვნენ; 2. რუსეთიდან იღებდნენ ფულს და არა საქონელს; 3. საქონელს აგზავნიდნენ პარტიობით რუსეთის ბაზრის მოთხოვნილების კვალობაზე, ამიტომ მათი ღირებულების დაკარგვა ტრაგედია არ იყო; 4. საქონლის ოპერატიულად მიწოდებას იმდენად დიდი მნიშვნელობა ჰქონდა, რომ ზარალს რისკი გამართლებული იყო.

6. შელავათიანი ბრანზიტი და მისი ბავლინა ჟეჟენის მონოპოლიაზე

საქართველოს რუსეთთან შეერთების პირველმა ორმა ათეულმა წელმა რუსეთის ხელისუფლება დაარწმუნა, რომ ამიერკავკასია მას ვერ აძლევდა წინასწარნავარაუდევ და დაგეგმილ სარგებელს. რუსული სავაჭრო კაპიტალი ამიერკავკასიით დაინტერესებას ნაკლებად იჩენდა. მართალია, ვაჭრობა შემოერთებულ რეგიონთან ინტენსიურად მიმდინარეობდა და ბალანსიც თითქოს რუსეთის საარგებლოდ ნეტყველებდა, მაგრამ ეს სარგებლიანობა ზოჩვენებითი იყო. ჯერ ერთი იმატომ, რომ ამ ვაჭრობით ძირითად მოგებას ადგილობრივი სავაჭრო კაპიტალის წარმომადგენლები ნახულობდნენ. მეორეც იმიტომ, რომ ვაჭრობის მეშვეობით საქართველოდან რუსეთში სულ 250 000 მანეთი შედიოდა, დანარჩენი ოდენობის რუსული საქონლის შექმნა ადგილობრივი საქონლის საფასურით ხდებოდა. ამავე დროს, მართალია, რუსეთიდან საქართველოში დიდი რაოდენობის პროდუქცია შემოდებოდა, მაგრამ ბუნებრივია, რომ იგი მთლიანად რუსული ვერ იქნებოდა. როგორც ვნახეთ, რუსეთი საქართველოში ევროპული საქონლის შემოტანის ერთ-ერთი ძირითადი რეგიონი იყო. ამავე დროს ხაზინას საქართველოში დაბანაკებული ჯარის ნაწილებს შესანახავად ყოველწლიურად 600 000 მანეთი ვერცხლითა და 187 000 მანეთი ასიგნაციით შემოტანა უხდებოდა. ამ თანხის მნიშვნელოვანი ნაწილი მინავაჭრობის მეშვეობით ადგილობრივი სავაჭრო კაპიტალის წარმომადგენელთა ხელში გადადიოდა და იმის გამო, რომ ქართველ ვაჭრებს უცხოეთთან ვაჭრობის ბალანსი თანაბარი არ ჰქონდათ,

¹⁵⁴ სესია, ფ. 2, აღწ. 1, საქმე 437, ფურც. 186—187.

ხოლო აღმოსავლეთის ქვეყნებში ვაჭრობა მხოლოდ ლითონის ფულთა წარმოებდა, საქართველოდან ადგილი ჰქონდა მწმუნელოვანი რაოდენობის ლითონის ფულის იმპერიის გარეთ დენადობას¹⁵⁵.

რუსეთმა ირანის ბაზარზეც მარცხი განიცადა. ოსტ-ინდოეთის კომპანია არამცთუ იქ ავიწროებდა რუსულ საქონელს, არამედ გულიტანის ზავის საფუძველზე ირანული საქონლის რუსეთში წელავათიანი ვაჭრობის დაშვების გზით, თვით რუსეთშიც მნიშვნელოვანი რაოდენობის ინგლისური ფაბრიკატი იჭრებოდა, რომელიც საგანგებოდ ირანისათვის მზადდებოდა და შენიღბულად რუსეთში ირანული პროლექციის მარკით შემოდიოდა¹⁵⁶. მაგრამ ირანსა და საერთოდ აღმოსავლეთში ინგლისური კაპიტალის წარმატებები მარტო რუსეთს არ აღიზიანებდა. უეროპის დიდი სახელმწიფოები — გერმანია და განსაკუთრებით საფრანგეთი, უკვე X.VIII საუკუნიდან მოყოლებული ეძებდნენ გზებს (მშვიდობიანს თუ საომარს), რათა აღმოსავლეთის ბაზრებზე ინგლისის ბატონობა შეეზღუდათ. ამ თვალსაზრისით XIX საუკუნის მეორე ათეულში მათი ყურადღება სულ უფრო მეტად ამიერკავკასიაზე ჩერდებოდა, როგორც ირანთან და აღმოსავლეთთან საევაქრო ტრანზიტის ხელსაყრელ რეგიონზე, რადგან გზა თურქეთზე გავლით ამ ქვეყანაში არსებული ხშირი შინაომების, ადგილობრივი ხელისუფლების სისუსტისა და სხვა დამაბრკოლებელი გარემოებების გამო, მათ აღარ აკმაყოფილებდათ¹⁵⁷.

ასეთ ვითარებაში რუსეთის საევაქრო პოლიტიკის შესვეურებში, როგორც ჩანს, თანდათანობით ყალიბდება აზრი აღმოსავლეთის ბაზარზე ინგლისის პეგემონიის წინააღმდეგ ბრძოლაში ფრანგული და გერმანული კაპიტალის აქტიური გამოყენებისა. როგორც ვნახეთ, რუსეთი საქართველოს შეერთების პირველ წლებშივე გეგმავდა შავსა და კასპიის ზღვებს შორის სატრანზიტო ვაჭრობის განვითარებას; მაგრამ იმ დროს, როცა ამიერკავკასიის ბევრი სამთავრო თუ სახანო ჯერ კიდევ მთლიანად თუ ნაწილობრივ

¹⁵⁵ АКАК, т. V, № 296, გვ. 238. ეს მონაცემები ამოღებულია ოფიციალური წყაროდან, ე. ი. შედგენილია ოფიციალურად დაფიქსირებული მონაცემების საფუძველზე, ამდენად მასში ვერ აისახებოდა მალულად (უბაჟოდ) შეტანილი საქონლის დირებულება. ამის გამო ფაქტიური სურათი რუსეთის ვაჭრობისათვის გაცილებით სავალლო იქნებოდა.

¹⁵⁶ პ. გ უ გ უ შ ვ ი ლ ი, დასახ. ნაშრ., გვ. 143.

¹⁵⁷ იქვე, გვ. 143.

დამოუკიდებლობას ინარჩუნებდა, როცა რუსეთს ჯერ კიდევ საბოლოოდ არ ჰქონდა განმტკიცებული ამ რეგიონში პოლიტიკური ბატონობის პოზიციები, როცა მას ჯერ კიდევ არ შეეძლო მთელი ყურადღება ეკონომიკური ხასიათის საკითხებზე გადაეტანა და ამდენად იგი მისთვის მაინც მეორეხარისხოვნად რჩებოდა, როცა თვით რუსული ბურჟუაზიის განვითარების მოთხოვნები ჯერ კიდევ არ აყენებდა აქტიური კოლონიური ეკონომიკური პოლიტიკის გატარების აუცილებლობას, ამ გეგმებს განხორციელება სათანადოდ მომწიფებული არ იყო.

20-იანი წლებისათვის მდგომარეობა შეიცვალა. რუსეთმა ძირითადად შემოიერთა ამიერკავკასიის პროვინციების დიდი ნაწილი, ირანი და თურქეთი იძულებული გახდნენ ამ რეგიონში მისი პოლიტიკური ბატონობა ეცნოთ. რუსეთის მრეწველობის სწრაფი აღმავლობის ტემპები მისთვის ახალი ბაზრების საჭიროებისა და ათვისების შესაძლებლობას პერსპექტივებს სახავდა. რუსეთის მზარდი მრეწველობისათვის ამიერკავკასია ნედლეულის ბაზა უნდა გახდარიყო, მაგრამ ეს ზამინ მოხდებოდა, როცა ამ ნედლეულის მოპოვება და დამუშავება სწორედ ამ მრეწველობის მოთხოვნილების შესაბამისად (ხარისხიან თუ ოდენობის მიხედვით) იწარმოებდა. შემოერთებული რაიონების შემომტკიცება რუსეთის მთავრობისათვის აქ რუსული ელემენტის გაძლიერებას მოითხოვდა, ხოლო ამისათვის ქვეყნის ევროპეიზაცია იყო საჭირო. ყველაფერმა ამათ, ახალი ძალით დააყენა დღის წესრიგში შავსა და კასპიის ზღვებს შორის სავაჭრო მაგისტრალის განმტკიცების და ამ მაგისტრალზე ევროპასა და აზიას შორის ვაჭრობის გაღმობიების საკითხი.

ამეთი იყო ვითარება, როდესაც (1821 წლის ოქტომბერში) რუსეთის ხელისუფლებამ ამიერკავკასიაში შეღავათიანი ტრანზიტით დააწესა. რუსეთის ხელისუფლება ვარაუდობდა, რომ აღნიშნული ტრანზიტის მეშვეობით ამიერკავკასიის გზით მოახერხებდა კონტინენტური ევროპის ფაბრიკული საქონლის ირანში მოზღვაობას, აქ კონკურენტულ ბრძოლაში ინგლისური საქონლის დამარცხებას, ამიერკავკასიის ბაზრის გაწმენდას ადგილობრივი და აღმოსავლური საქონლისაგან, ევროპული ვაჭრობის გავრცელებას და შესაბამისი გემოვნების განვითარებას, ნედლეულის პირველადი დამუშავების მრეწველობის განვითარებას, ერთი სიტყვით,

შვეიცნიის ეკონომიკის მომზადებას ახალი ტიპის კოლონიური პოლიტიკის გატარებასათვის¹⁵⁸.

კანონი შეღავათიანი ტრანზიტის შესახებ 1822 წლიდან შევიდა ძალაში. ამ კანონით უცხოეთიდან საქართველოში შემოტანილი ყოველგვარი საქონელი შეღავათიანი — 5% ბაჟით იბეგრებოდა. მაგრამ იმის გამო, რომ აღნიშნული საქონელი საფინანსო კონტროლს არ ექვემდებარებოდა, ფაქტურად გაცილებით დაბალი გამოსაღებით შემოდიოდა¹⁵⁹. ვაჭრებს, რომლებიც ათი წლის ჯანმავლობაში საქართველოში სავაჭრო სახლებს მოაწყობდნენ და ბითუმად ვაჭრობას აწარმოებდნენ, პირველი გილდიის წოდება ენიჭებოდათ და ტრანზიტის ვადის განმავლობაში შესაბამისი გადასახადისაგან თავიუფლდებოდნენ. უცხოელებს უფლება ეძლეოდათ შეეძინათ მამულები, მოეწყოთ საწარმოები და ა. შ. მთავრობა კარულობდა ტრანსპორტის უშიშროების გარანტიას. ტრანზიტის მთელ გზაზე შვიდან კასპიის ზღვამდე¹⁶⁰ და ა. შ. ამგვარ პირობებს არ შეეძლო ევროპელი საქმოსნების ყურადღება არ მიექცია. მით უმეტეს, რომ აღნიშნული ტრანზიტის სარგებლიანობისა და სიკეთის შესახებ აქტიურ აგრიტაციას ეწეოდნენ ევროპული კაპიტალის გამოცდილი წარმომადგენლები, რომლებიც სამშობლოში სხედანსხვა მიზეზებით ხელმოცარულნი კავკასიაში უძებნდნენ გამდიდრების საშუალებას და აღნიშნული ტრანზიტის დაარსების ინიციატორებადაც გამოდიოდნენ¹⁶¹.

ამის საფუძველზე უკვე 1822 წელს საქართველოში უცხოური საქონლის შემოტანა წინა წელთან შედარებით დაახლოებით

¹⁵⁸ შეღავათიანი ტრანზიტის ისტორია და მიმდინარეობა საკმაოდ დაწვრილებითაა აღწერილი ჩვენს ისტორიულ-ეკონომიკურ ლიტერატურაში... (პ. გ უ გ უ შ ვ ი ლ ი, შეღავათიანი ვაჭრობა საქართველოში...; მ ი ს ი ვ ე, საქართველოსა და ამიერკავკასიის ეკონომიური განვითარება XIX—XX სს., ტ. 1, თბ., 1948; ა ბ ე ლ კ ი კ ვ ი ძ ე, საქართველოს ისტორია (XIX ს.), თბ., 1954, ე. ო რ ჯ ო ნ ი კ ი ძ ე ვაჭრობა და ვაჭართა ფენა რეფორმამდელი ხანის საქართველოში, თბ., 1975; მ. ე ფ რ ე შ ი ძ ე, საქართველოს ვაჭრების როლი ამიერკავკასია-ჩრდილოეთ რუხის ევროპული საქონლით მომარაგების საქმეში შეღავათიანი ტრანზიტის მოქმედების პერიოდში (1821—1831); ნ. ბარათაშვილის სახელობის გორის პედაგოგიური ინსტიტუტის შრომები, ტ. VIII, 1963, გვ. 199 და სხვ.), ამიტომ ჩვენ თავს ნებავთ მივცემთ ამ საკითხებს მხოლოდ ძირითად შტრიხებში შევეხოთ.

¹⁵⁹ ა ბ ე ლ კ ი კ ვ ი ძ ე, დასახ. ნაშრ., გვ. 214.

¹⁶⁰ პ. გ უ გ უ შ ვ ი ლ ი..., ტ. 1, გვ. 144—145.

¹⁶¹ იქვე, გვ. 140.

120%-ით გაიზარდა, ხოლო 1823 წელს 1821 წელთან შედარებით, დაახლოებით 217%-ით¹⁶².

მაგრამ ჩქარა უცხოელ კომერსანტებს საქართველოში სატრანზიტო მავისტრალისადმი ნდობა დაეკარგათ. საქმე იმაში იყო, რომ რუსეთის ხელისუფლებამ ვერ შეასრულა ის დაპირებები, რომელსაც იგი ასე საზეიმოდ აძლევდა უცხოელ ვაჭრებს ამიერკავკასიის გზის უსაფრთხოების შესახებ. 1828 წელს ირანში მიმავალი ფრანგი ვაჭრის—ზიგფრიდის დიდი ქარავნის გაძარცვის ამბავი ჩქარა გავრცელდა მთელს ევროპაში¹⁶³. უცხოელი ვაჭრების დიდ უკმაყოფილებას იწვევდა ბაქოს საკითხიც. როცა მთავრობა შეღავათიანი ტრანზიტის ძალით უცხოურ საქონელზე 5% ბაქს აწესებდა, ცხადია, იგულისხმებოდა, რომ ტრანზიტის მთელ მაგისტრალზე ვაჭრები ყველა სხვა გამოქალაქისაგან თავისუფლებოდნენ, ე. ი. ხაზინას დაუყოვნებლოვ უნდა გაეუქმებინა ყველა შინასაბაჟო გამოსაღებები, რომლებიც საქართველოში ჯერ კიდევ ძალაში იყო და იქარა-შესყიდვის წესით გაიცემოდა კერძო პირებზე. ჩვეულებრივ პირობებში ეს ასეც მოხდებოდა მაგრამ ტრანზიტის ძალაში შესვლის პირველი წლიდანვე დაიწყო ბრძოლა მის წინააღმდეგ. 1824 წელს იმპერიის ფინანსთა მინისტრის პოსტი კანკრანმა დაიკავა, რომელიც ტრანზიტის სასტიკი მოწინააღმდეგე იყო. 1824 წელს იგი საქართველოს მთავარსარდალს ფრმოლოვს აცნობებდა იმ უკმაყოფილების შესახებ, რასაც ამიერკავკასიის ტრანზიტი რუსეთის კომერციულ წრეებში იწვევდა¹⁶⁴. ასეთ ვითარებაში მთავრობა ფაქტიურად უყურადღებოდ ტოვებდა უცხოელი ვაჭრების პროტესტებს იმის შესახებ, რომ მათ მიერ შემოტანილი საქონელი გამოცხადებულზე გაცილებით მაღალი ბაჟით იბეგრებოდა. უკვე 1822 წელს, როგორც ჩანს, ადგილობრივი ვაჭრების მაჩივრის საფუძველზე ეროლოვი გურუეს აცნობებდა, რომ სპარსეთიდან შემოტანილ საქონელზე ბაქს ორჯერ იღებდნენ, საქართველოში შემოტანისას და საქართველოდან რუსეთში გატანისას¹⁶⁵, იქვე განმარტავდა, ამას იმისთვის გაცნობებთ, რომ ირანული საქონლს ორმაგმა დაბეგვრამ შეიძლება ირანში რუსუ-

¹⁶² პროცენტები ჩვენ მიერ გამოყვანილია პ. გუგუშვილის დასახელებულ ნაშრომში მოტანილი მონაცემებიდან — იხ. დასახ. ნაშრ., გვ. 120, 185.

¹⁶³ აქტები, VI, I, № 365, გვ. 268; პ. გ უ გ უ შ ე ი ლ ი, დასახ. ნაშრ., გვ. 178.

¹⁶⁴ აქტები, VI, № 280; ე. ო რ ჯ ო ნ ი ძ ი ე, დასახ. ნაშრ., გვ. 45.

¹⁶⁵ იქვე, ტ. VI, № 272, გვ. 217.

ლი საქონლის მიმართაც საპასუხო რეაქცია გამოიწვიოს¹⁶⁶. ირანის ბაზრის საკითხით რუსეთი ძირეულად იყო დაინტერესებული. ევროპის მიმართ კი იგი გულგრილი იყო და ამიტომაც ფაქტიურად უყურადღებოდ იქნა დატოვებული იამბაზა წერილი ერმოლოვისადმი, ავტორი აცნობებდა: უცხოელი ვაჭრები ირანში მისვლამდე 3-ჯერ იბეგრებიან: ჯერ ნავსადგურში 5%-ით, შემდეგ სამეგრელოსა და იმერეთში — 3%-ით, ხოლო ახლა თბილისში კვლავ 2%-ით¹⁶⁷. 1812 წელს კახეთის საბეჭდო მოსაყრების შემსყიდვებმა მთავრობაში იჩივეს, თუ უცხოურ საქონელზე ბაჟის აღების უფლებას არ მოგვცემთ, ჩვენ იჭარაზე უარს ვამბობთო. დიდი მსჯელობის შემდეგ მათ ფაქტიურად ამგვარი ბაჟის აღება დაუკანონეს¹⁶⁸.

ამდენად, შეღავათიანმა ტრანზიტმა ქართულ შინასაბაჟო სისტემაზე და იჭარა-შესყიდვის წესზე რაიმე არსებითი გავლენა ვერ მოახდინა, იგი არ შეცვლილა. ყოველივე ამას არ შეიძლებოდა უცხოელი ვაჭრების გულგრილობა არ გამოეწვია და ანეც მოხდა. მაგრამ ამასობაში ევროპასთან ვაჭრობით დაინტერესდა და თანდათანობით გააქტიურდა ადგილობრივი სავაჭრო კაპიტალი.

შეღავათიანი ტრანზიტი ადგილობრვ ვაჭრებს მნიშვნელოვან პრივილეგიებს ანიჭებდა. ჯერ ერთი იმით, რომ უცხოელებს საქართველოს ტერიტორიაზე აკრძალული ჰქონდათ ცალობით ვაჭრობა. ასე რომ, ეს დარგი თავიდანვე ადგილობრივი ვაჭრების ხელში დარჩა და, ბუნებრივია, მათთვის მნიშვნელოვანი მოგების წყაროდ იქცა. კანონის ძალით საბითუმო ვაჭრობაში ჩაბმულები გილდიური გადასახადისაგან და პირადი ბეგარებისაგან თავისუფლდებოდნენ, მათ შორის საბინაო ბეგარისაგან, რომელიც მაშინ საკმაოდ მძიმე ტვირთად აწვა განსაკუთრებით თბილისის მოსახლეობას. შეღავათები ფაქტობრივად ადგილმამულის შექენაში, სადავრო თუ სამრეწველო დაწესებულებების მოწყობაში¹⁶⁹ და ა. შ.

საცალო შინაავაჭრობაში მიღებულმა პრაქტიკამ ქართველ ვაჭრებს ჩქარა უფრო ფართო კომერციებისაკენ უბიძგა. უკვე 1823 წელს სარაჯიშვილს ოდესიდან 100 000 მანეთის საქონელი შემოაქვს, ხოლო შემდეგ წელს იგი სხვა 5 ვაჭართან ერთად უკვე ლაიფციგის

¹⁶⁶ АКАК, т. VI, № 272, гл. 217.

¹⁶⁷ იქვე, გვ. 219. № 275.

¹⁶⁸ სცსია, ფ. 254, აღწ. 1, საქმე 924, ფურც. 679.

¹⁶⁹ პ. გ უ გ უ შ ი ლ ი, დასახ. ნაშრ., გვ. 144—145.

ბაზრობაზე 600.000 მან. (ასიგნ.) საქონელს იძენს¹⁷⁰. შემდეგი წლებისათვის თბილისელი ვაჭრების კომერციები ევროპის ბაზარზე განუხრელად იზრდება. მაგალითად, 1828 წლისათვის 23 თბილისელი ვაჭრის მიერ უცხოეთიდან შემოზიდულმა ევროპულმა პროდუქციამ 4 400 000 მანეთის ღირებულებას მიაღწია და საერთოდ, საქართველოში შემოტანილი უცხოური საქონლის 67 % შეადგინა¹⁷¹. თუ მოვიგონებთ, რომ საქართველოში შემოტანილ უცხოურ საქონელში დიდი რაოდენობით არაევროპული საქონელიც იყო, გასაგები გახდება, რომ შეღავათიანი ტრანზიტის მოქმედების მეორე ნახევარში ევროპასთან ვაჭრობა ძირითადად ქართული სავაჭრო კაპიტალის მეშვეობით ხდებოდა. ეს დასკვნა უფრო მისაღები იქნება, თუ გავითვალისწინებთ იმ გავლენას, რომელიც ადგილობრივი სავაჭრო კლასის წარმომადგენლებს ევროპის დიდ ბაზრობებზე ჰქონდათ. მაგალითად, 1827 წელს, «Коммерческая газета» ლაიფციგიდან შემდეგი შინაარსის ინფორმაციას აქვეყნებდა: „თბილისელი ვაჭრები წელს ლაიფციგში არ გამოჩენილან. აქ შიშობენ, რომ ისინი აწი ჩვენთან აღარ ივლიან, ხოლო თავისთვის საქონელს შეიძენენ საფრანგეთში, განსაკუთრებით აბრეშუმისას თვითონ ლიეჟში“¹⁷². იგივე გაზეთი უკვე მომდევნო (1828) წელს შემდეგ ცნობას აწვდის დაინტერესებულ მკითხველს: „ლაიფციგი 16 იანვარი. ახალი წლის იარმარკა ასევე უმნიშვნელო იყო... იგი ცოტა გამოაცოცხლა თბილისიდან 14 ვაჭრის ჩამოსვლამ, რომლებმაც თითქმის 800.000 ტალერის საქონელი შეიძინეს, როგორცაა: მოჩითული საქონელი მერინოსი — 80 000 ტალერისა, წითელი და მოჩითული შვეიცარიული ბამბის ნაწარმი—40 000 ტალერისა, ინგლისური ჩითი 20000 თოფი—120000 ტალერისა, დიდი რაოდენობის შოტლანდიური და ინგლისური სხვადასხვა საქონელ—200000 ტალერისა,

¹⁷⁰ მ. ე ფ რ ე შ ი ძ ე, საქართველოს ვაჭრების როლი ამიერკავკასია-ჩრდილოეთ ირანის ევროპული საქონლით მომარაგების საქმეში, შეღავათიანი ტარიფის მოქმედების პერიოდში (1821—1831), ნ. ბართაშვილის სახ. გორის სახელმწიფო პედაგოგიკის შრომები, XIII, 1963, გვ. 119; ე. ო რ ჯ ო ნ ი კ ი ძ ე, ვაჭრობა და ვაჭართა ფენა საქართველოში XIX ს. რეფორმამდელ ხანაში, გვ. 39. აქვე უნდა შევნიშნოთ, რომ არ არის სწორი მოსაზრება, თითქოს ისეთ ვაჭრებს, როგორც იყვნენ სარაჭიშვილი, ზუბალაშვილი, თამაშვეი და სხვ. თავიანთი კაპიტალი შეღავათიანი ტრანზიტის პერიოდში დაუგროვებინოთ. როგორც ვნახეთ, ისინი ტრანზიტამდეც მეტად ფართო მასშტაბის ვაჭრობასა და მოიჯარეობას ეწეოდნენ.

¹⁷¹ აღნიშნული პროცენტი ჩვენ გამოვიყვანეთ პ. გუგუშვილის, ე. ო რ ჯ ო ნ ი კ ი ძ ის და მ. ეფრემიძის დასახელებულ ნაშრომებში მოტანილი მასალებიდან.

¹⁷² «Коммерческая газета», 1827, № 91.

ინგლისური მერიონის 200 000 ტალერისა და საქონური ნაშური 15 000 თოფი—90000 ტალერისა. როგორც ჩანს, ისინი კიდევ შეისყიდიან აბრეშუმის საქონელს¹⁷³ 1829 წელს თბილისელ ვაჭრებს ლაიფციგის ბაზრობაზე 700 000 ტალერის ღირებულების საქონელი შეუძენიათ¹⁷⁴.

შელაგათიანმა ტრანზიტმა რუსი ვაჭრების სასტიკი პროტესტი გამოიწვია. ჩვენ არაერთჯერ აღვნიშნეთ, რომ რუსეთის სავაჭრო კაპიტალის წარმომადგენლები ცხოველ დაინტერესებულნი არ იყვნენ საქართველოსთან ვაჭრობისადმი. ეს გამოთქმა აშკარად არაზუსტია. რუსი ვაჭრები დაინტერესებულნი არ იყვნენ საქართველოში და ამოქრეკავსიაში ვაჭრობისადმი, ისინი ინიციატივას არ იჩენდნენ თვითონ უშუალოდ ეწარმოებინათ ეს ვაჭრობა, მაგრამ ქართველი ვაჭრები რუსეთის ბაზრობებზე იჭაურ ვაჭარ-მრეწველებსათვის მეტად სასურველი პარტნიორები და საქონლის გამსაღებლები იყვნენ. ტრანზიტმა ან საერთოდ ჩამოაცილა ადგილობრივი ვაჭრები რუსულ ბაზრებს, ან კიდევ მათ მიმოსვლას ცალმხრივი ხასიათი მისცა, ე. ი. ადგილობრივი ვაჭრები რუსულ ბაზრობებზე, ადგილობრივ საქონელს ყიდდნენ, ხოლო ამოღებული ფულით რუსულ საქონელს კი არ ყიდულობდნენ, არამედ ლითონის ფული გაჰქონდათ საზღვარგარეთ და იქიდან ევროპული პროდუქტად შემოჰქონდათ¹⁷⁵. ამოქრეკავსიის გზით ირანში შესულმა დიდძალმა ევროპულმა იაფმა და მალაზხარისხოვანმა საქონელმა რუსული საქონელი შეავიწროვა თვით ჩრდილოეთ ირანის ბაზრებზეც კი¹⁷⁶. უფრო მეტიც, იმის გამო, რომ 1821 წლიდან რუსეთში მკაცრი მფარველობითი ბაჟები მოქმედებდა, რუსულ ბაზარზე ევროპული საქონლის ერთგვარი შიშვლილი შეინიშნებოდა. საქონლის ამგვარი ნაკლებობის ვითარებაში, იმდროინდელი საბაჟოების მდგომარეობას, გზების თავისებურებებს და მოხვლეთა ანგარებას თუ გავითვალისწინებთ, ცხადი გახდება, რომ ამოქრეკავსიის გზით ევროპული საქონელი რუსეთში შეღწევას აღვილად მოახერხებდა¹⁷⁷. 1827 წლიდან, რუსეთ-თურქეთის ომის დაწყებასთან დაკავშირებით, რადვან საქართველოს სანაპიროებზე

¹⁷³ «Коммерческая газета». 1828, № 25 იანვარი, № 7.

¹⁷⁴ газ. «Тифлиссские ведомости», 1929, № 29.

¹⁷⁵ «Коммерческая газета», 1829, № 31.

¹⁷⁶ ბ. გ. უ. შ. ვ. ი. ლ. დასახ. ნაშრ., გვ. 228.

¹⁷⁷ იქვე.

გეზით მგზავრობა სახიფათო შეეჩნა, საქონლის ტრანზიტით ოდესიდან სახმელეთო გზით ხორციელდებოდა (ოდესა — მოზდოკი — თბილისი). უნდა ვივარაუდოთ, რომ ასეთ ვრცელ გზაზე ვაჭრებს საშუალება ექნებოდათ შექმნილი საქონლის გარკვეული ნაწილი ფარულად რუსეთშივე გაესაღებინათ. ამგვარ ვარაუდს შემდეგი გარემოებაც აძლიერებს: ერთი ცნობით 1826 წელს თბილისელმა ვაჭრებმა მარტო ლაიფციგის იარაღკაზე შეიძინეს 2 800 000 მანეთის საქონელი¹⁷⁸, მაშინ როდესაც მეორე ცნობით იმავე წელს საქართველოში სულ 2 580 039 მანეთის ღირებულების უცხოური საქონელი შემოვიდა, რაშიაც ბუნებრივია არაევროპულიც იგულისხმებოდა¹⁷⁹. 1828 წელს „კომერჩესკაია გაზეტას“ ცნობით ვაჭრებმა საქართველოდან ლაიფციგის ბაზრობაზე 10 მილიონამდე მანეთის პროდუქტია შეიძინეს¹⁸⁰. სხვადასხვა ცნობით კი, იმავე წელს საქართველოში შემოვიდა სულ 6 554 722 მანეთის საქონელი¹⁸¹. უფრო საინტერესო იაა, რომ ორივე შემთხვევაში საქართველოს საბაჟოში უცხოურ საქონელთან ერთად აღნიშნულია ნაღდი ფულის (თუმცა მცირე რაოდენობით) შემოტანაც. რასაკვირველია, აღრიცხვისა და კონტროლის მშენებელ ვითარებაში სრულიად სხვადასხვა ხასიათის ცნობებს შორის ამგვარი განსხვავება დაუჭერებელი არ არის, მაგრამ არც ის არის მოულოდნელი, რომ ევროპაში შექმნილი და ადგილზე მოტანილი საქონლის ოდენობას შორის განსხვავების გარკვეული ნაწილი მაინც ოდესიდან საქართველომდე მომავალი გრძელი გზის სავაჭრო პუნქტებში დარჩენილიყო. მით უმეტეს, რომ იმდროინდელი ოფიციალური ნასაღები აშკარად მიუთითებენ უცხოური საქონლის რუსეთის ბაზარზე გაპარების შემთხვევებს და თუმცა მთავრობა ამას უსასტიკეს ბრძოლას უცხადებდა, როგორც ჩანს, მის აღმოფხვრას მაინც ვერ ახერხებდა.

1831 წელს რუსეთის სავაჭრო-სამრეწველო ბურჟუაზიის მოთხოვნის საფუძველზე შეღავათიანი ტრანზიტით ვაჭრებს 6 თვით აღრე გააუქმეს. ტრანზიტმა რუსეთის ხელისუფლებას არ გაუმართლა დაგეგმილი ვარაუდები. ტრანზიტმა არამტყუ ვერ შეავიწროვა ინგლისის ვაჭრობა აღმოსავლეთში, რომელიც ბენდერბუ-

¹⁷⁸ მ. ეფრემიძე, დასახ. ნაშრ., გვ. 119.

¹⁷⁹ პ. გუგუშვილი, დასახ. ნაშრ., გვ. 144.

¹⁸⁰ «Коммерческая газета», 1828, 3. X, № 79. ამ ცნობას «Тифлисские ведомости»-ც ადასტურებს — 1828, 31. X, № 18.

¹⁸¹ პ. გუგუშვილი, დასახ. ნაშრ., გვ. 144.

შირის გზით ჩვეულებრივ აძლიერებდა თავის საქმიანობას, არა-
მედ ზელიც კი შეუწყო მას. ამიერკავკასიის ტრანზიტით შემოტა-
ნილი საქონლის მეტი ნაწილი ინგლისური იყო, თუმცა იგი ეერო-
პაში იყო შექენილი. 1828 წლის ცნობით ქართველი ვაჭრებს მიერ
ლაიფციგის ბაზრობაზე შექენილი 800 000 ტალერის ღირებულების
საქონლიდან 520 000 ტალერის ღირებულების საქონელი ინგლი-
სური წარმოშობისა იყო¹⁸². ამრიგად, ინგლისური საქონელი
არამცთუ ირანის ბაზრიდან არ იღვენებოდა, არამედ ამიერკავკა-
სიის ბაზარსაც იპყრობდა.

მაგრამ ტრანზიტს მეორე, არანაკლებ მნიშვნელოვანი და გა-
ცილებით რეალური ამოცანა ჰქონდა. ეს იყო ახლად შემოერთე-
ბული მხარის, — ამიერკავკასიის (უპირატესად საქართველოს) ბაზ-
რის დაპყრობა რუსული საქონლის მიერ და საერთოდ ქვეყნის
ნომზადება ცარიზმის კოლონიური (ბურჟუაზიული კოლონიური)
პოლიტიკის გატარებისათვის, რომელიც ოფიციალურ მასალებში
„მხარის გაქლიერებადაა“ აღნიშნული და მიჩნეული, ხოლო ვ. ი.
ლენინი „ამიერკავკასიის ეკონომიკურ დაპყრობას“ უწოდებს¹⁸³.

საქართველოსა და ამიერკავკასიის ბაზრის სრული დაპყრობა
ადვილი საქმე არ იყო. ამ რეგიონში არსებობდა საუკუნეების გან-
მავლობაში ჩამოყალიბებული მეურნეობის დარგები, ტრადიციუ-
ლად განმტკიცებული საშინაო და სავაგრო ეკონომიკური ურთო-
ერთობები, ხალხის ჩამოყალიბებული გემოვნება და ცხოვრების
ყაიდა, ყველაფერი ეს უნდა შერყეულიყო. ტრანზიტმა ამ მხრივ
მნიშვნელოვანი როლი შეასრულა. რისი არდანახვაც რუსეთის
ეკონომიკის შესვეურთა და ამ ეკონომიკის ისტორიის შემადიანეთა
მიერ, უმადურობა იქნებოდა.

საქართველოსათვის შედღავთიანი ტრანზიტის მნიშვნელობის
შესახებ თავიდანვე ორი დიამეტრალურად საწინააღმდეგო აზრი
ჩამოყალიბდა. ერთი აღნიშნულ ტრანზიტს მხოლოდ დადებითად
ათასებდა. მას ცარიზმის ადგილობრივი ზელისუფლების წარმო-
მადგენლები იცავდნენ (ერმოლოვი, სიბიაგანი და სხვა). აქვე უნ-
და აღნიშნოთ, რომ ამ შეხედულებას ემხრობა და იზიარებს ქარ-
თველ ისტორიკოსთა ის წარმომადგენლებიც, რომლებიც აღნიშ-
ნული საკითხის შესწავლაზე მუშაობენ. საწინააღმდეგო აზრს რუ-
სული ბურჟუაზიის ინტერესების გათვალისწინების საფუძველზე,
იმდროინდელ პრესაზე დაყრდნობით იმპერიის ეკონომიკური

¹⁸² «Коммерческая газета», 1828, № 7, 25 იანვარი.

¹⁸³ ვ. ი. ლენინი, თხზულებანი, ტ. 3, გვ. 703.

ცხოვრების მესვეურები ავითარებდნენ ფინანსთა მინისტრის კანდიდატის მეთაურობით. ამ მოსახრებას ემბრობოდა ცნობილი რუსი პოეტი ა. ს. გრაბოედოვიც. ზავილეთსკისთან ერთად შედგენილ პროექტში, საქართველოს უკეთ მოწყობის შესახებ, იგი წერდა: „ვაჭრობა რამდენიმედ გამოცოცხლდა 1821 წლის ბრძანებულებით. ზოგიერთი თბილისელი ვაჭარი ამ დროდან მიემგზავრება ხოლმე საქონლისათვის ლაიფციგში, წარმატებით ასაღებენ მას აქაც და სპარსეთშიც და მნიშვნელოვან კაპიტალებს იხვევენ. მაგრამ სახაზინო ვალდებულებებით ყველაზე მეტად დამძიმებულ მემბრულეთა და მიწათმოქმედთა კეთილმდგომარეობაზე ამან სულაც არ იმოქმედა. სრულიად არ წაახალისა შინაგანი მრეწველობა, არ წარმოშვა არც ერთი ფაბრიკა, არ აყვავდა არც მაწათმოქმედება, არც მებაღეობა. რამდენავე წლიან განმავლობაში უცხოეთის ორსამ ზოგადად მეტი არ მისდგომია სამეგრელოს სანაპიროებს და არც თავისი საქონლს გასაღების ცდისათვის არ მოითხოვდნენ ადგილობრივ მკვიდრთა ნაწარმოებებს, რადგან ისინი ევროპელთათვის მოსახმარებლად გამოსადეგარნი არ არიან მათი მცირე მნიშვნელობისა და არასრულფასოვნების გამო და მაშინაც, როცა თბილისის ბაზარი აქრელებულია შემოზიდული საქონლით, მეთვალყურას თვალი ამოდ დაუწყებს ძებნას შინაურ ნაკეთობას ან პროდუქციებს, რომელზედაც მათი გაცვლა შეიძლებოდა“¹⁸¹.

ცხადია, ა. გრაბოედოვი საუბრებებს ამუქებს. შელავათიან ტრანზიტს ქვეყნისათვის გარკვეული დადებითი მნიშვნელობა ჰქონდა. მან გამოაცოცხლა ქვეყნის საქალაქო ცხოვრება, ხელი შეუწყო სავაჭრო კაპიტალის ზრდას, გააფართოვა ვაჭართა კომერციები, მნიშვნელოვანი ბიძგი მისცა ქვეყნის საერთო ევროპეიზაციას, გააძლიერა ცხოვრების ახალი ყიდა; ამ საფუძველზე კაპიტალიზატორის როლი შეასრულა თავადანაურული მეურნეობის შემდგომი შლის პროცესში. ადგილობრივი ბურჟუაზია ახლოს გააცნო წარმოების ევროპულ (კაპიტალისტურ) წესს, რის გამოც, თუმცა არამრავალი, მაგრამ მნიშვნელოვანი სამრეწველო წამოწყებები, რომელთა გაჩენას ადგილი ჰქონდა საქართველოში როგორც ტრანზიტის, ისე მის შემდგომ პერიოდში (კასტელას, გამბას, იმერლიშვილის, ზუბალაშვილის, სარაჯიშვილის და სხვ. საწარმოები) ძირითადად თანადროული რუსული და ევროპული შესაბა-

¹⁸¹ რუსი მწერლები საქართველოს შესახებ, შედგენილი ვ. შადურის მიერ, 1949, გვ. 76; ვ. ო რ ჯ ო ნ ი კ ი ძ ე , დასახ. ნაშრ., გვ. 44.

მისი საწარმოების მაგალითისა და მიბაძვის მიხედვით ეწყობოდნენ, რის გამოც მათში შედარებით ადრე ჩნდება იმდროინდელი მოწინავე ტექნიკა (გაუმჯობესებული დაზგები, ორთქლის ქვაბი, ორთქლის მანქანა და სხვ.), თუმცა ისინი ცარიზმის კოლონიური პოლიტიკის საფუძველზე იყვნენ აღმოცენებულნი; გაჩაღდა სავაჭრო დაწესებულებების მშენებლობა, სახე იცვალა თბილისში და ა. შ. მაგრამ ამასთან ერთად ტრანზიტმა უარყოფითად იმოქმედა ადგილობრივ ხელოსნურ და შინამრეწველურ წარმოებაზე, რომელიც თანდათანობით ახალი კაპიტალისტური ურთიერთობის ჩასახვისა და განმტკიცების გზით ვითარდებოდა, დასცა ისინი და ბიძგი მისცა ტრანზიტის შემდგომ პერიოდში ქართული დამამუშავებელი წარმოების სრულიად ახალი გზით წარმართვას.

საქართველოს დამამუშავებელ მრეწველობაში მოუცემულ ხანაში განმსაზღვრელი ადგილი საქსოვ და მასთან დაკავშირებულ სარეწებს ეკავა. ტრანზიტის პერიოდში ვაჭრობა ძირითადად საფეიქრო პროდუქციით ზდებოდა, ამდენად მოსალოდნელი იყო, რომ ტრანზიტი თავიდანვე უარყოფითად იმოქმედებდა ამ წარმოებაზე. მაგრამ ეს ასე არ მოხდა. შეღავათიანი ტრანზიტის პირველ პერიოდში საქართველოში ადგილი ჰქონდა ამ წარმოების ზეტად სწრაფ აღმავლობას. დაცემა მხოლოდ 1827 წლიდან ზდება შესამჩნევი. ეს ერთი შეხედვით, გაუგებარი მოვლენა ადგილი გასაგები იქნება, თუ შეღავათიანი ტრანზიტის პერიოდში საქართველოში შემოტანილი და გატანილი საქონლის შეფარდებას დავაკვირდებით და მას ტრანზიტის წინა წლების მონაცემებს შევადარებთ. ამგვარი დაკვირვებისათვის, ჩვენი აზრით, ქვემოთ მოყვანილი ცხრილი საინტერესო სურათს გვიხატავს¹⁸⁵ (ცხრ. 7).

ცხრილიდან ვხედავთ, რომ საქართველოში ტრანზიტამდეც შემოდიოდა უცხოური საქონელი და იგი ადგილზე სალდებოდა 1,5—1,7 მილიონი მანეთის ოდენობით, როგორც ჩანს, ეს ოდენობა ქართული ბაზრისათვის, რომელიც თანდათანობით ფართოვდებოდა როგორც გეოგრაფიულად, ისე თვისებრივად ასატანი იყო და ადგილობრივ წარმოებაზე, იმის გათვალისწინებით, რომ ქართული საქონელიც მნიშვნელოვანი ოდენობით გადიოდა ამიერკავკასიის თუ ჩრდილოეთ კავკასიისა და რუსეთის ბაზარზე, უარყოფით გავლენას ვერ ახდენდა. ტრანზიტის პირველ წლებში

¹⁸⁵ ცხრილი ჩვენ შევადგინეთ პ. გუგუშვილის დასახელებულ ნაშრომში მოტანილი მონაცემების მიხედვით იხ. მისი საქართველოს ეკონომიური განვითარება, XIX—XX სს., ტ. I, 1949, გვ. 120, 144—145.

(1822—1826), თუ მხედველობაში არ მივიღებთ 1825 წელს (რანაც, სხვათა შორის, მაშინვე პოვა ასახვა ქართულ მრეწველობაში), ამის გამო რომ ერთნაირი შეფარდებით იზრდებოდა როგორც შემოტანა, ისე გატანა, საქართველოში უცხოური საქონლის ოდენობა არსებითად არ იცვლება, იგი დაახლოებით 1,5 მილიონი მათ

ცხრილი 7

საქართველოში შემოტანილი და გატანილი უცხოური საქონლის ოდენობა

წელი	საქართველოში შემოტანილი უცხოური საქონელი მანეთობით	საქართველოდან გატანილი უცხოური საქონელი მანეთობით	საქართველოში დარჩენილი უცხოური საქონელი მანეთობით
1820	1994747	156620	1838127
1821	1726748	182023	1544725
1822	2086990	601945	1485045
1823	3745198	—	—
1824	2488699	890578	1598121
1825	3809158	890498—3000 მან. ფულად	2915660
1826	2580039—13800 მან. ფულად	1088451—103999	1401389
1827	5415862	1345597	4070265
1828	6554740	3033694	3521046
1829	6133990	2525629	3608361
1830	6813748	1659852	5153896
1831	3933702	2447565	1486197

ნეთის ოდენობის ფარგლებშია, რაც ტრანზიტამდელს არ აღემატება და ე. ი. ქართული ბაზრისთვის ბუნებრივი და ასატანი იყო¹⁸⁸. ამდენად, ქართული წარმოებაც თავის ჩვეული გზით ვითარდებოდა. 1827 წლიდან მდგომარეობა მკვეთრად იცვლება. საქართველოში უცხოური (ევროპული) პროდუქციის შემოტანა მნიშვნელოვნად გაიზარდა, გატანა კი ირანთან ომის გამო იმ შეფარდებით ვეღარ იზრდებოდა, რამაც ქვეყანაში უცხოური საქონლის მოზღვავება გამოიწვია და ნორმალურს (საშუალო) 2,5-ჯერ და მეტად გადააქარბა. თუ გავითვალისწინებთ, რომ ამ პერიოდში რუსული სა-

¹⁸⁸ სწორედ ამის გამო ტრანზიტის პირველ პერიოდში ცხოველი ვაჭრობა რუსეთთან არ შენელებულა. სცსია; ფ. 254, აღწ. 1, საქმე 754, 1823 წ., ფურც. 127—128.

ქონლის შემოტანაც იზრდებოდა, გასაგები გახდება, რომ ადგილობრივი ბაზარი ასეთ მკვეთრ მატებას ვერ აიტანდა, ამან კი ადგილობრივი მრეწველობის სწრაფი დაცემა გამოიწვია. მართალია, ტრანზიტის გაუქმების შემდეგ მოსალოდნელი იყო მისი გამოცოცხლება და ამას მართლაც ჰქონდა ადგილი, მაგრამ ამასობაში ქვეყანას დიდი რაოდენობით რუსული ფაბრიკატი მოაწვია, რაც 20-იან წლებში რუსული საფეიქრო (ძირითადად ბამბეულის) მრეწველობის მეტად სწრაფი განვითარების შედეგი იყო. ამდენად, ადგილობრივი წარმოება წელში ვერ გაიმართა. შელავათიანმა ტრანზიტმა მნიშვნელოვანი ზარალი მიაყენა წარმოების სხვა დარგებსაც.

ყველა ისტორიული მოვლენა დადებითი და უარყოფითი თვისებებისა და შედეგების ერთობლიობაა. ამდენა იმისი შეფასება ამ დადებითი და უარყოფითი შედეგების შეფარდების მიხედვით უნდა მოხდეს. ამ თვალსაზრისით შელავათიანმა ტრანზიტმა, ჩვენი აზრით, საბოლოო ჯამში საქართველოს სოციალურ-ეკონომიკურ განვითარებაში უარყოფითი როლი შეასრულა. ასეთი დასკვნა სრულიად ლოგიკურია: ეკონომიკურად შედარებით ჩამორჩენილ, მაგრამ აღშავალი განვითარების ქვეყნისთვის (როგორცადაც ჩვენ XIX ს. პირველი მესამედის საქართველო მიგვაჩნია), სოციალურ-ეკონომიკური თვალსაზრისით ჯაცილებით მაღალ საფეხურზე მდგომ ქვეყანასთან თავისუფალ ეკონომიკურ შეჯიბრს მხოლოდ უარყოფითი შედეგი შეიძლება მოყვეს.

შელავათიან ტრანზიტს, როგორც აღვნიშნეთ, არაერთი დადებითი მნიშვნელობაც ჰქონდა. ამ დადებით შედეგებს შეიძლება ბოდა მართლაც დიდად პროგრესული როლი შეესრულებინა ქვეყნის სოციალურ-ეკონომიკურ განვითარებაში, შელავათიანი ვაჭრობა ჩვენში მფარველობითი პოლიტიკით რომ შეცვლილიყო. ეს ასე არ მოხდა. შელავათიანი ტრანზიტის აღკვეთის შემდეგ საქართველოში იგივე შელავათები ვრცელდებოდა აზიურ საქონელზე, ხოლო აზიურის სახით დიდი რაოდენობით შემოდიოდა შენიღბული ინგლისური პროდუქცია³³, და რაც მთავარია, ქართულ პროდუქციას არათანაბარ პირობებში უხდებოდა ბრძოლა რუსულ ფაბრიკატთან, რომელიც საქართველოსთან შედარებით გაცილებით მაღალი სოციალურ-ეკონომიკური დონის საფუძველზე მზადდებოდა. ცხადია, მარცხი გარდუვალი იყო და ასეც მოხდა.

187 ბ. გ უ გ უ შ ე ო ლ ი, დასახ. ნაშრ., გვ. 244—246.

შელავათიანმა ტრანზიტმა და საერთოდ ცარიზმის კოლონიურმა ეკონომიკურმა პოლიტიკამ 20-იან წლებში, რაც უპირატესად ვაჭრობის მიმართ გამოიხატებოდა, ნადავგი მოამზადა საქართველოსა და ამიერკავკასიის ეკონომიკური დაპყრობისათვის.



XIX საუკუნის პირველი მესამედი საქართველოს სავაჭრო განვითარების თვალსაზრისით მეტად მნიშვნელოვანი პერიოდი იყო. ცარიზმის ხელისუფლება ახლად შემოერთებულ მხარეში თავიდანვე ცდილობდა თავისი პოლიტიკის გატარებას, მაგრამ საქართველოს რუსეთთან შეერთების პირველი 20 წლის განმავლობაში ამ მიმართებით მან რაიმე არსებითი ხასიათის ღონისძიება ვერ გაატარა და ამდენად, ქვეყნის ვაჭრობის ისევე როგორც საერთოდ ეკონომიკური განვითარების პროცესი, ძველი ტრადიციული გზით მიმდინარეობდა. მართალია, ახალი ხელისუფლების რიგი ღონისძიებები: საბაჟო სისტემის მოწესრიგების ცდები, შინაბაჟების შეზღუდვა და კერძო ბაჟების აკრძალვა, საიჯარო სისტემის მოწესრიგების ცდები და ა. შ. პოზიტიურ გავლენას ახდენდნენ ამ პროცესზე, მაგრამ მისი საერთო აღმავლობა განპირობებული იყო არა ცარიზმის ხელისუფლების ეკონომიკური პოლიტიკით ამიერკავკასიაში, არამედ იმ ისტორიული ფაქტით, რომელმაც ქართველი ხალხი რუსეთს დაუკავშირა. ამ კავშირმა კი ქვეყანას ნოუტანა ყველაზე მნიშვნელოვანი ფაქტორი, რაც მისი განვითარებისათვის სასიცოცხლო აუცილებლობას წარმოადგენდა — შედარებითი მშვიდობა. ახალი კაპიტალისტური ურთიერთობისა და ევროპული ცივილიზაციის მატარებელი რუსეთი საქართველოსათვის ყველაზე უფრო სასურველი პარტნიორი იყო არა მარტო ეროვნულ-პოლიტიკური და კულტურულ-იდეოლოგიური თვალსაზრისით, არამედ ეკონომიკურადაც.

ყველაფერმა ამან კი ქვეყნის საერთო ეკონომიკური და კერძოდ, სავაჭრო ურთიერთობის აღმავლობა გამოიწვია, რაც ვაჭართა კლასის რიცხოვრებზე ზრდაში, ვაჭართა კაპიტალების მატებაში და ვაჭრული კომერციების ფაფართოებაში გამოიხატა.

განსახილველ პერიოდში საქართველოში უკვე არსებობდა სასაქონლო მეურნეობის და ამის საფუძველზე შინაავაჭრობის განვითარების ტრადიციები. ქვეყნის საშინაო ვაჭრობაში ვაჭართა ფენებმა წარმომადგენელთა აქტიური ჩაბმა, შინაავაჭრობის სხვა-

დასხვა დარგებში მათი სპეციალიზაცია, შრომის საზოგადოებრივი დანაწილები მალალი დონე და ქვეყნის სხვადასხვა სამეურნეო რაიონებს შორის საქონლის ინტენსიური გაცვლა, რის საფუძველზე შრომის გეოგრაფიული დანაწილების აშკარა ტენდენციები ვითარდება, უფლებას გვაძლევს დავასკვნათ, რომ მიმდინარეობდა საერთო ქართული ბაზრის ჩამოყალიბების პროცესი. ეს პროცესი ჩვენში უფრო ადრე ჩაისახა, ხოლო მისი დასრულება გაცილებით გვიან მოხდა და, როგორც ჩანს, დაემთხვა საერთო-საიმპერიო საქონელბრუნვასა და საერთო-რუსულ ბაზარში საქართველოსა და ამიერკავკასიის ჩართვის პროცესს. მაგრამ XIX ს. პირველ მესამედში მან მეტად მნიშვნელოვანი (შეიძლება ითქვას, არსებითი) ბიძგი მიიღო, რაშიც დიდი როლი ენიჭება ერთიანი პოლიტიკური ერთეულის ორბიტაში (ფარგლებში) მთელი საქართველოს გაერთიანების დიდ ისტორიულ ფაქტს. ჩვენ მნიშვნელოვნად გვეჩვენება ის გარემოება, რომ საქართველოს სხვადასხვა კუთხეებს შორის ადგილი აქვს არა მარტო საქონლის ცხოველ და სისტემატურ გაცვლას, არამედ თვით ვაჭართა ურთიერთგაცვლასაც კი. ეს პროცესი განსახილველი ხანის საქართველოს თითქმის ყველა კუთხეში შეიმჩნევა. სხვადასხვა კუთხეების, თუ ცენტრების ვაჭართა ურთიერთგაცვლა და ხანგრძლივი მოღვაწეობა სხვა საეპრო — ჯამბრეწველო ცენტრებში, საშინაო ბაზრის ჩამოყალიბების აშკარა ნიშანი იყო.

ვაჭართა ჩამოყალიბების პროცესში მყოფი კლასის ეკონომიკური გაძლიერება ვაჭართა შორის ქონებრივი დიფერენციაციის ზრდა, საკრედიტო კაპიტალის ჩამოყალიბება, ვაჭრობის რთული და მრავალფეროვანი ორგანიზაცია, საშინაო და განსაკუთრებით საგარეო (ვატანიით) ვაჭრობის შემდგომი აღმავლობა, ქვეყნის საერთო სოციალურ-ეკონომიკური აღმავლობის მაჩვენებელი იყო.

ცარიზმის კოლონიურმა ეკონომიკურმა პოლიტიკამ, რაც გასული საუკუნის 20-იანი წლებიდან აქტიურად იწყებს მოქმედებას, და პირველ რიგში, შეღავათიანი ტრანზიტის დაწესებაში გამონახატა, არსებითი გავლენა იქონია ქვეყნის საეპრო განვითარების ხასიათზე, შეცვლა მისი ტრადიციული მიმდინარეობა და გარკვეულად იგი ქვეყნის საერთო განვითარების ინტერესებს დაუპირისპირა. ამ პოლიტიკამ საბოლოო ჯამში უარყოფითი როლი შეასრულა ქვეყნის საერთო-ეკონომიკურ განვითარებაზე და მას კოლონიური ხასიათი მისცა, რამაც განსაკუთრებით აშკარად იჩინა თავი მომდევნო პერიოდში.

III. ცვლილებები ქართულ ხელოსნობაში XIX ს. პირველ მესამედში

ნაწრომის პირველ თავში განხილული მასალის საფუძველზე ჩვენ დავინახეთ, რომ XIX ს. პირველ მესამედში საქართველოში საკმაოდ მაღალგანვითარებულ ვაჭრობასთან გვაქვს საქმე. ვაჭრობის და სავაჭრო კაპიტალის განვითარების დონე არსებით გავლენას ახდენს საერთოდ ქვეყნის სოციალურ-ეკონომიკურ და, კერძოდ, სამრეწველო განვითარებაზე, იგი ამ განვითარების ხასიათს განსაზღვრავს, რადგან „ვაჭრობისა და სავაჭრო კაპიტალის განვითარება ყველგან ავითარებს წარმოებას იმგვარად, რომ იგი საცვლელი ღირებულებისადმი მიმართული, აღიღებს მის მოცულობას, ამრავალფეროვანებს და კონსოლიდირებს ხასიათს ანიჭებს მას, ავითარებს ფულს მსოფლიო ფულად. ამიტომ ვაჭრობას მეტ-ნაკლებად დამშლელი ზეგავლენა აქვს წარმოების იმ არსებულ ორგანიზაციებზე, რომლებიც ყველა თავის ფორმაში უმთავრესად სახმარი ღირებულების წარმოებისადმი მიმართული“¹. ამრიგად, ვაჭრობა სასაქონლო მეურნეობის საფუძველია, სასაქონლო წარმოება კი „საერთოდ ლოგიკურადაც და ისტორიულადაც არის prius (წინამორბედი, თავდაპირველი — რედ.) კაპიტალიზმის მიმართ“². სხვა ადგილას ლენინი გარკვევით ამბობს: „სასაქონლო მეურნეობა კაპიტალისტური მეურნეობაა, ე. ი. აუცილებლად კაპიტალისტურად იქცევა განვითარების განსაზღვრულ საფეხურზე“³.

ნაწრომის ამ ნაწილის მიზანია აჩვენოს განსახილველი ხანის საქართველოს დამშლელ მრეწველობაში სასაქონლო მეურნეობის შექრის პროცესი და ამის საფუძველზე მისი განვითარების ხასიათი. ის დამშლელი ზეგავლენა, რომელსაც ეს პროცესი ახ-

¹ ე. მარქსი, კაპიტალი, ტომი III, ნაწ. I, თბ., 1959, გვ. 440.

² ვ. ი. ლენინი, თხზ., ტ. 6, მეოთხე გამოცემა, გვ. 37.

³ ვ. ი. ლენინი, თხზ., ტ. 1, მეოთხე გამოცემა, გვ. 243.

დენდა წარმოების არსებულ ორგანიზაციაზე და მასში ახალი კაპიტალისტური ურთიერთობის ჩასახვა-განვითარების თავისებურებები.

1. ხელოსნობის განვითარების ხასიათი

XVI საუკუნიდან მოცილებული, მას შემდეგ, რაც ოსმალეთმა ევროპისაკენ მიწავალი უკანასკნელი გზა ჩაკეტა, ამიერკავკასია ეკონომიკურად ერთგვარად დაჩიხულ, თვითკმარ რეგიონად იქცა. ამიტომ მომდევნო საუკუნეებში მასზე რაიმე მნიშვნელოვან ზეგავლენას ვერ ახდენდა ევროპის აღმავალი კაპიტალიზმის სისტემა. მართალია, კულტურულ-პოლიტიკური თვალსაზრისით ეს ფაქტი უალრესად რეგრესიული შინაარსისა იყო და მისი დაძლევისაკენ იყო მიმართული (გადაუჭარბებლად შეიძლება ითქვას) თითქმის ყველა მოწინავე ქართველი მოღვაწის მეცადინეობა, მაგრამ სოციალურად და განსაკუთრებით, ეკონომიკურად მან განსაზღვრა ამ რეგიონის თავისუფალი და თავისებური განვითარება. მართალია, ერთი მხრივ, ირანი, ხოლო მეორე მხრივ, ოსმალეთი, ოდითგანვე ცდილობდნენ ამ მხარეში პოლიტიკურად გაბატონებას და კიდევაც აღწევდნენ ამას ცვალებადი წარმატებით, მაგრამ სოციალურ-ეკონომიკური თვალსაზრისით შათ ძალადობას არსებითი წარმატება არ ჰქონია. ხოლო XVIII საუკუნიდან მოყოლებული, აღმოსავლური ფეოდალიზმის ეს ტიპიური სახელმწიფოები ევროპის კაპიტალისტური მეურნეობის მზარდ დაწოლას განიცდიდნენ და ბოლოს, მას ეკონომიკურ დანამატად იქცნენ.

შექმნილმა ვითარებამ განსაკუთრებული როლი შეასრულა საქართველოს ეკონომიკური განვითარების ხასიათზე. რიგი გარემოებების გამო ჰწორედ მას და, განსაკუთრებით მის დედამამამ — თბილისს გვიანფეოდალურ ხანაში ფაქტორად მთელი კავკასიის სავაჭრო-სამრეწველო ცენტრის ფუნქცია დაეკისრა. ამან და რიგ-მა სხვა მომენტებმა განსაზღვრეს საქართველოს დამამუშავებელი წარმოების განვითარების ხასიათი. XVII—XVIII საუკუნეებში, არაერთი ავტორის მითითებით, საქართველოს ქალაქებს ხელოსნები თავისი ნაწარმით ამარაგებდნენ არა მარტო საკუთარი ქვეყნის, არამედ კავკასიის ბაზრებსაც.

წინამდებარე ნაშრომი მიზნად არ ისახავს ქართული ხელოს-

ნობის განვითარების სრული და ამომწურავი სურათის ჩვენება⁴. მისი მიზანია ყურადღების გამახვილება მხოლოდ იმ რაოდენობრივ და თვისებრივ ცვლილებებზე, რომელსაც ადგილი ჰქონდა განსახილველ ხანაში და ჩვენება მისი განვითარების ტენდენციებისა.

ვიდრე აღნიშნული საკითხების განხილვას შევუდგებოდეთ, უნდა შევნიშნოთ, რომ აღებული ხანის მასალებიდან არ შემოგვრჩა არც ერთი რამდენადმე სანდო ცნობა ხელოსანთა ოდენობის შესახებ. ამიტომ იძულებული ვართ ვისარგებლოთ კამერალური აღწერების მასალებიდან ამოკრებილი და დაჯამებული ცნობებით. ეს კი რიგ უხერხულობათანაა დაკავშირებული: 1. განსახილველ ხანებში კამერალური აღწერები მხოლოდ აღმოსავლეთ საქართველოში ტარდებოდა, რაც საშუალებას გვძლავს დაკვირვება ვაწარმოოთ დასავლეთ საქართველოს მიმართ და გვაძლავს ამ მხრივ ზოგადი მსჯელობითა და ვარაუდებით შემოვიფარგლოთ; 2. კამერალური აღწერები აღმოსავლეთ საქართველოშიც ერთდროულად არ ტარდებოდა; მაგალითად, თელავი და სიღნაღი აღიწერა 1802 წელს, გორი — 1804 წელს, თბილისი — 1808 წელს და ა. შ. განვითარების იმ სწრაფი ტემპების ვითარებაში, რასაც განსახილველ ხანებში ჰქონდა ადგილი, 5—6 წლის განსხვავება საკმარის მნიშვნელოვანია და მათი შედარება ზუსტი ვერ იქნება. მაგრამ ამ აღწერების მასალებიც ჩვენამდე სრულად არ არის მოღწეული. აღწერები ტარდებოდა არა მარტო ცალკეული კუთხეების მიხედვით, არამედ სოციალური კატეგორიების მიხედვითაც (მოქალაქეები, სახაზინო, საეკლესიო, საბატონო გლეხები და ა. შ.). ერთი რომელიმე მონაცემის ამოვარდნაც კი შეუძლებელს ხდის მთელი რეგიონის სრული სურათის ჩვენებას; და ბოლოს 3. რადგან კამერალური აღწერები დგებოდა ოჯახების მიხედვით, მათში სხვა მონაცემებს შორის ხშირად აღინიშნებოდა ამა თუ იმ ოჯახის შემოსავ-

⁴ ქართული ხელოსნობის ისტორიას ჩვენს სამეცნიერო ლიტერატურაში არაერთი მნიშვნელოვანი ნაშრომი მიეძღვნა. მისი სხვადასხვა საკითხები განხილულია ქართულ საბჭოთა ისტორიულ ლიტერატურაშიც. კერძოდ: Ш. А. Месхиа. Города и городской строй феодальной Грузии, Тб., 1959; პ. გუგუშვილი, საქართველოსა და ამიერკავკასიის ეკონომიური განვითარება XIX—XX სს., ტომი მეხუთე, თბ., 1962 წ.; ფ. ვოგოჩაიშვილი, ხელოსნობა საქართველოში, თბ., 1976 წ., ე. ხოშტარია, მრეწველობის განვითარება და მუშათა კლასის ჩამოყალიბება XIX საუკუნის საქართველოში, თბ., 1966 წ.; გ. გამყრელიძე, ტფილისის ხელოსნობა, ტფილისი, 1926, და სხვ.

ლის წყარო, ზოგ შემთხვევაში კი ოჯახის მეთაურის საქმიანობა. მაგრამ დამხმარე და დამატებითი სარეწი კამერალურ აღწერებში არ აისახებოდა (ან ისე აისახებოდა, რომ მისი გამოცალკევების საშუალება არ არის). ყოველივე ამის გამო ხელოსანობის რაოდენობრივი განვითარების საკითხებზე მსჯელობისას ვგულისხმობთ დამამუშავებელი წარმოების ყველა ფორმას, რომელიც კი აღებულ ზანაში ჩვენში არსებობდა, გარდა საოჯახოსი. ამა თუ იმ დარგის შესახებ მოტანილ მონაცემებში შედიან სპეციალისტები, — მათში ერთიანდებიან როგორც ამქრული ოსტატები, ისე დაქირავებული კვალიფიციური მუშები და შედარებით მსხვილ სახელოსნოთა მეპატრონეებიც, მაგრამ აქ არ შედიან არაკვალიფიციური დაქირავებული მუშები (ეს კატეგორია აღწერებში ცალკეა გამოყოფილი) და შეგირდები. ამრიგად, იგულისხმება მთელი დარგი, მისი ყველა ფორმა, რომელთა საწყისები ხელოსნობაშია, მაგრამ არა საკუთრივ ხელოსნობა მისი წმინდა სახით, რომელიც მომხმარებლის შეკვეთით წარიებას გულისხმობს.

როგორც ზემოთ აღინიშნა, ხელოსნობა საქართველოში XVIII საუკუნეში უკვე იმდენად მაღალგანვითარებული იყო, რომ მისი პროდუქცია არა მხოლოდ ქვეყნის მოთხოვნილებას აკმაყოფილებდა, არამედ საგრძნობი რაოდენობით გადიოდა საზღვრებს გარეთაც. ცხადია, ამის საფუძველად ხელოსანთა რაოდენობრივი ზიკარბე და მოსახლეობის საერთო რაოდენობაში მათი მაღალი ზედერთი წილი იყო. 1808 წლის კამერალური აღწერის მონაცემებით თბილისში სულ 3 200-მდე ოჯახი ითვლებოდა, აქედან 980 ხელოსნური ოჯახი იყო, რაც საერთო რაოდენობის 30,6% შეადგენდა⁵. 1804 წლის მონაცემებით გორში ითვლებოდა სულ 411 ოჯახი, აქედან ხელოსნური იყო 121, ანუ საერთო რაოდენობის 29,4%⁶. გ. ბოკოიძის მიერ მოტანილი მონაცემებით იმავე პერიოდში თელავში ითვლებოდა სულ 312 ოჯახი, აქედან ხელოსნური იყო 185, ანუ საერთო რაოდენობის დაახლოებით 59,3%⁷. ამავე პერიოდში სიღნაღში ითვლებოდა 203 ხელოსნური ოჯახი და თუშცა სიღნაღის ოჯახების საერთო რაოდენობაზე ჩვენ ზუსტი მონაცემები არ გვაქვს, ეს ხელს არ გვიშლის აქაც ხელოსნობის მეტად მაღალი პროცენტი ვივარაუდოთ.

⁵ სცსია, ფ. 254, აღ. 2, საქ. 185.

⁶ სცსია, ფ. 254, აღ. 1, საქ. 76.

⁷ გ. ბოკოიძე, კახეთის აღწერა 1801—1802 წლისა, საქართველოს არქივი, წ. III, დამ. 5.

თბილისისა და თბილისის მახრის ხელოსნობა 1808-1834 წწ.

№№ რიგზე	ხელობათა დასახელები	1808 წ.		1823-1824 წწ.						1834 წ.		
		ქალაქი	მაზრა	ქალაქი		ვიარეუბნები		მაზრა		ქალაქი		მაზრა
				ოქაბი	მწვ. მამ.	ოქაბი	მწვ. მამ.	ოქაბი	მწვ. მამ.	ოქაბი	მწვ. მამ.	
1	2	3	4	5	6	7	8	9	10	11	12	13
1	ბაგირთმკეთებელი	5										
2	ბეითალი	1										
3	ღაბალი	50		114	138					77	123	
4	გამთეთრებელი			2	3							
5	ღალაქი	21		53	58	2	2	7	7	43	58	
6	ღურგალი	10		23	31			1	1	30	34	
7	ზეინკალი	13		12	14							
8	თერძი	47		138	151	1	2			108	141	
9	თოქმაჩი	(2)		36	44					41	69	
10	კალატოზი	33		57	67	4	5	1	1			
11	კანკანი									3	6	
12	მეაბრეშუმე	1		53	63					40	62	
13	მეაგურე	9		11	12	1	2			10	16	
14	მებურნეთე	1		7	7							
15	მეეტლე	51		21	22					8	15	
16	მეზანდუკე			1	1							
17	მეზარნიშე	1		1	1							
18	მეთოკე	4		12	16							
19	მეთოფისწამლე	1										
20	მეთეფხე (მეზადურკი)	2		28	37					6	8	
21	მეთუნე	14		37	42					5	7	
22	მეკორე			3	3					5	5	
23	მეკონდახე	9		10	11							
24	მეკრამოტე			4	4							
25	მელოარე	1		2	2					1	1	
26	მენახშირე			46	58	3	3	1	1			
27	მეპურე	30		38	41					49	66	
28	მესაათე			1	1					2	4	
29	მესანთლე	4		53	62					23	31	
30	მესაანე			3	4					2	2	
31	მესატრე			7	10					9	17	
32	მეტოკე	2		5	6							
33	მეურმე	2		9	10							
34	მეჭალამნე			1	1							
35	მეჭარქაშე			9	9							
36	მეჭეაბე	20		23	31					1	2	
37	მეჭეჩე			9	12					6	6	
38	მეჭისე	6		6	6					4	7	
39	მეჩახშახე			1	2							
40	მეჩონგურე			1	1							
41	მეწალე	8		18	20					27	40	

მე-8 ცხრილის გაგრძელება

1	2	3	4	5	6	7	8	9	10	11	12	13
42	მეწისკვილე	4		5	5	7	9			16	23	
43	მეხანჯლე			2	2					3	4	
44	მეხაშე	4		7	8					16	20	
45	მეხმლისბირე	3		14	15					7	9	
46	მზარეული			1	1							
47	მთელავი	14		7	8	1	1					
48	მკალავი	6		19	32	1	2			23	30	
49	მუსიკოსი	11		20	22					11	19	
50	მქსოველი	144		179	225	22	44	9	14	97	145	
51	მოღვაწე	25		32	45	1	2	1	1	31	53	
52	მჩრთავი	16		9	12							
53	მკედელი	19		62	78	6	7	6	10	116	176	
54	მხატვარი	3		12	13							
55	მღვდელი	1								13	14	
56	ნაღბანდი	3		19	27					1	1	
57	ოქრომკედელი	35		72	93	2	4	1	1	51	80	
58	სარაფი	26		27	34					41	56	
59	ქურჭჩი			48	52					40	48	
60	ქვისმთლელი			5	6					5	6	
61	ყასაბი			54	63					40	57	1-1
62	ქონი	45		131	152			2	2	93	132	1-1
63	ხარაზი	92		166	198	4	4	1	1	102	140	7-10
64	მებრილიანტე									2	6	
65	ხარატი	3								2	2	
66	მეხელსაქმე	107		199						263	52	
67	ხურო	22		34	41	2	2			46	67	
68	მეკრაველი	9										
69	მეიარაღე	3										
70	მეშუმე										2	
71	ბადის მქსოველი			1	2							
72	თულუბჩი			1	1					1	1	
73	მეგაყე			5	6					6	6	
74	მეფაოლეტე			1	2					1	1	
75	გაურკვეველი	23		29	44			1		11	13	
76	სხვადანსვია	14		3	3							
77	ლაქირავებით	13		206	236							
78	მუშაობით			86	97	3	5	3	4	617	789	
79	გამომეშავებით	261		160	180	59	76	79	89			
	სულ საკუთრივ ხელო- სანი	980		2020	2192	57	89	31	39	1539	1883	9-12
	ს უ ლ	1254		2472	2705	119	170	113	132	2146	2672	9-12

ცხრილი შედგენილია შემდეგი საარქივო მასალების საფუძველზე: სცსია, ფ. 254, აღ. 1, საქ. 185, თბილისის 1808 წლის აღწერა ქალაქის ნაწილების მიხედვით; იქვე, ფ. 254, აღ. 1, საქ. 800, თბილისის საეკლესიო გლეხთა კამერალური აღწერა 1823 წ.; იქვე, საქ. 858, თბილისის მოქალაქეებისა და სახაზინო გლეხების კამერალური აღწერა—1824 წ.; საქმე 856, თბილისის საბატონო გლეხთა კამერალური

როგორც ვხედავთ, XIX ს. დასაწყისშივე ქართული ქალაქური ხელოსნობა მეტად მაღალგანვითარებულა, ამავე დროს, მთელი განსახილველი პერიოდი (XIX ს. პირველი მესამედი) ხელოსნობის დარგობრივი და რაოდენობრივი ზრდა-განვითარებით აღინიშნა. ამ პროცესის ხასიათზე წარმოდგენას გვაძლევს თბილისისა და თბილისის მაზრის ხელოსნობის განვითარების (1808—1834 წწ.) მონაცემები (ცხრ. 8). როგორც მოტანილი ცხრილიდან ჩანს, თუ 1808 წლისათვის თბილისში ითვლებოდა 48 დარგის 980 ხელოსანი (ჩვენ ანგარიშში არ ვიღებთ იმ კატეგორიას, რომელიც დაქირავებული შრომით ირჩენდა თავს), 1823—1824 წლებში აქ უკვე სახეზეა 67 დარგის 2020 ხელოსანი (იმის გამო, რომ 1834 წლის მონაცემები ნაკლებია, ჭერჭერობით მაშე არაფერს ვამბობთ), ანუ ზრდამ შეადგინა დარგების მიხედვით 136,7%, ხოლო ხელოსანთა საერთო რაოდენობის მიხედვით — 206,0%, რაც განვითარების მეტად სწრაფი ტემპის მაჩვენებელია. არსებული მასალა საშუალებას იძლევა შევადაროთ ქ. გორის 1804 და 1818 წლების ხელოსანთა დარგობრივი და რაოდენობრივი განვითარების მონაცემები (ცხრ. 9) სურათი აქაც შესავსია: 14 წლის განმავლობაში ქ. გორის ხელოსნობის დარგები 21-დან 32-მდე, ხოლო ხელოსნური ოჯახების რიცხვი 121-დან 186-მდე გაიზარდა, ე. ი. ზრდამ შეადგინა შესაბამისად 152,4 და 153,7 პროცენტი. ამავე პერიოდში, ბუნებრივია, იზრდებოდა ქალაქების მოსახლეობის საერთო რიცხვიც. 1823—1824 წლებისათვის თბილისის ოჯახების რიცხვმა დაახლოებით 4 300 მიაღწია, გორისამ — 453. მაგრამ იმის გამო, რომ ხელოსნების რაოდენობის ზრდის ტემპი უფრო სწრაფი იყო,

აღწერა 1824 წ.; საქმე 857, თბილისის იმ ყმა-გლეხთა აღწერა, რომელთა მებატონეებიც თავადაზნაურულ წოდებას არ ეკუთვნიან; იქვე, საქმე 855, თბილისის კამერალურ აღწერაში გამოტოვებული სახაზინო გლეხები—1824 წ.; იქვე, საქ. 802, თბილისის მაზრის საბატონო გლეხთა აღწერა; იქვე, საქმე 803, თბილისის მაზრის საბატონო გლეხთა აღწერა, 1823 წ.; იქვე, საქმე 1422, თბილისის ახლად დასახლებულ მოქალაქეთა კამერალური აღწერა; 1834 წ.; იქვე, საქმე, 1423, თბილისის მოქალაქეთა კამერალური აღწერა, 1834 წ.; იქვე, თბილისის საეკლესიო გლეხთა კამერალური აღწერა; იქვე, საქმე 1424, თბილისის სახაზინო გლეხთა კამერალური აღწერა—1834 წ.

ცხრილი ნაკლებია. გარდა თვით აღწერების შედგენის უზუსტობისა, 1834 წლის მონაცემებში არ იგულისხმება საბატონო გლეხები. უფრო მეტად ნაკლებია მაზრის მონაცემები: მაგალითად, 1808 წლისათვის საერთოდ არ გვაქვს, შემდგომი პერიოდისთვის კი იმულებული ვართ ფრაგმენტული მონაცემებით ვისარგებლოთ.

მათი ხვედრითი წილი თანდათანობით იზრდებოდა ქალაქის მოსახლეობის საერთო რიცხვში. თბილისში 1823—24 წლისათვის მან 47%-ს მიაღწია, ნაცვლად 1803 წლის 30,6%-ისა გორში კი 1818 წლისათვის შეადგინა 41,8%, განსხვავებით 1804 წლის 29,4%-ისა.

მასალების სიმცირის გამო საშუალება არა გვაქვს მსგავსი შედარებები სხვა ქალაქების მიმართაც ვაწარმოოთ, მაგრამ ყველა

ცხრილი 9

ქ. გორის ხელოსნური ოჯახების რაოდენობრივი განვითარების დინამიკა 1804-1818 წწ.

№№	ხელობათა დასახელება	1804	1818		№№	ხელობათა დასახელება	1804	1818	
			ოჯახი	მწკ. მწკ.				ოჯახი	მწკ. მწკ.
1	ქსოვილის გამპრია-				23	მითაეი	13	8	9
	ლებელი		3	8	24	შვედელი	5	9	13
2	დაბალი	3	6	10	25	ნაღბანდი		1	2
3	დალაქი	5	7	9	26	ოქრომშვედელი	1	8	14
4	თერძი		3	4	27	ქვისმთაღელი	1	5	2
5	ქალაჩოხი	(3)	2	3	28	ქურჭჩი	5	2	2
6	მეჭტლე (მეურმე)	14	8	8	29	ყასაბი	10	5	9
7	მეთაეზე (მებაღური)		2	2	30	ქონი	5	17	20
8	მეთოყე (მესაბლე)	(1)	2	5	31	ხარაზი	(1)	15	24
9	მეთუნე	(1)	1	1	32	ხელსაქმით		6	
10	მეკონდახე	(2)	2	2	33	თოქმარი		5	6
11	მეპურე	2			34	ხურო		3	3
12	მესანთლე	2	2	6	35	დღიური მუშაობით		62	83
13	მელნავირე		4	4	36	მუშაობით		8	10
14	მეჭვაბე		1	3					
15	მეწაღე	(10)	3	4		სულ ხელოსნობაში	121	186	276
16	მეწისქვილე		4	13					
17	მეწერილმანე		1	1		სულ ხელოსნობა, მუ-			
18	მეხმლისპირე		1	2		შაობა და დღიური			
19	მთელაეი	(1)	3	3		მუშაობა	121	256	369
20	მკურავი		1	2					
21	მღებავი	27	7	13					
22	ფეიჭარი	9	44	71					

ცხრილი შედგენილია შემდეგი მასალებით: 1804 წ. სცსია, ფ. 254, აღ. 1, საქ. 76; 1818 წ. სცსია, ფ. 254, აღ. 1, საქ. 540.

ვნაიდან ცნობები ოჯახების მიხედვით კამერალური აღწერებიდანაა ამოკრებული, იგი ნაკლებია. განსაკუთრებით ნაკლებია 1804 წლის მონაცემები. ამის გამო ჩვენ შევეცადეთ იგი სხვა მონაცემებით შეგვევსო, სადაც ამის საჭიროება იყო და ისინი ფრჩხილებში ჩავსეთ. 1818 წლის მასალები საშუალებას იძლევა განსაზღვროს არა მარტო ოჯახების, არამედ მათში მონაწილე მოწოდული მამაკაცების რაოდენობაც. ეს ცნობები მეორე სვეტშია შეტანილი.

საფუძველი არსებობს იმისათვის, რომ თბილისისა და გორის მაგალითზე მიღებული დასკვნები მათზე გავავრცელოთ.

ამრიგად, საქართველოს ქალაქური ხელოსნობა XIX ს. პირველ მესამედში სწრაფი ტემპით იზრდებოდა. ხელოსნობის ზრდის ტემპები მნიშვნელოვნად უსწრებდა ქალაქების მოსახლეობის ზრდის თავისთავად მაღალ ტემპს. ეს ვითარება კი განპირობებული იყო შრომის (საზოგადოებრივი და გეოგრაფიული) დანაწილებისა და სასაქონლო ურთიერთობის შემდგომი განვითარება-ამაღლებით. †

მართალია, ხელოსნობა ქალაქური მეურნეობის სფეროს განეკუთვნება, მაგრამ გარკვეულად იგი სოფლებშიც ვითარდება: „თუმცა ხელოსნობა ქალაქის ყოფაცხოვრების აუცილებელ შემადგენელ ნაწილს წარმოადგენს, მაგრამ ის მნიშვნელოვნად არის გავრცელებული სოფლადაც და გლეხური მეურნეობის დამატების დანიშნულებას ასრულებს. სოფლის მოსახლეობის განსაზღვრულ პროცენტს შეადგენენ ხელოსანი-სპეციალისტები, რომლებიც (ხან მხოლოდ და მხოლოდ, ხან კი მიწათმოქმედებასთან დაკავშირებით) ამუშავებენ ტყავს, კერავენ ფეხსაცმელსა და ტანსაცმელს, ასრულებენ სამკედლო სამუშაოს, ღებავენ შინაურ ქსოვილებს, ალაშაზებენ გლეხურ მაუდს, ფქვავენ ხორბალს და სხვა“.

ახასიათებს რა იმერელი გლეხის სამეურნეო საქმიანობას, მ. სელეზნიოვი ჩამოთვლის, ერთი მხრივ, საოჯახო წარმოების, ხოლო მეორე მხრივ, სოფლური ხელოსნობის დარგებს: „... სხვლებში ამზადებენ სხვადასხვა ნაწარმს: ქსოვენ მაუდს ცხვრისა და თხის მატყლისაგან, ბამბის ტილოს, ყანაოზს. აკეთებენ სირძას ზეთანებისათვის, სარტყლებს, თავსაკრავებს; ვერცხლითა და ოქროთი ქარგავენ მაშიებს, გამოჰყავთ ტყავი და ტარსიკონი. ქსოვენ ჭილოფებს იატაკისა და ნარებისათვის; ქალები უძღვე-ბიან საოჯახო მეურნეობას, ქსოვენ ბამბის წინდებს, მამაკაცებ-სათვის კერავენ ტანსაცმელს, ყაბალახებს... მამაკაცები ეწევიან მიწათმოქმედებას, მებაღეობას, ვაჭრობას და ხელოსნობას; მათში არიან მკედლები, ზეინკლები, სარაჯები, ოქრო და ვერცხლის მკედლები, რომლებიც საკმაოდ ოსტატურად ასევადებენ ვერცხლს“⁹. განიხილავს რა სამეგრელოს ეკონომიკას იგივე ავტორი აღნიშნავს, რომ „სამეგრელოში არიან ოსტატები, რომლებიც

⁹ ვ. ი. ლენინი, თხზ., ტ. 3, გვ. 383.

⁹ М. Селезнев, Руководство к познанию Кавказа..., с. 86.

ვერცხლისა და ოქროს მოსევადებას ეწევიან იარაღის მოსართავად და რომლებიც ვერცხლის ძეწკვებსაც ამზადებენ; ამას გარდა ისინი ამზადებენ კარგი ხარისხის ფოლადს ხმლებისთვის...“ და სხვ¹⁰.

კამერალური აღწერების მონაცემები, მიუხედავად მათი ნაკლოვანებებისა და არასისტემატური ხასიათისა, მაინც იძლევიან საშუალებას რამდენადმე თვალი გავადევნოთ სოფლის ხელოსნობის (დამხმარე და დამატებითი საერწების) განვითარების ტენდენციებს.

1804 წლის აღწერით ხელოსნობა მეტ-ნაკლებად განვითარებულია სიღნაღის მაზრის 27 სოფელში. იმეთ დარგებში, როგორცაა ქსოვა, ღებვა, მოჩითვა, ჭონობა, ხარაზობა, მკედლობა, თიხისა და სპილენძის ჭურჭლის დამზადება, აბრეშუმის ძაფის ამოხვევა და სხვ. დასაქმებულია მაზრის 251. ოჯახი, რაც აღნიშნული 27 სოფლის ოჯახების საერთო რაოდენობის (3109) დაახლოებით 8,1% შეადგენს¹¹. იმავე მაზრის 1807 წლის აღწერით ხელოსნობის სხვადასხვა დარგი მეტ-ნაკლებად განვითარებულია 28 სოფელში და მოიცავს 309 ოჯახს¹². გორის მაზრის გლეხების აღწერის მონაცემებით მაზრის სოფლებში — 1818 წლისათვის 19 სხვადასხვა დარგის 222 ხელოსანი ითვლებოდა¹³ და ა. შ. მსგავსი ვითარებაა სხვა მაზრებშიც.

როგორც ითქვა, კამერალური აღწერები ოჯახების მიხედვით ღებობდა. მათი შედგენის მეთოდი ყოველთვის ერთნაირი არ ყოფილა. ზოგ აღწერაში ოჯახის ჭულადობასთან ერთად ქონებრივი მდგომარეობა და ცხოვრების ყაიდაცაა აღნიშნული, რაც არც ისე ხშირია, მაგრამ უმრავლეს შემთხვევაში ოჯახებს მიწერილი აქვთ საქმიანობა, ან შემოსავლის წყარო. ამგვარ შინაწერს განსაზღვრავს ოჯახის მეთაურის საქმიანობა (ხელობა, ჰპეციალობა). ხშირად ცალკე ოჯახს შემოსავლის რამდენიმე წყარო აქვს აღნიშნული: ვთქვათ მიწათმოქმედება, მებაღეობა და ქსოვა, ვაჭრობა და მიწათმოქმედება, მესაქონლეობა და მიწათმოქმედება და ა. შ. ვინაიდან ოჯახების უმრავლესობაში არაერთი მოწოდებული მამაკაცი ითვლებოდა, ხოლო სხვადასხვა სამეურნეო საქმიანობაში ქალებიც აქტიუ-

¹⁰ М. Селевнев, Руководство к познанию Кавказа..., с. 106.

¹¹ სესია, ფ. 254. აღ.1, საქ.75.

¹² იქვე, საქ. 478; იქვე, საქ. 499.

¹³ იქვე, საქ. 542 და 543.

რად მონაწილეობდნენ, ლოგიკურია ვარაუდი, რომ ოჯახის წევრთა ნაწილი ერთ საქმიანობას მისდევდა, მეორე ნაწილი — სხვას.

ამავე დროს ყურადღებას იქცევს ის გარემოებაც, რომ ოჯახების იმ ნაწილს, რომლებიც ხელოსანობას მისდევს, სასოფლო-სამეურნეო საქმიანობა უმეტესად აღნიშნული არა აქვს. მაგალითად, სიღნაღის მაზრის გლეხთა 1817 წლის აღწერით 309 ხელოსნური ოჯახიდან ხელოსნობასთან ერთად მიწათმოქმედებას მისდევდა მხოლოდ 5 ოჯახი (მქსოველები)¹⁴, რაც ხელოსნური ოჯახების საერთო რაოდენობის 1,6% შეადგენს. გორის მაზრის 1814—1818 წლის აღწერით ხელოსანთა 222 ოჯახიდან მიწათმოქმედება აღნიშნული აქვს 29 ოჯახს¹⁵, ანუ საერთო რაოდენობის 13,0%-ს; თბილისის მაზრის 1823 წლის აღწერით ხელოსანთა 113 ოჯახიდან მიწათმოქმედებას მისდევს მხოლოდ 5 ოჯახი, ანუ საერთო რაოდენობის 4,5%¹⁶ და ა. შ. წყაროთა ამგვარი მითითებების უკრიტიკოდ მიღების შემთხვევაში შეიძლება გამოგვეტანა დასკვნა, რომ განსაზღვრულ ხანაში საქართველოს სოფლურ ხელოსნობას თითქმის მთლიანად აქვს გაწყვეტილი კავშირი სოფლის მეურნეობასთან. მაგრამ ცნობილია, რომ არამეტუ სოფლის, არამედ თვით ქალაქური ხელოსნობაც მეტად დიდხანს, თითქმის სამრეწველო რევოლუციამდე ინარჩუნებს ამგვარ კავშირს. ამდენად აღნიშნული გარემოება რეალურ ვითარებას არ ასახავს და იგი მასალის თავისებურებით უნდა იქნას ახსნილი. ამ თვალსაზრისით ერთ გარემოებას უნდა მივუქცევს ყურადღება: კამერალური აღწერები, გარდა იმისა, რომ ცალკეული ოჯახების საქმიანობას აღნიშნავდნენ, მთლიანად სოფლების მიმართაც იძლეოდნენ მეურნეობის საერთო, შემაჯამებელ დახასიათებას. მაგალითად, გორის მაზრის სოფელ ჭალის გლეხებს მიწერილი აქვთ, რომ „მათი მთავარი საქმიანობა მიწათმოქმედებაა, მცხოვრებთაგან ზოგიერთი მისდევს ხელოსნობას, — ტილოს ქსოვას და ხუროობას“¹⁷. სამთავისის საბატონო გლეხები აღწერის მითითებით „საქმიანობენ მიწათმოქმედებით და ხუროობით“¹⁸ და ა. შ. ამგვარი მითითება აქვს ზევრ სოფელს. ამავე დროს არც ჭალის, არც სამთავისის და არც ბევრი სხვა სოფლის აღწერაში ცალკე არც ერთი ხელოსნური

¹⁴ სცსია, ფ. 254, აღ. 1, საქ. 478; იქვე, საქ. 499.

¹⁵ იქვე, საქ. 541.

¹⁶ იქვე, საქ. 802 და 803.

¹⁷ სცსია, ფ. 254, აღ. 1, საქ. 541, ფურც. 38.

¹⁸ იქვე, საქმე 499, ფურც. 327.

ოჯახი აღნიშნული არაა. როგორც ჩანს, აღწერლები ხელოსნებად მოიხსენიებდნენ მხოლოდ იმ ოჯახებს, რომელთათვისაც ეს საქმიანობა შემოსავლის ერთადერთი წყარო იყო, ხოლო როცა ხელოსნობასთან ერთად ოჯახი მიწათმოქმედებასაც ეწეოდა, ისინი აღწერაში შექონდათ როგორც მიწათმოქმედნი; მაგრამ რადგანაც მათ კარგად იცოდნენ, რომ ამა თუ იმ სოფლის მოსახლეობის მეურნეობაში ხელოსნობის დარგებს გარკვეული და ხშირად მნიშვნელოვანი ადგილი ეჭირა, ისინი ამას სოფლის საერთო დახასიათებაში აფიქსირებდნენ.

კახეთისა და ქართლის რიგ სოფლებში საკმაოდ მნიშვნელოვანი იყო ისეთი ოჯახების კონტინგენტი, რომელთათვის შემოსავლის ძირითად წყაროს ხელოსნობა წარმოადგენდა, თუმცა მიწასთან კავშირი მათ მთლიანად გაწყვეტილი არ ჰქონდათ. ასეთი იყო, მაგალითად, ხილნაღის მაზრის სოფელ ველისციხეში გოგია კოშვერიშვილის ოჯახი რომელიც 11 სულისაგან შედგებოდა და აქედან 4 მოწიფული მამაკაცი იყო, ან სოფ. ანაგის ნინია ამბროზაშვილის ოჯახი, რომელიც 10 სულისაგან შედგებოდა (აქედან 3 მოწიფული მამაკაცი) და სხვ. ეს ოჯახები თითოეული 2—2 დღიურ მიწას ამუშავებდნენ, რაც სრულიად უმნიშვნელოა ასეთი შრეკლასულიანი ოჯახების შესახად. მიუხედავად ამისა, საქმიანობაზე მათ მიწერილი აქვთ, რომ „წივეიან მიწათმოქმედებას და აგრეთვე ქსოვას“, საიდანაც ისეთი შთაბეჭდილება იქმნება, რომ მიწათმოქმედება მათი ძირითადი საქმიანობაა, ქსოვა კი — დამატებითი, მაშინ როდესაც ფაქტიურად პირიქითაა.

როგორც ჩანს, კამერალურ აღწერებში ძირითადად მიწათმოქმედად შექონდათ ის ოჯახები, რომელთაც რაიმე კავშირი ჰქონდათ მიწასთან, ხოლო ხელოსნობას მათ დამატებით საქმიანობად აცხადებდნენ.

ამრიგად, ეჭვს გარეშეა, რომ საქართველოს სოფლურ ხელოსნობაში ჩაბმული ოჯახების რიცხვი გაცილებით მეტია, ვიდრე ეს კამერალური აღწერის მონაცემებიდან ჩანს. კამერალური აღწერების მონაცემებში ფიქსირდებოდა სოფლის დამმუშავებელი მრეწველობის ხელოსნური და უფრო მაღალი (მინამრეწველური) ფორმები, საოჯახო წარმოება მასში არ აისახებოდა.

როგორც აღინიშნა, განსახილველი ხანის საქართველოს სოფლურ ხელოსნობაში ოჯახების საკმაოდ საგულისხმო რაოდენობაა ჩართული. მაგრამ ამავე დროს ყურადღებას იქცევს აქ გავრცელებული ხელოსნური დარგების სიმცირე. სოფლად ვითარდებო-

და არა ყველა ხელოსნური დარგი, არამედ მისი ის ნაწილი, რომელიც სოფლის მოსახლეობისათვის პირველადი მოხმარების საგნებს დამზადებას (ან შეკეთებას) ითვალისწინებდა. გაბატონებული მდგომარეობა სოფლურ ხელოსნობაში ქსოვას და მასთან დაკავშირებულ დარგებს ეკავათ. ეს დარგი, როგორც ცნობილია, თავისი ხასიათით სოფლურ სარეწთა რიცხვს მიეკუთვნება, ამიტომ თუ მას გამოფრინებად, სურათი დიამეტრალურად იცვლება.

საქსოვ წარმოებაზე ქვემოთ საგანგებოდ იქნება საუბარი. აქ კი უნდა აღინიშნოს, რომ საქსოვი და მასთან დაკავშირებული ხელოსნობის გარეშე, განსახილველი ხანის სოფლების ხელოსნობის განვითარება საკმაოდ მწირად გამოიყურება. მაგალითად, გორის მაზრის 1814, 1818 წლის მონაცემებით 222 ხელოსნური ოჯახიდან 152 საქსოვ და მასთან დაკავშირებულ (ღებვა მოჩითვა, გაწმენდა და ა. შ.) დარგებშია ჩაბმული. დანარჩენი 70 განაწილებულია ხელოსნობის 17 დარგზე, მათგან 22 მარტო დალაქია, რაც დამამუშავებელი დარგის ხელოსნობაში არ ჩაითვლება¹⁹. თბილისის მაზრის 1823 წლის სახაზინო და საბატონო გლეხთა აღწერების მონაცემებით მაზრაში სულ 34 ხელოსნური ოჯახია აღნიშნული (სოლანლუღის, კუკიის და ჩულურეთის მონაცემები არ მიგვიტვლია, რადგან ეს სოფლები ფაქტიურად თბილისის გარეუბნებს წარმოადგენდნენ). აქედან ქსოვასა და მასთან დაკავშირებულ დარგებში ჩაბმულიყო 10 ოჯახი, დანარჩენი 24 ოჯახი ნაწილდებოდა ხელოსნობის 9 დარგზე. აქედან 7 ოჯახი დალაქობას მისდევდა²⁰. ბილნალის მაზრის სახაზინო და საბატონო სოფლებში 1817 წლის ცნობით 309 ხელოსნური ოჯახიდან 236 ქსოვასა და მასთან დაკავშირებულ დარგებში იყო ჩაბმული, დანარჩენი 83 ხელოსნური ოჯახი ხელოსნობის 17 დარგზე იყო განაწილებული.

როგორც ირკვევა, ტექსტილური დარგების გამოკლებით განსახილველ ხანაში სოფლური დამამუშავებელი ხელოსნობის სვედრითი წილი ერთობ მოკრძალებულია. შედარებით მაღალია იგი ბილნალის მაზრის მონაცემების მიხედვით. თავისთავად 83 ხელოსანი მაზრაზე (რომელშიაც 40-მდე მოზარდილი სოფელი იყო გაერთიანებული) დიდი არ არის, მაგრამ საეკონომიკო თანაობა, რომ აღნიშნული 83 ოჯახიდან 68 ხელოსნური ოჯახი მორღის მაზრის 11 სოფელზე²¹. ყველაფერი ეს ქვეყანაში შრომის საზოგადოებ-

¹⁹ იხ. ცხრილი 10.

²⁰ სცსია, ფ. 254, აღ.1, საქ. 802; იქვე, საქ. 803.

²¹ იქვე, საქ. 478, საქ. 499. იხ. ცხრილი 4.

როვი დანაწილების დონით და სასაქონლო ურთიერთობის გან-
ვითარების ხარისხით უნდა იქნას ახსნილი.

ტყარილი 10

გორის მაზრის ხელოსნობა 1814—1818 და 1830—1831 წწ. კამერალური
აღწერილობის მონაცემების მიხედვით

საქმიანობა	ხელოსნები 1814—1818 წწ.						საბატონო ხელოსნები 1830—1831 წწ.			
	გორი	ტხინველა, ახალქალაქი, სურამი, კარელი	სულ ქალაქები და დაბები	მაზრის სოფლები	ქალაქებში და დაბებში საბატონო	მაზრის სოფლებში საბატონო	გორი	სხვა ქალაქები და დაბები	სულ ქალაქებში	მაზრის სოფლებში
1 გამარიალებელი	3		3							
2 დაბალი	6	8	14	1	4	2		2		
3 დალაქი	7	9	16	22	10	14	4			2
4 თოქმანი	6	3	8		2			1		
5 თერძი	3	3	6	3			2		3	1
6 ყალატოზი	2		2	2	1		1		2	
7 მეტლე	8		8		2		1		2	
8 მეთუნე	1	2	3	4	1	3		1		
9 მეკოიდაბე	2		2							
10 მესანთლე	2	1	3		1					
11 მესაცრე				2		2				
12 მექვაბე	1		1		1					
13 მეწისქვილე	3	4	8	5		3	2		2	
14 მეწერაღმანე	1		1	1						
15 მებმლისპირე	1	1	2							
16 მთელავი	3	2	5	1	2					
17 მკუბრავი	1		1							
18 მქსოველი	44	69	113	149	60	83	5	9	14	6
19 მჩითავი	8	1	9		4	4				
20 მქედელი	9	3	12	13	5	11	2	1	3	1
21 ხალბანდი	1	1	2		1					
22 ოქრომქედელი	8		8		1					
23 ხარაზი	18	10	28	5	9	1	8		8	
24 ხელსაქმით	6	1	7	1	4		[6]	[1]	7	
25 ხურო	3	1	4	1	1	1	2	1	3	1
26 მებადღური	2		2	1	1	1				
27 თოკის მგრეხავი	2	1	3	2	3	2	2	1	3	
28 მღებავი	7	6	13	1	2		3	1	4	
29 სარაჯი	4		4	1	1					
30 ქურჭი	2		2					1	1	
31 ყასაბი	5	1	6							
32 კონი	17	9	26	7	9	7	3		3	
სულ	186	136	322	222	127	132	43	19	62	11

ამ თვალსაზრისით გარკვეულ ინტერესს იწვევს სოფლებისა და
ქალაქების ხელოსნობის რაოდენობრივი შეფარდებისა და მისი
182

განვითარების ტენდენციის გარკვევა. არსებული მასალა საშუალებას იძლევა ერთმანეთს შევადაროთ გორის მაზრის საბატონო გლეხთა 1814 და 1830 წლის მონაცემები (ცხრ. 10). უნდა აღინიშნოს, რომ (1) შედარება მოსახლეობის ცალკეული კატეგორიების მიხედვით მთლად მიზანშეწონილი არ არის, რადგან ხელოსნობის განვითარება გარკვეულ რეგიონში მთლიანად (ყველა კატეგორიის მიხედვით) განისაზღვრება. მაგრამ ცნობების სინაქლულის გამო იძულებული ვართ მაინც მივმართოთ მას. (2) ვერც შესადარებელი მონაცემების თარიღებია მთლად ხელსაყრელი. რადგან 20-იანი წლების ბოლოსა და 30-იანი წლების დასაწყისში საქართველოს ხელოსნურ (და საერთოდ სამრეწველო) განვითარებაში დროებითი დაკემის პერიოდი იწყება, რაც შელავათიანი ტრანზიტის მოქმედების (1821—1831) შედეგი იყო²². ამან შეიძლება გარკვეულად გააფერმკრთალოს წარმოდგენილი სურათი, მაგრამ იმის გამო, რომ ამჯერად ჩვენ საერთო შეფარდება და განვითარების ტენდენციის გარკვევა გვინტერესებს, აღნიშნული მონაცემების განხილვა მაინც კმნის საერთო წარმოდგენას. 1814 წლის მონაცემებით გორის მაზრის საბატონო გლეხებიდან ხელოსნობის 25 დარგში ჩაბმული იყო სულ 259 ოჯახი. აქედან ქალაქებში და დაბებში (გორი, სურამი, ცხინვალი, ქარელი, ახალქალაქი) 127 ოჯახი, შესაბამისად, დანარჩენ სოფლებში 132 ოჯახი. ამრიგად, ქალაქური და სოფლური ხელოსნობის თანაფარდობა იყო შესაბამისად 49% და 51%. 1830 წლისათვის ეს თანაფარდობა მნიშვნელოვ-

²² მოტანილი ცხრილიდან ჩანს, რომ თუ 1814 წლის მონაცემებით გორის მაზრის საბატონო გლეხებში მთლიანად 259 ხელოსნური ოჯახი ითვლებოდა, 1830 წლისათვის მათი რიცხვი 173-მდე შემცირდა. თუმცა გამორიცხული არ უნდა იყოს წყაროს შეცდომაც (აღმწერელთა სხვაგვარი მდგომარეობა და ა. შ.). მაგრამ ფაქტია, რომ შელავათიანმა ტრანზიტმა 30-იანი წლების მიწაზე მნიშვნელოვანი დარტყმა მიიყენა ქვეყნის დამუშავებელ მრეწველობას, გორი კი აღნიშნული ტრანზიტის ძირითად მაგისტრალზე მდებარეობდა, ერთ-ერთი საკვანძო პუნქტი იყო და ლოგიკურია, რომ ამ დარტყმის სიმძიმე გორის მაზრის მრეწველობამ განსაკუთრებით განიცადა. აღნიშნულ პერიოდში შელავათიანი ტრანზიტის გადამწყვეტი როლი იქონიანდა ჩანს, რომ რიგ სავაჭრო-სამრეწველო პუნქტებში შემჩნევა ვაჭრობაში ჩაბმული მოსახლეობის ზრდა ხელოსნური მოსახლეობის ხარჯზე. მაგალითად, სოფელ ქარელში 1814 წლის აღწერით ითვლებოდა 14 ხელოსანი და 3 ვაჭარი; 1830 წელს კი ეს შეფარდება სრულიად შეიცვალა—2 ხელოსანი და 12(1) ვაჭარი (სცსია, ფ. 254, აღ. 1, საქ. 542; იქვე, საქ. 1243); სოფ. თამარაშენში 1814 წელს ითვლებოდა 18 ხელოსანი და 2 ვაჭარი, 1830 წელს კი სახეზეა 14 ვაჭარი, ხელოსანი კი არც ერთი (იქვე). ეს პროცესი ჩვენს ისტორიოგრაფიაში შემჩნეული და აღნიშნულია და ამდენად მსჯელობის შემდგომ გაგრძელებას აზრი არა აქვს.

ნად შეცვლილია: ქალაქებსა და დაბებში თავმოყრილია 62 ხელოსნური ოჯახი, სოფლებში კი სულ 11 ოჯახი. ამრიგად, თანაფარდობა შესაბამისად შეადგენს 84,9%სა და 15,1%.

აღნიშნული პროცესი უფრო რელიეფურად ჩანს თბილისისა და მისი მაზრის ხელოსნობის შედარების მაგალითზე (ცხრ. 8). 1823—1824 წლების მონაცემებით თბილისში ითვლებოდა 2020 ხელოსნური ოჯახი, თბილისის მაზრის სოფლებში კი (აქ შედის თბილისის გარეუბნები, კუკია, ჩულურეთი, ნავთლული, სოდანლული) 88 ხელოსნური ოჯახი, ანუ ქალაქში თავმოყრილი იყო მაზრის ხელოსანთა 95,8%, სოფლებში კი — 4,2%. მართალია, შემდეგი მონაცემები თბილისისა და მისი მაზრის ხელოსნობის შესახებ ჩვენ მხოლოდ 1834 წლისა გვაქვს და ისიც ნაკლები (არ არის საეკლესიო გლეჯთა მონაცემები), მაგრამ სურათი მაინც საინტერესოა, კერძოდ, ამ პერიოდისათვის თბილისში სახაზინო და საბატონო გლეხებს შორის ითვლებოდა ხელოსანთა 1539 ოჯახი, მაზრაში კი სულ 9 ოჯახი.

როგორც აღინიშნა, ქვეყნის სხვადასხვა რაიონების განვითარება თანაბარი არ ყოფილა. სოციალურ-ეკონომიკური თვალსაზრისით მნიშვნელოვნად ჩამორჩენილი იყო მთიანი კუთხეები. ამდენად გარკვეულ ინტერესს იწვევს, თუ როგორ განვითარდა სოფლური და ქალაქური ხელოსნობის დაპირისპირების პროცესი იმეთ მთიან კუთხეში, როგორც დუშეთის მაზრა იყო. საფარაუდოა, რომ ბარის რაიონებთან შედარებით ხელოსნობის (მისი წმინდა სახით) სოფლის მეურნეობისაგან სრული გამოცალკეების პროცესი აქ სპეციფიკური ვითარების გამო გაცილებით ნელა მიმდინარეობდა. ხოლო აღწერათა შემდგენლები, როგორც ითქვა, ხელოსნებად მოიხსენიებდნენ მხოლოდ იმ ოჯახებს, რომლებსაც მთლიანად (ან იშვიათ შემთხვევაში ძირითადად) გაწყვეტილი ჰქონდათ ამგვარი კავშირი. ამით უნდა აიხსნას ხელოსნური ოჯახების შედარებით 200-ზე რაოდენობა აღნიშნულ მაზრაში. მიუხედავად ამისა, როგორც მოტანილ ცხრილზე დაკვირვება გვარწმუნებს, სოფლური ხელოსნობის ხარჯზე ქალაქური ხელოსნობის ზრდის პროცესი აქაც იდენტური იყო (იხ. ცხრ. 11). როგორც ირკვევა, 1821 წელს ქალაქ დუშეთში დამმუშაებელ წარმოებაში ჩაბმულია 71 გლეხური ოჯახი, ანუ ხელოსნური ოჯახების 69,6% მაზრაში კი 31 ოჯახი, ანუ საერთოდ რაოდენობის 30,4%; 1831 წლისათვის შეფარდება მნიშვნელოვნად იცვლება. მთლიანად მაზრაში ითვლებოდა ხელოსანთა 128 ოჯახი, აქედან დუშეთ-

ში 102 ოჯახი, ანუ საერთო რაოდენობის 79,7%. მაზრის დანარჩენ ცენტრებში კი 26 ოჯახი, ანუ საერთო რაოდენობის 20,4%.

ცხრილი 11

ქალაქური და სოფლური ხელოსნობის შედარება ღუშეთის მაზრაში 1821—1831 წწ.

ხელობათა დასახელება	1821 წ.		1831 წ.	
	ღუშეთი	მაზრა	ღუშეთი	მაზრა
დაბალი				3
დალაქი	1	1	1	1
დურგალი		1		
თერძი	1	2	2	
მეთოკე		2	1	
მეთუნე	1		2	1
მეწისქვილე		2		2
მღებავი	1		3	
მქსოველი	55	18	36	17
მჩითავი			1	
მეურამე			35	
მკედელი	5		3	
ოქრომკედელი	1	1	2	
კონი	2			
მკილაღი	1			
მესაცრე	1			
მღესავი	2	1		
ხარაზი			4	
მენახშირე			1	
მკურნალი			2	
ხელსაქმით		1		
სხვადასხვა		2	9	2
სულ	71	31	102	26
სულ მაზრაში	102		128	
ქალაქში და მაზრაში %	69,6	30,4	79,7	20,4

წყაროები: სესია, ფ. 254, აღ. 1, საქ. 689; საქ. 1250.

სურათი სრულიად ნათელია: ქვეყნის დამმუშავებელ მრეწველობაში ქალაქური ხელოსნობის ხვედრითი წილი იზრდება სოფლური ხელოსნობის ხვედრითი წილის შემცირების ხარჯზე, რაც შრომის გეოგრაფიული დანაწილების, სასაქონლო წარმოებისა და სასაქონლო ურთიერთობის შემდგომი გაღრმავების ნიშანია.

ამ დასკვნას უამრავი საარქივო მასალა ადასტურებს, რომლებშიც აშკარად ჩანს სოფლელ ხელოსანთა სავაჭრო-სამრეწვე-

ლო ცენტრებში გადასახლებისაკენ მისწრაფება: 1831 წელს ახტალიდან თელავში გადასახლების უფლება ითხოვა დურგალმა გიორგი გოგიაშვილმა²³. მქსოველები პეტრე და ანდრია ციციკაშვილები გორში სოფ. თედორეთიდან არიან გადმოსახლებულები და თავიანთ დამჭირავებელთან ცხოვრობენ²⁴. 1813 წლის ცნობით ატოციდან ცხინვალში გადასახლდა მქსოველი გოგია თანდლიაშვილის ოჯახი²⁵. 1802 წლის ცნობით დუშეთი 14 ახლად გადმოსული ოჯახი ითვლებოდა, რომელთაგან უმრავლესობა ხელოსნობას მისდევდა²⁶. გორის, სიღნაღის, ცხინვალის, თელავის და სხვ. აღწერების მიხედვით, ხელოსანთა გარკვეულ ნაწილს მიწერილი აქვს, რომ მიწის ნაკვეთს ფლობენ სოფელში, რაც მათ ახლად გადმოსახლებულობაზე მიუთითებს. ამგვარი ფაქტები უპირავია. ცხადია, ეს პროცესი განსაკუთრებით ძლიერია თბილისში, რომელიც ქვეყნის შემაკავშირებელი ეკონომიკური ცენტრი იყო და თავისაკენ იზიდავდა არამცთუ მეზობელი სოფლის ხელოსნური ფენების წარმომადგენლებს (ამაზე აშკარად მიუთითებს ის ვაუთავებელი დავები, რომლებსაც აღნიშნული ხელოსნები ეწევიან თავიანთი ყოფილი სოფლების თემებთან გადასახადების გადახდის თაობაზე)²⁷, არამედ სხვადასხვა სოციალური კატეგორიის, ეროვნებისა და რწმენის ხალხთა მასებს ამიერკავკასიის სრულიად სხვადასხვა კუთხეებიდან. თბილისის დამპყშავებელი წარმოება გაცილებით ჭარბობდა ყველა დანარჩენი ქალაქის ამგვარ წარმოებას ერთად აღებულს. თბილისის მრეწველობა მარეგულირებელ და წარმმართველ გავლენას ახდენდა არათუ მის მახლობელ რაიონებზე, არამედ ქვეყნის ყველა სხვა ქალაქის წარმოებაზეც. ამიტომ დამახასიათებელია, რომ თბილისის მაზრაში ხელოსნობა გაცილებით ნაკლებად იყო განვითარებული, ვიდრე გორის, სიღნაღის, თელავისა და ა. შ. წარმოდგენილი ცხრილებიდან ჩანს, რომ 1823—1824 წლის მონაცემებით (ცხრილი 8) თბილისის მაზრაში (გარეუბნების გამოკლებით), თუ მხედველობაში არ მივიღებთ ქსოვას და მასთან დაკავშირებულ დარგებს, ითვლებოდა სულ 9

²³ სცსა, ფ. 254, აღ. 1, საქ. 1202, ფურც. 935.

²⁴ იქვე, საქ. 542, ფურც. 321.

²⁵ იქვე, საქ. 544.

²⁶ სცსა, ფ. 16, საქ. 51, ფურც. 135.

²⁷ სცსა, ფ. 16, საქ. 497, ფურც. 21; იქვე, ფურც. 28; იქვე, საქ. 858, ფურც. 2; სცსა, 254, აღ. 1, საქ. 221, ფურც. 16—18; იქვე, ფ. 262—263; იქვე, საქ. 132, ფურც. 132 და სხვ.

დარგის 21 ხელოსანი, მაშინ როდესაც გორის მაზრაში 1814—1818 წწ. აღწერით ითვლებოდა სოფლის 222, ხოლო ტექსტილური დარგის გამოკლებით 70 ხელოსნური ოჯახი (იხ. ცხრ. 10). ამგვარივე გამოანგარიშებით, სიღნაღის მაზრაში აღნიშნულია 39 ხელოსნური ოჯახი²⁸. თელავის მაზრის 1821 წლის მონაცემებით იმ 13 სოფელში, რომლებსაც საქმიანობა აღნიშნული აქვთ, ითვლება 30 ხელოსანი²⁹ და ა. შ.

ამრიგად, მოტანილი მასალის საფუძველზე შეიძლება დავასკვნათ: განსახილველ პერიოდში ადგილი აქვს დამმუშავებელ მრეწველობაში ჩაბმული მოსახლეობის რაოდენობის ზრდას. მისი ტემპი გაცილებით სქარბობს მოსახლეობის ზრდის საერთო ტემპებს, რაც სამრეწველო მოსახლეობის ზედრითი წილის მატებაზე მიუთითებს. ხელოსნური მოსახლეობის ზრდის პროცესი განსაკუთრებით ინტენსიურია ქალაქებში. შეიზჩნევა დამმუშავებელ მრეწველობაში ჩაბმული მოსახლეობის ლტოლვა ქალაქებისა და სავაჭრო-სამრეწველო დაბებისაკენ, ამის გამო ქალაქური ხელოსნობა სოფლური ხელოსნობის ხარჯზეც იზრდება, სოფლური ხელოსნობა უფრო მეტადაა განვითარებული სამრეწველო ცენტრებიდან (ძირითადად თბილისიდან) დაშორებულ ადგილებში.

2. სასაქონლო წარმოების ჩამოყალიბება

წარმოდგენილი ნაშრომის პირველ თავში საუბარია იყო საქართველოს დამმუშავებელი მრეწველობის პროდუქციის სასაქონლო ხასიათზე. ის გარემოება, რომ იგი უხვად გადიოდა არა მარტო ადგილობრივ, არამედ შორეულ საგარეო ბაზარზეც, სასაქონლო წარმოების ინტენსიური განვითარების ნიშანია. ახლა საინტერესოა გაირკვეს საკითხი, თუ როგორ ხდებოდა სასაქონლო წარმოების შექრა ხელოსნობაში, რაც მისი დაშლის (ტრანსფორმაციის) ამოსავალი უნდა ყოფილიყო. სასაქონლო წარმოება ხელოსნობას უკარგავდა წმინდა სახეს („მრეწველობის ამ ფორმაში ჯერ კიდევ არ არის სასაქონლო წარმოება. ხელოსნობის შრომის პროდუქტი არ გამოდის ბაზარზე...“³⁰). და თანდათანობით მას წვრილ-სასაქონლო წარმოებად აქცევდა.

²⁸ იხ. ცხრილი 12.

²⁹ სესია, გვ. 254, აღ. 1, საქ. 887.

³⁰ ვ. ა. ლენინი, თხზ., ტ. 3, გვ. 383.

ხელოსნობა სიღნაღის მაზრის (1817 წ.) სახაზინო და საბატონო გლეხებში

ხელობათა დასახელება	ველისცხე	ანაგა	ფხოველი	ვაჭარი	სულ დაბეგში	ვაზია	აქედან ჩა- ლაურში	აქედან ბოდბისწყვი	ჩიმღში	კარდნაჭვი
1	2	3	4	5	6	7	8	9	10	11
დაბალი						2			1	
დალაქი			2	2	4	11		1	1	2
ზეინკალი										1
თოქმაჩი	1									
თერბი			1		1	1				
მეთუნე	1	1		1	3	2				
მეკონდახე										
მენაბდე		2			2					
მეტოცე										
მეჭეაბე							2			
მეწალე										
მეწისქვილე							2			
მეხმლისპირე										
მთელაფი							1			
მღებავი			4	3	7	10		4		
მქსოველი	77	25	15	18	135	75	4	9	21	7
მრთელი										
მჩოთაფი	2	3		2	6				6	
მკედელი			1	2	3	9	1			
ყასაბი										
ქონი	3	2	1	1	7	5	1	1		
ხარაზი		2	3		5	3	1	1	1	1
ხურო							1			
მეეტლე	2				2					
მეაბრეშუმე		1			1				1	
მკალაფი			1		1					
მუნახშირე			3		3					
მემუსოცე			2		2					
ქსოვა და ღებვა							3			
ს უ ლ	86	36	33	29	182	127	8	17	33	9

ცხრილი შედგენილია: სცსია, ფ. 254, აღ. 1, საქ. 478 და იქვე, საქ. 499- (მაზრის საბატონო და სახაზინო გლეხების კამერალური აღწერები). საბუთები ნაკლულაა, არც ერთში არაა თვით ქალაქ სიღნაღის მონაცემები, ამიტომ ჩვენ შევეცადეთ გამოგვეყო სავაჭრო-სამრეწველო დაბების (ველისცხე, ანაგა, ფხოველი, ვაჭარი) და იგი დაგვეპირისპირებინა მაზრის დანარჩენი სოფლების მონაცემებისათვის მაგრამ მის გამო, რომ აღნიშნული დაბები ძირითადად საქსოვი წარმოების ცენტრები იყო, სურათი ქალაქური ხელოსნობის განვითარების თვალსაზრისით დამაჭერებელი არ გამოვიდა.

ხელოსნობაში სასაქონლო წარმოების ჩასახვა იწყება არა-
უგვიანეს XVIII საუკუნისა. სამოქალაქო სჯულღვილები ავტორი-
სათვის, რომელიც ამ პერიოდს ასახავს, ცნობილია, რომ ხელოს-
ნები „... საქმეს გამოიყუანდნენ თავიანთის მუშაობით გასასყიდ-
ლად“³¹. რომ საქართველოს ქალაქურ ხელოსნობაში შეკვეთით
წარმოებასთან ერთად პროდუქტის საგანგებოდ ბაზრისათვის დაშ-
ვადებასაც ჰქონდა ადგილი, ამას არაერთი საბუთი ადასტურებს.
ამგვარი ცნობები მრავლადაა დაცული გორჯასპი მდივნის სახლის
შწინებლობის ნუსხაში, რომელაც 1751 წლითა დათარიღებული.
საბუთიდან ჩანს, რომ პროდუქტთა ნაწილი შეკვეთით შვადდება,
მაგალითად ბარი³², ნაჩაბი კი იყიდება³³, ლურსმანი ზოგჯერ შე-
კვეთით შვადდება, ზოგჯერ კი ხელოსნისგან შეიძინება³⁴. ლევან
ბატონიშვილის ვალების სიიდან, რომელიც XVIII საუკუნის მეო-
რე ნახევარშია შედგენილი, აშკარად ჩანს, რომ თბილისელი ხე-
ლოსნები: ხარაზები, ნალბანდები, სირაჯები, მაზმანები, მესანთ-
ლები, ფალანდუზები და სხვ. საბაზრო პროდუქციას ამზადე-
ბენ³⁵. ამგვარი ფაქტი უამრავია.

ი. შახგუბატოვი, ავტორი 1819 წელს შედგენილი შრომისა
„საქართველოსა და იმერეთის საშინაო მდგომარეობის აღწერა...“
გარკვევით ანსხვავებს შეკვეთით და ბაზრისთვის მომუშავე ხე-
ლოსნებს: „თბილისში ბევრი ეწევა თერძობას, ზოგიერთი მათ-
განი მხოლოდ შეკვეთით მუშაობს. —სხვები კი ქალებისა და მამა-
კაცებისათვის აწვადებენ სხვადასხვა ტანსაცმელს, როგორცაა
ჩოხები, ახალუხები, შარვლები მდაბიოებზე გასასყიდად“³⁶.
მოტანილ ამონაწერში ორ გარემოებას უნდა მიექცეს ყურადღე-
ბა: 1. ხელოსანთაგან მხოლოდ ზოგიერთი მუშაობს შეკვეთით,
უმრავლესობა კი გასასყიდ პროდუქციას ამზადებს და 2. გასას-
ყიდი მდაბიოებისათვის შვადდება, იგი უბრალოა, მის წარმოებას
მასობრივი ხასიათი აქვს. ავტორი თერძობაში ორივე სახის წარ-
მოებას ხედავს, მაგრამ ხელოსნობის ზოგიერთი დარგი მისი რწმუ-

³¹ სამოქალაქო სჯულღვილება, ტექსტი, ლექსიკონი და საძიებლები გამოსცა
დავით ფურცლაძემ, თბ., 1966, გვ.138.

³² ნ ბ ე რ ძ ე ნ ი შ ვ ი ლ ი, მასალები საქართველოს ეკონომიური ისტორი-
ისათვის, წ.1, გვ. 11.

³³ იქვე, გვ. 9.

³⁴ იქვე, გვ.14.

³⁵ იქვე, გვ. 56.

³⁶ ი. შ ა ხ გ უ ბ ა ტ ო ვ ი, დსახ. ნაშრ. ხელნ. ინსტ., Ros d 110, გვ. 19.

ნებით მხოლოდ საქონელწარმოებაზეა გადასულნი. მაგალითად, ქულების დამზადებაში და ხარაზობაში იგი შეკვეთით წარმოებას საერთოდ არ აღნიშნავენ და აცხადებს, რომ „ქონები მღაბითათვის უბრალო ცხვრის ტყავისგან, ხოლო მდიდრებისათვის... რუხი და შავი ყირიმული ცხვრის ტყავისაგან გაასახეიდად კერავენ (ქულებს)“³⁷. ხოლო „ხარაზები და შეწაღები გასახეიდად თხის ტყავისა და კემუხტისაგან კერავენ თეთრი, შავი, წითელი, მწვანე და ყვითელი ფერის ჩექმებს, რომლებსაც საცვეთები ეწოდებათ და მხოლოდ მამაკაცები იცვამენ, ხოლო თხის გადმობრუნებული ტყავისაგან ქალებისა და მამაკაცებისათვის კერავენ წაღებს“³⁸.

არსებულ მრავალრიცხოვან საბუთებში, რომლებიც სხვადასხვა სახის პროდუქტთა ყიდვა-გაყიდვის ფაქტებს ასახევენ, შეკვეთით წარმოების მაგალითების გარჩევა შედარებით ადვილია, რადგან სხვადასხვა ხარჯების ნუსხათა შემდგენლები ასეთ შემთხვევაში ჩვეულებრივ აღნიშნავენ, რომ ესა თუ ის ნივთი მათ ხელოსანს ვაკეთებანეს და გადაიხადეს სათანადო თანხა. საქონელწარმოების ფაქტების გამოცალკევება კი რთულია, რადგან ჯერ უნდა დადგინდეს საქონლის სადაურობა (ადგილობრივია თუ უცხოური), შემდეგ კი ის, თუ როგორი სახითაა იგი დამზადებული, ე. ი. შემთხვევით გამოდის ბაზარზე თუ საგანგებოდ ამ მიზნისათვისაა დამზადებული. მიუხედავად ამ სიძნელეებისა, ამგვარი ფაქტების მოტანა არაერთს შეიძლება.

ცალკეულ სოფლებსა და მაზრებში ხელოსნობის გარკვეული დარგის უპირატესი განვითარება რასაც ადგილი ჰქონდა განსახილველი ხანის საქართველოს რიგ რაიონებში, შრომის გეოგრაფიული და საზოგადოებრივი დანაწილების პროცესის გაღრმავებისა და სასაქონლო მეურნეობის არსებობის ნიშანია. 1803 წლის ცნობით გორის მაზრის სოფელ თორტიზის მცხოვრებნი ხენათესვასთან ერთად „ამზადებენ საცრებს და სოფლებში ყიდიან“³⁹. ორდისის გლეხობა სოფლის მეურნეობასთან ერთად გასახეიდად მაუდის დამზადებას და ხიფთანების კერვასაც მისდევდა⁴⁰. გორის მაზრის სოფელ ჭალაში 1814 წლის ცნობით, ორი დარგი იყო

³⁷ ი. შ ა ხ გ უ ბ ა ტ ო ვ ი. დასახ. ნაშრ. ხელნ. ისტ., Ros d 110, გვ. 19 (ხაზი ჩემია—მ. ს.)

³⁸ იქვე.

³⁹ სცსია, ფ.2, აღ.1, საქ.52, ფურც.70.

⁴⁰ იქვე.

განვითარებული — ქსოვა და ღურგლობა⁴¹. მიწათმოქმედებასთან ერთად ღურგლობა იყო სამთავისის მცხოვრებთა შემოსავლის ძირითადი წყარო⁴². სიღნაღის მაზრის 1804 წლის აღწერით სოფელ მუკუხანის მცხოვრებ 40 ოჯახიდან 16 ოჯახი მხოლოდ ტილოს ქაოვით და მღებრობითაა დაკავებული. იმავე აღწერის მიხედვით ველისციხის 195 ოჯახიდან 88 ოჯახის ძირითადი (ხშირად ერთადერთი) შემოსავალი ტილოს ქსოვა და ლებვა იყო⁴³.

უშუალოდ, ყველა დასახელებულ და უამრავ სხვა შემთხვევაშიც, სასაქონლო წარმოებასთან გვაქვს საქმე, რადგან ცალკეული დარგის ხელოსნობის ერთმანეთისაგან დაშორებულ სოფლებში თავმოყრა შეკვეთით მუშაობის შესაძლებლობას გამოიციხავდა.

ქვეყნის ეკონომიკაში ახალი ურთიერთობის ჩასახვის თვალსაზრისით აღნიშნულ პროცესს განმაზღვრელი მნიშვნელობა აქვს, რადგან სასაქონლო წარმოება კაპიტალიზმის წინამორბედი⁴⁴. სასაქონლო მეურნეობის და კაპიტალიზმის განვითარების საფუძველი შრომის საზოგადოებრივი დანაწილება იყო⁴⁵, რაც „იმაში მდგომარეობს, რომ მიწათმოქმედებას ზედიზედ გამოეყოფა ნედლეულის დამუშავების სხვადასხვა სახე და ამ დამუშავების სხვადასხვა ოპერაცია და ჩნდება მრეწველობის დამოუკიდებელი დარგები, რომლებიც თავიანთ პროდუქტებს (ახლა უკვე საქონელს) მიწათმოქმედების პროდუქტებზე გადაცედიან. მიწათმოქმედება, ამრიგად თვითონ იქცევა მრეწველობად (ე. ი. საქონელწარმოებად) და იქაც ხდება სპეციალიზაციის იგრვე პროცესი“⁴⁶. მთელი ეს პროცესი გაძიხატულებას პოულობს სამიწათმოქმედო მოსახლეობის ხარჯზე არასამიწათმოქმედო მოსახლეობის ზრდაში.

გასული საუკუნის პირველი მესამედის სხვადასხვა ხასიათის წყაროები აშკარად ადასტურებენ ზემოთ აღნიშნული ტენდენციის არსებობას, რაც, უპირველეს ყოვლისა, ქალაქური მოსახლეობის ზრდაში უნდა გამოიხატულიყო სოფლის მოსახლეობის შენეების ხარჯზე. დემოგრაფიული საკითხების კვლევა წინამდებ-

⁴¹ სესია, ფ. 254, აღ. 1, საქ. 545.

⁴² იქვე.

⁴³ იქვე, ფ. 254, აღ. 1, საქ. 75.

⁴⁴ ვ. ი. ლენინი, თხზ., ტ. 6, გვ. 37.

⁴⁵ ვ. ი. ლენინი, თხზ., ტ. 3, გვ. 24.

⁴⁶ ვ. ი. ლენინი, თხზ., ტ. 3, გვ. 61—62.

ბარე ნაშრომის ფარგლებს სცილდება, მაგრამ იმის გამო, რომ სათანადო ლიტერატურაში ამ თვალსაზრისით განსახილველი პერიოდის ვითარება არსებითად შეუსწავლელია (ან სათანადოდ არ არის შესწავლილი)⁴⁷, საჭირო გახდა არსებული მასალის საფუძველზე ზოგიერთი (რამდენადმე სახელდახელო) დაკვირვების ჩატარება. ქალაქებისა და მაზრების მოსახლეობის დინამიკის ქვემოთ მოტანილი მონაცემები (იხ. ცხრ. 13), მართალია, შორსაა სასურველი სისრულისაგან, მაგრამ იგი მაინც იძლევა გარკვეულ შესაძლებლობას განვითარების ხასიათის დასადგენად: 1816—1830—32 წლებში (ე. ი. იმ წლებში, რომელთა შესახებაც შესაძარებლად საკმარისი მასალა არსებობს) თბილისის, გორის, თელავის, სიღნაღისა და დუშეთის მონაცემების მიხედვით, ქალაქის მოსახლეობა 14 057 სულიდან 36 016 სულამდე გაიზარდა, ე. ი. მატებამ შეადგინა დაახლოებით 250%, მაშინ როდესაც ამავე მაზრების მოსახლეობა 131 994 სულიდან გაიზარდა 256 900 სულამდე, ანუ მატებამ შეადგინა 194,6%; ქალაქებისა და შესაბამისი მაზრების მონაცემების შედარება შემდეგ სურათს იძლევა: ქ. თბილისში მატებამ შეადგინა დაახლოებით 244%, მაზრაში დაახლოებით 142%; თელავში — 358%, მაზრაში — 158,5%; სიღნაღში 226%, მაზრაში 213%; დუშეთში 392%; მაზრაში 219%; გორში მატებამ შეადგინა 262%, მაზრაში კი დაახლოებით 239%. ამრიგად, ქალაქის მოსახლეობის ზრდა როგორც საერთოდ, ისე ცალკეული მაზრების მიხედვით, ჭარბობს სოფლის მოსახლეობის ზრდის ტემპებს, რაც აქშარად მიუთითებს ქვეყანაში არასამიწათმოქმედო მოსახლეობის ხვედრითი წილის ზრდაზე.

უნდა აღინიშნოს, რომ ცხრილში შეტანილია მხოლოდ სამაზრო ქალაქები; მასში არ შესულა ისეთი მნიშვნელოვანი სავაჭრო-სამრეწველო ცენტრები, როგორც იყო ცხინვალი, სურამი და ა. შ., რომელთა მონაცემების გათვალისწინება კიდევ უფრო მკაფიოს გახდიდა შექმნილ სურათს. მეორე მხრივ, არასამიწათმოქმედო მოსახლეობის ზრდას ზოგჯერ ადგილი აქვს თვით სოფლის მოსახლეობაში. მაგალითად, 1804 წლის ცნობით სიღნაღის მაზრის 27 სოფელში, რომლის მოსახლეობა 3089 ოჯახს ითვლიდა, არასამიწათმოქმედო საქმიანობაში ჩაბმული იყო 397 ოჯახი, ანუ სა-

⁴⁷ კ. ანთაძე თავისთავად საინტერესო ნაშრომში „საქართველოს მოსახლეობა XIX საუკუნეში“, თბ., 1973, საკითხის შესწავლას არსებითად 30-იანი წლებიდან იწყებს, ძირითადი აქცენტი კი XIX ს. მეორე ნახევარზე გადააქვს.

საქართველოს ქალაქების და მაზრების მოსახლეობა 1816—1832 წწ.

წლები	თბილისი		გორი		თელავი		სოფნაღ		დუშეთი							
	მამრ.	მდედრ.	მამრ.	მდედრ.	მამრ.	მდედრ.	მამრ.	მდედრ.	მამრ.	მდედრ.						
	სულ	სულ	სულ	სულ	სულ	სულ	სულ	სულ	სულ	სულ						
1816	5250	4751	10001	630	514	1144	690	568	1258	733	613	1346	163	145	308	
1817				1289	959	2248	999	1106	2105				1988			
1823	16200	13659	29859	1425	719	2144				2383	949	3332				
1830	13632						1268	1114	2382							
1832			24200	1552	1448	3000	2239	2268	4507	1665	1378	3043	685	581	1266	

მ ა ზ რ ე ბ ი

1816	10335	9055	18182	14015	32197	15418	13730	29148	16901	14191	31092	11350	8817	20167
1817			18939	13831	32770						24808			
1823			15032											
1830			27500			27000	22000	49000						
1832					76900		46200				62200			44100

ცხრილი შედგენილია შემდეგი მასალის მიხედვით: სცია, ფ. 16, საქ. 1930, ფურც. 130; იქვე, საქ. 2141, ფურც. 23; იქვე, საქ. 3513, ფურც. 200; იქვე, საქ. 4229, ფურც. 171; იქვე, საქ. 4676, ფურც. 39—40; იქვე, საქ. 3723, ფურც. 100.

ერთო რაოდენობის დაახლოებით 12,9%. 1830 წლისთვის კი 30 სოფლის 2650 ოჯახიდან არასამიწათმოქმედო საქმიანობაში ჩაბმული იყო 447 ოჯახი, ანუ საერთო რაოდენობის დაახლოებით 16,9%⁴⁸.

სასაქონლო მეურნეობის განვითარება და სამრეწველო მოსახლეობის ზრდა ურთიერთგანმავითარებელი, ტიპური ფეოდალური ურთიერთობისათვის უცხო და მასში ახალი ურთიერთობის შექმნის დამადასტურებელი პროცესებია: „სასაქონლო მეურნეობის განვითარება... ნიშნავს მოსახლეობის სულ უფრო და უფრო მეტი ნაწილის ჩამოშორებას მიწათმოქმედებისაგან, ე. ი. სამრეწველო მოსახლეობის ზრდას სამიწათმოქმედო მოსახლეობის ანგარიშზე. „თ ვით ბუნება წარმოეძის კაპიტლისტური წესისა ისეთია, რომ იგი მუდამ ამცირებს სამიწათმოქმედო მოსახლეობას ანუ არასამრეწველო მოსახლეობას თან შედარებით“⁴⁹.

3. ეკონომიკური დიფერენციაციის გაჩენა ხელოსნობაში

სასაქონლო მეურნეობის გავრცელება ხელოსნობას უკარგავს პირვანდელ სახეს და მას წვრილსაქონელმწარმოებად აქცევს. ხელოსანთა მასის გარკვეული ნაწილი წვრილმწარმოებლად, კუსტარად იქცევა. ამ პროცესის ლოგიკური შედეგია საქონელმწარმოებელთა შორის ქონებრივი დიფერენციაციის შემდგომი გაღრმავება.

განსახილველი ზანის დოკუმენტური მასალა მწარმოებელთა ქონებრივი მდგომარეობის შესახებ სისტემატური ხასიათის ცნობებს არ შეიცავს. ამიტომ საკითხის გარკვევისათვის საჭირო ხდება არაპირდაპირი ხასიათის მონაცემებზე დაყრდნობა.

ქალაქურ ხელოსნობაში ქონებრივი დიფერენციაციის ხარისხზე შეიძლება წარმოდგენა შექმნას ამა თუ იმ ოჯახზე გაწერილი მანტის ოდენობამ, რადგან აღნიშნული გამოსაღები ერთგვარად პროგრესული ხასიათისა იყო და მისი ოდენობა გადამხდელის ეკონომიკური მდგომარეობით განისაზღვრებოდა. ოჯახებზე გაწერილი მანტის ოდენობაზე სისტემატური ხასიათის ცნობებს.

⁴⁸ სცსია, ფ. 254, აღ. 1, საქ. 75; შდრ. იქვე, საქ. 478—479.

⁴⁹ ვ. ი. ლენინი, თხზ., ტ.3, გვ.25.

შეიცავს თბილისის 1834 წლის აღწერა. აღნიშნული აღწერით 1954 ხელოსანის ოჯახიდან მახტით დაბეგვრას ექვემდებარებოდა 1400 ოჯახი (554 ოჯახი ამ მოსაკრეფიდან პრივილეგიის სახით თავისუფალი იყო), აქედან 624 ოჯახი ანუ საერთო რაოდენობის 44,5% იმდენად ღარიბი იყო, რომ არაფერს არ იხდიდა. ოჯახების ეს ჯგუფი უღარიბესთა კატეგორიას უნდა მიეკუთვნოს; 122 ოჯახი, ანუ საერთო რაოდენობის 8,8% 1 მანეთამდე მახტას იხდიდა და ღარიბთა კატეგორიას მიეკუთვნებოდა; 287 ოჯახი, ანუ 20,5% იხდიდა 1—3 მანეთამდე. ძირითადი შეიძლება საშუალო შეიძლების მქონე კატეგორიად გამოიყოს; 259 ოჯახი, ანუ საერთო რაოდენობის 18,5%, რომლის გამოსაღები 3—5 მანეთამდე შეადგენს, შეიძლებულთა კატეგორიას უნდა მიეკუთვნოს; 93 ოჯახი ანუ საერთო რაოდენობის 6,6% მდიდარია. მათი გადასახადი 5—10 მანეთამდეა; ხოლო 15 ოჯახი, ანუ საერთო რაოდენობის დაახლოებით 1,1%, რომელიც 10 მანეთზე მეტ გადასახადს იხდის, შეიძლება ძალიან მდიდრად ჩაითვალოს.

როდესაც ხელოსანთა სიმდიდრეზეა ლაპარაკი, აქ გარკვეული პირობითობა იგულისხმება, რადგან თვით საგანთა ბუნების გამო ხელოსანი ან თუნდაც წვრილი მწარმოებელი არ შეიძლება წლიდარი იყოს. სასაქონლო მეურნეობის პირობებში, როდესაც ხელოსანი (წვრილი მწარმოებელი) ეკონომიკური კეთილდღეობის გარკვეულ ზღვარს აღწევს, თანდათანობით ან ვაჭრად იქცევა ან კაპიტალისტად. ამდენად ადვილი წარმოსადგენია, რომ ოჯახები, რომლებიც იხდიდნენ 3—5, 5—10 და 10 მანეთზე მეტ მახტას, აღარ იყვნენ ტიპური ხელოსნები და არც წვრილი საქონლმწარმოებლები. მათ სარეწებში განვითარების უფრო მაღალი ფორმებია საქებნი.

რაც შეეხება ხელოსანთა იმ 624 ოჯახს, რომელიც მწარმოებელთა ყველაზე დიდ პროცენტს (44,6%) შეადგენდა, სავარაუდოა, რომ მათ გარკვეულ ნაწილს არსებითად დაკარგული ჰქონდა დამოუკიდებელი ხელოსანის მდგომარეობა და პირდაპირ (გაფართოებულ სახელოსნოში), თუ არაპირდაპირ (თავიანთ სახლებში დანაწევრებული მანუფაქტურის საფუძველზე), თავისი თანამომხე გამდიდრებული ხელოსნის, თუ გაფანტული მანუფაქტურის მეთაური ვაჭრის დაქირავებული მუშები იყვნენ.

ხელოსანთა შორის ქონებრივ დიფერენციაზე გარკვეულ წარმოდგენას ქმნის მათი უძრავ-მოძრავი ქონების მონაცემები. ხშირად კამერალურ აღწერებში მითითებულია ამა თუ იმ ოჯახის

მფლობელობაში მყოფი უძრავ-მოდრავი ქონება (სახლი, ღუქანი, მიწა, საქონელი და ა. შ.) ამ მონაცემებით მწარმოებელთა ეკონომიკური შეძლებულობის დადგენა მეტად ძნელია; მიწა ქალაქელი ხელოსნისათვის სიძვირის ნიშნად არ გამოდგება, რადგან

ქ. გორის ხელოსნობაში ჩაბმული მოსახლეობის ქონებრივი მდგომარეობა

ქონებრივი მდგომარეობა	მკაცრი	მღებე	მშობი	გამგრილებელი	თქი	ქონ	მეშავე	ხარაზი	მეწევე	ღაბი	მკვი	ნაღბი	ზარაზი
ბრთერი	19-33	2-4	4-4			12-12		11-11	2-2	4-6	5-5	1-1	1-1
სახლი		1-3	1-1	1-2				5-7		2-3			
საქონელი	19-32				1-1		2-3				2-2		2-3
სახლი და ღუქანი	3-3	1-3						1-2	2-2		1-2		1-1
სახლი და ცოტა მიწა		1-1		1-3		1-1		1-1					
მიწა სოფელში	3-3	1-1		1-3							1-4		
სახლი, ღუქანი და მიწა					1-2	1-2	1-1						
სახლი და საქონელი		1-1	3-4			3-4		3-3		1-1			1-2
მიწა					1-1	1-1							
	44-71	7-13	8-9	3-8	3-4	18-20	3-4	21-24	4-4	7-10	9-13	1-1	5-7

შენიშვნა: სვეტის პირველი ციფრი აღნიშნავს ოჯახების რაოდენობას; მეორე

იგი მას ხშირად სოფელში აქვს მითვებული. სახლისა და ღუქნის მფლობელობა შეიძლება ზოგჯერ მართლაც იქნას მიჩნეული ეკონომიკური სიძლიერის ნიშნად (განსაკუთრებით თუ ამდგვარი უძრავი ქონება ერთზე მეტია), მაგრამ არა ყოველთვის, რადგან სახლი და ღუქანი ქალაქელ ხელოსანს შეიძლება მეშვეობით

აქვს მიღებული, თვითონ კი სრულ სიღარიბეში ცხოვრობდეს. ზაგრამ როცა პირიქითაა, როდესაც მწარმოებელს არავითარი ქონება არ გააჩნდა, ცხადია, აქ მეტად მძიმე ეკონომიკურ მდგომარეობას აქვს აღვილი.

ცხრილი 14

1818 წლის კამერალური აღწერის მონაცემების მიხედვით

შექვაბე	მგმოსპარე	მკონდაბე	ვერცხლისმქედელი	ყაბაბი	მეთოვე	ქურქი	მეწერელმანე	მეთუნე	კალატობი	ხურო	მეთუნე	მეწესქედე	მეჯე	მეჭე	ლაქი	მეთევე	მეშაობი	სულ ხელისნობაში
1-3	1-1	1-1	1-3	2-3		1-1	1-1		1-1	2-2	1-1	1-5	1-2			1-1	2-2	76-104
			1-2			1-1								3-3		1-2	9-12	16-24
		1-1	1-1	1-1	2-5			1-1	1-2	1-1	6-7	1-1					18-22	41-61
																	27-37	9-13
																	6-9	4-6
			1-1	1-2													3-5	8-14
																	1-2	3-5
																	4-4	13-18
				1-3														2-2
1-3	1-1	2-2	4-7	5-9	2-5	2-2	1-1	1-1	2-3	3-3	7-8	2-6	1-2	3-3	—	2-3	70-93	172-247

ცოფრი—ამ ოჯახებში მოწიფულ შამაკათა რაოდენობას.

გორის 1818 წლის კამერალური აღწერის მონაცემების საფუძველზე შედგენილი ცხრილის მიხედვით (ცხრ. 14) დამმუშავებელ წარმოებაში ჩაბმული 172 ოჯახიდან, რომელთა ქონებრივ მდგომარეობაზე აღწერა ცნობებს შეიცავს, 76 ოჯახს ანუ 44,2% არავითარი ქონება არ გააჩნია, 147 ოჯახს, ანუ საერთო რაოდენ-

ნობის 85,5% არა აქვს საკუთარი სახლი. სავარაუდოა, რომ მათი ნაწილი ნაქირავებ სახლებში ცხოვრობს, ნაწილი კი თვითონ ქირავდება და, როგორც ეს ხშირად ზღებოდა, თავის დამქირავებელთან ცხოვრობს; 41 ოჯახს, ანუ საერთო რაოდენობის 23,8% რაღაც რაოდენობის საქონელი ჰყავს (აქ ჩვეუ-

ქ. თელავის ხელოსნობაში ჩაბმულ სახაზანო და საბატონო გლეხთა ქონებრივი

ქონებრივი მდგომარეობა	ექსპლუატი	შრომატი	მღებავი	მკურე	თემი	ქონი	ხაზანი	სარაფი
ცხოვრობს სხვის სახლში	1-1					2-3		1-1
ცხოვრობს ნაქირავებში	3-3			1-2		10-19	1-3	4-6
აქვს სახლი	23-31	3-1	1-1	2-2	3-6	1-2	8-13	
აქვს სახლი და ღუქანი	1-1		1-1					
აქვს 2 სახლი და 2 ღუქანი							2-7	
აქვს 1 სახლი და 5 ღუქანი								
აქვს 1 სახლი და 2 ღუქანი								
აქვს სახლი და ცოტა მიწა	2-4							
	30-40	3-1	2-2	3-4	3-6	13-24	11-23	5-7

შენიშვნა: 1. საბუთი ნაკლულია. დაკარგულია დასაწყისი № 95-მდე. ამან ციფრი აღნიშნავს ოჯახების რაოდენობას; მეორე ციფრი - მოწოდულ მამაკაცთა

ღებრივ იგულისხმება თითო ძროხა, ცხენი, სახედარი და ა. შ. ცხადია, საკუთარი, საოჯახო მოხმარებისათვის), 8 ოჯახს, ანუ საერთო რაოდენობის 4,7% მკურე რაოდენობის მიწა აქვს სოფელში (სავარაუდოა, რომ ესენი იმ ხელოსანთა რიცხვს მიეკუთვნებიან, რომლებიც ქალაქში ახალი ვადმოსახლებულნი არიან, რაზეც ზევით უკვე იყო საუბარი). საკუთარი სახლი აქვს 45 ოჯახს, ანუ საერთო რაოდენობის 26,2%; სახლი და ღუქანი კი 12 ოჯახს, ანუ საერთო რაოდენობის დაახლოებით 7% (იგულისხმება, რომ დანარჩენ ხელოსანთა გარკვეული ნაწილი ღუქანებს ქირაობდა). ბუნებრივია, რომ შეძლებულ ხელოსანთა არსებობა უკანასკნელ შემთხვევაშია სავარაუდო. უსახლკარო და უქონებელ ხელოსანთა

76 ოჯახი კი, ცხადია, უღარიბესთა კატეგორიას უნდა მიეკუთვნოს.

ერთგვარად განსხვავებული ვითარება ჩანს თელავის 1821 წლის აღწერის მასალებით შედგენილი ცხრილის მონაცემებში (ცხრ. 15). აღწერა ნაკლებია, დაკარგულია მისი დასაწყისი. ქო-

ცხრილი 15

მდგომარეობა 1821 წლის კაპიტალური აღწერის მონაცემებს მიხედვით

მკვლედი	მეცხვები	მთლები	დალაქი	ყასაბი	ვეუნაგები	მესახთლე	მეზაიანი	ხეივანი	კალატონი	დღესღამე	ხელსაქმით	სხვადასხვა	სულ
										2-2			6-7
1-1	2-2			1-1						2-1			25-38
13-14	3-3	1-1	5-7	2-4	2-3	1-3	2-2	2-2	1-1	22-25	2-9	1-1	98-131
		1-1					2-2				2-2		7-7
													2-7
											1-5		1-5
										2-5		1-1	5-10

|14-15|5-5|2-2|5-7|3-5|2-3|1-3|4-4|2-2|1-1|28-33|5-16|2-2|144-205

შეიძლება რამდენადმე შეცვალოს ობიექტური სურათი; 2. სვეტის „პირველი რაოდენობას“.

ნების აღმნიშვნელი მონაცემები აქვს ხელოსნურ საქმიანობაში ჩაბმულ 144 ოჯახს. გორის ზემოთ განხილულ აღწერასთან შედარებით აქ თვალშისაცემია იმ ოჯახთა სიმრავლე, რომელთაც საკუთარი სახლები აქვთ. ამგვარია 113 ოჯახი, ანუ საერთო რაოდენობის დაახლოებით 78,5%; შესაბამისად არავითარი ქონება არა აქვს 31 ოჯახს, ანუ საერთო რაოდენობის 28,5%. სამაგიეროდ, აქ არ არის ისეთი ოჯახები, რომლებსაც სახლი არა აქვთ, მაგრამ სხვა რაიმე ქონება გააჩნიათ როგორც ეს გორის აღწერაში იყო. ამრიგად, თუ უღარიბესთა კატეგორიაში მოვათავჯებთ იმ ოჯახებს, რომლებსაც არავითარი ქონება არ ჰქონიათ, მაშინ ასეთი თელავში იქნება საერთო რაოდენობის 28,5% (გორში ამგვარი 44% იყო).

თელავის მაზრის არაფრისმქონე ხელოსნებში გამოცალკევებულია ის ოჯახები, რომლებიც ნაქირავებ სახლებში ცხოვრობდნენ და ისეთები, რომლებიც სხვის სახლში ცხოვრობდნენ (პირველნი შეადგენენ 25 ოჯახს, ანუ საერთო რაოდენობის 17,4%, მეორენი 8 ოჯახს, ანუ საერთო რაოდენობის 4,2%). როგორც ზემოთაც ითქვა, სხვის სახლში ცხოვრება, რაკი ეს ბინის დაქირავებასთან არ იყო დაკავშირებული, დაქირავებული შრომის პირობებშია სავარაუდო. სხვა პრინციპი თითქოს გამორიცხულია (კვალიფიციური მუშა ცხოვრობს თავის დამქირავებელთან). სახლი და დუქანი აქვს 15 ოჯახს, ანუ საერთო რაოდენობის 10,4%. სავარაუდოა რომ ესენი შეძლებული ხელოსნებია. ამთავან ორ ოჯახს აქვს ორი სახლი და ორი დუქანი, ხუთ ოჯახს კი თითო სახლი და ორ-ორი დუქანი. უძრავ-მოდრავი ქონების მიხედვით აღნიშნული ოჯახები შეიძლება მდიდართა კატეგორიას შივავკუთნოთ. ისინი საერთო რაოდენობის 4,9% შეადგენდნენ.

ცხადია, გრადაცია უძრავ-მოდრავი ქონების ოდენობის მიხედვით ერთობ პირობითია, მაგრამ იგი მაინც უნდა იძლეოდეს ფაქტიური ვითარების რამდენადმე ობიექტურ ასახვას, რაც იმაში მდგომარეობს, რომ გორის, ისევე როგორც თელავის (და სავარაუდოა, სხვა ქალაქებისა, რომელთა შესახებ მონაცემები ჩვენ არა გვაქვს) ხელოსნები ერთობ განსხვავებული ეკონომიკური შეძლებისანი იყვნენ. ერთი მხრივ, არსებობდნენ არაფრისმქონე უღარიბესი ხელოსნები, მეორე მხრივ კა—შეძლებულნი, მდიდარნი.

სოფლის ხელოსანთა შორის ქონებრივი დიფერენციაციის საინტერესო სურათს იძლევა გორის მაზრის 1818 წლის საბატონო გლეხთა აღწერის მონაცემები (ცხრ. 16). ხელოსნურ საქმიანობაში ჩაბმული მაზრის 167 ოჯახიდან (რომელთა შესახებ ცნობები გვაქვს) 48 ოჯახს, ანუ საერთო რაოდენობის 28,7% არავითარი ქონება არ გააჩნდა; 50 ოჯახს, ანუ საერთო რაოდენობის 29,9% მხოლოდ სახლი ჰქონდა; 36 ოჯახს, ანუ საერთო რაოდენობის 21,6% აქვს სახლი და ცოტა მიწა; 28 ოჯახს, ანუ საერთო რაოდენობის 16,8% სახლი და საკმაო რაოდენობის მიწა, ხუთ ოჯახს, ანუ დაახლოებით 3%-ს სახლი და საქონელი.

უსახლკარო ხელოსანთა ასეთი სიმრავლე იმით უნდა იყოს განპირობებული, რომ გორის მაზრაში, გარდა საკუთრივ გორისა და ცხინვალისა, არაერთი სავაჭრო-სამრეწველო ცენტრი არსებობდა (თუ ყალიბდებოდა) (სურამი, ახალქალაქი, ალი და სხვ.),

საითყენაც ახლომახლო სოფლებიდან თუ უფრო დაშორებული ადგილებიდან (იმერეთი, ახალციხის საფაშო და სხვ.) ჩამოდიოდ-

ცხრილი 16

გორის მახრის საბარონო ვლებების ქონებრივი მდგომარეობა 1818 წელს

№№	ხელობათა დასახელება	არაფერი	სახლი	სახლი და ცოტა მიწა	სახლი და მამული	სახლი და სქონილი	სულ
1	წერილმანი ხელოსნობით						3-3
2	მღებავი	1-3	2-2	1-1		1-2	2-5
3	მწისქვილე	1-1	1-1	2-2	3-5		7-9
4	მეღელი	3-6		2-3	1-1		6-10
5	კალატოზი			1-1			1-1
6	მქსოველი და უღის ბამბას		1-5		1-5		2-10
7	საქსოვი მუშაობით	33-41	35-48	12-21	7-16	2-3	89-129
8	ქსოვითა და ხენათესვით			9-17	9-22		18-39
9	დალაქი და ხენათესვით			1-2		1-2	2-4
10	ხელსაქებით			1			1
11	ხარახი		2-4				2-4
12	მესაცრე					1-1	1-1
13	დალაქი	7-9	2-2	2-5	4-5		15-21
14	მეთოხე	1-1	3-3				4-4
15	თოკის მგრეხავი			1-1			1-1
16	ხენათესვითა და ურმის კეთებით				1-1		1-1
17	ქონი		2-4	1-1			3-5
18	მქედელი და ხენათესვით			1-3	2-3		3-6
19	მეთოხე და ხენათესვით			1-3			1-3
20	დურგალი	1-1					1-1
21	მჩითავი	1-1	1-2				2-3
22	ნალბანდი			1-2			1-2
23	გაურკე.		1-1				1-1
სულ		48-63	50-71	36-63	28-58	5-8	167-263
%		88,7-24	29,9-27	21,6-24	16,8-22,1	3-3	100-100

შენიშვნა: სვეტის პირველი ციფრი აღნიშნავს ოჯახის რაოდენობას; მეორე — მათში მოწოდული მამაკაცებს რაოდენობას.

ნენ უკეთესი ბედის მაძიებელ ხელოსანთა ოჯახები. მართალია, ქალაქის ხელოსნობასთან შედარებით მაზრებში მეტია მიწის-

მფლობელი ხელოსნური ოჯახები, მაგრამ მათი საერთო რაოდენობა მაინც მოსალოდნელზე მცირეა. როგორც ითქვა, ხელოსნობა დიდხანს, თვით სამრეწველო რევოლუციამდე და მის შემდეგაც ინარჩუნებდა მიწასთან კავშირს. ცხადია, ეს პროცესი სოფლად უფრო ხანგრძლივი უნდა ყოფილიყო. ამდენად, ხელოსანთა საერთო რაოდენობაში მიწისმფლობელ ხელოსნურ ოჯახთა ზვედრითი წილი, რომელიც როგორც ცხრილის მონაცემებიდან ირკვევა სულ 38,3% შეადგენდა, ხოლო აქედან 21,6% სრულად უმნიშვნელო რაოდენობის მიწას ფლობდა, ერთობ დაბალ პროცენტად უნდა ჩაითვალოს. ამასთან დაკავშირებით ყურადღებას იქცევს ის გარემოება, რომ მიწის მფლობელ ხელოსნურ ოჯახებში შეიმჩნევა მოწიფულ მამაკაცთა შედარებითი ღირებულება. მაგალითად, იმ კატეგორიაში, რომელსაც არავითარი ქონება არ გააჩნდა, მოწიფული მამაკაცები შეადგენდნენ ოჯახების საერთო რაოდენობის 131,2%, იმ კატეგორიაში, რომელსაც მხოლოდ სახლი ჰქონდა — 142%; იმ კატეგორიაში, რომელსაც სახლი და მცირეოდენი საქონელი ჰყავდა — 175%, ხოლო იმ კატეგორიაში, რომელიც რამდენადმე მნიშვნელოვანი მიწის მფლობელი იყო — 207,1%. აქედან შეიძლება დავასკვნათ: 1. ოჯახების შემადგენლობაში მოწიფულ მამაკაცთა (მუშახელის, მწარმოებელთა) რაოდენობა გარკვეულ გავლენას ახდენს მის ქონებრივ მდგომარეობაზე და 2. მიწისმფლობელ ოჯახებში მუშახელის სიმრავლე თვით ოჯახში შრომის განაწილებას ემყარებოდა; ოჯახის წევრთა ნაწილი ჩაბმული იყო ხელოსნობაში, ნაწილი კი მიწათმოქმედებაში. საბუთებში არაერთი მითითებაა იმისა, რომ ცალკეული ხელოსნები ფულს ასესხებდნენ, მონაწილეობდნენ უძრავ-მოძრავი ქონების ყიდვა-გაყიდვის ოპერაციებში და ა. შ. მეორე მხრივ, არაერთი ფაქტია ხელოსანთა გაღარიბებისა, რომლებიც იძულებული იყვნენ საკუთარი შრომის გაქირავებით ერჩინათ თავი და ა. შ.⁵⁰

ამრიგად, ქალაქებისა და სოფლების ხელოსნურ ოჯახებს შორის შეიმჩნევა მკვეთრი ქონებრივი დიფერენციაცია, რაც აღნიშნულ ოჯახებზე გაწერილი მახტის მოცულობაში და ამ ოჯახების უძრავ-მოძრავი ქონების ოდენობაში იჩენდა თავს.

ღარიბი და საშუალო შეძლების ხელოსნური ოჯახების გვერდით, ერთი მხრივ, ყალიბდებოდა უღარიბეს ოჯახთა მრავალრიცხოვანი მასა, რომელთა გარკვეული ნაწილი, ეჭვი არ არის, საკუ-

⁵⁰ ნ. ბ. ე. რ. ც. ე. ი. ლ. ი., მასალები..., ტ. II, გვ. 109, 161 და სხვ.

თარი სამუშაო ძალის გაყიდვით ირჩენდა თავს, ხოლო მეორე მხრივ, შეძლებულ, მდიდარ და ზოგჯერ ძალიან მდიდარ ხელოსანთა (თუ ხელოსნური წარმოშობის საქმოსანთა) კატეგორია, რომელთა უმრავლესობა აღარ არის ტიპური ხელოსანი და მათი საწარმოები, უნდა ვიფიქროთ, გაცილებით აღემატებიან ტიპურ, შეუსაუყუნებობრივ სახელოსნოებს.

4. სახელოსნოთა გაფართოების ტენდენციის ზრდა

შრომის საზოგადოებრივი დანაწილება, სასაქონლო მეურნეობა და მწარმოებელთა შორის მკვეთრი ქონებრივი დიფერენცია ციხე-საქართველოს დამმუშავებელ მწარმოებაში შემდგომი სოციალურ-ეკონომიკური განვითარების პირობებს აწვადებდა, რაც, პირველ რიგში, სახელოსნოს გაფართოებას ტენდენციის გაძლიერებაში მდგომარეობდა. ამ ტენდენციის მატერიალური საფუძველი უნდა ყოფილიყო საწარმოო ძალთა შემდგომი განვითარება, რომელიც ფეოდალიზმის პირობებში შრომის ხელოსნური დანაწილების გავრცელებაში და ცალკეული ოპერაციების შემსრულებელი ხელოსნის გაჩენაში გამოიხატებოდა. შრომის ტექნიკური დანაწილება შრომისაყოფიერების უფრო მაღალ დონეს განაპირობებდა.

ხელოსნობის პროდუქტების მნიშვნელოვანი ნაწილი საბოლოო სახით მომხმარებლამდე რომ მისულიყო, რამდენიმე დამოუკიდებელი დარგის მწარმოებელთა ხელში უნდა გაევიღო. კამერალური აღწერების მონაცემები მედეტალე ხელოსანთა გამოცალკეების საშუალებას არ იძლევა, რადგან, როგორც ჩანს, აღმწერები საქმეს ამარტივებდნენ და პროდუქტის საბოლოო სახის წარმოებასთან დაკავშირებულ სხვადასხვა სპეციალისტებს ერთი სახელის ქვეშ აერთიანებდნენ. მაგალითად, თოფის დამზადებაში დასაქმებული მწარმოებლები აღნიშნულ აღწერებში მეიარაღეზად მოიხსენიებიან, ფაქტობრივად კი ეს პროცესი რამდენიმე სრულიად დამოუკიდებელი სპეციალისტის მონაწილეობით მიმდინარეობდა. განსახილველ ხანაში დამოუკიდებელ ხელოსნურ დარგებად იყოფოდნენ თოფის დამზადებაში მონაწილე სპეციალისტები: მეჩახმახეები, მეპირისწამლეები, მეთოფეები (ლულის დამზადება?), მეკონდახეები, მომსევალებლები, თოფის ბუდის დამამზადებლები და ა. შ. არსებული დოკუმენტური მასალა აღსატურებს

ყველა აღნიშნული სპეციალობის ცალ-ცალკე დარგების არსებობას.

უნაგირის დამზადებაში მონაწილეობდა: მეთაქალთოე (უნაგირის ქვეშ დასაგები ქეჩის დამამზადებელი), მეკეხე, უნაგირის ბალიშების დამამზადებლები, მისი მომჭარგავები, მოსართავების დამამზადებლები და სხვ. ასევე შრავალრიცხოვან დარგებად იყოფოდა ხმლებისა და ხანჯლების დამზადება. განსაკუთრებულ აღნიშვნას იმსახურებს ტექსტილური წარმოების დარგები, სადაც დანაწილება ხდებოდა როგორც ცალკეული ოპერაციების მიხედვით: მპენტაეები, მრთველები, მძახაეები, მქსოველები, გამწმენდები, მღებაეები, მჩითაეები და ა. შ. (მეტად საყურადღებოა, რომ სწორედ განსახილველ ან უშუალოდ მის წინა პერიოდში ცალკე დარგებად ყალიბდება ტექსტილური წარმოების მანამდე უცნობი დარგები — გამთეთრებლები, გამპრიალებლები, მიტკლის დამამზადებლები), ისე გამოყენებული ნედლეულის (მებაბრეშუმეები, წალის მქსოველები, ბამბის მქსოველები) და ქსოვილის ცალკეული სახეობების მიხედვითაც: მენარმეები, მელაინეები, მეჩითეები, თარფრები, ლეჩაქების დამამზადებლები, მეპირსახოცეები, შარბამჩები, მეალაჭეები და მრავალი სხვა.

ერთი მხრივ, მედეტლე ხელოსანთა ცალ-ცალკე მუშაობის უხერხულობა, ხოლო მეორე მხრივ, ხელოსნური შრომის რიგი პროცესების ხასიათი და ტექნოლოგია, საწარმოო მოწყობილობათა გაზრდა და გართულება, მათ თანდათანობით გაფართოებას კარნახობდნენ.

აღნიშნული ხანის საქელოსნოთა შესახებ აღწერილობითი მასალის უქონლობის პირობებში სახელოსნოთა გაფართოების ტენდენცია არაპირდაპირი ცნობების მოშველიებითაც დასტურდება. ამ მხრივ ინტერესს იმსახურებს თბილისის ხელოსნებისა და ხელოსნური დუქნების რაოდენობათა 1808 წლის მონაცემების შედარება (ცხრ. 17). ცხრილში შეტანილია ხელოსნობის მხოლოდ ის დარგები, რომლებიც სახელოსნოს ფარგლებში წარმოებას ითვისებდნენ (შესაბამისად მასში არ შესულან კალატოზები, ხუროები და ა. შ. ამდენად ცხრილი ხელოსნობის დარგობრივი და რაოდენობრივი განვითარების სურათს არ იძლევა). როგორც ჩანს, 331 სახელოსნოში (დუქანში) რეწვას ეწეოდა ხელოსანთა 772 ოჯახის წარმომადგენელი. მართალია, გამორიცხული არ იყო ზოგიერთი ხელოსნის სახლში საქმიანობის შესაძლებლობაც, განსაკუთრებით მქსოველებში, რადგან შინ მუშაობას ყველაზე ადვი-

ლად ეს დარგი ეგუება, ნაგრამ შინ მუშაობა უპირატესად სოფ-
 ლური ზელოსნობისათვისაა დამახასიათებელი. ქალაქებში კი,
 როგორც ითქვა, შინამრეწველობის ფორმით უპირატესად საფეი-
 ქრო წარმოების მოსაპზადებელი ოპერაციები (პენტვა და რთვა)
 ივარაუდება. ამ საქმეს ძირითადად ქალები ასრულებდნენ. ამი-

ცხრილი 17

თბილისი 1808 წ. ზელოსნური ოჯახები და სახელოსნო დუქნები

ხელობათა დასახელება	ზელოსნური ოჯახები	დუქნები	ხელობათა დასახელება	ზელოსნური ოჯახები	დუქნები
ბაგირისმკეთებელი	5	1	მჩითავი	16	6
ღაბალი	50	5	მკედელი	29	28
დალაქი	21	20	ოქრომკედელი	35	24
ღურგალი	10	3	სარაჯი	26	24
ზეინჯალი	13	4	ქონი	45	18
თერძი	47	20	ხარაზი	92	42
შეაბრეშუმე	1		ხარატი	3	2
შეაგურე	9		მეკრაველი	9	2
შეთოფისწამლე	1		მეირაღლე	3	1
შებურნუთე	1		ხაბაზი	22	19
შეზარანამე	1		ოქრომქსოველი	1	
შეთოყე	4		ქუდისმთელავი	12	3
შეთუნე	14		გამთეთრებელი	5	1
მეკონდახე	9	4	ყასაბი	14	6
მელარე	1		დანის მკეთებელი		4
შეპურე	8		ნაღბანდი	3	3
შესანთლე	4		აბრეშომის მქსოველი		2
შეტიყე	5	4	გაურკვეველი	16	6
შეჭება	20	12	სხვადასხვა	24	30
შეწალე	13	1			
შეხმლისპირე	3				
მთელავი	2	3			
მკალავი	6				
მქსოველი	144	20			
მღებავი	25	13			
			ს უ ლ	772	331

ცხრილი შედგენილია: სცსია, ფ. 16, საქ. 497; სცსია, ფ. 254, აღ. 1, საქ. 185
 მასალებს მიხედვით.

ტომ იმ ოჯახებში, რომელთათვისაც პენტვა და რთვა შემოსავლის
 ძირითადი წყარო იყო, ჩვეულებრივ მოწიფული მამაკაცები არ
 არიან. კამერალურ აღწერებში ამგვარი ოჯახები „მოხელსაქმეებად“
 („თავს ირჩენს ხელსაქმით“) მოახსენიებიან. ოჯახების ეს კატე-
 გორია ცხრილში შეტანილი არ არის.

აქვე უნდა შევნიშნოთ, რომ ხელოსნობაში ჩაბმულ მამაკაცთა რაოდენობა გაცილებით ჭარბობდა შესაბამისი ოჯახების რაოდენობას. ცხრილში შეტანილ 772 ოჯახში დაახლოებით 1 000—1100 მამაკაცის მონაწილეობა ივარაუდება. ამრიგად, 1 სახელოსნო-დუქანში 3—4 დასაქმებული პირი მოდის.

ცხრილიდან ჩანს, რომ სხვადასხვა ხელოსნურ დარგებში ხელოსნური ოჯახებისა და შესაბამისი დუქნების შეფარდება ერთნაირი არ ყოფილა თუ მაგალითად ისეთ დარგებში, როგორცაა დალაქობა, ხარატობა, მჭედლობა, ნალბანდობა, მთელაობა და სხვ. სახელოსნოთა რაოდენობა თითქმის უდრიდა ან ოდნავ ნაკლები იყო ხელოსნური ოჯახების რაოდენობაზე, თერძობაში იგი 2,4-ჯერ ნაკლები იყო, დურგლობაში და მეიარაღეობაში 3-ჯერ, ქუდის მთელავეობაშია და მეკრაველებში 4-ჯერ, გამთეთრებლობაში 5-ჯერ, ფეიქრობაში 7-ჯერ და ა. შ.; მართალია, 1 სახელოსნოში 2 ოსტატის დამოუკიდებლად მუშაობის შესაძლებლობაც არსებობდა და ამის მაგალითებიც არის, მაგრამ (და სწორედ ამიტომ) ცალკეული დარგის შიგნით ხელოსანთა რაოდენობა სახელოსნოების რაოდენობაზე, ბუნებრივია, ზუსტად არ ნაწილდებოდა. ეს კი გაცილებით ზრდის ცალკეულ სახელოსნოში დასაქმებულ ხელოსანთა შესაძლებელ რაოდენობას. ყოველივე აღნიშნულს თუ იმასაც დაეუმატებთ, რომ მოცემულ ზანაში საკმაოდ გავრცელებული იყო არაკვალიფიციური დაქირავებული შრომის გამოყენება (რაზედაც ქვევით იქნება საუბარი), აგრეთვე იმას, რომ თითო ოსტატზე სულ ცოტა ერთი შეგირდი უნდა ვივარაუდოთ, რომ ხელოსნობის ცალკეულ დარგებში მაღალი იყო ქალებისა და ბავშვთა შრომის გამოყენება და სხვ., სრული საფუძველი გვექნება თბილისის სახელოსნოთა ერთ ნაწილში დასაქმებულ პირთა რაოდენობა 8—10, ხოლო ცალკეულ შემთხვევაში გაცილებით მეტი ოდენობით წარმოვიდგინოთ. ცხადია, ამგვარი სახელოსნოების მეთაურები უბრალო ხელოსნებად და თუნდაც წვრილ საქონელმწარმოებლებად აღარ ჩაითვლებიან, ისინი გაცილებით უფრო დიდი მასშტაბის მრეწველები არიან.

სიღნაღის 1804 წლის აღწერის მონაცემებით⁵¹ 162 ხელოსნურ ოჯახზე სულ 24 დუქანი მოდის. ამ ფაქტის განზოგადება გაცილებით შორსმიმავალი დასკვნების გამოტანის სურვილს ბადებს, მაგრამ იმის გამო, რომ საბუთი არ აზუსტებს, თუ რომელ

⁵¹ სესაი, გვ. 254, აღ. 1, საქ. 75.

დუქნებზეა ლაპარაკი, იმაზე, რომლებიც ხელოსანთა ოჯახების-საკუთრებას შეადგენდნენ, თუ იმაზე, რომლებშიაც ისინი საქმიანობენ (ხელოსანთა მნიშვნელოვანი ნაწილი, როგორც ითქვა, ნაქირავებ დუქნებში ეწეოდა თავის ხელობას), ამასთან პირველი შესაძლებლობა დასაშვებია, ამგვარი განზოგადება ჯერჯერობით ნაადრევად გამოიყურება.

სახელოსნოების გამსხვილების ტენდენცია, როგორც ჩანს, ჯერ კიდევ განსახილველი ხანის წინა პერიოდიდან მომდინარეობს. ყოველ შემთხვევაში, XVIII საუკუნის სინამდვილეში სახეზეა გაფართოებული სახელოსნოს არსებობის არაერთი ფაქტი, იგულისხმება ის სახელოსნოები, რომლებიც ხელოსნური წარმოების წიაღიდან აღმოცენდნენ, თანდათანობითი განვითარების გზით და არა ის, შედარებით მსხვილი სამრეწველო საწარმოები, რომლებიც სამეფო ხელისუფლების წაქეზებით თუ მონაწილეობით, ვაჭართა და სხვა საქმოსანთა მიერ ეწყობოდა, რომლებიც ჩვენს ისტორიოგრაფიაში დიდი ხანია შემჩნეულია. 1709 წლის ცნობით, სახელოსნოს აფართოებს და ამაზე მნიშვნელოვან თანხას აბანდებს ჰონი აფრია დავითაშვილი. ოგი ქარვასლაში „უჯრებს“ ყიდულობს — ჩანს ვაჭრობაში ებმება და სხვ⁵². გაფართოებულ სახელოსნოდ მოჩანს ამავე პერიოდის საბუთში მოხსენიებული თიხის და ქაშანური ჭურჭლის საწარმოები⁵³. საკმაოდ მსხვილი სახელოსნოს მეპატრონედ მოჩანს ანონიმური ავტორი, რომელიც პროტესტის წერილით მიმართავს თავის ბატონს დარეჯან დედოფალს: „ვაკეთებ და თქვენი და თქვენი შვილების ქარხანაში მოტანას ანგარიში არ აქვს. ვალს ვიღებ წამალს ვყიდულობ და წამლის ფასიც არ შეძლევა. სამოცი თუმანი ვალი დამედო, მე ერთი ფულიც არ მომცემია. ეხლა თქვენმა შვილებმა სამის თუმნისა წაიღო. თქვენი შვილები ცალცალკე მართმევენ...“⁵⁴ მოტანილ საბუთში ყურადღებას იქცევს საზეფო სახლის წარმომადგენელთა მიერ უფასოდ წაღებული საქონლის ოდენობა, რაც სახელოსნოს სიდიდებზე მეტყველებს. XVIII—XIX საუკუნეების მიჯნაზე საკმაოდ მოზრდილი საწარმოს მეთაურად ჩანს ფეიქარი ქოჩორა, რომელიც პირსახოცებს ამზადებდა და ამ საქონლით მთელ ქალაქს ამარაგებდა⁵⁵ და ა. შ.

⁵² საქართველოს სიძველენი, ტ. III, გვ. 407.

⁵³ იქვე, გვ. 527.

⁵⁴ ნ. ბ ე რ ძ ე ნ ი შ ვ ი ლ ი, მასალები..., წ. III, გვ. 83.

⁵⁵ იქვე, გვ. 364.

წარმოდგენილი მასალა ადასტურებს სახელოსნოთა გაფართოების ტენდენციას განსახილველი ხანისა და მისი წინაპერიოდის საქართველოში დამმუშავებელ წარმოებაში. სასაქონლო მეურნეობის ვითარებაში ამგვარი ტენდენციის არსებობას გადაწყვეტი მნიშვნელობა აქვს, რადგან „წერილ საქონელმწარმოებელთა მიერ შედარებით მსხვილი სახელოსნოების დაარსება წარმოადგენს მრეწველობის უფრო მაღალ ფორმაზე გადასვლას. დაქსაქსული წვრილი წარმოებიდან იქმნება კ ა პ ი ტ ა ლ ი ს ტ უ რ ი მ ა რ ტ ი ვ ი კ ო ო პ ე რ ა ც ი ა⁵⁶.

5. დაკირავებული შრომის გამოყენების გავრცელება

სახელოსნოების გაფართოების ტენდენცია, რომელზედაც წინა პარაგრაფში იყო საუბარი, დაკავშირებულია დაქირავებული შრომის გამოყენების ზრდასთან. ქართული ხელოსნობა არ იცნობდა ქარგლობის ინსტიტუტს. ამიტომ სახელოსნოს გაფართოება ძირითადად (საოჯახო კოლპერაცია⁵⁷სთან ერთად) დაქირავებული შრომის გამოყენებით იყო შესაძლებელი. ამ საკითხის უდიდესი მნიშვნელობა უდავოა, რადგან ახალი ურთიერთობის ჩასახვა-განვითარების პროცესში „თითქმის ყველაზე დიდი მნიშვნელობა აქვს დაქირავებული შრომის გავრცელების მასშტაბს“⁵⁷.

XVIII საუკუნის საკანონმდებლო ხასიათის საბუთებსა თუ კანონპროექტებში დაქირავებული შრომის ასახვა მის სისტემატურ ხასიათზე მიუთითებს. დავით ბაგრატიონის „საქართველოს სამართლისა და კანონმცოდნეობის მიმოხილვა“, რომელიც XIX საუკუნის დასაწყისშია შედგენილი მაგრამ XVIII საუკუნის მიწურულს ვითარებას ასახავს, დაქირავებული შრომის სხვადასხვა ფორმების მოწესრიგებასაც ითვალისწინებს. საბუთი ასხვავებს დღიურად და ხელშეკრულებით განსაზღვრული ვადით, დაქირავებულ მუშას ითვალისწინებს გარკვეულ ფარგლებში მისი ინტერესების დაცვას⁵⁸.

დაქირავებული შრომის გამოყენების უამრავი ფაქტია და-

⁵⁶ ვ. ი. ლენინი, თხზ., ტ. 3, გვ. 413.

⁵⁷ იქვე, გვ. 688.

⁵⁸ დავით ბაგრატიონი, საქართველოს სამართლისა და კანონმცოდნეობის მიმოხილვა, აპოლონ როგავას რედაქციით და გამოკვლევით, თბ., 1959, გვ. 317.

დასტურებული XVIII საუკუნისა და XIX საუკუნის გამოქვეყნებულ⁵⁹ თუ გამოუქვეყნებელ საბუთებში. მაგრამ ერთია ფაქტი (თუნდაც მრავალრიცხოვანი), მეორეა განვითარების მასშტაბისა და ტენდენციის დადგენა. იმის გამო, რომ სხვა სისტემატური ხასიათის სტატისტიკური მასალა არ არსებობს, ისევ კამერალური აღწერის თავისთავად ნაკლებ მონაცემებს უნდა მივმართოთ. აღნიშნულ აღწერებში აღრიცხულია კატეგორია „ღლიერი მუშებისა“, „მომუშავეებისა“ და სხვა, რომლებიც დაქირავებული შრომის სხვადასხვა ფორმას ანაზღაურებენ. ქ. ვორის 1804 წლის აღწერაში ამგვარი კატეგორია არ მოიხსენიება, 1818 წლის აღწერით კი ძირითადი საქმიანობა იყო 70 ოჯახისათვის, რაც ხელოსნობაში ჩაბმული ოჯახების საერთო რაოდენობის 37,6% შეადგენს (იხ. ცხრ. 9). თელავის 1821 წლის აღწერის არასრული მონაცემებით ამ კატეგორიაში შევიდა 28 ოჯახი, ანუ საერთო რაოდენობის 19,4% (ცხრ. 15). დაქირავებული შრომის გამოყენების ტენდენციის გარკვევის თვალაზრისათვის საინტერესო სურათს გვიხატავს თბილისის კამერალური აღწერების 1808, 1834 წლების მონაცემების შედარება (ცხრ. 8). 1808 წლის მონაცემებით, დაქირავებული მუშების კატეგორიაში შევიდა 274 ოჯახი, ანუ დამმუშავებელ საქმიანობაში ჩაბმული ოჯახების საერთო რაოდენობის 21,8%. 1834 წლის არასრული მონაცემებით კი 617 ოჯახი, ანუ საერთო რაოდენობის 27,5%.

დაქირავებული შრომის გამოყენების განვითარების ტენდენციის გარკვევის თვალაზრისათვის დამახასიათებელ სურათს გვიხატავს დღეშეთის მაგალითი: აქ 1821 წლის მონაცემებით დაქირავებით შრომა ძირითადი საქმიანობა იყო 15 ოჯახისათვის და დამატებითი საქმიანობა 16 ოჯახისათვის⁶⁰, რაც დამმუშავებელ მრეწველობაში ჩაბმული მოსახლეობის საერთო რაოდენობის შესაბამისად 15,3% და 16,3% შეადგენდა⁶¹. 1831 წლისათვის მდგომარეობა ასე შეიცვალა: დაქირავებით შრომა ძირითადი საქმიანობა იყო 35 ოჯახისათვის; უშუალოდ დამმუშავებელ წარმოებაში ჩაბმული ოჯახების რაოდენობა შემცირდა 98-დან 95-მდე⁶², შე-

⁵⁹ ამ მხრივ განსაკუთრებით უხვ მასალას შეიცავს ნ. ბ ე რ ძ ე ნ ი შ ვ ი ლ ი ს ბუბლიკაცია, მასალები..., ტ. 1; ივ. ჯ ა ვ ა ხ ი შ ვ ი ლ ი, საქართველოს ეკონომიური ისტორიის ძეგლები, წიგ. II, თბ., 1974, და სხვ.

⁶⁰ სცსა, ფ. 254, აღ. 1, საქ. 689.

⁶¹ იქვე, საქ. 1250.

⁶² იქვე.

საბამისად დაქირავებით შრომით საქმიანობაში ჩაბმულია ოჯახების საერთო რაოდენობის 35,7%; მაგრამ 1831 წელს ჩნდება ოჯახების კატეგორია, რომელიც თავს ირჩენს მაზრის აღწერებისათვის მანამდე უცნობი საქმიანობით — საქონლის გადაზიდვით, ამ საქმეში საქმოდ საგულისხმო რაოდენობა — 27 ოჯახია ჩაბმული⁶³. ამ ახალი დარგის გაჩენა საქართველოს სანხედრო გზის მნიშვნელობის გაზრდითაა განპირობებული.

იმ კატეგორიის ოჯახებს რაოდენობა, რომელიც „თავს ირჩენს მუშაობით“, განსაკუთრებით დიდია მაზრებში (გორი, სიღნაღი, თელავი). მაგრამ იმის გამო, რომ ეს ფაქტი საქსოვი წარმოების განვითარებას უკავშირდება, მასზე ნაშრომს შემდეგ თავში იქნება საუბარი.

ჯერჯერობით დადგენილად შეიძლება ჩაითვალოს, რომ განსახილველ ხანაში ადგილი აქვს დაქირავებული შრომის გამოყენების როგორც აბსოლუტურ, ისე შეფარდებით ზრდას.

მასალის სიმცირე საშუალებას არ იძლევა სხვადასხვა რეგიონებისა და ცალკეული დარგების მიხედვით დაწერილებით გაირკვეს დაქირავებული შრომის გამოყენებისა და გავრცელების საკითხები. კამერალურ აღწერებში, ჩვეულებრივ, ოჯახის ცალკეულ წევრთა საქმიანობა აღნიშნული არ არის, ხოლო, როგორც ირკვევა, დაქირავებით შრომას უპირატესად ოჯახის ახალგაზრდა წევრები, ზშირად მცირეწლოვნებიც კი ეწეოდნენ. გარდა ამისა, და რაც მთავარია, კამერალური აღწერები მოიცავს ამა თუ იმ რეგიონის მკვიდრ მოსახლეობას, ისე რომ მასში ვერავითარ ასახვას ვერ პოულობს მწარმოებელთა ის მეტად მრავალრიცხოვანი კატეგორია, რომლებიც ქალაქებს ავსებდნენ დროებით საშოვარზე მოსული გლეხების, გამოქცეული ყმებისა თუ სხვათა სახით და რომელთა ძირითადი საქმიანობა სწორედ დაქირავებით შრომა (თავისი სამუშაო ძალის გაყიდვა) იყო.

თუ ყოველივე ამას გავითვალისწინებთ, გასაგები გახდება, რომ დაქირავებული შრომის გამოყენებისა და გავრცელების მასშტაბები გაცილებით სჭარბობს იმას, რაც არსებული მასალის საფუძველზე შეიძლება წარმოვიდგინოთ.

ზემოთ აღნიშნული ძირითადად არაკვალიფიციური დაქირავებული შრომის გამოყენებას შეეხებოდა. კამერალური აღწერის მონაცემები აღნიშნავენ რა ოჯახის მეთაურთა სპეციალობას, არა-

⁶³ სესია, ფ. 254, აღ. 1, საქ. 1250.

ფერს ამბობენ იმაზე, თუ რა ფორმით ეწევა იგი მას, — საკუთარ სახელოსნოში თუ დაქირავებით; ამიტომ კვალიფიციური დაქირავებული შრომის გამოყენების მანუშტაბების შესახებ რაიმე პროცენტრული მონაცემებით მსჯელობა ჭერჭერობით შეუძლებელია.

ამავე დროს, დოკუმენტური ხასიათის მასალები კვალიფიციური დაქირავებული შრომის გამოყენების არაერთ ფაქტს ასახელებენ. მაგალითად, 1808 წლან ცნობით სოლომონ დაბაღოვთან ცხოვრობენ აგრეთვე დაბაღები თათულა შოსესოვი და ნონი გურგენოვი, რომლებიც, ექვი არ არის, მისი დაქირავებული მუშები არიან⁶⁴. სიღნაღის 1804 წლის აღწერით მქსოველები გლახა ქევხიშვილი, აზარია გომელაური და ზოგიერთი სხვა დაქირავებით მუშაობენ⁶⁵. მასალებში ვხვდებით ცნობებს, როცა დაქირავებით შრომას ეწევიან ქონები, თერძები და ბევრი სხვ.⁶⁶.

გასული საუკუნის 20-იან წლებში თბილისში ებრაელთა ორ სამკერვალო სახელოსნოში 45 მარტო ადგილობრივი ქრისტიანი თერძი მუშაობდა დაქირავებით⁶⁷, რაც დაქირავებული შრომის გამოყენების ხანგრძლივი ტრადიციისა და მნიშვნელოვანი გავრცელების ნიშანია, მისთვის არ არსებობს ეროვნული თუ რელიგიური დაბრკოლებები.

ყოველივე ზემოთქმულის საფუძველზე შეიძლება დავასკვნათ, რომ მიუხედავად შესაბამისი მასალის სიმცირისა, განსახილველ ხანაში შეიმჩნევა კვალიფიციური და არაკვალიფიციური დაქირავებული შრომის არა მარტო არსებობა, არამედ საგულისხმო გავრცელებაც და, რაც მთავარია, ზრდა.

6. შრომის დანაწილება სახელოსნოში. მანუშტაბურა

ჩვენ ვნახეთ, რომ საქართველოს დამმუშავებელ მრეწველობაში ადგილი აქვს სასაქონლო წარმოების, მწარმოებელთა შორის ქონებრივი დიფერენციაციის, დაქირავებული შრომის გამოყენებისა და სახელოსნოების გაფართოების უწყვეტ პროცესს, ე. ი. ხდება ხელოსნობის, როგორც მრეწველობის ფორმის ტრანსფორმაცია და მის ადგილს წვრილი სასაქონლო წარმოება იკვრის. ამ პროცესის შემდგომი განვითარება აუცილებლად იწვევს წვრი-

⁶⁴ სცსია, ფ. 254, აღ. 1, საქ. 185, ფურც. 149.

⁶⁵ იქვე, საქ. 75, ფურც. 81.

⁶⁶ სცსია, ფ. 16, საქ. 1731, ფურც. 13; იქვე, ფ. 254, აღ. I, საქ. 804, ფურც. 21.

⁶⁷ სცსია, ფ. 2, აღ. I, საქ. 4458, ფურც. 17.

ლი სასაქონლო წარმოების კაპიტალისტურ წარმოებად გარდაქმნას, რაც მრეწველობის პირველ კაპიტალისტური ფორმის — კაპიტალისტური მარტივი კოოპერაციის და შემდეგ მანუფაქტურის ჩამოყალიბებაში გამოიხატება. მაგრამ იმისათვის, რომ დადგინდეს თუ როდის და როგორ იქცევა წვრილი სასაქონლო წარმოება კაპიტალისტურად, უნდა გაირკვეს, თუ რა ნიშნებით ხასიათდება მრეწველობის კაპიტალისტური ფორმები და არსებული მასალის გათვალისწინებით გამოიძებნოს მეთოდოლოგიური კრიტერიუმები (ხერხები) მათი წინაკაპიტალისტური ფორმებისაგან გამოსარჩევად.

როგორც ზევეთაც ითქვა, წვრილ საქონელმწარმოებელთა შიგნით შედარებით მსხვილი სახელოსნოების დაარსება მრეწველობის უფრო მაღალი ფორმის, კაპიტალისტური მარტივი კოოპერაციის წარმოქმნას იწვევს⁶⁸.

მაგრამ როგორია ის ზღვარი, რომლის იქითაც წვრილი საქონელმწარმოებლის გაფართოებული სახელოსნო კაპიტალისტურ მარტივ კოოპერაციად, ხოლო წვრილი საქონელმწარმოებელი კაპიტალისტად იქცევა? ამაზე კ. მარქსი სრულიად გარკვევით პასუხობდა: „...კაპიტალისტი უწინარეს ყოვლისა თავისუფლდება ხელშრომისაგან, რა წამსაც მისი კაპიტალი იმ მინიმალურ სიდიდეს აღწევს, რომლითაც პირველად იწყება საკუთრივ კაპიტალისტური წარმოება“⁶⁹. სხვა ადგილას იგივე აზრი ავტორს უფრო დაწვრილებით აქვს ჩამოყალიბებული: „თავდაპირველად ინდივიდუალური კაპიტალის გარკვეული მინიმალური სიდიდე გვევლინება აუცილებელ პირობად იმისათვის, რომ ერთსა და იმავე დროს ექსპლოატირებული მუშების რიცხვი, მაშასადამე, მათ მიერ წარმოებული ზედმეტი ღირებულების მასა საკმარისი ყოფილიყო, რათა თვითონ ექსპლოატატორი ხელშრომისაგან განთავისუფლებულიყო, წვრილი ხელოსნიდან კაპიტალისტად გადაქცეულიყო და ამრიგად, კაპიტალისტური ურთიერთობა ფორმალურად ჩამოყალიბებულიყო“⁷⁰. მაშასადამე კაპიტალისტური ურთიერთობა ფორმალურად ყალიბდება, ე. ი. კაპიტალისტური მარტივი კოოპერაცია იქმნება, მაშინ როცა ექსპლოატატორი ხელშრომისაგან თავისუფლდება, ხოლო ამის საფუძველია ერთსა და იმავე დროს ექსპლოატირებული მუშების გარკვეული რიცხვი. თუ როგორია ის რიცხვი, რომ-

⁶⁸ ე. ი. ლენინი, თხზ., ტ. 3, გვ. 413.

⁶⁹ კ. მარქსი, კაპიტალი, ტ. I, ნაწ. I, გვ. 422.

⁷⁰ იქვე, გვ. 420.

ლის დროსაც წარმოებული ზედმეტი ღირებულების მასა საკმარისია იმისათვის, რათა ექსპლუატატორმა ხელშრომისაგან თავი გაითავისუფლოს, ამაზე თუმცა პირდაპირი მითითება მარქსიზმის კლასიკოსებთან არ არის, მაგრამ ამის შესახებ ერთგვარი მინიშნება შეიძლება დავინახოთ ვ. ი. ლენინის ნაშრომში „კაპიტალიზმის განვითარება რუსეთში“. იმის საილუსტრაციოდ, რომ „კაპიტალის ჰიდრდე ფანსაზღვრავს საწარმოში მეპატრონის პირადი მონაწილეობის ფორმას“, ავტორს მოაქვს ამონაწერი ისავეის გამოკვლევიდან „მოსკოვის გუბერნიის მრეწველობა“, სადაც ავეჯის სარეწის აღწერაში ვკითხულობთ: „2—3 მომუშავე იმდენად ცოტა ნამეტს აძლევს მეპატრონეს, რომ ის თვითონ მათ გვერდით მუშაობს... 5 მომუშავე კი უკვე იმდენს აძლევს მეპატრონეს, რომ ის რამდენადმე ითავისუფლებს თავს ხელით მუშაობისაგან... და ასრულებს, უმთავრესად, მეპატრონის ორ უკანასკნელ როლს“ (ე. ი. მასალების ყიდვა და საქონლის მასალება). „როგორც კი დაქირავებული მუშების რიცხვი აღწევს 10-ს ან გადაამეტებს ამ ციფრს, მეპატრონე არათუ სწყვეტს ხელით მუშაობას, არამედ თითქმის თავსაც კი ანებებს მუშებზე პირად ზედამხედველობას: ის ნიშნავს მთავარ ოსტატს, რომელიც თვალ-ყურს ადევნებს მომუშავეებს... აქ ის უკვე იქცევა პატარა კაპიტალისტად...“⁷¹.

მოტანილ ამონაწერში ყურადღება უნდა მიექცეს იმ გარემოებას, რომ 10 მუშა ექსპლუატაციის პირობებში მეპატრონე მართო თვითონ კი არაა თავისუფალი, არამედ თავს ნებას აძლევს იყოლიოს მთავარი ოსტატი, რომელიც მთლიანად თუ არა, ნაწილობრივ მაინც თავისუფალი უნდა იყოს ხელშრომისაგან. ამავე დროს, 5 მუშის პირობებში მეპატრონე ჯერ კიდევ მთლად თავისუფალი არაა, თუმცა ახლოსაა ამ მდგომარეობასთან.

ამრიგად, ის ზღვარი, რომლის შემდეგაც ექსპლუატატორი ხელშრომისაგან თავისუფლდება, 5-სა და 10 დაქირავებული მუშის შორისაა საძებნი. თუ მივიღებთ, რომ მრეწველობის სხვადასხვა დარგებში თანაბარი რაოდენობის მუშათა ექსპლუატაცია დაახლოებით თანაბარ ნამეტს იძლევა, შეიძლება ვივარაუდოთ, რომ 6—7 დაქირავებული მუშა პირობებში ექსპლუატატორი თავისუფლდება ხელშრომისაგან და წერილი მწარმოებლის სახელმძღვანელო კაპიტალისტურ მარტივ კოოპერაციად იქცევა. ამის საფუძველზე კი შეიძლება მივიღოთ მეთოდოლოგიური დასკვნა:

⁷¹ ვ. ი. ლენინი, თხზ., ტ. 3, გვ. 415—416.

თუ დგინდება, რომ საწარმოს მეთაური უშუალოდ წარმოებაში არ მონაწილეობს, შეიძლება ვივარაუდოთ, რომ იგი სულ ცოტა კაპიტალისტური მარტივი კოოპერაციის მფლობელია, კაპიტალისტი, რომელიც ექსპლუატაციას უწყევს მინიმუმ 6—7 დაქირავებულ მუშას.

მანუფაქტურა შრომის დანაწილებაზე დამყარებული კოოპერაციაა. წარმოების პროცესში შრომის დანაწილების რენტაბელობა კაპიტალიზმის ეპოქის აღმოჩენა არ არის. შრომის დანაწილება არსებობდა ჯერ კიდევ გვაროვნული წყობილების დროს, როცა იგი ადამიანებს შორის ფიზიოლოგიურ განსხვავებას ეწყარებოდა. რომ „შრომის დანაწილების შედეგად უმჯობესდება პროდუქტიც და მისი მწარმოებლობაც“, ეს იყო „ოდისეას“ ავტორმა, ეს იცოდნენ ანტიკურმა მწერლებმა⁷². ცხადია, ეს იცოდნენ იმ კაპიტალისტებმაც, რომლებიც სახელოსნოს კაპიტალისტური მარტივი კოოპერაციის მასშტაბამდე აფართოებდნენ, ან აწყობდნენ. აქ ისმება ლოგიკური კითხვა: მაშ რა უშლიდათ მათ ხელს კოოპერაცია თავიდანვე შრომის დანაწილების საფუძველზე, ანუ მანუფაქტურის ფორმით ჩამოყალიბებით? მით უმეტეს, რომ როცა სახეზეა შრომის მკვეთრი ხელოსნური დანაწილება „ერთი კვირის გამოცდილებაც არ არის საჭირო იმისათვის, რათა გამოინახოს სათანადო პროპორცია მუშახელის იმ რაოდენობას შორის, რომელიც აუცილებელია თვითეული ფუნქციის შესასრულებლად“⁷³.

მარტივი კოოპერაცია მანუფაქტურად ვერ გადაიქცევა მანამ, სანამ მასში დასაქმებული მუშების რიცხვი არ მიაღწევს იმ მინიმალურ სიდიდეს, როდესაც აზრი ექნება შრომის დანაწილების შემოღებას: „იმ მუშათა მინიმუმს — ამბობს მარქსი, — რომელიც ცალკეულმა კაპიტალისტმა უნდა გამოიყენოს, მას ახლა შრომის არსებული დანაწილება უკარნახებს“⁷⁴. ეს ციტატა ზოგმა მკვლევარმა იმე გაიგო, თითქოს მანუფაქტურაში დასაქმებული მუშების მინიმალური რიცხვი უდრის შრომის დანაწილების შედეგად გამოყოფილ ცალკეულ ოპერაციათა რიცხვს. საქმე კი იმაშია, რომ რაკი სხვადასხვა დეტალური ოპერაცია სხვადასხვა შრომანტევლობისაა, ცალკეულ მათგანში მუშათა სხვადასხვა რაოდენ-

⁷² კ. მარქსი, კაპიტალი, ტ. I, გვ. 464—465.

⁷³ იქვე, გვ. 463.

⁷⁴ იქვე, გვ. 457.

ნობა უნდა იყვეს დასაქმებული, ე. ი. მათ შორის უნდა დამყარდეს გარკვეული პროპორცია. შრომის დანაწილების ყველაზე მარტივი ფორმა, რომელიც ნარქას სამაგალითოდ მოჰყავს, ესაა ასოების ჩამომსხმელი მანუფაქტურა. წარმოების პროცესი აქ სამ ფაზად იყოფა: „ჩამომსხმელი საათში 2000 ასო აყალიბებს, გამოკვეთი 4000 ასოს ჰკვეთს, გამპრიალებელი 8000 ასოს აპრილებს“⁷⁵; მაშასადამე თანაფარდობაა 1:2:4.

ამრიგად, მანუფაქტურის ყველაზე მარტივ ფორმაში ძირითად ოპერაციებში ჩაბმულია 7 ბუშა, მაგრამ ამას ემატება მოსამზადებელი, დამსრულებელი და დამხმარე ოპერაციები. ასე რომ, ამგვარ მანუფაქტურაში უშუალოდ წარმოებაში დასაქმებული იქნება სულ ცოტა 10 კაცი. ე. ი. თუ წარმოვიდგენთ, რომ ასოების ჩამომსხმელი სახელოსნო მუშათა რიცხვის თანდათანობით გადიდებით 6—7 კაცის ექსპლუატაციის შედეგად კაპიტალისტურ მარტივ კოოპერაციად გადაიქცა, ვიდრე ექსპლუატატორი შემდეგი განვითარების შედეგად არ დააგროვებს იმდენ კაპიტალს, რამდენიც საჭირო იქნება 10 მუშის ექსპლუატაციის უზრუნველსაყოფად, რაც არა მარტო მუშების ხელფასისათვის საჭირო თანხით, არამედ ნედლეულის და სხვ. ხარჯებითაც იჯანისაზღვრება, მას საშუალება არა აქვს წარმოებაში შრომის დანაწილება შემოიღოს და შესაბამისად თავისი წარმოება მანუფაქტურად გადააქციოს. ამიტომ მარქსი გარკვევით მიუთითებს: „მუშების მნიშვნელოვანი რიცხვის თავმოყრა ერთი და იმავე კაპიტალის მბრძანებლობის ქვეშ ბუნებრივი ამოსავალი პუნქტია როგორც კოოპერაციისა საერთოდ, ისე მანუფაქტურისაც. პირიქით, შრომის მანუფაქტურული დანაწილება საქმეში გამოყენებულ მუშათა რიცხვის ზრდას ტექნიკურ აუცილებლობად ხდის“⁷⁶.

მაგრამ ასოების ჩამომსხმელ მანუფაქტურაში, როგორც ითქვა, შრომის დანაწილების შედარებით მარტივ ფორმასთან გვაქვს საქმე. აქ იგი სულ სამ ეტაპად ნაწილდება. სხვა შემთხვევაში ცალკეული ოპერაციების რიცხვი შეიძლება გაცილებით მეტი იყოს, შესაბამისად გაიზრდება უშუალოდ წარმოებაში ჩაბმული მუშების მინიმალური სიდიდეც, ეს კი კვლავ თავდაპირველი კაპიტალის მინიმალურ სიდიდესთანაა დაკავშირებული. ამავე დროს მანუფაქტურის გაფართოება თანდათანობით არ შეიძლება, გაფარ-

⁷⁵ ე. მარქსი, კაპიტალი, ტ. I, გვ. 439.

⁷⁶ ე. მარქსი, კაპიტალი, ტ. I, გვ. 457.

თოება უნდა მოხდეს ერთბაშად, იმავე პროპორციით. ე. ი. თუ ასობის ჩამომსხმელ მანუფაქტურაში უშუალოდ წარმოებაში ჩაბმული მუშების რიცხვი არ შეიძლება 7-ზე ნაკლები იყოს, გაფართოების შემთხვევაში იგი გაიზრდება 14-მდე, 21-მდე და ა. შ.

ამრიგად, იმისათვის, რათა კაპიტალისტური მარტივი კოოპერაცია მანუფაქტურად გადაიქცეს ან კაპიტალისტმა წარმოება მანუფაქტურის ფორმით მოაწყოს, საჭიროა მის განქარგულებაში იყოს გარკვეულად მნაშვნელოვანი კაპიტალი: „მაშასადამე, კაპიტალის მინიმალური მოცულობის ზრდა ცალკეულ კაპიტალისტთა ხელში, ანუ საზოგადოებრივ საარსებო საშუალებათა და წარმოების საშუალებათა მზარდი გადაქცევა კაპიტალად არის კანონი, რომელიც მანუფაქტურის ტექნიკური ხასიათიდან გამომდინარეობს“⁷⁷.

ამის საფუძველზე კი შეიძლება დავასკვნათ: რაკი შრომის მკვეთრი ხელოანური დანაწილების პირობებში კაპიტალისტური მარტივი კოოპერაციის მანუფაქტურად გადაქცევისათვის ამოსავალი მისი მომწყობის ზღვში გარკვეული კაპიტალის აუცილებელი არსებობაა, შეიძლება ვივარაუდოთ: თუ, სხვა პირობებთან ერთად, დგინდება წარმოების მეპატრონის დიდი ეკონომიკური შეძლებულობა, უფლება გვაქვს აღნიშნული წარმოება მანუფაქტურის ფორმით წარმოვიდგინოთ.

მაგრამ სტატისტიკური და სხვა ხასიათის მასალა, რომლის საფუძველზეც ჩვენ ისტორიული ეპოქის სოციალურ-ეკონომიკური სახის აღდგენას ვცდილობთ, ჩვეულებრივ არ შეიცავს მონაცემებს ამა თუ იმ საწარმოში შრომის დანაწილების არაერთბობა-არარსებობის შესახებ. ხშირად იგი არ მოიცავს ცნობებს მისი მომწყობის ეკონომიკური შესაძლებლობის შესახებაც. ამგვარი ვითარებაა არა მარტო ჩვენში და არა მარტო განსახილველ პერიოდში; ამიტომ ისტორიულ და ეკონომიკურ ლიტერატურაში დაისვა საკითხი წარმოებაში დასაქმებულ პირთა იმ რაოდენობრივი ზღვრის ძიება, რომლის შემდგომაც კაპიტალისტური მარტივი კოოპერაცია მანუფაქტურად იქცევა. რაკი მანუფაქტურაში გამოყენებული მუშათა რაოდენობა დამოკიდებულია ცალკეულ კოოპერაციათა რიცხვზე და მათ შრომატევადობაზე, ამგვარი ზღვარი სხვადასხვა დარგებში სხვადასხვა უნდა იყოს. ამის გამო მარქსიზმის კლასიკოსებთან ამგვარი აბსოლუტური რიცხვი დასახელებულ

⁷⁷ კ. მარქსი, კაპიტალი, ტ. I, გვ. 457.

ლი არ არის. თუმცა ყურადღებას იქცევს ის გარემოება, რომ როდესაც კაპიტალისტურ მარტივ კოოპერაციაზე მსჯელობს, ვ. ი. ლენინი 10 მუშის მყოფი სახელოსნოს მეპატრონეს „პატარა კაპიტალისტს“ უწოდებს, ხოლო როცა შინამრეწველობის ევოლუციაზე საუბრობს, აღნიშნავს: „...-შინამრეწველი“ იქცევა ნამდვილ კაპიტალისტად, რომელსაც დაქირავებული ჰყავს 15-დან 30-მდე მუშა⁷⁸. რაკი „პატარა კაპიტალისტი“, ლენინის გამოთქმით, კაპიტალისტური მარტივი კოოპერაციის მეპატრონეა, „ნამდვილი კაპიტალისტი“ შეიძლება მანუფაქტურის მეთაურად წარმოვიდგინოთ და ამის საფუძველზე წარმოებაში ჩაბმული 15 მუშის არსებობა შეიძლება მიჩნეულ იქნეს იმ ზღვრად, როდესაც „რაოდენობრიობა თვისობრიობაში გადადის, წერილი ბურჟუა ნამდვილ კაპიტალისტად, ხოლო მისი სახელოსნო მანუფაქტურად იქცევა“⁷⁹.

ცხადია, ეს რიცხვი ზრულიად პირობითია. რგი ცალკეულ შემთხვევაში შეიძლება ნაკლები ან გაცილებით მეტი იყოს, მაგრამ როდესაც სხვა ცნობები არ არსებობს, მისი გამოყენება დასაერთო, შემაჯამებელ მონაცემებზე გავრცელება არსებითად სწორი უნდა იყოს. ამის საფუძველზე კი შეიძლება დავასკვნათ: თუ ცალკეულ შემთხვევაში დგინდება წარმოებაში ჩაბმულ მუშათა რიცხვი და იგი თხუთმეტი ან მეტია, მაგრამ მასში შრომის დანაწილების ფაქტის დადგენის საშუალება არა გვაქვს, პირობით აშგვარი წარმოება შეიძლება მანუფაქტურად იქნეს მიჩნეული.



ყოველივე ზემოთქმული საშუალებას იძლევა ამ ნეთოდოლოგიური კრიტერიუმით მივიუდგეთ (ვ. ი. სხვა თვალით შევხედოთ) რიგ ფრაგმენტულ, მაგრამ თავისთავად მეტად საყურადღებო

⁷⁸ ვ. ი. ლენინი, თხზ., ტ.3, გვ. 407.

⁷⁹ ეს სიტყვები აკად. სტრუმილინს ეკუთვნის, რომელიც ერთგვარად განსხვავებული მსჯელობის საფუძველზე იმავე დასკვნას აკეთებს С. Г. Струминин, Очерки экономической истории России, М., 1960, с.277; ამ აზრს იზიარებს გ. ბაქრაძეც. ვ. ხოშტარია ფაქტიურ მასალაზე დაკვირვების საფუძველზე ამგვარ ზღვარად 8—12 მუშის ექსპლუატაციას მიიჩნევს. დ. გოგოლაძე მანუფაქტურაში ცალკეულ კოოპერაციას შესაძლებელ რიცხვს უტოლებს დასაქმებულ მუშათა რიცხვს და მანუფაქტურად მიიჩნევს 4—5 მუშის მყოფ სახელოსნოსაც.

დებო ცნობებს, რომელსაც განსახილველი და მისი წინა პერიოდის მასალები იძლევიან.

ჯერ კიდევ XVIII საუკუნის საბუთებში გვხვდება არა მარტო ხელოსნური წარმოშობის ვაჭრები, არამედ ხელოსნებად წოდებული პირები, რომლებიც ფართო კომერციებში არიან ჩაბმული. ერთ-ერთი მათგანია ეინზე ხარაზი ბეჟანა, რომელიც საგარეო ვაჭრობაშიც კი მონაწილეობს და ამავე დროს თბილისის ერთ-ერთი უმდიდრესი საქმოსნის, — ვაჭრის და მოიჯარე გ. სარაჯიშვილის ანობილი პირი, მოსალოდნელია კომპანიონია⁸⁰. სარაჯიშვილების გვარი, რომლის ხელოსნური წარმოშობა ცნობილია, მთელი XIX საუკუნის მანძილზე არ წყვეტდა წარმოებასთან კავშირს. კერძოდ, 1824 წლის თბილისის აღწერაში მოხსენიებული მიხეილ იავორის ძე სარაჯიშვილი დიდი კომერსანტი და ქარხნების მენეჯერია⁸¹. 20-იანი წლების ბოლოს მიხეილ სარაჯიშვილი თბილისში (ორთაქალაში) ტყავის ქარხნის მენეჯერად მოჩანს. მისი წარმოება საგანგებოდ ჯარის ნაწილებისათვის საჭირო ხარისხის ტყავს ამზადებდა და მასში 60-მდე დაქირავებული მუშის მონაწილეობაა სავარაუდო⁸². ყოველივე ამის გათვალისწინებით შეიძლება წარმოვიდგინოთ, რომ დამოკიდებულება ხარაზ ბეჟანასა და გრიგოლ სარაჯიშვილს შორის სწორედ მათ საწარმოო ინტერესებზეა დამყარებული. ამგვარი ფაქტები XIX საუკუნის დასაწყისში მრავალია. რადგან თითქმის ყველა შემთხვევაში ხელოსნად მოხსენიებული ვაჭარი ფართო კომერციებშია ჩაბმული და წარმოებაში არამცთუ მათი პირადი მონაწილეობა, არამედ ზედამხედველობაც კი გამოირიცხებულია, არაფერი არ ელოდება წინ იმას, რომ მათი წარმოება ხშირად მანუფაქტურის მასშტაბებამდე ამაღლებულად წარმოვიდგინოთ. ჩვენ არაფერს ვამბობთ მიხეილ სარაჯიშვილის ტყავის ქარხანაზე, რომლის ამგვარი ხასიათი სრულიად ნათელია.

წინა პარაგრაფში, როდესაც ხელოსანთა ქონებრივ დიფერენციაციასზე იყო საუბარი, ცალკეული მონაცემების საფუძველზე შევეცადეთ ეკონომიკური შექცევულობის მიხედვით ხელოსანთა რაზმდენიმე კატეგორიის (უღარიბესი, ღარიბი, საშუალო, შეძლებული, მდიდარი და ძალიან მდიდარი) არსებობა დაგვესა-

⁸⁰ ნ. ბერძენიშვილი, მასალები..., წ. II, გვ. 132.

⁸¹ სესია, ფ. 254, აღ. I, საქ. 858, ფურც. 79.

⁸² მ. სამსონაძე, დასახ. ნაშრ., გვ. 115.

ბუთებიანა. უნდა აღინიშნოს, რომ ტრადიციულ შუასაუკუნოებრივ ხელოსნობაში მდიდარი და ძალიან მდიდარი ხელოსნის არსებობა თითქმის გამორიცხულია (აქ გარკვეულ გამოჩაყლისს შეიძლება მხოლოდ ოქრომქედლები, — იუველირები შეადგენდნენ). ხელოსნის გამდიდრება მხოლოდ სასაქონლო მეურნეობის პირობებშია შესაძლებელი და იგი დაქირავებული შრომის ექსპლუატაციის საფუძველზე ხდება. იგულისხმება, რომ მდიდარი ხელოსანი მხოლოდ გაფართოებული სახელოსნოს მეპატრონე შეიძლება იყოს. ამდენად, სრულიად ბუნებრივია, რომ ის ხელოსნები (წარმოების მეპატრონეები), რომლებმაც იმდენი კაპიტალი დააგროვეს, რომ დიდ ვაჭრებსაც კი უტოლდებიან, „ნაწილად კაპიტალისტებად“ წარმოვიდგინოთ.

თბილისის ნაგალითზე ჩვენ 95 მდიდარი და 15 ძალიან მდიდარი ხელოსნის არსებობა ვიგულისხმეთ. ექვი არ არის, რომ მათი სახელოსნოების გარკვეული ნაწილი მანუფაქტურის მასშტაბისაა.

XVIII საუკუნის მიწურულში თბილისში ცხოვრობდა ვაჭარი და მოიჯარე დაბალი არუთინა⁸³. 1824 წლის თბილისის აღწერაში გვხვდება დაბალი სტეფანე არუთინასშვილი, რომელიც აშკარად პირველის ვაჟია. ამრიგად, მამა ხელოსანი იყო და გავაჭრდა, შვილი კი თითქოს ხელოსნობას დაუბრუნდა. ამგვარი რამ გამორიცხული არ არის. ვაჭრის ეკონომიკური დაცემა (გაკოტრება) იშვიათი შემთხვევა არ ყოფილა არც მაშინ და არც შემდეგ. მაგრამ ყურადღებას იქცევს ის გარემოება, რომ შვილის ქონებრივი მდგომარეობა მამისას არ ჩამოუვარდება. იგი მახტია სახით 18,50 კაპიკს იხდის, რაც საშუალო გადასახადს 10-ჯერ აღემატება⁸⁴. იგი მდიდარი კაცია. ეს გარემოება გვიბოძებს განვითარების პროცესი კლასიკური ფორმით წარმოვიდგინოთ: თანდათანობით ხელოსანი ებმება ვაჭრობაში, ისე რომ წარმოებასთან კავშირს ინარჩუნებს და მას გარკვეულ მასშტაბამდე აფართოებს. ხოლო მის მიერ ვაჭრობაში დაგროვილი კაპიტალი ხდება იმის საფუძველი, რომ შემკვიდრემ სახელოსნოს გაფართოება ახალ საფეხურზე აიყვანოს და მთელი კაპიტალი ძირითადად ამ სფეროში ჩართოს, „ნაწილად კაპიტალისტად“ (მანუფაქტურის მეპატრონედ) იქცეს.

აქვე უნდა აღვნიშნოთ: თუ გადასახადის ოდენობა გადა-

⁸³ ნ. ბერძენიშვილი, მასალები..., წ. III, გვ. 243.

⁸⁴ სცსია, ფ. 254, აღ. I, საქ. 1422, ფურც. 31.

ხდელის ეკონომიკურ ძლიერებაზე იყო დამოკიდებული, ხოლო საწარმოს შეპატრონეთა ეკონომიკური სიძლიერე საწარმოს სიდიდეს, დაქირავებული მუშების რაოდენობის ზრდას ემყარებოდა, შეიძლება დავასკვნათ, რომ გაფართოებული საწარმოს შემოსავალი იმდენად აღემატება საშუალო სახელოსნოს შემოსავალს, რამდენადაც მისი მეპატრონის გადასახადი სჭარბობს საშუალო ხელოსნის გადასახადს.

და თუ ეს ასეა, შეიძლება მეტად ფართო წარმოების მეთაურებად წარმოვიდგინოთ ვინმე „ხარატი“ სტეფანე, „მექვაბე“ გოგი სოლომონოვი და „ყასაბი“ სტეფანე არუთინაშვილი, რომლებზეც 1824 წლის აღწერის მიხედვით, საშუალოზე 14-ჯერ მეტი გადასახადია გაწერილი (27 მან. 50 კაპ. — 28 მან.), „დაბალი“ დავით იედიგაროვი, რომელიც საშუალოზე 19-ჯერ მეტ გადასახადს იხდის (38 მან.)⁸⁵, შით უმეტეს, „ხაბაზი“ მელქო სარქისოვი, რომლის გადასახადი საშუალოს 42-ჯერ სჭარბობს (93 მან.)⁸⁶. და ბევრი სხვა, რომელთა ჩამოთვლა აქ ზედმეტად მიჯვარია. ყველა საფუძველი არსებობს იმისათვის, რათა მათ წარმოებებში მაღალი კაპიტალისტური ფორმები ვივარაუდოთ და ზოგიერთი მათგანი მანუფაქტურად წარმოვიდგინოთ.

ზემოთ მოყვანილი მსჯელობის საფუძველზე უფლება გვაქვს მანუფაქტურის სახით წარმოვიდგინოთ 20-იან წლებში თბილისში არსებული ორი სამკერვალო სახელოსნო, რომლებიც ებრაელებს — სოლომონ სალმანს, მოისეი კრინსკის და მოისეი მოგილევსკის ეკუთვნოდათ და სადაც 15 და 30 მარტო ქრისტიანი მუშა მუშაობდა⁸⁷. უფრო მოგვიანებით, 30-იანი წლების ბოლოს და 40-იანი წლების დასაწყისში თბილისში უცხოელთა 20-მდე სახელოსნოა აღრიცხული, რომლებშიც 10—20 და ზოგჯერ 40 მუშაც კი იყო დასაქმებული⁸⁸.

ამგვარი სახელოსნოები, როგორც ითქვა, საქართველოში სხვაც ბევრი უნდა ყოფილიყო, რომელთა სათავეში, ექვი არ არის, ადგილობრივი ვაჭარ-მრეწველები იდგნენ. მაგრამ აქ იბადება სრულიად ლოგიკური კითხვა: მაშ რატომ არ შემოგვრჩა მათ შესახებ ისეთი ცნობები, როგორიც უცხოელების მიერ მოწ-

⁸⁵ სცსა, ფ. 254, აღ. I, საქ. 185, ფურც. 129, 189, 271.

⁸⁶ იქვე, საქმე 1422, ფურც. 31.

⁸⁷ სცსა, ფ. 2, აღ. 1, საქ. 4458, ფურც. 17.

⁸⁸ სცსა, ფ. 7, აღ. I, საქ. 2229, ფურც. 1—5.

ყობილ-საწარმოებზე გვაქვს? პასუხი მარტივია: რუსეთთან შეერთების შემდეგ საქართველოში მრავლდება რუსული და ევროპული ელემენტი (ჭარის ნაწილები, ოფიცრები, ჩინოვნიკები და ა. შ.). თანდათან იცვლებოდა ადგილობრივი მოსახლეობის ცხოვრების ყაიდაც, რაც განსაკუთრებით ძლიერი იყო ზედა ფენებში. ყველაფერმა ამან განაპირობა მოთხოვნილების ზრდა ევროპული ტიპის საქონელზე. ქართველი ხელოსნები კი ამგვარი საქონლის დამზადებაში დახელოვნებული არ იყვნენ. ამის გამო ადგილობრივმა ხელისუფლებამ დაიწყო ლონისძიებების ვატარება რუსი და უცხოელი ხელოსნების მოსაზიდად. ამან ჩქარა გამოიღო შედეგი და საქართველოს ქალაქებში (განსაკუთრებით თბილისში) სხვადასხვა დარგის ევროპული ყაიდის არაერთი ხელოსანი გაჩნდა.

ადგილობრივი ხელისუფლება ერთობ დანტერესებული იყო იმ ხელოსნების ბედით, რომლებიც მისი ინტერესების შესაბამისად და მისი ინიციატივით მრავლდებოდნენ საქართველოში; აქტიურ ყურადღებას იჩენდა, უწევდა მათ ყოველგვარ შესაძლებელ დახმარებას. ამ ნიადაგზე სხვადასხვა ბიუროკრატიულ ინსტანციებში იმართებოდა ვრცელი, მრავალრიცხოვანი მიმოწერა. აღნიშნული ხასიათის მასალა ერთადერთი საშუალებაა ამ საწარმოებზე წარმოდგენის შესაქმნელად. ამგვარი ტიპის მრავალრიცხოვან საბუთებში აქა-იქ ამოტოვებულია ცნობები ამა თუ იმ ევროპული ყაიდის სახელოსნოს მოცულობის, მასში დასაქმებული ნუშახელის რაოდენობისა და სხვათა შესახებ.

ადგილობრივი ხელოსნობისადმი, ცხადია, ამგვარი ინტერესი არ იყო. ამიტომ ცნობებიც არ არის. ადგილობრივი ხელოსნობა მხოლოდ ზოგიერთ სტატისტიკურ მასალაში თუ აინახებოდა, ისიც ზერეღედ, მათი საერთო რაოდენობის და იშვიათად სახელოსნოების რაოდენობის შესახებ მოტანილი ცნობებით.

ამდენად, უცხოელი ხელოსნების გაფართოებული სახელოსნოების არსებობა ადგილობრივ ხელოსნობაში ამგვარი სახელოსნოების არსებობას კი არ გამორიცხავს, არამედ აღასტურებს.

ამრიგად, საქართველოს დამმუშავებელ მრეწველობაში რიგი საწარმოების მანუფაქტურის მასშტაბებამდე ამალეობის ვარაუდი რეალურ საფუძველს ემყარება. ამ დებულებას მხარს უჭერს რიგი არაპირდაპირი ხასიათის მინიშნებები:

წინამდებარე ნაშრომის შესაბამის პარაგრაფში ჩვენ შევეცადეთ გვეჩვენებინა კვალიფიციური და არაკვალიფიციური დაქორავებული შრომის გამოყენების გავრცელება. ამავე დროს, და-

ქირავებულ მუშათა ის კატეგორია, რომელსაც სპეციალობა აღნიშნული არა აქვს და საბუთებში „მუშაკებად“ იხსენიებიან, არაკვალიფიციურ მუშებად მივიჩნიეთ. ახლა საჭიროა ამ დებულების დაზუსტება. საქმე შემდეგშია: წარმოებაში კვალიფიციური და არაკვალიფიციური შრომის შეფარდებას ცალკეული სარეწის ტექნოლოგია განსაზღვრავდა. ცალკეული, განსაკუთრებით მოსამზადებელი ოპერაციების შრომატევადობა და სიმძიმე არაკვალიფიციური შრომის მეტ გამოყენებას ითხოვდა. ამიტომ არაკვალიფიციური შრომა შედარებით ჭარბი გამოყენება მოსალოდნელი იყო ისეთ დარგებში, როგორცაა — მეაგურეობა, მეთუნეობა, დაბლობა და ა. შ. ამავე დროს განსაზღვრული ხანის მასალებზე დაკვირვება გვიჩვენებს, რომ „მუშაკების“ გამოყენება განსაკუთრებით ინტენსიურია ისეთ დარგებში, რომლებიც არასაჭიროებენ შრომატევად და მძიმე მოსამზადებელ სამუშაოებს.

თბილისის 1823—1824 წწ. აღწერების მონაცემებიდან ჩვენ შევეცადეთ ამოგვეკრიბა „მუშაკების“ ის მცირე ნაწილი, რომელთაც მოღვაწეობის დარგი (სფერო) მითითებული აქვთ და შევუდარეთ იგი აღნიშნულ დარგებში დასაქმებულ ოსტატთა (უფრო სწორად, ოჯახების მეთაურთა) რაოდენობას. სურათის სრულყოფის მიზნით ამგვარივე შედარებისათვის გამოვიყენეთ აგრეთვე არსებული ცნობები შეგირდების შესახებ, რადგან ცალკეულ შემთხვევაში შეგირდს შეეძლო შეესრულებინა ან შეეცო არაკვალიფიციური მუშის როლი მოსამზადებელ და დამმარე ოპერაციებში. შედარებამ შემდეგი სურათი მოგვცა. სულ იმ მუშაკების რიცხვი, რომელთაც საქმიანობის დარგი მიწერილი აქვთ, შეადგენს 115 კაცს. ისინი ნაწილდებიან ხელოსნობის 14 დარგზე. ამ დარგებში ოსტატობის, მუშაკების და შეგირდების შეფარდება ასე გამოიყურება (ცხრ. 18). „მუშაკების“ გამოყენების ყველაზე მაღალი პროცენტია მღებრებში, მკედლებში, სარაჯებში და თერძებში. ხოლო „მუშაკებისა“ და შეგირდების ერთიანი რიცხვი პროცენტულად ყველაზე მეტია მეაბრეშუმეებში, მკედლებში, მღებრებში, თერძებში და ხარახებში. შესაბამისად როგორც „მუშაკების“, ისე მუშებისა და შეგირდების ერთად გამოყენების პროცენტული ვითარება ერთ-ერთი ყველაზე დაბალია მეთუნეებში, დაბალებში და ა. შ., ე. ი. სწორედ იმ დარგებში რომლებიც ტექნოლოგიის ხასიათის მიხედვით თითქოს ერთ-ერთი ყველაზე შრომატევადი დარგი იყო და შესაბამისად ყველაზე მეტად უნდა მოითხოვდნენ არაკვალიფიციური შრომის გამოყენებას ამგვარი-

ვითარება (კერძოდ, მუშაკების დიდი ჩაოდენობა ისეთ დარგებში, როგორცაა მებარეშუმეობა, თერძობა, ქურქჩობა და ა. შ.) კი ბაღებს ვარაუდს, მწარმოებელთა იმ კატეგორიაში, რომელიც წყაროებში „მუშაკებად“ მოიხსენიებიან, ხომ არ იგულისხმება

ცხრილი 18

ოსტატების, მუშაკებისა და შეგირდების ჩაოდენობის შედარება ხელოსნურ დარგებში თბილისის 1823-1824 წწ. აღწერების მიხედვით

ხელოსნური დარგი	ოსტატ	მუშაკ	%	შეგირდ	%	მუშაკი და შეგირდი
მღებრობა	32	10	31,3	9	28,1	59,4
მკვდლობა	62	13	21,0	26	41,9	62,9
მებარეშუმეობა	55	14	24,5	22	40	65,5
თერძობა	138	23	16,7	58	42	58,7
ქურქჩობა	48	7	14,6	7	14,6	29,2
კალატოზობა	57	5	8,8	11	19,3	28,1
ხარაზობა	168	16	9,5	56	33,3	42,9
ოქრომკვდლობა	72	4	5,6	10	13,9	19,4
კონობა	131	6	4,6	15	11,5	16
წესანთლობა	53	4	7,5	15	28,3	35,8
ყასობა	53	3	5,7	.	.	.
მეთუნეობა	37	2	5,4	8	21,6	27
დაბალობა	114	4	3,5	8	7	10,5
სარაფობა	27	11	14,8	3	11,1	25,9

გარკვეული კვალიფიკაციის ის პირები, რომელთა რაიმე ცალკეულ ხელობასთან გაიგივება შეუძლებელია? ე. ი. ხომ არ იგულისხმებიან მათში მედეტალე ხელოსნები? ამგვარ ვარაუდს ისიც აძლიერებს, რომ როგორც ირკვევა, „მუშაკობა“ საგანგებოდ შეისწავლებოდა. კერძოდ, საბუთებში სხვადასხვა ხელობის ოსტატთა შეგირდების გვერდით მოიხსენიება „მუშაკის შეგირდი“. არაკვალიფიციურ შრომას ხომ საგანგებო შესწავლა არ სჭირდება.

ამასთან დაკავშირებით შეიძლება მოვიგონოთ ი. შახგუბატოვის, ერთი შეხედვით, ცოტა არ იყოს უცნაური ცნობა, რომ „თბილისელი მექეჩეები დაქირავებით პენტავენ ბამბას“⁸⁹. ბამბის პენტვა საფეიქრო წარმოების მოსამზადებელი ოპერაციაა. მაგრამ რა შუაშია აქ მექეჩეები? ხომ არ ნიშნავს ეს, რომ ბამბეულის საფეიქრო წარმოების აყვავების პერიოდში მასში ხდებოდა მწარმოებელთა გადაქაჩვა შომიჯნავე დარგებიდან, სადაც ისინი სწრაფად

⁸⁹ ხელნაწერთა ინსტიტუტი, Ros d 110, გვ. 24.

კარგავდნენ თავიანთ ძველ ხელობას და „მედეტალე“ მუშებად იქცეოდნენ.

თუ გამოთქმული ვარაუდები სწორია, მაშინ უფრო თამაზად შეიძლება მსჯელობა დამმუშავებელ მრეწველობაში ახალი ურთიერთობის შექრისა და განვითარების ხარისხის დონის შესახებ, რადგან მანუფაქტურა, ახდენს რა „ხელოსნური საქმიანობის დაშლას ბის სხვადასხვა ნაწილობრივ ოპერაციად“, აყალიბებს შრომის ისეთ ორგანიზაციას, როცა „ყოველი ნაწილობრივი პროცესი, რომელსაც პროდუქტი გაივლის, ხელოსნური ნაწილობრივი შრომის სახით უნდა შესრულდეს“⁹⁰, ე. ი. ქმნის მედეტალე მუშებს.

განსახილველი ხანის თითქმის ყველა კამერალურ აღწერაში ყურადღებას იქცევს ის გარემოება, რომ ერთსა და იმავე დარგში დასაქმებული ხელოსნები სხვადასხვაგვარად მოიხსენიებიან. მაგალითად, ქონები აღნიშნულია ტერმინებით: „მექედე“, „ქულების ქეთებელი“, „ქულებით მოხელსაქმე“ (шапочным руководелием), მუდების ოსტატი და ა. შ. ფეიქრები „თავს ირჩენენ საქსოვი მუშაობით“, „ტილოს ქსოვით“, იწოდებიან „მქსოველებად“, „მქსოველ ოსტატებად“ და სხვ. ერთსა და იმავე სიაში ზოგჯერ ერთმანეთის მიყოლებით ჩამოთვლილი ერთი და იგივე დარგის მომუშავეთა ამგვარი განსხვავებული ტერმინით აღნიშვნა ძალაუვნებურად ბადებს ვარაუდს, რომ ეს განსხვავებული ტერმინები ხშირად ხელოსნური დახელოვნებისა და სახელოსნოში ცალკეული მათგანის ადგილისა და მდგომარეობის (როლის) განმსაზღვრელი შეიძლება იყოს.

ნ. ბერძენიშვილი ტერმინების — „მღებარის“ და „მღებავის“ ანალიზის საფუძველზე მათში განსხვავებულ შინაარსს ხედავს და მიიჩნევს, რომ ერთ შემთხვევაში იგულისხმება ჩვეულებრივი ხელოსანი, ხოლო მეორე შემთხვევაში, კი ამ საქმის ოსტატი — სულეზავის მცოდნე⁹¹. ტერმინთა ამგვარი მონაცვლეობა, თუ ისინი განსხვავებულ შინაარსს ასახავენ, შეიძლება ხელოსნური იერარქიის საფუძველი იყოს, ხოლო ადარებს რა ერთმანეთს მუშის მდგომარეობას კაპიტალისტურ მარტოვ კოოპერაციასა და მანუფაქტურაში, „კაპიტალის“ ავტორი ძირითად განსხვავებას იმაში ხედავს, რომ „...მანუფაქტურა წინანდელ დამოუკიდებელ მუშას

⁹⁰ ე. შ. ა. რ. ქ. ი. კაპიტალი, ტ. 1, ნაწ. I, გვ. 430.

⁹¹ ნ. ბ. რ. ძ. ე. ნ. ი. შ. ვ. ი. ლ. ი., საქართველოს ისტორიის საკითხები, ტ. IV, თბ., 1967, გვ. 335.

არა მარტო უმორჩილებს კაპიტალის მბრძანებლობასა და დისციპლინას, არამედ გარდა ამისა, თვით მუშებს შორის იერარქიულ საფეხურებს ჰქმნის⁸². ამასთან დაკავშირებით არ შეიძლება არ აღვნიშნოთ, რომ კამერალურ აღწერებში და სხვა სახის საბუთებში დასტურდება გარკვეული კატეგორიის პირთა არსებობა, რომლებიც „მთავარ ოსტატებად“ მოიხსენიებიან. მათ ვხვდებით თერძებში, მღებრებში, მეაგურებში და ა. შ. მთავარი ოსტატის არსებობა კი იმას ნიშნავს, რომ არსებობდა რიგითი ოსტატი. ხოლო რაკი ყველა ხელოსანი ოსტატად არ იწოდებოდა და ისინი მრავალი სხვადასხვაგვარი ტერმინით მოიხსენიებოდნენ, მათ შორის იერარქიის არსებობა ექვს არ უნდა იწვევდეს.

მეორე მხრივ, უფროსი ოსტატის არსებობის ფაქტი მასში დაქირავებული შრომის გამოყენების გარკვეული მასშტაბის მაჩვენებელია. იგი მიუთითებს რომ დაქირავებული მუშებს ექსპლუატაცია მის მეპატრონეს იმდენ ნამეტს აძლევს, რომ მას შეუძლია არა მარტო თვითონ განთავისუფლდეს „ხელშრომისაგან“, არამედ წარმოებაზე ზედამხედველობაც სხვა, აგრეთვე ხელშრომისაგან განთავისუფლებულ, პირს დაევალოს.

ამასვე მიუთითებს ის მეტად საგულისხმო ფაქტი, რომ რიგ საწარმოებში დასტურდება ნოქრების (сиделец) არსებობა. რუსული „სიდელეც“ მარტო დახლში მომუშავე პირის აღმნიშვნელი ტერმინი არ არის. ამ ტერმინით მოიხსენიებიან სახელოსნოს ზედამხედველებიც⁸³. ორივე შემთხვევაში სახელოსნოში, გარდა საკუთრივ მეპატრონისა, სახეზეა კიდევ ერთი უშუალოდ ხელშრომისაგან განთავისუფლებული პიროვნება. როცა ამგვარი ტერმინები გვხვდება მეთუნეებთან (сиделец у горшочника), ხარაზებთან (сиделец у сапожника) და სხვ., ეჭვი არ არის, აქ ისეთ სახელოსნოებთან გვაქვს საქმე, რომელიც მარტივი კაპიტალისტური კოოპერაციის პირველ ფორმაზე მაღლა დგას.

ამრიგად, სახელოსნოების კაპიტალისტურ მასშტაბებამდე გაფართოების ტენდენცია, დაქირავებული შრომის გამოყენების ზრდა, ხელოსანთა შორის მკვეთრი ქონებრივი დიფერენციაცია და მის საფუძველზე იმ ცალკეული ხელოსნური წარმოშობის ვაჭართა

⁸² კ. მარქსი, კაპიტალი, ტ. I, გვ. 458. ხაზი ჩემია. შ. ს.

⁸³ შდრ. ნ. ჩუბინაშვილი, რუსულ-ქართული ლექსიკონი, II, თბ., 1973.

თუ საქმოსანთა ხელში მნიშვნელოვანი კაპიტალის თავმოყრა, რომლებიც გაფართოებული სახელოსნოების მეთაურებად თუ ინციტორებად გამოდიან, სახელოსნოებში უფროს ოსტატად და ზედამხედველთა ინსტიტუტის გაჩენა; მათში ხელოსანური შრომის ცალკეულ ოპერაციებად დაყოფის დასაბუთებული ვარაუდი; გაფართოებულ სახელოსნოებში ხელოსანთა შორის იერარქიის არსებობის ფაქტი, 15—30 და მეტი დაქირავებული მუშიანი სახელოსნოების არსებობა და მათი მნიშვნელოვანი რაოდენობით შესაძლებელი არსებობის დასაბუთება, უფლებას გვაძლევს დავასკვნათ, რომ საქართველოს დამმუშავებელ მრეწველობაში, რომელიც ძირითადად ქალაქური ხელოსნობის ბაზაზე ვითარდებოდა, ადგილი ჰქონდა კაპიტალისტური მანუფაქტურების ჩამოყალიბების პროცესს.

მაგრამ არის ერთი საკითხი, რომლის გარკვევის გარეშე მთელი მოტანილი მსჯელობა სასურველ დამაჯერებლობას მოკლებული იქნებოდა: საქართველოს სამრეწველო განვითარებაში წამყვანი (განმსაზღვრელი) ადგილი თბილისს ეკავა, თბილისი კი ამქრული ხელოსნობის ქალაქი იყო⁹⁴, ამიტომ სრულიად ბუნებრივად იზადება კითხვა, თუ როგორ თავსდებოდა აღნიშნული პროცესი ამქრობასთან, რომელაც ითვლება რა ფეოდალური წყობის ერთ-ერთ ძირითად ინსტიტუტად, შეტად დიდ დაბრკოლებას წარმოადგენს მასში ახალი კაპიტალისტური წყობის ჩასახვა-განვითარების გზაზე.

7. ამჟრული ორბანოზაცია და მისი გავლენა ხელოსნობის განვითარებაზე

ცნობილია, რომ მრეწველობაში კაპიტალისტური ურთიერთობის განვითარების ერთ-ერთი ძირითადი დამაბრკოლებელი ფაქტორი ამქრობაა: „მეფასწეობისა და ვაჭრობის შეოხებით შექმნილი ფულადი კაპიტალის გადაქცევა სამრეწველო კაპიტალად ხელს უშლიდა ფეოდალური წყობილება სოფლად და ამქრული წყობილება ქალაქად“⁹⁵. მაგრამ ამქრული წყობილება ამგვარ შე-

⁹⁴ თბილისის გარდა ამქრული წყობა დამახასიათებელია ახალციხისათვის, მაგრამ იმის გამო, რომ განსახილველ ხანაში ახალციხე ქერ კიდევ არ იყო დაბრუნებული საქართველოს შემადგენლობაში, მასზე ჩვენ არაფერს ვამბობთ.

⁹⁵ ე. მ ა რ ქ ს ი, კაპიტალი, ტ. I, წ. I, გვ. 941.

საძლებლობას არ გამოიჩინებდა. ამიტომ „კაპიტალის“ იმ პარაგრაფში, რომელსაც „მრეწველი კაპიტალისტის გენეზისი“ ჰქვია, მარქსი გარკვევით მიუთითებს: „ექვს გარეშეა, რომ ზოგიერთი წვრილი ამქარ-ოსტატი და კიდევ უფრო დიდი რაოდენობით დამოუკიდებელი წვრილი ხელოსნები და დაქირავებული მუშებიც კი, გადაიქცეოდნენ ჯერ წვრილ კაპიტალისტებად, ხოლო შემდეგ, დაქირავებული შრომის მზარდი ექსპლოატაციისა და კაპიტალის სათანადო დაგროვების მეოხებით — კაპიტალისტებად *sana phrase*“⁹⁶, ხოლო თუ როგორ და რატომ აფერხებდა ამქრობა კაპიტალისტური ურთიერთობის ჩასახვა-განვითარებას, ამას მარქსი ასე განმარტავს: „(1) საამქრო კანონები... უკიდურესობამდე ზღუდავდნენ ქარგლების იმ რიცხვს, რომელიც შეეძლო ჰყოლოდა თვითოეულ ამქრის ოსტატს და ამით ისინი გეგმაზომიერად აფერხებდნენ ამქრის ოსტატის გადაქცევას კაპიტალისტად. (2) ასევე ოსტატს მხოლოდ იმ ხელობაში შეეძლო ქარგლის აყვანა, რომლის ოსტატიც თვითონ იყო. (3) საამქრო გულმოდგინედ იცავდა თავს ვაჭრული კაპიტალის თავდასხმისაგან, კაპიტალის ამ ერთადერთი თავისუფალი ფორმისაგან, რომელიც საამქროს უპირისპირდებოდა. ვაჭარს შეეძლო ეყიდა ყოველგვარი საქონელი, მხოლოდ არა შრომა, როგორც საქონელი. (4) თუ გარეშე პირობები გამოიწვევდნენ შრომის შემდგომ დანაწილებას, არსებული საამქროები ქვესახეობებად იყოფოდა, ანდა ძველი საამქროების გვერდით ახლები მკვიდრდებოდა, მაგრამ ეს ხდებოდა სხვადასხვა ხელოსნების ერთ სახელოსნოში გაუერთიანებლად“⁹⁷. ცხადია, ამქრის შეზღუდვები და რეგლამენტაციები ამით არ ამოიწურებოდა, მაგალითად, „წინამორბედ ფორმებში“ მარქსი მიუთითებდა, რომ ამქარი აწესებს, თუ რამდენი ღაზგა უნდა გამოიყენოს ერთმა ოსტატმა და ა. შ.⁹⁸, მაგრამ ავტორი აქ ყურადღებას ამახვილებს სწორედ იმ შეზღუდვებზე, რომლებიც მასში კაპიტალისტური ურთიერთობის შექრას ართულებდნენ.

ბუნებრივია, როდესაც მარქსი ამქრობაზე საუბრობს, მას მხედველობაში აქვს ამქრობა მისი კლასიკური ფორმით, მისი დასავლეთევროპული მოდელი. ქართული ამქარი კი, რომელიც უფ-

⁹⁶ კ. მარქსი, კაპიტალი, ტ. I, წ. I, გვ. 940.

⁹⁷ იქვე, გვ. 456.

⁹⁸ კ. მარქსი, კაპიტალისტური წამოების წინამორბედი ფორმები, თბ., 1952, გვ. 55.

რო მეტად აშქრობის აღმოსავლურ მოდელს უახლოვდებოდა, მნიშვნელოვნად განსხვავდებოდა შესაბამისი ევროპული ინსტიტუტებისაგან და ეს განსხვავება პირველ რიგში შეზღუდვებისა და რეგლამენტაციების სიმცირეში, მათ ერთგვარ სიზბილეში გამოიხატებოდა.

რაც შეეხება იმ შეზღუდვებს, რომელსაც მარქსი კაპიტალისტური ურთიერთობის ძირითად დამაბრკოლებელ გარემოებებად მიიჩნევს, ქართული ამქრის პირობებში შემდეგი ვითარება იყო:

(1) განსაზღვრული პერიოდის ქართული აშქრისათვის უცხო იყო ქარგლის ინსტიტუტი⁹⁹. რაც შეეხება შეგირდებისა და და-

⁹⁹ Ш. А. М е с х и а, Города и городской строй феодальной Грузии, Тб., 1967, с. 378; И. О. А х в е р д о в, Тифлисские амкары..., с. 22; С. Е г и а з а р о в, Городские цехи..., გვ. 128. ამ აზრს არ ეთანხმება პროფ. პ. გუგუშვილი: „...ამქრის წესდებაში ქარგლის შესახებ ცალკე პარაგრაფის არარსებობა (იგულისხმება ავლაბრის ოქრომჭედელთა ამქრის წესდება, —ს) სრულებითაც არ ნიშნავს ქარგლის ინსტიტუტის უგულებელყოფას“, აცხადებს იგი და გამოთქვამს მოსაზრებას, რომ მე-19 ს. 20-იან წლებში თბილისში ქარგალს „მუშას“ უწოდებდნენ. ავტორის შეხედულება ამ საკითხში ემყარება იმ გარემოებას, რომ ავლაბრის ოქრომჭედელთა წესდებაში გათვალისწინებულია ისეთი ვითარება, როდესაც მოწაფე ხელობის სწავლას ასრულებს, მაგრამ ეკონომიური სახსრები არ გააჩნია იმისათვის, რათა დამოუკიდებელი საქმიანობა დაიწყოს. ამგვარი კატეგორიის კაცი თუმცა იურდი. ულად ოსტატია, მაგრამ ფაქტობრივად, პ. გუგუშვილის აზრით, „ნამდვილი ქარგალა... მუშაა, რომელიმე ხელობის სპეციალისტია, რომელსაც დამოუკიდებელი მუშაობის სახსარი არ გააჩნია“ (პ. გ უ გ უ შ ვ ი ლ ი, საქართველოს და ამიერკავკასიის..., ტ. V, გვ. 228—229). ამგვარი მსჯელობა ჩვენ უსაფუძვლოდ გვეჩვენება. ქარგალი ამქრული იურარქიის აუცილებელი ნაწილია, იგი შეგირდსა და ოსტატს შორის დგას. და ამ საფეხურის გავლის გარეშე ოსტატად გახდომა შეუძლებელია. ქარგლის ინსტიტუტი ოსტატთა მასის ზრდის ერთ-ერთი ხელოვნურად შემაფერხებელი საშუალებაა და ამქრული კონსერვატორების ერთ-ერთი საფუძველია. ამდენად იგი ამქრობის ერთ-ერთი ძირითადი ნიშანია და მხოლოდ მისთვისაა დამახასიათებელი. რაც შეეხება ოქრომჭედლების წესდებით გათვალისწინებულ ვითარებას, იგი ამქრობის სპსციფიკური ნიშანი კი არ არის, არამედ სრულად ბუნებრივი გამოსავალია ხელოსნური წარმოებისათვის, მიუხედავად იმისა იგი ამქრული იქნება თუ ამქარგარეშე. სპეციალისტი, რომელიც დამოუკიდებლად მუშაობის საშუალებას მოკლებულია, იძულებული იქნება ან სხვა სპეციალისტთან დაქირავებით იმუშაოს, ან სხვა რაიმე საშუალება გამოიხატოს. იგი თავისუფალია და ამიტომ სულაც არ არის აუცილებელი, რომ მან თავისი შრომა სწორედ იმ ოსტატს მიაქირაოს, რომელთანაც მოწაფეობა გაიარა, რასაც თვით ავტორიც აღასტურებს. ამდენად ამქრის წესდება სულაც არ ცდება, როდესაც ამგვარ კატეგორიას „მუშას“ და არა „ქარგალს“ უწოდებს, რადგან იგი ტმბიური ეკალიფიკიური დაქირავებულია მუშაა და თუ მას ამქრობისთან რაიმე კავშირი აქვს, მხოლოდ ის, რომ მისი გაჩენა ამქრის რღვევს ამკარა ნიშანია.

ქირავებული მუშების (მათ შორის კვალიფიციური მუშების) რაოდენობას, იგი ჩვენამდე შეპორჩენილი ყველა საბუთის მიხედვით რეგლამენტირებული არ ყოფილა¹⁰⁰. პირიქით, არაერთ საბუთში შექმნილი ერთი ოსტატის ქვეშევრდომობაში რამდენიმე (ზოგჯერ ათეულობით) დაქირავებული მუშის არსებობისა განხილულია არა როგორც განსაკუთრებული მოვლენა, არამედ როგორც ჩვეულებრივი და ბუნებრივი. ამ აზრის დასადასტურებლად საკმარისია მოვიგონოთ ის ბრძოლა, რომელიც მკერავთა ამქარბა ებრაელ ხელოსნებს გაუმართა. თბილისელი მკერავები თავიანთ საჩივრებში იმას კი არ მიუთითებდნენ, რომ ებრაელთა სახელოსნოებში 15 და 30 მუშა მუშაობდა, არამედ იმას, რომ აღნიშნული მუშები ქრისტიანები იყვნენ და ისინი თავიანთ ებრაელ დამქირავებლებთან ერთად ცხოვრობდნენ, რაც რუსეთის იმპერიის კანონებით აკრძალული იყო და იმასაც, რომ აღნიშნულ ქრისტიან მუშებს ისინი ადგილობრივი ოსტატებისგან იბირებდნენ, რაც ამქარის წესებით დაუშვებელი იყო¹⁰¹.

(2) არც ერთი არსებული საბუთი არ ადასტურებს ერთი სპეციალობის ხელოსნის მიერ სხვა სპეციალობის ხელოსნის დაქირავების შეზღუდვას. ზოლო არსებული ვითარება გამორიცხავს ამგვარი შეზღუდვის შესაძლებლობას. ქართული ამქარი არ იცავდა ხელოსნობის შთამომავლობის პრინციპს, თუმცა ხელობის გარკვეული მემკვიდრეობითობა, ცხადია, არსებობდა. უამრავი მაგალითია იმისა, რომ ოჯახის რანდენიმე მოწიფული წევრი სულ სხვადასხვა ხელოსნურ საქმიანობაში იყო ჩაბმული. არაერთი ცნობა არჩებობს იმის დასადასტურებლად, რომ ერთი სპეციალობის ხელოსანი (თუ საქმოსანი, ყოფილი ხელოსანი) სხვა დარგის სახელოსნოსაც ცნავენ. მაგალითად, დასტურდება არაერთი მჭაოველის სამღებროს მეპატრონეობა; ასეთი გაფართოებული სახელოსნოების მომწყობები და მეპატრონეები არიან სპეციალობით ვაჭარი საქმოსნები და ა. შ. თელაველი დიმიტრი თეიმურაზოვი, რომელსაც 2 დუქანი და ტყავის გამოსაყვანი საწარმო ჰქონია, თვითონ კი ხარაზი იყო, ბუნებრივია, დბალი სპეციალისტის დაქირავების გარეშე საქმეს ვერ გაუძღვებოდა¹⁰². ზევით ნახ-

¹⁰⁰ III. A. M e c h n a, დასახ. ნაშ, გვ. 360, 361.

¹⁰¹ სესია, ფ. 2, აღ. 1, საქ. 4458, ფურც. 17; სესია, ფ. 26, აღ. 1, საქ. 5682, ფურც. 36; სესია, ფ. 16, საქ. 5306, ფურც. 13.

¹⁰² სესია, ფ. 254, აღ. 1, საქ. 687, ფურც. 28.

სენები ნონია მეზარნიშე იარალის დამამზადებელი სახელოსნოს მეთაური იყო და ა. შ.

(3) როგორც ითქვა, არსებული მასალა არაერთ ფაქტს ადასტურებს ვაქრის მიერ დაქირავებული შრომის გამოყენებაზე დამყარებული სახელოსნოს მოწყობისა. მაგრამ ამ საკითხზე ქვემოთ უფრო დაწვრილებით იქნება საუბარი.

(4) როგორც აღვნიშნეთ, ქალაქურ ხელოსნობაში შრომის ტექნიკური დანაწილების ინტენსიური პროცესის მიმდინარეობა სულ ახალ-ახალი ხელოსნური სპეციალობების გაჩენას იწვევდა, მაგრამ არც ერთი საბუთი არ ადასტურებს ამის საფუძველზე ამქრობის ქვესახეობებისა თუ ახალი ამქრების ჩამოყალიბების ფაქტს. XIX საუკუნის მთელი რეფორმამდელი ხანის განმავლობაში ხელოსნობაში ჩამოული ელემენტის საერთო ზრდის პარალელურად ადგილი ჰქონდა ამქრების რაოდენობრივ ზრდას. მაგრამ ამქრობის ზრდა ხდებოდა არა ახალი დარგების გამოყოფის საფუძველზე, არამედ გეოგრაფიული და იშვიათად ეროვნულ-რელიგიური ნიშნის საფუძველზე, რადგან რიგი ამქრის შემადგენლობა იმდენად იზრდებოდა, რომ მისი მართვა შეუძლებელი ხდებოდა. მაგალითად, თბილისში მოსაქმე კალატოზები 5 ამქარში იყვნენ გაერთიანებულნი. ერთ-ერთი მათგანი «ათთარ კალატოზებს» აერთიანებდა, დანარჩენებს, მართალია, ეროვნულ-რელიგიური კუთვნილების აღნიშვნა არა აქვთ, მაგრამ რადგან ზოგის წელმძღვანელობას (უსტაბაში, აღსაკლები და სხვ.) ქართველები შეადგენდნენ, ზოგისა კი სომხები, ამგვარ განსხვავებებს მაინც უნდა ჰქონოდა ადგილი¹⁰³. ცალ-ცალკე ამქრებში ერთიანდებოდნენ ევროპელი და ადგილობრივი თერაპები¹⁰⁴. ევროპული და აზიურ ტიპის ხარაზები და ა. შ.

ამასთან ისეთი ხელოსნური დარგები, როგორიცაა მეჩახმახე, მეკონდახე, მეპირისწამლე, მეთაქალთოე, გამთეთრებელი, გამპრიილებელი და ა. შ. არამთუ ცალ-ცალკე ამქრებს არ ქმნიდნენ, როგორც ამას დასავლეთ-ევროპელ ამქრებში ჰქონდა ადგილი, არამედ, მიუხედავად გულდასმითი ძიებისა, ამგვარი ცალკეული დარგის სპეციალური სახელოსნოების მიკვლევაც კი ვერ მოხერხდა, რაც იმის დამადასტურებელია, რომ აღნიშნული დარგები სახელოსნოს შიგნით შრომის დანაწილების შედეგად იყვნენ წარ-

¹⁰³ სცსია, ფ.414, აღ. 1, საქ. 13.

¹⁰⁴ იქვე.

მოქმენილნი და გაფართოებულ სახელოსნოში მოღვაწეობდნენ, რა-
ზედაც ჩვენ ზემოთ გვქონდა საუბარი. ეს კი კაპიტალისტური მა-
ნუფაქტურის არსებობის ვარაუდს კიდევ უფრო სარწმუნოს ზდის.

ამრიგად, ქართული ამქრის სპეციფიკური ხასიათის გამო ხე-
ლოსნობაში კაპიტალისტური ურთიერთობის ჩასახვა-განვითარების
იმ გზას, რომელიც ხელოსნის თანდათანობით ვაჭრად და კაპიტა-
ლისტად გადაქცევაში მდგომარეობდა და სახელოსნოს თანდათა-
ნობით კაპიტალისტურ მასშტაბამდე გაფართოებაში გამოიხატე-
ბოდა, ამქრული ორგანიზაციის სახით გადაუღობავი წინააღმდე-
გობა არ ხვდებოდა.

გარკვეული სხვაგვარი ვითარება იყო კაპიტალისტური ურ-
თიერთობის მეორე გზით ჩასახვა-განვითარების თვალსაზრისით,
რაც ვაჭრული კაპიტალის მიერ წარმოების თანდათანობით დაპ-
ყრობას გულისხმობდა; ამიტომ მასზე უფრო დაწვრილებით უნდა
შევიჩერდეთ. მაგრამ მანამდე უნდა მოვიგონოთ, რომ მარქსის მი-
თითებით კლასიკური ამქრული წყობა ამ პროცესს იმით უშლის
ხელს, რომ „საამქრო გულმოდგინედ იცავდა თავს ვაჭრული კაპი-
ტალის თავდასხმისაგან, კაპიტალის ამ ერთადერთი თავისუფალი
ფორმისაგან, რომელიც საამქროს უპირისპირდებოდა. ვაჭარს შე-
ეძლო უყიდა ყოველგვარი საქონელი, მხოლოდ არა შრომა, რო-
გორც საქონელი“¹⁰⁵⁻¹⁰⁷.

ვაჭრებისა და ამქრული ხელოსნობის დაპირისპირებისა და
ბრძოლის ფაქტები დასტურდება განსახილველი პერიოდის თბი-
ლისის სინამდვილეში. მაგრამ ეს ბრძოლა გაცილებით ადრე უნ-
და დაწყებულიყო. ყოველ შემთხვევაში, ამაზე მიუთითებს მე-18
საუკუნით დათარიღებული არაერთი საბუთი¹⁰⁸. აღნიშნული მასა-
ლიდან ისეთი შთაბეჭდილება რჩება, რომ XVIII საუკუნის გან-
მავლობაში ხელოსნური ამქრები ვაჭრებთან ურთიერთობაში მნი-
შვნელოვან სიმტკიცეს იჩენდნენ, ახერხებდნენ მათი გავლენისაგან
თავის დაღწევას და ზოგჯერ მათზე აშკარა ზემოქმედებასაც კი
ახდენდნენ. ამ შთაბეჭდილების ანარეკლი უნდა იყოს უფრო
გვიანი პერიოდის ანონიმური ავტორის მიერ შედგენილი საბუთი,
საიდანაც ჩანს არა მარტო ვაჭრული და ხელოსნური ამქრების
დაპირისპირება, არამედ ისიც, რომ ამქრული ხელოსნები თავი-

¹⁰⁵⁻¹⁰⁷ კ. მარქსი, კაპიტალი, ტ. I, გვ. 456.

¹⁰⁸ შ. მესხია, ქართული ამქრული ორგანიზაციების ისტორიიდან, ეკ-
ანტ. შრომები, III, გვ. 147, 149.

სი სურვილსამებრ აწესებენ როგორც ნაწარმის ფასაყიდ, ისე ნედლეულის შესყიდვის ფასებს და ამით, ავტორის სიტყვით, ქვეყანაში თავისუფალი ვაჭრობის განვითარებას აფერხებდნენ¹⁰⁹.

XIX საუკუნის სხვადასხვა დოკუმენტური მასალა ვითარების სულ სხვაგვარად გვიხატავს. ხელოვნური ამქრები ვაჭრებთან დაპირისპირებაში სულ უფრო და უფრო ხშირად მარცხდებიან და რაღ შემთხვევაში მათ აშკარა ზემოქმედებას განიცდიან. XIX საუკუნის 40-იანი წლების ანონიმური ავტორი ამ პროცესს თავისებურ ახსნას აძლევს: „1820 და 1825 წლიდან ამქრებმა და ვაჭრებმა ერთმანეთში ჩუმჩუმად მტრობა იწყეს რაე, რომ მხოლოდ გარეგნულად ინარჩუნებდნენ მეგობრობას. ვაჭრები ამინებდნენ ამქარს, რომ ისინი მდიდრები არიან და შეუძლიათ რეკრუტი შემოიღონ და ისინი, ამქრები, ვალდებულნი იქნებიან სალდათში წავიდნენ, ხოლო მათ,—ვაჭრებმა, შეუძლიათ ეს ფულის საშუალებით თავიდან აიცილონ და ამის გამო ამქრები ვაჭრების მიერ დამორჩილებულნი იქნენ“¹¹⁰. ცხადია, ავტორისეული პრიმიტიული ახსნის უკან ამ ორი კლასის მეტად მნიშვნელოვანი შეჯახებები და ღრმა წინააღმდეგობები მოჩანს, რომლის საბოლოო შედეგა, წყაროს რწმუნებით, ვაჭართა კლასის ამქრულ ხელოსნობაზე გაბატონების სახით წარმოგვიდგება.

ამ პროცესის პრაქტიკულ შედეგად მოჩანს ის სურათი, რომელსაც ი. შანგუბატოვი გასული საუკუნის 20-იანი წლებს დასაწყისის თბილისის სოციალურ-ეკონომიკურ ცხოვრებაში წარმოგვიდგენს, ჩვენ მიერ ზემოთ დამოწმებულ საბუთში შალის, სელისა და ბამბის ნაწარმით მოვაჭრენი, — განხილული არიან როგორც აღნიშნული პროდუქტის დამამზადებელი სარეწის ფაქტიური მეთაურები. აღნიშნულ სარეწზე მათი ბატონობა უეჭველია. ეს პროცესი აბრეშუმით ვაჭრობაშიც იგივე მიმართულებით მიდის. ი. შანგუბატოვის ცნობით, თბილისელი „ვაჭრები, რომლებიც აბრეშუმით ვაჭრობენ ყაზახებად იწოდებიან. ისინი ქსოვენ ოქროსა და ვერცხლის ბუზმენტებს და აბრეშუმის თასმებს მამაკაცთა ხიფთანების გასაწყობად; ძახვენ და ლებავენ აბრეშუმს“¹¹¹ და ა. შ. როგორც ვხედავთ, ვაჭართა გავლენა აშკარად მოჩანს არა ცალკეულ ხელოსნობაზე, არამედ წარმოების მთელ

¹⁰⁹ ხელნაწერთა ინსტიტუტი, Ros d 291, გვ. 30—31.

¹¹⁰ იქვე, Ros d 268, ფ. 1ა.

¹¹¹ იქვე, Ros d 268, ფურც. 3.

პროცესზე, რომელიც ვაჭართა მეთაურობით ხორციელდებოდა და რაც მთავარია, აქ ცალკეულ შემთხვევებზე კი არ არის ლაპარაკი, არამედ უკვე მტკიცედ ჩამოყალიბებულ წესზე.

ყოველივე ზემოთ ნათქვამს თუ დაეუმატებთ, რომ განსახილველი ხანის მასალა სავაჭრო კაპიტალის წარმომადგენელთა მიერ ამქარში შემავალი სხვადასხვა დარგის საწარმოების მოწყობისა და მეთაურობის მრავალრიცხოვან ფაქტებს ადასტურებს, ნათელი გახდება, რომ ქართული ამქარი პრინციპულ წინააღმდეგობას ვერ უწევდა (თუ ვეღარ უწევდა) ვაჭართა კლასს „იყიდოს არამც თუ ყოველგვარი საქონელი, არამედ თვით შრომაც, როგორც საქონელი“.

ამრიგად, ქართულ ხელოსნობაში კაპიტალისტური ურთიერთობები გზას იკაფავდნენ ე. წ. მეორე გზითაც, რაც ვაჭრის მიერ წარმოების თანდათან დაპყრობაში გამოიხატებოდა.

სათანადო მასალის უქონლობის გამო ჩვენ შუა საუკუნეების ქართული ამქრის შესახებ დღესდღეობით თითქმის პრაფერი ვიცით, გარდა მისი არსებობის ფაქტისა. ამიტომ ძნელია დაბეჯითებით მტკიცება იმისა, რაც ზემოთ ითქვა — მისი ტრადიციული თავისებურებაა თუ ტრანსფორმაციის შედეგი. თუმცა უკანასკნელი პროცესის მიმდინარეობა სრულიად აშკარად დგინდება. ასეა თუ ისე, ამქარი ფეოდალური ინსტიტუტი იყო და დაშლისა და ტრანსფორმაციის ვითარებაშიც ასეთად რჩებოდა. თუ იგი ახალი ურთიერთობის ჩაახვება-განვითარების პროცესს პრინციპულ წინააღმდეგობას ვერ უწევდა, ეს, ბუნებრივია, არ ნიშნავს, რომ იგი ამ პროცესის დამბარკოლებელ ფაქტორად არ გამოდიოდა.

მართალია, ჩვენამდე მოღწეულ საბუთებში მონოპოლიებისა და რეგლამენტაციების შესახებ უშუალო მითითებები არ ჩანს, მაგრამ არაპირდაპირი (წინიღებულ) ფორმით ამქრის ამგვარი მისწრაფება აშკარად შეინიშნება¹¹². მაგალითად, ამქარი არავის უშლის სახელოსნოს მოწყობას (მიუხედავად იმისა, ამქრის წევრია თუ არა მომწყობი), არ ზღუდავს მათ რიცხვს (ვისაც სურს შეუძლია რამდენიც სურს იმდენი დუქანი იქონიოს), მაგრამ იმით, რომ ყოველი დუქნის მოწყობაზე ამქრისათვის გარკვეულ გამოსაღებს აწესებებს და მის მოცულობას თანდათანობით ზრდის, ამით გარკვეულად აფერხებს ამ პროცესს¹¹³. მონოპოლიისაკენ მისწრაფება

¹¹² პ. გ უ გ უ შ ვ ი ლ ი, დასახ. ნაშრომი, გვ. 185—189.

¹¹³ იქვე, გვ. 186.

შეინიშნება ნედლი მასალით მომარაგების და განაწილების საქმეში. სხვადასხვა დარგის ამქართა დაპირისპირებას და გავლენისათვის ბრძოლაში და სხვ. ამქარი ერთგვარად ზღუდავდა თავისუფალ კონკურენციას იმით, რომ კრძალავდა შეგირდებისა და მუშების გადაბირებას, მუშტროს გადაბირებას და ა. შ.¹¹⁴ მართალია, უკანასკნელ აკრძალვებს გარკვეულად მორალურ-ეთიკური ხასიათი ჰქონდა, მაგრამ ყოველგვარი ეთიკური და ნორალური ნორმები ფეოდალური ატავიზმია, გადმონაშთია და შემათერხებელი გარემოებაა იმ ახალი ურთიერთობისათვის, რომლის უპირველესი პრინციპი თავისუფალი ექსპლუატაცია, თავისუფალი კონკურენცია და მოგებისათვის ბრძოლაა.

ამიტომ ამქრობა თავისი ფეოდალური ბუნებით არ შეიძლება ბოდა გარკვეულ წინააღმდეგობაში არ მოსულიყო ახალი ურთიერთობის გარკვეულ დონესთან.

განსახილველ და უშუალოდ მის მომდევნო პერიოდში არაერთი მაგალითი არსებობს ამქრობის ბრძოლისა გაკაპიტალისტების გზაზე დამდგარ იმ ხელოსნებთან (თუ საქმოსნებთან), რომელთათვისაც ამქროს წიაღში მოღვაწეობა უკვე ძნელად ასატანი გამხდარა. რამდენადაც ლოიალური იყო ამქარი მის შიგნით ახალი ურთიერთობის ჩასახვა-განვითარების პროცესისადმი, იმდენად სასტიკი და შეუწყნარებელი იყო იგი ამქროს ფარეშე ხელოსნობაში მიმდინარე მსგავსი პროცესებისადმი, თუ ამქროს ყოფილი წევრი ამ ნიადაგზე მათთან კავშირის გაწყვეტისაკენ ისწრაფებდა; ამქარი ვერ ეგუებოდა გარედან კონკურენციას. ამის მაგალითია ის ხანგრძლივი და დაუნდობელი ბრძოლა, რომელიც თერძების ამქარმა ებრაელი ხელოსნების წინააღმდეგ გააჩაღა. ამქარი სასტიკ ბრძოლას უცხადებდა არა მარტო ებრაელ ხელოსნებს, არამედ კოლონისტებს და სხვა უცხოელ ხელოსნებს, რომლებიც ამქარში შესვლას თავს არიდებდნენ.

გასული საუკუნის 30—40-იან წლებში ადგილობრივი ხელისუფლება, გამოხატავდა რა რუსი და უცხოელი სამხედრო და სამოქალაქო ჩინოვნიკების ინტერესებს, ყოველმხრივ ცდილობდა საქალაქო ცხოვრებაზე ამქროს გავლენის შეზღუდვას. ამიტომ ყოველი ოსტატი და ხელოსანი რომელიც ამქროს წინააღმდეგ ხმის ამაღლებას გაბედავდა, გარანტირებული იყო ადგილობრივი ხელისუფლების მხარდაჭერით. ეს კი მათ, ვისაც ამქროს გავლენიდან თავი

¹¹⁴ პ. გუგუშვილი, დსახ. ნმ., გვ. 186.

ვის დაწვევა სურდა, გაბედულებას მატებდა. როდესაც ანდრონიკაშვილის გლეხმა გოგია ომიადემ თბილისში პურის საცხობი მოაწყო, ამქრისათვის შესაბამისი თანხას გადახდა ზედმეტად მიიჩნია. ეს ამქრის შეურაცხყოფელი საქციელი იყო, მაგრამ იმჯერად მას რაიმე მნიშვნელოვანი გართულება არ მოჰყოლია. მაგრამ როცა ომიადემ მეორე საცხობის მოწყობა წამოიწყო, ამქარმა ხმა აიმაღლა და შესაბამისი შესატანი მოთხოვა, ზოლო როცა უარი მიიღო, აქტიურ ბრძოლაზე გადავიდა (საცხობის დანგრევა, ბოიკოტი, საჩივრები და ა. შ.). ომიადემ რომ გაკაპიტალისტების გზაზე დაძვარი ხელოსანია ამას მტკიცება არ უნდა. ცხდია, მისთვის ამქრის კუთვნილი შესატანის გადახდა არავითარ სიძნელეს არ წარმოადგენდა. მაგრამ აქ ამქრის ჩაჩოებიდან ამოხტომის აშკარა ცდასთან გვაქვს საქმე. ომიადემ შესანიშნავად იცოდა მთავრობის პოლიტიკის არსი და მისი მხარდაჭერის იმედი ჰქონდა. მისი სააცხობის დანგრევისათვის უსტაბაში ხოსია სულაძე და სხვა 8 ხელოსანი დააპატიმრეს. ამქარმა ამაზე გაფიცვით უპასუხა და ქალაქში პურის ყველა საცხობი დაიკეტა. ამან მთავრობის მწვავე რეაქცია გამოიწვია. 31 ხელოსანი თითო თუმნით იქნა დაჯარიმებული და სხვ¹¹⁵, საბოლოოდ ამ საქმეში მიანც ამქარი დარჩა დაზარალებული, იგი დამარცხდა.

შექმნილ ვითარებაში, ახალი ურთიერთობის ჩასახვა-განვითარების პარალელურად და ადგილობრივი ხელისუფლების ამქრის საწინააღმდეგო პოლიტიკის გავლენით, ქართული ამქარი სულ უფრო იცვლის სახეს და თანდათან ეცლება რა ძალა, უპირატესად ერთგვარი საქველმოქმედო, ეთიკურ-მორალური პროფესიული ორგანიზაციის ფუნქციას ინარჩუნებს. იგი თანდათან სუსტდება როგორც პოლიტიკურად, ისე ეკონომიკურად. ამქრობა უკვე აღარ არის საკუთრივ ქალაქელი ხელოსნების გაერთიანების ფორმა. იგი შეცვლილი და ტრანსფორმირებული სახით უკვე საქალაქო საქმიანობის ყველა დარგს მოიცავს. მასში მარტო ხელოსნები და ვაჭრები კი არ ერთიანდებიან, არამედ თულუხჩები, კურტნის მუშები და მათხოვრებიც კი. 50-იან წლებში შედგენილი ამქრის წესდება მისი სახეცვლის მკაფიო დადასტურებაა. აღნიშნული წესდებით ამქრის ოსტატად ითვლებოდა ყველა ის, ვინც ამა თუ იმ ხელოსნურ დარგთან რაიმე უშუალო კავშირს ინარჩუნებდა,

¹¹⁵ დაწვრილებით იხ. მ. ს ა მ ს ო ნ ა ძ ე, დასახ. ნაშრ., გვ. 47—50.

მათ შორის იგათვითებული წარმოების მომწყობი საქმოსნებიც¹¹⁶.

ცხადია, ამქრის დაშლა ხანგრძლივი ისტორიული პროცესია და იგი სხვადასხვა დარგში განსხვავებული ინტენსიურობით მიმდინარეობს. ახალი ურთიერთობის ჩასახვა-განვითარება ამ პროცესში კატალიზატორის როლს ასრულებს. ამასთან დაკავშირებით უადგილო არ ქნება აქ „კაპიტალის“ ერთი დებულების მოტანა-რომელიც, ვფიქრობთ, ამ საკითხის გადაწყვეტაში ამოსავალი უნდა იყოს. თავიდანვე ყურადღება უნდა მიექცეს იმას, რომ „კაპიტალის“ ავტორი აქ ლაპარაკობს არა კაპიტალიზმის ჩასახვა-განვითარებაზე საერთოდ, არამედ კონკრეტულად მანუფაქტურაზე: „ალაგ-ალაგ მანუფაქტურა სპორადულად შეიძლება ვითარდებოდეს ისეთ ჩარჩოებში, რომელიც ჯერ კიდევ მთლიანად ღებავს პერიოდს ეკუთვნის... მაგრამ პირობები კაპიტალიზმისთვის, როგორც მთელი ეპოქის მომცველი ფორმისა, უნდა უითარდებოდეს არა მხოლოდ ადგილობრივ ჩარჩოებში, არამედ ფართო მასშტაბით (არაფერი არ უღობება იმ გარემოებას, რომ ამქართა დაშლის დროს ცალკეული ამქრის ოსტატები მრეწველ კაპიტალისტებად გადაიქცეოდნენ. მაგრამ ასეთი შემთხვევათვით საგანთა ბუნების გამო იშვიათია. მთელი ამქრული წყობილება, ოსტატი და ქარგალი იღუპება, სადაც კაპიტალისტი და მუშა-ჩნდება)“¹¹⁷. ამ დებულებაში მისი ავტორისათვის ჩვეული მეტად ღრმა აზრია ჩაქსოვილი. თუ მას კაპიტალისტური ურთიერთობის ჩასახვის მარქსის მთელ კონცეფციასთან ერთად გავიაზრებთ, შეიძლება დავასკვნათ, რომ ამქარი მისი შლისა და ტრანსფორმაციის პროცესის პარალელურად (და შესაბამისად) გარკვეულ დონეებზე და გარკვეულ მასშტაბებზე იტანს (იგუებს) ახალ ურთიერთობას. მაგრამ ამ ურთიერთობის განვითარების შედეგად დგება კრიტიკული მომენტი, როდესაც ეს ორი ურთიერთდაპირისპირებული, ურთიერთსაწინააღმდეგო მოვლენა ერთმანეთს გამოირიცხავს და აქ ვერავითარი შეგუება, ვერავითარი სახეცვლა საქმეს ვერ შეეღობის. ამგვარი კრიტიკული მომენტის დადგომის ნიშნად, როგორც ჩანს, მანუფაქტურის გაჩენის ფაქტი უნდა იქნას მიჩნეული. ამ თვალსაზრისით არსებითი მნიშვნელობის მოვლენად

¹¹⁶ ცსილ, ფ. 1287, აღ. 37, საქ. 696, ფურც. 49.

¹¹⁷ კ. მარქსი, კაპიტალისტური წარმოების წინამორბედი ფორმები, თბ. 1952, გვ. 57.

ჯიველინება ის გარემოება, რომ ქართულ სინამდვილეში ამქარი ისპობა (ქრება) დამბუშავებელი პრეწველობის სწორედ იმ დარგ-ში, რომელიც კაპიტალისტური ურთიერთობის ჩამოყალიბებინ თვალსაზრისით ყველაზე შორს იყო წასული, და სწორედ იმ პერიოდში, როდესაც ამ დარგის განვითარებამ ჩვენში კულმინაციურ წერტილს მიღწია (ოციანი წლების ბოლოს)¹¹⁸. ამ საკითხების განხილვას ნაშრომის მომდევნო თავი მიეძღვნება.

ამრიგად, XIX საუკუნის პირველ მესამედში ქართული ქალაქური ხელოსნობა როგორც რაოდენობრივად, ისე დარგობრივად მნიშვნელოვნად იზრდება. აღნიშნული ზრდის ტემპი მნიშვნელოვნად უსწრებს ქალაქის მოსახლეობის ზრდის ტემპს, რაც ხელოსნობაში სასაქონლო წარმოების შემდგომი განვითარების შედეგია.

შრომის საზოგადოებრივი დანაწილების საფუძველზე ამ პროცესის ინტენსიური მიმდინარეობის მაჩვენებელია ის, რომ, თუ მხედველობაში არ მივიღებთ საფეიქრო დარგების მონაცემებს, ქალაქური ხელოსნობის ზრდა სოფლური ხელოსნობის შემცირების ხარჯზე მიმდინარეობს.

სასაქონლო მუშაობისა და შრომის საზოგადოებრივი დანაწილების გაღრმავების პირობებში ქალაქური ხელოსნობის განვითარება სოფლური ხელოსნობის უკუპროგრესულია. ამიტომ სოფლური ხელოსნობა (საფეიქრო დარგების გარდა) უფრო გავრცელებულია სამრეწველო ცენტრებიდან (განსაკუთრებით თბილისიდან) უფრო დაშორებულ ადგილებში.

ქალაქების მოსახლეობის ზრდა და სოფლებსა და დაბებში არასამიწათმოქმედო საქმიანობაში ჩაბმული ოჯახების გამრავლება იმის დამადასტურებელია, რომ არასამიწათმოქმედო მოსახლეობის შეფარდება იზრდება სამიწათმოქმედო მოსახლეობის შემცირების ხარჯზე.

ქალაქურ ხელოსნობაში ბაზრისთვის მუშაობა თანდათან დევნიდა შეკვეთით მუშაობას, რაც ტრადიციულ სახეს უკარგავდა მას და ხელოსანთა გარკვეული ნაწილი თანდათანობით წვრილ მწარმოებლებად იქცეოდა. ამის საფუძველზე სხვადასხვა დარგის ხელოსანთა შორის ყალიბდებოდა მკვეთრი ქონებრივი დიფერენციაცია.

საქართველოს დამბუშავებელ წარმოებაში ადგილი ჰქონდა

¹¹⁸ მ. სამსონაძე, დასახ. ნაშრ., გვ. 62, შენ. 18.

როგორც არაკვალიფიციურბ, ისე კვალიფიციური დაქირავებული შრომის გამოყენებას. ამგვარი შრომის გამოყენების მასშტაბები თანდათან იზრდებოდა.

სასაქონლო წარმოების, დაქირავებული შრომის გამოყენებისა და ზელოსანთა შორის ქონებრივი დიფერენციაციის გავრცელების პირობებში, განსაზღვრული ხანა აღინიშნა სახელოსნოების გაფართოების ტენდენციით.

გაფართოებულ სახელოსნოში დაქირავებული შრომის გამოყენების მასშტაბები, სახელოსნოს შიგნით შრომის დანაწილება, რაც ხშირად ცალკეულ დეტალურ ოპერაციამდე დაიყვანებოდა, გაფართოებული სახელოსნოების მეთაურთა მნიშვნელოვანი ქონებრივი შეძლებულობა, გვიკარნახებს სახელოსნოების გაფართოების შედეგად წარმოშობილ კაპიტალისტურ კოოპერაციათა გარკვეული ნაწილი მანუფაქტურებად წარმოვიდგინოთ.

შლისა და ტრანსფორმაციის პროცესში მყოფი ქართული ამქრული წყობა გარკვეულ დონემდე ეგუებოდა მის წიაღში ახალი კაპიტალისტური ურთიერთობის ჩასახვ-განვითარების პროცესს, თუმცა იგი აღნიშნული პროცესის მნიშვნელოვან ხელშემშლელ ფაქტორად გამოდიოდა.

კაპიტალისტური ურთიერთობის ელემენტები, რომლებიც განვითარების შედეგად მანუფაქტურის მასშტაბებს აღწევდნენ, ვეღარ თავსდებოდნენ ამქრულ ჩარჩოებში, რაც მწვავე კონფლიქტს იწვევდა. ამქრული წყობის გაქრობა დამმუშავებელი წარმოების იმ (საფეიქრო) დარგში, რომელშიც კაპიტალისტური ურთიერთობის შექრა ყველაზე შორს იყო წასული, იმის ნიშანია, რომ ადგილი აქვს მანუფაქტურული მრეწველობის აღმოცენების ფაქტს.

IV. საქართველოს საფიქრო წარმოება XIX ს. პირველ მესამედში

საქართველოს საშინაო და საგარეო ვაჭრობაში წამყვანი ადგილი საფეიქრო წარმოების პროდუქციას ეჭირა. აღნიშნული პროდუქციის ერთობ საგულისხმო რაოდენობით გატანა შორეულ საგარეო ბაზრებზე შესაბამისი მრეწველობის ფართო განვითარების შედეგი იყო. განსახილველ ხანაში საფეიქრო წარმოების გაბატონებული მდგომარეობა ქვეყნის მრეწველობაში სრულიად უეჭველია. აღნიშნული წარმოება ყველაზე დაწინაურებული იყო: ახალი, კაპიტალისტური წარმოებითი ურთიერთობები მასში ყველაზე ადრე და ყველაზე ადვილად იკაფავდა გზას.

ამიტომ სწორედ საფეიქრო (ძირითადად ბამბეულის დამმუშავებელი) წარმოების განვითარების მაგალითზე ქვემოთ შევეცდებით ვაჩვენოთ დამმუშავებელი მრეწველობის განვითარების ხასიათი და თავისებურებები XIX საუკუნის პირველი მესამედის საქართველოში.

1. საოჯახო წარმოების რღვევა

მრეწველობის პირველი ფორმა, რომელიც პატრიარქალურ მიწათმოქმედებას გამოეყოფა, ხელოსნობაა. მაგრამ ფეოდალიზმის ეპოქაში ხელოსნობა მხოლოდ ნაწილობრივ აკმაყოფილებს მთელი საზოგადოების მოთხოვნილებას. ცივილიზაციის გაჩენიდან მოკიდებული ადამიანთა საზოგადოებისათვის დამმუშავებელი წარმოების ძირითადი პროდუქტი იარაღი და სამოსელია. მაგრამ უკანასკნელის მოხმარების მოცულობა გაცილებით სჭარბობს პირველს იმ მარტივი მიზეზის გამო, რომ იარაღს საზოგადოების მხოლოდ განსაზღვრული ნაწილი საჭიროებს და მისი სამსახურის ვადა გაცილებით დიდია, სამოსელს კი მთელი საზოგადოება. ამის გამო ფეოდალური ნატურალური მეურნეობის პირობებში საზო-

გადღობის ძირითადი მასა — გლეხობა თუ იარაღის შესაძენად ზოგჯერ მაინც მიმართავს ზელოსნებს, სამოსელზე მოთხოვნილებას იგი ძირითადად საკუთარი მეურნეობის ფარგლებში იკმაყოფილებს. ამის გამო სამოსელის დანზადება, ძირითადად საფეიქრო წარმოება, ფეოდალიზმის ეპოქაში საოჯახო წარმოების ფორმას ინარჩუნებს და თუმცა „შინასარეწები შეადგენენ ნატურალური მეურნეობის აუცილებელ კუთვნილებას; ამ მეურნეობის ნაწიები თითქმის ყოველთვის დაცულია იქ, სადაც წერილი გლეხობაა“¹. ღართლაც, საოჯახო წარმოებამ გადმონაშთის სახით XX საუკუნეშიც კი შეზონახა თავი და ამას მსოფლიოს თითქმის ყველა კუთხეში აქვს ადგილი, მაგრამ მიუხედავად გულმოდგინე დაკვირვებისა საოჯახო წარმოებას რამდენადმე მნიშვნელოვანი როლულობით დადგენა მისი წმინდა სახით, არსებული მასალების მიხედვით, საკმაოდ რთულდება განსახილველი ხანის საქართველოს თვით შორეულ კუთხეებშიც კი.

როდესაც საოჯახო წარმოების წმინდა სახეზეა ლაპარაკი, იგულისხმება ვ. ი. ლენინის ზუსტი და მკაფიო განსაზღვრა: საოჯახო „მრეწველობას ჩვენ ვუწოდებთ ნედლი მასალის ფადამუშავებას იმავე მეურნეობაში (გლეხის ოჯახში), სადაც ეს მასალა მოპოვებულია“². საქართველოს მთიან რაიონებში საოჯახო წესით დიდი რაოდენობით შალის ქსოვილებს ამზადებდნენ და მოიხმარდნენ, მაგრამ დგინდება აგრეთვე აღნიშნული პროდუქტის გარკვეული ნაწილის შემსყიდველთა ჩარევითა და მონაწილეობით ბაზრისთვის დამზადება. ვაჭარი-შემსყიდველები მთის რაიონებში დამზადებულ შალის სხვადასხვაგვარ ქსოვილებს ბარში სამღებროებში გადაამუშავებდნენ და ასე გაჰქონდათ ბაზარზე. კახეთის ზოგიერთ სოფელში (კუჭატანი, სანავარდო და სხვ.) წყაროების მითითებით ადგილი ჰქონდა აბრეშუმის საოჯახო წესით მოყვანას და დამუშავებას, მაგრამ მისი გარკვეული ნაწილი მაინც ხვდებოდა სასაქონლო მიმოქცევაში და, რაც მთავარია, იმავე სოფლებში საკმაოდ მნიშვნელოვანი მოცულობით ხდებოდა ბამბეულის ქსოვილებს დამზადება შინამრეწველური წესით³. ცხადია, არც

¹ ვ. ი. ლენინი, თხზ., ტ. 3, გვ. 382.

² ვ. ი. ლენინი, თხზ., ტ. 3, გვ. 382. ჩვენ ვეთანხმებით აკად. პ. გუგუშვილს, რომელსაც არასწორად მიანია ვ. ი. ლენინის თხზულებათა ქართულ გამოცემაში «ДОМАШНЯЯ ПРОМЫШЛЕННОСТЬ»-ის თარგმანა „შინამრეწველობად“. ზუსტია „საოჯახო მრეწველობა“.

³ სცსო, ფ. 2, აღ. 1, საქ. 51, ფურც. 89—92.

ერთ დასახელებულ რეგიონში არ შეიძლება ლაპარაკი საოჯანო მრეწველობის გაბატონებულ მდგომარეობაზე. ყველა მოტანილი საბუთის მიხედვით იგი აშკარა დაშლის პროცესშია.

საოჯახო მრეწველობის წმინდა ფორმად ვერ ჩათვლება მეურნეობის ის სახე, რომელსაც საბუთები მთიანი ქართლის ზოგიერთ სოფელში გვიხატავენ. მაგალითად, მათი ცნობით სოფელ კოლტებში ბამბის დამუშავებას საკუთარი მოხმარების მიზნით ეწევიან, მაგრამ ეს ბამბა იმავე მეურნეობაში კი არ არის მოპოვებული, არამედ ბაზარზეა შექმნილი ადგილობრივი წარმოების ქურქების, მაუდის, ერბოსა და სხვ. საფასურით⁴.

განსახილველი ხანის საქართველოს მთიან რაიონებში საოჯახო წარმოების რღვევისა და მასში სასაქონლო ურთიერთობის შექრის პროცესის თვალსაზრისით საინტერესო სურათი მოჩანს თიანეთის სამღებროს მაგალითზე. როგორც ირკვევა, ახლომახლო სოფლების მოსახლეობა აღნიშნულ სამღებროში ღებავდა საოჯახო წესით საკუთარი მოხმარებისათვის დამზადებულ ქსოვილებს, ამასთან ღებვის ფასს „უმეტეს შემთხვევაში საკვები პროდუქტებით და საგნებით ჩხდიან“⁵. უნდა ვიფიქროთ, რომ შალის ქსოვილები, რომელსაც აღნიშნულ სამღებროში ღებავენ, მწარმოებლის მეურნეობაში მოპოვებული ნედლეულისგან არის დამზადებული, მაგრამ ის გარემოება, რომ მისი გარკვეული ოპერაცია ოჯახის გარეთ (სამღებროში) სრულდება, მას მაინც უკარგავს წმინდა სახეს. უფრო საინტერესო კი ის არის, რომ, როგორც ირკვევა, იმავე სოფლების მოსახლეობა ბამბეულის ქსოვილების დამზადებასაც მისდევს. წყაროს ცნობით, „საკუთარი მოხმარებისათვის“ (თუმცა მეზობელ კავკასიის მთიელ ხალხებთან აღნიშნული საქონლის გაცვლითი ვაჭრობის სპორადული არსებობა გამორიცხული არ არის). მაგრამ იმის გამო, რომ ბამბის მოყვანას ისინი არ მისდევდნენ, ცხადია, ნედლეული საკუთარი მეურნეობის პროდუქტი არ შეიძლება იყოს; ხოლო რაკი დაკანონებული ტრადიციით თიანეთის სამღებროს მოიჭარე ახლომახლო სოფლებში ვაჭრობის პრივილეგიითაც სარგებლობდა, რაც სახაზინო ექსპე-

⁴ სესია, ფ. 2, აღ. 1, ფურც. 69—70; Избыток в хлебе не имеют, а продают в картонных шубы, сукна, масло, а от толь вывозят бумагу а от толь делают холсты и прочее—ვითხოვობთ აღნიშნულ საბუთში.

⁵ სესია, ფ. 2, აღ. I, საქ. 502, 1815 წ., ფურც. 381.

დიციასთან დადებული კონტრაქტითაც იყო დადასტურებული⁶, მოსახლეობას ბამბის საფეიქრო საოჯახო წარმოებისათვის ნედლეულის მიღება მხოლოდ ამ სამღებროს (მისი მოიჯარის) მეშვეობით შეეძლო. რომ ეს მართლაც ასე ზღებოდა, ამას მოწმობს სამღებროში დიდძალი ნედლეულის (ბამბის) არსებობა, რაც საბუთებით დასტურდება⁷.

ამრიგად, ურთიერთობა თიანეთის სამღებროს მოიჯარესა და უშუალო მწარმოებლებს შორის საკმაოდ რთულ და დახლართულ ხასიათს ატარებდა: უშუალო მწარმოებლები სამღებროში ღებავდნენ ქსოვილებს და ფასს ნატურით იხდიდნენ, საკვები პროდუქტებითა და საგნებით. ამ საგნებში, როგორც ჩანს, ქსოვილები იგულისხმებოდა. ამავე დროს სამღებროს მოიჯარისაგან (ან მისი აგენტისაგან) იძენდნენ ნედლეულს (ბამბას) და აქაც, ცხადია, ანაზღაურება ნატურით ხდებოდა. აღნიშნული ნედლეულსაგან ამზადებდნენ ბამბის ქსოვილებს და შესაძლებად ჩინი კვლავ სამღებროში უნდა დაებრუნებინათ, ახლა უკვე მესამედ ნატურით ანაზღაურების იმავე პროცედურას ატარებდნენ.

ცხადია, მთელი ეს სისტემა სანღებროს მოიჯარის მიერ უშუალო მწარმოებლის (საოჯახო მრეწველის) ექსპლუატაციის შენიღბული ფორმა იყო. წარმოდგენილ ვითარებაში არაფერი არ ელოზებოდა იმას, რომ მოიჯარადრეს პირდაპირ დაერიგებინა ნედლეული (ბამბა) საოჯახო მწარმოებლებისათვის და სანაცვლოდ მათგან მზა ნაწარმი (ქსოვილები მაუდის, ბამბის) მიეღო. ამ ვარაუდს აღნიშნულ სამღებროში მისი მოიჯარის კუთვნილი დიდძალი მაუდის და ბამბეულის ქსოვილების არსებობის ფაქტი აძლიერებს⁸.

ასეა თუ ისე, ამჟამად, რომ საოჯახო წარმოება ინტენსიურად იშლებოდა, მთელი ეს პროცესი იმის მაგალითია, თუ როგორ ეგუებოდა ახალი ურთიერთობის ჩანასახები წარმოების ძველ ფორმებს; ხოლო რომ აქ, ახალი ურთიერთობის ჩანასახებთან გვაქვს საქმე, ეს თვით სამღებროს სოციალურ-ეკონომიკური ხასიათიდან ჩანს, სადაც წარმოება დაქირავებული მუშებისა და სპეციალისტის მეშვეობით ხორციელდებოდა⁹.

⁶ სესია, ფ. 254, აღ. I, საქ. 1522, ფურც. 269. არაერთი ცნობა არსებობს იმის თაობაზე, თუ როგორი თავდადებით ებრძოდნენ სამღებროს მოიჯარეები აღნიშნული პრივილეგიის ხელყოფის ყოველგვარ ცდებს.

⁷ სესია, ფ. 254, აღ. I, საქ. 326, ფურც. 132, 1813.

⁸ სესია, ფ. 254, აღ. I, საქ. 326, ფურც. 132, 1813 წ.

⁹ სესია, ფ. 254, აღ. I, საქ. 754, 1823 წ., ფურც. 127—128.

განსახილველი ხანის რუსული სტატისტიკური მასალა საგულ-
ლისხმო მანიშნებებს შეიცავს იმერეთის დამმუშავებელ მრეწვე-
ლობაში საოჯახო წარმოების ადგილია და მისი უფრო მაღალ
ფორმებში გადაზრდის პროცესის გასათვალისწინებლად: „ქუთაი-
სის გუბერნიისაში, ერთობ მცირე გამოწარმოების გარდა, თითქმის არ
არსებობს ფაბრიკანტებისა და მექარხნეების კლასი, — ვკითხუ-
ლობთ ერთ-ერთ სტატისტიკურ აღწერაში. — აქ ზოგიერთი მემ-
ბულე და გლეხი ეწევა ნედლი მასალის ერთობ უმნიშვნელო და-
მუშავებას, ამიტომ მანუფაქტურული მრეწველობა სოფლის სა-
რეწებით შემოიფარგლება.

მოსახლეობა უმეტესად თავისთვის, ხოლო ზოგჯერ მცირე
რაოდენობით გასასყიდადაც, ქსოვს ტილოს, დარაიას (უხეში
აბრეშუმის ქსოვილი) და ნარმას. რაჭის ოლქის ოსები უხეშ მალდს
აშხადებენ¹⁰.

სასაქონლო მეურნეობის განვითარების პირობებში ამა თუ
იმ სარეწის საოჯახო ფორმით გავრცელების მასშტაბს და დაშლია
ხარისხს განსაზღვრავდა ბაზრის მოთხოვნილება და სავაჭრო კაპი-
ტალის ინტერესები. ამიტომ კახეთისა და ქართლის ბევრ სოფელ-
ში შალისა და აბრეშუმის დამმუშავებელი წარმოება, მიუხედავად
წესდამისი ნედლეულის ადგილზე არსებობისა, ან საერთოდ არ
ვითარდებოდა, ან ერთობ მცირე ზომით, საოჯახო ფორმით არსე-
ბობდა, იმ დროს, როცა უპირატესად შემოზიდულ ნედლეულზე
დამყარებული ბაზმეულის საფეიქრო წარმოება მეტად საგულისხმო
(როგორც თვისებრივად, ისე რაოდენობრივად) განვითარებას აღ-
წევდა. მაგალითად, კახეთის არაერთი სოფლის აღწერაში თვალში-
საცემია მითითება, რომ მატყლს მცირე მოცულობით ამუშავებენ
საოჯახო მოხმარებისათვის, უპირატესად კი ყიდიან თათრულ დის-
ტანციებში, ხოლო ძირითადი საქმიანობა მიწათმოქმედება და ბამ-
ბეულის დამუშავებაა¹¹. გორის მაზრიდან, რომელიც ბაზმეულის
წარმოების ერთ-ერთი ძირითადი ცენტრი იყო, ადგილობრივი
მატყელი ახალციხეში გაჰქონდათ¹².

განხილული მასალა აშკარად წარმოგვიდგენს საოჯახო წარ-
მოების რღვევის ინტენსიურ პროცესს. ერთი მხრივ, საოჯახო
წარმოების რღვევა და, მეორე მხრივ, ხელოსნობაში მიმდინარე

¹⁰ Статистическое описание губернии и областей Российской империи,
с. 106.

¹¹ სესია, ფ. 16, საქ. 3112, ფურც. 138.

¹² იქვე, ფურც. 49.

შლისა და ტრანსფორმაციის პროცესები განსაზღვრავდნენ XIX ს. პირველი მესამედის საქართველოს საფეიქრო მრეწველობის განვითარების ხასიათს.

2. საფეიქრო წარმოების განვითარების ტრადიციები

XVIII და XIX საუკუნის დასაწყისის არაერთი თვითმხილველი - ავტორის მოწმობით საფეიქრო (განსაკუთრებით ბამბეულის) წარმოება საქართველოში მრეწველობის ყველაზე გავრცელებული დარგი იყო. ერეკლე მეორის კარზე რუსეთის იმპერიის წარმომადგენელი ს. .დ. ბურნაშოვი ახასიათებდა რა XVIII ს. მეორე ნახევრის ქართლ-კახეთის ეკონომიკას, აღნიშნავდა, რომ აქ „არის აბრეშუმისა და ბამბის მცირე ხელის ფაბრიკები, უკანასკნელი მეტად ბევრი... მათ თავისი ხელის ნაკეთობებით, ანუ მოჩითული, შეღებილი და თეთრი ბამბის ტილოებით დიდი ვაჭრობა აქვე მთიელ და სპარსელ ახლო მეზობლებთან... რამეთუ ამ საქიროებებით, თითქმის ყველა კავკასიელი მეზობლები თბილისელი სომხების წრომისმოყვარეობის მეშვეობით სარგებლობენ“¹³. რომ ქართლ-კახეთის სამეფო მეზობელი მთიელი მოსახლეობისათვის ბამბეულის ნაწარმის ძირითადი მიწოდებელი იყო, ეს იქიდანაც ჩანს, რომ აქ საქართველო ბამბეულის ქვეყნად იწოდებოდა¹⁴.

საქართველოში საფეიქრო წარმოების გავრცელებაზე არაერთი უცხოელი ავტორი მიუთითებს. ეს სარეწი სხვადასხვა ფორმითა და ზომით საქართველოს თითქმის ყველა კუთხეში იყო გავრცელებული.

ტუჩკოვი საფეიქრო წარმოების დახასიათებისას აღნიშნავს, რომ საქართველოში „საკმაოდ ჩინებულად ამზადებენ სხვადასხვა სახის, ფერისა და მოხატულობის აბრეშუმისა და ბამბის ქსოვილებს, რომელთა ნახატი კარგია, ხოლო საღებავი ერთობ მაგარი და ცოცხალი“¹⁵. აგივე ავტორი თბილისში ასახელებს სამღებროებს და ფაბრიკებს, სადაც სხვადასხვა სახის ბამბის ქსოვილები მზადდებოდა¹⁶.

¹³ С. Д. Б у р н а ш о в , Картина Грузии или описание политического состояния царств Карталинского и Кахетинского, 1886, с. 2.]

¹⁴ Г. А х р и е в , Ингуши (их предания, верования и поверия), ССКГ, вып. VIII, Тиф., 1875, с. 17; В. Н. Г а м р е к е л и , Торговые связи Восточной Грузии с Северным Кавказом в XVIII в., I, Тб., 1968, с. 32—33.

¹⁵ Т у ч к о в , Сочинения, т. IV, с. 206.

¹⁶ იქვე.

პლატონ ზუბოვის რწმუნებით, იმერეთის მცხოვრებლები „ამ-
ზადებენ მაუდს, აბრეშუმის კარგ ქსოვილებს ბრწყინვალე ფერე-
ბითა და ნახატებით, რომლებიც იეზიდისა და ისპაჰანისას არ ჩა-
მოუვარდებიან. იციან ენდროსაგან საღებავის მიღება და მისი
ქსოვილზე დამაგრება“¹⁷. იმერეთში საფეიქრო წარმოების განვი-
თარებაზე მიუთითებს მ. სელეზნიოვი¹⁸ და ბევრი სხვა ავტორიც.
საფეიქრო წარმოება განვითარებული იყო გურიასა და სამეგრე-
ლოშიც. ერთ-ერთი წყარო სამეგრელოში „საქსოვი ფაბრიკებს“
არსებობასაც კი ადასტურებს: „აღნიშნული ქალაქის შემოგარენ-
ში (იგულისხმება სამეგრელოს ერთ-ერთი ქალაქი, — მ. ს.) ერ-
თობ დიდი რაოდენობით აბრეშუმს აშენებენ; აქ მოაქვთ, აგრეთ-
ვე, მთელს სამეგრელოში მოწეული აბრეშუმში, რომელიც ნაწი-
ლობრივ ბითუმად იყიდება, ნაწილობრივ კი აქაურ ფაბრიკებში
გამოიყენება უბრალო თავთისა და საყმაოდ კარგი ოსტ-ინდოეთის
ნსგავის ცხვირსახოცების დასამზადებლად“¹⁹. საფეიქრო წარმო-
ება გავრცელებული ყოფილა რაჭასა და ლეჩხუმშიც²⁰.

როგორც ირკვევა, საფეიქრო წარმოება განვითარებული იყო
საქართველოს სხვადასხვა რაიონებში. აღნიშნულ სარეწო წამყვან
ნი ადგილი ბამბეულის საქსოვ წარმოებას ეკავა. მაგრამ ჩვენი
ვამსახილველი პერიოდისათვის საფეიქრო წარმოების ასე თუ
ისე სისტემატური ხასიათის ცნობები მხოლოდ აღმოსავლეთ
საქართველოს მიმართ გვაქვს, რის გამოც მისი განვითარების თა-
ვისებურებები ძირითადად ამ რეგიონის მაგალითობას მიხედვით
იქნება დახასიათებული.

საფეიქრო წარმოების ფართო გავრცელების დამადასტურე-
ბელია ის ფაქტი, რომ აღნიშნული წარმოების (ბამბეულის თეთრი
და წითელი ქსოვილების) გადასახადი, რომელიც „საბეჭდავის
მოსაკრებად“, „ხამხალათის ბეჭდის იჯარად“ ან უბრალოდ „ბეჭ-
დად“ იწოდებოდა, ჯერ კიდევ XVIII საუკუნეში ქართლ-კახეთის
სამეფოს შემოსავლის ერთ-ერთი მნიშვნელოვანი მუხლი იყო.

აღნიშნული გადასახადი ცალ-ცალკე იკრიფებოდა საფეიქრო
წარმოების მეტ-ნაკლებად მნიშვნელოვან ცენტრებში და ისევე რო-

¹⁷ П. Зубов, Картина Кавказского края, с. 259.

¹⁸ М. Селезнев, Руководство к познанию Кавказа, с. 86.

¹⁹ Подробное описание Персии... также Грузии, М., 1829, с. 2, 27, 78, 81, 82.

²⁰ П. Зубов, დასახ. ნაშრ., გვ. 135.

გორც სახელმწიფო შემოსავლის სხვა მუხლები, იჯარა შესყიდვის წესით გაიცემოდა. მაგალითად, 1802 წელს, როდესაც რუსული ადგილობრივი ხელისუფლება დაინტერესდა აღნიშნული იჯარის შემოსავლის მოცულობით, გამოიჩვენა, რომ ამ წელს თბილისის ბეჭდის იჯარა გაცემული იყო 4 633 მანეთად და იქვე განმარტებული იყო, რომ ყველა საფეიქრო ნაწარმი, აქ თბილისში დამზადებული და სოფლებიდან ჩამოტანილიც დაბეჭდილი უნდა იქნას, შესაბამისი გამოსაღებებს გადახდევინებით²¹. ეს განმარტება ზუსტი არ არის, როგორც ქვევით დავინახავთ. აღნიშნული მოსაყრები ეხებოდა არა ყველა, არამედ მხოლოდ ბამბეულის თეთრი და წითელი ფერის ქსოვილებს. აღნიშნული იჯარა არსებობდა კახეთშიც. იგი ბაჟთან ერთად გაიცემოდა. 1802 წელს გაცემული იყო 2600 მანეთად. გორში აღნიშნული მოსაყრეფი ტყავისა და ხორცის ძეგრასთან ერთად იყო გაცემული 1820 მანეთად²².

აზრიგად, თბილისის, კახეთისა და გორის საბეჭდავი ქართლ-კახეთის სამეფოს დამოუკიდებლობის დროიდან საერთო-სახელმწიფო შემოსავლების ნიშრში შედიოდა. საბეჭდავის მოსაყრები სხვა ქალაქებშიაც არსებობდა, მაგრამ, როგორც ჩანს, ისინი სამეფო სახლის წევრთა თუ თავადების სასარგებლოდ იყრიდებოდა. მაგალითად, ცხინვალს საბეჭდავის მოსაყრები, რომელიც უწინ თურმე 1800 მანეთ შემოსავალს იძლეოდა, დარეჯან დედოფალს ეკუთვნოდა²³. დამოწმებულია საბეჭდავის მოსაყრები ქარელში და ახალქალაქში²⁴. არსებობდა იგი ახალგორში, დუშეთში, სურამში და ყველა სხვა მეტ-ნაკლებად მნიშვნელოვან სავაჭრო-სამრეწველო ცენტრში, თუმცა იჯარების საერთო სიაში ისინი არ შექონდათ, ზოგჯერ იმიტომ, რომ ცალკეულ მებატონეებს ეკუთვნოდათ (მაგ., ახალგორის — ქსნის ერისთავებს) ზოგჯერ კი იმიტომ, რომ სხვა მოსაყრებთან ერთად გაიცემოდა იჯარით (სიმცირის გამო) და საერთო სახელით იყო ცნობილი (ვთქვათ, სურამის ბაჟები, დუშეთის ბაჟები და ა. შ.).

„ხამხალათის ბეჭდის“ მოსაყრები აიღებოდა ბამბეულის თეთრი, სხვადასხვა ტონალობის წითელი და მოჩითული ქსოვილებიდან, მაგრამ მისი მოცულობა ყველგან ერთნაირი არ ყოფილა. როგორც

²¹ სესია, ფ. 2, აღ. I, საქ. 41, ფურც. 112, 1803 წ.

²² იქვე.

²³ სესია, ფ. 1010, საქ. 220, ფურც. 5.

²⁴ სესია, ფ. 254, აღ. 1, საქ. 95, ფურც. 183.

ითქვა, აღნიშნული მოსაკრები იჯარა შესყიდვის წესით გაიყვმოდა, რის შესახებაც სახაზინო ექსპედიციასა და იჯარის შემსყიდველს შორის იდებოდა კონტრაქტი. 1806 წლამდე აღნიშნულ კონტრაქტებში მოსაკრები ოდენობა არ იყო აღნიშნული, მხოლოდ მიუთითებდნენ, რომ იგი უნდა აიღონ ძველი, ქართული მეფეების დროს დაკანონებული წესით, რაც შემსყიდველებს დიდ თავისუფლებას ანიჭებდა და გადამხდელთა გაუთავებელ საჩივრებს იწვევდა. ამ ხანიდან მოკიდებულო, ხაზინა კონტრაქტით აწესებდა როგორც საბეჭდავის, ისე სხვა საიჯარო მუხლების აკრების ზუსტ ფასებს. თბილისის საბეჭდავი გულისხმობდა მოსაკრების შემდეგ მოცულობას: 10-არშინიანი თოფი გაუთეთრებელი და შეუღებავი ხაში იბეგრებოდა 2 $\frac{1}{2}$ კაპიკით; თუ იგივე თოფი გათეთრებული და გაუთოებელი იყო — 5 კაპიკით; და თუ აღნიშნული ქსოვილი მოჩითული იქნებოდა, კიდევ ემატებოდა 2 $\frac{1}{2}$ კაპიკი და შეაღვენდა 7 $\frac{1}{2}$ კაპიკს²⁵. 1802 წლის ცნობით, კახეთის ბეჭდით ყოველგვარ 1 თოფ ქსოვილზე (მელებილზე, შეუღებავზე, გათეთრებულზე და ა. შ.) 2 $\frac{1}{2}$ კაპ. გადასახადი აიღებოდა, მაგრამ თოფის ოდენობა აღნიშნული არ არის, რაც ბადებს ვარაუდს, რომ როცა დაუმუშავებელ ქსოვილზეა ლაპარაკი, იგულისხმება 10-არშინიანი თოფი, ხოლო როცა შეღებილზე — 5-არშინიანი²⁶. იმავე წყაროს მოწმობით, არც გორის საბეჭდავი ასხვავებდა სხვადასხვაგვარად დამუშავებულ ქსოვილს და ბანზის თითოეულ თოფზე 2 $\frac{1}{2}$ კაპ. გადასახადს აწესებდა²⁷.

როგორც ირკვევა, თბილისში საბეჭდავის მოსაკრები გაცილებით მაღალი იყო, ვიდრე სხვაგან. საბოლოოდ საქართველოში დამზადებული და თბილისში შემოტანილი ბამბეულის ნაწარმი კიდევ ერთხელ იბეგრებოდა თბილისის საბეჭდავის შეწყვიდვის სასარგებლოდ: „თუ ქართლიდან და კახეთიდან წითელ ხაშს

²⁵ სსსა, ფ. 16, საქ. 333, ფურც. 23.

²⁶ სსსა, ფ. 2, აღ. I, საქ. 28, ფურც. 49. წყაროში მითითებულია: По откыпу за стемпель или за печати собирается пошлины: за стемпель каждому концу бязи 2 $\frac{1}{2}$, а когда бязь сия выбелится то с конца 2 $\frac{1}{2}$; когда же сделана будет выбойка тоже с конца 2 $\frac{1}{2}$; Если оной выкрасят то с пяти аршин 2 $\frac{1}{2}$; со всех бурметей кроме синих с кон. 2 $\frac{1}{2}$ к. ის გარემოება, რომ მხოლოდ შეღებილ ხაშზეა მითითებული თოფის მოცულობა 5 არშინი, იწვევს ეჭვს, რომ სხვა დანარჩენ შემთხვევაში ნაგულისხმევია ჩვეულებრივი 10-არშინიანი თოფი, მაშინ შეღებილზე მოსაკრები ორჯერ მეტი გამოდის, ვიდრე შეუღებავზე.

²⁷ იქვე.

ჩამოიტანენ, ყოველი 10 არშინიდან 7 $\frac{1}{2}$ კაპიკი; ჩითიდან 10 არშინიდან 5 კაპიკი; თუ იქაური ხელსაქმის ნაწარმს ჩამოიტანენ ყოველი 10 არშინიდან 5 კაპიკი ბაჟი აიღება“ — კკითხულობთ 1806 წელს შედგენილ კონტრაქტში²⁸.

უფრო მოგვიანებით სურათი გარკვეულად იცვლება. ადგილობრივი ხელისუფლება თანდათანობით ერკვეოდა ქართული ეკონომიკის ხასიათში. თურქეთთან და ირანთან ომების პირველი ეტაპის ძლევამოსილად დამთავრების შემდეგ მას შეეძლო უფრო მეტი ყურადღება მიექცია სამეურნეო საკითხებისათვის. მას არ მოსწონდა ის ამბავი, რომ არსებული ტრადიციის მიხედვით თუ რაიმე გარეშე მიზეზები (საომარი მოქმედებები, არეულობები, ჭირიანობა და ა. შ.) წარმოებას შეაფერხებდა, შემსყიდველს შეეძლო იჯარაზე უარი ეთქვა ან შესაბამისი თანხის პატიება ეთხოვა, რაც კონტრაქტებში საგანგებოდ იყო აღნიშნული. განსახილველ პერიოდში ანგვარი შემაფერხებელი მიზეზები კი ბევრი იყო, რაც შემსყიდველთა გაუთავებელ თხოვნებს და პრეტენზიებს იწვევდა. სხვა ადგილებში დამზადებული ქსოვილების თბილისში შემოტანის შემთხვევაში ხელშეორედ დაბეგვრა იქ შესაბამისი იჯარის ფასს შემცრებას იწვევდა. იჯარის ფასს ისიც სცემდა, რომ ტრადიციის მიხედვით წარმოების მეთაურთა მნიშვნელოვანი ნაწილი გადასახადებიდან, და მათ შორის საბექდავის მოსაკრებიდანაც, განთავისუფლებული იყო და სხვ.

1814 წლიდან ზაზინა ამ უხერხულობების გასწორებას იწყებს. ამ წელს სახაზინო ექსპედიციასა და შემსყიდველ ალადატოვს შორის თბილისის საბექდავის მოსაკრების გაცემის თაობაზე დადებულ კონტრაქტში მართალია, აღნიშნულია, რომ „შემსყიდველი თავის საპარგებლოდ იღებს... შემოსავალს, კრეფს რა მას ძველი, ქართველი მეფეების მიერ დადგენილი წესით, ყოველგვარი ცვლილებების გარეშე“²⁹, მაგრამ როდესაც აღნიშნული მოსაკრების ოდენობა განსაზღვრული, მითითებულია, რომ შემსყიდველს უფლება აქვს უბრალო ხამის 10-არშინიან თოფზე აიღოს ბაჟი 2 $\frac{1}{2}$ კაპიკის ოდენობით, ხოლო თუ იგი საგანგებოდ გათეთრებული, მოჩითული ან შეღებილია — 10 კაპ.³⁰, რაც წესით გათვალისწინებულზე ნეტი იყო. ცხადია, ეს ცვლილება მწარმოებლებს შე-

²⁸ სცხია, ფ. 16, საქ. 333, ფურც. 23.

²⁹ სცხია, ფ. 254, ილ. 1, საქ. 349, ფურც. 45.

³⁰ იქვე.

უმჩნეველი არ დაჩინიათ, მაგრამ მას სახაზინო ექსპედიციის შეტანილ საჩივარზე უპასუხებს: მართალია შეკვეშალა, მაგრამ აწი ან საქმეს არაფერი ეშველებათ³¹.

ფაქტიურად არაფითარ შეცდომას ადგილი არ ჰქონია, იმავე კონტრაქტში შემსყიდველის სასარგებლოდ მეორე მომენტიცაა შეტანილი, კერძოდ, საბეჭდავის მოსაყრების გადახდა ევალებათ ნათაც, რინც ყოფილი მეფეების სიგელებით, ეკლესიისა თუ ცალკეულ პირთა სასარგებლოდ აქამდე ამ მოსაყრეფიდან თავისუფალნი იყვნენ³². სამაგიეროდ იმავე კონტრაქტით შემსყიდველს, ეკრძალებოდა რაიმე გასამართლებელი მიზეზით იჯარის ფასის შემცრება ან იჯარაზე უარს თქმა და აგრეთვე სხვა ადგილებიდან თბილისში შემოტანილი ქსოვილებიდან ბაჟის აღება³³.

ამავე დროს ადგილი აქვს საბეჭდავის მოსაყრების მოცულობის დაზუტებას სხვა სამრეწველო ცენტრებში — კახეთში, გორში და ა. შ. 1815 წლის ცნობით, კახეთში დაუმუშავებელ (გაუთეთრებელ, შეუღებავე) ქსოვილზე მოსაყრები აიღებოდა 2 კაპიკის, ხოლო როცა იგი დამუშავებული იყო, 4 კაპიკის ოდენობით³⁴.

როგორც ჩანს, გორის საბეჭდავის მოსაყრებში ცვლილება არ შეუტანიათ, იგი არ ანახეავებდა ქსოვილის დამუშავებას ხარისხს და თათოეულ თოფზე 2¹/₂ კაპ. გადაახადს აწესებდა. სამაგიეროდ, გარკვეულად გაზრდილი მოჩანს იგი ცხინვალში. აქ თუ დაუმუშავებელი ქსოვილის ყოველი თოფი 2¹/₂ კაპ. იბეგრებოდა, დამუშავებას შემთხვევაში გადასახადი 5 კაპიკს შეადგენდა³⁵.

ცხადია, აღნიშნულ ღონისძიებებში ადგილობრივი ხელისუფლების გარკვეული მიზანდასახულობა მოჩანს. აშკარაა, რომ სახაზინო ექსპედიციასა და თბილისის მოიჯარადრეს შორის გარკვეული გარიგება მოხდა. ხაზინამ ნება მისცა მას გაედიდებინა გადასახადის მოცულობა და აეკრიფა იგი იმ პირებიდანაც, ვინც ადრე ამგვარი გამოსაღებიდან თავისუფალი იყო; სამაგიეროდ შემსყიდველს ხელი უნდა აეღო სხვა ადგილებიდან შემოტანილ საქონელ-

³¹ სსსია, ფ. 254, აღ. 1, საქ. 702, ფურც. 238—242; იქვე, საქ. 959, ფურც. 648—649.

³² იქვე, საქ. 349, ფურც. 46—47.

³³ იქვე.

³⁴ იქვე, ფ. 16, საქ. 1723, ფურც. 22—23. სხვა საბუთების შიითებით, თუ თოფის ზომა ნაკლები იყო, შესაბამისად მცირდებოდა ბაჟის ოდენობაც; სსსია, ფ. 254, აღ. I, საქ. 702, ფურც. 60; იქვე, საქ. 924, ფურც. 49.

³⁵ სსსია, ფ. 254, აღ. I, საქ. 423, ფურც. 495; იქვე, საქ. 927, ფურც. 615.

ზე ბაჟინ მოთხოვნისაგან. რაც მნიშვნელოვნად გააადვილებდა მოსაქრევის იჯარით გაცემას აღნიშნულ ადგილებში და უნდა დაეთმო ტრადიციული უფლება რაიმე გარეშე მიზნების გამო წარმოების შეფერხების შემთხვევაში იჯარის ფასის გადასაჩვენის თაობაზე, რაც ამ სახაზინო შენოსავლის სტაბილიზაციას უზრუნველყოფდა.

ამგვარი გარიგება შესანიშნავად პასუხობს საქართველოში ცარიზმის ეკონომიკური პოლიტიკის ხაზით. სახელმწიფო შემოსავლის გადიდებისა და სტაბილიზაციის მიზნით იგი მზად იყო მოიჯარადრეების მიწათ დამოზაზე წასულიყო, მით უფრო, რომ აღნიშნული დამოზა უშუალო მწარმოებელთა ხარჯზე ხდებოდა.

[პრიგად, სხვადასხვა ავტორების ცნობები საქართველოში საფეიქრო წარმოების ხანგრძლივი ტრადიციის არსებობას ადასტურებენ. ეს დარგი მნიშვნელოვნად განვითარებული იყო XIX საუკუნის პირველ მეწამედშიც. განსაკუთრებით მაღალი დონით გამოირჩეოდა ბანბეულის საქსოვი წარმოება. ამ სარეწის განვითარებაზე ეს ფაქტიც მიუთითებს, რომ გადასახადი, რომელიც „საბეჭდავის მოსაქრებად“ ან „ხამხალათის ბეჭდის იჯარად“ იწოდებოდა, საქართველოში სახელმწიფო შემოსავლის ერთ-ერთი ძირითადი წყარო იყო. ეს მოსაქრები, როგორც სახელმწიფო შემოსავლის სხვა მუხლებიც, ტრადიციულად იჯარა-შესყიდვის წესით გაიცემოდა. აღნიშნული მოსაქრები გულახმობდა სხვადასხვა ზომის გადასახადის აღებას საქართველოში დამზადებულ თეთრ და სხვადასხვა ტონალობის წითელი ფერით შეღებილ ბამბეულის სასაქონლო ქსოვილებზე. მაგრამ საქართველოში სხვა ფერის ქსოვილების დამზადებაც წარმოებდა. „საბეჭდავის მოსაქრებში“ მათი გადასახადი არ იგულისხმებოდა. რამდენადაც ეს საკითხი საძღებროებისა და ლებვის საქმეს უკავშირდება, მასზე მომდევნო პარაგრაფში გაუამახვილებთ ყურადღებას.

3. საძღებროები და საძღებრო საქმი

ლებვა საფეიქრო წარმოების ერთ-ერთი ძირითადი დარგია. მისი განვითარების დონე საერთოდ საფეიქრო წარმოების განვითარების დონის ნიშანია და მითაა განპირობებული.

XVIII—XIX საუკუნეების საქართველოში სამღებრო საქმის გავრცელების საკითხმა დიდი ხანია მკვლევართა ყურადღება მი-

იპყრო. მასზე არა ერთი მოსაზრება გამოითქვა³⁶, მაგრამ რამდენადაც ის მკვლევრები, რომლებიც აღნიშნულ საკითხს XVIII საუკუნის ფარგლებში იხილავდნენ, ბუნებრივია, ამ ეპოქის მასალას ეყრდნობოდნენ, რაც სრულიად არასაკმარისი იყო. ზოლო მკვლევართა ის რიგი, რომელთაც საკითხი XIX საუკუნის ფარგლებში აინტერესებთ, მას ერთგვარად ზედპირულად შეისწავლიდნენ. ამდენად საკითხის გაშუქება შორსა დასრულებისაგან.

საკითხის ისტორიოგრაფიაში საგანგებოდ უნდა გამოიყოს ნ. ბერძენიშვილის ნაშრომი „სამღებროების შესახებ XVIII საუკუნის საქართველოში“, რომელშიც ავტორმა არა მარტო გააკრიტიკა სამღებროთა რაობის არასწორი გაგება, არამედ ჩვეული მეცნიერული სიღრმით გააშუქა რიგი ბუნდოვანი საკითხი და გაარკვია სამღებროების როლი და მნიშვნელობა ფეოდალური საქართველოს ეკონომიკურ ცხოვრებაში³⁷. მიუხედავად ამისა, როგორც მანამდე უცნობ, მრავალიცხოვან მასალაზე დაკვირვება გვარწმუნებს, აღნიშნული საკითხის დამუშავება ჯერ კიდევ არ არის დასრულებული.

რადგან „სამღებროებისა და ღებვის საქმეს მნიშვნელოვანი ადგილი ეჭირა ფეოდალური საქართველოს მეურნეობაში“, მისი დეტალური შესწავლის გარეშე შეუძლებელია სწორი წარმოდგენის შექმნა არა მარტო საუფიქრო წარმოებაზე, არამედ საერთოდ განსახილველი ხანის სოციალურ-ეკონომიკურ განვითარებაზეც.

ა) და რ გ ო ბ რ ი ვ ი მ ო ნ ო პ ო ლ ი ა. ამოდის რა დასტურლა-

³⁶ Г. Н а т а д з е, К вопросу об экономическом положении Грузии в конце XVIII столетия, История классової борьбы в Закавказье, с.153—194; მისივე, К термину «Самгбრო» в актах XVIII в. Грузии (ხელნაწერი ინახება ი. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის ფეოდალიზმის ხანის საქართველოს ისტორიის განყოფილებაში); ნ. ბ ე რ ძ ე ნ ი შ ვ ი ლ ი, სამღებროების შესახებ XVIII ს. საქართველოში, საქართველოს ისტორიის საკითხები, ტ. IV; П. В. Г у р у ш в и л и, Развитие промышленности в Грузии и Закавказье в XIX—XX вв., I, Тб., 1957; ვ. ჩ ა ნ ტ ლ ა ძ ე, ფინანსები რეფორმამდე აღმოსავლეთ საქართველოში (1801—1864 წწ.), თბ., 1975 და სხვ.

³⁷ ავტორის განმარტებით, გ. ნათაძის აღნიშნულ საკითხზე არასწორი შეხედულებების კრიტიკის აუცილებლობა იყო „მიზნები ნაჩქარევად და ნაკლებად დამუშავებულ საკითხის საჩაროდ გამოტანისა“. იქვე ავტორი გვაუწყებს, რომ მას განზრახული ჰქონია საკითხის შემდგომი მონოგრაფიული დამუშავება, მაგრამ შემდგომში მან ამისთვის, ჩანს, ველარ მოიძალა. ნ. ბ ე რ ძ ე ნ ი შ ვ ი ლ ი, საქართველოს ისტორიის საკითხები, ტ. IV, გვ. 311.

მალის განსაზღვრებიდან „სადაც სამღებრო არის ქართლსა თუ საბარათაშვილოში, თუ ყაიყულს, სულ სადედროფლო არის“, ნ. ბერძენიშვილი მიიჩნევს, რომ აღნიშნული დარგი მხოლოდ სადედროფლო მონოპოლიების ფარგლებში იყო მოქცეული თუმცა იქვე განმარტავს, რომ „ეს პრინციპული დებულებაა და სრულიადაც არ ჰგულისხმობს, თითქოს ყველა სამღებრო დედროფლის უშუალო მეურნეობის ობიექტს შეადგენდა“³⁸. ნ. ბერძენიშვილის ამ აზრს ეთანხმება ვ. ჩანტლაძეც³⁹. პ. გუგუშვილი გარკვეულ სიფრთხილეს იჩენს, ეხება რა სამღებრო საქმის განვითარების საკითხს მთელი ამიერკავკასიის მასშტაბით, აღნიშნავს, რომ „XVIII ს. ბოლოს და ადრეც ზოგიერთ შემთხვევაში იგი შეიძლება ეკლესიისა და სამეფო ოჯახის წევრთა შემოსავლის წყარო იყო“⁴⁰.

XVIII საუკუნის და განსაკუთრებით XIX საუკუნის დასაწყისის მასალებზე დაკვირვება გვარწმუნებს, რომ აღნიშნული დებულება მხოლოდ ნაწილობრივია მისაღები. XVIII საუკუნის მასალებში სამღებროს იჯარა ზოგჯერ „ლილის იჯარადაც“ მოიხსენიება. გ. ნათაძეს მიაჩნდა, რომ სამღებროს შინაარსი საბაჟოა (სამღებრო), ზოლო თანამედროვე ტერმინ „სამღებროს“ საანაცვლოდ იგი გვთავაზობდა ტერმინს „ლილახანა“, რომელიც XVIII საუკუნის საბუთებში ერთობ ხშირად გვხვდება⁴¹. ნ. ბერძენიშვილმა სწორად გააკრიტიკა აღნიშნული მოსაზრების ის ნაწილი, რომელიც სამღებროს საბაჟოსთან აიგივებს. მაგრამ ტერმინ „ლილახანის“ გავრცელების მისებური ახსნა დამაჯერებლად არ გამოიყურება. არგუმენტი რომ „მთავარი საღებავი საშუალება სამღებროში ლილა იყო“, გამოუსადეგარია, რადგან ლილა საღებავი საშუალება იყო ლურჯად ღებვის დროს, მაგრამ საქართველოში ხომ არანაკლები რაოდენობით იყენებდნენ სხვა ფერის საღებავებსაც.

XVIII საუკუნის მასალებში ტერმინ „ლილახანას“ ხშირად ხმარება იმით უნდა იყოს გამოწვეული, რომ საბუთები ძირითადად იმ სამღებროებს ეხება, რომლებიც სახელმწიფო თუ სხვა მონოპოლიების ფარგლებში იყვნენ მოქცეული (ისინი გაიცემოდა იჯარა

³⁸ ნ. ბერძენიშვილი, დასახ. ნაშრ., გვ. 310.

³⁹ იქვე, გვ. 280.

⁴⁰ პ. გუგუშვილი, დასახ. ნაშრ., გვ. 156.

⁴¹ Г. Натадзе, К термину «Самгбро» в актах XVIII в. Грузия, ხელნაწერი ანახება ივ. ჯავახიშვილის სახ. საქართველოს ისტორიის, არქეოლოგიისა და ეთნოგრაფიის ინსტიტუტის ფეოდალური ხანის საქართველოს ისტორიის განყოფილების არქივში.

რით, მათზე იყო ვაქრობა, დავა, მიმოწერა და ა. შ.), ხოლო, როგორც ირკვევა ლებვის მონოპოლია საქართველოში ვრცელდებოდა არა ყოველგვარ ლებვაზე, არა ყველა სამღებროზე, არამედ მის ერთ-ერთ დარგზე, — ლურჯად (და ლურჯი ფერის სხვადასხვა ტონალობით) ლებვაზე, სამღებროებზე სადაც, ამ ფერად ლებვა ჰდებოდა. ასე იყო XIX საუკუნის პირველ მესამედში, ყველა საფუძველი გვაქვს ვიფიქროთ, რომ ასე იყო ადრეც.

განსახილველი ხანის მასალებში შემონახულია თითქმის ყველა იმ ძირითად სამღებროთა იჯარა-შესყიდვის წესით გაცემის კონტრაქტები, რომელსაც ნ. ბერძენიშვილი აღმ. საქართველოში ჩამოთვლის. არც ერთ მათგანში არ არის მითითება, რომ იქ ლებვა რომელიმე სხვა ფერად ჰდებოდა, გარდა ლურჯისა⁴². პირიქით, თითქმის ყველა კონტრაქტში აღნიშნულია, რომ მონოპოლია ეხება ლურჯად ლებვას. მაგალითად, 1803 წლის 22 ივნისით დათარიღებულ საბუთში მითითებულია, რომ თბილისის მარამ დედოფლისეულ სამღებროში „იღებება ნარმა ლურჯი საღებავით და საფასური შეფერილობის მიხედვით აიღება თოფზე 5-დან 15 კაპიკამდე“⁴³. უფრო მოგვიანებით შედგენილ საბუთებში პირდაპირაა მითითებული, რომ თბილისის აღნიშნული სამღებრო ლურჯ ფერად ლებვის საწარმოა⁴⁴.

1831 წელს იჯარა-შესყიდვის წესით გაცემულ მუხლებს შორის საბუთში აღნიშნულია თბილისის სამღებრო, „რომელშიც ბამბეულის ქსოვილები იღებება ლურჯი საღებავით“, და „გორის მაზრის სოფელ ცხინვალის სამღებრო, რომელშიც ნაწარმი იღებება ღია ლურჯი და მუქი ლურჯი საღებავებით“⁴⁵.

სახაზინო ექსპედიციასა და იჯარის შემსყიდველ ანდრია ზუბალაშვილს შორის 1811 წელს გაფორმებულ კონტრაქტში მითითებულია, რომ შემსყიდველმა ლებვისათვის უნდა აიღოს ფასი ღია ლურჯად და ცისფრად სხვადასხვა ქსოვილებისა და ძაფის შეღებვაზე⁴⁶. იგივე შეორდება უფრო გვიანდელ საბუთებშიც⁴⁷.

⁴² მხოლოდ თბილისის სამღებროში 30-იან წლებში ჩნდება შავად შეღებვის ტექნიკა. მაგრამ იგი უკანონოაა მიჩნეული.

⁴³ სესია, ფ. 254, აღ. 1, საქ. 28, ფურც. 698.

⁴⁴ იქვე, საქ. 1040, ფურც. 1332—1333.

⁴⁵ იქვე, საქ. 1207, ფურც. 38.

⁴⁶ იქვე, ფ. 254, აღ. 1, საქ. 257, ფურც. 1019.

⁴⁷ იქვე, საქ. 755, ფურც. 199; საქ. 481, ფურც. 41.

წყაროებში დუშეთის სახაზინო სამღებრო მოიხსენიება, როგორც საწარმო, „რომელშიაც ღებვა ხდება ლურჯი საღებავით“⁴⁸.

კონტრაქტში, რომელსაც შემსყიდველი სახაზინო ექსპედიციასთან ღებვს 1813 წლიდან კახეთის სამღებროების იჯარით მიღების თაობაზე, აღნიშნულია, რომ შემსყიდველს უფლება აქვს აიღოს ფასი სამღებროებში ღია და მუქ ლურჯად შეღებილ ქსოვილებზე და მითითებულა ფასის ოდენობა⁴⁹. ამ თვალსაზრისით გამოწვევის არც „ბორჩალოს დისტანციისა და გატეხელი ხიდის ზევით მღებარე“ სამღებროები წარმოადგენენ; აქაც მითითებულია, რომ ღებვის ფასს იღებდნენ ლურჯად შეღებილ ქსოვილებზე, ხოლო უფრო გვიანდელ საბუთებში საგანგებოდაა. მითითებული, რომ იჯარით იაიციემოდა ლურჯ ფერად ღებვის სამღებროები⁵⁰.

ამგვარი მაგალითების მოტანა კიდევ ბევრის შეიძლება, მაგრამ ვფიქრობთ ნათელია, რომ სახელმწიფო მონოპოლია ვრცელდებოდა და შესაბამისად იჯარით გაიციემოდა ის სამღებროები, რომლებიც მხოლოდ ლურჯად ღებავდნენ.

XVIII საუკუნეში სამღებროები კანონით საღებლოფლო მონოპოლიაში შედიოდა, რაც არ გამოირიცხავდა ზოგიერთი მათგანის „შეწირვის“ თუ „წყალობის“ სახით ფეოდალისა თუ ეკლესია-მონასტრის გამგებლობაში მოქცევას⁵¹. XIX საუკუნის დასაწყისიდან იმის გამო, რომ სამეფო სახლის წევრთა ქონება და პრივილეგიები ხაზინის ზღვით გადავიდა, სამღებროთა მფლობელებად ჩანან ხაზინა, ეკლესია და ფეოდალები. ზემოთ მოტანილი მასალებით დადასტურდა, რომ ხაზინის მონოპოლია მხოლოდ ლურჯად ღებვის სამღებროებზე ვრცელდებოდა. მაგრამ აქ იბადება ეჭვი იმის თაობაზე, რომ ხომ არ მოხდა ამ მხრივ რაიმე განაწილება და წითლად ღებვა საბატონო ან საეკლესიო პრივილეგიის ფარგლებში არ მოექცა?

სამართლიანობა მოითხოვს აღინიშნოს, რომ არც ერთ საბუთში, რომელზედაც წინამდებარე ნაშრომის ავტორს ხელი მიუწვდა და რომელიც საეკლესიო ან ფეოდალთა სამღებროებს შეეხება, არ ჩანს, თუ რა ფერად ზღვება ღებვა ცალკეულ მათგანში. მიუხედავად ამისა, ყველა საფუძველი გვაქვს ვიფიქროთ, რომ ამგვარი

⁴⁸ სცსია, ფ. 254, აღ. I, საქ. 324, ფურც. 192.

⁴⁹ იქვე, ფ. 254, აღ. I, საქ. 326, ფურც. 529—536; საქ. 1203, ფურც. 182.

⁵⁰ იქვე, საქ. 1202, ფურც. 121; საქ. 1206, ფურც. 910; საქ. 1209, ფურც. 825 და ა. შ.

⁵¹ ნ. ბერძენიშვილი, დასახ. ნაშრ., გვ. 317.

რამ გამორაცხულია. როგორც აღინიშნა, ეკლესია-მონასტრებსა თუ ფეოდალებს სამღებროები თავდაპირველად დედოფლისგან აქვთ გადაცემული. აქ მონოპოლიის უფლებას გადაცემა იგულისხმება და არა კონკრეტული სამღებროსი, ამდენად ღებვის ფერების ცვლა წარმოუდგენელია. მაგალითად, მეჯვრისხევის სამღებრო XVIII საუკუნეში ქსნის ერისთავებს ეკუთვნოდათ. უნდა ვიფიქროთ, რომ მათ ეს უფლება ოდესღაც დედოფლისგან მიიღეს. მას შემდეგ, რაც ერეკლემ ქსნის ხეობა ერისთავებს ჩამოართვა, აღნიშნული სამღებრო იულონ ბატონიშვილის მფლობელობაში გადავიდა, ე. ი. სამეფო სახლს დაუბრუნდა. რუსეთის ხელისუფლებამ ქსნის ხეობა კვლავ ერისთავებს დაუბრუნა. მათ დაიწყეს ბრძოლა სამღებროს მონოპოლიის აღდგენაზეც. წარმოუდგენელია, რომ ამდენ გადაცემა-გადმოცემაში აღნიშნულ სამღებროში საღებავის ფერს ცვლიდნენ⁵².

განსახილველ პერიოდში გაუთავებელი დავაა სახაზინო, საეკლესიო და საბატონო სამღებროების გამგებელთა შორის ანა თუ იმ სამღებროს კანონიერებაზე. ამავე დროს არ არის არც ერთი დავის შემთხვევა ვაჭრის ან სხვა საქმოსნის კუთვნილი სამღებროს თაობაზე, თუმცა ამგვარი სამღებრო ბევრი იყო. საკმარისია აღინიშნოს, რომ მარტო თბილისში 1826 წელს 18 სამღებროა აღნიშნული. აქედან მხოლოდ ერთი იყო სახაზინო⁵³. მაგრამ სახაზინო სამღებროს შესყიდველს არც ერთხელ არ განუცხადებია პრეტენზია აღნიშნული სამღებროების მხრივ რაიმე შევიწროებაზე. ამავე დროს არაერთი საჩივარი დაწერილა იმის შესახებ, რომ თბილისის სამღებროს შემოსავალზე უარყოფითად მოქმედებს ტაბახმელისსამღებრო, რომელიც ორბელიანებმა დროებით კოდიდან გადმოიტანეს⁵⁴, ავქალაში გურამიშვილების სამღებრო⁵⁵ და ა. შ. დასკვნა ერთია: ტაბახმელის (ორბელიანების) და ავქალის (გურამიშვილების) სამღებროებში ღებვა იმავე ლურჯი საღებავით ხდებოდა, როგორც სახაზინო სამღებროში. აქედან გაჩნდა კონკურენცია. თბილისის დანარჩენი 17 სამღებრო კი წითელი ან სხვა, არალურჯ ფერად ღებავდა და, ამდენად, სახაზინო სამღებროს შემოსავალზე იგი გავლენას ვერ მოახდენდა.

⁵² სესია, ფ. 254, აღ. I, საქ. 828, ფურც. 129—135.

⁵³ სესია, 16, საქ. 3503, ფურც. 122—123; საქ. 36116, ფურც. 192—193.

⁵⁴ სესია, ფ. 254, აღ. I, საქ. 132, ფურც. 73—74.

⁵⁵ სესია, ფ. 1010, საქ. 338, ფურც. 3.

ყოველივე ზემოთქმულიდან აშკარაა, რომ XVIII და XIX საუკუნის საქართველოში სამღებროს მონაპოლია ითვალისწინებდა ლურჯი საღებავით ღებვის უფლებას, მიუხედავად იმისა, თუ ცალკეულ რეგიონებში ვის ეკუთვნოდა აღნიშნული პრივილეგია— ხაზინას, ეკლესიას თუ ფეოდალებს. ამ ღებულების დადასტურებაა ის ფაქტიც, რომ XIX ს. 20-იან წლებში კახეთის სახაზინო და საეკლესიო სამღებროების ზოგიერთი მოიჯარის მხრიდან აღილი ჰქონდა ცდებს ხელში ჩაეგდოთ მოსახლეობისაგან ენდროს შესყიდვისა და ბაზარზე გაყიდვის მონაპოლია, რითაც მათ საშუალება ექნებოდათ გარკვეული ზეგავლენა მოეხდინათ წითლად ღებვაზეც. მაგრამ აღნიშნულ ცდებს დადებითი შედეგი არ მოჰყოლია.

ბ) ღებვის ფასი. სამღებროს ბაჟი. წინა პარაგრაფში განხილული მასალის საფუძველზე დადგინდა, რომ „ხამხალათის ბექდის იჯარაში“ იგულისხმებოდა გადასახადი თეთრი და წითელი ფერის ბამბეულის ქსოვილებზე. საქართველოში სხვა ფერის ქსოვილებიც მზადდებოდა. საბექდავის მოიჯარეები ცდილობდნენ მათზე გაეცრელებინათ აღნიშნული მოსაყრების აღების პრივილეგია. კერძოდ, როგორც აღვნიშნეთ, 20-იანი წლებში დიდი ბრძოლა გაჩაღდა საბექდავის მოიჯარეებისა და უშუალო მწარმოებლებს (თუ საწარმოთა მეთაურებს) შორის სხვადასხვაფერად შეღებულ ზოლიან ქსოვილებზე, — ალაჯზე მოსაყრების უფლების გაცრელების შესახებ⁵⁶. საქართველოში მეტად დიდი რაოდენობით მზადდებოდა ლურჯი ფერის ქსოვილებიც, რომლებსაც რაოდენობრივად მხოლოდ წითელი ფერის ქსოვილები თუ გაუტოლდებოდნენ, მაგრამ არასოდეს, არც ერთი არსებული საბუთით, საბექდავის მოსაყრების შემსყიდველებს ლურჯ და ცისფერ ქსოვილებზე პრეტენზია არ განუცხადებიათ. პირიქით, როდესაც ალაჯის თაობაზე ზემოთ მოხსენიებული დავა ატყდა და მწარმოებლები იძულებული შეიქნენ აღნიშნული ქსოვილიდან საბექდავის მოსაყრების მოთხოვნის უკანონობა დაესაბუთებინათ, ერთ-ერთ მთავარ არგუმენტად ის დასახელებს, რომ ალაჯში სხვა ფერებს შორის ლურჯი ფერიცაა გამოყენებული, ხოლო აღნიშნულ ფერად ჩვენ სახაზინო სამღებროში ვღებავთ ძაფს და შესაბამის თანხასაც ვიხდით, ხოლო ახლა საბექდავის მოსაყრებით თუ დაგვბეგრეს, გადასახადის ორჯერ გადახდა მოგვიწევს⁵⁷.

⁵⁶ სესია, ფ. 254, აღ. I, საქ. 1040, ფურც. 921—922.

⁵⁷ იქვე.

ერთ-ერთი ძირითადი არგუმენტი, რომლის საფუძველზეც პროფ. გ. ნათაძე სამღებროს „სამღებროდ“ — საბაჟოდ მიიჩნევდა, ის იყო, რომ XVIII საუკუნის საბუთებში ზმირად მოიხსენიებოდა ტერმინი „სამღებროს ბაჟი“⁵⁸. ნ. ბერძენიშვილი ამ გარემოების ასეთ ახსნას გვთავაზობდა: „1. სამღებროები, ოდესმე თავისუფალი სახელოსნოები, მონოპოლიის საგანი შეიქმნა. სამღებროსა და ლებვის საქმის მონოპოლია შეიძლებოდა ორი სახით განხორციელებულიყო უკვე არსებულ „საოჯახო ქარხნებზე“ გადასახადი დაედოთ; ასეთ გადასახადს შეიძლებოდა მხოლოდ „სამღებროს ბაჟი“ წოდებოდა, 2. ან კიდევ ასეთი „ქარხნები“ აეკრძალათ და მათ მაგივრად მთელი ოლქისათვის ერთი სამღებრო შეექმნათ. ოლქის მოსახლეობა ვალდებული იყო ნართი თუ ნაქსოვი ასეთ სამღებროში მოეტანა შესაღებად, სადაც მას ლებვისათვის „საღებავის ფასს“ ახდევინებდნენ... სრულიად ბუნებრივია, ასეთ გადასახადს სახელი ისევე „სამღებროს ბაჟი“ შეერჩენოდა. ასეთი გამოთქმის შენარჩუნებას ხელს უწყობდა ამ სამღებროთა მონოპოლიაც: „საღებავის ფასსაც“ ხომ ჩანახევროდ ჰავალდებულო გადასახადის სახე ჰქონდა შენარჩუნებული“⁵⁹.

ეს განმარტება, როგორც ჩანს, სიმართლესთან ახლოსაა.

XIX საუკუნის დასაწყისის მისაღებზე დაკვირვება გვარწმუნებს, რომ სამღებროს იჯარაში არა მარტო ლებვის ფასი, არამედ ლებვის გადასახადის აკრებაც იჯულისხმებოდა. როგორც ჩანს, ეს უკანასკნელი საფეიქრო დარგის ერთი ნაწილის (ლურჯი ქსოვილების დამზადების) გადასახადსაც ითავსებდა. 1807 წლის 11 სექტემბერს თბილისის მაზრის თავადაზნაურობის მარშალი ზაალ ზურაბოვი აღშფოთებულ წერილს წერს საგუბერნიო მარშალს იმის თაობაზე, რომ სახელმწიფო მოხელეები ცდილობენ თბილისის მოქალაქეთა თანაბრად ფულადი გადასახადი დაადონ საბატონო ყმებსაც: „იციან თქვენმა ბრწყინვალეებამ — აღნიშნავს ავტორი — თეთრის მანტა სახელმწიფოთ ედვით მხოლოდ სახელმწიფო ყმათა და ჩვენი ყმანი არასოდეს იმაში არ გარეულან მოქალაქეებთან და არც საკუთრად სთხოვბით; რაც აზნაურთ ყმათ უწინ ასნაფთან უძლევიან იმას ახლაც აძლევენ, რომელიც არის თავის შაური, ქეშიკის ასასის ფული და ბეგარა და რასაც ჩასტება სთხოვენ იმასაც უცილობლად აძლევენ და სურსათსა კიდევ მეტსა... ამას

⁵⁸ Г. Натадзе, დასახ. ნაშრომი.

⁵⁹ ნ. ბერძენიშვილი, დასახ. ნაშრომი, გვ. 345.

გარდა მსგავსად სახელმწიფოთ ყმათა აძლევენ შაურსა, ბექდის ფულსა და სამღებროსი. და თუ კიდეც სხვა ხარჯი ეთხოვათ სახელმწიფოდ სწორ სახელმწიფოთა ყმათა მაშინ როგორიღა ჩვენნი ყმები იქნებიან“⁶⁰ და სხვ. აშკარაა, რომ კონტექსტში „სამღებროს ფული“ სახელმწიფოს სასარგებლოდ გაღებული გადასახადის შინაარსითაა მოცემული, რომელიც ბაჟისა და ბექდის რიგშია. თუ წარმოვიდგენთ, რომ სამღებროებში მხოლოდ საკუთრივ ღებვის ფასს იღებდნენ, მაშინ ავტორს არაერთარი საფუძველი არ ჰქონდა საბატონო ყმების მიერ ღებვისთვის გადახდილი თანხა სახელმწიფოსათვის დაეყვედრებინა.

1831 წელს ადგილობრივმა ხელისუფლებამ სახაზინო მუხლების გადასინჯვა განიზრახა და ისინი 4 კატეგორიად დაჰყო. სამღებროების იჯარა საბექდავთან, საპნის იჯარასთან და სხვ. ერთ კატეგორიაში მოათავსა და განმარტა, რომ ეს მუხლები „შეადგენენ მრეწველობის გადასახადს...“⁶¹.

ღებვის ფასები აღმოსავლეთ

სამღებროს აღგიღმღებარეობა	ძალიან მუქი ლურჯი კაბ.	მუქი ლურჯი კაბ.	ლურჯი კაბ.	ღია ლურჯი კაბ.	ცისფერი კაბ.	ძიფი და აბ. რეზინი გირ-ვაიპე კაბ.
თბილისი — ვაჰარი		10		1		
კერძო	20		10		4—5	20—60
კახეთი — ვაჰარი				3		
კერძო	20	—	10		4—5	50
გორი — ვაჰარი				3		
კერძო	20	—	10	—	4—5	50
ბორჩალო — ვაჰარი და			6			
გატეხილი ხიდი	15	—	8		2—3	50

წყაროები: სესია, ფ. 254, აღ. I, საქმე 95, ფურც. 212; ფონდი 254, საქმე 91, 820—822; ფონდი 2, აღ. 1, საქმე 355, ფურც. 198—201; ფონდი 254, აღ. 1, საქმე 200; საქმე 324, ფურც. 192; საქმე 927, ფურც. 620.

⁶⁰ სესია, ფ. 16, საქ. 497, ფურც. 40, ხაზი ჩემია. —მ. ს.

⁶¹ სესია, ფ. 254, აღ. I, საქ. 1204, ფურც. 820.

სამღებროს იჯარის შესყიდვის კონტრაქტებში თითქმის ყოველთვის მითითებულია, რომ შემსყიდველს უფლება აქვს ღებვისათვის შესაბამისი თანხა აკრიფოს, ზოგჯერ კი საკუთრივ ღებვა და გადასახადის მოკრება ცალ-ცალკეც კია გათვალისწინებული. მაგალითად, თბილისის სამღებროს 1809 წლით დათარიღებულ კონტრაქტში სახაზინო ექსპედიცია, მას შემდეგ, რაც ჩამოთვლის თუ რა ქსოვილის შეღებვაზე რაჰდენი უნდა იქნას აღებული, საგანგებოდ აფრთხილებს, რომ „აღნიშნულ შემოსავლის აკრეფისას, ისევე როგორც ღებვისას“, შემსყიდველებმა მომხმარებელი არ უნდა შეავიწროვოს და სხვ².

აღმოსავლეთ საქართველოს სახაზინო სამღებროებში სხვადასხვაგვარი ქსოვილების ღებვის ფასების ქვემოთ მოტანილ ცხრილში (ცხრ. 19), რომელიც საარქივო საბუთების ცნობებიდანაა ამოკრებილი, ყურადღებას იქცევს ფასების განსხვავება, რომელსაც კონტრაქტები საგანგებოდ აწესებდნენ ვაჭრებისათვის და კერძო

ცხრილი 19

საქართველოს სამღებროებში

თბილისური თაფლი არშენი კაბ.	იპერული თაფლი არშენი კაბ.	ლუჩური შალე თოფი	ლაქური შალი	ბიურჯული და ფშური მალი თოფი	ბორჩხალის შალი მუქი თოფი	ბორჩხალის შალი ლა თოფი	შალის ქაფი ვიჯავაქა
15—20	10	1 შ. 40 კ.	80 კ.	70 კ.	1 შ.		
				1 შ. 20 კ.	1 შ. 60 კ.		
				1 შ.	1 შ. 20 კ.		
20	10	1 შ. 40 კ.	1 შ. 40 კ.	1 შ. 20 კ.	1 შ. 80 კ.		
				1 შ. 20 კ.			
20	10	1 შ. 40 კ.	1 შ.	1 შ. 80 კ.			
—	—	1 შ. 40 კ.	80 კ.	—	1 შ. 60 კ.	1 შ. 40 კ.	40 კ.

ფურც.167; ფონდი 90, საქმე 21, ფურც. 6; ფონდი 254, აღ.1, საქმე 326, ფურც. 423, ფურც 497, ფონდი 254, აღ.1, საქმე 385, ფურც.39; იქვე, საქმე 655, ფურც-

² სცსია, ფ. 254, აღ. I, საქ. 349, ფურც. 44—46. ხაზი ჩემია.—მ.ს.

პირთათვის (კონტრაქტებში პირდაპირაა მითითებული, თუ რა ფერად შეღებვაზე ვაქარმა რამდენი უნდა გადაიხადოს და კერძო პირმა რამდენი). ამკარად ჩანს, რომ ფასები ვაქრებისათვის გაცილებით დაბალია. ერთ საბუთში გვხვდება ამის ერთგვარი ახსნაც, ვითომ კერძო შემკვეთები უფრო პრეტენზიულები არიან, უფრო მუქად შეღებვას ითხოვენ და ამიტომ მათ ქსოვილზე თითქოს მეტი საღებავი იხარჯება⁶³, მაგრამ ამგვარი ახსნა არადაბაჯერებელია, რადგან შეუძლებელია ღია ლურჯ ფერად შეღებვაზე, რაც ვაქრებისათვის თბილისის სამღებროში არშინი 1 კაპიკი ღირდა, მეტი საღებავი დახარჯულიყო, ვიდრე ცისფერზე, რომლის შეღებვაც კერძო შემკვეთებს 4—5 კაპიკი უჯდებოდათ.

თითქმის ყველა კონტრაქტში საგანგებო ზომები იყო გათვალისწინებული იმათზე, ვინც სამღებროს მოსაყრებს ნებაყოფლობით არ გადაიხდიდა⁶⁴. ჩვეულებრივ ვითარებაში ამგვარი რამ გაუგებარია, რადგან შემკვეთს საქონელი მიჰქონდა სამღებროში, ღებავდა, იხდიდა ღებვის ფასს და მიიღებდა დამზადებულ საქონელს. სანამ შესაბამის ფასს არ გადაიხდიდა, მას საქონელს არ მისცემდნენ. თითქმის ყველა კონტრაქტში ასევე აღნიშნულია, რომ კერძო შემკვეთებს სამღებროს მოსაყრებს ართმევენ მხოლოდ იმ შემთხვევაში, თუ ისინი საქონელს სამღებროში მოიტანენ ნებაყოფლობით. ჩვეულებრივი სახელოსნოს პირობებში ამგვარი აღნიშვნა სრულიად ზედმეტია.

ყველა ეს გაუგებრობა თუ შეუსაბამობა მაშინვე იხსნება, თუ წარმოვიდგენთ, რომ სამღებროში ზღებოდა არა საკუთრივ ღებვა (ან არა მხოლოდ ღებვა), არამედ ღებვის გადასახადის აკრეფაც.

ეს რომ ნამდვილად ასე ზღებოდა, არაერთი მითითებაც არსებობს. მაგალითად, კახეთის სამღებროების იჯარით გაცემის კონტრაქტში აღნიშნულია, რომ შემსყიდველს უფლება აქვს „იყოლიოს მუშაკები მთლიანად თავის ზარჯზე, თავისი ფულით შეისყიდოს საღებავები... და აწარმოებს რა ნებადართული საგნების შეღებვას, აღნიშნული სამღებროების მისი გამგებლობაში ყოფნის მთელი პერიოდის განმავლობაში შემოსავალიც აკრიფოს მთლიანად თავისთვის“⁶⁵. გორის სახაზინო სამღებროს მიმართ საბუთში

⁶³ სცსია, ფ. 2, საქ. 355, ფურც. 199.

⁶⁴ სცსია, ფ. 254, აღ. I, საქ. 326, ფურც. 532.

⁶⁵ იქვე, ფურც. 573.

პირდაპირაა მითითებული. რომ აქ ხდება „შემოსულის აკრეფა და ასევე საკუთრივ ღებვაც“⁸⁶.

შეიძლებადა მსგავსი მაგალითი მრავალი მოგვეტანა, მაგრამ: ვფიქრობთ, ნათელია, რომ სახაზინო სამღებროებში ერთი მხრივ წარმოებდა საკუთრივ ღებვა, ხოლო მეორე მხრივ, ღებვის გადასახადის აკრეფა⁸⁷.

გ) ღებვისა და ღებვის გადასახადის აკრეფის წესი. მრავალრიცხოვან საბუთებზე დაკვირვების შედეგად დგინდება, რომ სამღებროების იჯარის ანუ ლურჯად ღებვის მონაპოლიის საფუძველი ლურჯი საღებავის შექმნის (და შესაბამისად მონშარების) პრივილეგიურ უფლებაში მდგომარეობდა. აღნიშნული საღებავი, რომელიც ჩვენში უცხოეთიდან შემოჰქონდათ, მხოლოდ მოიჯარებებს შეეძლო შეეძინა. სწორედ ამით უნდა იქნას ახსნილი ის გარემოება, რომ სამღებროებს იჯარა XVIII საუკუნეში ზოგჯერ „ლილდა იჯარადაც“ მოიხსენიებოდა⁸⁸. არ არის გამორიცხული, რომ ტერმინი „ლილდა იჯარა“ წინ უწარუებდა „სამღებროს იჯარას“ და მისი განვითარების, ანუ „სამღებროს იჯარად“ ჩამოყალიბების პროცესი ვარაუდით შეიძლება შემდეგნაირად წარმოვიდგინოთ: თავდაპირველად „ლილის“ იჯარადარი შეისყიდოდა რა საღებავს, მას მიჰყიდდა იმ მწარმოებელთ, რომლებიც ხელოსნობაში მიმდინარე შრომის დანაწილების შედეგად ლურჯად ღებვაში იყვნენ დასაპეციალებულნი, ან მათ, ვინც საფეიქრო წარმოების საოჯახო ფორმების განვითარების საფუძველზე ოჯახის ფარგლებში ეწეოდნენ ლურჯად ღებვას („საოჯახო ქარხნები“), და ამით იღებდა მოგებას. სასაქონლო მეურნეობის განვითარებისა და ხელოსანთა შორის ქონებრივი დიფერენციაციის ჩამოყალიბების შედეგად „ლილის იჯარა“ შეიძლებადა მღებავს ან სანახევროდ გავაჰქრებულ მღებავს ჩავარდნოდა ხელში. ამგვარი შესაძლებლობა ლოგიკურიცაა, რადგან მღებრის მხრიდან ამის დაინტერესება დიდი იქნებოდა, რათა საღებავის ფასის მომატებული გადახდა და შესაბამისად სხვა მოიჯარის მხრიდან შენიღბული ექსპლუატაციის შესაძლებლობა აეცდინა თავიდან. ამგვარი საქმოსანი ეცდებოდა

⁸⁶ სცსია, ფ. 254, აღ. I, საქ. 257, ფურც. 216.

⁸⁷ მაგალითად, სახელმწიფო საიჯარო მუხლების სიაში მოხსენიებულა «Тинд-лясская красильная статья... по контракту которым откупщикам дано было право собирать пошлину за окрашивание в синий цвет бязей» (სცსია, ფ. 254, აღ. I, საქ. 1040, ფურც. 924).

⁸⁸ სცსია, ფ. 2, აღ. I, საქ. 45, 1803 წ., ფურც. 217.

თავისი სამღებრო ჰქონოდა (მას იგი ალბათ უკვე ჰქონდა) და მასში წარმოების პარალელურად საღებავის ზედმეტ ფასებში გა-
 ცემიდანაც მიეღო მოგება. ეს უკვე „ლილის ბაჟის“ ერთგვარი
 ცენტრალიზაციის, სამღებროს ფარგლებში მოქცევის, „სამღებროს
 ბაჟად“ გადაქცევას პრველი ნაბიჯი იყო. სამღებრო წარმოება სა-
 ფეიქრო წარმოების დანასრულებელი ეტაპია. სასაქონლო მეურ-
 ნეობის პირობებში საფეიქრო წარმოება ვაჭრის გაღვენაში ექცე-
 ოდა. ვაჭარი შეისყიდდა უშუალო მწარმოებელთაგან ქსოვილებს,
 რათა შემდეგ ბაზარზე გაეტანა (ეს წარმოებაში ვაჭრის ჩარევის
 პირველი ნაბიჯია. ამაზე ქვემოთ დაწვრილებით იქნება საუბარი),
 მაგრამ მანამ იგი უნდა შეეღება. თავდაპირველად ლებვის პროცე-
 სი ვაჭარს პერიოდულად სჭირდებოდა, ამიტომ საკუთრად სა-
 ლებროს მოწყობას მისთვის აზრი არ ჰქონდა. ამ ვითარებაში რძი-
 სათვის, რათა თავიდან აეცლინა ზედმეტი ხარჯები, იგი მიზანშე-
 წონილად მიიჩნევდა დროებით დაექირავებინა საჭირო იარაღ-
 მოწყობილობა და სპეციალისტი და ასე შეეღება. მეორე მხრივ,
 ლილის იჯარადარი, რაკი იგი მღებავი იყო და თავისი ხელობის
 პარალელურად საღებავის გაყიდვასაც ეწეოდა, მოკლებული იყო
 საშუალებას კონტროლი გაეწია მის ხელში არსებულ მონოპოლი-
 ისათვის, აღეკვეთა საღებავის უკანონოდ შემოტანისა და გასაღე-
 ბის შესაძლებლობა. ამიტომ იგი დაინტერესებული იყო ლებვის
 პროცესის ცენტრალიზაციით. თანდათანობით იგი ამას აღწევდა,
 მაგრამ საბოლოოდ წარმოების ხელში ჩაგდებას მაინც ვერ ახერ-
 ხებდა. შეიძლება არც მაინცდამაინც ესწრაფვოდა, რადგან ეს რიგ
 ახალ კაპიტალდამანდებებთან იყო დაკავშირებული და ცენტრ-
 ლური სამღებროს პირობებშიც ძველ ტრადიციას ინარჩუნებდა და
 მსურველებს ცენტრალურ სამღებროში ლებვის წარმოე-
 ბის უფლებას აძლევდა. მოგებას მასზე გაციემული საღებავის
 ფასის განსხვავებით იღებდა. ამგვარად, „ლილის იჯარა“ „სამღებ-
 როს იჯარად“, სამღებროს ლებვის მონოპოლიად იქცევა. ეს ყვე-
 ლაფერი ვარაუდებია. ჯერჯერობით მათი კონკრეტული მასალით
 შემაგრების არავითარი დოკუმენტური საფუძველი არ არსებობს.

ფაქტი კი ის არის, რომ „სამღებროს იჯარის“ შემოსავლის
 ერთ-ერთი ძირითადი წყარო საღებავის შეაძენი და გასაცემი ფა-
 სის განსხვავება იყო. შემაყიდველი სამღებროში საღებავის ფასის
 მომატებით იღებს მოგებას და ეს დაკანონებულია. ასე უნდა გა-
 ვიგოთ დ. ბატონიშვილის სამართლის განაწესი: „უკეთეს სამღებ-
 როსა შინა ლებვისათვის უზომოდ მომატებული საღებავის ფასი

აილოს, მსგავსად ქურდისა გარდახდეს⁶⁹. ესე იგი, ზომიერად მონატებული ფასი კანონიერია. მან იხდინა სახაზინო სამღებროში ღებვისათვის.

თავისთავად ღ. ბატონიშვილის სამართალში საღებავის ფასის გამოცალკეება, თუ სამღებროში წარმოებას ჩვეულებრივი ფორმით წარმოვიდგენთ, სრულიად გაუგებარია. ნედლეულის ფასი პროდუქტის ფასის შემადგენელი ნაწილია. შემკვეთი, რომელმაც თერძთან ქსოვილი მიიტანა შესაკერად, იხდის შეკერვის ფასს და არა იმ ძაფის ფასს, რომლითაც ქსოვილი შეკერეს. მღგომარეობას ვერ ცვლის იმ ამბავიც, რომ საღებავი ძვირი ღირდა, აქ კი სხვა ვითარება იყო. შემსყიდველს მოგება იქით განიზღვრებოდა, თუ რამდენ საღებავს გასცემდა (დახარჯავდა). ამდენად დახარჯული საღებავის ოდენობა შეიძლებოდა შემსყიდველსა და ხაზინას შორის ანგარიშსწორების საშუალებადაც გამოდგარიყო: გამოთქვამდა რა სამღებროს იჯარის აღების სურვილს, ზ. როხროხოვი ხაზინას ერთიანი საიჯარო თანხის ნაცვლად დახარჯული საღებავის ოდენობის მიხედვით გარკვეულ საფასურს თავაზობდა, ყოველ ბათმან საღებავზე 10 მანეთს⁷⁰.

რომ დახარჯული (გაცემული) საღებავის გარკვეულ ოდენობაზე შემსყიდველი გარკვეულ მოგებას იღებდა, ეს კარგად ჩანს ო. არეშოვის მაგალითზე: 1803 წელს იგი სამღებროს იჯარის აღებას ითხოვდა, ხაზინას კი ასეთ პირობას უყენებდა: „რამდენიც სამღებროში საღებავი დასჭირდებოდა იგი თავის ფულით ყიდულობს, ხოლო თანხის იმავე რაოდენობას, რაც აღნიშნული საღებავი ეღირება, ხაზინაში შეიტანს“⁷¹. ამ ცნობის მიხედვით შეიძლება ვივარაუდოთ, რომ მოიჯარე საღებავს მის საბაზრო ფასთან შედარებით დაახლოებით ერთისამად მომატებულ ფასში გასცემდა, სხვაგვარად არეშოვის პირობა გაუგებარია, რადგან ფასის ოდენობის თანხა მან ხაზინაში უნდა შეიტანოს და თვითონაც მოგება უნდა დარჩეს.

რომ სამღებროს იჯარის შემოსავალი მღებრებზე (თუ სხვა მრეწველებზე) საღებავის იგაცივით განისაზღვრებოდა, ამას შემდეგი ფაქტიც ადასტურებს: 1826 წელს კახეთის სამღებროების

⁶⁹ სამართალი ბატონიშვილი დავითსა, ციბ. ნ. ბერძენიშვილი, დასახ. ნაშრ., გვ. 312.

⁷⁰ სცსია, ფ. 254, აღ. I, საქ. 131, ფურც. 96—98.

⁷¹ სცსია, ფ. 254, აღ. I, საქ. 29, ფურც. 253.

იჯარა გაუცემელი იყო და მას ხაზინა განაგებდა. უშუალო მე-
თვალყურეობა დავალებული ჰქონდა მთავარ ოსტატს გ. ყარა-
ჩევს⁷². ხაზინასთან სამღებროების შემოსავლის ანგარიშსწორებას
იგი დახარჯული საღებავის ოდენობის მიხედვით ახდენდა. მაგრამ
ჩქარა ამ დავალებისაგან გაათავისუფლეს, რადგან თურქე „ფუ-
ლის აკრეფისას, მღებრებზე თავისი საკუთარი საღებავის გაყიდ-
ვასაც ეწეოდა“, რაშიც ადრეც ყოფილა შემჩნეული⁷³. ყარაჩევის
დანაშაულთა იმაში მღვთმარეობდა, რომ მას სახაზინო სახსრებით
ზაზარზე უნდა ეყიდა საღებავი, მომატებულ ფასებში მიეცა მსურ-
ველებსათვის, მოგება კი ხაზინაში შეეტანა; თუ იგი ამავე წესით
მღებრებს საკუთარი სახსრებით შეძენილ საღებავს მისცემდა,
ცხადია, ხაზინის კუთვნილ მოგებასაც თვითონ მიითვისებდა.

ზევით ჩვენ შევხებთ დავას, რომელიც ალაჯის მწარმოებლებ-
სა და საბეჭდავის მოიჯარეებს შორის გაიმართა ამ ქსოვილზე სა-
ბეჭდავის მოსაყრების დაწესების თაობაზე. მწარმოებლებმა აღნიშ-
ნული მოსაყრების შოთხოვნის უკანონობის საბუთად ის მოიტა-
ნეს, რომ ამ ქსოვილზე სახაზინო გადასახადი უკვე გადახდილია, რა-
დგან მასში ლურჯი ნართიცაა გამოყენებული, „რომელიც თვითონ
ოსტატების მიერაა შეღებილი სახაზინო სამღებროში, რისთვისაც
მოიჯარადრე ლიტრაზე 1 მანეთს იღებსო“⁷⁴.

1825 წელს შულავერის მცხოვრებმა მარტიროს მხითაროვმა
სახაზინო ექსპედიციის იმ თხოვნა შეიტანა; როცა მე ბორჩალოს სა-
ხაზინო სამღებროს იჯარადარი ვიყავი, თბილისელ მღებრებს მარ-
კარ ალიხანოვს, გრიქურ მარტინოვს და არაქელ ბაშინჯალოვს აღ-
ნიშნულ სამღებროში ბამბეულის სწვადასხვა ქსოვილების შეღებ-
ვისათვის ჩემი 552 მ. ვალი დაედოთ და ამ თანხის შიღებაში და-
მეხმარეთო⁷⁵.

რაკი მოვალეები თვითონ მღებრები არიან, აშკარაა, რომ სა-
ხაზინო სამღებროში თვითონ (თავისი ძალებით) ლეზავდნენ სა-
ქონელს, ზოლო მოიჯარეს უხდიდნენ გადასახადს, რაც საღებავის
მომატებულ ფასში გამოიხატებოდა.

საბუთებში სამღებროს იჯარა ისე სისტემატურად და დაბეჯი-
თებითაა განმარტებული „ღებვის მოსაყრებად“, „სამღებროს ბა-

⁷² სცსია, ფ. 254, აღ. I, საქ. 925, ფურც. 201—202.

⁷³ სცსია, ფ. 254, აღ. I, საქ. 962, ფურც. 773.

⁷⁴ სცსია, ფ. 254, აღ. I, საქ. 1038, ფურც. 84.

⁷⁵ სცსია, ფ. 254, აღ. I, საქ. 869, ფურც. 505.

უად⁴ ან სამღებროს მოსაკრებად, რომ შეიძლებოდა იგი მხოლოდ ლებვის გადასახადად მიგვეჩნია, იმავე საბუთების მითითებით რომ არ ვიცოდეთ, რომ მოიჯარე საკუთარი სახსრებით ქირაობდა მღებვას, მუშებს, ზშირად სამღებროს შენობას და ინვენტარს და ა. შ. ე. ი. ეწეოდა საკუთრივ ლებვას.

ამრიგად, თითქოს უდავოა, რომ იჯარით ვაცემულ სახაზინო სამღებროებში, ერთი მხრივ, წარმოებდა ლებვა თვითონ მოიჯარის ძალებით, რისთვისაც იგი იღებდა ლებვის ფასს, მეორე მხრივ, საკუთრივ ვაჭარ-მწარმოებელთა (შემსყიდველთა) ძალებით, რისთვისაც მოიჯარე მათგან იღებდა ლებვის გადასახადს. ამ ორი ფორმის შეფარდება ყველა რეგიონში ერთნაირი არ ყოფილა, რაზედაც ამ შრომაში სათანადო აღვილას შევაჩერებთ ყურადღებას.

თუ ყველაფერი ეს ასეა და თითქოს არც ერთი არსებული საბუთი ამგვარ გაგებას არ ეწინააღმდეგება, მაშინ ადვილად იხსნება სამღებროთა იჯარის კონტრაქტების თუ სხვა საბუთების ის ერთი შეხედვით გაუგებარი მითითებები, რომლებზედაც ზემოთ იყო საუბარი: ლებვის ფასების განსხვავება ვაჭრებისა და არავაჭრებისათვის იმით იქნებოდა გამოწვეული, რომ პირველნი საქონელს თვითონ, საკუთარი ძალებით ლებავდნენ სახაზინო სამღებროებში და შესაბამისად ძირითადად მხოლოდ საღებავის ფასს იხდიდნენ (რაშიც თავისთავად გადასახადიც იგულისხმებოდა), არავაჭრები კი საქონელს მოიჯარეს აძლევდნენ (ე. ი. ლებვა ხდებოდა მოიჯარეთა ძალებით). შესაბამისად იხდიდნენ ლებვის ფასს, რომელიც, ბუნებრივია, ლებვის გადასახადსაც გულისხმობდა. ამის გამო უკანასკნელნი საბუთებში ზშირად „გარეშე ხალხად“ მოიხსენიებიან წინააღმდეგ ვაჭრებისა, რომლებიც ჩანს, აქ შინაურ ხალხად ითვლებოდნენ. რაკი ვაჭრები ლებვას თავის ძალებით ეწეოდნენ, მათ ამის პრაქტიკული საშუალებაც უნდა მისცემოდათ: გარკვეული დროის, გარკვეული ადგილის გამოყოფა და სხვ. ამიტომ კონტრაქტები მოიჯარეებს საგანგებოდ აფრთხილებენ, რომ მათ ვაჭრებს ზიანი არ უნდა მიაყენონ მოცდენით და ა. შ.⁷⁶ ხოლო რადგან არავაჭრის საქონელს მოიჯარე ლებავდა, ამგვარი გაფრთხილება საჭირო აღარ იყო და იგი კონტრაქტებში არც შეჰქონდათ. გასაგებია რატომ შეჰქონდათ კონტრაქტებში საგანგებო შენიშვნა იმაზე, რომ კერძო პირისათვის ლებვის დაწესებული ფასები გამოერთმიათ, თუ ისინი საქონელს სამღებროში ნებაყოფ-

⁷⁶ სესია, ფ. 254, აღ. I, საქ. 349, ფურც. 44—46; იქვე, საქ. 355, ფურც. 23.

ლობით მოიტანდნენ ვინაიდან კერძო პირთა საქონელი მცირე რაოდენობისა იყო, მისი შეღებვა საოჯახო პირობებშიც შეიძლებოდა მოიჯარისაგან შექნილი საღებავით. ამ შემთხვევაში მოიჯარეს მისთვის ხელი არ უნდა შეეშალა და ამით იგი არ აექულებინა საქონელი შესაღებად შანცდამაინც მასთან მოეტანა. ვფიქრობთ, სველაფერი ნათელია.



მონოპოლიის ფარგლებში მოქცეული ლურჯად ღებვის დაღვნილი წესი ზოგიერთი საკითხის განმარტებამ მოითხოვს. რაკი სახაზინო სამღებროში არაერთი დამოუკიდებელი მრეწველი ეწეოდა ღებვას, ეს მისი მოცულობის საკითხს უკავშირდებოდა. ე. ი. უნდა გაირკვეს სამღებროთა სიდიდის საკითხი. თუ საღებავის ნომატებულ ფასში გაყიდვა გადასახადის აღების ფორმა და მოიჯარის შემოსავლის ერთ-ერთი ძირითადი წყარო იყო, უნდა გაირკვეს, როგორ ხდებოდა მისი რეგულირება, როცა საღებავის შექმნის მონოპოლიის უფლებით არაერთი (სახაზინო, საეკლესიო საბატონო) მოიჯარე სარგებლობდა.

ღ) სამღებროების მოცულობა. წარმოების ხასიათი. განსახილველი ხანის მრავალრიცხოვან მასალაზე დაკვირვება გვარწმუნებს, რომ მონოპოლიებში შემავალი (ლურჯად ღებვის) სამღებროები სიდიდით არ გამოირჩეოდნენ, ამდენად სახაზინო სამღებროების მოცულობის შესახებ დღესდღეობით გავრცელებული შეხედულება გადასინჯვას მოითხოვს. აკად. ნ. ბერძენიშვილი, ამოდიოდა რა თბილისის სამღებროს საიჯარო ფასიდან, რომელიც მისი მონაცემებით 520-დან 700 თუმანამდე მერყეობდა, ვარაუდობდა, რომ მისი წმინდა შემოსავალი დაახლოებით 1200 თუმანი უნდა ყოფილიყო; უღარებდა რა მას XIX ს. მიწურულს ყარსის სამღებროს, რომლის წმინდა შემოსავალი 336—504 თუმანი იყო და რომელშიც 10—12 ოსტატი და მუშა მუშაობდა, ასკვნიდა, რომ „ტფილისის სამღებრო XVIII საუკუნის უკანასკნელ მეოთხედში გაცილებით დიდი იყო, ვიდრე ყარსის სამღებრო XIX საუკუნის 90-იან წლებში. უკანასკნელი უფრო გორის სამღებროს უახლოვდებოდა“⁷⁷. თუ საიჯარო ფასის მიხედვით

⁷⁷ ნ. ბერძენიშვილი, დასახ. ნაშრ., გვ. 327.

ვიმსჯელებთ, თბილისის საწმლებრო გორისას 4-ჯერ აღმატებოდა, ამდენად ნ. ბერძენიშვილის ვარაუდი საკმაოდ ფრთხილია. წინამდებარე ნაშრომის ავტორმა თავის დროზე ვერ გამოიჩინა ამგვარი სიფრთხილე და სხვადასხვაგვარი მონაცემების შეჯერებით მან მოახერხა სავარაუდოდ „დაედგინა“, რომ თბილისის სამღებროში დასაქმებულ მუშაკეთა რაოდენობა 40—60 კაცს აღწევდა⁷⁸.

როგორც ირკვევა, თბილისის საწმლებრო XIX ს. პირველ ნახევარში და, ცხადია, XVIII ს. ბოლოსაც გაცილებით დიდ რაოდენობაში, გაცილებით პატარა იყო ყარსის ხსენებულ სამღებროზე, მასში შემსყიდველის მეთაურობით სულ დიდი 4—5 კაცი იყო დასაქმებული⁷⁹. ხოლო იმ პერიოდში, როცა სამღებროს იჭარა გაუცემელი იყო და მას ჩაზინა უწყვედა ექსპლუატაციას, ეს რიცხვი სამ კაცზეც კი ჩამოდიოდა. არ არის გამორიცხული, რომ ამ ხანებში ჩაზინის მხრიდან საკუთრივ ღებვა საერთოდ არ წარმოებდა და შემოსავალი სამღებროს გადასახადით განისაზღვრებოდა⁸⁰.

⁷⁸ მ. ს ა მ ს ო ნ ა ძ ე, დასახ. ნაშ., გვ. 72—73.

⁷⁹ სახაზრო ექსპედიციასთან დადებულ კონტრაქტში საგანგებოდ აღნიშნულია, რომ „შემსყიდველმა სამღებროში მუშაკები უნდა იყოლოს საკუთარ ხარჯზე და ასევე დუქნისათვის, სადაც აღნიშნული სამღებრო იქნება, შეპატრონეს საკუთარი ფული გადაუხადოს“ (სესია, ფ. 254, აღ. I, საქ. 349, ფურც. 32—35). სამღებროს ინვენტარი (ყოველ შემთხვევაში მისი გარკვეული ნაწილი) ხაზინის საკუთრებად მოჩანს. მაგალითად, 1805 წლის ცნობით თბილისის სამღებროში აღნიშნულია სახაზრო ინვენტარი: მომტრო ქვევრი—6, ქვევრი წყლის მოსაკაველად—1, დოქი საღებავის გადასატანად—1, რკინის ჩამჩა—1, ხის ნიჩაფი—3, სპილენძის ბრტყელი ქამი—1, დაწნული ჩამჩა—1, ხის ქამი, რომელშიც ნარმას ავლებდნენ—1, სატყეპელი—1. 1806 წელს ამას გარდა აღნიშნულია 5 თიხის ქამი საღებავის გასალესად, ტილოს ტომარა საღებავის მოსაკაველად და სხვ. (სესია, ფ. 254, აღ. I, საქ. 132, ფურც. 247). 1803—1804 წლებში, იმ დროს როდესაც სამღებრო ხაზინის ხელში იყო (ე. ი. როდესაც იგი იჭარით გაუცემელი დარჩა და მის ექსპლუატაციას ხაზინა ეწეოდა) აღნიშნულია სულ 3 თანამშრომელი—1 ოსტატი და 2 მუშა (სესია, ფ. 254, აღ. I, საქ. 34, ფურც. 51). აქვე მოსალოდნელია დარაქის არსებობაც. 1822 წლის ცნობით თბილისის სახაზრო სამღებროს შტატში მოხსენიებულია ზედამხედველი, ოსტატი და მუშა (სესია, ფ. 254, აღ. I, საქ. 704, ფურც. 178). 1825 წელს მისი შტატი ცოტა გაზარდილი მოჩანს. აღნიშნულია ზედამხედველი (сиделец). მღებარი და 2 მუშა (სესია, ფ. 254, აღ. I, საქ. 754, ფურც. 411). ზოგიერთ საბუთში ჩანს „იფერელი“, რომელსაც წყლის ზიდვისათვის გარკვეული რაოდენობის გასამრჭელის უხდიან, მაგრამ სავარაუდოა, რომ იგი შტატში კი არ ირიცხება, არამედ ჩვეულებრივი ქალაქის თულუხია, რომელსაც წყლის მოტანისათვის პერიოდულად უხდიან გასამრჭელის.

⁸⁰ ამ აზრს თითქოს ეწინააღმდეგება ის ფაქტი, რომ სამღებროს იჭარის გაუცემლობის დროსაც მის შტატში მღებავი ((Красильщик) ითვლება, მაგრამ თუ გავითვალისწინებთ, რომ საბა ტერმინ „მღებარს“ ასხევეებს „მღებავისაგან“ და პირველს

საიჯარო თანხის მიხედვით თბილისის შემდეგ ყველაზე დიდი ვორის სამღებრო იყო⁸¹. მაგრამ იმ პერიოდში, როდესაც სამღებროს ექსპლუატაციას ხაზინა საკუთარი ძალებით ეწეოდა, მასში სულ 3 კაცი იყო დასაქმებული—1 მეთვალყურე და 2 მუშა⁸². იმის გამო, რომ იჯარადარის ხელში აღნიშნულ სამღებროში შემოსავალი ორი გზით შენოდიოდა, საკუთრივ ღებვითა და ღებვის მოსაკრებით (საღებავის გაყიდვით), ხოლო, როგორც დავინახეთ, ხაზინის მიერ სამღებროს ექსპლუატაციის დროს მასში მღებავი საერთოდ არაა მოხსენიებული, შეიძლება ვივარაუდოთ, რომ ამ შემთხვევაში ხაზინა საკუთარი ძალებით ღებვას არც აქ აწარმოებდა და შემოსავალს მხოლოდ მოსაკრებით იღებდა⁸³.

შედარებით მოზრდილი საიჯარო თანხით გამოირჩევა, თუმცა ვორის და მით უმეტეს, თბილისის სამღებროს გაცილებით ჩამოუვარდება, დუშეთის სამღებრო. 1810 წ. საბუთით მასში 4 კაცია დასაქმებული—1 შემსყიდველი, რომელიც თვითონ მღებავი იყო და 3 მუშა (სამღებრო 2 კაცს ჰქონდა შესყიდული, მაგრამ წარმოებაში უშუალოდ მონაწილე მღებავი მხოლოდ ერთია)⁸⁴. სამღებრო სახაზინო შენობაში იყო მოთავსებული, მასში 3 ქვევრი იდგა. შემსყიდველები სამღებროს შენობის ხაზინის ხარჯით შეეკეთებას და იქ დამატებით 2 ქვევრის დადგმას ოთხოვდნენ, რაზედაც ხაზინა თანახმა იყო⁸⁵.

მაღალშემოსავლიან სამღებროთა რიცხვს შეეკუთვნებოდა ცხინვალის სამღებროც. 1806 წ. იგი მღვდელ სტეფანე სარქისაშვილის შენობაში იყო მოთავსებული, რისთვისაც შემსყიდველები მას წელიწადში 20 მანეთს უხდოდნენ⁸⁶. არაპირდაპირი მონაცემე-

უშუალოდ წარმოებაში მოქმედ პირად კი არა მიიჩნევს, არამედ საღებავის მცოდნე სპეციალისტად, ხოლო ხაზინის ფუნქციაში შედიოდა საღებავის შოვნა და მისი მომხმარებელზე გაყემა და მოსალოდნელია გაზავებაც, მაშინ ამგვარი წინააღმდეგობა მოიხსენება.

⁸¹ ნ. ბერძენიშვილი, დასახ. ნაშრ., გვ. 327.

⁸² სცსია, ფ.2, აღ. I, საქ.355, ფურც. 199; იქვე, საქ.1099, ფურც.28.

⁸³ საბუთი კატეგორიულად ასხვავებს მღებავს ჩვეულებრივი მუშაკისაგან, რაც არ იძლევა იმის საშუალებას, რომ ერთ-ერთი მუშაკის მიერ მღებრის ფუნქციის შესრულება წარმოვიდგინოთ. ამ ფუნქციის შესრულება არ შეეძლო სამღებროს ზედამხედველსაც.

⁸⁴ სცსია, ფ.254, აღ. I, საქ.220, ფურც.608.

⁸⁵ იქვე, ფურც.609.

⁸⁶ იქვე, საქ.132, ფურც.156.

ზით დგინდება რომ მასში სამი კაცი იყო დასაქმებული — 1 მღებავი და 2 მუშაკი⁸⁷.

ამავე დროს, ისეთ მცირე შემოსავლიან სამღებროშიც, როგორც არბოს სამღებრო იყო, ასევე 3 კაცი იყო დასაქმებული. იგი მოთავსებული იყო ქოხში და მის ინვენტარს მხოლოდ ქურა და პატარა ქვევრი შეადგენდა⁸⁸.

სრულიად აშკარაა, რომ სამღებროებს შორის საიჯარო ფასების შეტად დიდი განსხვავებულობის პირობებში დასაქმებულ პირთა რაოდენობა არსებითად ერთნაირი იყო და იგი 3—5 კაცს შორის მერყეობდა. ზემოთ მოტანილი მსჯელობის საფუძველზე აზგვარი განსხვავება ადვილი ასახსნელია. რაკი სახაზინო სამღებროებში იჯარის შემოსავალი განისაზღვრებოდა არა მარტო ღებვის ფასით, არამედ ღებვის გადასახადითაც, გასაგებია, რომ უშუალოდ შემსყიდველის ხელში არსებული წარმოება და მისი პერსონალი მხოლოდ ნაწილია სამღებროს საერთო მოცულობის და საერთო პერსონალისა, რომელშიც, როგორც ვნახეთ, ვაკარი-ძრე-წველები საკუთარი ძალებით ეწეოდნენ ღებვას. მაგრამ ამ შემთხვევაში განსხვავებული უნდა იყოს თვით სამღებროების მოცულობა, რომლის მთავარი ნიშანი მათში არსებული ქვევრების რაოდენობა იყო. მართლაც, როგორც ირკვევა, ამგვარი განსხვავება არსებობდა: თბილისის სამღებროში იყო 6 ქვევრი, დუშეთისაში — 3; არბოს სამღებროში — 1. ეს ასეა, მაგრამ როგორც აღნიშნული სამღებროების მონაცემების 1826—1829 წწ. ქვემოთ მოტანილი შედარება გვარწმუნებს, სამღებროთა მოცულობის (ქვევრების) შეფარდება ერთობ განსხვავდება მათი საიჯარო ფასების შეფარდებისაგან:

ცხრილი 20

სამღებრო	საიჯარო ფასი	დასაქმებული მუშე-ი	ქვევრების რაოდენობა	საშუალოდ 1 მუშეზე მან.	საშუალოდ 1 ქვევრზე მან.
თბილისის გორის	4115	4—6	6	1028—686	686
დუშეთის	600	3	—	200	—
არბოს	320	4	3	80	107
არბოს	8	3	1	27	80

⁸⁷ სცსია, ფ. 254, აღ. I, საქ. 132, ფურც. 156.

⁸⁸ სცსია, ფ. 90, საქ. 393, ფურც. 24; სცსია, ფ. 254, აღ. I, საქ. 869, ფურც. 1059.

თუ წარმოვიდგენთ რომ თბილისის სამღებროს მთელი შემოსავალი (1 ქვევრზე 686 მან.) აღნიშნული სამღებროს ფარგლებში წარმოების შედეგია, მაშინ უნდა ვალიაოთ, რომ ღუშეთის სამღებრო, სადაც 1 ქვევრზე შემოსავალი სულ 107 მანეთი მოდიოდა, და შით უმეტეს არბოს სამღებრო, სადაც შემოსავალი 1 ქვევრზე 60 მანეთი იყო, შესაბამისად სულ 16% და 14% დატვირთვით მუშაობდა. მაგრამ ეს ასე არ ყოფილა. ყოველ შემთხვევაში, ის ფაქტი, რომ, როგორც ზემოთ მოტანილი საბუთიდან ჩანდა, ღუშეთის სამღებროს შემსყიდველები ხაზინას საწარმოს გაფართოებას და იქ დამატებით 2 ქვევრის დადგმას თხოვდნენ, ხოლო ხაზინა ამაზე დათანხმებულა, იმაზე მიუთითებს, რომ აღნიშნული სამღებრო გადატვირთული იყო და იგი მოზღვავებული საქონლის დამუშავებას ვერ აუდიოდა. ასეთივე მდგომარეობა იყო თბილისის სამღებროშიც. ამას საგანგებო ახსნა სჭირდება, რასაც მნიშვნელოვნად გაადვილებს სამღებროების იჯარის იმ წესის გარკვევა, რომელიც კახეთსა და ქვემო ქართლში არსებობდა.

ე) სამღებროების იჯარა კახეთსა და ბორჯომში. კახეთში არსებული ყველა სახაზინო სამღებრო ერთად გაიციმოდა იჯარით. სულ ითვლებოდა 46 სამღებრო — 17 სიღნაღის მაზრაში, 29 თელავის მაზრაში⁸⁹. თუმცა, როგორც ირკვევა, ეს რაოდენობა სრული არასდროს არ ყოფილა. ზოგიერთ საბუთში კახეთის სამღებროს იჯარა მოხსენიებულია როგორც „კახეთის 46 სოფელში აქაური მხარის სხვადასხვა ნაწარმა ლებვის პრევილგეისათვის ხაზინის კუთვნილი ბაჟის მოსაყრები“⁹⁰. აღნიშნული იჯარა რუსული ხელისუფლების დამყარებამდე მარიამ დედოფლის მონაპოლიაში შედიოდა, ამიტომ რუსულ საბუთებშიაც იგი ხშირად მარიამისეულად მოიხსენიება⁹¹.

როგორც ითქვა, კახეთის ყველა სამღებრო ერთად გაიციმოდა იჯარით, მაგრამ მთავარი შემსყიდველი ცალკეული მათგანის ექსპლუატაციას თვითონ კი არ ეწეოდა, არამედ თავის მხრივ აღნიშნულ სამღებროებს თითოს, ან ზოგჯერ რამდენიმეს ერთად ცალკეულ პირებზე გასცემდა. თუ როგორი ურთიერთობა მყარდებოდა ხაზინას, მთავარ მოიჯარესა და ცალკეულ მოიჯარეებს შორის, ამაზე პირდაპირი ცნობები ჯერჯერობით არ ჩანს, მაგრამ ამ ურთიერ-

⁸⁹ სცსია, ფ. 254, აღ. I, საქ. 34, ფურც. 19.

⁹⁰ სცსია, ფ. 2, აღ. I, საქ. 1099, ფურც. 83.

⁹¹ სცსია, ფ. 254, აღ. 1, საქ. 54, ფურც. 184.

თობის ხასიათის გარკვევაში შეიძლება წარმოდგენა შეიქმნას იმ ვითარების გათვალისწინებით, რაც მყარდებოდა იმ ხანებში, როცა სამღებროების იჯარა მთავარ მოიჯარეზე გაუყემელი რჩებოდა და მას ხაზინა პატრონობდა.

1822—1826 წლებში აღნიშნული იჯარა 3525 მანეთად იყო გაცემული⁸². 1826 წლიდან შემდეგი საიჯარო ვადის განმავლობაში, რაც ტრადიციით 4 წელს შეადგენდა, იჯარა გაუყიდავი ღირსება და მისი მეთვალყურეობა კახეთის დისტანციის კომისარს დაევალა. იგი შეეცადა ცალკეული სამღებროები სათითაოდ გაეცა იჯარით, როგორც ამას შემსყიდველები აკეთებდნენ, მაგრამ ყველა მათგანის იჯარით გაცემა არ მოხერხდა. როგორც ირკვევა, მთავარ შემსყიდველებს უფლება ჰქონდა სამღებროთა საერთო რაოდენობაში თავისი სურვილისამებრ ცვლილებები მოეხდინა: ზოგი მათგანი შეერთებია, თუ საჭიროდ მიიჩნევდა, ზოგი კი გაუქმებინა და ა. შ. უნდა განვმარტოთ, რომ გაუქმება აქ (ისევე როგორც საბუთებშიც) პირობითაა ნახმარი. კახეთში ხაზინას არ ჰქონია სამღებროს არც ერთი შენობა და არავითარი ინვენტარი. ყველაფერს ამას შემსყიდველი კერძოდ ქირაობდა⁸³. ამრიგად, შემსყიდველს შეეძლო სოფელთა გარკვეული ჯგუფიდან, რომელშიც ტრადიციულად ხაზინას ლურჯი ფერის სამღებროები ჰქონდა, ერთი რომელიმე ამოერჩია და იქ მოეწყო სამღებრო, გასცემდა რა მას ცალკე შემსყიდველზე, ან ზოგიერთ სოფელში საერთოდ არ მოეწყო. ასე მოქცეულან ის შემსყიდველები, რომელთაც იჯარა 1822—26 წლებში ჰქონდათ და მათ ხელში სიღნაღის მაზრაში არსებული 17 სამღებროს ნაცვლად (არბოშიკის, შირხანის, პრასიანის, მაჩხაანის, ჯუგანის, სიღნაღის, მალაროს (ანავის), ველისციხის, კარდანახის, ბაკურციხის, ჩალაუბნის, ვეჯინის, ფხოველის, ზიარის, კადალის,) მხოლოდ 12 სამღებრო მოქმედებდა. საბუთში მითითებულია, რომ არ მოქმედებდა სიღნაღის, მალაროს, ანავისა და ველისციხის სამღებროები⁸⁴. არის საფუძველი, რომ აღნიშნული ცნობის სისწორეში ექვი შევიტანოთ, რადგან სწორედ აღნიშნულ პუნქტებში საფეიქრო წარმოება ყველაზე მაღალგანვითა-

⁸² სცსია, ფ. 254 აღ. I, საქ. 925, ფურც. 202.

⁸³ სცსია, ფ. 254, აღ. I, საქ. 925, ფურც. 198.

⁸⁴ სცსია, ფ. 254; აღ. I, საქ. 925, ფურც. 199.

რებული იყო და უნდა ვიფიქროთ, მთავარმა შემსყიდველმა ისინი ცალკეულ შემსყიდველებზე კი არ გასცა, არამედ როგორც ყველაზე შემოსავლიანები, თავის გამგებლობაში დაიტოვა. სწორედ ასე მოიქცა ხაზინაც. საბუთის რწმუნებით ყორღანოვმა აღადგინა აღნიშნული 4 სამღებრო, გარდა ამისა, არბოშიკის, მირზაანის, მაჩხაანის და ჯუგაანის სამღებროები შეუერთა პრასიანის სამღებროს და ისინი (სულ 5 სამღებრო) ხაზინის გამგებლობაში დატოვა. დანარჩენი 7 სამღებრო კი იჯარით გასცა ცალკეულ შემსყიდველებზე⁹⁵. არსებობს არაერთი საბუთი, რომელიც სახაზინო გამგებლობაში დატოვებული ამ 5 სამღებროზე გაწეულ ხარჯებს ასახელებს⁹⁶, რაც საშუალებას იძლევა წარმოდგენა შეიქმნას საერთოდ კახეთის სამღებროებზე. ცალკეულ სამღებროში დასაქმებული ჩანს 3—4 კაცი. სამღებროები ნაჭირავებ შენობებში იყო მოწყობილი. სამღებროს ძირითადი ხარჯები ასეთია:

ცხრილი 21

სამღებრო	ოსტატის ქირა მან.	ოსტატის თანაშემწის ქირა მან.	მუშის ქირა მან.	ზღაპმდველის (სოქრის) ქირა	ფარდულის ქირა
სიონლის	60	40	16	72	12
პრასიანის	60	35	15	48	8
შალაროს	50	25	—	60	10
სიონლის	60	40	—	50	5
ველისციხის	60	—	15	72	8

ამას გარდა, ვასავალში გათვალისწინებული პერსონალის კვების, საღებავისა და სხვა მრავალი ხარჯი. ამავე ხანებში თელავის მთავრის სამღებროებიდან ხაზინამ ცალკეულ შემსყიდველებზე გასცა 15 სამღებრო, აქედან ზოგიერთ სამღებროს ფასი დაჯუფებულადაა აღნიშნული (ტურისციხის და ჭინჭრიანის — 56 მან.; თელავისა და ორთოზანის — 302 მან.; ენისელოს, საბუთის და შაქრიანის — 60 მან.), რაც იმით უნდა იყოს გამოწვეული, რომ ისინი სამმა შემსყიდველმა აიღო ჯგუფ-ჯგუფად. ასე რომ, 15 სამღებროს 10 ცალკეული შემსყიდველი ჰყავდა. იქვე აღნიშნულია,

⁹⁵ სესა, ფ. 254, აღ. I, საქ. 925, ფურც. 199.

⁹⁶ იქვე, ფურც. 201.

რომ ორი სამღებრო (მატაანისა და ქისტაურის) უმოქმედო ყოფი-
ლა⁹⁷. რა ბედი ეწია თელავის მაზრის დანარჩენ სამღებროებს, უც-
ნობია. მაგრამ ამჯერად ეს არ არის მთავარი. მთავარი წარმოების
ხასიათის გარკვევაა.

როგორც ვნახეთ, სამღებროს ძირითადი პერსონალი ოსტატი
და ნოქარია. თანაშემწემ და მუშაკმა შეიძლება ერთმანეთი შეეცუ-
ლონ. მაგრამ გარდა ამისა, იჯარაში შემავალი ყველა სამღებროს-
თვის არსებობდა კიდევ მთავარი ოსტატი, რომელიც ხელფასს
სახით 120 მანეთს იღებდა და რომლის მოვალეობასაც თურმე
წარმოების საერთო ზედამხედველობა შეადგენდა: ყველა სამ-
ღებროებას მთავარი ოსტატი... მოვალეა თავისი ცხენით იაროს
სხვადასხვა ადგილებში, რათა გამოასწოროს საღებავი სამღებრო-
ებში მისი გაფუჭების შემთხვევაში, იშოვოს საღებავი, საიდანაც
რიგია და შეკრიბოს შემსყიდველთაგან თანხა⁹⁸. აღნიშნული ამო-
წერის შინაარსი შეიძლებოდა ისე გაგვეგო, რომ მთავარი ოსტა-
ტის ფუნქცია ხაზინის განგებლობაში დარჩენილი 5 სამღებროს
ხელმძღვანელობა (მეთვალყურეობა) და შემსყიდველთაგან საიჯარო
თანხის აკრებაა. მაგრამ, როგორც ჩანს, ეს ასე არ ყოფილა. ჩქა-
რა განიორკვა, რომ აღნიშნული მთავარი ოსტატი (გოგია ყარაჯევი)
„ფულის აკრებისას, მღებრებზე საკუთარი საღებავის გასაღებასაც
ეწეოდა“, რისთვისაც იგი დაკავებული თანამღებრობიდან გაათავი-
სუფლეს⁹⁹. რაკი მთავარი ოსტატის მოვალეობა იჯარით გაცემული
ცალკეულ სამღებროთაგან თანხის აკრება იყო, აშკარაა, რომ სა-
კუთარ საღებავს იგი სწორედ იჯარით გაცემული სამღებროების
მღებრებზე ასაღებდა. მაგრამ თუ სამღებრო იჯარითაა გაცემული,
და მასზე აღებულია მოთხოვნილი ფასი, მაშინ მოიჯარეებს სრული
უფლება უნდა ჰქონოდათ საღებავი სადაც ზურდათ იქ. შეეძინათ.
როგორც ჩანს, ეს ასე არ იყო.

1826 წელს, როდესაც ირკვეოდა კახეთის სახაზინო სამღებ-
როების შემოსავლის შემცირების საკითხი, ერთ-ერთი არგუმენტად
ის იყო დასახელებული, რომ იჯარით გაცემულ სამღებროებში ეს
ორი წელია შავად ღებვა შემოიღეს, რაც სახაზინო შემოსავალს
მნიშვნელოვან ზიანს აყენებს¹⁰⁰. სხვა საბუთში მითითებულია,

⁹⁷ სესია, ფ. 254, აღ. I, საქ. 925, ფურც. 199.

⁹⁸ სესია, ფ. 254, აღ. I, საქ. 926, ფურც. 982.

⁹⁹ სესია, ფ. 254, აღ. I, საქ. 962, ფურც. 373.

¹⁰⁰ სესია, ფ. 254, აღ. I, საქ. 925, ფურც. 199.

რომ შავად ლებვა სამღებროების ყოფილმა მთავარმა შემსყიდველებმა საკუთარი მოგების გაზრდასთვის შემოიღეს და გამოთქმულია აზრი, რომ ამის შემდეგ შავად ლებვა უნდა წარმოებდეს მხოლოდ იმ სამღებროებში, რომლებიც ხაზინის უშუალო გამგებლობაშია¹⁰¹ (იგულისხმება იჯარით გაუცემელი 5 სამღებრო). როგორც ჩანს, ხაზინა და, შესაბამისად მთავარი შემსყიდველი, როცა სამღებროები მთლიანად იყო გაცემული ცალკეული სამღებროების უშუალო მწარმოებლებზე, იჯარით გაცემის შემთხვევაში მას მხოლოდ ლებვის პრივილეგიას გადასცემდა, ხოლო საღებავის გაყიდვის მონოპოლია ხაზინის ან მთავარი შემსყიდველის ხელში რჩებოდა. სწორედ ამიტომ მთავარ ოსტატს (რომელსაც სამღებროების მთლიანად გაცემის შემთხვევაში ძირითადი შემსყიდველი ქირაობდა) ვეალებოდა არა მარტო საიჯარო ფულის აკრება, არამედ საღებავის შექმნა და აღნიშნული საღებავით სამღებროების ნომარაგებაც. ე. ი. მთავარი შემსყიდველი (ან ხაზინა, როცა გაუცემელი იყო) ცალკეულ შემსყიდველს იჯარით აძლევდა შენობავლის მხოლოდ ერთ ნაწილს, მეორეს კი თვითონ იტოვებდა.

ეს რომ ნამდვილად ასე უნდა ყოფილიყო, ამას შემდეგი ფაქტი ადასტურებს: არის შესაძლებლობა სხვადასხვა საბუთებით მიახლოებით დადგინდეს მთავარი შემსყიდველის მიერ იჯარით ცალკეულად გაცემულ სამღებროთა ფასები, მთლიანად მათი ოდენობა 1824 წელს არ აღემატებოდა 2330 მანეთს, მაშინ როდესაც თვით ძირითად მოიჯარეს ეს სამღებროები ხაზინისაგან 3525 მანეთად ჰქონდა მიღებული. ეს თანხა მას ხაზინაში უნდა შეეტანა, ნაგრამ გარდა ამისა საჭირო იყო უამრავი ხარჯის გასტურება და მოიჯარეს მოგებაც უნდა დარჩენოდა. როგორც ჩანს, ამ დეფიციტს დაფარვა სამღებროს იჯარის შემოსავლის მეორე წყაროდან, საღებავის გაყიდვიდან (მომატებულ ფასად გაცემით) ხდებოდა.

ამრიგად, განხილული მასალის საფუძველზე სამღებროს იჯარა კახეთში შემდეგნაირად წარმოგვიდგება: შემსყიდველი (ხშირად ორი-სამი კაცისგან შედგენილი კომპანია) საჯარო ვაჭრობის წესით მიიღებდა აღნიშნულ იჯარას. ხაზინა და შემსყიდველს შორის ფორმდებოდა კონტრაქტი, რომელშიც ჩამოყალიბებული იყო შემსყიდველის უფლება-მოვალეობები. ამის შემდეგ მთავარი შემსყიდველი სამღებროს ან შეიძლება სამღებროთა ჯგუფს თავის მხრივ იჯარით აძლევდა ცალკეულ შემსყიდველებს, რაც აღნიშნუ-

¹⁰¹ სესია, ფ. 254, აღ. I, საქ. 926, ფურც. 982.

ლი სამღებროს ტერიტორიული მონოპოლიის ფარგლებში ღებვის (მოსალოდნელია სასაქონლო სახის საფეიქრო ნაწარმის) პრივილეგიას წარმოადგენდა, ხოლო მათი საღებავით მომარაგების საქმეს და გარკვეულად ღებვის ტექნოლოგიაში ჩარევის უფლებას (სამღებროებში საღებავის გაფუჭების შემთხვევაში მისი გამოსწორება და სხვ.) თავის ხელში იტოვებდა. მიჰყიდდა რა მათ საღებავს „ზოზიერად მომატებულ“ ფაში, ამით მნიშვნელოვან მოგებას იღებდა, რაც მისი შემოსავლის ძირითადი წყარო უნდა ყოფილიყო. ცხადია, არ არის გამორიცხული აღნიშნული წესიდან ცალკეული გადახვევებიც. მაგალითად, ზოგიერთ შემთხვევაში ცალკეულ ნოიჩარეებზე საღებავის გაყიდვს პრივილეგიის გადაცემაც ცალკეული სამღებროს ტერიტორიული მონოპოლიის ფარგლებში შესაძლებელია ამგვარი: გადახვევებმა 20-იანი წლების ბოლოსა და 30-იანი წლების დასაწყისში იმატა.

ისევე როგორც კანეთის სამღებროები, „ბორჩალოსა და გატეხილი ზიდის ზევით არსებული“ სახაზინო სამღებროებიც ერთად გაიქცემოდა იჯარით. საბუთებში მითითებულია, რომ იჯარით გაიქცემა „ბორჩალოს დისტანციასა და გატეხილი ზიდის ზევით არსებული სახაზინო სამღებროები; სახელდობრ: დიდ მულანლოში — 1; ბორჩალოში — 2; შულავერში — 1, კოლაგირში — 1 და ბოლნისში — 1 და ბორჩალოს დისტანციაში სხვადასხვა მცხოვრებთა — 7“¹⁰². უფრო მოგვიანებით (1811 წ.) საბუთში ამ რიცხვს დამატებული აქვს კოშაკლისის სამღებრო¹⁰³.

სახაზინო სამღებროებში „ბორჩალოს სხვადასხვა მცხოვრებთა 7 სამღებროს“ მოხსენიება განმარტებას მოითხოვს. როგორც ირკვევა, კანეთის ვითარებისაგან განსხვავებით, ამ რეგიონში სამღებროთა შენობების და ინვენტარის ნაწილი ხაზინის საკუთრებას შეადგენდა. ეს სწორედ ის სამღებროებია, რომლებიც ცალ-ცალკეა ჩამოთვლილი. ამაჲ კონტრაქტებში შეტანილი შემდეგი საგანგებო მუხლი აღსატურებს მოიჯარემ „სადაც სახაზინო სამღებრო არის მიიღოს აღწერით... და შეინახავს რა მათ გამართულად, შეკეთებულად დახარჯავს საკუთარ თანხას... თუკი რომელიმე ადგილას სახაზინო სამღებრო არ არის, დაიქირავება მცხოვრებლებისაგან ნებაყოფლობით ფაჲად“¹⁰⁴. აშკარაა, რომ აღნიშნულ საბუთში

¹⁰² სესია, ფ. 2, აღ. 1, საქ. 355, ფურც. 217.

¹⁰³ იქვე, ფ. 254, აღ. 1, საქ. 257, ფურც. 115.

¹⁰⁴ იქვე, საქ. 385, ფურც. 99.

ლაპარაკია კონკრეტულ სამღებროებზე და არა ლებვის პრივილეგიაზე. რადგან ყველა იმ სოფელში რომელშიც ხაზინას ლებვის პრივილეგია ეკუთვნოდა, მას სამღებროს შენობა და ინვენტარი არ გააჩნდა, ბორჩალოში კი ამგვარი შენობა ორი ჰქონია. ამდენად, იმ სოფლებში, სადაც ლებვის პრივილეგია აქვს, მაგრამ სახაზინო შენობა არ არსებობს, შემსყიდველმა იგი უნდა დაიჭირავოს.

თბილისის, კახეთისა და სხვათაგან განსხვავებით, აქ სამღებროს იჯარის კონტრაქტში არ შექმონდათ საგანგებო მუხლი იმის თაობაზე, რომ შემსყიდველმა უნდა შეიძინოს საღებავი, დაიჭირავოს მღებარი, აწარმოოს ლებვა და მიიღოს შემოსავალი და ა. შ. აქ კონტრაქტებში, მას შემდეგ, რაც ჩამოთვლილია თუ სხვადასხვა სახის ქსოვილების სხვადასხვა ტონალობით შეღებვაში რა ფასი უნდა აიკრიფოს, მხოლოდ ისაა მითითებული, რომ შემსყიდველმა უნდა „ააღოს ეს მოსაკრეფი თავისი მუშაყებით, და არ გამოორიცხოს ისინი, ვინც ყოფილი... ქართველი შეფეების სიგელებით... აქამდე თავისუფალი იყვნენ“¹⁰⁵. ეს იმის მაჩვენებელი უნდა იყოს, რომ „ბორჩალოს დისტანციასა და გატეხილი ხიდის ზევით არსებული“ სამღებროების ძირითადი შემსყიდველი უფრო მეტად იყო ჩამოცილებული უშუალოდ წარმოებას, ვიდრე ამას ადგილი ჰქონდა კახეთის სამღებროებში. ცხადია, ეს არ გამოორიცხავს იმის შესაძლებლობას (და ამის მაგალითიც არსებობს), რომ ძირითად შემსყიდველს, თავის მხრივ გასცემდა რა ცალკეულ სამღებროებს, ძჯარით თავის გამგებლობაში დაეტოვებინა ერთ-ერთი მათგანი და იქ უშუალოდ თვითონ ეწარმოებინა ლებვა.

ძნელია დაბეჭითებით იმის დადგენა, თუ როგორ და რა პირობით ხდებოდა ცალკეული სამღებროების ცალკეულ საქმოსნებზე გადაცემა. როგორც ვნახეთ, კახეთში ეს საიჯარო ფასის გადახდევინებით ხდებოდა. ამგვარი მაგალითები ამ შემთხვევაშიც არის, მაგრამ რატომღაც ყველა საბუთი, რომელიც ამ რეგიონში ცალკეული შემსყიდველის მიერ სამღებროს იჯარით აღებას ადასტურებს, 1831 წლით და მისი შემდგომი ხანით თარიღდება¹⁰⁶. იქნება ეს გარემოება მასალის სინაკლულის ბრალია, მაგრამ ისიც შესაძლებელია, რომ ამ პერიოდში ტრადიციულად არსებულმა წესმა რაიმე ცვლილება განიცადა. ყოველ შემთხვევაში 1831 წლამდე და შემ-

¹⁰⁵ სესია, ფ. 254, აღ. I, საქ. 385, ფურც. 100.

¹⁰⁶ სესია, ფ. 254, აღ. I, საქ. 1208, ფურც. 63—64; იქვე, საქ. 1209, ფურც. 228; იქვე, საქ. 1213, ფურც. 322.

ღეგაც მთავარი შემსყიდველები ცალკეულ სამღებროებს გადასცემდნენ ცალკეულ საქმოსნებს, რომლებიც თავის მხრივ იღებდნენ სამღებროს კუთვნილ მოსაკრებს და მას (მის ნაწილს?) პერიოდულად ძირითად შემსყიდველს აძლევდნენ. მაგალითად, 1822 წლის ერთ-ერთ საბუთში შემსყიდველები აცხადებენ, რომ გარკვეული პერიოდის განმავლობაში „შეკრებილი საიჯარო თანხა მათთანაა, ვისაც ბორჩალოს სხვადასხვა მცხოვრებთა სამღებროები უჭირავთო“¹⁰⁷. გაუგებრობის თავიდან ასაცილებლად უნდა აღვნიშნოთ, რომ როგორც ითქვა, იმ ადგილებში, სადაც ხაზინას სამღებროებისათვის საკუთარი შენობები და იარაღი არ ჰქონდა, შემსყიდველი მათ ბორჩალოს სხვადასხვა მცხოვრებლებისაგან ქირაობდა. ასე რომ, მოტანილ ამონაწერში სწორედ მათზეა საუბარი. ამ ამონაწერის მიხედვით შეიძლებოდა წარმოგვედგინა, რომ იჯარით სწორედ ის სამღებროები გაიცემოდა, რომლებსაც საკუთარი შენობა და ინვენტარი არ გააჩნდათ, მაგრამ უფრო გვიანდელ (1831 წ.) საბუთებში, სადაც სამღებროთა ცალკეულად იჯარით გაცემაზეა ლაპარაკი, ამ კატეგორიის სამღებროთა შორის ისინიც შიონხენიებიან, რომლებიც სახაზინო შენობაში იყვნენ მოთავსებული. იმავე ხანების სხვა საბუთში შემსყიდველები ჩივიან ვინავე პეტრუზ მხითაროვზე, რომელმაც, მათი თქმით, „ბოროტად გამოიყენა შემსყიდველთა წილი მღებრებრისაგან ბაჟის აღების თაობაზე და მიითვისა მის მიერ შეკრებილი შემოსავალი“¹⁰⁸. საქმის შემდეგი შინაარსიდან ირკვევა, რომ აღნიშნული მხითაროვი თავის დროზე პრეტენზიას აცხადებდა „ბორჩალოს... სამღებროების იჯარის“ შესყიდვაზე, მაგრამ საჯარო ვაჭრობაში დამარცხდა. როგორც მისივე განცხადებიდან ჩანს შემდგომში მას მოლაპარაკება გაუშართავს შემსყიდველებთან და მათგან გამოუსყიდია იჯარის ნაწილი, რის საფუძველზეც შულავერის სამღებროში მნიშვნელოვანი საშენებლო სამუშაოები ჩაუტარებია¹⁰⁹. ამდენად იგი ცალკეულ შემსყიდველად კი არა, უფრო ძირითად შემსყიდველთა კომპანიონად უნდა იქნას მიჩნეული. უფრო გვიან კი მან საერთოდ გამოიწყადა აღნიშნული იჯარა.

აშკარა ის არის, რომ აღნიშნულ სამღებროში ლეგვას აწარმოებენ დამოუკიდებელი მღებრეები, უფრო სწორად, დამოუკიდე-

¹⁰⁷ სცსია, ფ. 254, აღ. I, საქ. 705, ფურც. 532—533.

¹⁰⁸ სცსია, ფ. 254, აღ. I, საქ. 704, ფურც. 561.

¹⁰⁹ იქვე.

ბელი საქმოსნები, რომლებიც შეიძლება მღებავიც იყვეს და ვაჭარი მწარმოებელიც, რომელსაც მღებავი ჰყავს დაქირავებული, რისთვისაც შემსყიდველს სათანადო გადასახადს — ბაჟს უხდიან. ამას, გარდა ცალკეული ზაპიათი მინიშნებებისა, აშკარად ადასტურებს ის საბუთი, რომელშიც შემსყიდველი ჩივის 3 თბილისელ მღებავზე, რომლებსაც ბორჩალოს სამღებროებში თავიანთი საქონლის შეღებვისათვის შემსყიდველის ვალი დაედოთ. არსებული მასალა არ იძლევა იმის საშუალებას, რომ დადგინდეს თუ კონკრეტულად რა წესით ხდებოდა აღნიშნული ბაჟის აკრეფა, მაგრამ არ არსებობს იმის საფუძველი, რომ ეს წესი პრინციპულად განსხვავებულად წარმოედგინოთ კახეთში არსებული ტრადიციისაგან და ექვი არ არის, აქაც იგი ძირითადად საღებავის ფაქში გამოიხატებოდა.

ყოველივე ზემოთ ნათქვამის საფუძველზე შეიძლება დავასკვნათ: 1. კახეთის სამღებროების იჯარაში ურთიერთობის წამყვანი ფორმა იმაში მდგომარეობს, რომ ძირითადი შემსყიდველი სამღებროებს ურიგებს ცალკეულ შემსყიდველებს და მათგან ორბაგ შემოსავალს იღებს: ა) ღებვის პრივილეგიური უფლებისათვის — ლიჯარო ფასს და ბ) ღებვის გადასახადს — რაც მათზე საღებავის ჰომატებული ფასით მიყიდვაში გამოიხატება.

2. მოსალოდნელია, რომ თავის მხრივ ცალკეული შემსყიდველები ყოველთვის უშუალოდ თვითონ კი არ აწარმოებენ ღებვას, არამედ სათანადო გასამრჩელო სათვის იჯარით აღებულ სამღებროში ამის ნებას აძლევენ დამოუკიდებელ მღებრებს, ან ვაჭარი მწარმოებლების მიერ დაქირავებულ მღებრებს. აქედან ღებვის ფაქის განსხვავება ვაჭარ-მრეწველებისათვის და „გარეშე“ პირთათვის, რასაც შეტ-ნაცლები ზომით ადგილი აქვს აღმოჩნდეს საქართველოს ყველა იჯარით გაცემულ სახაზინო სამღებროში.

3. უკანასკნელი მომენტი განსაკუთრებით აშკარად ჩანს ბორჩალოს დისტანციასა და გატეხილი ხიდის ზევით არსებული სამღებროების იჯარით გაცემის წესში. აქ უნდა ვიფიქროთ, წარმოების წამყვანი ფორმა დამოუკიდებელ მღებრებზე (საქმოსნებზე, ვაჭარ-მრეწველებზე) საიჯარო სამღებროში ღებვის უფლების მიცემა იყო. მართალია, დასტურდება მთავარი მოიჯარის მიერ ცალკეული სამღებროს კერძო პირებზე იჯარით გაცემის პრაქტიკაც, მაგრამ არსებული მასალა ამ ფორმის გავრცელებას არ ადასტურებს.

ვ) სამღებროთა ტერიტორიული მონოპოლია და სამღებროთა რაოდენობა. რაკი ასე თუ ისე

გაირკვა კახეთისა და ქვემო ქართლის სამღებროების იჯარით გაცემისა და ექსპლუატაციის წესი, შეიძლება გაგრძელდეს შეწყვეტილ მსჯელობა სამღებროების მოცულობისა და მათი საიჯარო ფასის შეფარდების შესახებ. როგორც ვნახეთ, ეს შეფარდება ერთობ განსხვავებული იყო: თუ თბილისის სამღებროს 1 ქვევრზე 686 მანეთი მოდიოდა, დუშეთში ეს თანხა შეადგენდა 107 მანეთს, არბოში კი 80 მანეთს.

საფეიქრო წარმოების აღმავლობას უნდა გაეძლიერებინა საიჯარო სამღებროთა რაოდენობრივი და თვისებრივი ზრდის ტენდენცია. მაგრამ, როგორც ვნახეთ ლურჯად ლებვის საქმის მონოპოლია რაოდენობრივ ზრდას შეუძლებელს ხდიდა. ცალკეული სამღებროს მოცულობის ზრდას კი აბრკოლებდა აღნიშნული მონოპოლიის არსებული იჯარა-შესყიდვის წესი: მოიჯარე არ იყო დაინტერესებული სამღებროს გაფართოებით, მასზე დამატებითი ხარჯების გაწევით, რადგან იჯარა მას დროებით ექირა, ხაზინას კი სამღებროს შენობები და ინვენტარი უმრავლეს შემთხვევაში საერთოდ არ ეკუთვნოდა და მათ მოწყობაზე თუ გაუნჯობესებაზე თავს არც იწუხებდა, რადგან იჯაროდან იგი გარკვეულ შემოსავალს მაინც იღებდა. მაგრამ ამ თითქოსდა დაჩიხული მდგომარეობიდან რაღაც გამოსავალი მაინც უნდა ყოფილიყო, სხვაგვარად ვერ აიხსნება ის უდავო ფაქტი, რომ თბილისის სამღებროს შემოსავალი, რომელშიც, როგორც ვნახეთ. 6 ქვევრი იდგა, გაცილებით მეტი იყო ვიდრე ერთად აღებული კახეთის ყველა სამღებროს შემოსავალი, რომლებშიც სულ ცოტა 46 ქვევრი მაინც იდგა.

საქმე შემდეგშია. როგორც ჩანს, იჯარით გაცენა ითვალისწინებდა არა კონკრეტულ სამღებროს, არამედ გარკვეულ რეგიონში (გარკვეული ტერიტორიის ფარგლებში) ლურჯად ლებვის მონოპოლიას (ან ლურჯი საღებავის მოხმარების მონოპოლიას). ამიტომ მოიჯარე საფეიქრო წარმოების მოთხოვნილების შეებაამისად თვითონ წყვეტდა რაპდენი კონკრეტული სამღებრო (დუქანი, სახელოსნო) იყო საჭირო მისი იჯარის ტერიტორიული მონოპოლიის ფარგლებში და შესაბამისად იმდენს ქირაობდა, ან ზოგჯერ აწყობდა კიდევ მსუბუქი ტიპის ფარდულეებს. სიღნაღის მაზრის კაპიტან ანდრეასის 1803 წლის პ. ციციანოვისადმი გაგზავნილი პატაკიდან აშკარად ჩანს, რომ მისდამი რწმუნებული მაზრის ზოგიერთ სოფელში მოაჯარეთა გამგებლობაში ზოგჯერ რამდენიმე დუქანი იყო და რომ მოიჯარეს უფლება ჰქონდა თავის სურვილისამებრ 3 დუქნის ნაცვლად ემუშავებინა ერთი ან ერთი დუქნის

ნაცვლად მოეწყო სამი¹¹⁰. ზევით მოტანილი მაგალითიდან დავინახეთ, რომ ბორჩალოს სამღებროს მოიჯარემ აქ რამდენიმე დუქანი მოაწყო, რაზედაც მნიშვნელოვანი თანხა დახარჯა¹¹¹. არის ცნობა, რომ გორის სამღებრო ორ დუქანში იყო მოწყობილი¹¹². ამგვარი მაგალითი სხვაც არაერთია.

რაკი ვიცთ, რომ სამღებროთა პერსონალი ჩვეულებრივ 3—4 კაცისაგან შედგებოდა, ხოლო ამ ძალებით რამდენიმე სამღებროს ექსპლუატაცია შეუძლებელია, სრულად ლოგიკურია ვარაუდი, რომ შემსყიდველი, რომელსაც განგებლობაში რამდენიმე კონკრეტულ სამღებრო დუქანი ჰქონდა, მათ ლეგვის წარმოების მსურველებს ურიგდება გარკვეულ საფასურად. ე. ი. ფაქტიურად იქმნებოდა იგივე ვითარება, როგორც ეს იყო კახეთის სამღებროებში. მხოლოდ იმ განსხვავებით, რომ იქ ცალკეულ სამღებროს მონოპოლიის თავისი გარკვეული რეგიონი ჰქონდა (სოფელი, ან რამდენიმე სოფელი), რომელსაც ის ემსახურებოდა¹¹³. აქ კი იგივე სურათი იქმნება ერთი გარკვეული რეგიონის ფარგლებში. ამრიგად მოიჯარეს შეეძლო ჰქონოდა ერთი სამღებრო, რომელსაც იგი თავისი ძალებით ამუშავებდა, ხოლო დანარჩენ (ნაქირავებ ან მოწყობილ) დუქანებში იგი სხვებს აძლევდა მუშაობის საშუალებას მუდმივად ან პერიოდულად¹¹⁴, ერთი სიტყვით, აქირავებდა. თუ ყველაფერი ასეა, მაშინ სრულად ლოგიკურია ვიფიქროთ, რომ მოიჯარე გარკვეული გასამრჩელოს საფასურად ცალკეულ მრეწველებს ნებას აძლევდა ლურჯად ლეგვა თავიანთ კერძო სამღებროებში ეწარმოებინათ; როგორც ჩანს, ეს ასეც ხდებოდა.

კონტრაქტებში სხვადასხვა ფორმით საგანგებო პუნქტი შეჰქონდათ იმის შესახებ, რომ, თუ სამღებროს ტერიტორიული მონოპოლიის ფარგლებში ადგილი ექნება „რაიმე საგნების უნებართვო ლეგვას“¹¹⁵, მის აღსაკვეთად ხაზინამ საგანგებო ზომები უნდა მიიღოს და ა.შ. ნებართვის მიცემის უფლება კი მოიჯარის კომპეტენციაში შედიოდა. 1831 წელს დუშეთის სამღებროს შემსყიდ-

¹¹⁰ სცსია, ფ. 2, აღ. 1, საქ. 51, ფურც. 163.

¹¹¹ სცსია, ფ. 254, აღ. I, საქ. 704, ფურც. 561.

¹¹² სცსია, ფ. 254, აღ. I, საქ. 655, ფურც. 461.

¹¹³ სცსია, ფ. 254, აღ. I, საქ. 257, ფურც. 115.

¹¹⁴ 1830—1832 წლებში დუშეთის სამღებრო გაუცემელი დარჩა და ხაზინა შემოსავლის იმით იღებდა, რომ მას თვეობით აქირავებდა მსურველებზე. სცსია, ფ. 254, აღ. I, საქ. 1208, ფურც. 487.

¹¹⁵ სცსია, ფ. 254, აღ. I, საქ. 257, ფურც. 1019.

ველი სახაზინო ექსპედიციაში ჩივის ახალგორსა და ქალაში სამ-
ლებროებში ჩემი ნებართვის გარეშე ეწევიან ლებვას, ამის გამო
ნე ვზარალობ და ზომები მიიღეთო¹¹⁶. მაშასადამე, მისი ნებარ-
თვით ამგვარი რამ დასაშვები იყო.

1807 წელს ა. ხიმშიაშვილი სახაზინო ექსპედიციაში შედის
თხოვნით, რომლის შინაარსი ამჟამად აღსატურებს წამოყენებულ
აზრს. აღნიშნულ ა. ხიმშიაშვილს დუშეთის საწმინტოს მოიჯარის.
ნებართვით ბულაჩაურში სამღებრო მოუწყვია, რის სამაგიერო-
დაც მოიჯარეს 30 მანეთი გადაუხადა. ახლა მას სურს ეს სამღებ-
რო დააყანონოს და სამაგიეროდ დუშეთის სახაზინო სამღებროს
მოიჯაროს სასარგებლოდ ყოველწლურად 30 მანეთის გადახდას
კისრულობს¹¹⁷. ხაზინამ აღნიშნული თხოვნა არ დააკმაყოფილა,
მაგრამ მთავარი ისაა, რომ სააჯარო ვადის პერიოდში და სამღებ-
როს ტერიტორიული მონოპოლიის ფარგლებში (განხილულ შემ-
თხვევაში ბულაჩაური დუშეთის სამღებროს ტერიტორიული მონ-
ოპოლიის ფარგლებში იყო მოქცეული) შემსყიდველს შეეძლო
ლურჯად ლებვას უფლება მიეცა კერძო სამღებროებდათვის,
ცალკეული საქმონებისათვის.

ამრიგად, სახაზინო იჯარის შემოსავალი განისაზღვრებოდა
არა მარტო ამ იჯარაში გაერთიანებული სამღებროების მოცულო-
ბით და მასში მიმდინარე წარმოების პროცესით, არამედ მისი ტე-
რიტორიული მონოპოლიის ფარგლებში საფეიქრო წარმოების დონ-
ით. საქონლის მოზღვავენებს შემთხვევაში, როდესაც სახაზინო
სამღებრო მის დამუშავენას ვერ აუდიოდა, იგი მას გარკვეული
ჯანაბრჯელოს ფასად ცალკეულ კერძო სამღებროებს უნაწილებდა.
მაგრამ მოიჯარესა და ცალკეული სამღებროს მეპატრონეს (საქ-
მოსანს) შორის ურთიერთობა ამით არ მთავრდებოდა. უნდა ვი-
ფიქროთ, რომ იტოვებდა რა თავის ხელში საღებავის გაყიდვის,
ანუ ლებვის გადასახადის მონოპოლიას (როგორც ამას ადგილი
ქონდა კახეთის სამღებროს მთავარ შემსყიდველსა და ცალკეული
სამღებროების შემსყიდველებს შორის) სახაზინო სამღებროს მოი-
ჯარე ამით ცალკეული სამღებროებიდან მნიშვნელოვან (შეიძლება
ძირითად) შემოსავალს იღებდა. ამით იყო განპირობებული თბი-
ლისისა და შეიძლება ზოგიერთი სხვა სახაზინო სამღებროს მაღა-
ლი შემოსავალი. თბილისის სამღებრო, ექვი არ არის, ზემოაღ-

¹¹⁶ სცსია, ფ. 254, აღ. I, საქ. 1208, ფურც. 488.

¹¹⁷ იქვე, საქ. 441, ფურც. 342.

ნიშნული პირობით, ლურჯად ლებვის პრივილეგიას თბილისის არაერთ კერძო სამღებროს უნაწილებდა, რომლებიც, სავარაუდოა, მოცულობით არამცთუ არ ჩამოუვარდებოდნენ მას, არამედ ზოგიერთი მათგანი მნიშვნელოვნადაც აჭარბებდა.

საქართველოში ლებვის მონოპოლია ეკუთვნოდა ხაზინას, ეკლესიას და ფეოდალებს, თუმცა უკანასკნელთა ხვედრითი წილი მასში შედარებით მცირე იყო. ყოველ ცალკეულ სამღებროს (ცალკეულ მონოპოლიას) თავისი დაკანონებული ტერიტორიული საზღვრები გააჩნდა, რომლს ფარგლებში იკრძალებოდა არამცთუ უნებართვოდ წარმოება, არამედ მასში სხვა რეგიონიდან ნაწარმის (ლურჯი ფერის საფეიქრო ნაწარმის) შემოტანა და დასამუშავებელი ნედლეულის გატანაც კი. ამ აზრას საილუსტრაციოდ რამდენიმე მაგალითის მოტანაც საკმარისია: 1811 წელს თიანეთის სამღებროს მოიჯარის მოთხოვნით გააუქმეს ერწოს სამღებრო, რადგან ერწო თიანეთის სამღებროს იჯარის ტერიტორიაში შედიოდა, სამღებრო კი ადგილობრივი ხელისუფლების ნებართვით იყო მოწყობილი და იჯარით გაცემული¹¹⁸. 1806 წელს დუშეთის სამღებროს შემსყიდველმა, სახაზინო ექსპედიციის საჩივარი შეიტანა საიჯარო ფასის დაკლების შესახებ იმ მოტივით, რომ მჭადიჯვრის სახაზინო სამღებროს შესყიდველი დუშეთში დაშზადებულ ქსოვილებს ლებავს და ამით ზიანს მაცენებსო¹¹⁹. ავჭალის, გურამიშვილების სამღებროს შემსყიდველი ყოველწლიურად დადგენილ თანხას უხდიდა თბილისის სამღებროს მოიჯარეს იმის საფასურად, რომ აქ თბილისისა და მის ფარგლებში დამზადებული ქსოვილიც შემოდირდა შესაღებად¹²⁰. შემსყიდველებს შორის კონკურენციის შენელების მიზნით არსებული ტრადიციის საფუძველზე იკრძალებოდა ლებვის დადგენილი ფასების დაკლება. გასული საუკუნის 20-იან წლებში კახეთის სამღებროს შემსყიდველები ჩივიან, რომ საეკლესიო სამღებროების მოიჯარეები „თავისთვის მეტი გამორჩენის და ამით სახაზინო შემოსავლის შეფერხების მიზნით... სხვადასხვა საგნებს შესაღებად მნიშვნელოვნად დაბალ ფასებში იღებდნენ“¹²¹. ამავე ხანებში თბილისის სამღებროს შემსყიდველებმა ხანგრძლივი ბრძოლის შედეგად მიალწიეს დუშეთის მაზრაში დამ-

¹¹⁸ სსსი, ფ. 254, აღ. I, საქ. 257, ფურც. 1083—1087.

¹¹⁹ სსსი, ფ. 254, აღ. I, საქ. 131, ფურც. 223.

¹²⁰ სსსი, ფ. 1010, საქ. 338, ფურც. 3.

¹²¹ სსსი, ფ. 254, აღ. I, საქ. 961, ფურც. 10.

ზადებული და იქ ლურჯ ფერად შეღებილი ქსოვილების თბილისში შემოტანის აკრძალვას¹²² ამგვარი მაგალითები მრავალია.

არსებული მასალა მეტად მწირ ცნობებს შეიცავს საეკლესიო და საფეოდალო სამღებრო მონოპოლიების შესახებ: მიუხედავად ამისა, ყველა საფუძველი არსებობს ვივარაუდოთ, რომ ურთიერთობის ხასიათი აქ პრინციპულად არ განსხვავდებოდა იმისგან, რაც სახაზინო სამღებროებში იყო დამყარებული. აქაც მონოპოლია იჯარით გაიცემოდა. ზოგჯერ საეკლესიო და სახაზინო, ან სახაზინო და საბატონო სამღებროები ერთი და იმავე პიროვნების ხელში იყო. ისეთი შემთხვევებიც გვხვდება, როცა ცალკეული სამღებროს შემოსავალს ეკლესია და ხაზინა ერთმანეთში იყოფდა. ყველაფერი ეს მათ პრინციპულ ერაგვაროვნებაზე მიუთითებს.

მეტად ცოტა რამ ვიცით დასავლეთ საქართველოს სამღებროების შესახებ. ერთი ცხადია, იქაც, ისევე როგორც აღმოსავლეთ საქართველოში, აღნიშნულ მონოპოლიას იყოფდა ხაზინა, ეკლესია და ფეოდალები.

სამღებროს შემოსავალი იმერეთის სამეფო შემოსავლს ერთ-ერთი მნიშვნელოვანი მუხლი იყო. იგი იჯარა-შესყიდვის წესით და, უნდა ვიფიქროთ, არსებითად იმავე პრინციპებზე გაიცემოდა, როგორც ამას აღმოსავლეთ საქართველოში ჰქონდა ადგილი. არსებობდა ღებვის ჩამოყალიბებული ფასები, რომელიც საღებავის ფასით განისაზღვრებოდა. მაგალითად 8-ადლიანი თოფის „პირველ ყველაზე საუკეთესო ფერად“ შეღებვა 200 ფარა ღირდა, მეორე ხარისხისა 104 ფარა, მესამე — 80 და მეოთხე — 52¹²³. სავარაუდოა, რომ აქ იგულისხმება მუქი ლურჯი, ლურჯი, ღია ლურჯი და ცისფერი. იმერეთის ყველა სახაზინო სამღებრო ერთად გაიცემოდა იჯარით. 10-იან წლებში ამგვარი სამღებრო (ღებვის უფლება?) ექვსი იყო აღნიშნული¹²⁴. უფრო გვიან (20-იან წლებში) — 7. აქ უნდა დამატებოდა შროშის აბაშიძეების ყოფილი სამღებრო, რომელიც ამ ხანებში ხაზინის ხელში გადავიდა და რომლის საიჯარო ფასი 80 მანეთს შეადგენდა¹²⁵. იმერეთის აჯანყებისა და მის მომდევნო პერიოდში სამღებროს, ისევე როგორც სხვა სახაზინო საიჯარო მუხლებს შემოსავალი, ერთობ დაცემულია: 1810 წელს

¹²² სესია, საქ. 927, ფურც. 618.

¹²³ იქვე, ფ. 16, საქ. 1604, ფურც. 5.

¹²⁴ იქვე.

¹²⁵ იქვე, ფ. 90, საქ. 477, ფურც. 77.

ქუთაისის სამღებრო, რომელიც იმერეთის სამღებროში შემოსავლის სიდიდით, როგორც ჩანს, გამორჩეული იყო, 850 მანეთად გაიცა იჯარით¹²⁶. 1813 წელს იმერეთის ყველა სამღებრო ბაჟთან ერთად იჯარით გაცემულია 5000 მანეთად, 1814 წელს 8000 მანეთად, 1816 წელს 10 000 მანეთად¹²⁷. როგორც ჩანს, ბაჟებისა და სამღებროების შემოსავალი მნიშვნელოვნად მატულობდა, რაც ქვეყნის ეკონომიკური ცხოვრების თანდათანობით ნორმალიზაციის შედეგი იყო. 1825 წელს იმერეთის ყველა სახაზინო (7) სამღებრო ერთად გაიცა იჯარით 3490 მანეთად¹²⁸.

ამრიგად, ყველა საფუძველი არსებობს ამ ვარაუდის გამოსათქმელად, რომ სამღებროების იჯარის და ლებვის მონოპოლიის წესი დასავლეთ საქართველოშიც ძირითადად იმავე ხასიათისა იყო, როგორც აღმოსავლეთ საქართველოში.

მოტანილი მასალის განხილვის შედეგად მიღებული დასკვნები მოკლედ შეიძლება შემდეგი სახით ჩამოყალიბდეს: სამღებროებს მნიშვნელოვანი ადგილი ეკავათ განსახილველი ხანის საქართველოს ეკონომიკურ ცხოვრებაში. ისტორიოგრაფიაში დღეისთვის არსებული სამღებროების შეფასება დაზუსტებას მოითხოვს. ლებვის მონოპოლია ვრცელდებოდა არა ყოველგვარ ლებვაზე, არა ყველა სამღებროზე, როგორც შინნეული იყო, არამედ ნხოლოდ ლურჯად ლებვაზე. აღნიშნული მონოპოლია განსახილველ ხანაში ძირითადად ხაზინის, ნაწილობრივ კი ეკლესიის და ფეოდალთა ხელში იყო. სამღებროს იჯარაში იგულისხმებოდა არა საერთოვ ლებვის ფასი, არამედ ლებვის გადასახადიც რაც საღებავის მღებრებზე თუ სხვა საქმოსნებზე მომატებულ ფასში მიყიდვის პრივილეგიაში გამოიხატებოდა და რაც საფეიქრო წარმოების გარკვეული სფეროს — ლურჯი ფერის ქსოვილებს დამზადების გადასახადსაც ითავსებდა. ლებვის მონოპოლია სხვადასხვა ფორმით ხორციელდებოდა: მოიჯარე სახაზინო მონოპოლიის სამღებროში ერთი მხრივ, თვითონ ეწეოდა რეწვას, თავისი ოსტატითა და მუშებით, რაშიაც იღებდა ლებვის ფასს, რომელშიც შედიოდა ლებვის გადასახადიც დახარჯული საღებავის მომატებული ფასის სახით, მეორე მხრივ, პერიოდულად ან პარალელურად ლებვის უფლებას ანიჭებდა ცალკეულ მღებრებს, რომლებიც შეიძლებოდა

¹²⁶ სცსია, ფ. 2, აღ. I, საქ. 255, ფურც. 166.

¹²⁷ იქვე.

¹²⁸ იქვე, ფ. 90, საქ. 477, ფურც. 77.

თვითონ ყოფილიყვნენ საფეიქრო წარმოებაში ჩაბმული საქმოს-
ნები (გაკაპიტალისტების გზაზე დამდგარი ხელოსნები, რომლებიც
უშუალო მწარმოებლისაგან შეისყიდდნენ ქსოვილებს ნართს, რათა
გადაეშუაებინა შემდეგ ბაზარზე გაეტანათ) ან ვაჭარ-შემსყიდვე-
ლებს, რომლებიც თავის მხრივ ღებვისათვის საჭირო პერსონალს
ჭირაობდნენ, იღებდნენ რა ანისთვის ღებვის გადასახადს საღება-
ვის მომატებული ფასის სახით. რომელს ენიჭებოდა ამ ორი ფორ-
მიდან უპირატესობა დამოკიდებული იყო ამა თუ იმ რეგიონში
საფეიქრო წარმოების დონეზე. საფეიქრო წარმოების მეტი გავრ-
ცელების პირობებში უპირატესი ადგილი მეორე ფორმას ეკავა.
გამორიცხული არ არას შენახვევა, როცა ეს ფორმა საერთოდ
ერთადერთია. იმ შემთხვევაში, როდესაც კონკრეტული სამღებრო
ვერ იტყვია წარმოებას (ამგვარი ვითარება კი, როგორც ჩანს, ხში-
რად იქმნებოდა, რადგან სახაზინო კონკრეტული სამღებროები,
წინააღმდეგ ისტორიოგრაფიაში აქამდე გავრცელებული მოსაზრე-
ბისა, ჩვეულებრივ მცირე მოცულობისანი იყვნენ), შემსყიდველს
შეეძლო ახალი სამღებრო ფარდულები მოეწყო ან კერძო პართა-
გან ექირავა.

შემსყიდველს შეეძლო და, როგორც ჩანს, საფეიქრო წარმო-
ების აღმავლობის პირობებში ამას ხშირად ჰქონდა ადგილი, ლურ-
ჯი ღებვის უფლება გარკვეული გასამრჯელოს ფასად კერძო სამ-
ღებროებისათვის მიეცა. მაგრამ, როგორც ჩანს, იგი თავის ხელში
იტოვებდა საღებავის გაცემის (გაყიდვის) და შესაბამისად, გადასა-
ხადის აღების მონოპოლიას. ე. ი. მყარდებოდა ისეთი ურთიერ-
ობა, როგორსაც ადგილი ჰქონდა კახეთის სამღებროებში, როცა
შთავარი მოიჯარე ცალკეულ სამღებროებს ცალ-ცალკე გასცემდა
იჯარით. ცალკეულ შემთხვევაში არ არის გამორიცხული გადასა-
ხადის აღების მონოპოლიის გაცემაც. ყოველივე ამის გამო, კონ-
კრეტულ სამღებროთა რაოდენობა გაცილებით სჭარბობდა იჯარა-
ში მოხსენიებულთ, ვინაიდან უკანასკნელ შემთხვევაში ლაპარაკია
ღებვის უფლებაზე და არა კონკრეტულ სამღებროებზე.

ღებვის მონოპოლიების მფლობელთა შორის (რომელიც შე-
იძლებოდა სახაზინო და საეკლესიო უწყების ცალკეულ ფეოდალთა
წარმომადგენლები ყოფილიყვნენ), კონკურენციის თავიდან აცი-
ლების მიზნით მყარდებოდა მკვეთრი ტერიტორიული ფარგ-
ლები, მოსაყრებს მკაცრად განსაზღვრული ოდენობა და ა. შ.

სამღებრო საქმის მონოპოლია დასავლეთ საქართველოში

პრინციპულად არ განსხვავდებოდა აღმოსავლეთ საქართველოში ჩამოყალიბებული ინსტიტუტიაგან.

სამღებრო საქმეში გაბატონებული იჯარა-შესყიდვის წესი წარმოების ტიპური ფეოდალური ფორმა იყო. იგი მნიშვნელოვნად აფერხებდა საფეიქრო მრეწველობაში ახალი წარმოებითი ურთიერთობის ჩაახვავ-განვითარებას, ამიტომ ეს უკნასაკნელი მეტად რთულ ვითარებაში იკაფავდა ფზას. ამის აშკარა გამოხატულება იყო XVIII საუკუნის მეორე ნახევარსა და XIX საუკუნის დასაწყიაში სამღებრო წარმოების საქართველოში ჩამოყალიბებული ზემოთ დახასიათებული სისტემა.

4. საფეიქრო საწარმოთა რაოდენობა. წარმოების მოცულობა

წინა პარაგრაფში საუბარი იყო საქართველოში ლურჯი საღებავით ღებვის ჩამოყალიბებულ სისტემაზე. ითქვა, რომ აღნიშნულ მონოპოლიათა ოდენობა არ ემთხვეოდა კონკრეტულ სამღებროთა ოდენობას. არსებული მასალა საშუალებას იძლევა დადგინდეს მონოპოლიათა მიახლოებული ოდენობა. მათ რიცხვს განსაზღვრავდა კახეთის 46 სამღებრო, ბორჩალოსა და გატეხილი ხიდის ზევით არსებული 14 სამღებრო; გარდა ამისა, სამღებროები: თბილისის, გორის, ცხინვალის, დუშეთის, ანანურის, ჭურამის, არბოს, ახალქალაქის, ქარელის, მეჯვრისხევის, აღის, ვათყულისქალის, თიანეთის. ყველა ჩამოთვლილი სამღებრო ხაზინას ეკუთვნოდა. ამრიგად, მათი რაოდენობა მთლიანად 73-ს შეადგენდა (არ არის გამორიცხული, რომ შემდგომი კვლევაძიების შედეგად აღნიშნული რიცხვი გარკვეულად გაიზარდოს, შეიძლება მას დაემატოს რამდენიმე სამღებრო, რომლის შესახებაც ჩვენ ჯერჯერობით ცნობები არა გვაქვს). გარდა ამისა, განსაზღვრული პერიოდის მასალებში დამოწმებულია სხვადასხვა ფეოდალთა 32¹²⁹ და 18¹³⁰ საეკლესიო სამღებრო. მათი ფაქტიური რაოდენობა შეიძლება გა-

¹²⁹ სესია, ფ. 254, აღ. I, საქ. 131, ფურც. 123; საქ. 959, ფურც. 29; საქ. 132, ფურც. 73; საქ. 1280, ფურც. 123; საქ. 293, ფურც. 251; საქ. 80, ფურც. 50; საქ. 962, ფურც. 592; საქ. 826, ფურც. 182; საქ. 927, ფურც. 993; საქ. 754, ფურც. 418; საქ. 924, ფურც. 723; სესია, ფ. 16, საქ. 2215, ფურც. 6.

¹³⁰ სესია, ფ. 254, აღ. I, საქ. 1208, ფურც. 14; სესია, ფ. 2, აღ. I, საქ. 216; ფურც. 251; სესია, ფ. 254, აღ. I, საქ. 152, ფურც. 142; საქ. 959, ფურც. 159; საქ. 1039, ფურც. 671; საქ. 40, ფურც. 69.

ცილებით მეტი იყოს; ამგვარი ვარაუდის საფუძველს იძლევა საქართველოს კათალიკოსის 1803 წლის ცნობა იმის შესახებ, რომ საეკლესიო სამღებრო არსებობა ყველა საეკლესიო სოფელში¹³¹. ანრიგად, შეიძლება ვივარაუდოთ, რომ ლურჯი ფერით ღებვის პრივილეგიათა რაოდენობა აღმოსავლეთ საქართველოში 120-130-ის ფარგლებში მერყეობდა. კახეთის ყველა იმ სოფელში, რომელშიც პრივილეგია არსებობდა, კონკრეტულად ღებვა არ წარმოებდა, რაც საფეიქრო წარმოებას ერთგვარი ცენტრალიზაციას, ცალკეულ სავაჭრო-სამრეწველო პუნქტებში თავმოყრის პროცესით უნდა იქნას ახსნილი. სამაგიეროდ იმ პუნქტებში, სადაც საფეიქრო წარმოება მაღალ განვითარებას აღწევდა (თბილისი, გორი, ცხინვალი და ა. შ.), კონკრეტულ სამღებროთა რიცხვი მნიშვნელოვანად აშეტებდა პრივილეგიათა რიცხვს, ცალკეულ გეოგრაფიულ პუნქტში რამდენიმე სამღებრო ეწყობოდა. ამის გამო კონკრეტულ სამღებროთა რაოდენობა შეიძლება კიდევ უფრო გაზრდილად წარმოვიდგინოთ.

ლურჯად ღებვა სამღებრო წარმოების მხოლოდ ერთი დარგი იყო. საქართველოში დამზადებულ სხვადასხვა ტონალობის წითელი ფერის ქსოვილები რაოდენობით ლურჯ ქსოვილებს თუ არ აჭარბებდნენ, ცალკეულ შემთხვევაში, არც ჩამოუეარდებოდნენ. საქართველოში მზადდებოდა ყვითელი, შწვანე, შავი და სხვა ფერის ქსოვილები. იმის გამო, რომ წითელი და სხვა ფერად ღებვა მონოპოლიის ფარგლებში არ იყო მოქცეული, იგი თავისუფალი იყო და ამიტომ მათ შესახებ მასალა თითქმის არ არსებობს. მაგრამ სწორედ წარმოების თავისუფლება, საღებავი მასალის (ენდროს და სხვ.) ადგილზევე მოპოვების შესაძლებლობა და მისი სიიჟე, აღნიშნული დარგის სამღებროების გავრცელების კიდევ უფრო მეტ შესაძლებლობას ქმნიდა. ყოველივე ზემოთქმულის შედეგად შეიძლება დავაკენათ, რომ სამღებროთა საერთო რაოდენობა აღმოსავლეთ საქართველოში 250-ზე ნაკლები არ შეიძლება ყოფილიყო. ცხადია, ეს მხოლოდ მიჯსლოებითი რიცხვია. არსებული მასალა მეტი სიზუსტის საშუალებას არ იძლევა, მაგრამ ეს რიცხვი თავისთავად ბევრისმეტყველია. იგი ერთგვარად შემეცირებული თუ არაა, ყოველ შემთხვევაში გადაჭარბებულად არ უნდა მოგვეჩვენოს.

¹³¹ «Во всех наших селениях в Мцхете и прочих есть красяльня принадлежащие нам»—სცხსა, ფ. 254, აღ. 1, საქ. 40, ფურც. 6.

გაცილებით ცოტა რაზმა-ცნობილი დასავლეთ საქართველოს სამღებროების რაოდენობის შესახებ. მაგრამ საფეიქრო წარმოების განვითარების პირობებში მათი რაოდენობა აქაც მნიშვნელოვანი უნდა ყოფილიყო. მართალია, დასავლეთ საქართველოში ბამბეულის საფეიქრო წარმოება ჩამორჩებოდა აღმოსავლეთ საქართველოს, მაგრამ საზაგიეროდ აქ მეტად განვითარებული იყო აბრეშუმისა და სელის წარმოება. სამღებროთა მნიშვნელოვანი რაოდენობაა სავარაუდო გურია-სამეგრელოში, რაჭა-ლეჩხუმში და ა. შ. იმერეთში, როგორც ითქვა, ლეღვის სახაზინო პრივილეგია 7 გეოგრაფიულ პუნქტში არსებობდა. გარდა ამისა, არსებობდა საეკლესიო და საფეოდალო პრივილეგიები, სხვა ფერად ლეღვის სამღებროები და ა. შ.

ამრიგად, მართალია მთლიანად საქართველოში სამღებროთა საერთო რაოდენობის დადგენა არსებული მასალის საფუძველზე არ ხერხდება, მაგრამ ამ დარგის საწარმოთა მეტად მნიშვნელოვანი გავრცელების ვარაუდს სრულიად რეალური საფუძველი აქვს.

აღგილობრივი რუსული ხელისუფლება საიმპერიო მთავრობაში ყოველწლიურ ანგარიშებს ადგენდა და მათ სხვა მასალებთან ერთად აღმოსავლეთ საქართველოში არსებული ე. წ. „მანუფაქ-

ცხრილი 22

„მანუფაქტურა-ქარხნების“ უწყისების მონაცემები სამღებროებისა და საჩითავების რაოდენობის შესახებ 1813-1827 წწ.

დასახელება	ქ ა ლ ა ქ ე ბ ი					მ ა ზ რ ე ბ ი					მთლიანად	%				
	თბილისი	გორი	ღუშეთი	სოღანი	თელავი	ს ე ს	თბილისი	გორის	ღუშეთის	სოსლის			თელავის	ბორჯალოს		
1813 სამღებრო საჩითავი	1	13				13	3	5					8	9	67	100
1817 სამღებრო საჩითავი	5	3				16		5					5	10	73	109.5
1821 სამღებრო საჩითავი	3	9	3	1	1	17	8	8	2	26	14		58	75	100	149.3
1824 სამღებრო საჩითავი	13	5	1	3	1	23	11	13	1	23	14		62	85	111	165.7
1827 სამღებრო საჩითავი	18	1	1	3	1	24	12	11	1	23	14		61	85	117	174.6
	7	3		1	1	12	5	1	2	10	2		20	32		

ტურა-ქარხნების უწყისებს“ ურთავდა. ამ უწყისებში შექჳონდათ საფეიქრო საწარმოთა რაოდენობის აღმნიშვნელი ცნობებიც. ამ დარგის სხვადასხვა წლების მონაცემების შედარება შემდეგ სურათს იძლევა (ცხრ. 22).

ცხრილში შეტანილი მონაცემები ვერავითარ კრიტიკას ვერ უძლებს. გაუგებარია რა პრინციპით დგებოდა ცნობები სამღებროებისა და საჩითავეების რაოდენობის შესახებ. საუარაუდოა, რომ, მასში ძირითადად ლურჯად ლეების მონაპოლიის ფარგლებში მოქმედი საბაზინო სამღებროები შედიოდა. ამაზე თითქოს უშუალოდ მიუთითებს ზოგიერთი ცნობა, რომლებშიც აღნიშნულია, რომ სამღებროებში ლეება ლურჯი საღებავით წარმოებდა¹³². მაგალითად, თელავის უწყისებში აღნიშნულია „სამღებროები, რომლებშიც ლურჯი ფერის საღებავებით ხამი იღებება“¹³³. ამავე დროს ცალკეულ რეგიონში არჩებული სამღებროების შესახებ, საბუთების არაპირდაპირი მინიშნებით მათში სხვა ფერად ლეებაც არაა გამოჩინებული. მაგალითად, ერთ-ერთ უწყისში აღნიშნულია, რომ „სამღებროებში ნაწარმის შესაღებად ლაჟვარდად წოდებულ საღებავს თბილისში ყიდულობენ სხვა ფერებისათვის იხმარება მოსახლეობის მიერ ქართლშივე მოპოვებული სხვადასხვა მცენარეულა“¹³⁴. გორის 1817 წლის უწყისი კი პირდაპირ მიუთითებს, რომ მასში შესული სამღებროები სახაზინოა¹³⁵; ხაზინას კი, როგორც ვიცით, მხოლოდ ლურჯად ლეების სამღებროები ეკუთვნოდა. რადგან, როგორც თავის ადგილას გაარკვა, მოიჯარის ნებართვით ლურჯად ლეება კერძო სამღებროებშიაც დასაშვები იყო. შეიძლებოდა გვეფიქრა, რომ უწყისებში შექჳონდათ ყველა სამღებრო, რომელშიც ამა თუ იმ წესით ლურჯად ლეებას ქჳონდა ადგილი; მაშინ გასაგებია ერთსა და იმავე რეგიონში რამდენიმე სამღებროს აღნიშვნა, ე. ი. ლაპარაკია არა ლეების პრივილეგიაზე, არამედ იმ კონკრეტულ საწარმოებზე, სადაც ეს პრივილეგია ხორციელდებოდა. მაგრამ აქ ერთი სერიოზული დაბრკოლება ჩნდება. უწყისებში, სრულიად გაუგებარი მიზეზების გამო, არ შექჳონდათ რიგი სამღებროებისა, რომლებიც ლურჯად ლეების პრივილეგიით სარგებლობდნენ, კერძოდ, არაა აღნიშნული ქვემო ქართლის სამღებროები.

¹³² სცსია, ფ. 16, საქ. 495, ფურც. 34; საქ. 1352, ფურც. 6; საქ. 1447, ფურც. 168.

¹³³ სცსია, ფ. 16, საქ. 820, ფურც. 144.

¹³⁴ სცსია, ფ. 16, საქ. 3723, ფურც. 178.

¹³⁵ სცსია, ფ. 16, საქ. 3272, ფურც. 19; იქვე, საქ. 2722, ფურც. 150.

ერთი სიტყვით, ცხადია, რომ მოტანილი ცხრილი სამღებროთა რაოდენობის დასადგენად არ გამოდგება. მისი გამოყენება შეიძლება მხოლოდ მათი რაოდენობრივი განვითარების ხასიათის გასარკვევად. ამ თვალსაზრისით გარკვეულ ყურადღებას იმსახურებს საქსოვი საწარმოების რაოდენობრივი განვითარების მონაცემები (ცხრ. 23). ცხრილის მონაცემებიდან ჩანს, რომ 1813—1827 წლებში სამღებროებს საერთო რაოდენობა აღმოსავლეთ საქართველოში 174,6% გაიზარდა. განვითარების ტემპი უფრო მაღალია საქსოვი საწარმოების რაოდენობის ზრდაში: 1819—1827

ცხრილი 23

„მანუფაქტურა-ქარხნების უწყისების“ მონაცემები ბამბულის საქსოვი საწარმოების რაოდენობის შესახებ 1813-1823 წწ.

წლები	ქ ა ლ ა ქ ე ბ ი					მ ზ რ ე ბ ი					მთავი	ჯ			
	თბილისი	გორი	ღუშეთი	სოხუმი	თელავი	სულ	თბილისი	კახს	ღუშეთის	სოხუმის			თელავის	ბორჯომის	სულ
1813	7	43				50	120	93	36	39	30	36	354	480	100
1819	52	30		29	25	126	25	502	49	31	212	35	854	1072	223,3
1821	127	40		29	22	218	44	601	46	31	212	37	971	1282	267,1
1824	150	52	10	76	23	311	51	660	45	31	212	39	1038	1551	323,1
1827	335	54	21	76	23	513									

ცხრილები შედგენილია შემდეგი საარქივო მასალების მონაცემების საფუძველზე: სცსია, ფონდი 16, საქ. 155, ფურც. 18; საქ. 1747, ფურც. 147; საქ. 2046, ფურც. 107; საქ. 2420, ფურც. 197; საქ. 2652, ფურც. 310; საქ. 12722, ფურც. 246; საქ. 3112; ფურც. 201; საქ. 3272, ფურც. 216; საქ. 3614, ფურც. 192; საქ. 3503, ფურც. 213.

წლებში მატებამ 323,1% შეადგინა. განვითარების ასეთი მაღალი ტემპი საფეიქრო წარმოების სწრაფი აღმავლობის შედეგია. იგი ცხადყოფს, რომ, საფეიქრო მრეწველობის აყვავების ვითარებაში, ფეიქრობის საოჯახო ფორმები საქონელწარმოების სისტემაში ექცევიან. საფეიქრო მრეწველობის პროდუქციაზე მოთხოვნების ზრდა, რაც საგარეო ვაჭრობის გაფართოებაშიც გამოიხატა, მოსახლეობის ზღვრულ უფრო და უფრო მეტ ნაწილს აშორებს სასოფლო სამეურნეო საქმიანობას და მას აამრეწველო საქმიანობაში ითრევს. ის გარემოება, რომ ამავე პერიოდში სამღებროებისა და საჩითავების ზრდის ტემპი ვაცილებით ნაკლებია და, როგორც ითქვა, შეადგენს სულ 174,6%. იმათზე მიუთითებს, რომ აქ რაოდენობ-

არევი ზრდას პარალელურად ადგილი აქვს უფრო ინტენსიურ თვისებრივ ზრდას, რაც ცალკეულ საწარმოთა გაფართოებაში მდგომარეობდა.

განმარტებას მოითხოვს უწყისებში საჩითავეების ცალკე გამოყოფა. საქმე იმაშია, რომ სხვა ხაზათის მასალებში საჩითავეები თითქმის არსად მოხსენიებული არ არის. ამავე დროს დასტურდება მოჩითული ქსოვილების მნიშვნელოვანი ოდენობით წარმოება. როგორც ითქვა, საბეჭდავის მოსაკრები წითელი ფერით მოჩითულ ქსოვილებზე საგანგებო გადასახადს ითვალისწინებს. თავისთავად ქსოვილი შეიძლება წითელი ფერის საღებავით ყოფილიყო მოჩითული, შეიძლება სხვა ფერითაც. იმის გამო, რომ სამღებროთა იჯარა ლურჯი ფერის საღებავის შექმნის, გასაღებდა და გამოყენების მონოპოლიაზე იყო დამყარებული, საჩითავეების ცალკე გამოყოფის აუცილებლობას არ მოითხოვდა. ჰავარაუდოა, რომ ქსოვილის მოჩითვა უპირატესად სამღებროშივე ხდებოდა, როგორც მღებრობინაგან გამოყოფილი წარმოების ერთერთი ოპერაცია. „მანუფაქტურა—ქარხნების უწყისებში“ საჩითავეების დიდი რაოდენობით აღნიშვნა იმით უნდა იყოს გამოწვეული, რომ ეს უწყისები ცენტრიდან მიღებული საგანგებო ფორმის მიხედვით ღებებოდა. რაკი ეს ფორმები საჩითავეების შესახებ ცნობებს მოითხოვდნენ, მათში თვითნებურად შექპონდათ იმ სამღებროთა ნაწილი, რომლებშიც ეს პროცესი წარმოებდა. აპიტომ უწყისებში სამღებროები და საჩითავეები აშკარად ერთმანეთში იყო არეული, მაგალითად, 1813 და 1817 წლის უწყისებით გორში 13 საჩითავია აღნიშნული; სამღებრო კი არც ერთი, 1821 წელს კი 9 სამღებრო და 4 საჩითავი; ე. ი. საერთო რაოდენობა კვლავ 13-ს უდრის. თბილისში 1817 წელს აღნიშნულია 5 სამღებრო და 3 საჩითავი, 1821 წელს კი 3 სამღებრო და 5 საჩითავი და ა. შ.

საფეიქრო საწარმოთა რაოდენობრივ ზრდას ლოგიკურად უნდა გამოეწვია შესაბამისი გადასახადების მოცულობის ზრდაც, რაც სამღებროებისა და ბეჭდის იჯარის ფასების ზრდაში უნდა გამოხატულიყო. მართლაც, განაახლიველ პერიოდში ადგილი აქვს სახაზინო სამღებროთა საიჯარო ფასის გარკვეულ ზრდას, რაც აშკარად ჩანს ქვემოთ მოტანილი მონაცემებიდან¹³⁶.

¹³⁶ ცნობები ამოკრიბილა შემდეგი წყაროებიდან: სკსია, ფ. 254, აღ. I, საქ. 95, ფურც. 212; იქვე, საქ. 91, ფურც. 167; იქვე, საქ. 257, ფურც. 75; იქვე, საქ. 295, ფურც. 29; იქვე, საქ. 255, ფურც. 123; იქვე, საქ. 349, ფურც. 32—35; იქვე, საქ. 520, ფურც. 676; იქვე, საქ. 823, ფურც. 1301; იქვე, საქ. 1207, ფურც. 1224.

როგორც ვხედავთ, მართალია, სახეზეა საიჯარო ფასის მნიშვნელოვანი ზრდა, მაგრამ აღნიშნული ზრდის ტემპები გაცილებით ჩამორჩება საფეიქრო საწარმოთა ზრდის ტემპებს, რომლებიც 1819—1826 წლებში 304% შეადგენდა; სამღებროთა საიჯარო ფა-

ცხრილი 24

სახაზონო სამღებროს საიჯარო ფასი	1807	%	1814	%	1820	%	1824	%	1826	%	1830	%
თბილისის	2085	100	2850	136,7	3600	172,7	(3600)	172,7	3475	166,7	4115	197,4
გორის	421	100	475	112,8	688	163,4	688	163,4	346	82,2	406	96,4
კახეთის	2160	100	2110	97,7	3500	162,0	3525	163,2	3976	184,1	3120	144,4
ღუშეთის	130	100	(200)	153,8	365	280,8	410	315,4	320	246,2	320	246,2
ს უ ლ	4796	100	5635	118,9	8153	170	8223	171,5	8117	169,3	7961	166,0

სის განვითარების 1819—1826 წლების დინამიკის მონაცემების მიხედვით ადგილი ჰქონდა ფასის ერთგვარ დაკლებასაც კი (8117 მან. წინააღმდეგ 8153 მანეთისა).

დაახლოებით მსგავსი ვითარება იყო საბეჭდავის მოსაყრების საიჯარო ფასის განვითარების საქმეშიც. აღნიშნული მოსაყრების საიჯარო ფასების შედარება გარკვეულ სირთულესთანაა დაკავშირებული, რადგან იგი სხვადასხვა პუნქტებში უპირატესად სხვა იჯარებთან ერთად გაიციემოდა და ამდენად, მისი გამოცალკევება ზოგჯერ შეუძლებელიცაა. მაგალითად, ამგვარი გამოცალკევება კახეთის საბეჭდავისა, რომელიც ჩვეულებრივ კახეთის ბაჟებთან ერთად გაიციემოდა იჯარით, არ ხერხდება, ამიტომ პირობით უნდა მივიჩნიოთ, რომ საიჯარო ფასის ნახევარი ბეჭედზე მოდიოდა, ნახევარი კი ბაჟზე, რაც, ცხადია, ერთობ მიახლოებითია. ვინაიდან სხვადასხვა ადგილების მიხედვით აღნიშნული იჯარის შესახებ შეტ-ნაკლებად სისტემატური ცნობები მხოლოდ 1809 წლიდან გვაქვს, იძულებული ვართ შედარება 1809—1832 წლების ფარგლებში მოვახდინოთ. ამრიგად, საქართველოს სხვადასხვა ცენტრებში საბეჭდავის მოსაყრების ოდენობის დინამიკა შემდეგ სურათს იძლევა:¹³⁷

¹³⁷ ცხრილის შედგენისას გამოყენებულია: სცსია, ფ. 254, აღ. I, საქ. 28, ფურც. 600; იქვე, ფ. 2, აღ. I, საქ. 355, ფურც. 45, 73, 202; სცსია, ფ. 254, აღ. I, საქ. 348, ფურც. 46; იქვე, საქ. 701, ფურც. 309; იქვე, საქ. 960, ფურც. 1033; იქვე, საქ. 1037, ფურც. 224; იქვე, საქ. 29, ფურც. 13; იქვე, საქ. 91, ფურც. 483; იქვე,

როგორც ვხედავთ, საქსოვი და სამღებრო საწარმოების ზრდის მაღალი ტემპის პარალელურად აშკარაა საიჯარო ფასის მატების მნიშვნელოვნად დაბალი ტემპი, ხოლო გარკვეულ პერიოდში მისი დაკლებაც კი, რაც სხვადასხვა ვარემოებებითაა განპირობებული. მართალია, იჯარის ფასს წარმოების მასშტაბი განსაზღვრავდა, მაგრამ მასზე მნიშვნელოვან გავლენას ახდენდა სხვა ფაქტორებიც:

ცხრილი 25

	1804— 1807	%	1809— 1813	%	1814— 1818	%	1822— 1826	%	1828— 1832	№
თბილისი	4633		4207	100	3000	71,3	4600	109,3	3100	73,7
კახეთი	/1350/		/2252/	100	/1157/	46,9	2763	122,7	3050	135,4
გორი			770	100	571	74,2	760	98,7	/760/	98,7
ცხინვალ			800	100	/800/	100	611	76,4	811	101,4
			8025	100	5428	67,6	8734	108,8	7721	96,2

ქვეყნის საერთო პოლიტიკური მდგომარეობა, მეზობელ სახელმწიფოებთან ურთიერთობა, რაც მნიშვნელოვანწილად ზემოქმედებდა ნედლეულის შემოზიდვისა და ნაწარმის გასაღების პერსპექტივებზე, საერთო საეპრო ეკონომიკური განვითარების ხასიათი და ზედმეტი მოგების პერსპექტიულობა ეკონომიკის სხვადასხვა დარგებში და ა. შ. ამასთანავე ერთად, როგორც ითქვა, 1812—1814 წლებში მთავრობის მიერ იჯარა-შესყიდვის წესში ზოგიერთი ცვლილების შეტანამ, რაც შემსყიდველთაგან რისკის ფაქტორს მნიშვნელოვნად ზრდიდა, ამ ხანებში მექანიკურად დასცა იჯარების ფასები. მნიშვნელოვანი ადგილი ეჭირა აგრეთვე იმ ფაქტსაც, რომ მთელს განსახილველ პერიოდში უშუალო მწარმოებლები და ვაჭარი-მრეწველები გააფთხებულ ბრძოლას აჩალებდნენ იჯარა-შესყიდვის ფეოდალური სისტემის წინააღმდეგ, რაც არალეგალური წარმოებისა და გასაღების გავრცელებაში, ნაწარმის ასორტიმენტის ცვლაში და სხვა ღონისძიებების გატარებაში გამოიხატებოდა. მრავალრიცხოვანი საბუთები აშკარად მოუთითებენ, რომ სწორედ ამ წინააღმდეგობის გამო მოიჭარებებს დღითი-

საქ. 326, ფურც. 529; სცსია, ფ. 2, აღ. I, საქ. 1099, ფურც. 74, 83; ფ. 254, აღ. I, საქ. 872, ფურც. 1455; იქვე, საქ. 1209, ფურც. 362; იქვე, საქ. 131, ფურც. 48, სცსია, ფ. 2, აღ. I, საქ. 502, ფურც. 348; იქვე, საქ. 324, ფურც. 592, იქვე, საქ. 423, ფურც. 381.

დღე უძნელდებოდათ გათვალისწინებული შემოსავლისა და მოგების მიღება.

არსებული მასალა არ შეიცავს ცნობებს საქართველოში ან მის ცალკეულ რაიონებში დამზადებული საფეიქრო ნაწარმის ოდენობის შესახებ. მაგრამ არაპირდაპირი მონაცემების შეჭერება ამ მიმართულებით ზოგიერთი ვარაუდის გამოთქმის საშუალებას იძლევა: მას შემდეგ, რაც დადგინდა საბექდავის მოსაჯრების საიჯარო ფასები, შესაძლებელი ხდება წარმოდგენა ვიქონიით იმ პროდუქციის ოდენობაზე, საიდანაც ის მოსაჯრები აიღებოდა.

მხედველობაში მისაღებია ეს გარემოება, რომ აღნიშნული გადასახადის აკრება დიდ სირთულესთან იყო დაკავშირებული. შემსყიდველი საქმის ორგანიზაციისათვის საგანგებო მეთვალყურეთა და აგენტთა მთელ შტატს ქირაობდა, რაც ხაზგასმით იყო მოთითებული შესაბამის კონტრაქტებში. აღნიშნული შტატის სიდიდე დამოკიდებული იყო საფეიქრო წარმოების დონეზე და იმ რეგიონის სივრცეზე, რომელსაც ესა თუ ის იჯარა მოიცავდა. იგი შეიძლებოდა ზშირად 8—10 და ზოგჯერ (თბილისში, კახეთში და ა. შ.) მეტი თანაშრომლისაგანაც კი შედგებოდა. მაგალითად, მას შემდეგ, რაც 20-იან წლებში აღნიშნული მოსაჯრები ქვეყნის გარეთ გასატანად დამზადებულ ძაფსაც დაადეს, საჭირო შეიქნა საგანგებო მეთვალყურის დაყენება თბილისის ყველა კარში, რაც კიდევ უფრო ზრდადა მოსამსახურე შტატის ოდენობას¹³⁸. ერთი სიტყვით, იჯარის ორგანიზაცია დიდ მატერიალურ ხარჯებთან იყო დაკავშირებული და მის შემოსავალს უნდა დაეფარა არა მარტო ის თანხა, რომელსაც მოიჯარე ხაზინას უხდიდა, არამედ გაესტუმრებინა მეტად დიდი ხარჯები და მისი ორგანიზატორისათვის მოგებაც მიეცა, რაც იმხანად საქართველოში შექმნილი ვითარების პირობებში (ვაჭრობის გაფართოება, შეღავათიანი ტრანზიტის და ა. შ., რის გამოც კაპიტალი მეტად დიდად ფასობდა და მოგების მაღალ შესაძლებლობას იძლეოდა) მეტად მნიშვნელოვანი უნდა ყოფილიყო. ერთი სიტყვით, ჩვენს ისტორიოგრაფიაში გამოთქმული მოსაზრება, რომ იჯარის ფაქტორი შემოსავალი ერთნაზად ჰპარბობდა მის სახაზინო ფასს, შეიძლება გარკვეულად შემცირებულიც კი ყოს. ამრიგად, თუ 1809 წლისათვის თბილისის საბექდავის საიჯარო ფასი 4207 მანეთს უდრიდა (იხ. ცხრ. 25). ფაქტორად მისი შემოსავალი დაახლოებით 13—14 ათასი მანეთი უნდა

¹³⁸ სესია, გ. 254, აღ. I, საქ. 827, ფურც. 224.

ყოფილიყო. როგორც ითქვა, მოსაკრები სხვადასხვაგვარად დამუშავებულ ბამბეულის ქსოვილებზე სხვადასხვა ზომის იყო. თბილისში თეთრი ქსოვილის 10-არშინიან თოფზე გადასახადი უდრიდა 2 $\frac{1}{2}$ კაპიკს, შეღებილ ქსოვილზე 5 კაპიკს, მოჩითულზე 7,5 კაპიკს. მაშასადამე, საშუალოდ 10-არშინიანი თოფი ქსოვილის გადასახადი დაახლოებით 5 კაპიკს უდრიდა. ამრიგად, იმისათვის, რათა შემსყიდველს 13—14 000 მანეთი შემოსავალი მიეღო, გადასახადით უნდა დაებეგრა სულ ცოტა 267—280 ათასი თოფი ანუ 2 მილიონ 670 ათასი — 2 მილიონ 800 ათასი არშინი ქსოვილი. აქ უასათვალისწინებელია რამდენიმე მომენტი: ჯერ ერთი, დამზადებული პროდუქციის ასორტიმენტში უპირატესი ადგილი მაინც თეთრ ქსოვილებს ეჭირა. გარდა ამისა, მეტად დიდი იყო უნებართვოდ დამზადებული ქსოვილების რაოდენობა¹³⁹. მოიჭარებები საიჭარო ვადის ბოლო თვეებში, იმისათვის, რათა იწარმოებლები დაეინტერესებინათ და მათ დამზადებული საქონელი არ შეენახათ, მოსაკრების ფასს მნიშვნელოვნად აცემდნენ¹⁴⁰. ამის შემდეგ შეიძლება დავასკვნათ, რომ თბილისში და მის გარეუბნებში დამზადებული იმ ქსოვილებისა თუ ძაფის ოდენობა, რომელიც საბეჭდავის მოსაკრებით დაბეგვრას ექვემდებარებოდა, დაანგარიშებულზე მნიშვნელოვნად მეტი იყო. სავარაუდოა, რომ იგი დაახლოებით 4—4,5 მილიონი არშინი მაინც უნდა ყოფილიყო.

მსგავსი მსჯელობა შეიძლება გავრცელდეს აღმოსავლეთ საქართველოს სხვა რეგიონებზეც. მაგალითად, იმავე 1809 წელს კახეთის საბეჭდავის საიჭარო ფასი დაახლოებით 2252 მანეთი უნდა ყოფილიყო. შესაბამისად მისი ფაქტორი შემოსავალი დაახლოებით 7 ათასი მანეთის ფარგლებში შეიძლება ვივარაუდოთ. კახეთში საბეჭდავის მოსაკრები მნიშვნელოვნად დაბალი იყო. იგი შეულებავი ქსოვილის 10-არშინიან თოფზე 2 კაპიკს უდრიდა, შეღებილზე კი 4 კაპიკს¹⁴¹. მაშასადამე, საშუალოდ 10-არშინიან თოფზე 3 კაპიკს თუ ვივარაუდებთ, გამოდის, რომ 7000 მანეთი შემოსავლის მისაღებად შემსყიდველს დაახლოებით 2 მილიონ 333 ათასი არშინი ქსოვილი უნდა დაებეგრა. თუ გავითვალისწინებთ ყოველივე ზემოთქმულს, შეიძლება ვივარაუდოთ, რომ კა-

¹³⁹ სესია, ფ. 1010, საქ. 344; სესია, ფ. 254, აღ. I, საქ. 1096, ფურც. 47

და სხვ.

¹⁴⁰ სესია, ფ. 254, აღ. I, საქ. 131, ფურც. 555.

¹⁴¹ სესია, ფ. 254, აღ. I, საქ. 702, ფურც. 60; იქვე, საქ. 924, ფურც. 49; სესია, ფ. 16, საქ. 1723, ფურც. 22.

ხეთში დამზადებული იმ ქსოვილების ოდენობა, რომელიც საბექ-
დავის მოსაყრებით დაბეგვრას ექვემდებარებოდა, დაახლოებით
3—3,5 მილიონი არშინი იქნებოდა.

კიდევ უფრო დაბალი იყო საბექდავის მოსაყრები გორში. აქ
ჩვეულებრივ არ ანახვავებდნენ შეღებილ და შეუღებავ ქსოვი-
ლებს და 10-არშინიან თოფზე 2,5 კაპიკს იღებდნენ¹⁴². მაშასადამე,
რაკი გორის საბექდავის საიჯარო ფასი ამ წელს 770 მანეთს უდ-
რიდა, ხოლო ფაქტიური შემოსავალი შეიძლება დაახლოებით 2500
მანეთამდე ვივარაუდოთ, გორში და მის მიდამოებში დამზადებუ-
ლი შესაბამისი ქსოვილების ოდენობა 1,5—2 მილიონი არშინი
უნდა ყოფილიყო.

მსგავსი სავარაუდო გამოანგარიშებით ცხინვალში და მის ახ-
ლომხლო სოფლებში დამზადებული ქსოვილების რაოდენობა და-
ახლოებით 1—1,5 მილიონი არშინის ფარგლებში იქნებოდა¹⁴³.

ამრიგად, საფეიქრო წარმოების ოთხ დასახელებულ პუნქტში
1809 წლის მონაცემების მიხედვით დამზადებული თეთრი და სხვადა-
სხვა ტონალობის წითელი ფერის ქსოვილების სავარაუდო რაოდენ-
ობა დაახლოებით 10—11 მილიონი არშინი უნდა ყოფილიყო.
მაგრამ საბექდავის მოსაყრები ხომ სხვა პუნქტებშიც მოქმედებდა:
ახალქალაქში, ალში, ქარელში და ა. შ., რომელთა მონაცემების
გათვალისწინების საშუალება ჩვენ არა გვაქვს. ეს აღნიშნული რიცხ-
ვის კიდევ უფრო გაზრდილად წარმოდგენის საშუალებაა იძლევა.

იმის გამო, რომ სამღებროს იჯარაში ბამბეულის ქსოვილებ-
თან ერთად შედიოდა შალისა და აბრეშუმის ქსოვილებიც, მასში
ერთმანეთშია გადახლართული ლებვის ფასი, საღებავის ფასი და
გადასახადი, ხოლო მონოპოლია განაწილებული იყო ხაზინას, ეკ-
ლესიასა და ფეოდალებს შორის, უკანასკნელთა ხელში არსებული
მონოპოლიების საიჯარო ფასების შესახებ კი ჩვენ ცნობები არა
გვაქვს, ლურჯი ფერის ქსოვილების ოდენობის მიახლოებით დად-
გენაც კი არ ზერხდება. ერთი რამ კი ცხადია, რომ ლურჯი ფე-
რის ქსოვილები ნაკლები მზადდებოდა, ვიდრე თეთრი და წითელი
ფერისა. მაგრამ იმ დროს საქართველოში სხვა ფერის ქსოვილე-
ბიც ხომ მზადდებოდა (წაფი, ყვითელი, ჭრელი, ალაჯი), რომლებ-
წედაც ჩვეულებრივ მოსაყრებს არ იღებდნენ, რის გამოც მათ

¹⁴² სესია, ფ. 254, აღ. I, საქ. 423, ფურც. 495; იქვე, საქ. 927, ფურც. 615.

¹⁴³ ცხინვალში საბექდავის მოსაყრები შეუღებავ ქსოვილებზე უდრიდა 2,5
კაპიკს, შეღებულზე 5 კაპიკს. იქვე, საქ. 1096, ფურც. 728.

დამზადებამ მეტი სტიმული და პერსპექტივები ჰქონდა. აქედან შეიძლება დავასკვნათ, რომ აღმოსავლეთ საქართველოში 1809 წ. დამზადებული ბანბეულის ქსოვილების საერთო რაოდენობა დაახლოებით 20—22 მილიონ არშინს აღწევდა. როგორც ზემოთ ნოტანილი მასალიდან ვნახეთ, შემდგომ პერიოდში ბამბეულის საფეიქრო წარმოება მნიშვნელოვნად იზარდება: „მანუფაქტურა ქარხნების უწყაიების“ მონაცემებით 1813—1827 წწ. სამღებროთა და საჩივართა რაოდენობა 174,4% გაიზარდა; 1819—1827 წლებში საქსოვი საწარმოების ზრდამ 323,1% შეადგინა. როგორც აღინიშნა, ამავე პერიოდში ადგილი აქვს შესაბამის საწარმოთა გაფართოების ტენდენციას. მიუხედავად იმისა, რომ 1812—1814 წლებში ადგილი ჰქონდა სამღებრო და საბეჭდავის იჯარების ფასების ზრდას მექანიკურ შეფერხებას, 1807—1827 წლებში ეს ფასები მაინც მატულობს შესაბამისად 171,4% და 108%. ყველაფერი ეს კი უფლებას გვაძლევს დავასკვნათ, რომ 1807—1827 წლებში ბამბეულის საფეიქრო წარმოების გამოშვებული პროდუქცია სულ ცოტა ერთიორად გაიზარდა.

აღნიშნული წარმოების გამოშვებული პროდუქციის ზრდამ მისი მნიშვნელოვანი ოდენობით ქვეყნის გარეთ გატანაშიც იჩინა თავი. როგორც ვნახეთ, მარტო 1811 წლიდან 1815 წლამდე საქართველოდან გატანილი და მოზღოცის კარანტინში გატარებული ბანბეულის ქსოვილების ოდენობა 390,5% გაიზარდა.

ერთი საბუთით ჯერ კიდევ XVIII საუკუნეში თბილისში მარტო ერევნიდან 70000 ფუთი ნედლი ბამბა შემოჰქონდათ¹⁴⁴, რისგანაც 21 მილიონი არშინი ქსოვილი მზადდებოდა. XIX საუკუნის დასაწყისიდან ბამბეულის საქსოვი წარმოების გაფართოებისა და ვაჭრობის აღმავლობის პირობებში ნედლი ბამბის შემოტანა მატულობს. ამავე დროს ბამბის მოყვანას მნიშვნელოვანი მოცულობით ადგილი ჰქონდა საქართველოშიც. ბამბა შემოჰქონდათ მეზობელი სახანოებიდანაც¹⁴⁵. ყოველივე ეს კი ადასტურებს, რომ დამუშავებული ვარაუდი საფუძველს მოკლებული არ არის. მართალია, ჩატარებული გამოანგარიშება ზოგადი და მიახლოებითია და მონაველმა კვლევა-ძიებამ შეიძლება მასში გარკვეული კორექტივები

¹⁴⁴ М. К. Р о ж к о в а, Экономическая политика царского правительства на Среднем Востоке во второй четверти XIX века и русская буржуазия, М., 1949, с. III.

¹⁴⁵ სესია, ფ. 2, აღ. I, საქ. 51, ფურც. 11.

შეიტანოს, მაგრამ ძნელი წარმოსადგენია, რომ მან მიღებული ოდენობის შემცირებულად წარმოდგენა გამოიწვიოს.

მასალის სიმცირე საშუალებას არ იძლევა გაანგარიშება ვაწარმოოთ დასავლეთ საქართველოს მიმართ. შეიძლება მხოლოდ ის აღინიშნოს, რომ საქართველოს ამ რეგიონშიც ადგილი აქვს საფეიქრო წარმოების განვითარებას. თუ ქვეყნის გარეთ გატანილი პროდუქციის რაოდენობის მიხედვით ვიმჯელებთ, აქ წამყვანი ადგილი მაინც აბრეშუმისა და სელის საფეიქრო წარმოებას ეკავა, რომელიც ძირითადად ადგილობრივ ნედლეულზე მუშაობდა.

5. მუშახლი საფეიქრო წარმოებაში

გამოკუთვნილი პროდუქციის დიდი რაოდენობა მუშახელის შესაბამის სიჭარბეზე მიუთითებს, რადგან მსხვილი ინდუსტრიის გაჩენამდე სწორედ იგი განსაზღვრავდა წარმოების მოცულობას. იმის გამო, რომ არ შემოგვრჩა თუნდაც აღმოსავლეთ საქართველოს მოსახლეობის არც ერთი მეტ-ნაკლებად სრული აღწერა, საფეიქრო წარმოებაში ჩაბმული მუშახელის მიახლოებითი რაოდენობის დადგენაც კი არ ხერხდება. ცალკეული მაზრებისა თუ სოფლების მონაცემებზე დაკვირვება კი წარმოების ამ დარგში მოსახლეობის ჩაბმის მეტად საგულისხმო მასშტაბებზე მოუთითებს. მაგალითად, 1804 წლის აღწერით მუკუზნის 40 ოჯახიდან 16 ძირითადად საფეიქრო საქმიანობაში იყო ჩაბმული, რაც მოსახლეობის საერთო რაოდენობის 40% შეადგენდა¹⁴⁶. 1817 წლის აღწერით სოფ. ველისციხეში ბამბეულის ქსოვა ძირითადი საქმიანობაა მოსახლეობის საერთო რაოდენობის 22,5%-სათვის¹⁴⁷. იმავე აღწერით ანაგის საბატონო გლეხთა 195 ოჯახიდან 28 ოჯახი, ანუ საერთო რაოდენობის 14% თავს ფეიქრობით ირჩენდა¹⁴⁸. ფხოველში ფეიქრობა ძირითადი შემოსავალი იყო მოსახლეობის 18%-სათვის¹⁴⁹ და ა. შ. არაერთი ფაქტით დასტურდება, რომ ცალკეული სოფლების გარკვეული კატეგორიის მოსახლეობა მთლიან-

¹⁴⁶ სესია, ფ. 254, აღ. I, საქ. 75, ფურც. 371.

¹⁴⁷ იქვე, საქ. 499, ფურც. 220.

¹⁴⁸ იქვე, ფურც. 14.

¹⁴⁹ იქვე, ფ. 254, აღ. I, საქ. 481, ფურც. 114.

ნად საფეიქრო წარმოებაში იყო ჩაბმული და ეს დარგი ხშირად მათი შემოსავლის ერთადერთი წყარო იყო. მაგალითად, სოფ. ბაკურციხეში გიორგი XII-ის ყოფილი ყმები მხოლოდ საფეიქრო საქმიანობას ეწეოდნენ¹⁵¹. ანანურის მაზრის სოფ. ახალგორის სახაზინო გლეხების (მთლიანად 89 ოჯახი) სამეურნეო საქმიანობა 1821 წლის აღწერაში ასეა განმარტებული: «გლეხებს არავითარი ზენა-თესვა არ აქვთ, არამედ ეწევიან ქსოვას, ვაჭრობას და სხვადასხვა ხელსაქმეს»¹⁵¹. გორის მაზრის სოფ. ატოცის საეკლესიო გლეხებს (მთლიანად 25 ოჯახი) სამეურნეო საქმიანობაში აღნიშნული აქვთ მხოლოდ ტილოს ქსოვა და ვაჭრობა¹⁵².

როგორც ითქვა, კამერალური აღწერები ოჯახების ზელოსნურ საქმიანობას მხოლოდ იმ შემთხვევაში მოუთითებენ, როცა იგი ოჯახის შემოსავლის ერთადერთი ან, იშვიათად, ძირითადი წყაროა. ამ აზრს უქვევლად ადასტურებს ის ფაქტი, რომ კამერალურ აღწერაში მქსოველებად ან საფეიქრო წარმოების სხვა დარგში ჩაბმულ მწარმოებლებად მიჩნეულ ოჯახებს ჩვეულებრივ ან საერთოდ არა აქვთ დასაწმუშავებელი მიწა, ან მის მეტად უმნიშვნელო ოდენობას ფლობენ. მაგალითად, 1804 წლის აღწერით, ანაგის 223 ოჯახიდან ფეიქრობას და მჩითაობას 42 ოჯახი ეწევა, აქედან მხოლოდ 1 ოჯახს გააჩნია მცირე ბაღი¹⁵³. ვეჭინში მქსოველთა 13 ოჯახს არავითარი მიწა არა აქვს¹⁵⁴, და ა. შ. ამ ფაქტზე ზევით უკვე იყო საუბარი. აქ მხოლოდ ის უნდა აღინიშნოს, რომ საფეიქრო მრეწველობაში (საააქონლო წარმოებაში) ჩაბმული ოჯახებიან ფაქტიური რაოდენობა გაცილებით მეტია კამერალურ აღწერებში აღნიშნულზე. ამას ისიც ადასტურებს, რომ რიგი სოფლების საერთო სამეურნეო დახასიათებაში ქსოვა აღნიშნულია როგორც მოსახლეობის საქმიანობის ერთ-ერთი ძირითადი დარგი, მაშინ როცა ცალკეული ოჯახების საქმიანობაში ქსოვა (მქსოველები) მითითებული არ არის¹⁵⁵. ეს იმ უნდა აიხსნას, რომ იგი ცალკეულ გლეხურ მეურნეობაში დამატებითი შემოსავლის (დამატებითი საქმიანობის) წყაროა.

გორის, თელავის, თბილისისა და სხვა მაზრების მოსახლეობის

¹⁵⁰ სცთა, ფ. 254, აღ. I, საქ. 499, ფურც. 261.

¹⁵¹ იქვე, საქ. 689, ფურც. 321.

¹⁵² იქვე, საქ. 76, ფურც. 13.

¹⁵³ იქვე, საქ. 75, ფურც. 382.

¹⁵⁴ იქვე, ფურც. 389.

¹⁵⁵ იქვე, ფურც. 248—252.

კამერალურ აღწერებში ოჯახების მეტად მნიშვნელოვანი რაოდენობას შემოსავლის ერთ-ერთ, ხშირად კი ერთადერთ წყაროდ აღნიშნული აქვთ „მუშაობა“ ან „სამუშაოები“ (работы), „გამომუშავება“, „დღიური მუშაობა“ ან „რეწვა“ (промысел).

„მუშაობა“ ან „სამუშაოები“ მოხსენიებულია გორის მაზრის სოფლების სამეურნეო დახასიათებებშიც როგორც მეურნეობის ერთ-ერთი ძირითადი დარგი. ის გარემოება, რომ კონტექსტში „სამუშაოები“ უპირისპირდება სასოფლო-სამეურნეო საქმიანობას (მაგალითად, 1818 წლის აღწერით გორის მაზრის სოფ. რუილის მოსახლეობის საქმიანობის დახასიათებაში მითითებულია მიწათმოქმედება, შესაქონლეობა და სამუშაოები¹⁵⁶) იმაზე მიუთითებს, რომ აღნიშნულ ტერმინის ქვეშ ხელოსნური (დამმუშავებელი) წარმოება იგულისხმება და იგი გავრცელებული უნდა იქნას, როგორც პროდუქციის დამზადება.

კახეთის სოფლების სამეურნეო საქმიანობის დახასიათებაში ჩვეულებრივ ტერმინი „სამუშაოები“ არ იხმარება; იქ, ისევე როგორც ხშირად ქართლის სოფლებში, სასოფლო-სამეურნეო საქმიანობის გვერდით პირდაპირაა მითითებული დამმუშავებელი წარმოების ის დარგი, რომელიც ამ სოფელშია განვითარებული. უმრავლეს შემთხვევაში, ცხადია, მითითებულია საფეიქრო წარმოების ცალკეული დარგები. მაგრამ საინტერესო ისაა, რომ კონკრეტულად ცალკეულ ოჯახს ხელოსნური საქმიანობის ნაცვლად მიწერილი აქვს „მუშაობა“ (работы). მაგალითად, 1804 წლის სოფ. ჩალაუბნის მცხოვრებთა სამეურნეო საქმიანობის დახასიათებაში აღნიშნულია, რომ ქართველები მისდევენ მიწათმოქმედებას, სომხები კი ტილოს ქსოვას¹⁵⁷. ამავე დროს 7 სომხურ ოჯახს მიწერილი აქვს, რომ თავს ირჩენენ „სამუშაოთი“. ამგვარი ვითარებაა სოფ. ბაკურციხეშიც¹⁵⁸ და სხვ. სრულიად ბუნებრივია, რომ ამ „სამუშაოებში“ სწორედ ქსოვა იგულისხმება.

გორის მაზრის სოფ. ხელთუბნის 1818 წლის აღწერაში კი ნებრუნებითაა, სამეურნეო დახასიათებაში მითითებულია „სამუშაოები“, ცალკეულ ოჯახებს კი მითითებული აქვთ ხელოვნობის სხვადასხვა დარგები (უპირატესად ქსოვა)¹⁵⁹.

¹⁵⁶ სცსი, ფ. 254 აღ. I, საქ. 54, ფურც. 182.

¹⁵⁷ იქვე, საქ. 75, ფურც. 210.

¹⁵⁸ იქვე, ფურც. 297.

¹⁵⁹ იქვე, ფ. 254, აღ. I, საქ. 541, ფურც. 253.

ყოველივე ზემოთქმულის საფუძველზე აშკარაა, რომ აღნიშნული ტერმინის ქვეშ იგულისხმება ხელოსნური საქმიანობა — ძირითადად საფეიქრო წარმოების სხვადასხვა დარგი. საეარაუდოა, რომ მასში აისახა დამმუშავებელი წარმოების ის ფორმა, რომელიც სასოფლო-სამეურნეო საქმიანობის პარალელურად არსებობდა როგორც დამატებითი შემოსავლის წყარო და რომელიც სასაქონლო წარმოების განვითარების საფუძველზე თანდათანობით შინამრეწველობის ფორმით ყალიბდებოდა. აქი გათვალისწინებული უნდა იქნას ერთი არსებითი მნიშვნელობის გარემოება: კამერალური აღწერების მონაცემებით სოფლის მოსახლეობაში მეტად იშვიათადაა გამოყოფილი მწარმოებელთა ის კატეგორია, რომელიც საფეიქრო წარმოების მოსამზადებელ ოპერაციებში — რთვასა და პენტეაშია ჩაბმული. ამავე დროს, აღნიშნული დარგები განსაკუთრებით განვითარებულ იყო სოფლად, ისე რომ იგი არაპეტუ მთლიანად აკმაყოფილებდა ადგილობრივი (სოფლის) საფეიქრო წარმოების მოთხოვნილებას, არამედ ნედლეულზე გაცვლის ფორმით თუ სხვა გზით მნიშვნელოვანწილად ქალაქურ მრეწველობასაც უზრუნველყოფდა ნახევარფაბრიკატით. ამრიგად, არ არის გამორიცხული, რომ ამ ტერმინის ქვეშ უპირატესად სწორედ საფეიქრო წარმოების მოსამზადებელი ოპერაციები იგულისხმებოდეს.

იგივე უნდა იგულისხმებოდეს იმ შემთხვევაშიც, როცა „მუშაობა“, როგორც საქმიანობა ცალკეულ ოჯახებს აქვთ აღნიშნული.

რაც შეეხება ტერმინებს „გამომუშავება“ და „დღიური მუშაობა“, ისინი აშკარად დაქირავებული შრომის სხვადასხვა ფორმებს გამოხატავენ, ხოლო ის ფაქტი, რომ ამგვარი კატეგორიის ოჯახები განსაკუთრებით ბევრია იმ პუნქტებში, სადაც საფეიქრო წარმოება იყო განვითარებული, და ხშირად საფეიქრო საქმიანობის მონაცვლე ტერმინებადაც იხმარებიან, იმას უნდა მიუთითებდეს, რომ საფეიქრო წარმოებაში ადგილი აქვს დაქირავებული შრომის გამოყენებას.

თუ ეს ასეა, მაშინ განუზომლად იზრდება საფეიქრო წარმოების განვითარების მასშტაბები და დაბეჭითებით შეიძლება ითქვას, რომ იგი სხვადასხვა ფორმითა და დარგებით მეტ-ნაკლებად გავრცელებული იყო ქვეყნის თითქმის ყველა პუნქტში.

ამრიგად, საფეიქრო სასაქონლო წარმოებაში მეტ-ნაკლებად

ჩაბმული იყო ქვეყნის ბარის მწარმოებელი მოსახლეობის დიდი ნაწილი.

რთვა და ქსოვა თავისი ბუნებით სოფლური სარეწია. იგი ნატურალური მეურნეობის პირობებში მის პროდუქტებზე დიდი მოთხოვნილები და წარმოების მარტივი ხასიათის გამო, რომელიც დიდ ხელოსნურ გაწაფულობას არ საჭიროებდა, გლეხურ ოჯახებში დამატებითი საქმიანობის ფორმით გავრცელების დიდ პერსპექტივებს შეიცავდა. პირიქით, სააქონლო მეურნეობის პირობებში, როგორც დამოუკიდებელი სამრეწველო დარგი, იგი დიდ გავრცელებას აღწევს ქალაქებში. უფრო მეტიც, იქცევიან რა საქონელგაყვლისა და სასაქონლო მეურნეობის ცენტრებად, ქალაქები ამავე დროს საქონელბრუნვის ორბიტაში მოქცეული და უფრო მაღალ სოციალურ-ეკონომიკური განვითარების დონეზე ასული საფეიქრო წარმოების ცენტრებად გვევლინებიან.

განსახილველ პერიოდში საქართველოს ქალაქებში ადგილი აქვს საფეიქრო წარმოების გაფართოებას. აღნიშნული სარეწის განვითარების ტემპები ქალაქებში გარკვეულად აჭარბებს მისი განვითარების ტემპებს სოფლად. ყოველ შემთხვევაში, „მანუფაქტურა-ქარხნების უწყისების“ მონაცემებით 1819 წლიდან 1827 წლებში საქსოვ საწარმოთა ოდენობა ქალაქებში 407,1% გაიზარდა (იხ. ცხრ. 23). იმავე პერიოდში სოფლად საწარმოთა რიცხვი 354-დან 1038-მდე გაიზარდა. მატებამ შეადგინა 293,2%. თავისთავად სოფლური სარეწების სიჭარბე არ ემთხვევა საერთოდ წარმოებაში მათ ხვედრით წილს, რადგან ცალკეულ საწარმოთა მოცულობის გაფართოების ტენდენცია ქალაქებში გაცილებით მეტია. მეორე მხრივ, უწყისებში ქალაქებად მხოლოდ სამაზრო ქალაქებია მიჩნეული. ამიტომაც სოფელთა რიცხვში ბევრი ქალაქის ტიპის სავაჭრო-სამრეწველო ცენტრია ნაგულისხმევი, მათ შორის ცხინვალი, სურამი, ახალქალაქი და ა. შ.

განსაკუთრებით მდლად განვითარებული იყო საფეიქრო წარმოება თბილისში. აქ 1808 წლის მონაცემებით საქსოვ და მასთან დაკავშირებულ სხვა დარგებში ჩაბმული იყო 186 ოჯახი. 1824 წლისათვის ამ რიცხვმა 277-ს მიაღწია. ე. ი. მატებამ შეადგინა 150%. მაგრამ როგორც საბუთებზე დაკვირვება მოწმობს, საფეიქრო წარმოებაში ჩაბმულად უნდა იქნას მიჩნეული ოჯახების ის კატეგორიაც, რომელთა შემოსავლის წყაროდ აღწერებში „ხელსაქმეა“ დასახელებული. თუ აღნიშნული კატეგორიის მონაცემებსაც გავითვალისწინებთ, მაშინ მატება კიდევ უფრო მეტი იქნება და

იგი დაახლოებით 162,5% შეადგენს. მიუხედავად მატების მაღალი ტემპისა, იგი მნიშვნელოვნად ჩამორჩება საერთოდ საქაოვი საწარმოების რიცხვის ზრდას. საყურადღებოა, რომ 1824 წლისათვის საფეიქრო წარმოების ხვედრითი წილი ქალაქის საერთო ხელოსნურ წარმოებაში გარკვეულად ეცემა. 1808 წლის ცნობით საფეიქრო წარმოებაში ჩაბმული ოჯახები შეადგენდა ქალაქის ხელოსნური ოჯახებს 29,9%, 1824 წლის მონაცემებით კი — 23,5%. საფეიქრო წარმოების საერთო აღმავლობის ვითარებაში ამგვარი მოვლენა ორი გარემოებით უნდა აიხსნას: ჯერ ერთი, ხელოსანთა ფაქტიური რიცხვი არ უდრის მასში ჩაბმული ოჯახების რიცხვს, რადგან ოჯახს საქმიანობა მიწერილი აქვს მისი მეთაურის ხელობის მიხედვით, გამორიცხული არ არის, რომ იმ ოჯახების რიგითი წევრები (განსაკუთრებით ქალები), რომლებიც სხვა ხელობაში არიან ჩაბმულნი, საფეიქრო წარმოებასთან იყვნენ დაკავშირებული. აქ ისიც უნდა აღინიშნოს, რომ თბილისში (ისევე როგორც ბევრ სხვა ქალაქში) ჰეტად დიდი იყო იმ ოჯახების კონტინგენტი, რომელთა შემოსავლის ერთადერთი წყარო ხელსაქმე იყო, ხოლო ხელსაქმეში, როგორც ითქვა, უპირატესად საფეიქრო წარმოების სხვადასხვა ოპერაციები იგულისხმებოდა. ამავე დროს ყურადღებას იქცევს ის გარემოებაც, რომ ხელსაქმეში მთლიანად ქალები იყვნენ ჩაბმული და არც ერთ ოჯახში (1808 წლის ცნობით ამგვარი ოჯახები თბილისში 107-ია, ხოლო 1824 წელს — 199), რომელსაც იგი შემოსავლის წყაროდ ჰქონდა აღნიშნული, არც ერთი შრომისუნარიანი მამაკაცი არ ყოფილა. აქედან დასკვნა: ხელსაქმე თბილისელი ქალების საქმიანობის ატრიბუტი და შენაბამისად ოჯახის შემოსავლის დამატებითი წყარო ყოფილა, ხოლო ბირითად წყაროდ იგი მაშინ იქცეოდა, როცა ოჯახს მარჩენალი მამაკაცი არ ჰყავდა. მეორე გარემოება, რომელმაც განაპირობა საფეიქრო წარმოების ხვედრითი წილის გარკვეული შემცირება, ის უნდა ყოფილიყო, რომ კანერალური აღწერები აღრიცხვადნენ ქალაქის მკვიდრ ოჯახებს, ხოლო საფეიქრო წარმოებაში განსაკუთრებით დიდი იყო მწარმოებელთა იმ კატეგორიის მონაწილეობა, რომლებიც აქ ახლომახლო სოფლებიდან ჩამოდიოდნენ.

მსგავსი ვითარება იყო გორშიც. 1804 წლის მონაცემებით საფეიქრო წარმოების სხვადასხვა დარგებში ჩაბმული იყო 49 ოჯახი, ანუ საერთოდ ხელოსნური ოჯახების 39,2%, 1818 წლისათვის ითვლებოდა საფეიქრო წარმოებაში ჩაბმული 65 ოჯახი.

მატებამ შეადგინა 132,7%. მაგრამ ამავე დროისათვის საფეიქრო წარმოებაში ჩაბმული ოჯახების ხვედრითი წილი საერთო ხელოსნურ ოჯახებში 35,5%-ზე დაეცა, ამ შოვლენის ახსნაც იგივეა.

ასევე მაღალი იყო საფეიქრო წარმოებაში ჩაბმული მოსახლეობის პროცენტული რაოდენობა საქართველოს სხვა ქალაქებშიც. სახელდობრ, 1804 წლის ცნობით სიღნაღში საფეიქრო წარმოებაში ჩაბმული იყო 120 ოჯახი, ანუ ხელოსნური ოჯახების საერთო რაოდენობის 59,1%; 1821 წლის ცნობით დუშეთში საფეიქრო წარმოებაში ჩაბმული იყო 56 ოჯახი, ანუ ხელოსნური ოჯახების საერთო რაოდენობის 71,8% და ა. შ.

შეიძლება გადაუქარებლად ითქვას, რომ საქართველოს რიგი საეკონომიკური ცენტრებისა ე. წ. მცირე ქალაქებისა (ახალქალაქი, ცხინვალი, ახალგორი და სხვ.) და უფრო მცირე ზომის სავაჭრო-სამრეწველო დაბების (ანაგა, ველისციხე, ხელთუბანი და ა. შ.) არსებობა, რომლებიც თავის დროზე შრომის საზოგადოებრივი დანაწილების საუბედველზე ყალიბდებოდნენ, განსახილველ პერიოდში სწორედ საფეიქრო წარმოების განვითარებასთან და მისი პროდუქციით ვაჭრობასთან იყო დაკავშირებული.

ყოველივე ზემოთქმულიდან აშკარად ჩანს, რომ საფეიქრო წარმოებაში ჩაბმული იყო ქვეყნის შრომისუნარიანი მოსახლეობის მეტად დიდი ნაწილი, რაც ამ სარეწის მეტად ფართო გავრცელებს შედეგი იყო.



ფეოდალურ-ბატონყმური ქვეყნისათვის მწარმოებელთა ამგვარი მასობრივი ჩაბმა დამმუშავებელ მრეწველობაში საგანგებო განმარტებას მოითხოვს, მით უმეტეს, რომ ეს საკითხი საშინაო ბაზრის ჩამოყალიბებისა და განვითარების პრობლემის შემადგენელი ნაწილია და, ამდენად, ამოსავალია ახალი, კაპიტალისტური ურთიერთობის ფორმირების პროცესის გარკვევაში.

დასამუშავებლად ვარგისი მიწებს სიმცირე, რასაც არა მარტო ნიადაგის ხარისხი და შორწყვის პრობლემა, არამედ მნიშვნელოვანწილად ისიც განსაზღვრავდა, თუ რამდენად იყო იგი დაცული მეზობელ მთიელი ფეოდალების მძარცველური თავდასხმებისაგან, და დამმუშავებელ სასაქონლო წარმოებაში ჩაბმის სიმართვე, რასაც ფეიქრობის საოჯახო ფორმების არსებობის ხანგრძ-

ლოვი ტრადიციებიც ადვილებდა, საფეიქრო ნაწარმზე მოთხოვნილების ზრდის პირობებში უშუალო მწარმოებლებს ამ საქმიანობისაკენ იზიდავდა.

ბატონყმური ურთიერთობის მოშლა, ყმური შრომის რენტაბელობის დაცემა და ამის საფუძველზე შრომაძიგებითი ბეგარის ხვედრითი წილის შემცირება, ხოლო მეორე მხრივ, სასაქონლო მეურნეობის განვითარება და ცხოვრების ყაიდის ცვლა, რაც გაბატონებული კლასის წარმომადგენლებს ფულადი შემოსავლის ძიების აუცილებლობის წინაშე აყენებდა, კარნახობდა მათ არაპეტუ არ შეეჩერებინათ მწარმოებელთა ამგვარი მისწრაფებები, არამედ კიდევაც წაეჭვებინათ ისინი.

ნებატონეები არათუ ურიგდებოდნენ ყმა-გლეხების საწარმოო საქმიანობაში ჩაბმას ადგილზე, არამედ ხელსაც კი უწყობდნენ მათ გადაადგილებას სამრეწველო ცენტრებში. ზემოთ მოტანილი იყო საბუთი, თუ როგორ თავგამოდებით იცავდა თბილისში დროებით ჩამოსულ და მრეწველობაში ჩაბმული თავის ყმების ინტერესებს თავადი ზაალ ზურაბოვი¹⁶⁰. მუხრანბატონის ყმა ხელოსანთა არაერთი ოჯახი ცხოვრობდა თბილისში მებატონის ნებართვითა და ხელშეწყობით, ხოლო როცა ადგილობრივი ხელისუფლება მათ უკან გადასახლების საკითხს აყენებდა, ისინი ამაზე სასტიკ პროტესტს აცხადებდნენ¹⁶¹. თავადი ელიზბარ ფალავანდიშვილი თავისი ყმების 8 ოჯახს, რომელთაგან სამი ვაჭრობდა, ხუთი კი — ფეიქარი იყო, სოფელ ძაგანიდან ცხინვალში ასახლებს¹⁶². ქალაქებსა და დაბებში სამრეწველო-საქმიანობაში ჩაბმის მიზნით სახაზინო გლეხთა მოძრაობის ინტენსიურ პროცესს კარგად ახასიათებს გასული საუკუნის 10-იან წლებში შედგენილი ერთი ოფიციალური საბუთი: „სახაზინო უწყების ბევრი გლეხი რეწვისათვის ქალაქებსა და დაბებში ცხოვრობს, რომლებზედაც სახაზინო ექსპედიციაში ყოველ საათს შემოდის მათი სოფლების მცხოვრებთა თხოვნები მათ მიერ გადასახადების გადაუხდელობი-

¹⁶⁰ სცსია, ფ. 16, საქ. 497, ფურც. 40.

¹⁶¹ იქვე, საქ. 429, ფურც. 3.

¹⁶² А. Я. П а н ц х а в а, Вопросы аграрной истории Грузии, I пол. XIX века, Тб., 1960. ამ და სხვა სახის მასალებზე დაყრდნობით ავტორი ასკვნის «В условиях крепостного права внутреннее передвижение крепостного населения было ограничено. Но экономическое развитие страны и разложение феодальных отношений не могли остановить этого передвижения и даже усиливали его», с. 60.

სა და ბეგარისაგან თავის არიდების თაობაზე¹⁶³. მებატონეთა დასტურით დასაველეთ საქართველოს გლეხური მოსახლეობის მოძრაობაზე მიუთითებს მ. სელეზნიოვი. მისი ცნობით, „კოლხიდის მცხოვრებლები, რომლებსაც თავის გამოსაკვებად არაფერი აქვთ გარდა ტყის ნაყოფისა, უკიდურესად ღარიბები არიან, ეს მათ აიძულებთ მიატოვონ სამშობლო, ჯაიფანტონ ამიერკავკასიის სხვადასხვა ოლბექში, ჩაებან მძიმე ხელობებში... გამოჰუმეავებულ ფულს რისინი თავიანთ ოჯახებს უგზავნიან, რათა გადასახადებონ გადახდის საშუალება მისცენ“¹⁶⁴.

მაჰმადიანური ქვეყნების რკალში მოქცეული ქრისტიანული საქართველო მეზობელი სახელმწიფოების ერთმორწმუნე მოსახლეობის მნიშვნელოვანი დასაყრდენი და თავშესაფარიც იყო. რუსული ხელისუფლების დამყარების შენდევ ეს როლი კიდევ უფრო განმტკიცდა. რუსეთი კავკასიაში ქრისტიანობის დაცვის დროშით შემოდირდა. მახლობელი მაჰმადიანური ქვეყნებიდან ერთმორწმუნე ლტოლვილების საქართველოში მოზიდვა და მათი მფარველობა მისი პოლიტიკის ერთ-ერთი შემადგენელი ნაწილი იყო¹⁶⁵. ამის გამო აღნიშნული ქვეყნებიდან საქართველოსაკენ მოისწრაფოდნენ ეროვნულ და რელიგიურ ჩაგვრას გამოქცეული ქრისტიანული მოსახლეობის მნიშვნელოვანი მასები. 1805 წელს ერევნის სახანოდან თბილისში ჩამოსახლებულთა რიცხვი 1500 სულს უდრიდა¹⁶⁶. 1807—8 წლებში გარეთუბანსა და ავღაბარში ჩამოსახლებული სომხური ოჯახების რიცხვი 338 ოჯახს (1906 ჰულს) ითვლიდა¹⁶⁷. მეტად დიდი იყო ქრისტიანული მოსახლეობის ლტოლვა ახალციხის საფაშოდან. ერთი ცნობით, მარტო 1812 წელს ჭავახეთიდან ქართლში 171 ოჯახი გადმოსახლდა¹⁶⁸. 1808 წლის ცნობით, თბილისის მოსახლეობაში საკმაოდ მრავალრიცხოვანი ყოფილა იმ ოჯახების რაოდენობა, რომლებიც სხვადასხვა დროს ჭავახეთიდან გადმოსულან¹⁶⁹. ახალციხიდან გადმოსახ-

¹⁶³ სესია, ფ. 16, საქ: 858, ფურტ. 2.

¹⁶⁴ Руководство к познанию Кавказа Михаила Селезнева, кн. 2, СПб., 1841, с. 81—82.

¹⁶⁵ სესია, ფ. 16, საქ. 1274.

¹⁶⁶ სესია, ფ. 1010, საქ. 175, ფურტ. 21.

¹⁶⁷ სესია, ფ. 254, აღ. I, საქ. 185, ფურტ. 254—259.

¹⁶⁸ სესია, ფ. 16, საქ. 1462.

¹⁶⁹ სესია, ფ. 16, საქ. 495, ფურტ. 30.

ლებულთა რაოდენობა ჩნიშვნელოვანი იყო გორის მაზრაში¹⁷⁰, განსაკუთრებით ბევრი იმერეთში და ა. შ.

გნასახილველი ხანა კლასობრივი ბრძოლის არნახული გაქანებით ხასათდებოდა, რომლის ერთ-ერთი ყველაზე გავრცელებული ფორმა ყმების გაქცევაში გამოიხატებოდა. ეს პროცესი საქართველოს ყველა კუთხეში შეინიშნებოდა, მაგრამ განსაკუთრებით ძლიერი იყო იგი დასავლეთ საქართველოში. ერთი მხრივ, ბატონყმური ურთიერთობის განსაკუთრებით მძიმე ფორმები, ხოლო მეორე მხრივ, სამრეწველო და სავაჭრო საქმიანობის განვითარების შედარებით მალალი დონე აღმოსავლეთ საქართველოში, განაპირობებდა იმ ფაქტს, რომ დასავლეთ საქართველოდან აღმოსავლეთში გლეხთა გამოქცევის პროცესი ძალზე ინტენსიური იყო. დასავლეთ საქართველოდან გამოქცეულ ყმა-გლეხთა თავმოყრის ადგილები ძირითადად აღმოსავლეთ საქართველოს სავაჭრო-სამრეწველო ცენტრები იყო, სადაც მათ არა მარტო სამუშაოს შოვნისა და თავის გატანის, არამედ თავის შეფარების, მებატონეთა ძიებ-ბრძაგან გადაარჩენის, დამალვის შესაძლებლობაც მეტი პქონდათ. მეტად დიდი იყო გამოქცეულ გლეხთა ლტოლვა სიღნაღის მაზრისაკენ, სადაც ჯერ კიდევ ერეკლეს დროიდან მოქმედებდა წესი, რომელიც XVIII საუკუნეში ამ მეტად მნიშვნელოვანი ფორპოსტის მოშენებისა და გაძლიერების მიზნით იქნა შექმნილი და ქიზიყში დასახლებული კაცის აყრას კრძალავდა.

თუ რაოდენად დიდი იყო გამოქცეული ყმა-გლეხების კონტიგენტი საქართველოს სხვადასხვა სავაჭრო-სამრეწველო ცენტრებში, ამაზე აშკარად მეტყველებს შემდეგი ფაქტი: როცა 1804 წელს რუსულმა ხელისუფლებამ სცადა მიეკვლია და დაეხუსტებინა იმერთიდან თბილისსა და მის მაზრაში უნებართვოდ ჩამოსახლებულ პირთა რაოდენობა, ამ კატეგორიის 3000 სულს მიაკვლია¹⁷¹. ცხადია ყველას მიგნება ვერ მოხერხდებოდა, ხოლო ვისაც მიაკვლიეს. უპირატესად შრომისუნარიანი მამაკაცები იყვნენ. ამ რიცხვის მასშტაბი რომ წარმოვიდგინოთ, უნდა გავითვალისწინოთ, რომ თბილისში იმ დროს სულ 20 000 მცხოვრები იყო, რომელთაგან შრომისუნარიანი მამაკაცი სულ 5 000 თუ იქნებოდა. მიუხედავად რუსული ხელისუფლების არაერთი ხელისშემშლელი ღო-

¹⁷⁰ სცსია, ფ. 254, აღ. I, საქ. 220, ფურც. 233; საქ. 840, ფურც. 151 და ა. შ.

¹⁷¹ სცსია, ფ. 254, აღ. I, საქ. 757, ფურც. 593—594.

ნისძიებისა, მებატონეთა აქტიური ბრძოლისა და ა. შ., ეს პროცესი ინტენსიურად მიმდინარეობდა მთელი განსახილველი პერიოდის მანძილზე. განსაკუთრებით გაძლიერდა იგი 1812 წლის შიშხილოზის პერიოდში¹⁷².

ამგვარად, მოსული ელემენტი მეტად მნიშვნელოვანი იყო არა მარტო ისეთ სავაჭრო-სამრეწველო ცენტრებში, როგორც თბილისი, გორი, სიღნაღი, თელავი და დუშეთი, ცხინვალი იყო. არამედ უფრო მცირე მნიშვნელობის დაბებშიც (რუისი, ქარელი და ა. შ.)¹⁷³.

მოსული ელემენტის საქმიანობის შესახებ წარმოდგენას იძლევა შემდეგი ფაქტი: როცა 1817 წელს სცადეს დაედგინათ ქალაქებში მოსული ოჯახების რაოდენობა, გაირკვა, რომ იმ 73 ოჯახიდან რომლებსაც საბუთში საქმიანობა მიწერილი ჰქონდათ, თითქმის ყველა ვაჭრობა-ხელოსნობაში იყო ჩაბმული, აქედან 29 ოჯახი, ანუ საერთო რაოდენობის 39,7% ფეიქრები იყვნენ¹⁷⁴.

სავაჭრო-სამრეწველო აღმავლობის ვითარებაში, როგორც ჩანს, საქართველოს სამრეწველო ცენტრებში საკმაოდ მნიშვნელოვანი იყო მოსაშოვრე ხელოსანთა ლტოლვა მეზობელი ქვეყნებიდანაც. 1826 წელს თბილისელი ფეიქრების საჩივრის გამო ხაზინამ შეამოწმა და დაადგინა, რომ ამ წელს თბილისში თურქეთისა და ირანის სხვადასხვა ქალაქებიდან დროებით გადმოსული 150-ზე მეტი ფეიქარი საქმიანობდა¹⁷⁵.

თი იყო ის წყაროები, რომლითაც დამმუშავებელ მრეწველობაში მუშახელის ნაკადი მოდიოდა. წინამდებარე ნაშრომის შეზღუდული მოცულობა საშუალებას არ იძლევა უფრო დაწვრილებით განვიხილოთ ეს თავისთავად მეტად საინტერესო და არსებითად შეუსწავლელი პროცესი. მაგრამ ნათქვამიდან ამკარაა, რომ საერთოდ დამმუშავებელ მრეწველობაში და, კერძოდ, ფეიქრობაში მუშახელის მეტად მნიშვნელოვანი რაოდენობის ჩაბმას ჩვენში რეალური საფუძველი ჰქონდა.

• • •

ამრიგად, საფეიქრო წარმოებაში ჩაბმული იყო ქვეყნის სოფლის მოსახლეობის მეტად მნიშვნელოვანი ნაწილი. კამერალური

¹⁷² სცსია, ფ. 254, აღწ. I, საქ. 757, ფურც. 593—594.

¹⁷³ სცსია, ფ. 254, აღ. I, საქ. 542, ფურც.

¹⁷⁴ სცსია, ფ. 254, აღ. I, საქ. 216, ფურც. 39.

¹⁷⁵ სცსია, საქ. 923, ფურც. 1178—1179.

აღწერები სხვადასხვა კუთხეში საფეიქრო წარმოებაში ჩაბმული ოჯახების მეტად მნიშვნელოვან პროცენტს ადასტურებენ. იმის გამო, რომ კამერალური აღწერები სამრეწველო საქმიანობას სოფლის მეურნეობის რაიონებში მხოლოდ იმ შემთხვევაში აღნიშნავენ, როცა იგი უპირატესად გამოყოფილია სოფლის მეურნეობისაგან, საფეიქრო წარმოებაში ჩაბმული მოსახლეობის ხვედრითი წილი ფაქტიურად გაცილებით დიდია, ვიდრე ეს იმ მონაცემებიდან ჩანს. კამერალურ აღწერებში ოჯახების ის კატეგორია, რომლისთვისაც სამრეწველო (უპირატესად საფეიქრო) საქმიანობა დამატებითი შემოსავლის წყაროა, აღნიშნულია ტერმინით „თავს ირჩენს მუშაობით“. იმის გამო, რომ ამგვარი აღნიშვნა ცალკეულ სოფელთა სამეურნეო საქმიანობის დახასიათებისას მეტად ხშირია (ქართლში იგი სოფლების აბსოლუტურ უმრავლესობას აქვს აღნიშნული), შეიძლება ვიგულისხმოთ, რომ საფეიქრო წარმოებასთან დაკავშირებული იყო საქართველოს თითქმის ყველა სოფელი. საფეიქრო წარმოება მეტად ფართოდ იყო გავრცელებული ქალაქებში, განსაკუთრებით თბილისში, რასაც მოწმობს საფეიქრო წარმოებაში ჩაბმული ოჯახების მაღალი პროცენტი. როგორც ირკვევა, საფეიქრო წარმოებაში უპირატესად ჩაბმული იყო ქალაქის მოსახლეობის ის კატეგორია, რომლებიც კამერალურ აღწერაში „ხელსაქმით“ მომუშაუებებადაა მოხსენიებულნი.

სამრეწველო და, კერძოდ, საფეიქრო წარმოებაში ჩაბმული მუშახელის მაღალი კონტინგენტი ივსებოდა იმ ყმური მოსახლეობით, რომლებიც მებატონეთა სურვილითა და ხელშეწყობით ებმებოდნენ აღნიშნულ საქმიანობაში, მეზობელი მაჰმადიანური ქვეყნებიდან ლტოლვილი ქრისტიანული მოსახლეობით, საქართველოს სხვადასხვა კუთხეებიდან კლასობრივი ბრძოლის საფუძველზე გამოქცეული ყმა გლეხებით, მეზობელი ქვეყნებიდან დროებით გადმოსული მოსაშოვრე ხელოსნებით და ა. შ.

6. პირველი ცვლილებები წარმოებით ურთიერთობებში

წარმოების გაფართოება, მასში მშრომელთა მნიშვნელოვანი მასების ჩაბმა, არაიძულებითი შრომის გამოყენების ტრადიციები და მასშტაბები, საწარმოო ძალთა განვითარების ხასიათი, სასაჭუნლო მეურნეობის გავრცელება, საშინაო ვაჭრობის გაფართოება და საქონლის მნიშვნელოვანი ექსპორტი, მრეწველობის ისეთ რე-

ვოლუტეიურ დარგში, როგორც ფეიქრობაა, წარმოებითი ურთიერთობის თვალსაზრისით თვისებრივი ძვრების ძიების საფუძველს იძლევა. მარქსი და ენგელსი გარკვევით აღნიშნავენ, რომ „ფეიქრობა, რასაც მანამდე მისდევდნენ სოფელში სხვათა შორის გლეხები, რათა თავიანთთვის გაეკეთებინათ აუცილებელი ტანსაცმელი, იყო პირველი სახე შრომისა, რომელმაც ვაჭრობის გაფართოების ნეოხებით მიიღო ბიძგი შემდგომი განვითარებისაკენ“¹⁷⁶. მარტივი საქონელწარმოების კაპიტალისტურ საქონელწარმოებად გადაქცევის პროცესში ვაჭრის როლი განმსაზღვრელია. „ვაჭარი იყო რევოლუციური ელემენტი ამ საზოგადოებაში, სადაც უწინ ყველაფერი სტაბილური იყო, სტაბილური, ასე ვთქვათ, შემკვიდრეობის გამო, ... და აი, ამ სამყაროში შეიჭრა ვაჭარი, რომელიც მისი გადართილების ამოსავალი პუნქტი უნდა გამხდარიყო“¹⁷⁷. კ. მარქსის ნითითებით, „ვაჭრობას მეტნაკლებად დამშლელი ზეგავლენა აქვს წარმოების იმ არსებულ ორგანიზაციებზე, რომლებიც ყველა თავის ფორმაში უმთავრესად სახმარი ღირებულებებს წარმოებისადრია მიმართული“¹⁷⁸. მაგრამ ეს პროცესი თანდათანობით, ეტაპობრივად ხორციელდებოდა: „საუაჭრო კაპიტალი დასაწყისში მხოლოდ მოსაშუაღე მოძრაობას წარმოადგენს კიდურებს შორის, რომლებსაც იგი არ არის დაუფლებული და ამ წანამძღვართა შორის, რომელთაც იგი არ ჰქმნის“ თანდათანობით, „იგი წარმოებას სულ უფრო დაუქვემდებარებს საცვლელ ღირებულებას... ამით იგი იწვევს ძველი ურთიერთობის დაშლას, აღიღებს ფულის მიმოქცევას. იგი ხელთ იპყრობს არა მარტო წარმოების ნამეტს, არამედ თანდათან ნთქავს თვით წარმოებას და თავისთავზე დამოკიდებულს ხდის წარმოების მთელ დარგებს“¹⁷⁹.

კონკრეტულად ეს პროცესი სხვადასხვა გზით მიმდინარეობდა: „ფეოდალური წარმოების წესიდან გადასვლა ხორციელდება ორგვარად. მწარმოებელი ხდება ვაჭარი და კაპიტალისტი... ეს არის ნამდვილად რევოლუციის მომხდენი გზა. ანდა ვაჭარი ეუფლება

¹⁷⁶ კ. მარქსი და ფ. ენგელსი, გერმანული იდეოლოგია, ციტირებულია შიენიდან „მარქსი, ენგელსი, ლენინი, სტალინი ტექნიკის შესახებ“, თბ., 1936, გვ. 53—54.

¹⁷⁷ ფ. ენგელსი, „კაპიტალის“ მესამე ტომის დამატებანი, კაპიტალი, ტ. III, ნაწ. II, თბ., 1959, გვ. 548—549.

¹⁷⁸ კ. მარქსი, კაპიტალი, ტ. III, ნაწ. I, თბ., 1950, გვ. 418.

¹⁷⁹ იქვე, გვ. 418.

უშუალოდ წარმოებას¹⁸⁰. გადასვლის პირველი გზა ერთობ მიძიმე და ხანგრძლივი პროცესი იყო. იგი სახელოსნოს თანდათანობით გაფართოებასა და ნედლეულის დამოუკიდებლად შექმნასთან იყო დაკავშირებული, რაც გარკვეული თავდაპირველი მინიმალური კაპიტალის თვით ხელოსნობაშივე თანდათანობით დაგროვებას გულისხმობდა.

განსახილველი ხანის დოკუმენტური მასალა ცალკეული ხელოსნის მიერ პარალელურად ვაჭრობის წარმოების არაერთ ფაქტს ასახელებს. ამგვარ ფაქტებს აღგლი ჰქონდა საფეიქრო დარგის ხელოსნებშიც. ზოგჯერ აღნიშნული ხელოსნები პარალელურად ვაჭრობასაც ეწეოდნენ საკვები პროდუქტებით, როგორც ამას აქვთებდნენ სიღნაღის მაზრის ფეიქარი გლეხები — ნერსეს აფრიაშაშვილი და ზურაბ მარტირუხაშვილი¹⁸¹. ამგვარი ფაქტები გვხვდება ანანურის მაზრის 1804 წლის აღწერაშიც, კერძოდ, მჭსოველი გრიგოლ ნელიქოვი პარალელურად ვაჭრობდა საკვები პროდუქტებით¹⁸². ამ შემთხვევაში არ არის გამორიცხული შესაძლებლობა, რომ ხელოსანი (ფეიქარი) პარალელურად ეწევა იმ პროდუქტების გასაღებას, რომელიც მას თავისი ნაწარმის გაცვლის შედეგად აქვს მიღებული. ამგვარ შესაძლებლობას თითქოს ემხრობა ის, რომ აღწერის შემადგენელთა ცნობით, ფეიქრებს (იგულისხმება ბამბეულის დამამზადებელი ხელოსნები) „თავიანთი ნაწარმი ზოგჯერ მიაქვთ სოფლებში, სადაც მას ყიდიან ფულზე და ცვლიან მაუღზე და სხვაზე“¹⁸³. მოსალოდნელია, რომ ამ „სხვაში“ სწორედ საკვები პროდუქტები იგულისხმებოდეს. მეორე მხრე, იმ ხელოსნებს, რომლებიც პარალელურად საკვები პროდუქტებით ვაჭრობას ეწევიან, მითითებული აქვთ შესაბამისი კაპიტალი, რაც აღნიშნული პროდუქტების გაცვლით მიღების შესაძლებლობას თითქოს გამოარიცხავს. მაგალითად, ანანურის აღწერით ამგვარ კატეგორიაში 7 ოჯახი იყო მოქცეული, რომელთაც ვაჭრობის სხვადასხვა საბრუნავი თანხა ჰქონდა აღნიშნული¹⁸⁴. გოგია არუშანოვი კი, შემდგენელის ცნობით, მჩითავია, მაგრამ დროებით ნასესხები ფულით ვაჭრობს საკვები პროდუქტებით. იმავე საბუთით ანანურში აღნიშნულია 17 დუქანი, „რომლებშიც ქსოვენ ტილოს და ვაჭრობენ. ამო-

¹⁸⁰ ვ. შარქსი, კაპიტალი, ტ. III, ნაწ. I, თბ., 1950, გვ. 423.

¹⁸¹ А. Я. Панцхава, დასახ. ნაშ., გვ. 55.

¹⁸² სესია, ფ. 254, აღ. I, საქ. 77, ფურც. 4.

¹⁸³ სესია, ფ. 254, აღ. I, საქ. 77, ფურც. 2.

¹⁸⁴ იქვე.

სათვის ერევნიდან (მოტანილი) ნედლი ბამბით, და მათშივე... ღრო-
ვით ვაჭრობენ ჰაკვები და სასმელი პროდუქტებით¹⁸⁵. ვაჭრო-
ბის დროებითი ხასიათის ხაზგასმა დაკვირვებას მოითხოვს, მაგრამ
ჯერჯერობით ამაზე გადაჭრით რაიმეს თქმა ძნელია.

თავისთავად ხელოსნის ჩაბმა ისეთი საქონლით ვაჭრობაში, რო-
მელიც მისი ხელობის პროდუქტი არ არის, ერთობ მნიშვნელოვანია
საერთო ეკონომიკური და, კერძოდ, სასაქონლო ურთიერთობის გან-
ვითარების თვალსაზრისით. მაგრამ ეს ჯერ კიდევ არ ნიშნავს კაპი-
ტალისტური ურთიერთობის დასაწყისს, რადგან ხელოსანი სცილ-
დება მეურნეობის იმ სფეროს, რომელშიც იგი გაწაფული და კომ-
პეტენტურია; არ არის გამორიცხული, რომ, როდესაც ვაჭრობაში
გარკვეულ კაპიტალს დააგროვებს, იგი მეურნეობის იმ სფეროს
დაუბრუნდეს, საიდანაც მან მოღვაწეობა დაიწყო. მაგრამ ეს უკ-
ვე კაპიტალისტური ურთიერთობის ჩასახვის სულ სხვა გზა იქნე-
ბოდა. ეს იქნება ვაჭრის მიერ წარმოების თანდათანობით დაპყ-
რობა. ამაზე ქვემოთ დაწვრილებით იქნება საუბარი. ახლა კი უნდა
აღინიშნოს, რომ განსაჩილველი ხანის საბუთებში არაერთი მაგა-
ლითია იმისა, როცა სპეციალისტი ფეიქარი ვაჭრობდა იმ ნაწარ-
მით, რომელსაც ამზადებდა, ან იმ ნედლეულით, რომელიც მას
სჭირდებოდა.

იმავე ანანურის მაზრის 1804 წლის აღწერით მქსოველი ივანე
ვარდნაშვილი ერთდროულად ტილოთი და ბამბით ვაჭრობდა,
მქსოველი გიორგი დავითაშვილი კი ბამბით. გიორგი ფშაველიწვი-
ლი და ივანე ბეჟანიშვილი მქსოველები იყვნენ და ამავე დროს
ვაჭრობდნენ მოქსოვილი ტილოთი და ბამბით¹⁸⁶. გორის მაზრის
1814—1818 წწ. აღწერებში ხელოსნობასთან ერთად ვაჭრობას
მისდევდა მქსოველთა 9 ოჯახი, აქედან ერთი ოჯახი ვაჭრობდა
ხილით, დანარჩენი კი ბამბეულით, ქსოვილებით და წვრილმანი
საქონლით¹⁸⁷. იმის გამო, რომ „წვრილმან საქონელში“ იგულის-
ხმებოდა ზხვადამსხვა თავსაფრები, ზონრები, ძაფები, მოქსოვილი
სარტყლები და სხვა მისთანანი, შეიძლება დავასკვნათ, რომ ყვე-
ლა დანარჩენი რვა მქსოველი თავისი წარმოების საქონლითა და
ნედლეულით ვაჭრობს. ამგვარი მაგალითები ბევრია.

იმ შემთხვევაში, როდესაც ხელოსანი მისი ხელობის პროდუქტ-

¹⁸⁵ სცსია, ფ. 254, აღ. I, საქ. 77, ფურც. 7.

¹⁸⁶ სცსია, ფ. 254, აღ. I, საქ. 77, ფურც. 2-4.

¹⁸⁷ სცსია, ფ. 254, აღ. I, საქ. 540, 541, 542.

ტებითა და ნედლეულით ვაჭრობდა, განვითარებს თვისებრივად კანსხვავებული პერსპექტივა შეიძლებაოდა დასახულიყო, რადგან ფეოდალური ურთიერთობიდან გადასვლას პირველი „ნამდვილად რევოლუციის მომხდენი გზა“ იმით იწყება, რომ „მქსოველი ოსტატი ნაცვლად იმისა, რომ მატყლი ვაჭრისგან მიიღოს თანდათან ცოტ-ცოტაობით და მისთვის თავისი ქარგლების დახმარებით იმუშაოს, თვითონ ყიდულობს მატყლს ან ნართს და ვაჭარს მიჰყიდის თავის მუღს“¹⁸⁸. მაგრამ აქ ჯერ მხოლოდ პერსპექტივა ისახება და როგორ განვითარდება და რა სახეს მიიღებს იგი, ეს მომავლის საქმეა. სულაც არ არის აუცილებელი ყველა ხელოსანი, რომელმაც ეს ნაბიჯი გადადგა, საბოლოოდ კაპიტალიზმი გამხდარიყო. პირიქით, ამგვარი საშუალება მრავალთაგან მხოლოდ ცალკეულებს ეძლეოდათ. სახელოსნოს გაფართოებისათვის გარკვეული მინიმალური კაპიტალია საჭირო. ეს კაპიტალი კი ხელოსნობაში მეტად ნელა და ხანგრძლივი პერიოდის განმავლობაში თუ შეიძლება დაგროვდეს. აქ გარკვეულად დადებითი, დამაჩქარებელი როლი უნდა ეთამაშა საოჯახო კოოპერაციას, რასაც ჩვენს პირობებში დიდი ოჯახის შემორჩენილი ტრადიციის არსებობა უწყობდა ხელს.

არსებული მასალა საშუალებას იძლევა დაეადგინოთ არაერთი შემთხვევა, როცა ერთ ოჯახში რამდენიმე მოწიფული მამაკაცი ერთ ხელობას ან ერთი დარგის სხვადასხვა ოპერაციას ასრულებს. მაგალითად, 1810 წლის ცნობით, თბილისელი გრიქურაშვილებს¹⁸⁹ ოჯახში სამი მოწიფული, ცოლშვილიანი ძმა იყო გაერთიანებული. ოჯახი 16 სულსაგან შედგებოდა და სამივე ძმა მღებრობას მისდევდა. ოჯახი საკმაოდ შეძლებული იყო, რასაც ის გარემოება მოწმობდა, რომ მასზე მახტა 10 მან. 50 კაპ. იყო გაწერილი¹⁹⁰. ველისციხის 1817 წლის აღწერით დათია გიქჩაშვილის ოჯახში 4 ცოლშვილიანი ძმა იყო გაერთიანებული და ყველა ფეიქრობას მისდევდა. ამგვარივე ვითარება იყო დათია პაპაშვილის ოჯახშიც. საყურადღებოა, რომ აღნიშნულ ოჯახებს საკუთარი დუქნებიც ჰქონდათ¹⁹⁰, რაც ერთი მხრივ, მათ შეძლებულებს მიუთითებს, მეორე მხრივ კი, წარმოების გაფართოებისა და ვაჭრობაში ჩაბმის პერსპექტივებს. იმავე აღწერით არუთინ მეზვრიშვილის ოჯახში 7 მოწი-

¹⁸⁸ კ. მ ა რ ქ ს ი, „კაპიტალი“, ტ. III, ნაწ. I, თბ., 1950, გვ. 425.

¹⁸⁹ სცსია, ფ. 254, აღ. I, საქ. 1424, ფურც. 721.

¹⁹⁰ სცსია, ფ. 254, აღ. I, საქ. 499.

ფული ძმა იყო და ყველა საფეიქრო წარმოებაში ჩანს ჩაბმული¹⁹¹. გეო ღარიბაშვილის ოჯახში 3 მოწიფული ძმა იყო, რომლებიც მჩითავებად არიან მოხსენიებულნი. ასეთივე ვითარება იყო დათო გვეურქაშვილის ოჯახში¹⁹². საბუთებში არაერთი იმის მაგალითიც გვხვდება, როდესაც ცალკეულ ოჯახებში საფეიქრო წარმოების მთელი პროცესი მიმდინარეობდა ნედლეულის პირველადი დამუშავებიდან პროდუქტების საბოლოო გაფორმებამდე. მაგალითად, გურჯაანელი ძმების აჯიმამუღაშვილების ოჯახი, რომელიც 11 სულსაგან შედგებოდა, ტილოს ქსოვდა და ღებებდა¹⁹³. ვაჭირელი სარქისაშვილების ოჯახში 3 მოწიფული ძმა ცხოვრობდა, რომლებიც, წყაროს ცნობით, ტილოს ქსოვდნენ და თვითონვე მჩითავეები იყვნენ¹⁹⁴. ამგვარი მრავალი მაგალითის მოტანა შეიძლება.

ხაზი უნდა გაუსვას იმ გარემოებასაც, რომ ფეიქრობა მეურნეობის ეს დარგია, რომელიც ყველაზე ადვილად იტანს ქალებისა და ბავშვების შრომას და ხშირად მას გარკვეულ უპირატესობასაც კი ანიჭებს. ამიტომ ადვილი წარმოსადგენია, რომ ჩამოთვლილ ოჯახებში, და ბევრ სხვაშიც, წარმოებაში ფაქტიურად ჩაბმული მუშახელის რაოდენობა მნიშვნელოვნად ჰარბობდა მოწიფულ მამაკაცთა რიცხვს და იგი ხშირად 10—12 და შეიძლება მეტ სულსაც აერთიანებდა. ერთი სიტყვით, ყალიბდებოდა საოჯახო კოოპერაცია. მწარმოებელთა ამგვარი თავმოყრა ერთ ოჯახში, ერთ ქერქვეშ, რომელთა მეცადინეობა ერთგვაროვანი პროდუქციის წარმოებისკენ იყო მიმართული, მნიშვნელოვნად აადვილებდა და აიფებდა წარმოებას (შრომის დანაწილების ჩანასახები, შრომის იარაღების რაციონალური გამოყენება, ნედლეულით მომარაგების გაადვილება და ა. შ.), ამაღლებდა შრომისნაყოფიერებას და ამცირებდა წარმოების ხარჯებს. ყოველივე ამის გამო აქ კაპიტალის დაგროვებისა და წარმოების შემდგომი გაფართოების პერსპექტივები განუზომლად მაღალი იყო. სასაქონლო მეურნეობის პირობებში ამგვარი კოოპერაცია ახალი წარმოებითი ურთიერთობის პროტოტიპია და ამიტომ ვ. ი. ლენინი გარკვევით მიუთითებდა, რომ „ოჯახური კოოპერაცია კაპიტალიზატური კოოპერაციის საფუძველს წარმოადგენსო“¹⁹⁵.

¹⁹¹ სცთა, ფ. 254, აღ. I, სპ. 499.

¹⁹² იქვე.

¹⁹³ იქვე.

¹⁹⁴ იქვე.

¹⁹⁵ ვ. ი. ლენინი, თბზ., ტ.3, გვ. 407.

საოჯახო კოოპერაციას რომ დიდი მნიშვნელობა ჰქონდა ფეოდალური ურთიერთობიდან გადასვლის აღნიშნული გზის ჩამოყალიბების თვალსაზრისით, იქიდანაც ჩანს, რომ იმ ხელოსანთა მნიშვნელოვანი ნაწილი, რომელიც ვაჭრობაში ებმებოდა მრავალრიცხოვანი ოჯახისა და შესაძლოა, საოჯახო კოოპერაციის წარმომადგენელი იყო. ასეთი იყო, მაგალითად, სიმონ ტატანაშვილი, რომლის ოჯახი 13 სულისაგან შედგებოდა (5 მოწიფული მამაკაცი)¹⁹⁶, სურამელი შალომა დავარაშვილი, რომლის ოჯახი 11 სულსაგან შედგებოდა¹⁹⁷, იოსებ ჭინჭიბაშვილი, რომლის ოჯახი 14 სულისაგან შედგებოდა და ა. შ.¹⁹⁸.

სახელოსნოს გაფართოებისა და შესაბამისად ხელოსნის ვაჭრობაში ჩაბმის, ანუ ფეოდალური წარმოების წესიდან გადასვლის გზა მართო საოჯახო კოოპერაციაზე არ გადიოდა.

მრომის ხელოსნური დანაწილების პირობებში, ერთი პროდუქტის დამზადების ცალკეულ ოპერაციებში, რომლებიც ხელოსნობის ცალკეულ დარგებად იყოფა, წამყვან ადგილს ერთი რომელიმე პროცესი (ხელოსნური დარგი) იკავებს. ეს უპირატესობა იმაში გამოიხატება, რომ ტრადიციულად მომხმარებელთან (თავდაპირველად შემკვეთთან. შემდეგ ზყადველთან) კონტაქტის საშუალება ერთ ხელოსანს აქვს, ვთქვათ იმას, ვინც ხმლის მოზარნიშებას აწარმოებს. თავის მხრივ, აღნიშნული ოსტატი უკვე თვითონ ამუშაობდა კავშირს იმ ხელოსნებთან (მკვედელთან, რომელსაც ხმლის პირი უნდა გამოეკედა, სარაჯთან, რომელსაც ქარქაში და სხვა მოწყობილობა უნდა დაემზადებინა და ა. შ.), რომლებთანც ცალკეული ოპერაციები უნდა შეესრულებინათ. ამგვარ ვითარებაში ძირითადი ხელოსანი პრივილეგიულ მდგომარეობაშია, რადგან დანარჩენი ხელოსნები თანდათანობით მასზე დამოკიდებულნი ხდებოდნენ. აქედან მომდინარეობდა წარმოების გაფართოების პერსპექტივა.

უპირატეს შემთხვევაში ამგვარი პრივილეგიური მდგომარეობა ექნებათ პროდუქტის დამზადების ცენტრალური ან დამსრულებელი ოპერაციის დარგის ხელოსნებსაც. საფეიქრო წარმოებაში ამგვარი ოპერაციებია საკუთრივ ქაოვა, ლებვა და მოჩითვა. ამდენად, სახელოსნოს გაფართოების შესაძლებლობა ძირითადად ამ

¹⁹⁶ სცსო, ფ. 254, აღ. I, საქ. 541.

¹⁹⁷ იქვე, საქ. 542, ფურც. 605.

¹⁹⁸ იქვე.

დარგებში არსებობდა. უკანასკნელ შემთხვევაში ამის პერსპექტივა მეტი იყო, რადგან ლებვა და მოჩითვა თვით წარმოების ტექნოლოგიისა და მოწყობილობების გარკვეულად რთული ხასიათის გამო თავიდანვე გულისხმობდა რამდენიმე მაწარმოებლის ერთად მუშაობის აუცილებლობას.

იმ თავში, სადაც სამღებროების მონობოლოიაზე იყო საუბარი, აღინიშნა სახაზინო სამღებროებში დასაქმებულ მწარმოებელთა შეზღუდული ოდენობა — 3—5 კაცი. თავისთავად ჩვეულებრივი შუასაუკუნეობრივი სახელოსნოათვის ეს მცირე ოდენობა არ არის. მაგრამ როგორც აღნიშნული იყო, მწარმოებელთა შეზღუდულ ოდენობას ის გარეშობა განაპირობებდა, რომ მოიჭარე არ იყო სამღებროს შესაკუთრე, იგი მას დროებით ფლობდა და შესაბამისად ნასზე კაპიტალდაბანდებისაგან თავს იკავებდა. ყველა საფუძველი არსებობს ვივარაუდოთ, რომ კერძო სამღებროებში ამ მხრივ სულ სხვა მდგომარეობა იყო. საფეიქრო წარმოების ამალღებოს პირობებში სამღებროების გაფართოების ტენდენცია საკმაოდ ძლიერი უნდა ყოფილიყო. მართლაც. ვაჭრობაში ჩაბმულ ხელოსანთა მნიშვნელოვანი ნაწილი მღებრები ან მჩითავეები იყვნენ. ასეთი იყო 1812 წლის ცნობით ვინმე ტატო მჩითავი¹⁹⁹, 1824 წლის ცნობით ისაი პოდოსაშვილი, შაქარა ზელანიეს შვილი გეურქა²⁰⁰, ერისთავების ყმა ყაზარა და ა. შ.²⁰¹.

ამრიგად, აშკარაა, რომ განსახილველი ხანის საფეიქრო წარმოებაში შეინიშნება ფეოდალური წარმოების წესიდან გადასვლის ის გზა, როდესაც „მრეწველი ხდება ვაჭარი და უშუალოდ აწარმოებს დიდი მასშტაბით ვაჭრობისათვის...“ (მარქსი). მაგრამ ის, რაც ჭერჭერობით აღნიშნულ საკითხზე ითქვა, ამ გზის მხოლოდ დასაწყისია. თუ როგორი განვითარება მიიღო მან შემდეგში, ამაზე, ქვევით იქნება საუბარი. ამჟამად კი უნდა აღინიშნოს, რომ საფეიქრო მრეწველობაში ადგილი ჰქონდა გადასვლის მეორე გზასაც, „როდესაც ვაჭარი ეუფლება უშუალოდ წარმოებას“, რომელიც თუმცა თავისთავად ნაკლებად რევოლუციური გზაა, მაგრამ როგორც გარდამავალ საფეხურს, მას მაინც მეტად დიდი მნიშვნელობა აქვს.

¹⁹⁹ სცსია, ფ. 254, აღ. I, საქ. 858, ფურც. 30.

²⁰⁰ იქვე, ფურც. 674.

²⁰¹ იქვე, ფ. 254, აღ. I, საქ. 856, ფურც. 144.

7. სავაჭრო კავიბალი საფიქრო წარმოებაში. პროდუქციის
ნედლეულზე გაცვლის წინი

ქართული ბამბეულის საქსოვი წარმოება მნიშვნელოვანწილად შემოტანილ ნედლეულს იყენებდა. მისი პროდუქციის გასაღების არე კი მნიშვნელოვნად სცილდებოდა არამტოუ ვიწრო ადგილობრივ ბაზარს, არამედ საერთო ქართულ და კავკასიურ ბაზარსაც. ამდენად, ერთი მხრივ, ნედლი მასალის შესყიდვისა და პროდუქციის გასაღების სირთულე, მეორე მხრივ კი „მწარმოებელთა დაქსაქსულობა, განცალკევებულობა, მათ შორის სამეურნეო მეტოქეობისა და ბრძოლის არსებობა“²⁰² შესყიდველთა გაჩენის ობიექტურ პირობას ჰქმნიდა. თუ როგორ ისახებოდა შემსყიდველთა გაჩენის პროცესი საქართველოს საფეიქრო წარმოებაში, ამის წარმოდგენა შეიძლება ანანურის მაზრის მაგალითით XVIII—XIX სს. მიჯნაზე. ამ დროს, როგორც ჩანს, საქართველოს მთიანი რაიონის ეს ცენტრი ჯერ კიდევ საფეიქრო მრეწველობის განვითარების საწყის საფეხურზე იდგა, ამიტომ 1804 წლის ცნობით ანანურის „საერთოდ ყველა ფეიქარი ეწევა ბამბის ტილოების ქსოვას; ყიდულობენ (ე)რევენთან ან ლაიდანაც მოხვდებოთ ნედლ ბამბას, ქსოვენ ტილოს (და) ყიდიან მას სოფლებიდან მოსულეებზე, ამასთან ზოგჯერ ბამბაც მიაქვთ, სოფლებში ყიდიან მას ფულზე ან ცვლიან მათზე და სხვაზე“²⁰³. ამრიგად, თუ მოტანილი ციტატი ზუსტად ასახავს არსებულ ვითარებას და იგი ტრადიციულად არსებული წესის ანარეკლი არ არის, შეიძლება დავასკვნათ, რომ აღნიშნულ შემთხვევაში სახეზეა სასაქონლო წარმოების მხოლოდ საწყისი ტადაია. „რაც უფრო ფართოვდება ბაზარი, მით უფრო შეუძლებელი ხდება ასეთი წერილი დაქსაქსული გასაღება... დიდ ბაზარზე გასაღება დიდი, მასობრივი უნდა იყოს, და აი, წარმოების წერილი ზასიათი შეუჩივებელ წინააღმდეგობაში ვარდება მსხვილ საბითუმო გასაღების აუცილებლობასთან“²⁰⁴. ამის გამო თანდათანობით „შეძლებული უმცირესობის წარმომადგენლებმა. ხელთ იგდეს გასაღება, მოახდინეს მისი კონცენტრაცია“²⁰⁵. ე. ი. პერსპექტივაში ისახება იმ ურთიერთობის დამყარების აუცილებლობა, რომელიც დიდი ჯანია არსებობდა საქართველოს

²⁰² ვ. ი. ლენინი, თხზ., ტ. 3, გვ. 419.

²⁰³ სესია, ფ. 254, აღ. I, საქ. 77, ფურც. 2.

²⁰⁴ ვ. ი. ლენინი, თხზ., ტ. 3, გვ. 419—420.

ბარის რაიონებში და რომელიც ჩქარა აღნიშნულ მაზრაშიც ჩამოყალიბდა.

ზემოთ არაერთი მაგალითია მოტანილი იმის დასასაბუთებლად, თუ როგორ ებმებოდნენ საფეიქრო წარმოების რიგი სპეციალისტები აღნიშნულ პროდუქციით ვაჭრობაში, რაც სახელმწიფოს თანდათანობით გაფართოების გზით უნდა მომხდარიყო. არსებული მასალა იმის დაქტებსაც მრავლად შეიცავს, როცა ტექსტილური ნაწარმით ვაჭრობას არასაფეიქრო წარმოშობის გავაჭრებული ხელოსნებიც ეწეოდნენ²⁰⁵. აღნიშნულ საქმიანობაში განსაკუთრებით დიდი იყო იმ ძირძველი ვაჭრების ხვედრითი წილი, რომელთა არც ხელოსნური წარმოშობის დადგენა ხერხდება და არც ის, თუ როდის მოჰკიდეს ამ საქმეს ხელი. ერთი სიტყვით, საფეიქრო პროდუქციით ვაჭრობაში, როგორც ეს აღნიშნა წინამდებარე ნაშრომის შესაბამის თავში, ჩაბმული იყო ქვეყნის სავაჭრო კაპიტალის მეტად მნიშვნელოვანი ნაწილი. ამგვარი ვითარება სრულიად ლოგიკურია, რადგან საფეიქრო მრეწველობის პროდუქციას განსახილველ ხანაში გაბატონებული ადგილი ეკირა როგორც ადგილობრივ ბაზარზე, ისე ქვეყნის გარეთ გატანილ საქონელს შორის, ხოლო „ბაზრისთვის მომუშავე წვრილ წარმოებასა და სავაჭრო კაპიტალის ბატონობას შორის აუცილებელი მიზეზობრივი კავშირი არსებობს“²⁰⁶. ამრიგად, ისახებოდა ფეოდალური წარმოების წესიდან გადასვლის მეორე გზა, რომელიც სავაჭრო კაპიტალის მიერ წარმოების თანდათან დამორჩილებაში მდგომარეობდა. ეს პროცესი თანდათანობით მიმდინარეობდა და რამდენიმე ძირითად ფორმაში ვლინდებოდა: „პირველსა და ყველაზე უფრო მარტივ ფორმას წარმოადგენს ვაჭრის (ან მსხვილი სახელოსნოს მეპატრონის) მიერ წვრილ საქონელმწარმოებლისაგან ნაწარმის შესყიდვა“...²⁰⁷ „მეორე ფორმა არის მისი შეერთება მევახშეობასთან... მესამე ფორმას წარმოადგენს ნაწარმის ფასში საქონლის მიცემა... ამ ფორმის თავისებურება იმაში მდგომარეობს, რომ ის ახასიათებს არა მარტო წვრილ სარეწებს, არამედ საზოგადოდ სასაქონლო მეურნეობისა და კაპიტალიზმის ყველა განუვითარებელ სტადიას“²⁰⁸. დაბოლოს, „სავაჭრო კაპიტალის მეოთხე

²⁰⁵ სესია, ფ. 254, აღ. I, საქ. 808; იქვე, საქ. 540; იქვე, საქ. 803.

²⁰⁶ ვ. ი. ლენინი, თხზ., ტ. 3, გვ. 421.

²⁰⁷ იქვე, გვ. 428.

²⁰⁸ იქვე, გვ. 429.

ფორმა არის ვაკრის მიერ ანგარიშის გასწორება სწორედ იმგვარი საქონლით, რომელიც სჭირდება „შინამრეწველს“ წარმოებისათვის (ნედლი ან დამზარე მასალები და სხვ.)²⁰⁹. ახალი ურთიერთობის ჩამოყალიბების თვალსაზრისით სწორედ ამ მეოთხე ფორმას აქვს არსებითი მნიშვნელობა, რადგან იგი ამზადებს ნიადაგს თვისებრივი ხასიათის ცვლილებათვის: „თუკი ნაწარმის შემსყიდველი იწყებს ანგარიშის გასწორებას იმ ნედლი მასალებით, რომლებიც „შინამრეწველს“ ესაჭიროება, ეს ნიშნავს მეტად დიდ ნაბიჯს კაპიტალისტურ ურთიერთობათა განვითარებაში. მას შემდეგ, რაც შემსყიდველმა წვრილი მრეწველი მოსწყვიტა მზა ნაწარმთა ბაზარს, ახლა იგი მას სწვეტს ნედლეულის ბაზარს და ამით საბოლოოდ იმორჩილებს შინამრეწველს“²¹⁰.

ამრიგად, ვ. ი. ლენინის მითითებით, ურთიერთობის ის ფორმა, როდესაც ვაჭარი უშუალოდ მწარმოებლისაგან პროდუქციას იღებს არა ფულადი, არამედ ნედლეულით ანაზღაურებით, რაც ფაქტიურად პროდუქტის ნედლეულზე გაცვლას წარმოადგენს, უშუალო მწარმოებლას („შინამრეწველის“) საბოლოო დამორჩილებას ნიშნავს. განსაზღვრული ხანის დაქართველოს ღირებულებაში ამგვარი ფორმის არსებობას და მის გავრცელებას არაერთი საბუთი ადასტურებს. თუ რამდენად გავრცელებული იყო აღნიშნული ფორმა, იქიდანაც ჩანს, რომ იგი ასახულია საქართველოში არსებულ ბაჟებში; სახელდობრ, ჩელიექის ბაჟის ნიხრით გათვალისწინებულია „როცა ერევნიდან ბამბას ჩამოიტანენ ბაჟი საპალნიდან 30 კ. აიღება. თუ იგივე მეპატრონე, რომელმაც ბამბა ჩამოიტანა, მოისურვებს ნართზე გასაცვლელად ქართლში ან სხვა სოფლებში (წაიღოს), გაშვებისათვის საპალნებზე კიდევ 1 კაპიკს იხდის. სოფელში თუ ნართზე გაცვლის და ჩამოიტანს, ლიტრიდან 10 კ. ბაჟს იხდის, თუ ნარმაზე გაცვლის და ჩამოიტანს, არაფერს არ იხდის; თუკი იგივე მეპატრონე (იგულისხმება ვინც ერევნიდან ბამბა შემოიტანა — მ. ს.) კახეთში წაიღებს კიდევ დამატებით იხდის 1 კ. თუ იქიდან ნართს წამოიღებს (უნდა ვევარაუდოთ, რომ გაცვლის წესით, თუმცა არ არის გამოცხადებული ბამბის გაყიდვისა და ნართის ყიდვის შესაძლებლობაც), მაშინ ბაჟი ლიტრაზე 10 კ. აიღება, თუკი ნარმას ჩამოიტანს, მაშინ ისევე, როგორც ზევით ითქვა ბაჟს არ იხდის“²¹¹. როგორც ვხე-

²⁰⁹ ვ. ი. ლენინი, თხ., ტ. 3, გვ. 429.

²¹⁰ ვ. ი. ლენინი, თხ., ტ. 3, გვ. 430.

²¹¹ სცსა, ფ. 16, საქ. 333, ფურც. 23. ხაზი ჩვენია. — მ. ს.

დავთ, გათვალისწინებულია გაცვლის მრავალგვარი შესაძლებელი ვარიანტი, რაც იმაზე მიუთითებს, რომ აღნიშნულ წესს დიდი ხნის ტრადიცია აქვს, იგი კარგადაა დამუშავებული.

ჩელიქის ბაჟი თბილისში მოქმედებდა. როგორც მოტანილი საბუთიდან ჩანს, არსებობდა შესაძლებლობა თბილისიდან ბამბის ივსაცვლელად წაღებისა არა მარტო ქართლის, არამედ კახეთის სოფლებშიც. გაცვლის წესი ასახულია კახეთის ბაჟებშიც. როგორც ზევით აღინიშნა, კახეთის ბაჟები და საბეჭდავი ერთად გაიცემოდა იჯარით და საბუთებში ერთად „საბეჭდავის მოსაკრებლად“ მოახსენიება. საბუთში ვკითხულობთ: „შემსყიდველთან დადებული კახეთის საბეჭდავის კონტრაქტით, ჰხვათა შორის, მათ უწინდელი დებულებს თანახმად უფლება ეძლევათ თელავისა და მის მაზრაში ჩამოტანილ და გაყიდულ ბამბაზე აიღონ ბაჟი (საპალნიდან 1 მანეთი და ბეჭდის დასმისათვის 4 მანეთი); ხოლო სიღნაღში, მაზრასთან ერთად, ჩამოტანილ და შემდეგ სხვა დასხვა დაფხე გაცვილ, ან წვრილად გაყიდულ ბამბაზე, საპალნეზე 3 მანეთი“²¹². როგორც ვხედავთ, სიღნაღის მაზრაში სახეზეა პროდუქციის ნედლეულზე გაცვლის წესი. თელავში შედარებით სხვა ვითარება იყო, რაზედაც სათანადო ადგილას საგანგებოდ შევჩერდებით. ამგვარი საბუთი მრავალია.

ა. შახუბატოვის ზევით მითითებულ „საქართველოს საშინაო მდგომარეობის აღწერაში“ დამოწმებულია არა მარტო პროდუქციის ნედლეულზე გაცვლის წესის არსებობა, არამედ კონკრეტულადაა მითითებული, თუ როგორი პირობებით (რა შეფარდებით) ხდებოდა ეს ოპერაცია: „ვაჭრები, რომლებიც შალს, ბამბის და სცლის ქსოვილებით ვაჭრობას ეწევიან, ბაზაზებად იწოდებიან. ისინი შეისყიდიან საპალნეების დიდ რაოდენობით ერევიდან შემოტანილ ბამბას და ფასს ერთდროულად მთელ თანხას ან ნაწინაწილ იხდიან; ცვლიან მას ნართზე, აძლევენ რა წმინდაში ბამბის ორმაგ წონას, საშუალოში 1 მთელს და სამ მეოთხედს, ხოლო უხეშში ერთნახევარს“ და სხვ²¹³.

ამრიგად, სრულიად უდავოა სავაჭრო კაპიტალის წარმოებაში ჩარევის იმ ფორმის ტრადიციული არსებობა და მისი გავრცელება, როდესაც „ნაწარმის შემსყიდველი იწყებს ანგარიშის გასწორებას იმ ნედლი მასალით, რომელიც „შინამრეწველს“ ესაჭი-

²¹² სცსია, ფ. 254, აღ. I, საქ. 702, ფურც. 60. ხაზი ჩვენია.—მ. ს.

²¹³ ხელნაწერთა ინსტიტუტი, ROS d 110.

როება. ეს კი „ნიშნავს მეტად დიდ ნაბიჯს კაპიტალისტურ ურთიერთობათა განვითარებაში... ამ ფორმიდან ერთი ნაბიჯიღა რჩება სავაჭრო კაპიტალის იმ უმაღლეს ფორმამდე, როცა შემსყიდველი პირდაპირ ურიგებს მასალას „შინამრეწველებს“ განსაზღვრულ ფასებში დასამუშავებლად. შინამრეწველი de facto ხდება დაწორავებულ მუშად, რომელიც მუშაობს კაპიტალისტისათვის თავის სახლში; აქ შემსყიდველის სავაჭრო კაპიტალი იქცევა სამრეწველო კაპიტალად. იქმნება კაპიტალისტური შინ მუშაობა“²¹⁴. თუ როგორ მიმდინარეობდა ჩვენში ეს პროცესი, შემდეგ პარაგრაფებში იქნება განხილული.

8. ცვლილებები პროდუქციის ნედლეულზე გაცვლის ტრადიციულ წესში

ჩელიექის ბაჟის, 1804 წელს შედგენილ, ნიხრში პროდუქციის ნედლეულზე გაცვლის წესის დადასტურება და ამ გზით მიღებულ ნართზე ასაღები ბაჟის ოდენობის დეტალური განსაზღვრა, ამ წესის არსებობის ხანგრძლივ ტრადიციაზე მიუთითებს. 1820 წელს შედგენილ საბუთში აღნიშნულია, რომ ნედლეულზე გაცვლის წესი არსებობდა XVIII საუკუნის მეორე ნახევარში. მასში იმაზეა საუბარი, რომ „ქართველი მეფეების დროს არსებული ჩვეულების მიხედვით კახეთის საბეჭდავის მუხლის ყოფილი შემსყიდველები ყოველთვის იღებდნენ ბაჟს ძაფზე გაცვლის მიზნით შემოტანილ ბამბაზე“²¹⁵. ჩელიექის ბაჟი შესულია „დასტურლამალში“, მაგრამ იქ პროდუქციის ნედლეულზე გაცვლის წესი არ ჩანს²¹⁶. მაშასადამე, XVIII საუკუნის პირველ მეოთხედში აღნიშნული ფორმა ყოველ შემთხვევაში იმდენად გავრცელებული არ იყო, რომ იგი სახელმწიფო კანონში დაეფიქსირებინათ.

ასეა თუ ისე, ფაქტია, რომ ეს წესი საქართველოს საფეიქრო წარმოებაში ჩამოყალიბდა არა უგვიანეს XVIII საუკუნის შუა ხანებისა. მაშასადამე, განსახილველი პერიოდისათვის ამ წესს სულ ცოტა ნახევარი საუკუნის ისტორია ჰქონდა, რაც საკმარისზე

²¹⁴ ვ. თ. ლენინი, დასახ. ნაშრ., გვ. 430.

²¹⁵ სესია, ფ. 254, აღ. I, საქ. 960, ფურც. 693.

²¹⁶ ქართული სამართლის ძეგლები., ივ. სურგულაძის გამოცემა, თბ., 1970, გვ. 540—541.

მეტი დროა ივისათვის, რომ მასში თვისებრივი ხასიათის ცვლილება მომხდარიყო. მაგრამ მაშინ ასახსნელია, თუ რატომ არ აიხაზა ეს ცვლილება შესაბამის საბუთებში.

ქერ ერთი, საჭიროა განიპარტოს, რომ ჩვეულებრივ სხვადასხვა მომიჯნავე ფორმათა შორის არ არსებობდა რაიმე მკაცრი, გარეგნულად თვალში საცემი ზღვარი. ახალი ფორმა ძველსაგან წარჩოიშვება და ამიტომ ისინი ერთი შეხედვით შეიძლება არც კი განსხვავდებოდნენ ერთმანეთისაგან. ნაწარმის შემსყიდველის მიერ ანგარიშის გასწორება იმ ნედლი მასალით, რომელიც „შინამრეწველს“ სჭირდება, ანუ ის ფორმა, რომელსაც ჩვენ სიმარტივისათვის „გაცვლის წესს“ ვუწოდებთ, იმაში მდგომარეობს, რომ ვაჭარი უშუალო მწარმოებელს აძლევს, ვთქვათ 2 კილოგრამ ბამბას, რაც საჭიროა 1,5-კილოგრამიანი წმინდა ნართის დასამზადებლად, მისგან კი ხანაცვლოდ იღებს 1 კილოგრამ ნართს. მასასადაბე, უშუალო მწარმოებელი თავის შრომის საზღაურად იღებს იმდენ ბამბას, რამდენიც საჭიროა 0,5 კილოგრამი ნართის დასამზადებლად. ამ წესის განვითარება კი შედეგად იქნება ურთიერთობის ისეთ სახეს, როცა ვაჭარი მწარმოებელს აძლევს 2 კილოგრამ ბამბას და მისგან იღებს 1,5 კილოგრამ ნართს, ე. ი. ზუსტად იმდენს, რამდენიც 2 კილოგრამი ბამბის გადამუშავების შედეგად გამოვიდა. ერთი შეხედვით, ამ ორ ფორმას შორის დიდი განსხვავება არ არის. ორივე შემთხვევაში ფაქტიურად გაცვლას აქვს ადგილი. მაგრამ ერთ შემთხვევაში შრომის ანაზღაურება ხდება ნედლი მასალით — ბამბით, მეორე შემთხვევაში კი ფულად. პოლიტეკონომიური თვალსაზრისით კი აქ თვისებრივი ნახტომი (ტრანსფორმაცია) ხდება. რადგან მას შემდეგ, რაც შრომის ანაზღაურება იწყება ფულის გადახდით, უშუალო მწარმოებელი ფაქტიურად ვაჭრის დაქირავებულ მუშად იქცევა, ვაჭარი კი მრეწველ კაპიტალისტად. იმის გამო, რომ ამგვარი გადასვლა ხდება არა ერთბაშად, არამედ თანდათანობით, ხოლო ერთი შეხედვით გარეგნული განსხვავება დიდი არ არის, ურთიერთობის ფორმის ცვლა შეიძლება გარეშე თვალისათვის კარგა ხანს შეუპოვებელი დარჩეს. ყოველ შემთხვევაში, ბაიების ნიხრში ამგვარი განსხვავების აღნიშვნას არავითარი აზრი არა აქვს, რადგან იქ ფიქსირდება არა ის, თუ როგორ ანაზღაურდება უშუალო მწარმოებლის შრომა, არამედ ის, თუ რამდენი ბამბა იქნა გზტანილი და რამდენი შემოიტანეს ნართი, რაზედაც

იღებენ შესაბამის ბაჟს²¹⁷. სწორედ ამის გამო მთელი განსახილველი პერიოდის განმავლობაში კახეთის ბაჟის იჯარა-შესყიდვის კონტრაქტები ზუსტად იმეორებენ გაცვლას იმ წესს, რომელიც მათივე რწმუნებით ჯერ კიდევ ქართველი მეფეების დროს იყო დადგენილი²¹⁸.

მეორეც. საბუთებზე დაკვირვება ნათელს ხდის პროლუქციის ნედლეულზე გაცვლას წესის ტრანსფორმაციას ხასიათს და მეტად საინტერესო სურათს გვიხატავს. ზემომოტანილ საბუთში კახეთის ბაჟების შესახებ დადასტურებულია თელავში ბაჟების გაყიდვა, ხოლო სიღნაღში გაცვლა ან წვრილად გაყიდვა, რაც იმაზე მიუთითებს, რომ გაცვლა ხდებოდა არა წვრილად, არამედ ბითუმად (ამგვარი საბუთი არაერთია, მაგრამ აქ მათ მოტანას აზრი არა აქვს, რადგან, როგორც ითქვა, აღნიშნულ წესს ისინი ზუსტად ერთნაირად ასახავენ). ამგვარივე ვითარება შეიმჩნევა გორის მაზრის ზოგიერთი სოფლის სამეურნეო დახასიათების ცნობებითაც. მაგალითად, 1803 წლის საბუთით მეჯვრისხევეში „გლეხები ნაწილი შეძლებული, ნაწილი კი ღარიბებია... სომხები ვაჭრობას ეწევიან თბილისში, გამომუშავებული ტილოები მიაქვთ და ბამბაზე ცვლიან, ხოლო ქართველები ეწევიან ტილოს ქსოვას, ძაფის რთვას და ღებვას“²¹⁹. რაკი პროლუქცია ვაჭარს მიჰქონდა, ცხადია, იგულისხმება, რომ ადგილი აქვს ბითუმად გაცვლას.

ყველა მოტანილი საბუთით გაცვლას ოპერაციაში მონაწილე მხარეები ერთი ადგილის მკვიდრნი არ არიან: ან ცენტრიდან ბამბა ჩააქვთ პერიფერიაში (ასეა კახეთის ბაჟის ნიხრის მიხედვით, ასეა ჩელიექის ბაჟის ნიხრის მიხედვით), ან პირიქით, პროლუქცია ჩააქვთ ცენტრში ბამბაზე გასაცვლელად, როგორც ეს მეჯვრისხევის მაგალითზე ჩანს. ყოველივე ამის საფუძველზე აშკარაა, რომ გაცვლა ხდებოდა არა ვაჭარსა (შემსყიდველს) და უშუალო მწარმოებელს („შინამრეწველს“) შორის, არამედ ერთი მხრივ ქალაქელ (ან ქა-

²¹⁷ რაც შეეხება იმ გარემოებას, რომ ბაჟი გათვალისწინებული არ არის შემოტანილ ქსოვილზე, რაც ჩელიექის ბაჟის ნიხრშია ასახული, ამას გაცვლის ფორმასთან არავითარი კავშირი არა აქვს, რადგან ქვეყნის შიგნით დამზადებული ქსოვილები, როგორც თავის ადგილზე იყო განმარტებული, ადგილზე იბეგრებოდა შესაბამისად საბეჭდავის მოსაქრებით და სამღებროს ფართით და მასზე ბაჟს აღარ იღებდნენ.

²¹⁸ სცსია, ფ. 254, აღ. I, საქ. 693, ფურც. 691; იქვე, საქ. 202, ფურც. 60; იქვე, საქ. 924, ფურც. 49, და ა. შ.

²¹⁹ სცსია, ფ. 2, აღ. I, საქ. 51, ფურც. 80.

ლაქში მოღვაწე) და მეორე მხრივ, პროვინციელ ვაჭარ-შემსყიდველს შორის.

ამგვარი ურთიერთობა სრულიად ლოგიკური და გასაგებია. იგი იმიტოა განპირობებული, რომ ბამბის პენტვა და რთვა,—საფეიქრო წარმოების მოსამზადებელი ოპერაციები, უმეტესად გლუნის ოჯახში დამატებითი (დამხმარე) საქმიანობის სახით სრულდებოდა და ამდენად, პერიფერიებში მეტად იყო განვითარებული. ყოველ შემთხვევაში, სოფლებში ეს პროდუქცია მეტი მზადდებოდა, ვიდრე მას ადგილობრივი საქსოვი წარმოება მოიხმარდა. პირიქით, სავაჭრო-სამრეწველო ცენტრებში საფეიქრო წარმოების საერთო აღმავლობის ვითარებაში იზრდებოდა მოთხოვნილება ამ წარმოების ნახევარფაბრიკატზე, რასაც ადგილობრივი წარმოება ვერ აკმაყოფილებდა.

ამ ორი ტენდენციის არსებობა განსაზღვრავდა პროვინციებში შემსყიდველთა გაჩენის ორ გზას. საფეიქრო პროდუქციის (ძაფი, ქსოვილი) შორეულ ადგილებში გასაღების აუცილებლობა და მისი ნედლეულით მომარაგებას სიძნელეები ადგლობრივ „შინამრეწველთაგან“ თანდათანობით წარმოშობდა მას. მეორე მხრივ, საფეიქრო წარმოების გაფართოება ცენტრებში „უბიძგებდა ვაჭრებს, რათა პროვინციებში შინამრეწველთაგან თავიანთი აგენტები გაეჩინათ, რომლებსაც, უგზავნიდნენ რა ბამბას, ავალებდნენ ადგილზე ეწარმოებინათ გაცვლის ოპერაციები და რომლებიც თანდათანობით თვითონ იქცეოდნენ ვაჭარ-შემსყიდველებად.

ამრიგად, ყველა განხილულ საბუთში გაცვლა ხდება ქალაქელ ვაჭარსა და ადგილობრივ შემსყიდველს შორის. მაგრამ საინტერესოა იმ ურთიერთობის გარკვევა, რომელიც მყარდებოდა შემსყიდველსა და უშუალო მწარმოებელს შორის. უნდა ვიფიქროთ, რომ ამ შემთხვევაში ურთიერთობა უპირატესად ნედლეულის დარიგებით ხდებოდა განსაზღვრულ ფაქტში დასამუშავებლად; ე. ი. უშუალო მწარმოებელი, ფაქტიურად შემსყიდველის დაქირავებული მუშა იყო. რასაკვირველია, არ შეიძლება იმ შესაძლებლობის გამორიცხვა, რომ, ვთქვათ, შემსყიდველი ქალაქელი ვაჭრისგან იღებდა ბამბას, აღნიშნულ ბამბას უცვლიდა შინამრეწველებს ნართზე, აღნიშნული ნართის ნაწილს თავისთან იტოვებდა გასამრეწველოდ, ნაწილს კი ქალაქელ ვაჭარს აძლევდა გასაცვლელი ბამბის საზღაურად, ხოლო მოგების სახით მიღებულ ნართს თავის მხრივ ურიგებდა მქსოველებს, რათა მისთვის ქსოვილები დაემზადებინათ ბაზარზე გასატანად, ან ნართი პირდაპირ გაჰქონდა ბაზარზე.

მაგრამ ამგვარ დამოკიდებულებას ბევრი წინააღმდეგობა ეღობებოდა და მისი განხორციელება პრაქტიკულად მეტად რთული იყო. ერთ-ერთი ძირითადი დაბრკოლება იმაში იყო, რომ ამ შემთხვევაში უშუალო მწარმოებელი დაინტერესებული უნდა ყოფილიყო ნედლეულზე პროდუქციის გაცვლაში.

ნედლეულზე გაცვლას უშუალო მწარმოებლისთვის მაშინ აქვს აზრი, როცა საჩეწი ჯერ კიდევ განუვითარებელია, როდესაც მზა ნაწარმის გასაღების არხები მას მთლიანად დაკეტილი არა აქვს. დაფუძვან, „შინამრეწველი“ 1 კვ ნართს ცვლიდა იმდენ ბამბაზე, რამდენიც საჭირო იყო 2 კვ ნართის დასამზადებლად, ე. ი. შრომას ინაზღაურებდა ნედლეულით: ამზადებდა 2 კვ ნართს და მას ცვლიდა იმდენ ბამბაზე, რამდენიც საჭირო იყო 4 კვ ნართის დასამზადებლად... ზაღამდე შეიძლება გავრძელდეს ამგვარი ზრდა. შემსყიდველისგან ნედლეულის მიღება პროდუქციის სანაცვლოდ ნაშინ იყო გამართლებული, თუ იგი აღნიშნული ნედლეულით უკვე ბაზრისთვის, გასაყიდად ამზადებდა პროდუქციას. ე. ი. განსახილველ შემთხვევაში „შინამრეწველი“ მრთველთან ერთად მქსოველიც უნდა ყოფილიყო. მაგრამ თვით შემსყიდველის გაჩენის ფაქტი ხომ იმის შედეგია, რომ უშუალო მწარმოებელი მოწყვეტილი იყო ნედლეულის ბაზარს და გასაღების ბაზარს, ამიტომ გაცვლის წესი მეტად ჩქარა იცვლებოდა უშუალო მწარმოებელთათვის საბუშაოს პირდაპირ დარიგებით. სწორედ ამის გამო ვ. ი. ლენინი პირდაპირ მიუთითებდა, რომ „ამ ფორმიდან ერთი ნაბიჯიღა რჩება სავაჭრო კაპიტალის იმ უპაღლეს ფორმამდე, როცა შემსყიდველი პირდაპირ ურიგებს შაალას „შინამრეწველებს“ განსაზღვრულ ფასებში დასამუშაებლად“²²⁰ და ამით მრეწველ-კაპიტალისტად იქცევა, უშუალო მწარმოებლებს კი მის დაქირავებულ მუშებად აქცევს.

რიგი არაპირდაპირი საბუთებისა აშკარად აღაპტურებს ამგვარი ტრანსფორმაციის ფაქტს. არაერთი საბუთის მითითებით ვაჭარ-მრეწველები განხილული არიან როგორც ძაფის დასამზადებელნი, რაც იმის ნაშანი უნდა იყოს, რომ აქ იგულისხმება საჩეწის მეთაურობა დაქირავებული მუშის ყოლით და არა უშუალო გაცვლა²²¹. 1825 წლის ცნობით თბილისის საბეჭდავის იჯარადრი სახაზინო ექაპედიციაში საიჯარო ფასის შემცირებას ითხოვდა იმ მოტივით, რომ „მრეწველები, რომლებიც ბამბისაგან ნართს ამზა-

²²⁰ ვ. ი. ლენინი, თხზ., ტ. 3, გვ. 430.

²²¹ ხცსა, ფ. 254, ილ. I, საქ. 827, ფურც. 224—225.

ღებენ თბილისიდან და მისი მაზრიდან წავიდნენ ახლომახლო სოფლებში და არ ანებებენ რა თავს თავის საქმიანობას, წარადგენენ თავიანთ გამომუშავებულ ნართს იქაურ საბაჟოში იარლიყის ასაღებად და თავს არიდებენ რა შეწყიდველის სასარგებლოდ გადასახადს, თავის საქონელს ჩუმად ატარებენ სხვადასხვა ადგილებში, სადაც შეუძლიათ უფრო მომგებიანად გააყიდონ²²². მოტანილ ამონაწერში მრეწველბად რომ ვაჭარ-შენწყიდველები იგულისხმებოდნენ, ეს უდავოა. მათ ევალებოდათ საბეჭდავის წოსაკრების გადახდა, მათ შეეძლოთ საქონლის სხვადასხვა ადგილებში გასასყიდად ტარება და სხვ. მაგრამ აქ ყურადღება უნდა მიექცეს იმას, რომ ლაპარაკია მრეწველბის მიერ გამომუშავებულ ძაფზე, რაც მათი დაქირავებული მუშების შეშვეობით დამზადდება უნდა ნიშნავდეს; წინააღმდეგ შემთხვევაში საუბარი იქნებოდა არა მათ მიერ „გამომუშავებულ“, არამედ მათ მიერ „გაცვილილ“ ძაფზე. არაერთი საბუთი ძაფის დამზადებაში და ქსოვაში შემსყიდველსა და მწარმოებელს შორის ურთიერთობის იდენტურობაზე მიუთითებს. ამავე დროს სხვა საბუთებით აშკარად ჩანს, რომ (აშაზე ქვემოთ იქნება საუბარი) ქსოვაში გაბატონებული იყო არა პროდუქციის ნედლეულზე გაცვლია, არამედ სამუშაოს დარიგების წესი.



ამრიგად, საქართველოს სინამდვილეში ნართის დამზადებაში პროდუქციის ნედლეულზე გაცვლის წესის ჩამოყალიბება ხდება არა უგვიანეს XVIII საუკუნის შუა ხანებისა. განსახილველ პერიოდამდე მას ხანგრძლივი ისტორია ჰქონდა და ბუნებრივია, რომ ძვირის მქონე ცვლილებებს განიცდიდა.

განხილული მასალა აღსატურებს, რომ აღნიშნული წესი მოქმედებდა არა შემსყიდველსა და „შინამრეწველებს“ შორის, არამედ ცენტრისა და პერიფერიების ვაჭარ-შემსყიდველებს შორის.

შემსყიდველებსა და „შინამრეწველებს“ შორის ურთიერთობა დამყარებული იყო იმ ფორმაზე, როდესაც უკანასკნელთ ურიგდებოდათ ნედლი მასალა განსაზღვრულ ფასში დასამუშავებლად, რაც მათ ფაქტიურად შემსყიდველთა დაქირავებულ მუშებად აქცევდათ.

²²² სესიო, გვ. 380, საქ. 39, ფურც. 81—82.

9. შემსყიდველის გადაწყვეთა მრეწველ კაპიტალისტად

წინა პარაგრაფში მოცემული იყო ცდა ნართის დამზადებაში პროდუქციის ნედლეულზე გაცვლის წესის ტრანსფორმაციისა და იმის დადგენისა, რომ განსახილველ ხანაში შემსყიდველსა და „შინამრეწველს“ შორის ურთიერთობა ნედლეულის დარიგებაზე და ნართის განსახლდრული ფასით დამუშავებაზე იყო დამყარებული. პენტვა და რთვა ერთი რიგის საქმიანობაა. ორივე საფეიქრო წარმოების მოსამზადებელი დარგია, ორივე უპირატესად ზღვება არა სახელოსნოში, არამედ მწარმოებლის სახლში, როგორც მეურნეობის დამატებითი ან ზმირად ძირითადი დარგი. ორივე უფრო მეტად განვითარებული იყო პერიფერიებში.

ამდენად სავარაუდოა, რომ ურთიერთობა შემსყიდველსა და ამ ორი დარგის „შინამრეწველებს“ შორის არსებითად ერთნაირი იყო. ერთ-ერთ შედარებით მოგვიანებით შედგენილ საბუთში კი ვკითხულობთ, რომ ბამბის პენტვა „თბილისში ძველი დროიდან არსებობს და მანქანების გაჩენამდე ცალკე ხელობას შეადგენდა, რომელშიც მრავალი ხელი იყო დაკავებული და რომელიც ბევრ დარბ თჯახს ცხოვრების საჩიოს აძლევდა... (მენტავი) ჩვეულების მიხედვით მიიღებდა ნედლ ბამბას მისი გამყიდველისაგან, გაპენტდა და გაწმენდა თავის მშვილდზე (მეტად მარტივი აპარატი, რომელიც მშვილდზე გაჭიმული სიმისაგან შედგება) უბრუნებდა მას, იღებდა რა ერთობ მცირე გასამრჩელოს 25—40 კაპიკს დღეში“²²³. სრულიად ნათელია, რომ საბუთში მოხსენიებული „ნედლი ბამბის გამყიდველი“ იგივე შემსყიდველია, რომელიც „შინამრეწველს“ ნედლეულს ურიგებს განსახლდრულ ფასში დასამუშავებლად. უკანასკნელს განსხვავებული ინტენსივობით დატვირთვისა და განსხვავებული უნარის შესაბამისად შეეძლო დღეში 25-დან 40 კაპიკამდე გამოემუშავებინა. ყოველივე ზემოთქმულის შემდეგ შეიძლება გარკვეულად ჩაითვალოს თუ როგორ მიმდინარეობდა საფეიქრო წარმოების მოსამზადებელი ოპერაციები.

1823 წელს საბეჭდავის შემსყიდველი პეტრე ზუბალოვი ჩივის, რომ იგი ზარალობს იმის გამო, რომ უფლება არა აქვს ბაჟი აიღოს გატანილ ნართზე, მრეწველები კი მას პირდაპირ ასაღებენ ისე, რომ მას არ ურიგებენ მქსოველებს, ნარბის გამოსაყვანად, ძველი ქართული ჩვეულებისამებრ, რაზედაც მან ბაჟი უნდა აიღოს, რომ ბამბის პენტვა ქირით (დაქირავებით) ხდებოდა, ამას

²²³ სცსა, ფ. 240, აღ. I, სპ. 1292, ფურც. 4.

პირდაპირ მიუთითებს ი. შახგუბატოვი თავის ზემოთ დამოწმებულ ნაშრომში.

შეიძლება დაბეჭივით ითქვას, რომ საფეიქრო წარმოების ძირითადი ოპერაცია—ქსოვა შემსყიდველის ფაქტურად დაჭირავებული მუშების მეშვეობით ხდებოდა. ი. შახგუბატოვი დამოწმებულ ნაშრომში მიუთითებს, რომ ვაჭრები ნართს „უროგებენ ჩქსოველებს ალაჯის (ქრელი ქსოვილის სახეობა), ქალების უბრალო ჩადრად მოსახმარი განიერი ტილოების და სხვადასხვა ხარისხის ნარმის დასამზადებლად“²²⁴. უდავოა, რომ ნართის დარიგება განსაზღვრული ჭირით დამუშავებას გულისხმობდა, მაგრამ ეს რომ ნამდვილად ასეა, ამაზე აშკარად მეტყველებს ერთი საინტერესო საბუთი, რომელიც ამ თვალსაზრისით პერიფერიაში არსებულ ვითარებას ახასიათებს: 1831 წელს სახელმწიფო ყმის მანუხაროვის ქვრივმა მართამ არზა მიართვა „გორის უეზლის სტრაფის უფალს ლუბერსკი ჰეკლატარს უფალს დიმიტრი თურქიტანს!“

სოფელსა რუისსა მცხოვრებმა გიორგი დავითაშვილმა გამართო ერთი ცალი ბანბა გარდაცვალებულსა ქმარსა ჩემსა პეტრე მანუხაროვსა, რომელსაც უნდა გაეცვალა, მოექსოვა და ქმარსა ჩემსა ქულუჩაში 2 მინალთუნი უნდა მიეცა. და იმ გიორგი დავითაშვილმა ნაცვლად ესრეთის კეთილსა 7 ქულუჩა თავის ვალში მისცა მოვალეთა, რადგან ნათელმბირონი იყო, იმისთვის წერილი გამოართვა ქმარმა ჩემმა, რომ იმ შვიდს ქულუჩას ორს თვეზე მოგცემო, რომელიც ქულუჩა ყოველთვის დღესაც იყიდება 15 მინალთუნად და შეადგენს შვიდი ქულუჩა ათს თუმანს და ნახევარს“²²⁵ და სხვ.

საბუთიდან არ ჩანს, თუ როგორ პირობებში უნდა გაეცვალა ბამბა ნართზე დავითაშვილს. მოსალოდნელია, რომ არა მარტო პერიფერიებში, არამედ თვით სამეგრეველო ცენტრებშიც ყალიბდებოდა საქმოსანთა ტიპი, რომელიც ძირითადად ბამბის ნართზე გაცვლის ოპერაციაში სპეციალდებოდა. ამდენად გაცვლის ოპერაცია შესაძლებელია ხდებოდა არა მხოლოდ პერიფერიებისა და ცენტრების შემსყიდველთა შორის, არამედ ერთ რეგიონში მოღვაწე საქმოსანთა შორისაც. ამის საფუძველია საქსოვი წარმოების განვითარების ფაქტი პერიფერიებში და სართავი წარმოების არსებობის ფაქტი ცენტრებში. თუმცა მოტანილი საბუთი არც იმის

²²⁴ საქართველოს სსრ მეცნიერებათა აკადემიის კ. კეკელიძის სახ. ხელნაწერთა ინსტიტუტის ფონდი Ros d 110, ფურც. 11.

²²⁵ სესია, ფ. 90, საქ. 814, ფურც. 12.

შესაძლებლობას გამოიჩინა, რომ დავითაშვილმა ბამბა გაცვალა არა საკუთრივ ცხინვალში (სადაც იგი მოღვაწეობდა როგორც საბუთის შენდევნი შინაარსიდან ირკვევა), არამედ სადმე ახლომანლო სოფელში, ვთქვათ რუისში, რომლის მკვიდრიც ის იყო. ყოველ შემთხვევაში, გაცვლის ოპერაციაში იგი გამოდის არა როგორც დამოუკიდებელი მხარე, არამედ შემსყიდველის აგენტი²²⁶.

ამ შემთხვევაში ჩვენ გვანტირებულს დავითაშვილის, როგორც მქსოველი ოსტატის დამოკიდებულება მანუჩაროვთან, როგორც ვაჭარ-შემსყიდველთან. ეს დამოკიდებულება სრულიად აშკარაა: შემსყიდველი მას აძლევს ნედლეულს, ხოლო მისგან უნდა მიიღოს მზა ნაწარმი. 1 ცალ ბამბაში 7 ქულუჩა, ხოლო მისი შრომა ფულად ანაზღაურდება, ქულუჩაში მიიღებს 2 მინალთუნს, 7 ქულუჩაში 14 მინალთუნს. თავის მხრივ, ვაჭარ-შემსყიდველი მქსოველის მიერ დაზღადებულ პროდუქტს ჰყიდის 15 მინალთუნად, ე. ი. 7 ქულუჩაში იღებს 10 თუმანს და ნახევარს. თუ 1 ცალი ბამბა ღირდა 60 მანეთი, რაკი მუშახელზე მან დამატებით დახარჯა 14 მანეთი, ამ ოპერაციიდან იგი 31 მანეთს სუფთა მოგებას მიიღებდა. ანტიგად, ვაჭარ-შემსყიდველი ფაქტობრივად გამოდის მრეწველ-კაპიტალისტად, ხოლო „შინამრეწველი“ მისი დაქირავებული მუშაა.

შეიძლება დაბეჭდვით ითქვას, არც ერთ საბუთში, რომელზედაც წინამდებარე ნაშრომის ავტორს ხელი მიუწვდა, მინიმუმაც კი არ არის იმაზე, რომ საფეიქრო წარმოების ცენტრალურ ოპერაციაში — ქსოვაში ვაჭარ-შემსყიდველსა და უშუალო მწარ-

²²⁶ თავისთავად დავითაშვილის მაგალითზე შეიძლება წარმოვიდგინოთ უშუალო მწარმოებელთან დამოუკიდებელი შემსყიდველის გაჩენის საკარაულო პროცესი. როგორც საბუთის შემდევნი შინაარსიდან ირკვევა, დავითაშვილი მანუჩაროვის ახლობელი, სანდო კაცია; იგი მისი ნათელმკრთონია. იგი დაახლოებით 1820 წელს (14 წლის წინათ) სოფელ რუისიდან ცხინვალში გადასახლებულა და მანუჩაროვის სახლში ცხოვრობდა. იგი ნედლეულის ნართზე გაცვლის ოპერაციაში შემსყიდველის აგენტად გამოდის. ცხადია, ამგვარ ნდობას, შემსყიდველი ყველა მასზე დამოუკიდებელ მქსოველს ვერ გამოუცხადებდა. ამგვარი აგენტი მას შეიძლება ერთეული ჰყავდა. ამგვარ ვითარებაში დავითაშვილს საშუალება ჰქონდა ურთიერთობა დაემყარებინა უშუალო მწარმოებელთანაც (მრთველებთან) და თანდათანობით გახდის რა მათ მასზე როგორც შემსყიდველის აგენტებზე დამოკიდებულად. თანდათანობით დამორჩილოს ისინი. დავითაშვილი, როგორც მოტიანი საბუთიდან ჩანს, უკვე დამოუკიდებელი ოპერაციებისკენ მიისწრაფვის, იღებს ვალს, ვალში აძლევს მოქსოვილ „ქულუჩებს“ და ა. შ. მისი შემდგომი ბედი იმაზე დამოკიდებული, თუ როგორ ფხას, როგორ ნიქს გამოიჩინეს აღნიშნულ საქმეში.

მოებელს შორის დამოკიდებულება პროდუქციის ნედლეულზე გაცვლის ან სხვა უფრო დაბალ ფორმაში გამოიხატებოდა. პირ-
იქით, მეტად მრავალაა იმ საბუთთა რიცხვი, რომლებშიც პირდა-
პირაა მითითებული თუ მინიმუმებული, რომ ეს დანოკიდებულება
ნედლეულის დარიგებასა და პროდუქციის განსაზღვრულ ფაქტად
დამზადებაში გააოთხატება, რაც ამგვარი წესის გაბატონებულ
მდგომარეობაზე მიუთითებს.

საფეიქრო წარმოების შემდეგი (დამსრულებელი) ოპერაციებია:
ღებვა, მოჩითვა, გათეთრება, გაპრიალება და ა. შ. ი. შახგუბატო-
ვის მითითებით, ზემოაღნიშნული წესით ფეიქრების მიერ მოქსო-
ვილი ნაწარმიდან „მჩინავეები აკეთებენ სუფრებს, საფარებლებს,
ჩითებს, თავსაფრებს, რომლებსაც მთის და სოფლის მცხოვრებ-
ლები ყიდულობენ“²²⁷. იმავე პერიოდის სხვა საბუთით მჩითავები
ვაჭრებისათვის წარმისაჯან ამზადებენ მოჩითულ ქსოვილებს სუფ-
რებს, ფარდების, პატარა მოსახვევებისათვის²²⁸ და სხვა.

წინამდებარე ნაშრომის შესაბამის პარაგრაფში საკმაოდ და-
წვრილებით იყო საუბარი ძველთაგანვე ჩამოყალიბებულ იმ წეს-
ზე, რომლითაც ვაჭრების კუთვნილი ქსოვილების შეღებვა ხდებო-
და სახაზინო თუ ღებვის მონოპოლიის სხვა სამღებროებში. იქ
სრულიად ზუსტად იყო განსაზღვრული ის ხელფასები, რომელ-
საც ვაჭარი ამა თუ იმ სახის ქსოვილების სხვადასხვა ფერად შე-
ღებვაში უხდინდა მწარმოებელს. იქვე აღნიშნული იყო (ამაზე ქვე-
მოთაც იქნება საუბარი) რომ ვაჭარ-შემსყიდველები ხშირად სა-
კუთარი სამღებროებინ მეპატრონეებადაც გამოდიან. მათ შორის
განსაკუთრებულად შეიძლებულ ვაჭარ-შემსყიდველს არაერთი
სამღებრო აქვს.

ყოველივე ზემოთქმულის საფუძველზე შეიძლება დავასკვნათ,
რომ საფეიქრო წარმოების ყველა ცალკეულ ოპერაციაში, ფაქ-
ტია შემსყიდველთა პირდაპირი მონაწილეობა, ჩარევა. აქცევენ
რა უშუალო მწარმოებლებს თავიანთ დაქირავებულ მუშებად,
შემსყიდველები საბოლოოდ იმორჩილებენ წარმოებას და მრეწ-
ველ-კაპიტალისტებად იქცევიან.

გაუგებრობის თავიდან ასაცილებლად საჭიროა ხაზი გაესვას
იმ გარემოებას, რომ წარმოების მაღალი ფორმების ჩასახვა-განვი-
თარება და თვით გაბატონებაც კი არ ნიშნავს შედარებით დაბალი

²²⁷ ხელნაწერთა ინსტიტუტი, Ros d 110, ფ. 12.

²²⁸ სკსია, ფ. 16, საქ. 495, ფურც. 38.

ფორმების გაქრობას; ისინი პარალელურად არსებობენ, წარმოიშებიან და ვითარდებიან. თვით მსხვილი მრეწველობის ეპოქაშიც არსებობენ წვრილგლეხური სარეწები, რომლებიც ვითარდებიან და ტრანსფორმაციის იგივე პროცესს გადიან. წარმოების ფორმათა გამსაკუთრებული მრავალფეროვნება, სიჭრელე და, რაც მთავარია, ერთმანეთში შერევა (გადახლართვა) დამახასიათებელია გარდამავალი ეპოქებისათვის.

10. სავაჭრო კაპიტალის ბატონობა საფინანსო წარმოებაზე. მანუფაქტურა

ჩვენამდე მოღწეული საბუთების ავტორებს შესანიშნავად ჰქონდათ შეგნებული, რომ საფეიქრო წარმოების მეთაურები ეპოქარ-შემსყიდველები არიან. თბილისისა და ზოგიერთი სხვა ქალაქის პოლიცემისტერების წლიურ ანგარიშებში სისტემატურად, თითქმის ტრაფარეტულად მეორდება განმარტება: „წარმოებს გამოუმუშავება ბუზმენტებსა, ტილოების ანუ ნარმებისა, ჩითებისა და სხვა ქსოვილებისა, რომელიც სხვადასხვა მოვაჭრეთა ხელშია“²²⁹. პოლკოვნიკ კოცებუს მიერ 1826 წელს შედგენილ საქართველოს აღწერაში ხაზგასმულია, რომ „თბილისელი ვაჭრები აკეთებენ ალაჯს (ქრელი ქსოვილის სახეობა), აზადებენ სუფრებს, გადასაფარებლებს, თავსაფრებს და ა. შ.“²³⁰. იმავე ავტორის შენიშვნით, ვაჭრები, რომლებიც „ყაზახებად“ იწოდებიან... ქსოვენ ოქროსა და ვერცხლის თასმებს, ძახავენ და ლებავენ აბრეშუმს“²³¹. ცხადია, ყველა მოტანილ საბუთში იგულისხმება, რომ ვაჭრები ამ სარეწის მეთაურები არიან, საფაქრო კაპიტალი გაბატონებულაა წარმოებაზე.

საბეჭდავის მოსაკრების კონტრაქტებს შემდგენელებმა კარგად იცოდნენ, რომ ვაჭრები საფეიქრო წარმოებას განაგებდნენ, ამიტომ აღნიშნული მოსაკრების გადახდას, რაც ფაქტიურად წარმოების გადასახადი იყო, სწორედ ვაჭრებს აკისრებდნენ. შემდგენელებმა იცოდნენ, რომ შქსოველები და მღებრები შემსყიდველთა ფაქტიური დაქირავებული მუშები არიან, ამიტომ ისინი წარმოებისთვის არავითარ გადასახადს არ იბდიან, კანონით მათ

²²⁹ სტსა, ფ.16, საქ.1447, ფურც.2.

²³⁰ ЦГВИА, Ар.ВУА, д.1841.

²³¹ იქვე.

მხოლოდ ევალბათ, რომ დამზადებული ქსოვილების ოდენობა აცნობონ იჯარის შემსყიდველებს, რათა წარმოების მეპატრონეებს (ვაჭარ-შემსყიდველებს) საშუალება არ მიეცეთ თავი აარიდონ გადასახადს. ამგვარი წესი გათვალისწინებული იყო აღმოსავლეთ საქართველოს ყველა კუთხეში, სადაც კი საბეჭდავის მოსაყრები იყო დაწესებული²³². ამის გამო სწორედ ვაჭრები და არა უშუალო მწარმოებლები იბრძვიან აღნიშნული მოსაყრების შემცირებისათვის, ან მისი შემდგომი დამხიმების წინააღმდეგ²³³.

ყოველივე ზემოთქმულიდან აშკარაა, რომ საეკტრო კაპიტალის მიერ საფეიქრო წარმოების დაპყრობა, ვაჭრების მიერ წარმოების მეთაურობა, საეკტრო კაპიტალის სამრეწველო კაპიტალად გადაქცევა განსაზღვრული პერიოდისათვის არის არა ცალკეული შემთხვევა, არამედ ქვეყანაში გავრცელებული დაკანონებული მოვლენა და, რაც მთავარია, იგი ჩამოყალიბებულია ჯერ კიდევ XVIII საუკუნეში. თითქმის ყველა საბუთში, რომელიც კი შესაბამის საკითხს შეეხება, საგანგებოდაა აღნიშნული, რომ ყველა მოქმედი წესი შემოღებულია ჯერ კიდევ ქართველი მეფეების დროს და ახალ ხელისუფლებას მასში არავითარი ცვლილება არ წეუტანია²³⁴.

როგორც ეს ნაშრომის მეორე თავში აღინიშნა, ქართული საფეიქრო ნაწარმის გასაღების არე მეტად ფართო იყო. იგი მოიცავდა ადგილობრივ ბაზარს, კავკასიას, მეზობელ მაკმადიანურ სახელმწიფოებს და რუსეთის შიდა გუბერნიებსაც კი. ასეთ ვითარებაში წარმოების გაძღოლა და საკუთრივ ვაჭრობის წარმოება ერთად, ცხადია, შეუძლებელი იყო. ეს საქმე, ერთი მხრივ იმით გეარღებოდა, რომ იქმნებოდა კომპანიები, რომლებშიც რამდენიმე ვაჭარი შედიოდა, რომელთაგან ნაწილი ადგილზე განაგებდა საქმეს, ნაწილი უშუალოდ ვაჭრობას ეწეოდა.

ამასთან, როგორც ჩანს, წარმოებაზე გაბატონების შესაბამისად ვაჭარი შემსყიდველები (ან ვაჭარი მრეწველები) თანდათან სცილდებოდნენ საკუთრივ ვაჭრობის სფეროს და ტიპიურ მრეწველ-კაპიტალისტებად იქცეოდნენ, რომლებიც ხელმძღვანელობდნენ

²³² სცსია, ფ. 254, აღ. I, საქ. 1211, ფურც. 886; სცსია, ფ. 2, აღ. I, საქ. 502, ფურც. 321 და სხვ.

²³³ სცსია, ფ. 254, აღ. I, საქ. 702, ფურც. 254; იქვე, საქ. 220, ფურც. 272.

²³⁴ სცსია, ფ. 254, აღ. I, საქ. 960, ფურც. 693; იქვე, საქ. 756, ფურც. 354; იქვე, საქ. 655, ფურც. 495.

წარმოებას, ამზადებდნენ საქონელს და მას ადგილზევე ჰყიდდნენ ბითუმად.

1803 წელს თბილისის საბეჭდავის შემსყიდველმა ი. არეშოვმა საიჯარო თანხის პატიება ითხოვა იმ მოტივით, რომ სავაჭრო რიგებში დიდი ხანძარი მოხდა და ამის შედეგად დაიწვა დიდძალი ქსოვილი, როგორც მისი, ისევე სხვა მრეწველისა (промышленник), იმის გამო, რომ აღნიშნული მრეწველები მხოლოდ მაშინ იხდიან გადასახადს, როდესაც ქსოვილების გარკვეულად დიდ პარტიას დააგროვებენ, მან (შემსყიდველმა) გადასახადის აკრეფა ვერ მოასწრო და ამის გამო იზარალა²²⁵. უნდა ვიფიქროთ, რომ ეს მრეწველები (промышленники) სწორედ ის შემსყიდველები არიან, რომლებიც ძირითადად წარმოებას ხელმძღვანელობდნენ, ვაჭრობას კი ბითუმად ეწეოდნენ დამზადებული საქონლით. ამგვარი ვარაუდი რომ საფუძელიანი, ამას შემდეგი საბუთი ადასტურებს: 1821 წელს ცხინვალის სამღებროს, საბეჭდავისა და ბაეის მოიჯარემ იოსებ მურადოვმა სახაზინო ექსპედიციაში საჩივარი შეიტანა იმის თაობაზე, რომ სტეფანე შერმაზანოვმა გასასყიდად მოამზადა 254 ცალი დაუბეჭდავი ბიაზი და რომ ამას წინათაც მან შერმაზანოვის დუქანში 156 ცალი ამგვარი ქსოვილი აღმოაჩინა²²⁶. ამას მოჰყვა ორმხრივი საჩივრების სერია. მოიჯარე შერმაზანოვს საბეჭდავის კონტრაქტის პირობის დარღვევას აბრალებდა (მასში ხომ სავანგებოდ იყო გათვალისწინებული, რომ ვაჭრებმა არ უნდა შეინახონ დაუბეჭდავი ქსოვილები), უკანასკნელი კი მას უკანონო მოქმედებაში დებდა ბრალს—დუქანში შექრა, ვაჭრის კუთვნილი ქსოვილების კონფისკაცია (ერთ-ერთი ამგვარი გამოხდომის დროს მურადოვს 3000 თოფი სხვადასხვა ქსოვილი წაუღია), დუქანის დანგრევა და ა. შ.²²⁷. საქმეში ადგილობრივი ხელისუფლების წარმომადგენლები ჩაერთვნენ. დაჰკითხეს მოწმეებს, რომლებმაც აჩვენეს, რომ მურადოვი შერმაზანოვის მტერია და რითაც შეუძლია ავიწროებს მას, „ნებას არ აძლევს თავის დუქანში იქონიოს დაუბეჭდავი ქსოვილები, მაშინ როდესაც ყველა სხვა ცხინვალელი მრეწველი ამ, ჯერ კიდევ ქართველი მეფეების დროიდან შემოღებული წესით სარგებლობს მანამ, ვიდრე აღნიშნული საქონლის მყიდველები მოვიდოდნენ“²²⁸. საბოლოოდ დაად-

²²⁵ სცსია, ფ. 254, აღ. I, საქ. 28, ფურც. 700.

²²⁶ სცსია, ფ. 254, აღ. I, საქ. 655, ფურც. 490.

²²⁷ იქვე, ფურც. 492.

²²⁸ სცსია, ფ. 254, აღ. I, საქ. 655, ფურც. 495.

გინეს, რომ მურადოვის პრეტენზიები უსაფუძვლოა, რადგან შერმაზანოვი ისევე იქცევა, როგორც ყველა სხვა ცხინვალელი ვაჭარი ანუ მრეწველი, რომლებსაც ამგვარი ბიაზი დიდი რაოდენობით აქვთ²²⁹ ვითარება სრულიად ნათელია: ვაჭრები ანუ მრეწველები, როგორც ეს საბუთშია მითითებული, ამზადებენ დიდი რაოდენობით ქსოვილებს და მათ მანამდე ინახავდნენ, სანამ მყიდველები არ მოვლენ. ცხადია, აქ ბითუმად მყიდველები იგულისხმებიან. მათი დამოკიდებულება ვაჭრობასთან ზუსტად ისეთივეა, როგორც შეიძლება იყოს კაპიტალისტური საწარმოს მეპატრონის დამოკიდებულება, იგი აწარმოებს საერთოდ ვაჭრობისათვის და თავის პროდუქციას ვაჭარს მიჰყიდის ერთიანად, ბითუმად.

იმისათვის რათა დასრულდეს მსჯელობა საფეიქრო წარმოებაზე სავაჭრო კაპიტალის ბატონობისა და ამ სფეროში სავაჭრო კაპიტალის სამრეწველო კაპიტალად გადაქცევის. შესახებ და შეფასდეს ამ მოვლენის მნიშვნელობა, საჭიროა ერთხელ კიდევ მთლიანობაში წარმოვიდგინოთ წარმოების მთელი პროცესი: 1. ვაჭარი შეისყიდდა ნედლ ბამბას, რომელიც დიდი რაოდენობით შემოდის თბილისში და სხვა სამრეწველო ცენტრებში. ან ამ მიზნით კომპანიის (თუ ასეთი არსებობდა) ერთ-ერთი წევრი სპეციალურად მიემგზავრებოდა ერევნის ოლქში. ვაჭარს შეეძლო ნედლი ბამბა ადგილზეც შეეძინა ბითუმად (როგორც სავარაუდოა; ეს ხდებოდა თელავის მაზრაში) ან მიეღო იგი ნართზე ბითუმად გაცვლის წესით (როგორც ამას ადგილი ჰქონდა სიღნაღის და სპე. მაზრებში);

2. ნედლი ბამბა ურიგდებოდა მპენტავებს, განსაზღვრულ ფასში დასამუშავებლად. მპენტავები უპირატესად თავიანთ სახლებში საქმიანობდნენ, ზშირად დამატებითი სარეწის ფორმით. ამიტომ ამგვარი „შინამრეწველის“ დღიური გამოიმუშავება, როგორც ვნახეთ, 25—40 კაპიკს შორის მერყეობდა;

3. გაპენტელ ბამბას აძლევდნენ მრთველებს, უპირატესად განსაზღვრული ფასით დასამუშავებლად, თუმცა არ შეიძლება გამოირიცხოს ნედლეულზე გაცვლს წესის არსებობაც, გადმონათს სახით. იმის გამო, რომ პენტვა და რთვა პროვინციებში უფრო გავრცელებული იყო, საქმის გამარტივების მიზნით ქალაქელი ვაჭრები ადგილობრივ მრთველებზე დარიგებასთან ერთად ბამბას პირდაპირ აგზავნიდნენ პროვინციებში, რათა ადგილობრივ შემს-

²²⁹ სტოა, ფ. 254, აღ. I, საქ. 655, ფურც. 495.

ყიდვლებთან ნართზე გაეცვალათ. გაცვლის ამგვარი ოპერაციით ერთნაირად დაინტერესებული იყო ორივე მხარე, იმის გამო, რომ პროვინციებში ბაშბის ნედლეულით მომარაგების საკითხი შედარებით რთული იყო და იქაურ შემსყიდველს თუ ბაშბას გაცვლის სახით არ მიიღებდა, უპირატესად იგი ქალაქში ან უფრო შორეულ პროვინციებში უნდა შეეძინა. გაცვლის შედეგად მიღებული ზედმეტი ნედლეული ადგილობრივ შემსყიდველს შეეძლო თავის მხრივ საფეიქრო საარეწში დაეხმარებინა, ან ადგილობრივ თუ მახლობელ ბაზარზე გაეტანა. სავარაუდოა, რომ პროვინციებში იმ შემსყიდველთა პარალელურად, რომლებიც საერთოდ საფეიქრო წარმოების მთელ სისტემას მეთაურობდნენ, ყალიბდებოდა საქმოსანთა ტიპი, რომელიც მხოლოდ ნართის დამზადების პროცესს განაგებდა და ძირითად მოგებას მისი ფასალების მეშვეობით იღებდა;

4. სხვადასხვა წესით მიღებულ ნართს ვაჭარი-მრეწველები ურყებდნენ მქსოველებს განსაზღვრულ ფასში დასამუშავებლად, რომლებიც მათთვის ამზადებდნენ სხვადასხვა ხარისხისა და დანიშნულების ქსოვილებს;

5. უკანასკნელი, დამასრულებელი ოპერაციები (შეღებვა, მოჩითვა, გაპრიალება, გათეთრება) სამღებროებში სრულდებოდა. როდესაც საქმე ეხებოდა ლურჯი ფერის სხვადასხვა ტონალობით ღებვას ან მოჩითვას, ეს ხდებოდა საზაზინო (აბატონო, საეკლესიო) მონოპოლიურ სამღებროებში, სადაც ამ პროცესს ვაჭარი მწარმოებელი საკუთარი ძალებით, დაქირავებულ მუშებით აწარმოებდა, ან კერძო სამღებროებში, იჯარა შემსყიდველის ნებართვით. დანარჩენი ფერებზე შეღებვა ან მოჩითვა საკუთარ სამღებროში სრულდებოდა;

6. ანით სრულდებოდა წარმოების პროცესი. მან შემდეგ, რაც ვაჭარი მრეწველი დააგროვებდა პროდუქციის გარკვეულად მნიშვნელოვან რაოდენობას, მას (კომპანიონის, ამხანაგის, აგენტის ხელით) აგზავნიდა სხვადასხვა სავაჭრო ცენტრში, ან თავისთან ინახავდა მანამდე, სანამ მის შესაძენად საკუთრივ ვაჭრები არ ჩამოვიდოდნენ, რათა მათთვის ბითუმად მიეყიდათ.

წარმოების ყველა ცალკეულ ოპერაციებში ვაჭარ-შემსყიდველს დამორჩილებული ჰყავდა უშუალო მწარმოებელი, ისინი ფაქტიურად მისი დაქირავებული მუშები იყვნენ. იქმნება წარმოების მთელი სისტემა, რომელიც სამეცნიერო ლიტერატურაში გაფანტული (დანაწევრებული) მანუფაქტურის სახელითაა ცნობი-

ლი. ვაჭარი მრეწველი ამ სისტემის მეთაურია. იმის გამო, რომ მას უხდება კონტაქტის დამყარება სულ სხვადასხვა ადგილას შოლდაწე და სხვადასხვა დარგის მრავალრიცხოვან „შინამრეწველებთან“, აზგვარი მეთაურობა ბევრ სირთულესთანაა დაკავშირებული. იგი მოითხოვს დამხმარე პერსონალის გარკვეულ შტატს, რომლის გარეშეც წარმოების გაძლოლა შეუძლებელია. ამიტომ სხვადასხვა სამრეწველო ცენტრების კამერალური აღწერებით ცალკე გამოიყოფა გარკვეული კატეგორია ხალხისა, რომლებიც აღნიშნული ვაჭარ-მრეწველების დაქირავებული მუშები არიან და რომლებიც სოფლებში საქონელს (ნედლეული, ნართი) დაატარებენ, როგორც ეს ჩანს სიღნაღის მაზრის აღწერებში, ან სამუშაოს დარიგებას აწარმოებენ, როგორც ამას გორის მაზრის აღწერაში აქვს ადგილი²⁴⁰.

ამრიგად, სახეზეა. „შემსყიდველთა სრულიად განუყრელი კავშირი წარმოებასთან, — წარმოებაში მათი პირდაპირი მონაწილეობაც კი, „მონაწილეობა“ როგორც დაქირავებულმუშებთან სახელოსნოების მეპატრონეებისა... შემსყიდველთათვის მუშაობა არის სწორედ წარმოების განსაკუთრებული ფორმა, წარმოებაში ეკონომიური ურთიერთობის განსაკუთრებული ორგანიზაცია, ორგანიზაცია... რომელიც უშუალოდ წვრილი სასაქონლო წარმოებიდან აღმოცენდა... შემსყიდველისათვის მუშაობა, რაც უშუალოდ ემეზობლება კაპიტალისტურ სახელოსნოს დაქირავებული მუშებით და ხშირად წარმოადგენს მხოლოდ მის გაგრძელებას ან ერთ-ერთ მის განყოფილებას, ფაბრიკის უბრალო დანამატია, თუ ამ უკანასკნელ გამოთქმას გავიგებთ არა მეცნიერული, არამედ მისი სალაპარაკო მნიშვნელობით. მრეწველობის ფორმათა მეცნიერული კლასიფიკაციის მიხედვით კი, ამ ფორმათა თანმიმდევარი განვითარების პროცესში შემსყიდველისათვის მუშაობა უმეტეს ნაწილად კაპიტალისტურ მანუფაქტურას ეკუთვნის, ვინაიდან იგი: 1) დაფუძნებულია ხელით წარმოებასა და წვრილ საწარმოთა ფართო ბაზისზე; 2) ამ საწარმოთა შორის შეაქვს შრომის დანაწილება, ავითარებს რა მას სახელოსნოს შიგნითაც; 3) წარმოების სათავეში აყენებს ვაჭარს, როგორც ეს ყოველთვის ხდება ხოლმე მანუფაქტურაში, რომელიც გულისხმობს წარმოებას ფართო მასშტაბით, ნედლეულის ბითუმად შე-

²⁴⁰ სესია, ფ. 254, აღ. I, საქ. 542, ფურც. 81; იქვე, საქ. 75, ფურც. 354 და სხვ.

სყიდვასა და პროდუქტის გასაღებას; 4) მშრომელებს აქვეითებს დაქირავებულ მუშათა მდგომარეობაში, რომელნიც მეპატრონის სახელოსნოში ან თავიანთ სახლში მუშაობენ. სწორედ ამ ნიშნებით ხასიათდება, როგორც ვიცით, მეცნიერული ცნება მანუფაქტურისა, როგორც კაპიტალიზმის განვითარების განსაკუთრებული საფეხურისა მრეწველობაში²⁴¹.

როგორც განხილული მასალიდან გამოჩნდა, წარმოების ტრუქტურა საქართველოს ბაზეულის საფეიქრო წარმოებაში ზუსტად პასუხობს ყველა იმ ნიშანს, რომლითაც მანუფაქტურა ხასიათდება, ამდენად შეიძლება ვილაპარაკოთ მანუფაქტურის არა მარტო არსებობის ფაქტზე, არამედ ამ ფორმის საფულისხმო გავრცელებაზე.

11. მანუფაქტურის ფორმები

ნაშრომის იმ პარაგრაფში, სადაც ფეიქარი ხელოსნების ვაჭრობაში ჩაბმაზე იყო საუბარი, ჩვენ ამ პროცესის საფუძველზე ახალ, კაპიტალისტურ ურთიერთობაზე გადასვლის ტენდენციის არსებობა ვივარაუდეთ და ამ მიმართულებით გადადგმული პირველი ნაბიჯებიც აღვნიშნეთ, რაც ცენტრალიზებული კაპიტალისტური წარმოების წარმოშობის პერსპექტივას სახავდა. ახლა, როცა დადგენილად შეიძლება ჩაითვალოს კაპიტალისტური წარმოების ჩამოყალიბების მეორე გზის არსებობა და ამის საფუძველზე გაფანტული მანუფაქტურის წარმოშობა და გავრცელება, საჭიროა დავუბრუნდეთ პირველ საკითხს და გავარკვიოთ, შემდგომში როგორი განვითარება მიიღო ამ პროცესმა.

როგორც ეს არაერთხელ აღვნიშნეთ, განსახილველი ხანის მასალა არ იძლევა პირდაპირ ცნობებს საწარმოთა მოცულობის დასადგენად, მაგრამ არაპირდაპირ მონაცემებზე დაკვირვება საშუალებას იძლევა საფეიქრო წარმოებაში რიგი საკმაოდ ფართო საწარმოთა არსებობა წარმოვიდგინოთ. აკად. გულდენშტედტი საქართველოში „მცირე ფაბრიკების“ არსებობაზე მიუთითებს; ს. დ. ბურნაშოვი „ხელის ფაბრიკებს“ ასახელებს; რუსულ ოფიციალურ საბუთებში ხშირია მითითებები „საქსოვი ფაბრიკების“ და „მანუფაქტურების“ არსებობაზე. ანონიმური ავტორის 1829

²⁴¹ ვ. ი. ლენინი, თხზ., ტ. 2, გვ. 533—534.

წელს გამოცემულ ნაშრომში აღნიშნულია, რომ საქართველოს „ფაბრიკებში შხადდება შალის, ბამბის, აბრეშუმის და ნახევარაბრეშუმის ქსოვილები“, და რომ „თბილისში არის ბამბის და ნახევრად აბრეშუმის ფაბრიკები, ზარაფხანა ვერცხლის ქართული ფულის მოსაჭრელად“²⁴². ჩვენ შორის ვართ იმ აზრისაგან, რომ წყაროთა ფრაგმენტული ცნობები უკრიტიკოდ მივიღოთ და მათ საფუძველზე საქართველოში ფაბრიკების (ამ ტერმინის არა მეცნიერული, არამედ თუნდაც სალაპარაკო მნიშვნელობით) არსებობა დაეიჭროთ, მაგრამ უკანასკნელი ცნობა მაინც მეტად საგულისხმოდ გვეჩვენება და აი რატომ: იმ პერიოდისათვის თბილისში 2000-ზე მეტი ხელოსანი ითვლებოდა, რომელთა მნიშვნელოვანი ნაწილი 500-მდე სახელოსნოში ეწეოდა საქმიანობას. აქედან 150 (ზოგიერთი ცნობით 339) მარტო საქსოვი ფარდული იყო, ავტორი კი ასახელებს რა საქსოვ ფაბრიკებს, ამჟამად ეტყობა, რომ ამ უზარმაზარი რიცხვიდან იგი ზოგიერთს გამოარჩევს და, რაც მთავარია, მათ განიხილავს თბილისის ზარაფხანის რიგში, რომელიც, როგორც ეს დადგენილია საისტორიო ლიტერატურაში, მანუფაქტურის ტიპის საწარმო იყო და მასში 40-მდე დაქირავებული მუშის არსებობა ივარაუდება²⁴³. არ შეიძლება ყურადღებით არ მოვიკიდო ტუჩკოვის ცნობას, როცა იგი თბილისში საგანგებოდ მოიხსენიებს „სამლებროებს და ფაბრიკებს, სადაც სხვადასხვა ბამბეულის ქსოვილები შხადდებოდა“²⁴⁴, რადგან ავტორი ხანგრძლივი პერიოდის განმავლობაში მოღვაწეობდა საქართველოში, ეკავა მაღალი თანამდებობები და საერთოდ საქმეში ჩახედული კაცი იყო.

წინამდებარე ნაშრომში საქმაოდ დაწვრილებით იყო საუბარი ხელოსანთა შორის ქონებრივ დიფერენციაციაზე, დაქირავებული შრომის გამოყენებაზე, სახელოსნოების გაფართოების ტენდენციაზე. ყველა ეს პროცესი განსაკუთრებით რელიეფურად სწორედ საფეიქრო წარმოებაში იჩენდა თავს.

ზოგიერთი არაპირდაპირი ცნობა უფრო კონკრეტული ჩასათის დასკვნების საშუალებასაც იძლევა. მაგალითად, ირკვევა,

²⁴² Подробное описание Персия, также Грузии, ч. 2, М., 1829, с. 78, 81—82.

²⁴³ პ. გუგუშვილი, საქართველოს და ამიერკავკასიის ეკონომიურ განვითარება XIX—XX სს., ტ. II, 1956, გვ. 3.

²⁴⁴ Тучков, Сочинения, т. IV, с. 185.

რომ გასული საუკუნის 20-იან წლებში ბამბეულის ზოლიან ქსოვილს— ალაჯს თბილისში 10 სახელოსნოში ამზადებდნენ. აღნიშნული პროდუქცია თვეში 2000 არშინი გამოდიოდა. ამზადებდნენ თუ არა ამ სახელოსნოებში სხვა სახის ქსოვილებს— არ ვიცით, მაგრამ 10 სახელოსნოზე წელიწადში 240 000 არშინი ქსოვილი საკმაოდ შთამბეჭდავი მოცულობაა. დგინდება აგრეთვე, რომ ამ სახელოსნოებში 39 საქსოვი დაზგა იდგა²⁴⁵. თუ გავითვალისწინებთ, რომ ერთ დაზგას ჩვეულებრივ 2 კაცი ემსახურებოდა, გამოვა, რომ 10 სახელოსნოში სულ ცოტა 78 კაცი მუშაობდა. რადგან სახელოსნოები ერთი მოცულობისა არ იქნებოდა და შესაბამისად მუშათა რაოდენობაც მათში განსხვავებული იქნებოდა, შეიძლება ზოგიერთი მათგანი საკმაოდ მოზრდილ საწარმოებად წარმოვიდგინოთ. არაფერი არ ელოდება წინ იმ ვარაუდს, რომ ისინი ემყარებოდნენ რა შრომის სისტემატურ დეტალურ დანაწილებას, მანუფაქტურის მასშტაბამდე იყვნენ ამალღებული. ამგვარი ვარაუდის საფუძვლიანობას ზოგიერთი სხვა ცნობაც ამაგრებს. სახელდობრ, როდესაც დავა ატყდა ალაჯზე საბეჭდავის მოსაყრების დაწესების თაობაზე, აღნიშნული სახელოსნოების სახელით 4 კაცი იბრძოდა²⁴⁶, რაც აშკარად იმაზე მიუთითებს, რომ მათ ამ წარმოებაში წამყვანი (გაბატონებული) პოზიცია ეკირათ, სწორედ ისინი იყვნენ განსაკუთრებით ფართო წარმოებათა მეპატრონეები. ერთ-ერთი მათგანია გიკო სარქისოვი, რომელიც ჭერ კიდეც 1808 წლის თბილისის აღწერით საკმაოდ მდიდარ მქსოველ ოსტატად ითვლებოდა²⁴⁷. 1829 წლის ცნობით მას და არაქელ არუთინოვს საბეჭდავის მოიჯარემ სახელოსნოში 70 000 არშინი დაუბეჭდავი ქსოვილი აღმოუჩინა²⁴⁸. ჰკონდათ თუ არა მათ დაბეჭდილი ქსოვილებიც, ამაზე საბუთში არაფერია მითითებული. სამაგიეროდ, საბუთში მითითებულია, რომ ზოგიერთი სახელოსნოს მეპატრონე სახაზინო სამღებროში თავისი ძალებით აწარმოებს ნართის ლურჯ ფერად შეღებვას აღნიშნული ქსოვილისათვის. ამავე დროს ისინი ერთდროულად მქსოველებადაც იხსენიებიან და მღებრებადაც და, რაც მთავარია, თავიანთ პროდუქციას თვითვე ასაღებენ. ერთი სიტყვით, ყველა პირობააა იმისათვის, რომ ისინი მანუფაქტურის ტიპის საწარმოს მეთაურებად წარმოვიდგინოთ.

²⁴⁵ სცსია, ფ. 254, აღ. I, საქ. 1040, ფურც. 927.

²⁴⁶ იქვე.

²⁴⁷ სცსია, ფ. 254, აღ. I, საქ. 1096, ფურც. 47.

²⁴⁸ სცსია, ფ. 254, აღ. I, საქ. 1038, ფურც. 84.

არ შეიძლება არ შევნიშნოთ, რომ სახელოსნოთა მოცულობის შესახებ ცნობების საერთო სიმცირის (უფრო სწორი იქნება არ-არსებობის) ვითარებაში, აღნიშნულ რამდენიმე სამუშაოზე თუნდაც არაპირდაპირი და ფრაგმენტული ცნობები იმით კი არ შემოგვრჩა, რომ ისინი სხვა სახელოსნოთაგან რაიმეთი გამოირჩეოდნენ, არამედ იმით, რომ 20-იან წლებში საბექტადვის მოსაკრების მოიჯარეებმა ამ ქსოვილზე (ალაჯზე) გადასახადის აღება მოითხოვეს, რამაც საწარმოს მეპატრონეთა პროტესტი გამოიწვია. ამას მოჰყვა ორმხრივი საჩივრები, მიმოწერა და ა. შ. ამდენად უეჭველია, რომ თბილისის სინამდვილეში ამგვარი და ამაზე მოზრდილი საწარმო სხვაც არაერთი იყო, მაგრამ მათზე ჩვენ ცნობები არა გვაქვს, რადგან მათ ცხოვრებაში ამგვარ საგანგებო შემთხვევას ადგილი არ ჰქონია.

დაბოლოს, არ შეიძლება არ გავიმეოროთ ერთი, არსებითი მნიშვნელობის ფაქტი, რაც ადრეც აღინიშნა. ესაა გასული საუკუნის 20-იან წლებში თბილისის საფეიქრო დარგში ამქრობის მოსაპობა, რადგან სწორედ მანუფაქტურაა მრეწველობის ის სოციალურ-ეკონომიკური ფორმა, რომელიც ამქრობას კატეგორიულად ვერ ეთავსება. ენებიან რა მანუფაქტურის გაჩენას და იმ ზემოქმედებას, რაც ამ ისტორიულ ფაქტს ჰქონდა სოციალურ-ეკონომიკური განვითარების ხასიათზე, მარქსი და ენგელსი აღნიშნავენ: „ვაჭრობამ და მანუფაქტურამ შექმნეს მსხვილი ბურჟუაზია; საამქროებში თავი მოიყარა წვრილმა ბურჟუაზიამ, რომელიც ახლა უკვე აღარ ბატონობდა უწინდებურად ქალაქებში, არამედ იძულებული შეიქნა ქედი მოეხარა მსხვილი ვაჭრებისა და მანუფაქტურისტების ბატონობის წინაშე. ეს იყო მიზეზი იმისა, რომ საამქროები მანუფაქტურასთან პირველი შეხებისთანავე დაიშალა“²⁴⁹.

ამრიგად, განსახილველი ხანის საქართველოს საფეიქრო მრეწველობაში ცენტრალიზებული მანუფაქტურის ტიპის საწარმოთა არსებობის ფაქტი ექვს არ უნდა იწვევდეს, მაგრამ კლასიკურ ფორმამდე მის განვითარებას და მნიშვნელოვანი მასშტაბით გავრცელებას ბევრი არსებითი ხასიათის დაბრკოლება ელოებოდა.

ეს დაბრკოლებები ქვეყნის საერთო სოციალური და პოლიტიკური მდგომარეობით იყო განპირობებული: მანუფაქტურას თა-

²⁴⁹ კ. მარქსი, ე. ენგელსი, გერმანული იდეოლოგია, წიგნიდან „გერმანული იდეოლოგიიდან“, თბ., 1948, გვ.70 (ხაზი ჩემა. მ.ს.).

ვისუფალი მუშახელი სჭირდება, საქართველო კი ბატონყმურ²⁵⁰ ქვეყანა იყო. გამოქცეულ გლეხს მუდამ თან სდევდა მებატონის მიერ მიგნებისა და უკან დაბრუნების შიში. ეს საშიშროება განსაკუთრებით ძლიერდებოდა, თუ გამოქცეული რაიმე საქმიანობაში ფეხს მოიკიდებდა და ეკონომიურად სულს მოითქვამდა. ამიტომ ვითარება მას კარნახობდა არა მარტო თვითონ დამალულიყო და გათქვეფილიყო ადგილობრივ მკვიდრთა მასებში (რეჯლის გამოცემა, ეროვნების დამალვა), არამედ განსაკუთრებით გულმოდგინედ დაემალა თავისი ეკონომიკური შეძლებულობა. საუკრო-სამრეწველო საქმიანობაში ჩაბმული ყმების დიდი ნაწილი თავიანთ მებატონეებთან დამოკიდებულებას ინარჩუნებდა. მათ საბატონო ვალდებულებებს ძნინი განსაზღვრავდნენ. ყოველგვარი გადაადგილება მებატონესთან შეთანხმებით უნდა მომხდარიყო. ვაჭრობა-მრეწველობაში ჩაბმულ ყმათა ის ნაწილი, რომელიც ამ საქმეში რაიმე წარმატებას მიაღწევდა, პირველ რიგში ცდილობდა ეს წარმატებები მიეჩქმალა, რადგან ფეოდალთა დრომოკმული კლასის წარმომადგენლები თავგამოდებით ებრძოდნენ ეხტანგის კანონებიდან თვითნებურად ამოგლეჯილი და თავის სასარგებლოდ ინტერპრეტირებული დებულების — „... ყმისა ყველა ბატონისა არის“ ცხოვრებაში დამკვიდრებისათვის. არაერთი საბუთი ამკარად ადასტურებს, რომ ვაჭრობა-მრეწველობაში ჩაბმული ყმა-გლეხი მწვავე კლასობრივი ბრძოლისა თუ შეხლა-შემოხლის ობიექტი იყო²⁵⁰.

ყოველივე ზემოთქმული წინ ელობებოდა და აფერხებდა მნიშვნელოვან მასშტაბებზე წარმოების გაფართოებას ტენდენციას — დიდ კაპიტალდაბანდებებს, მწარმოებელთა ფართო მასების თავმოყრა ან ერთ ადგილას (ერთ ქერქვეშ). ამას კი ქვეყნის პოლიტიკური მდგომარეობაც ემატებოდა. მთიელ მეზობელთა

²⁵⁰ 1816—1817 წლებში თ. ნიკოლოზ ამილახვარსა და საეკლესიო უწყებას შორის მწვავე ბრძოლა გაჩაღდა ზურაბ მეჩითიშვილის შვილების კუთვნილების თაობაზე. მხარეები მასზე პრეტენზიას აცხადებენ. თვით ბრძოლის ობიექტი საეკლესიო უწყებისაკენ მიიწვეს, რადგან იქ ბატონყმური ვალდებულების სიმძიმე ნაკლებია. გიორგი მეჩითიშვილი ერთობ შეძლებული კაცია; ჩაბმულია ვაჭრობაში, სავარაუდოა საფეიქრო წარმოებაშიც. ახლო ურთიერთობაშია იმ დროის საკმაოდ ცნობილ და გავლენიან ვაჭარ-საქმოსნებთან. ყავს მოქაზაგორები, რომლებსაც სოფლებში გზავნის (მასალის დასარიკებლად?). მისი წარმოშობა ამკარად ხელოსნურია, მამამისი მეჩითე იყო, თვითონ კი საკმაოდ გავლენიანი კაცია (სცსა, ფ. 480, საქ. 469, ფურც. I, 2, 18, 26—27, 48, 50).

თარეშები, რომელიც ასე ხშირი და გამანადგურებელი იყო XVIII საუკუნეში, არც გასული საუკუნის დასაწყისში აღკვეთილა. მათი თავდასხმები პირველ რიგში, ბუნებრივია, იმ ობიექტებზე იქნებოდა მიმართული, სადაც მატერიალურ ფასეულობათა დაგროვება მეტი იყო. ამ ძალის წინააღმდეგ ბრძოლა და სამრეწველო საწარმოთა დაცვა სამეფო კარსაც კი უჭირდა (გავიხსენოთ, რომ ვერცხლის სახელმწიფო სარეწები არაერთხელ იქნა დარბეული ლეკთა შემოსევების გამო). ამიტომ იმ შემთხვევაში, როცა წარმოების ტექნოლოგია და მოწყობილობის ხასიათი მეტნაკლებად გაფართოებული წარმოების შექმნის აუცილებლობას ითხოვდა, მისი მოწყობისას, როგორც ჩანს, პირველ რიგში მტრის შემოსევებისგან დაცვის საკითხი დგებოდა. ამით უნდა ყოფილიყო განპირობებული ის ამბავი, რომ სამღებროები უპირატესად ციხესიმაგრეების ფარგლებში იყვნენ მოთავსებულნი²⁵¹. ამის გამო შედარებით მსხვილი საფეიქრო საწარმოების არსებობა უმეტესწილად თბილისში და შედარებით ნაკლებად სხვა ქალაქებშია სავარაუდო.

ყოველივე ზემოთქმულის გათვალისწინებით გასაგებია, რომ ფეოდალური წარმოების წესიდან გადასვლის ორივე კლასიკური გზა ჩვენში უპირატესად დანაწევრებული მანუფაქტურის წარმოქმნას იწვევდა, რადგან იგი თუმცა მისი მეთაურისათვის უფრო შრომატევადი ფორმა იყო, მაგრამ სამაგიეროდ არ ითხოვდა დიდ კაპიტალდაბანდებებს შენობებშია და სხვათა სახით, ნედლეულისა და პროდუქციის ერთ ადგილას თავმოყრის აუცილებლობას და, რაც მთავარია, მასების კაპიტალისტური ექსპლუატაციის საშუალებას იძლეოდა თვით ფეოდალური ურთიერთობის (ბატონყმური დამოკიდებულები) ჩარჩოებშიც.

²⁵¹ ზასნი—ავტორი ნაშრომისა „კავკასიის აღწერა საქართველოს მოკლე სტატისტიკური აღწერით“, რომელიც პეტერბურგში 1805 წელსაა გამოცემული და უეკველა XVIII ს. მიწურულის საქართველოს სინამდვილეს ასახავს, აღნიშნავს, რომ „საქართველოში არ შეიძლებოდა ყოფილიყო ხელსაქმობა (მრეწველობა?—მ.ს.), რადგან ყოველი მოქალაქე არასოდეს არ ფლობდა უშიშრად თავის საკუთრებას და ყველაზე ბეჯითი შრომობდა არა თავისთვის, არამედ იმისთვის, ვისაც საშუალება ჰქონდა მისთვის მისი საქმიანობის ნაყოფი წაერთმია“. ავტორი, როგორც ვხედავთ, სწორად აფასებს სამრეწველო საწარმოთა მოწყობის სირთულეს, თუმცა საღებავებს ერთგვარად ამუქებს და ეს რომ ასეა, თუნდაც იქიდან ჩანს, რომ იგი თვითვე მიუთითებს თბილისში „რამდენიმე ფაბრიკაზე“, რომელებშიც შალღი და ბამბის ქსოვილები მზადდება“, გვ. 211.

რაც შეეხება იმ გაფართოებულ საფეიქრო საწარმოებს, რომელთა არსებობა და მანუფაქტურის დონემდე ამადლება ზემოთ შეძლებისდაგვარად იყო დასაბუთებული, ისინი, როგორც ჩანს, უპირატესად გაფანტული მანუფაქტურის სისტემაში ცენტრალური სახელოვნობების როლს ასრულებდნენ.

12. დანაწევრებული მანუფაქტურის ცენტრალური სახელოსნო

ცენტრალური სახელოსნო, რომელიც სათავეში უდგას (გაფანტულ) დანაწევრებულ მანუფაქტურას, მას დასრულებულ სახეს აძლევს. ერთი კაპიტალის მეთაურობით მოქმედი გაფანტული წარმოება მანუფაქტურის ხასიათს ატარებდა, ან მას უახლოვდებოდა ცენტრალური სახელოსნოს არსებობის გარეშე. ნიენონოვგოროდის გუბერნიის სემიონოვკის მაზრის კოვზის სარეწის შესახებ ვ. ი. ლენინი შემდეგს შენიშნავს: „... სარეწი თავისი ორგანიზაციით კაპიტალისტურ მანუფაქტურას უახლოვდება; მართალია აქ არაა მსხვილი სახელოსნოები, რომლებიც წვრილ სახელოსნოთა მასისაგან განირჩეოდნენ და მათზე ბატონობდნენ, მაგრამ სამაგიეროდ აქ ვხვდებით ღრმად დამკვიდრებულ შრომის დანაწილებას და მედეტალე მუშათა მასის სრულ დამორჩილებას კაპიტალისადმი“²⁵². მაგრამ ცენტრალური, მსხვილი საწარმოს არსებობის ფაქტი ახლებურ მნიშვნელობას ანიჭებს გაფანტულ მანუფაქტურას თვით წარმოების წესის თვალსაზრისით: „წვრილ სარეწებში სავაქრო კაპიტალი, როცა თავისი განვითარების უმაღლეს საფეხურს აღწევს, მწარმოებელს უკვე აყენებს დაქირავებული მუშის მდგომარეობაში, რომელიც სანარდო საზღაურად ამუშავენს სხვის ზედლეულს. თუ შემდგომში განვითარება იწვევს იმას, რომ წარმოებაში შემოაქვთ შრომის სისტემატური დანაწილება, რომელიც გარდაქმნის წვრილი წარმოების ტექნიკას, თუ „შემსყიდველი“ გამოაყოფს ზოგიერთ დეტალობრივ ოპერაციას და დაქირავებული მუშების საშუალებით აწარმოებს მათ თავის სახელოსნოში, თუ შინ სამუშაოს დარიგებასთან ერთად და მასთან უშუალოდ დაკავშირებით ჩნდება შრომის დანაწილებაზე დამყარებული მსხვილი სახელოსნოები (რომლებიც ხშირად იმავე შემსყიდველს ეკუთვნის), მაშინ ჩვენს წინაშეა კაპი-

²⁵² ვ. ი. ლენინი, თხზ., ტ. 3, გვ. 468.

ტალისტური მანუფაქტურის აღმოცენების სხვაგვარი პროცე-
სი.²⁵³

საქართველოს საფეიქრო წარმოებაში ამგვარი სახელოსნოს როლი უნდა დაკისრებოდეთ ცენტრალური (საქსოვი) ან დამსრუ-
ლებელი (ღებვა, მოჩითვა) ოპერაციების სახელოსნოებს.

ზემოთ უკვე ითქვა, რომ ხშირად ამ ფუნქციას ასრულებდნენ ის გაშახვილებული საფეიქრო საწარმოები, რომლებიც ზოგჯერ ცენტრალიზებული მანუფაქტურის მასშტაბებამდეც კი იყვნენ ამა-
ღლებული. მეორე მხრივ, და შეიძლება უპირატესადაც, გაფან-
ტული მანუფაქტურის სახელოსნოებად სამღებროები გამოდიან.

მღებრობა საფეიქრო მრეწველობის ის დარგია, რომელიც, როგორც ჩანს, ყველაზე ადრე მოექცა სავაჭრო კაპიტალის ინტე-
რესების სფეროში, რადგან ღებვა არ განეკუთვნება სოფლური ტიპის საარეწთა რიცხვს და მისი წარმოება სასაქონლო მნიშვნე-
ლობით ოჯახის ფარგლებში გამოიციხულია. ხელოსნობის ეს დარ-
გი მნიშვნელოვან ხელოსნურ გაწაფულობას მოითხოვს; მას სა-
ქართველოში ხანგრძლივი ტრადიციები ჰქონდა და მალაღმავნი-
თარებელიც იყო, რასაც მოწმობს ის ფაქტი, რომ განსახილველ პერიოდში აქ ახლომახლო ქვეყნებიდან და რუსეთიდანაც კი სა-
განგებოდ შესაღებად და მერე უკანვე იკასატანად შემოჰქონდათ სხვადასხვა ქსოვილები²⁵⁴. საკმარისია თუნდაც იმ ფაქტის აღნიშ-
ვნა, რომ ღებვის ქართული ტექნოლოგიისადმი იკასული საუკუ-
ნის 40-იან წლებში აბრეშუმის ფრანგი მეფაბრიკეებიც კი იჩენდნენ დაინტერესებას²⁵⁵. სამღებროს მოწყობა მნიშვნელოვან კაპიტალ-
დაბანდებებს მოითხოვდა. ამდენად უბრალო ხელოსნისათვის ეს საქმე საკმაოდ რთული იყო. ამასთან ღებვა საფეიქრო წარმოე-
ბის სხვა დარგებთან შედარებით გაცილებით ნაკლებად შრომატე-
ვადია, აქ რამდენიმე ხელოსანს შეეძლო ათეულობით და ასეუ-
ლობით მპენტავის, მრთველისა და მქსოველის ერთობლივი პრო-
დუქტის საბოლოოდ დამუშავება. ამიტომ საავაჭრო კაპიტალის მიერ საფეიქრო წარმოებასთან დაკავშირების პირველი ნაბაჯე-
ბის პირობებშიც კი, როცა ურთიერთობა ჭერ მხოლოდ პროდუქ-
ციის შეწყვიდვით განისაზღვრებოდა, ვაჭარი ცდილობდა დაუფ-

²⁵³ ვ. ი. ლენინი, თხზ., ტ. 3, გვ. 450.

²⁵⁴ სცსია, ფ. 380. საქ. 240—241.

²⁵⁵ შევალთე გამბა, მოგზაურობა სამხრეთ რუსეთში, კერძოდ ამირ-
კავკასიის პროვინციებში, პარიზი, 1848, მ მგლობლიშვილის თარგმანი, ხელნა-
წერი, გვ. 111.

ლებოდა სამღებრო საქმეს და სამღებროთა შეპატრონედ ან მოიჯარედ გვევლინებოდა. მეორე მხრივ, როგორც სათანადო ადგილას აღინიშნა, სახელოვნოს შემდგომი გაფართოების საშუალება მღებრობასა და მჩითაობაში მეტი იყო და ხშირად ამ ხელობის წარმომადგენლები ვაჭრობაში ებმებოდნენ და იმეორებდნენ საფეიქრო წარმოების თანდათანობით დაპყრობის კლასიკურ გზას უკვე არსებული გაფართოებული (სამღებრო, საჩითავი) სახელოსნოების საფუძველზე.

ამ ორი ტენდენციის (შესაძლებლობის) ანარეკლად მოჩანს ქალაქების „მანუფაქტურა-ქარხნების“ ოფიციალურ უწყისებში საფეიქრო წარმოების შესახებ შესული ტრაფარეტული განმარტება, რომელიც 1807—1815 წლის აქვეარ საბუთებში გვხვდება: „ტილოს საგანგებო ფაბრიკები არ არის, მაგრამ ბამბისაგან ნარმა მზადდება სახლებში საკუთარი საჭიროებისა და მჩითავებისაგან მათი შესყიდვისათვის, რომელთა მოსაჩითავად არის დუქნები“²⁵⁶ და სხვ. როგორც ვხედავთ, აქ შემსყიდველი მჩითავთანაა გაიჯივებული, რაც საჩითავი სახელოვნოს მფლობელ ვაჭარს ან გაფაქრებულ მჩითავ-ხელოსანს უნდა გულახზობდეს.

იძის გამო, რომ ლურჯად ღებვა მონოპოლიის ფარგლებში იყო მოქცეული, ბუნებრივია, შემსყიდველთა ის ნაწილი, რომელიც ლურჯი ფერის ქსოვილებს დამზადებასთან იყო დაკავშირებული, შეეცდებოდა საკუთრივ, ან თავისი აგენტების მეშვეობით დაკავშირებოდა სამღებროების იჯარას. მართლაც, არაერთი საბუთი მიუთითებს სამღებროს მოიჯარეთა საფეიქრო წარმოებასთან მჭიდრო კავშირს: გასული საუკუნის 20-იანი წლების ერთი საბუთით ცხინვალის სახაზინო სამღებროს მოიჯარე იქ თავის კუთვნილ ქსოვილებს ღებავდა და უამრავი ქსოვილი ჰქონდა დამზადებული²⁵⁷. 1821 წელს თბილისის სამღებროს მოიჯარეებმა სახაზინო სამღებროში იჩიველეს, დუშეთის სამღებროს მოიჯარეები ხელოსნებისაგან დიდი რაოდენობით ქსოვილებს ყიდულობენ, თავიანთ (სახაზინო) სამღებროში ღებვენ, შემდეგ კი მზა ნაწარმი თბილისში შემოაქვთ და აქ ყიდიან. რითაც ზარალს გვაყენებენო²⁵⁸. საყურადღებოა, რომ დუშეთის სამღებროს მოიჯარეებმა თავი

²⁵⁶ სცსია, ფ. 16, საქ. 495, ფურც. 38; საქ. 1352, ფურც. 6; საქ. 1747, ფურც. 77 და სხვ.

²⁵⁷ სცსია, ფ. 254, აღ. I, საქ. 1279, ფურც. 178.

²⁵⁸ სცსია, ფ. 254, აღ. I, საქ. 927, ფურც. 620.

იმართლეს, რომ შარტო ჩვენ კი არა, სამღებრობ ყველა შემსყად-
ველი ჩვენამდეც ასე იქცეოდაო²⁵⁹. აქედან დგინდება, რომ ამგვარი
წესი ახალი შემოღებული არ იყო, იგი კარგახნის დაკანონებული
იყო. მსგავსი ვითარება შეინიშნებოდა თბილისის, თიანეთის, კა-
ხეთისა და სხვ. იჯარა-შესყიდვის წესით გაცემულ სამღებროშიც.

როგორც ითქვა, სახაზინო სამღებროები განსაკუთრებული
სიდიდით არ გამოირჩეოდნენ. ამის მიზეზი ის იყო, რომ ხაზინას
მათზე კაპიტალდაბანდებებისათვის არ ეცალა და არც სურვილი
ჰქონდა, რადგან ისინი, ასე თუ ისე, განსაზღვრულ მოგებას მა-
ინც იძლეოდნენ, მოიჯარისათვის კი მათზე ხარჯის გაწევას აზრი
არ ჰქონდა, რადგან სანღებრო მას ღრობით ეკავა.

სულ სხვა ვითარება იყო კერძო სამღებროებში, რომლებშიც
მონაპოლიისაგან თავისუფალი ფერებით ღებვა წარმოებდა. მო-
სალოდნელია, რომ საფეიქრო წარმოებრი მნიშვნელოვანი გან-
ვითარებისა და ამალღების პირობებში ისინი გაფართოების მნიშ-
ვნელოვან სტიმულს იღებდნენ და, ექვი არ არის, ბევრი მათგანი,
რომლებიც ქალაქებში ან სხვა გამაგრებულ ადგილებში იყვნენ
მოწყობილნი და ვაჭარ-შემსყიდველებს ეკუთვნოდა, განვითარე-
ბის საქმოდ საგულისხმო მასშტაბებს აღწევდნენ.

ადგილობრივი წარმოების ქსოვილები ბაზარზე ჯადიოდა სხვა-
დასხვა ფერად შეღებილი, მოჩითული, საგანგებოდ გათეთრებუ-
ლი და გაწინდილი. როგორც ითქვა, იყვნენ ამ ოპერაციების
ცალკეული დარგის ოსტატები: მღებავები (მეწითლეები და მე-
ლურჯეები), მჩითავეები, გამეთორებლები და გამპრიალებლები.
მაგრამ არ ჩანან შესაბამისი სახელოვნოები. მაგალითად, საჩითავი
სახელოვნოების არსებობაზე მითითება მხოლოდ ერთი ტიპის სა-
ბუთებში გვაქვს, ე. წ. „მანუფაქტურებისა და ქარხნების უწყი-
სებში“. ამასთან ყურადღებას იქცევს ის გარემოება, რომ რო-
გორც ითქვა, უწყისის შემდგენლები საჩითავ და სამღებრო
ღუქნებს ამკარად ერთმანეთში ურევენ: ერთი წლის უწყისში,
ვთქვათ, აღნიშნულია 2 საჩითავი და 12 სამღებრო, მეორე წელს—
12 საჩითავი და 2 სამღებრო, ისე რომ მათი საერთო რიცხვი ლო-
გიკურია (განვითარების, მატების გათვალისწინებით). ეს კი იმ
ვარაუდს ბადებს, რომ უპირატესად ეს ორი ოპერაცია ერთ სა-
ხელოვნოში სრულდებოდა და უწყისების შემდგენლები მათ რა-
ოდენობას მექანიკურად ყოფდნენ, რათა სრულად შეეცნოთ უწყი-

²⁵⁹ სცხია, ფ. 254, აღ. I, საქ. 927, ფურც. 620.

სის ზემოდან მიღებული და რეკომენდებული ფორმა. სახელოსნოები, სადაც სხვა ოპერაციები უნდა ჩატარებულყო (გათეთრება, გაწმენდა, გაპრიალება) არც ერთ საბუთში მოხსენიებული არ არის. ეს აშკარად მხოლოდ იმით შეიძლება აიხსნას, რომ ისინი სხვა სახელოსნოებში, უპირატესად სამღებროებში სრულდებოდნენ.

თუ გავითვალისწინებთ, რომ ხშირად სახაზინო სამღებროს მოიჯარეები სამღებროს მეპატრონე ვაჭარ-შემსყიდველებს საკუთარ სამღებროებში გარკვეული საფასურით ლურჯად ღებვის ნებას რთავდნენ, შეიძლება წარმოვიდგინოთ, რომ ის სამღებროები, რომლებიც ვაჭარ-შემსყიდველებს ეკუთვნოდათ და რომლებიც ვაჭარ-ფანტული შანუფაქტურის ცენტრალური სახელოსნოს როლში გამოდიოდნენ, საკმაოდ ფართო მასშტაბის წარმოებები იყვნენ, რომლებშიაც შრომის დანაწილებას საფუძველზე წარმოებდა სხვადასხვა ფერად ღებვა, მოჩითვა, გათეთრება, გარეცხვა, გაწმენდა-გაპრიალება, გაუთოება და, ბუნებრივია შეფუთვაც.

ამგვარი ტიპის წარმოებად მოჩანს „სამღებრო ქარხანა“, რომელსაც 1841 წელს თბილისში ალა ყორჩიბაშევი აწყობს²⁶⁰. იგი საკმაოდ მოზრდილი საწარმოა. აქ უშუალოდ წარმოებაში 33 კაცი მონაწილეობდა. ის ფაქტი, რომ მის ძირითად ინვენტარს შორის მოიხსენიება ქვაბები (ქვევრები?) და სატვიფრავები²⁶¹, იმის მაჩვენებელია, რომ მასში, გარდა საკუთრივ ღებვისა, მოჩითვაც და ალბათ სხვა ოპერაციებაც წარმოებდა. დაქირავებულ მუშათა საგულისხმო რაოდენობა და სხვადასხვაგვარი ოპერაციების შესრულება შრომის დანაწილების აუცილებლობაზე მიუთითებს.

20-იან წლებში თავისი სამღებროს გაფართოება განიზრახა არუთინ კრასილნიკოვმა და საანისოდ სახაზინო მიწის ნაკვეთის გამოყოფა ითხოვა²⁶². საქმეში დაცულია საწარმოს პროექტი. ეს არის ვეებერთელა შენობა, რომლის ფასადი 70 მეტრზეა გადაჭიმული, რაც ჩვეულებრივი სამღებროსათვის მეტად დიდია. მთავარი კი ის არის, რომ პროექტი სამღებროდ კი არ არის მოხსენიებული, არამედ „საქსოვ ფარულუებად“. ამავე დროს კრასილნიკოვი მღებარია და სამღებროს გაფართოებას ითხოვს²⁶³. ერთი სიტყვით, ერთი და იგივე წარმოება ხან სამღებროდ მოიხსენიება,

²⁶⁰ სცსია, ფ. 16, საქ. 6351, ფურც. 26—28.

²⁶¹ იქვე.

²⁶² სცსია, ფ. 209, საქ. 57, ფურც. I,

²⁶³ იქვე, ფურც. 7.

თან კი საქსოვ ღუქნებად, რაც იმის მაჩვენებელი უნდა იყოს, რომ იგი საფეიქრო წარმოების დამსრულებელი ოპერაციების წარმოებისათვის არის განკუთვნილი, სადაც შესაძლებელია ზოგიერთი სხვა ოპერაციაც წარმოებდა.

სხვა მასალა აღნიშნული სამღებროს შესახებ არა გვაქვს. ამიტომ ჩვენ არ ვიცით რა გზა გაიარა მისმა მომწყობმა და თვით წარმოებამ, სანამ ამ დონეს მიაღწევდა. სამაგიეროდ რამდენავე ღრავმენტული ცნობის საფუძველზე მსგავსი პროცესი შეიძლება ასატურ როსტომაშვილის მაგალითზე წარმოვიდგინოთ. იგი 1808 წლის თბილისის აღწერაში შეტანილია როგორც მელაინე (ლურჯი ფერით მღებავი) და მახტის სახით 3 მან. 60 კაპ. იხდის²⁶⁴. ეს თანხა საშუალოზე მეტია, მაგრამ არც ისე დიდი გადასახადია, რადგან იმავე აღწერით მღებავი დავით იედიგაროვი 38 მანეთითაა დაბეგრული²⁶⁵. როგორც ჩანს, საფეიქრო მრეწველობის აღმავლობის პირობებში ასატურ როსტომაშვილი აქტიურად ერევა წარმოებაში, ხდება ვაჭარი-შემსყიდველი, თანდათანობით ეუფლება წარმოებას და 1821 წელს იგი ერთ-ერთ აქტიურ მონაწილედ გვევლინება იმ ბრძოლაში, რომელსაც რამდენიმე ვაჭარ-შემსყიდველი საბეჭდავის მოსაკრების მოიჯარებთან აწარმოებდა, ქვეყნის გარეთ გასატანად დამზადებული ბამბის ძაფიდან გადასახადის შემოღების წინააღმდეგ. როგორც ჩანს, იგი საკმაოდ შეძლებული და გავლენიანი ვაჭარ-შემსყიდველია²⁶⁶. 1824 წლის თბილისის აღწერაში კი მოიხსენიება ასატურ როსტომაშვილი მელაინე (მისი ხელოსნური წარსული დავიწყებული არ არის) და მისი ძმები არუთინა და სტეფანე, რომელთაც „აქვთ სამღებრო ქარხნება და მნიშვნელოვანი ვაჭრობა იარაღებზე“²⁶⁷. აქ უნდა შევნიშნოთ, რომ სამღებროს „ქარხნად“ მოხსენიება საბუთებში მეტად იშვიათია, რაც რაღაც თვისებრივ განსხვავებას უნდა აღნიშნავდეს. ზემოთ ჩვენ ვნახეთ, თუ რას წარმოადგენდა ყორჩიბაშევის „სამღებრო ქარხანა“. თუ ამას გავითვალისწინებთ, შეიძლება მივიჩნიოთ, რომ როსტომაშვილი საკმაოდ მსხვილი და, რაც მთავარია, არაერთი სამღებრო ქარხნის მესაკრებელია. ხოლო რაკი მას შენარჩუნებული აქვს კავშირი ვაჭრობასთან, შეიძლება ვივარაუდოთ,

²⁶⁴ სცსია, ფ. 254, აღ. I, საქ. 185, ფურც. 248.

²⁶⁵ იქვე, გვ. 178.

²⁶⁶ სცსია, ფ. 254, აღ. I, საქ. 702, ფურც. 238.

²⁶⁷ იქვე, საქ. 858, ფურც. 12.

რომ იგი გაფანტული მანუფაქტურის ორგანიზატორია. თუ ეს ასეა, მაშინ ბუნებრივია ამ მანუფაქტურის ცენტრალური სახელოსნოს ფუნქციას სწორედ მისი „სამლებრო ქარხნები“ შეასრულებენ. იარაღებზე ვაჭრობა კი მას შეუძლია ძმებს მიანდოს.

განსახილველ ხანაში ჩვენ მრავალი მაგალითი გვაქვს იმისა, რომ ფართლელის ვაჭრობასთან დაკავშირებული საქმონები ერთდროულად სამლებროების შეთაურებადაც გამოდიან²⁸⁸ და თუმცა ცალკეული მათგანის კონკრეტული საქმიანობის შესახებ სხვა ცნობები არ გავაჩნია, მაგრამ ქვეყანაში შექმნილი საერთო სურათის ფონზე უფლება გვაქვს მათი ნაწილი ვაჭარ-შემსყიდველებად, ნედლეულის დამრიგებლებად და, ბოლოს, დანაწევრებული მანუფაქტურების შეთაურებად გამოვაცხადოთ, ხოლო მათი კუთვნილი სამლებროები ამ მანუფაქტურების ცენტრალურ სახელოსნოებად წარმოვიდგინოთ.

ვფიქრობთ ნათელია, რომ ბაშბეულის საფეიქრო წარმოებაში გაფანტული მანუფაქტურების ცენტრალური სახელოსნოს როლში შეეძლოთ გამოსულიყვნენ და გამოდიოდნენ კიდევ ის საქსოვი სახელოსნოები, რომლებიც თანდათანობით გაფართოების გზით ზოგჯერ ცენტრალიზებული მანუფაქტურების მასშტაბებამდეც კი ვითარდებიან.

მეორე მხრივ, უფრო სწირად ამგვარ ფუნქციას ასრულებდნენ ვაჭარ-შემსყიდველთა კუთვნილი სამლებროები, რომელთა გარკვეული ნაწილი შინააჩსობრივად შორს ჰცილდებოდა ამ ტერმინის მიღებულ გაგებას და ფაქტიურად იმ საწარმოებად გვევლინებიან, სადაც საფეიქრო მრეწველობის დამსრულებელი ოპერაციები (საკუთრივ ლებვა, მოჩითვა, გათეთრება, გაპრიალება, შეფუთვა და ა. შ.) მიმდინარეობს. ამის იამო მოცულობით ისინი გაცილებით სპარბობენ ჩვეულებრივ, შუასაფეიქნობრივ სამლებროებსა და მათში ადგილი ჰქონდა შრომის სისტემატურ და დეტალობრივ დანაწილებას, რაც მათ თვითონ აძლეჯდათ მანუფაქტურის ხასიათს.

განხილული მასალა ვფიქრობთ, თვალნათლივ გვიჩვენებს იმ მნიშვნელოვან ძვრებს, რომლებსაც ადგილი ჰქონდა XIX ს. პირველი მესამედის საქართველოს საფეიქრო მრეწველობის განვითარებაში.

²⁸⁸ მაგალითად. მატუზაშვილების ოჯახზე წყაროში მითითებულია, რომ „მამას აქვს დიდებული (დიდი) სამლებრო საწარმოები, შეილები კი ორივე ფართლელთა ვაჭრობენ“—სცსია, ფ. 254, აღ. I, საქ. 541, ფურც. 10 და სხვ.

რებაში. მრეწველობის კაპიტალისტური ფორმების მრავალფეროვნება (კაპიტალისტური კოოპერაცია, დანაწევრებული მანუფაქტურა, ცენტრალიზებული მანუფაქტურა) და გავრცელება არა მარტო სავაჭრო-სამრეწველო ცენტრებში, არამედ პერიფერიებშიც, მათში მწარმოებელთა ერთობ საგულისხმო მასების მონაწილეობა, გამოშვებული პროდუქციის მოცულობა და წარმოებითი კაპიტალისტური ურთიერთობების ასახვა იურიდიული ხასიათის დოკუმენტურ და საკანონმდებლო მასალებში, იმის მაჩვენებელია, რომ წარმოების კაპიტალისტურ ფორმებს მრეწველობის ამ დარგში გაბატონებული მდგომარეობა უკავიათ.

საფეიქრო წარმოების დახასიათებისას ჩვენ ძირითადად ბამბეულის საქსოვი წარმოების განხილვით შემოვიფარგლებით, რადგან იგი წამყვანი იყო არა მარტო საფეიქრო არამედ საერთოდ განსახილველი ხანის საქართველოს დამმუშავებელ მრეწველობაში. მაგრამ აქვე უნდა აღინიშნოს რომ საქართველოს სხვადასხვა სავაჭრო-სამრეწველო ცენტრებსა თუ რაიონებში განვითარებული იყო საფეიქრო წარმოების სხვა დარგებიც (აბრეშუმის, შალის, სელეს) თუმცა მათი ხვედრითი წილი საერთოდ საკმაოდ მოკრძალებული იყო. წინამდებარე ნაშრომის შეზღუდული მოცულობის გამო ჩვენ საშუალება არ გვაქვს მათზე ყურადღება შევჩეროთ.

ამავე მიზეზით და ცნობების საერთო სინაკლულის გამოც, ზემოთ მოტანილი დასკვნები ჩვენ უპირატესად აღმოსავლეთ საქართველოს სოციალურ-ეკონომიკური ვითარების ამსახველი მასალების ანალიზის საფუძველზე მივიღეთ. ამავე დროს, თუმცა განსახილველ ხანაში სოციალურ-ეკონომიკური განვითარების თვალსაზრისით აღმოსავლეთ საქართველოს წამყვანი მდგომარეობა სრულიად უეჭველია, ჩვენ მაინც მიგვაჩნია, რომ განვითარების ხასიათი დასავლეთ საქართველოშიც პრინციპულად იდენტური იყო და ამდენად მიღებული დასკვნების ამ რეგიონზე გავრცელება არსებითად გამართლებულად და. მეცნიერულად მისაღებად მოსჩანს.

მოკლე დასკვნები

XIX საუკუნის პირველი მეამედის საქართველოს სოციალურ-ეკონომიკური (ვაჭრობა, მრეწველობა) განვითარების შესწავლა საშუალებას იძლევა გაირკვეს მისი მიმართულება და თავისებურებები: ვაჭრობისა და მრეწველობის განვითარების ურთიერთგანმაპირობებელი ხასიათი, მრეწველობის ფორმათა მრავალფეროვნება და თანმიმდევრული ცვლა, მრეწველობის კაპიტალისტური ფორმების ჩასახვისა და ჩამოყალიბების გზები; დადგინდეს ქვეყნის საერთო სოციალურ-ეკონომიკური განვითარების სურათი.

განსახილველ ხანაში მიმდინარე პროცესები უშუალოდ აგრძელებენ იმ ტენდენციას, რომელიც უკვე წინა საუკუნეში ჩამოყალიბდა; საქართველოს რუსეთთან შეერთების ობიექტურმა პროგრესულმა შედეგებმა მნიშვნელოვნად დააჩქარეს იგი. დადასტურდა საქართველოს ვაჭრობის რევოლუციური როლი სასაქონლო მეურნეობის ჩამოყალიბებისა, და ამის საფუძველზე, ძველი ფეოდალური ურთიერთობის დაშლისა და ახალი (კაპიტალისტური) ურთიერთობის ჩამოყალიბების პროცესში.

განსახილველი ხანისათვის საქართველოს დამმუშავებელ მრეწველობაში უკვე არსებობდა სასაქონლო წარმოების გარკვეული ტრადიციები, რაც სასაქონლო ურთიერთობის ხანგრძლივ განვითარებას ემყარებოდა. საქართველოს ვაჭართა კლასი სულ უფრო და უფრო აქტიურად ებმებოდა ქვეყნის შინავაჭრობაში, რის შედეგადაც თანდათანობით ფართოვდებოდა ვიწრო ადგილობრივი ბაზარი. ვაჭართა კლასის აქტიურობა და საეჭრო კავშირურთიერთობის გაძლიერება ერთმანეთს აკავშირებდა ადგილობრივ ბაზრებსა და ამ კავშირურთიერთობის გაფართოების საფუძველზე ერთიანი ქართული ბაზრის ჩამოყალიბებას განაპირობებდა. ამ პროცესში არსებითი როლი შეასრულა შედარებითი მშვიდობიანობის დამყარებამ და ქვეყნის სხვადასხვა კუთხეების რუსეთის იმპერიის ფარგლებში გაერთიანებამ.

ერთიანი ქართული ეროვნული ბაზრის ჩამოყალიბების პროცესი უფრო ადრე (ყოველ შემთხვევაში XVIII საუკუნეში) დაიწყო და გაცილებით გვიან — XIX საუკუნის მეორე ნახევარში დასრულდა, მაგრამ განსახილველ ხანაში (XIX საუკუნის პირველ მესამედში) მან არსებითი ბიძგი მიიღო.

საშინაო ბაზრის გაფართოება და საქონელწარმოების შეზღოვანი ამაღლება განპირობებდა ვაჭართა კლასის რაოდენობრივ და თვისებრივ ზრდას. ვაჭრობაში ჩაბმულ პირთა კონტინგენტი სწრაფად ფართოვდებოდა და იგი საზოგადოების სულ სხვადასხვა ფენების წარმომადგენლებით ივსებოდა. ამ პროცესში მეტად დიდი მნიშვნელობა ენიჭებოდა სავაჭრო კრედიტის ჩამოყალიბებას, სავაჭრო ამხანაგობებს და ვაჭრობის მაღალი ორგანიზაციის არსებულ ტრადიციებს.

სავაჭრო კავშირურთიერთობების არსებული დონე, სასაქონლო წარმოების ტრადიციები და მიმდინარე პროცესი, ქვეყნის სხვადასხვა კუთხეებს შორის სამეურნეო სპეციალიზაციის ჩამოყალიბების საფუძველი ხდებოდა. შრომის გეოგრაფიული განაწილების ადრეულ ჩამოყალიბებას ხელს უწყობდა ქვეყნის სხვადასხვა კუთხეების გეოგრაფიულ-კლიმატური პირობების განსხვავებულობაც.

ქვეყნის გარეთ გატანის მიზნით წარმოება ახალი კაპიტალისტური ურთიერთობის ჩამოყალიბების მასტიმულირებელია. XIX ს. პირველი მესამედის საქონელწარმოებისა და საქონელგაცვლას მაღალი დონე ფართო გატანითი ვაჭრობის განვითარების საშუალებას იძლეოდა. საქართველო ტრადიციულად ვაჭრობას აწარმოებდა არა მარტო მეზობელ სახანოებთან და ჩრდილოეთ კავკასიის ხალხებთან, არამედ მახლობელი აღმოსავლეთისა და აზიის მთავარ სახელმწიფოებთან და ევროპასთანაც. ამ ვაჭრობაში მნიშვნელოვანი იყო ქართული ნაწარმის, კერძოდ, დამამუშავებელი მრეწველობის პროდუქციის როლიც.

XVIII საუკუნის მეორე ნახევრიდან საქართველოსათვის განსაკუთრებულ მნიშვნელობას იძენდა ვაჭრობა რუსეთთან და მისი მეშვეობით ევროპასთან. გატანილ პროდუქციაში თანდათანობით უპირველეს ადგილს ქართული საფეიქრო პროდუქცია იჭერდა, რომლის ექსპორტი XIX საუკუნის პირველ მესამედში რამდენჯერმე გაიზარდა.

საქართველო თანდათანობით აქტიურად ებმებოდა რუსეთის საერთო საიმპერიო საქონელბრუნვაში.

როგორც ითქვა, ზემოაღნიშნული მოვლენები და პროცესები განპირობებული იყო დამმუშავებელ მრეწველობაში სასაქონლო მეურნეობის არსებული ღონით და, თავის მხრივ, დადებით ზეგავლენას ახდენდა მასზე. განსახილველ პერიოდში დამმუშავებელ მრეწველობაში ჩაბმული მოსახლეობის ზრდის ტემპი გაცილებით სჭარბობდა მოსახლეობის საერთო ზრდის ტემპებს. მრეწველობაში ჩაბმული მუშახელის მატების პროცესი განსაკუთრებით ძლიერია ქალაქებში: მაგრამ მას ადგილი აქვს სოფლებშიც. ამავე დროს შეინიშნება ამ კატეგორიის მოსახლეობის ლტოლვა ქალაქებისა და დაბებისაკენ. ამრიგად, ქალაქური ხელოსნობა სოფლური სარეწების შემცირების ჩარჯზეც იზრდებოდა. ამასთან ერთად, სოფელში უპირატესად ვრცელდებოდა დამმუშავებელი წარმოების ის დარგები, რომლებიც ადვილად ეგუებიან დამატებითი საქმიანობის სახით არსებობას—რთვა და ქსოვა („სოფლური სარეწი“), განსაკუთრებით პირველი.

ხელოსნობაში შეჭრილი სასაქონლო წარმოება თანდათანობით მკვეთრ ქონებრივ დიფერენციაციას, დაქირავებული შრომის გამოყენების ზრდას და სახელოსნოების გაფართოების ტენდენციის გაძლიერებას იწვევდა. ეს ტენდენცია ემყარებოდა ხელოსნობაში საწარმოო ძალთა განვითარების არსებულ დონეს, რაც უპირატესად შრომის იარაღებს გაუმჯობესებასა და ხელოსნური შრომის შემდგომი დანაწილების (სპეციალიზაციის) გავრცელებაში გამოიხატებოდა.

ყველაფერი ეს განპირობებდა ხელოსნების, როგორც მრეწველობის ფორმის ტრანსფორმაციას და მის ადგილს თანდათანობით წვრილი სასაქონლო წარმოება იჭერდა.

ამ პროცესის შემდგომ განვითარებას მრეწველობის უკვე კაპიტალისტური ფორმების ჩასახვა-ჩამოყალიბებამდე უნდა მივეყვანეთ.

განხილული მასალა ადასტურებს ამ შესაძლებლობის რეალობად ქცევის ტენდენციის არსებობას: დაქირავებული შრომის გამოყენების ზრდა, ხელოსანთა შორის მკვეთრი ქონებრივი დიფერენციაცია და ამის საფუძველზე ხელოსნური წარმოების იმ ვაჭართა თუ საქმოსანთა ხელში მნიშვნელოვანი კაპიტალის თავმოყრა, რომლებიც სახელოსნოების გაფართოების თუ გაფართოებული სახელოსნოების მოწყობის ინიციატორებად გამოდიან, ამ სახელოსნოებში ხელოსნური იერარქიის არსებობის ფაქტი, უფროსი ოსტატებისა და ზედამხედველებს ინსტიტუტის ჩამოყალი-

ბება, სახელოსნოებში წრომის დანაწილების არსებობის დადგენა, რიგ სახელოსნოში 15—30 და ზოგჯერ მეტი დაქირავებული მუშის არსებობის დადასტურება და ამ ტენდენციის გავრცელების დასაბუთებული ვარაუდი, უფლებას გვაძლევს დავასკვნათ, რომ საქართველოს დამმუშავეებელ მრეწველობაში, რომელიც ქალაქური ხელოსნობის ბაზაზე ვითარდებოდა, ადგილი ჰქონდა მარტივი კაპიტალისტური კოოპერაციისა და მანუფაქტურების ჩამოყალიბების პროცესს.

ქართული ამქრული წყობა, რომელიც ხასიათით აღმოსავლურ ამქარს უახლოვდებოდა და ევროპულისაგან მეტი სირბილით, შეზღუდვათა და რეგლამენტაციათა ნაკლები სიმკაცრით გამოირჩეოდა, მის შიგნით მიმდინარე ტრანსფორმაციის პროცესის საფუძველზე, გარკვეულ დონემდე, ეგუებოდა აბალ კაპიტალისტური ფორმების ჩამოყალიბებას; ხოლო მრეწველობის იმ დარგებში, სადაც განვითარება მაღალი მანუფაქტურული ფორმების ჩამოყალიბებას იწვევდა (ფეიქრობა), ამქრობა ინტენსიურად იშლებოდა და ბოლოს, განსახილველი ხანის შუა წლებში (XIX ს. 10—20-იან წლებში), საერთოდ ისპობა.

აბალი, კაპიტალისტური ურთიერთობების ჩამოყალიბების ტენდენცია, გზები და ხასიათი განსაკუთრებით რელეფურად ჩანს საფეიქრო წარმოების მაგალითზე. XIX საუკუნის პირველ მესამედში მის განვითარებას საოჯახო წარმოების რღვევა და ხელოსნობაში მიმდინარე ცვლისა და ტრანსფორმაციის ინტენსიური პროცესი განსაზღვრავდა.

საქართველოში საფეიქრო წარმოების დიდი და ხანგრძლივი ტრადიციები და განსაზღვრულ ხანაში მისი არნახული განვითარება, რაც, როგორც შესაბამისი საწარმოებისა და მასში ჩაბმული მუშახელის მეტად სწრაფ ზრდაში, ისე ქვეყნის გარეთ გატანილი პროდუქციის საგულისხმო მოცულობაში და თანდათანობით მატებაში გამოიხატებოდა, მასში მრეწველობის მაღალი სოციალურ-ეკონომიკური ფორმების არსებობას მიგვანიშნებს.

მოტანილი მასალა საშუალებას იძლევა თვალი გავადევნოთ, ერთი მხრივ, საოჯახო წარმოების, ხოლო მეორე მხრივ, ხელოსნობის ჯერ წერილ სასაქონლო, ხოლო შემდეგ კაპიტალისტურ წარმოებად თანდათანობით გადაქცევის პროცესს და მასში სავაჭრო კაპიტალის რევოლუციური როლს. სახეზეა ყველა ძირითადი ფორმა, რომელსაც სავაჭრო კაპიტალი წერილ სარეწებში იღებს, ხოლო მისი უმაღლესი, მეოთხე ფორმა როდესაც ნაწარმის შემსყიდვე-

ლი იწყებს ანგარიშის გასწორებას იმ ნედლი მასალებით, რომლებიც „შინამრეწველს“ ესაქარება და რომელიც „ნიშნავს მეტად დიდ ნაბიჯს კაპიტალისტურ ურთიერთობათა განვითარებაში“, საქართველოს სინამდვილეში ჩამოყალიბდა არა უგვიანეს XVIII ს. შუა ხანებისა. ამგვარად, განსახილველი პერიოდისათვის (XIX ს. პირველი მესამედი) ამ ფორმას ხანგრძლივი ტრადიცია ჰქონდა და, მაშასადამე, საკმარისზე მეტი დრო იყო იმისათვის, რათა გადადგმულიყო ის უკანასკნელი (ერთი) ნაბიჯი, როდესაც „შემსყიდველი პირდაპირ ურიგებს მასალას „შინამრეწველებს“ განსაზღვრულ ფასში დასამუშავებლად“, რითაც საბოლოოდ იმორჩილებს მათ, აქცევს დაქირავებულ მუშებად და სავაჭრო კაპიტალი სამრეწველო კაპიტალად იქცევა. განხილულმა მასალამ დაამტკიცა, რომ ეს პროცესი ალბულო ხანაში იყო არა ცალკეული შემთხვევა, არამედ გაბატონებული ტენდენცია, — პროცესი, რომელიც წარმოების მთელი დარგის განვითარებას განსაზღვრავდა. სავაჭრო კაპიტალის ბატონობა საფეიქრო წარმოებაზე, ანუ მისი სამრეწველო კაპიტალად გადაქცევა აშკარა ფაქტი იყო.

საქართველოში ახალი, კაპიტალისტური წყობის ჩასახვა-ჩამოყალიბებში პროცესი მეტად რთულ ვითარებაში მიმდინარეობდა. აქ, თითქოს საგანგებოდ, მოიყარა თავი ყველა წინააღმდეგობამ, რომელიც ამ მხრივ ევროპაში, რუსეთსა თუ აღმოსავლეთში არსებობდა. აქ იყო ბატონყმური ურთიერთობის შიში ფორმებიც, გლეხის მიწაზე მიმაგრების სიმტკიცეც, ამქრული წყობაც, ქვეყნის სამეფო-სამთავროებად დაშლა-დაქუცმაცებულობაც, სათაჯოდოთა სისტემა, საუკუნეების მანძილზე გაგრძელებული შიში პოლიტიკური ვითარებაც, რაც დამპყრობთა განუწყვეტელ შემოსევებში, დამოუკიდებლობის მთლიანად თუ ნაწილობრივ დაკარგვაში, მთელი მეზობლების გაუთავებელ და გამანადგურებელ თავდასხმებში და სხვ. გამოიხატებოდა და ა. შ.

ყველა ეს სირთულე იყო იმის მიზეზი, რომ საქართველოს სინამდვილეში, მიუხედავად წარმოების ფეოდალური წესის ქვედაღმაველი გზით განვითარების ხანგრძლივი და ინტენსიური პროცესისა, ახალი წყობის ჩამოყალიბება უჩვეულოდ გვიან დაიწყო და ერთობ შიშველ მიმდინარეობდა. იმავე მიზეზის გამო, ფეოდალიზმიდან კაპიტალიზმზე გადასვლის გზებიდან, საქართველოს სინამდვილეში მეტი გავრცელება მიიღო ნაკლებად რეკოლუციურმა გზამ, რომელიც სავაჭრო კაპიტალის მიერ წარმოების თანდათანობით დაპყრობას გულისხმობდა და კაპიტალისტური

წარმოების შედარებით დაბალი სოციალურ-ეკონომიკური ფორმის, — გაფანტული მანუფაქტურის ჩამოყალიბებაში გამოიხატებოდა.

მიუხედავად ამისა, ახალი, კაპიტალისტური წარმოებითი ურთიერთობების ჩასახვა-ჩამოყალიბება განსახილველი ხანის საქართველოში გვევლინება ერთიან, თანდათანობით, ორგანულ პროცესად, რომელიც თანმიმდევრულად გაივლიდა ყველა ფორმას, ყველა საფეხურს. იგი სტიქიური პროცესის სახით მიმდინარეობდა და ისე თანდათანობით ყალიბდებოდა, რომ ხშირად შეუმჩნეველი რჩებოდა არა მარტო ამ პროცესის მეთვალყურეებს, არამედ თვით მონაწილეებისთვისაც კი. ეს კი იმაზე მიუთითებს, რომ ქვეყნის სოციალურ-ეკონომიკური განვითარების წიაღში ახალი ურთიერთობისათვის ნიადაგი დიდი ხანია მომზადებული იყო და მისი გაფურჩქვნა შესაფერისი პირობებს შექმნასთან იყო დაკავშირებული. ეს პირობები XIX საუკუნის დასაწყისში შეიქმნა და უპირატესად ქვეყნის ერთიანი იმპერიის ფარგლებში (გაერთიანებაში, შედარებით მშვიდობიანობის დამყარებაში, ფეოდალური შეზღუდულობის თანდათანობით შესუსტებაში და თვალუწვდენელი რუსეთის ბაზრებთან დაკავშირებაში გამოიხატებოდა.

ის მოვლენები და პროცესები, რომლებიც აშკარად დგინდება განსახილველი ხანისა და, ნაწილობრივ, მისი წინა პერიოდის საქართველოს სოციალურ-ეკონომიკურ ცხოვრებაში: სასაქონლო მეურნეობის გაფართოება, ამის საფუძველზე შინავაჭრობის შემდგომი განვითარება და საერთო-ქართული ბაზრის ჩამოყალიბებისა და განმტკიცების პროცესის ინტენსიური მიმდინარეობა, საგარეო გატანითი ვაჭრობის გაფართოება; საქალაქო ცხოვრების გაძლიერება და არასამიწათმოქმედო მოსახლეობის ზრდა სამიწათმოქმედო მოსახლეობის შემცირების ხარჯზე; ცვლილებები მრეწველობის წინაკაპიტალისტურ ფორმებში: ხელოსანობის განვითარება და თანდათანობითი ტრანსფორმაცია, ხელოსანთა შორის მკვეთრი ქონებრივი დიფერენციაციის გავრცელება, დაჭირავებული შრომის გამოყენების, სახელოსნოების გაფართოების ტენდენციის გაძლიერება და ამ ნიადაგზე კაპიტალისტურ მასშტაბებამდე ამაღლების ფაქტები; ამქრული წყობის რღვევის გაძლიერება და მისი გაქრობა მრეწველობის ისეთ რევოლუციურ დარგში, როგორცაა ფეიქრობა; სავაჭრო კაპიტალის წარმოებაში ჩარევა, მრეწველობის ზოგიერთ დარგზე მისი ვაბატონება, ამის საფუძველზე სავაჭრო კაპიტალის სამრეწველო კაპიტალად გადაქცევა, გაფანტული მა-

ნუფაქტურის ტიპის საწარმოო ორგანიზაციების ჩამოყალიბების პროცესის ინტენსიური მიმდინარეობა და საფეიქრო წარმოებაში მრეწველობის ამ ფორმის აშკარა გაბატონება, ცენტრალიზებული მანუფაქტურის ტიპის საწარმოთა აღმოცენების ფაქტები მრეწველობის სხვადასხვა დარგებში და რიგი სხვა ფაქტორები ადასტურებენ, რომ ქვეყანაში ყალიბდება და მტკიცდება ახალი კაპიტალისტური წყობა.

ამ პროცესის დასაბუთებას ჩვენ უპირატესად ფეოდალიზმიდან კაპიტალიზმზე გადასვლის ორი ძირითადი გზის (ა) მწარმოებელი ხდება ვაჭარი და კაპიტალისტი და ბ) ვაჭარი უშუალოდ ეუფლება წარმოებას) დახასიათებისა და ანალიზის საფუძველზე შევყავართ.

განსახილველ და მის წინა პერიოდში გარკვეული მნიშვნელობა მოიპოვა გადასვლის იმ გზამ, რომელიც ვაჭრებისა თუ სხვა საქმოსნების მიერ მსხვილი კაპიტალისტური საწარმოების უშუალოდ მოწყობის (დანერგვის) პრაქტიკაში გამოიხატებოდა. ამ გზით XIX საუკუნის პირველ პესამედში ისევე როგორც ადრეც და მის შემდგომ პერიოდშიც არაერთი მნიშვნელოვანი კაპიტალისტური ტიპის საწარმო აღმოცენდა. მის გავრცელებას ხელი შეუწყო საქართველოში და საერთოდ კავკასიაში რუსული და უცხო ელემენტის გაძლიერებამ, სამხედრო და სამოქალაქო ჩინოვნიკების გამრავლებამ, სამხედრო ნაწილების შემადგენლობის ზრდამ, ადგილობრივი მოსახლეობის ცხოვრების ყაიდისა და გემოვნების თანდათანობითმა ცვლამ, სამრეწველო ცენტრებში და შემდეგ თანდათანობით პერიფერიებშიც ევროპული ყოფის ელემენტების შეჭრამ. თაყუაშვილის ღენთის ქარხანა, ყორღანოვის ზეთსახდელი წარმოება, სარაჯიშვილის ტყავის წარმოება, იმერლიშვილის ალკოპოლიანი სასმელებს ქარხანა, ზუბალაშვილის არყის წარმოება, კასტელას აბრეშუმის ფაბრიკა, შავერდოვების ბამბის წარმოება და ბევრი სხვა, სწორედ ამ გზით აღმოცენებულ საწარმოებად მოსჩანან. წინამდებარე ნაშრომში ამ პროცესზე ყურადღება არ ვაგვიმახვილებია. აღნიშნული გზით წარმოშობილ საწარმოთა უმრავლესობა სამეცნიერო ლიტერატურაში შემჩნეული და აღწერილია. აქ მხოლოდ იმ გარემოებას უნდა გაესვას ხაზი, რომ, რადგან ამ გზით დანერგილი საწარმოები უპირატესად შესაბამისი რუსული და ევროპული საწარმოების მაგალითითა და მიბაძვით ეწყობოდნენ, ხოლო ევროპაში სამრეწველო რევოლუცია ძირ-

თადად დასრულებული, რუსეთში კი დაწყებული იყო, ამ საწარმოებში ხელის შრომასთან ერთად ადგილი აქვს მანქანების გამოყენების ჩასახვას და თანდათან გავრცელებას. აღნიშნულ გზით კაპიტალისტური საწარმოებს აღმოცენების ტენდენცია განსაკუთრებით გაძლიერდა განსახილველი ხანის შემდგომ პერიოდში.

საქართველოში კაპიტალისტური წყობის ფორმირება მიმდინარეობდა კაპიტალიზმის მსოფლიო სისტემად ჩამოყალიბების ეპოქაში; იმ ხანებში, როცა ევროპის მოწინავე ქვეყნებში სამრეწველო რევოლუცია ძირითადად დამთავრებული, ხოლო სოციალურ-ეკონომიკური თვალსაზრისით შედარებით ნაკლებად განვითარებულ ქვეყნებში, მათ შორის რუსეთშიც, კარგა ხნის დაწყებული იყო. ეს ის ეპოქაა, როცა მსოფლიო კავშირურთიერთობებს განვითარებს საფუძველზე ერები ერთიმეორესთან საკონკურენციო ურთიერთობაში შევიდნენ და თვით ყველაზე განვითარებული ქვეყნების, მათ შორის ინგლისის „მანუფაქტურა მუდმივად დაცული იყო შინაურ ბაზარზე მფარველობითი ბაჟებით, კოლონურ ბაზრებზე — მონოპოლიებით და უცხოეთის ბაზრებზე — შეძლებისამებრ დიფერენცირებული ბაჟებით“¹.

ანგვარ მფარველობას მოკლებულ ქართულ მრეწველობას განვითარებს საფუძველს მსოფლიო გზებიდან დაშორება, მოწინავე კაპიტალისტურ ქვეყნებთან კავშირურთიერთობის სირთულე, კავკასიის რეგიონის ერთგვარად ჩაკეტილი მდგომარეობა და ამ რეგიონში საქართველოს მოწინავე სოციალურ-ეკონომიკური პოზიცია უქმნიდა. მეტად დიდი მნიშვნელობა ჰქონდა რუსეთში აკრძალვითი ბაჟების არსებობას, რომელიც აქ ევროპული საქონლის მოზღვავენას აკავებდა². ეს ღონისძიება რუსეთის საფეიქრო წარმოების აყვავებას იხანავდა მიზნად და ამ მხრივ მართლაც დიდი როლი შეასრულა. მაგრამ პირველ ხანებში რუსეთის ახალგაზრდა ბამბულის წარმოება ვერ ახერხებდა თვალუწვდენელი ქვეყნის მოთხოვნილებების დაკმაყოფილებას, რაც რუსეთის ბაზრებზე ქართული საქონლის შეჭრას და აქ მნიშვნელოვანი შეღავათებით სარგებლობას იწვევდა.

ყველაფერმა ამან XIX ს. პირველ მეცამედში საქართველოს

¹ კ. მარქსი და ფ. ენგელსი, „გერმანული იდეოლოგიიდან“, თბ., 1948, გვ. 72.

² И. В. Мешалин, Текстильная промышленность крестьян Московской губернии в XVIII и первой половины XIX века, М., 1950, гв. 16, 33.

საფეიქრო წარმოების აყვავება და მასში მრეწველობის კაპიტალისტური (გაფანტული მანუფაქტურის) ფორმების გაბატონება განაპირობა.

მაგრამ „მანუფაქტურას საერთოდ არ შეეძლო იოლად წასვლა დაუცველად, ვინაიდან მცირეოდენი ცვლილებებიც კი სხვა ქვეყნებში საკმარისია იმისათვის, რომ მან ბაზარი დაჰკარგოს და განადგურება განიცადოს; რამდენიმედ ხელსაყრელ პირობებში მისი შემოღება რომელიმე ქვეყანაში ადვილი იყო, მაგრამ სწორედ ამიტომ ადვილი იყო მისი დანგრევაც“³.

XIX საუკუნის 20-იანი წლების დასასრულისათვის საქართველოში, შემოღებულ შეღავათიანი ტრანზიტის საფუძველზე, უცხოური საფეიქრო ნაწარმის მოზღვაება აღინიშნა. ამავე პერიოდისათვის საკუთარი ბამბეულის საფეიქრო წარმოების განვითარებას შედეგად ქართული ქსოვილები რუსეთის ბაზრებიდან თანდათანობით იღვენება. ყველაფერ ამას არ შეეძლო ქართული საფეიქრო წარმოების განვითარება არ დაებრკოლებია, რააც საბოლოოდ მისი დაცემა მოჰყვა.

„შეღავათიანი ტრანზიტი“ ამიერკავკასიაში ცარიზმის ეკონომიკური პოლიტიკის გატარების მოსამზადებელი ღონისძიება იყო. 30-იანი წლებიდან ეს პოლიტიკა აქტიურად ხორციელდებოდა. ამ პერიოდიდან მოყოლებული რუსეთი აქტიურად იწყებდა კავკასიის ეკონომიკურ ათვისებას, რამაც ქვეყნის სოციალურ-ეკონომიკურ განვითარებას ახალი გეზი მისცა.

20-იანი წლების მიწურულსა და 30-იანი წლების დასაწყისში სრულდება ქვეყნის სოციალურ-ეკონომიკური განვითარების ერთი ეტაპი. 30-იანი წლების დასაწყისიდან ახალი ეტაპი იწყება.

³ კ. მარქსი და ფ. ენგელსი, დასახ. ნაშრ., გვ. 72.

СОЦИАЛЬНО-ЭКОНОМИЧЕСКОЕ РАЗВИТИЕ ГРУЗИИ В ПЕРВОЙ ТРЕТИ XIX ВЕКА

(торговля, промышленность)

Резюме

Первая треть XIX в. явилась эпохой политического присоединения Грузии (и всего Закавказья) к России, «экономическое завоевание» (В. И. Ленин) ее осуществилось позже. Следовательно, социально-экономическое развитие Грузии в данный период все еще шло прежними путями, однако прогрессивный исторический акт присоединения Грузии к России принес в страну мир и открыл возможности относительно свободного развития экономики, что проявилось в развитии торговли и обрабатывающей промышленности.

Грузия к тому времени располагала многовековой традицией торговли, а в XVII—XVIII вв. здесь сформировался многочисленный класс купцов, игравший весьма значительную роль в переднеазиатской торговле и благодаря этому даже в период крайне бедственного политического состояния Грузии сохранявший большие экономические возможности.

Уровень общественного разделения труда и степень развития торговли и купечества создали предпосылки для расширения узкого местного рынка и заложили основу для складывания общенационального рынка.

Имеющийся материал со всей убедительностью свидетельствует о том, что уже в первой четверти XVIII в. начался процесс формирования единого общегрузинского рынка. Этот процесс, закончившийся значительно позже, к концу XIX в., в рассматриваемый период получил серьезный толчок к развитию. Расширение торговых связей и рост товарного производства, ускоряли процесс складывания хозяйственной специализации отдельных районов и провинций Грузии в зависимости от природно-климатических особенностей страны. Во внутреннюю торговлю были втянуты и, следовательно, в той или иной мере принимали участие в процессе формирования единого грузинского рынка все провинции

Грузии, в том числе и отдаленные горные провинции, и провинции, отторгнутые от Грузии политически.

В Грузии по традиции торговля не являлась привилегией какого-либо одного общественного слоя. Правда, в ней большой удельный вес приходился на «мокалаке» (привилегированный слой торожан), однако юридически это узаконено не было. В условиях формирования единого национального рынка данное обстоятельство способствовало включению в торговлю представителей разных слоев общества. Особенно возросло число купцов из крепостных, церковных и государственных крестьян.

Детальное изучение документального материала показывает безосновательность утверждения ряда авторов о том, что грузинское купечество в рассматриваемый период располагало малым капиталом. Вместе с тем, в связи с быстрым увеличением общего числа торгующего элемента и невиданным прежде размахом внешней и внутренней транзитной торговли происходила глубокая имущественная дифференциация среди торгующих. Часть лиц начинала заниматься торговлей с весьма незначительным денежным капиталом, а порой взятым в долг, чему способствовали разнообразные формы кредита и древние традиции торговых товариществ, которые оказывались эффективной формой вовлечения в торговлю новых общественных слоев.

Торговля в Грузии в рассматриваемый период отличалась весьма сложной организацией: она включала торговые и кредитные товарищества разного характера, систему предложения и транспортировки товаров и т. д. Перевозка товарной продукции являлась развитой отдельной отраслью хозяйства.

Развитию внешнеторговых связей Грузии способствовало ее географическое положение. Грузия вела оживленную взаимовыгодную торговлю с центрами Ирана и Турции, а через них и с другими странами Ближнего Востока, а также и с Европой. Вывозилась разнообразная продукция местного производства, а также широкий ассортимент перевозных товаров. Из иранских городов ввозились разнообразные изделия, но особенное место в импорте занимал хлопок и синяя краска, являющаяся необходимым сырьем для местной текстильной промышленности.

В больших масштабах велась торговля и с различными торгово-ремесленными центрами Турции, однако она носила двоякий характер: Восточная Грузия вывозила на турецкие рынки как местную, так и привозную продукцию, а импортировала товар как собственно турецкого, так и азиатского и

европейского производства. Таким образом, для Восточной Грузии торговля с Турцией имела позитивное значение, в Западной же Грузии, ввиду нестабильности политического положения и еще сохранившейся варварской традиции торговли пленными, она играла роль негативного фактора.

В конце XVIII — начале XIX вв. Грузия окончательно вышла из сферы политического влияния Ирана и Турции, однако сохранила с ними торговые связи.

В течение многих веков формировались экономические связи Грузии и с народами Северного Кавказа. Торговля с равнинными областями представляла жизненную необходимость для горских народов, что в свою очередь создавало основу экономического влияния на жителей гор. Расширение товарообмена и начавшийся процесс складывания общегрузинского рынка способствовали постепенному вовлечению в единый процесс товарообмена и соседних народов Северного Кавказа.

С тех пор как в результате установления турецкого господства в Передней Азии Грузия оказалась в мусульманском окружении, особое значение для страны стали приобретать экономические связи с Россией, которая постепенно и энергично приближалась с севера под флагом православного христианства и европейской цивилизации.

В конце XVIII — начале XIX вв. торговля с Россией имела важнейшее значение не только в силу жизненно необходимого для Грузии импорта (русского и, через Россию, европейского), но и благодаря широкому экспорту в Россию и на Северный Кавказ местной, в основном текстильной продукции. Так, например, сохранившиеся материалы моздокского карантинного ведомства дают возможность установить, что только за 1803—1815 гг. количество вывезенного этим путем различного текстиля возросло в пять раз. По предварительным подсчетам к 1815 году через Моздок и Кизляр было вывезено около 2,5—3,5 млн. аршин разных, в основном, бумажных тканей. Как свидетельствуют документы, объем вывозимой текстильной продукции неуклонно возрастал почти до конца 20-х годов XIX столетия. Текстиль был в основном местного производства и через Моздок и Кизляр поступал не только в окраинные провинции, но и на рынки внутренних губерний. В торговле с Россией активно участвовали все провинции Грузии, в том числе и Западной Грузии.

Русско-грузинская торговля в основном осуществлялась за счет грузинского купеческого капитала.

Введенный в 1821 г. льготный транзит в Грузию, явившийся элементом колониальной политики царизма, открыл

широкий доступ европейским товарам, что к концу 20-х годов привело к значительному сокращению текстильного производства и торговли с Россией.

Развитие вывозной торговли обуславливалось высоким уровнем товарного хозяйства и стимулировало его дальнейшее развитие.

В рассматриваемый период отмечается качественный и количественный рост грузинского ремесленничества, имеющего многовековую традицию. Так, например, по переписи 1808 года, в г. Тбилиси насчитывалось 930 семейств, занимающихся ремеслом 52 видов, а в 1823—1824 гг. было уже 2472 семьи и 67 отраслей ремесла. В г. Гори в 1804 г. зафиксирована 121 семья, занимавшаяся 21 видом ремесла, а в 1818 г. число различных практиковавшихся ремесел увеличилось до 33 при 186 семьях ремесленников.

Рост численности горожан значительно опережал темпы роста сельских жителей, что приводило к повышению удельного веса промышленного населения за счет уменьшения сельского населения.

Процесс распада и трансформации средневекового ремесла, начавшийся еще в XVIII в. и выразившийся в проникновении в него товарного хозяйства и в резкой имущественной дифференциации ремесленников, на основе которого появлялись расширенные мастерские, использующие наемный труд, в рассматриваемый период приобретал все больший размах. На этой основе возникали капиталистические предприятия типа простой кооперации и даже мануфактуры.

Цеховая организация, отличавшаяся менее жесткими формами регламентации и ограничений, на первых порах (до определенного момента) не противоречила зарождению новых капиталистических форм производства, однако по мере интенсификации процесса становления новых производственных отношений конфликт между цехами и внецеховым производством, вставшим на капиталистический путь развития, все больше обострялся и нередко выливался в ожесточенную классовую борьбу. Сама цеховая организация постепенно также претерпевала определенную трансформацию, а в наиболее революционной отрасли — в текстильном производстве — она распалась при первом же столкновении с мануфактурой.

Характер развития и протекающие изменения наиболее четко можно проследить на примере текстильного производства — самой распространенной отрасли промышленности Грузии в рассматриваемый период.

Ткацкое производство Грузии, ведущее место в котором

занимала обработка хлопка, отличалось сосуществованием докапиталистических и капиталистических форм (домашнее производство, ремесленничество, кустарное производство, простая кооперация, мануфактура). Вместе с тем, ввиду того, что текстильное производство в основном пользовалось привозным сырьем, удельный вес домашнего производства (в его чистом виде) в нем был сравнительно незначительным, и оно находилось в процессе распада.

О высоком уровне развития выработки тканей из хлопка в рассматриваемый и предшествующие периоды свидетельствует тот факт, что налог на производство красных тканей различного оттенка («бечдис иджара») был одной из основных статей государственного дохода Грузии.

О высоком уровне ткацкого производства говорит и большое число ткацких мастерских. По официальным данным, число их за 1819—1827 годы с 480 возросло до 1551, т. е. прирост составил 323%.

В системе ткацкого производства и во всей экономической жизни страны анализируемого периода важное место занимали красильни и красильное дело, оценка которого, принятая в настоящее время в грузинской историографии, требует уточнения. Выясняется, что государственная монополия распространялась не на всякое крашение, как это считалось прежде, а только на окраску в синий цвет. Она охватывала не отдельные красильни, а определенные регионы, имела форму территориальной монополии (привилегии). Число регионов колебалось от 120 до 130, число же отдельных конкретных красильных было значительно больше. В это число не входят красильни, где окрашивание велось в другие цвета, которые не входили в монополию. Таким образом, число красильных только в Восточной Грузии, по всей вероятности, превышало 250—300 единиц.

Анализ и сопоставление данных разного рода показывает, что к 1809 г. (именно для этого времени возможны подсчеты) в Восточной Грузии изготовлялось примерно 20—22 млн. аршин хлопчатобумажной ткани, а в последующий период, по крайней мере до конца 20-х годов, производство неуклонно возрастало. Есть все основания предполагать, что в 1825—1827 гг. оно удвоилось и достигло 40—45 млн. аршин. Рост производства сказался и на экспорте. Существующие документы показывают, что в 1811—1815 гг. объем текстильной продукции Грузии, прошедшей через моздокский карантин, увеличился на 390%.

Рост производства, естественно, был невозможен без увеличения числа занятых в нем работников. В условиях

крепостничества потребность в свободной рабочей силе покрывалась из различных источников. В результате нерентабельности разваливавшегося феодального сельского хозяйства часть крестьян с разрешения помещиков официально включилась в обрабатывающую промышленность. Еще интенсивнее было отходничество в результате классовой борьбы (в особенности из Западной Грузии). Бежавшие от непрерывно усиливавшейся эксплуатации крепостные крестьяне в основном укрывались в городах и торгово-промышленных центрах Восточной Грузии и включились в обрабатывающую промышленность в качестве свободной рабочей силы. Сюда же включался и многочисленный христианский элемент из соседних стран, бежавший от национального и религиозного угнетения и т. д. В результате всего этого в стране складывался определенный контингент свободной рабочей силы.

Масштабы ткацкого производства и рост товарного хозяйства явились предпосылкой зарождения капиталистических отношений в данной отрасли промышленности. В нем прослеживаются оба классических пути перехода от феодализма к капитализму: 1) ремесленный производитель становится купцом и непосредственно производит большую массу продукции на продажу; 2) купец непосредственно подчиняет себе производство.

Имеющийся документальный материал дает возможность установить не один пример возникновения капиталистических форм производства первым из указанных путей, приводившим к появлению централизованных мануфактур; однако политическое и социальное положение страны во второй половине XVIII века и частично в начале XIX в. (крепостной строй, политическая нестабильность, нашествия агрессивных соседних государств и набеги горских феодалов) обусловили появление капиталистических промышленных предприятий вторым путем, ведущим к формированию в основном рассеянной (разрозненной) мануфактуры.

В рассматриваемый период рассеянная мануфактура стала основной формой капиталистического производства в Грузии. Централизованные же предприятия являлись центральными мастерскими в системе рассеянной мануфактуры.

Развитие товарного хозяйства, характер внутренней и внешней торговли, расширение узких внутренних рынков и интенсивный процесс складывания общенационального рынка, разложение феодальных форм производства и вторжение в них новых капиталистических отношений, упадок и порой полное исчезновение цехов, господствующая роль рассеянной мануфактуры наиболее распространенной отрасли

промышленности (текстильной) и ряд других факторов наглядно свидетельствуют о том, что в первой трети XIX в. в промышленности Грузии протекал процесс становления и укрепления капиталистического уклада.

Это чрезвычайно важное явление нашло отражение в политической, социальной и культурной жизни страны, что привело к небывалому обострению классовой борьбы, подорвало экономическое положение господствующих классов и побудило часть их представителей включиться в торгово-ремесленную деятельность; возникла антикрепостническая, антифеодальная идеология, нашедшая отклик в литературе, в частности в литературе нарождавшегося критического реализма и т. п.

შ ი ნ ა ა რ ს ი

შესავალი	3
I. საშინაო ვაჭრობის განვითარება	15
1. ვაჭრობის განვითარების ტრადიციები	15
2. სავაჭრო ბურჟუაზიის ჩამოყალიბების პროცესის თავისებურებები	22
3. ადგილობრივი ბაზრის გაფართოება. ეროვნული ბაზრის ჩამოყალიბების დასაწყისი	31
4. სხვადასხვა კუთხეებს შორის საქონელგაცვლა და სამეურნეო სპეციალიზაციის ჩასახვა	44
5. ვაჭრები, რაოდენობრივი ზრდა და სოციალური შემადგენლობა	57
6. ვაჭართა ქონებრივი მდგომარეობა. ვაჭრული კაპიტალი	68
7. კრედიტი და სავაჭრო ამხანაგობები	77
8. ვაჭრობის ორგანიზაცია	86
II. საგარეო ვაჭრობა XIX ს. პირველ მესამედში	93
1. ვაჭრობა ირანთან და თურქეთთან	93
2. კავკასიის მთიანეთთან საქართველოს ეკონომიკური ურთიერთობის ხასიათი	107
3. რუსეთთან სავაჭრო კავშირურთიერთობის ზრდა	121
4. საქონლის გატანა. გატანილი პროდუქციის მოცულობა	129
5. გატანილი საქონლის სადაურობა	143
6. შეღავათიანი ტრანზიტი და მისი გავლენა ქვეყნის ეკონომიკაზე	152
III. ცვლილებები ქართულ ხელოსნობაში XIX ს. პირველ მესამედში	169
1. ხელოსნობის განვითარების ხასიათი	170
2. სასაქონლო წარმოების ჩამოყალიბება	187
3. ქონებრივი დიფერენციაციის გაჩენა ხელოსნობაში	194
4. სახელოსნოთა გაფართოების ტენდენციის ზრდა	203
5. დაქირავებული შრომის გამოყენების გავრცელება	208
6. შრომის დანაწილება სახელოსნოში. მანუფაქტურა	211
7. ამქრული ორგანიზაცია და მისი გავლენა ხელოსნობის განვითარებაზე	226
IV. საქართველოს საფეიქრო წარმოება XIX ს. პირველ მესამედში	239
1. საოჯახო წარმოების რლევა	239
2. საფეიქრო წარმოების განვითარების ტრადიციები	244
3. სამღებროები და სამღებრო საქმე	250
4. საფეიქრო საწარმოთა რაოდენობა. წარმოების მოცულობა	286
5. მუშახელი საფეიქრო წარმოებაში	298
6. პირველი ცვლილებები წარმოებით ურთიერთობებში	309
7. სავაჭრო კაპიტალი საფეიქრო წარმოებაში. პროდუქციის ნედლეულზე გაცვლის წესი	317
8. ცვლილებები პროდუქციის ნედლეულზე გაცვლის ტრადიციულ წესში	321
9. შემსყიდველის გადაქცევა მრეწველ კაპიტალისტად	327
10. სავაჭრო კაპიტალის ბატონობა საფეიქრო წარმოებაზე. მანუფაქტურა	331
11. მანუფაქტურის ფორმები	337
12. დანაწევრებული მანუფაქტურის ცენტრალური სახელოსნო	343
მოკლე დასკვნები	351